







68. 9. 31.

1674-1531

Gen (de) A

1695-1558

# DE IVSTA

HAERETICO-

RVM PVNI-

TIONE,

LIBRI III.

F. ALFONSO A CASTRO

Zamorensis, ordinis Minorum, regularis

Observantiæ, provinciæ sancti Ia-

cobi, authore, nunc recens

accuratè recogniti.

*His rerum præcipuarum accessit in-*  
*dex locupletissimus.*



LVGDVNI,

Apud hæredes Iacobi Iuntæ.

M. D. LVI.



## LECTORI S.

Obsecro te, candide lector, ut nolis de opere hoc ex sola illius superscriptione censere, putans res solas vulgares, & forenses in illo tractari, quales sæpe ab alijs de eadem re differentibus tractari solent. Multò enim plura habet hoc opus in recessu, quàm in fronte promittat. Quoniam non soli Iurisperiti: sed etiam Theologi multis in locis ex eo proficere possunt, prout auctor in operis Præfatione admonet. Si periculum feceris, non dubito, quin opus ipsum probes, & maioribus, quàm ego laudibus extollas. Lege ergo feliciter, & nostris laboribus faueto.

# INVICTISSIMO,

ATQVE CHRISTIANISSIMO Carolo huius nominis Quinto Cæsari semper Augusto, Hispaniarumque Regi Catholico eiusdem nominis primo, Frater Alfonso à Castro Zamorensis, ordinis minorum æternam optat felicitatem, perpetuamque de hostibus victoriam.



*V* M<sup>e</sup> mecum ipse cogito, Christianissime Cæsar, & ad hoc miserabile seculum mentem, atque animum refero: non possum non ingemiscere, & à gemitu cordis rugire, videns tot, talesque hereticos hoc seculo prodisse, qui plurimum negotij viris doctis, atque adeo toti Ecclesia faceffunt, ut nunquam tam multos, aut tam truculentos ecclesia perpeffa fuerit hostes. Tanta enim est istorum nocendi cupiditas, ut nihil sit à summo usque deorsum, cui detrabere non conentur. Neque enim Deo, nec Virgini eius matri, nec apostolis, aut euangelistis, nec reliquis sanctis, nec toti denique militanti ecclesia, quæ Christi est unica spensa, parcere volunt: sed contra eorum quenque impudenti temeritate oblatrant, & dente canino illum mordere nituntur. Hoc autem non leui animo, aut negligenti, & ignauo sunt facere aggressi: sed tanquam rabidi, & famelici canes omnia tentarunt, nullum.

que non mouerunt lapidem, ut quod mente conceperant scelus, opere perpetrarent. Vix enim ullum est tam turpe, aut execrandum, aut pestiferum, abominabileque dogma ab antiquis hareticis probatum, quod & si longissima obliuione sepultum, isti haretici non sint suscitare conati, si inde telum aliquod se captures sperarūt, quo ecclesia catholica, aut summo illius præsidi utcunque incommodare possent. Primum Petri negant, omnibus christianis sacerdotia sine discrimine tribuunt. Sacerdotes omnes pares episcopis faciunt. Antiquas omnes ecclesia ceremonias ab ipsis apostolis traditas, & ad hoc usque seculum seruatas tollunt; & nouas quasdam ab illis excogitatas inuehunt. Sacramenta ecclesia minuunt, quo pauciora peccatorum antidota illa retineāt. Ut autem nihil utile se ecclesia detraxisse persuaderent, sacramentorum virtutem, atque potetiam negantes venenum veneno addiderunt. Totius cleri cœlibatum tollunt. Vota omnia Deo facta violare docent. Omnem monachatus religionem ab ecclesia reijciunt. Omnes laudes, quas voce, aut musicis instrumentis ecclesia in templis Deo dicatis, statis horis Deo cantare solebat, à suis templis procul relegarunt. Hic denique unus eorum omnium scopus fuit, ut totum ecclesia ordinem à Christo ipso saluatore nostro institutum, & ab eius apostolis ad hoc usque seculum obseruatum euertere possent, & novam quandam nobis fingerent ecclesiam, talem, ac tam male institutam, tamque deformem, ut tu christianissime Imperator pro tua prudentia, & bonitate, non patereris talem esse ullam quamlibet rem-  
publi

publicam tibi subiectam. Quod autem tam anxie optauerunt, Deo permittente, & damone illorum parte improbe solitante, magna ex parte (proh dolor) affecuti sunt. Nam virulentum eorum dogma, quod Paulo teste, ut cancer serpit, tam sene, atque potenter grassatum est, ut vix ulla sit iam christiani nominis provincia, cuius pars aliqua non sit hac peste infecta. Vt autem his tam truculentis, & mortis audis hostibus occurreretur, multi viri catholici, & docti ex toto orbe christiano se opposuerunt pro mutro ecclesie, qui verbo, & scripto contra mortiferas eorum doctrinas acerrime pugnauerunt. Scripsit primus omnium vir doctissimus Ioannes Echius multa contra illos volumina, qui etiam cum ipso huius factionis principe Luthero primus etiam publice disputauit. Scripsere deinde Ioannes Faber Viennensis episcopus, Gaspar Sagerus ordinis minorum, Ioannes Cochleus, Conradus Kolin Vlmensis, Ioannes Deitembergius, Conradus Vuimpinensis, Hieronymus Enser, Ioannes Mensingus, alique multi Germani scripsisse feruntur, quos nec nomine noui. Neque soli Germani, apud quos primum hac pestis est orta, contra hos hereticos scripserunt. Sed ex omni natione, quae Christum agnoscens ab illo nomen accepit, multi viri doctissimi cateruatim contra hos perniciosissimos ecclesie hostes plurima, & varia volumina ediderunt, quibus multa dexteritate ab huiusmodi perduellionum impetu furioso ecclesiam catholicam propugnare, defendere, atque dilatare conati sunt. In Germania siquidem inferiori, quae superiori proxima est, Iacobus Latomus, Albertus Pighius, Iacobus Hoch-



stratenſis ordinis prædicatorum, & alij multi ſcripſe  
re, quorum omnium catalogum texere, faſtidioſum  
eſſet. In Anglia ſcripſit primus ipſe Rex Henricus  
huius nominis octauus, qui ſi recte ſibi conſuluſſet, à  
recta, quam tunc cognoscebat, fide nunquam defe-  
ciſſet. Poſt Regem ſcripſit Ioannes Fiſcherus tunc  
Roſſenſis epiſcopus, & Poſtea S. R. E. præſbiter Cardi-  
nalis: vir ſanctitate perinde ac doctrina clarifiſimus,  
dignus certe, qui inter ſanctos martyres recenſeatur,  
quem ſenio confectum ſcimus pro fide Catholica li-  
benti, & alacri animo ceruicem gladio ſuppoſuiſſe.  
In Gallia, quamuis ipſe non Gallus, Iodocus Clitbo-  
uenſ Neoportuenſis multa volumina contra recen-  
tes hæreticos ſcripſit. Poſt illum Hieronymus ab Han-  
geſt, Nicolaus Grandis ordinis minorum in commenta-  
rijs quæ edidit ſuper epiſtolã ad Rom. & ſuper epiſto-  
lam ad Heb. alijsq; multi ſcripſere. In Italia primus,  
quem ſciam, ſcripſit Sylueſter de Prierio magiſter  
ſacri palatii. Poſt iſtum Ambroſius Catharinus Se-  
nenſis, ambo ex ordine prædicatorum, Albertus  
Pius olim Carporum comes. Ex Hiſpaniſ, eo quòd na-  
tioni huic ſatis bene alioqui proſpectum erat, & cau-  
tum, pauci hætenus, doctiſſimi tamen, contra hos hæ-  
reticos ſcripſerunt. Dominicus Soto ex ordine prædi-  
catorum, qui cathedram Theologia in inſigni Salman-  
ticenſi gymnaſio, ante multos annos perpetuo regen-  
dam ſucepit, in Tridentino concilio quo ex mandato  
tue Cefaræ maiestatis nunc agit, opus inſigne de na-  
tura, & gratia contra hos recentes hæreticos edidit.  
Andreas de Vega ordinis minorum, vir trium lin-  
guarum peritus, in hoc etiam concilio Tridentino ad  
quod



quod ex mandato Serenissimi Philippi tuæ Casaræ  
Majestatis primogeniti simul mecum fuit destina-  
tus, librum de fide iustificante multa doctrina refer-  
tum aduersus Lutheranos edidit. Ego demum isto-  
rum omnium minimus magnum quoddam opus an-  
te aliquot annos edidi, in quo omnes hæreses, quæ à  
Christi saluatoris nostri in cælos ascensione ad hoc us-  
que seculum Ecclesiam inuasèrunt, congesti contra  
illas omnes singulatim disputans, illarumq; omnium  
primos Duces, atq; parentes prodens: ut vel sic omni-  
bus palam facerem, recentes hereticos à seculis olim  
ab ecclesia reiectis suas hæreses hausisse. Verum & si  
ab his omnibus, alijsq; multis doctissimis viris tam dex-  
tre pugnatum sit, ut plane, & aperte de his Ecclesiæ  
hostibus triumphauerint, nunquam tamen hi resipue-  
runt, aut insanire desierunt. Quoniam tanta est illo-  
rum obstinata impudètia, & impudens obstinatio, ut  
quauis aperte victi nunquam tamen cedere voluerint,  
imò potius duriores inde effecti, & in sua sententiâ per-  
tinaciores insantiâ suâ indies auxerunt, tam nouasq;  
diuersas quotidie inducendo doctrinas, ut nihil aliud  
illos excogitare merito credamus, quam quomodo eo-  
rum quilibet plus possit Ecclesiæ nocere. Nam & si inter  
illos sepe (ut solent semper fuit hæreticis) de doctrina  
non cōueniat, adeo ut plus alter eorum ab altero distet,  
quam uterq; illorum ab ecclesia: de hac tamen re inter  
eos omnes cōuenit, & hæc amicitia inter eos ineunda  
potissima causa, & pars amicitia fortissimum vin-  
culum, si summo Ecclesiæ præsidi simul omnes detra-  
hant, illius potestatem eneruent, illius mandatis re-  
luctentur. Isti sunt vere serpentes illi, quos Deus per

*Hieremiam prophetam minatus est se nobis missu-  
rum, quibus ( ut ille ait ) non est incantatio. Nam  
furor istis secundum similitudinem serpentis, sicut  
aspidis surda obturantis aures suas, qua non audiet  
vocem incantantis, & venefici incantantis sapien-  
ter. Cum itaque re ipsa mihi iam bene compertum  
esset, nihil istis blanda prodesse fomenta, necessarium  
esse censi acerbioribus uti medicaminibus, ut iam  
non verbis sed fustibus, & flagellis, & gladijs contra  
illos ageretur, ut poena illos faceret sapientiores, qui  
benignitate illis exhibita abutentes in sua haecenus  
perstiterunt insipientia, & vexatio daret illis intelle-  
ctum, quem nimia mansuetudo prestare non potuit.  
Hanc tamen vexationem haeretici formidantes, ut se  
ab illa eripere valerent astutia serpentina, docuerunt  
illicitam esse haeticorum punitionem, tyrannosq; potius  
quam Reges esse dixerunt eos, qui haeticos puniunt,  
aut poenis, & cruciatibus illos ad fidem tenendam co-  
gunt: Hac enim via putarunt Christianorum Prin-  
cipum animos ab ipsorum punitione detertere, &  
prorsus reuocare: ut vel sic impetrata, aut potius ex-  
torta impunitate liberius quotquot vellent, possent  
verbis, & scripturis haeses docere. Hac igitur causa  
ego motus de poenis, quae haeticis merito debentur lon-  
go tractatu in hoc opere discernere statui, ut Principes  
Christiani de haeticorum punitione bene persuasi,  
nullam illarum poenarum, quasi iura contra haeti-  
cos decernunt, praetermitti patiantur, quin illam  
pertinacibus quibuscunque haeticis, & obstinatis in-  
fligere inbeant: ut poenarum metu illi coerceantur,  
ne similes nouitates, & insanias effutire audeant, &  
sic*

sic tandem à suis erroribus resipiscant. Et si forte illi  
(quod Deus pro sua clementia auertere dignetur)  
Pharaonem imitantes tanquam malleatoris incus  
indurati fuerint: alij tamen (ut credere par est) alie-  
no periculo sapientiores erunt. Hoc autem opus, quod  
iam, Deo authore, ad umbilicum usque perduxì, ti-  
bi soli, Christianissime Caesar, merito dicendum esse  
censui, qui tam feruētē habes fidei catholice zelum  
à maioribus tuis veluti hereditario iure deriuatum:  
ut pro fide tuenda, aut propaganda nullos unquam  
recusaueris quālibet dueros, & immensos subire labo-  
res. Nam ab eo tempore quo primum Imperatorum  
celstudo Christi se subdidit humilitati, & ab illo no-  
men accepit, nullus unquam fuit Imperator (absit  
precor verbo adulationis suspitio) qui pro Christiana  
religionis tutela, & dilatatione tot, tātisque se obiece-  
rit laboribus, etiam si Carolus ille vere Magnus, cui  
tu & sanguine, & patrimonio, & dignitate, & nomi-  
ne succedis, inter eos recēseatur. Plures enim, quā  
ille prouincias pro religione tuenda penetraſti, multo  
pluries maris pericula ob eandem causam nō solum  
tentaſti, sed subiſti. Hostibus Christiana religionis  
multo fortioribus occurrīſti, quā ille unquam fe-  
cit. Per tot varios casus, & por tot rerum discrimina  
pro Christiana religionis tutela intrepidus peruaga-  
ſti, ut Herculem illum, quem poeta monſtrorum do-  
mitorē ſinxerūt multis paraſanguis antecedere mi-  
hi videaris: præſertim cū tu ad domāda ea monſtra,  
que animas trucidare ſolent, illos pertuleris labores,  
quos pro domādis illis, quæ ſolis corporibus nocere po-  
terāt, Hercule toleraſſe Gentiles falſo dixerūt. Hoc

solum in te, & tuis meritis desiderari posse cōsidero, ut gestorum tuorum parem scriptorem haberes, qui digna factis tuis referre valeret, & illorum gloriam posteris suauissime decāaret. Talem, inquam, qualem immerito habuerunt Achilles, & Vlysses: aut talem certe scriptorem, qualem Alexander ille cogno mento magnus ad sui corporis imaginem exprimendam elegit pictorem. Iustum quippe esset, ut tantorum gestorum tuorum imago non nisi ab eloquentissimo poeta, aut oratore depingeretur. Omitto hic Turcam potentissimum, atque ferocissimum Christiani nominis hestem à te apud Viēnam gloriose fugatum, & Tunetum à te sub feruētissimis solis ardoribus expugnatum, & à maribus Barbarossa potentissimi tyranni ereptum, aliásque multas de Turcis, & Sarra cenis terra, & mari per Duces tuos habitas victorias. Ea solum, quæ pro hæreticorū reductione, ut eos ad resipiscētiā, aut alliceret, aut cogeres, patientissime tolerasti, tot, ac tanta sunt, ut immortalē per illa sis iam apud posteros gloriā affecturus, & perpetuam à Deo sis tandem accepturus coronam. Sape enim relicta Christianissima Imperatrice coniuge tua, quæ tibi charissima erat, relicto etiam Hispaniarum potentissimo regno, quod ipsa coniuge, & filiis multo charius esse oportebat, perhorrendas maris tempestates, & asperrima montium itinera Germaniā adisti, ut magnam illius partem, quæ ab Ecclesiā unitate se subtraxerat, eidem reconciliaret. Quā in re illum verum pastorem optime expressisti, atque effigisti, qui non agnita no-



uem oues, quas pascendas suscepserat, in deserto reliquit, ut centesimam, quæ perierat, inueniret. Sapissime pro dissidijs religionis componendis, quæ plurima ubique in Germania scatebant, Comitum, quæ nunc Diatam vocant, ex tota illa inclyt a natione celebrasti: bis, aut ter Vuormatia, bis etiam Augusta, totidem Ratisponæ, & nescio an pluries Spira. In his omnibus vere christianum agens imperatorem, alio quando illos arguisti: sæpe iuxta Pauli consilium obsecrasti, aliquando cum maxima modestia corripuisti, sperans, ut aliquando Deus illi poenitentiam daret, & sic illi resipiscerent à laqueis Diaboli, à quo captiui tenebantur. Tam modestum quidem te illis tribuisti, ut multis visus fueris nonnihil tuæ Imperiali celsitudini pro illis recuperandis detraxisse. Sed qui hoc tibi, Christianissime Caesar, exprobrabant, non attendebant quanta sint tolleranda, ut errabunda ouis inueniatur, & ad gregem, unde nescia discesserat, reducat. Verum hi, pro quibus tu illorum saluti consulere optans, tot, tantæque perpeffus es, ut nihil, quod Christianum Principem deceret, omisisse videaris, beneficium non agnouerunt: sed benignitate tua abutentes in peius quotidie profecerunt. Nam qui antea solam Ecclesiæ potestatem negabant, & solum illius iugum, quod diu antea portauerant, à se excusserant, post modum ad tantam rebellionem proruperunt, ut tibi ipsi de illis optime merito, & cui se firmissimo sacramento ad obedientiam obstrinxerant, tam impudenter pro multis alijs rebus, & pro Christiana potissimum religione multi ex illis rebellarent, ut non sint veriti aduersus tuam imperialem Maiestatem exercitum cogere, & te ad publicum

certa

certamen prouocare. Hanc autem tantam ferocissimam gentis rebellionem, tanta prudentia, & fortitudine repressisti, ut gloriosum de illis omnibus sis assequutus sine sanguine Triumphum. Illa enim semper apud omnes fuit gloriosior, & celebrior habita victoria, quæ fuit minus cruenta. Optimam igitur perpetuæque laude dignam, inuictissime Cæsar, adeptus es nunc de hostibus victoriam, qui primis huius rebellionis Ducibus vi, & armis captis, reliquos omnes, ut præterita coniurationis veniam supplices peterent, & insioni tuæ humiles parerent, sine sanguinis effusione coegisti. Reliquum est, ut illos omnes ad gregem Dominicum unde discesserant, redire: & iugum Ecclesiastica obedientiæ, quod diu ante reiecerant, subire cogas: & pœnis urgentibus illos in suscepta semel fide perpetuo contineas, prout Hispanos gentem non minus liberam, atque ferocem in tuâ obedientiâ, & vera fide catholica hætenus seruasti. Precor tamen Cæsaream Maiestatem tuam, ut hæc non ideo à me dicta esse putes, ut meis adhortationibus te quasi nolentem trahere velim: sed ut ultro currenti calcaria addam. Ut autem hoc, quod optamus, facile præstare possis, nobis omnibus incumbit Deum precibus sollicitare, ut te diu incolumen seruet, tuisque sanctis conatibus, ut hætenus fecit, semper fa-

ueat. Vale Christianissime Cæsar, & ut meum

hunc laborem boni consulas, oro. Ex tua

Salmantica, decima octaua die

Octobris. Anno

Domini

1547

# TESTIMONIUM

## EXAMINATIONIS,

& approbationis huius ope-  
ris factæ per Ordina-  
rium Salmanti-  
censem,



Vm huius libri, de iusta hæreticorum pu-  
nitione inscripti, censuram, admodum  
Reuerendus Doctor Quodorniga, huius  
Salmantina diocesis Vicarius, & Offi-  
cialis ordinarius, meæ concediderit Fidei, ac proinde  
eundem Librum uiderim, perlegerim, ac plene excusse-  
rim, affirmo, testimoniôque meo declaro omnia in eo  
tradita pia esse, orthodoxam Fidem stabilientia, atque  
contrarias hæreses stirpantia, mores insuper synceros  
instituentia: oppositos uero radicitus euellentia. Quæ  
omnia ad hunc maxime scopum miro sunt ingenio perfe-  
cta, atque diligenti industria elaborata. Vnde tantum  
abest quidquam in eo esse Catholicæ fidei, Christianæ-  
ue religionis pietati, aut sanctis moribus, uel repugnans,  
uel dissonum: ut ab omnibus probandus sit iure optimo  
liber iste, & accipiendus: quippe qui & in fide con-  
stantes, & firmos teneat, & firmiores reddere ualeat,  
uacillantes uero, ac deuios confirmat, ad rectumque iter  
reducit; maxime tamen eis, quibus ueræ Fidei est de-  
mandata inquisitio, utilis est, ac plane necessarius.  
Nempe eosdem instruit, necnon qua ratione officium  
suum iuxta diuinas regulas peragendum sit, singulari  
quadam dexteritate, & perspicuitate eis indicat, & ue-  
lut digito demonstrat. Ecclesiasticos etiam Principes,  
pariter

pariter & omnes animarum curam agentes, instituit,  
insuper & eorum graue, & maximum onus ob oculos  
ponit, modum deinde, quo plene suo possint satisfacere  
officio, aperte docet. His adde, quod & concionatores  
uerbi Dei grauitè, & sapienter admonet, quo pacto  
officio prædicationis illis commissso ( prout iuxta sacras  
regulas tenentur) respondere possint ut animarum salu-  
ti, quàm potissimum optare debent, Deo adiutore pro-  
spicere possint. Quod sane testimonium, quoniam  
uerum est, subscriptione manu meæ confir-  
mare decreui. Datum Salmanticæ  
tertia die mensis Iunij. An-  
no Domini

1547.

Magister Franciscus Sancho, Cathe-  
draticus Salmanticensis.



TESTIMONIUM EXAMI-  
nationis & approbationis huius ope-  
ris factæ per Ministrum Gene-  
ralem Ordinis Mi-  
norum.



**I**N Christo sibi charissimo, Vene-  
rando Patri Fratri Alfonso de Ca-  
stro, ordinis minorum, Obseruan-  
tiæ regularis, prouinciæ diui Iacobi,  
prædicatori, ac lectori eruditissimo, Patrique  
probatissimo, Frater Ioannes Caluus totius  
eiusdem ordinis generalis Minister, ac seruus,  
Salutem in salutis ipsius Autore, Domino Iesu  
Christo,

Tanta est ingenij tui facunditas, & vbertas, vt  
continuis lucubrationibus, studiis, ac compo-  
sitionibus vacans, noui indies aliquid in lucem  
edere studeas. Cum igitur volumen quoddam,  
tres libros complectens, quos De iusta hæretico-  
rum punitione inscripsisti, insuper compilaue-  
ris, ipsūque ad Dei oprimi maximi honorem,  
Christianæ totius reipublicæ, ac nostræ Franci-  
scanæ religionis decus, ac communem legentium  
vtilitatem, typis excusum in lucem prodire cu-  
pias, Nos, qui præfatum volumen venerando  
Patri Fratri Andræ de Vega, prælectori Sal-  
manticensi doctissimo, examinandum dedimus,  
ipsūque (vt ipse nobis retulit) in omnibus, &  
per omnia Catholicæ, ac orthodoxæ patrum do-  
ctrinæ consonum ac conforme comperimus,  
tan

tantum thesaurum haftenus absconditum, diu-  
tius latere nolentes: vt nobis ipsis ac tibi morem  
geramus, harum serie literarum, cum salutaris  
obedientiae merito, copiam tibi facimus vt me-  
moratum volumen impressioni tradere  
queas. Vale in Domino, ac ipsum  
pro nobis deprecare. Da-  
tis Tridenti, Die 27.

Iulij. Anno


1546.

*Frater Ioannes, qui supra  
manu propria.*

F. FRANCISCVS MENE-

sius fratri Alfonso à Castro patri perquàm  
Reuerendo ac eruditissimo

S. P. D.



*V M Vidissem iam pridem  
neq<sup>3</sup> indiligenter euoluisseni  
opus illud tuum mirabile  
aduersus omnes hareses toto  
iam orbe celebratum, varijsq<sup>3</sup> typis ex-  
cusum, Alfonse Pater longe doctissi-  
me, cæpi nunc legere recentiorem hunc  
librum quem De iusta hæreticorum pu-  
nitione inscripsisti, mecumq<sup>3</sup> mirari cum  
laboris fidui pertinacem constan-  
tiam, tum fidelis animi piam destina-  
tionem, deinde ordinis sibi non disso-*

nam congruentiam , postremo velut  
cæterorum condimentum festiuissima  
phræseos cultum atque politiem. Id-  
circo autem cæpisse me dixerim: quod  
hisce delicijs forinsecus oblectatus , ope-  
ris adyta atque profunda penetrare  
ausus non fuerim. Quippe quæ præter  
theologicam maiestatem , insignem  
quendam utriusque iuris peritum , at-  
que in disciplinis alijs non segniter  
exercitatum vehementer efflagitant.  
Cuiusmodi viro , ubicunque tandem  
is inueniri possit , reliqua omnia & ex-  
pendenda & ebuccinanda relinquo.  
Nam , ut de una solummodo parti-  
cula , hoc est præfatione nonnihil at-  
tingam , quomodo ego dicam , quàm  
decenter in fronte ipsa Cæsaream ma-  
iestatem compellas ? Quàm acute hæ-  
reticorum omnium mentes denudas ac  
detegis ? Quàm diligenter , è diuersis  
mundi

mundi partibus Veritatis defensores  
colligis, suis dotibus, atque titulis sin-  
gulis distributis? Quàm honorifice at-  
que reuerenter Imperatoria gesta com-  
memoras? Quàm piè atque prudenter  
eiusdem maiestatis precedentem pro-  
cessum vel excusas vel interpretaris,  
vel quod tibi ¶ ipsi Veritati magis  
arridet, libenter collaudas? Quàm ef-  
ficaciter tandem ad futuram execu-  
tionem incitas atque hortaris? Non  
immerito ergo sapientius trutinanti ca-  
tera missa facimus. Verum, ut par-  
tes meas intactas non prætermittam,  
omnino te ô Franciscanæ militiæ adiu-  
ratissime cataphractæ, mactæ, rerum  
ingentium præstantissime auctor, or-  
thodoxæ fidei propugnator inuictæ, per-  
fidie sacrilegæ vniuersalis destructor,  
impietatum cunctarum acerrime con-  
futor, te inquam Dominicæ vineæ

operosissime cultor, monere, hortari, ob-  
testarique non desinam, ut præclaris  
istiusmodi facinoribus semper incum-  
bas: quo & polorum celsa tibi feliciter  
comparare, & religioni nostræ  
sanctissime splendorem  
non vulgarem cu-  
mulare iugi-  
ter queas.  
Vale.



i, ob-  
claris  
cum-  
iciter  
&

# INDEX CAPITV- LORVM OMNIVM RE-

RVM, QVAE IN TRI-  
bus huius operis libris  
pertractantur.

*Primus numerus capit , secundus  
paginam indicat.*

## Capitula primi Libri.



VID sit hæresis. cap.j. pag.7

De malitia hæresis quanta sit. cap.ij.

pag.18

De differentia inter propositionem hæreti-  
cam & erroneam , & temerariam & scan-  
dalosam , & alias simulis notæ propositiones. cap.iiij.

pag.23

De multiplici via per quam conuinci potest, aliquam pro-  
positionem esse hæreticam. cap.iiij. pag.31

Quis potest de hæresi iudicare , & sententiam , cui omnes  
teneantur obedire,ferre. cap.v. pag.42

An Papa possit alicui committere potestatem censendi de  
fide , ita vt ea quæ à legato Papæ fuerint circa fidem de-  
finita , sint ab omnibus pro vera fide tenenda. cap.vj.

pag.52

Quis sit dicendus hæreticus. cap.vij. pag.69

De solutione quorundam dubiorum , quæ ex dictis in præ-  
cedenti capitulo oriuntur. cap.vij. pag.79

Quid sit pertinacia & quis sit pertinax censendus, vt per hoc  
merito hæreticus possit censi. cap.ix. pag.85

Qualis debeat esse legitima admonitio , vt qui illam con-  
temperit, sit merito pertinax censendus. cap.x. pag.94

De protestatione fidei ante assertionem hæresis ab aliquo  
facta, an valeat ab hæreseos nota illum liberare. cap.xj.

pag.104

De blasphemis an sint hæretici censendi. cap.xij. pag.111

De sortilegis & auguribus aliisque diuinatoribus , an sint

- hæretici censendi. cap. xij. pag. 119  
 De magis an sint hæretici dicendi, & velut tales puniendi. cap. xiiij. pag. 126  
 De maleficis an sint hæretici dicendi, & velut tales puniendi. cap. xv. pag. 138  
 De lamiis & strigis, an sint hæreticæ censendæ. cap. xvj. pag. 150  
 De credentibus, receptatoribus, fautoribus, & defensoribus hæreticorum, an sint hæretici dicendi & velut tales puniendi. cap. xvij. pag. 164  
 Quod caprus hæreticus nō statim puniendus est, sed emendatio procuranda, & qualiter. cap. xvij. pag. 174  
 Quod non sit publice disputandum cum hæretico, præsertim pertinace. cap. xix. pag. 180  
 Quamuis non sit absolute bonum cum hæretico disputare, est tamen bonum & sanctum contra hæreticos scribere. cap. xx. pag. 193  
 Quod hæreticus si resipuerit, est ab ecclesia misericorditer recipiendus. cap. xxj. pag. 204  
 Quod hæretici primo ad fidem redeuntes, non sunt omnes pariter & cum æquali misericordia recipiendi. cap. xxij. pag. 208  
 De apostatis, an sint etiam cum ad ecclesiam redierint benigne & cum misericordia velut ceteri hæretici recipiendi. cap. xxij. pag. 216  
 Si hæreticus resipuerit, quid ab eo exigendum sit, antequam ad ecclesiæ cōmunionem recipiatur. cap. xxiiij. pag. 222

## Capitula libri secundi.

- Quis merito sit dicendus hæreticus incorrigibilis. cap. j. pag. 229  
 Quod hæreticus relapsus merito censetur incorrigibilis, & quis sit dicendus relapsus. cap. ij. pag. 242  
 Quod iustum sit & necessarium hæreticos punire. cap. iiij. pag. 253  
 Respondetur obiectionibus eorum qui pro hæreticorum impunitate contendunt. cap. iiij. pag. 263  
 De hæreticorum pœnis, & primo de corporalibus, deinde de spiritualibus sigillatim tractatur, & nunc primum de bonorum



- bonorum temporalium confiscatione.** cap.v. pag.271  
**Quod hæreticus à tempore commissi criminis , amittit omnium bonorum suorum dominium , etiam ante iudicis declarationē, fiscus tamen non potest bona apprehendere nisi post iudicis declarationem.** cap.vj. pag.280  
**De secunda hæreticorum pœna, quæ est priuatio cuiuslibet dominij super quoscunque subditos.** cap.vij. pag.292  
**Probaturn manifestis rationibus iustam esse hæreticorum pœnam , de qua in præcedenti capitulo tractatum est.** cap.viii. pag.305  
**De alia hæreticorum pœna quæ est infamia, & de cæteris quæ ex illa sequuntur.** cap.ix. pag.312  
**An iustum sit vt propter hæresum patris filius catholicus puniatur.** cap.x. pag.322  
**Respondetur obiectionibus quæ in principio præcedentis capituli , pro parte contraria propositæ sunt.** cap.xj. pag.332  
**Quod hæretici sunt mortis supplicio puniendi , siue talis mors gladio, aut igne, aut alio quouis modo illis inferatur.** cap.xij. pag.343  
**Respondetur obiectionibus eorum qui docent , hæreticos non esse morte plectendos.** cap.xiiij. pag.357  
**An liceat hæreticos bello oppugnare, postquàm de illorum pertinacia atque rebellionē plene constiterit.** cap.xiiij. pag.369  
**Quod hæreticorū libri sunt comburendi.** cap.xv. pag.390  
**Respondetur aliquibus rationibus quibus aliqui probare nituntur hæreticorū libros esse permittendos.** cap.xvj. pag.403  
**An liceat alicui , cum hæreticorum libros habere potuerit, illos legere.** cap.xvij. pag.415  
**De spiritualibus hæreticorum pœnis : & primo de excommunicatione ex qua oritur altera quæ est priuatio sepultura.** cap.xviii. pag.424  
**An hæreticus possit post mortem excommunicari.** cap.xix. pag.432  
**Respondetur obiectionibus quæ afferri possunt pro his qui docent , hæreticum post mortem posse excommunicari.** cap.xx. pag.439  
**An Episcopus aut quiuis alius sacerdos factus hæreticus, amittat**

- amittat illam ecclesiasticam potestatem, quæ à theolo-  
gis dicitur potestas ordinis. cap.xxj. pag.450
- An Episcopus factus hæreticus, eo ipso amittat potestatem  
ordinis Episcopalis. cap.xxij. pag.460
- An Episcopus effectus hæreticus sit eo ipso priuatus omni  
potestate iurisdictionis, etiam si sit Papa. cap.xxij.  
pag.471
- Respondetur rationibus quæ obiiciuntur ab his qui contra-  
riam tuerentur opinionem. cap.xxiiij. pag.447
- An is qui nouit aliquem esse in hæresim lapsum teneatur,  
etiam non requisitus, illum iudici denunciare, ante fra-  
ternam illius correptionem. cap.xxv. pag.504
- An filius accusans aliquem parentum suorum de hæresi, sit  
ob hoc liberandus ab his pœnis quæ propter parentis  
hæresim sunt illi à iure inflictæ. cap.xxvj. pag.516

### Capitula libri tertij.

- Multas esse vias docetur quibus commode possunt hæreses  
impediri ne oriantur, & de vna illarum specialiter disce-  
ritur. cap.j. pag.543
- De prima extrinseca hæresum causa, quæ est defectus præ-  
dicationis verbi Dei, quæ si tollatur, multæ hæreses de-  
erunt. cap.ij. pag.557
- De secunda causa ex qua hæreses oriuntur, quæ est indiffe-  
rens prædicatio per quoscunque sine vllò discrimine &  
sine vlla examinatione. cap.iiij. pag.569
- De hæresum causa, quæ est negligentia Episcoporum & alio-  
rum ecclesiæ Pastorum. cap.iiij. pag.584
- De quarta hæresum causa, quæ est multorum Episcoporum  
& aliorum sacerdotum indignitas. cap.v. pag.604
- De quinta hæresum causa, quæ est sacræ scripturæ transla-  
tio in linguam vulgarem. cap.vj. pag.619
- De responsionibus quorundam argumentorum, quibus ali-  
qui probare nituntur, bonum esse vt sacræ literæ in lin-  
guam vulgarem transferantur. cap.vij. pag.634
- De vltima hæresum causa, quæ est assidua & incauta in li-  
bris gentilium hominum lectio. cap.viiij. pag.646
- De remedio contra præfatam hæresum causam. cap.ix.  
pag.657

# F. ALFONSI DE


## CASTRO ZAMOREN-

sis, ordinis minorum de obser-  
uantia, in tres libros, quos  
de iusta hæreticorum  
punitioe edi-  
dit,

P R A E F A T I O.



**V**ARIAE sunt & ex diametro pu-  
gnantes de hæreticorum punitioe ab  
aliquibus data censura, quibus etsi  
extrema illa sint & longissima ab a-  
quitate recedentes, patroni tamen non desunt, qui  
nunc illarum ultro suscipiam tutelam, & illis per-  
tinacissimè fauere contentur. Sunt enim aliqui mul-  
tum de Phariseorum supercilio habentes, adeo mo-  
rosi, & intractabiles, ut hæreticos omnes irreconci-  
liabili odio, & sine ulla punitiois lenitate perse-  
quendos esse censeant. Cum aliquem in hæresim la-  
psum esse ceperint, mirum in modum latantur, si-  
cut exultant victores capta præda quando diuidunt  
spolia, & illico impotenti quodam furore agitati, mil-  
le in illum conijciunt conuitia, mille illi in faciem di-  
cunt contumelias, & tandem citissimè illum igni  
tradendum esse decernunt. Hoc enim hæreticorum  
odio quasi quodam certissimo, & indubitato Symbo-  
losæ fidei Catholicæ ardentissimos zelatores, propu-  
gnatoresque constantissimos alijs ostendere conantur:  
tanquam si fides Christiana secum necessario conne-





1. Tit. 2.

xum haberet furorem, & omnē prorsus à se reijceret  
 māsuetudinem, & correctionis lenitatem. Ut tamen  
 hos, qui non vsquequaque à vera iustitia regula ab-  
 errant, aliqua ex parte consolari possim, fatcor qui-  
 dem illos zelum p̄ dei Catholica habere: verū tamen  
 non secundum scientiam illum moderantur, atque  
 temperant. Quia volentes iustitiam suam statuere,  
 iustitia Dei obliuiscuntur. Nam iustitia Dei, quam  
 Paulus docet est, ut cum modestia corripiātur ij, qui  
 resistunt veritati, ne quādo det illis Deus poenitentia  
 ad cognoscendum veritatem, & resipiscat à Diaboli  
 laqueis à quo captiui tenētur ad ipsius voluntatem.  
 Bonum quidem rectorem decet, ut ex sua infirmita-  
 te aliorum infirmitates pensans, magis per humilita-  
 tis, & mansuetudinis lenimentum studeat errantes  
 ab erroris laqueo eripere, quā per austeritatem in-  
 foueam perditionis propellere. Sæuus quidem & plus  
 saris acerbis merito censebitur chirurgus, qui nulla  
 prorsus adhibita fomentum lenitate, nullisque alijs  
 tentatis remedijs omnia vulnera adustionibus cura-  
 re niteretur. Nam prius blanda oportet adhibere  
 vulneri medicamenta, & experiri an ullis possit vul-  
 nus lenibus sanari fomentis, quæ cum nihil proficere  
 posse ex re ipsa intellexerit, tunc bonum erit acerbio-  
 ribus uti medicamentis, & partem illam infectam, si  
 res desperata fuerit, rescare, ne virus ipsum in reli-  
 quas corporis partes grassetur, & sic totū corpus infi-  
 ciat, & perdat. Hoc exemplum imitantes ij, penes  
 quos est ius, & potestas de hereticorū punitione cen-  
 sendi, deberent prius eorū, qui in haresim lapsi sunt  
 lasas sanare conscientias, serpentia auferre ulcera,  
 adurere

adurere aliqua non abscindere: tandem quod sanari non posset cum dolore refecare. Qui hereticos primo congressu contumelijs afficiunt, & nullis prius tētatis remedijs, quibus illos ad Catholica ecclesiae gremium reducere possint, statim è vita tollendos esse decernūt non sanare: sed occidere optant. Hos enim redarguit Deus per Ezechielem prophetam dicens. Quod infirmum fuit, non consolidastis, & quod agrotum non sanastis: quod confractū est, non alligastis, & quod abiectum est, non reduxistis: & quod perierat, non quasi-  
 stis. Sunt rursus alij prorsus contrariam docentes sententiam, qui nequaquam pati possunt, ut heretici quālibet pertinaces poena aliqua puniantur: & ob eā causam Catholicam ecclesiam nigro carbone notāt, quod varia poenarū genera huiusmodi hereticis contra ius, fāsque (ut aiunt) decretis editis illa statuerit. Reges, ac ceteros Christiani orbis Principes, propterea quod hereticos puniunt, & verberibus illos ad fidem, quam in baptismo susceperunt, tuendā cogunt, tyrannos vocant. Qui ita sentiunt, si aliquis in hac parte permittitur coniecturis, aut suspitionibus locus, non aliorum: sed suam causam mihi tueri vidētur. Nam ideo illos ita docere suspicor, ut impunitate haeresibus concessa, liberius quas voluerint, possint haereses, aut verbo praedicare, aut scripto docere. Optant quidem illi eas, quas contra ecclesiae Catholicae fidem mente cōceperunt sententias in publicum effundere: sed metu poenae coerciti mutire non audēt. Et ob hāc causam male illos habet hereticorum punitio, quae illorum effrenatam compescit dicendi, scribendique libidinem. Hereticos igitur ideo impunitos esse relin-

Eze. 34

quendos aliqui cōtendunt, & ut vel hac via sibi ipsis  
impunitatem acquirant, qua adepti libere possint,  
quicquid libuerit docere. Harum duarum tam di-  
uersarum, secūmque pugnantium sententiarum: alie  
ra propter acerbissimam illius austeritatem: altera  
ob nimiam remissionem, perniciosāque indulgen-  
tiam deserēda mihi videtur. Inter has igitur mediā  
in hoc opere docere statui, qua ab utraque longe disce-  
dat, neque ad dexteram, neque ad sinistrā declinans.  
Potissimus tamen huius nostri operis scopus est: cōtra  
eos, qui haereticorum impunitatem docent, pro Catho-  
lica ecclesia, veluti filius pro matris honore pugnare,  
causāque illius pinguiori, qua potero Minerva  
agere, ut ostendā nihil illam iniustum, nihilque, quod  
veram matrem dedeceat illam statuisse. De qua re  
nullus unquā (quod sciam) ante me differuit. Nam  
etsi aduersus eos, qui haereticorū impunitatem docēt,  
multi theologi Catholici, & docti hoc nostro seculo  
scripserunt, qui haereticorum punitionem multis, eni-  
dentissimisque rationibus iustissimam esse persua-  
runt, quod tamē iuste sint omnes illa poena, qua iure  
canonico & ciuili aduersus haereticos decreta sunt:  
nullus eorum, quos hactenus videre licuit, probauit:  
nec de illa re ullus unquam illorū differuit. Quae res  
certe non erat praetereūda, praesertim cum multi sint  
hoc nostro seculo, qui illas iniustas esse pertinacissime  
contendant. Scio plerosque iuris peritos de huiusmo-  
di poenis satis supérque differuisse, nullus tamen eorū,  
quos nouerim, vel aliquam suae disputationis partem  
ad hunc scopum direxit, ut omnes illas poenas iuste  
haereticis irrogatas esse probaret. Suspicor hac occa-  
sione

sibi ipsis  
possint,  
tam di-  
um: alte-  
re: altera  
adulgen-  
r mediā  
ge disce-  
clinans.  
est: cōtra  
ro Catho-  
ugnare,  
Anerua  
ue, quod  
e qua re  
it. Nam  
m docēt,  
ro seculo  
utris, cui-  
er suase-  
qua iure  
eta sunt:  
robauit:  
Quares  
multi sint  
acissime  
omnis mo-  
gen eorū,  
partem  
as iuste  
ac occa-  
sione

sione ab illis omnibus hanc disputationem fuisse omis-  
sam, quod impium illi autumant, de legum bonitate,  
& iustitia disputare, quas omnes sanctas esse censent,  
& perinde ac diuina oracula venerandas. Sint licet  
illa sanctissima, non desunt tamen, qui nigrum illis  
præfigere thita non verentur. Harum igitur legum,  
quæ hereticis pœnas aliquas decernunt, tutelam ab  
omnibus desertā ego hac intentione impræsentiarum  
suscipio, ut illas omnes iustissime inflictas esse non so-  
lum pro viribus tuear: sed alijs etiam ut in eandem  
transeant sententiam urgentissime Deo fauente per-  
suadeam. Et autem rem hanc pie, & plene absoluer  
possim, tribus libris opus hoc partiri decreui, quibus  
quicquid ad hanc rem spectat, comprehendere posse sum  
arbitratus. Primo libro de ipsis hereticis disseram,  
& ostendam, qui sunt illi, & quomodo sint de suis he-  
resibus legitime admonendi, ut si forte suo agnito er-  
rore ad viam voluerint veritatis redire, doceamus  
qua benignitate, & misericordia sint ab ecclesia reci-  
piendi. Altero mox libro de illis hereticis, qui suam tam  
mordicus hereses tenent: ut ab illis nequaquam auelli  
possint, pertractabo: & pœnas, quæ sunt illis à iure de-  
creta, sigillatim recensbo, quibus ad amussim decla-  
ratis, eas omnes iustissime inflictas esse multis eiden-  
tissimisque rationibus Deo adiutore cōvincam. Ter-  
tio denique libro vias aliquas ostendam, quibus mea  
sententia obuiari potest heresibus, ne ulli deinceps in-  
ter Christianos oriantur heretici, quos ecclesia præsu-  
les, & mundi Principes citra remissionis, & ignavia  
notam nō possint relinquere impunitos. Ante omnia  
tamen theologos, & iuris peritos, quibus omnibus opus



hoc profuturū spero, exoratos esse vellem, ut si illorum alteruter in hoc opere legens aliquando circa notissimam suae facultatis principia ampliorem forte, quam ille vellet sermonem me fecisse viderit, non ideo succenseat mihi, aut opus hoc contemnat: sed illa non sibi, sed alterius facultatis hominibus me scripsisse intelligat. Sunt enim aliqua iuris peritis notissima, circa quae parum versantur theologi. Sunt rursus alia theologi apertissima, etiam ex his, quae ad haereticos spectant, quae non sunt ita iuris peritis manifesta. De quibus omnibus cum sim in hoc opere disputaturus, ne forte in eam, quam alijs parare intendo incidam foueam, illud in primis testor me nolle quicquam aduersus Catholicæ ecclesiæ doctrinam sentire: sed eiusdem ecclesiæ iudicio, & censure opus hoc, & me ipsum totum subijcio. Quod si forte, prout sunt intellectus humani fallaces, ab illa sententia, quam Catholica docet, & tenet ecclesiæ aliquando in hoc opere me deuiare contigerit, ut id non ex industria: sed per ignorantiam, aut negligentiam me dixisse arbitrentur, omnes exoro. Et illud ex nunc pro recantato haberi peto: quoniam in verba ecclesiæ Catholicæ inraui, & in obsequium Christi illius sponsi, qui illam iugiter docet, intellectum meum iam dudum in captiuitatem redegi.

Ob quam causam omnibus ecclesiæ Catholicæ definitionibus veluti diuinis oraculis fateor me esse obedire paratum.

F. A. L.



F. A L F O N S I A  
CASTRO ZAMORENSIS  
ORDINIS MINORVM  
DE IVSTA HAERE-  
TICORVM PVNI-  
TIONE,  
LIBER PRIMVS.

*Quid sit heresis.*

CAPVT I.



**D**E hereticorum punitione tractaturus ab heretici definitione exordiri debuissem, vt inde omnibus pateret quid sit id, de quo presentē suscipimus disputationē. Verum quia omnes, qui vocis etymologiam, vel mediocriter agnoscunt, optimē norunt hanc vocē, hæreticus ab heresi deduci: ideo presentem disputationem longius petendam esse censui, vt ab heresis definitione illam auspicarer: & inde ad hæretici definitionem manifestandam facilius profiscerer. De hac re & si in opere illo, quod aduersus omnes hæreses edidi abunde pertractauerim, nunc tamen fusius, & exactius dicere statui, propterea quod quæ nunc agimus, eò tendunt: vt his, qui de hæreticis iudicare, & illos punire habēt, notum esse possit, quali nota omnes circa fidem errantes innurere debeant. Quæ omnia scire huiusmodi iudicibus est valde necessarium, ob id solum, quod non omnes errores etiam si illi de rebus fidei tractent, sunt æqua lance pensandi. Prius igitur nudam nominis significationem explicemus, & inde veram heresis definitionem melius inuestigare poterimus. Hæresis cum non Latina, sed Græca vox sit illius etymologia, & significatio à Græcis petenda est, non autem à Latinis, prout quidam parum in sermone aut Græco, aut Latino eruditi de hæresi differentes faciunt, qui hæresim ab herendo dedu-

cunt, atq; ob id aliquam assertionem hæresim dictam esse C  
 putant, quod quis suo tātum innitens iudicio, illi pertinaciter adhæreat. Hanc vocis bellam etymologiam reddit Petrus de Palude in quarto sentētiarum distinctione xiiij. Hostiensis vero in sua summa deducit hanc vocem hæresis ab erciscor, quod prisco vocabulo significat diuidere. Sed ista multo magis ridēda est etymologia, quā præcedens quod facile intellexisset, si considerasset, quod huius vocis hæresis prima syllaba scribitur per diphtongum, æ, & cum aspiratione. At hæc vox, erciscor, nec diphtongum habet in principio nec aspirationem. Abbas in cap. firmissime, de hæreticis, triplicem assignat deriuationē huius vocis hæresis. Dicit enim eam deduci ab hoc verbo adhæreo, vel ab hoc verbo erciscor, vel ab hoc verbo erro. Non quidem miror, quod hæc ignorent, quæ suæ professionis non erant: sed miror, quod quæ ignorabant, non sunt veriti tanta cum authoritate docere. Iustum quidē fuisset, vt de hac re, quam prorsus ignorabant, viros doctos consulissent, à quibus edocti potuissent postea sine rubore alios docere. His igitur, & aliis eiusdem farinae huius vocis etymologiis reiectis, dicimus hæresim Græcè idem esse, quod electionem D  
 Latine. Nam hæresis ab *αἰρεσις* verbo Græco deducitur, quod Latine versum sonat idem quod eligo. Et ob hanc causam philosophorum sententiæ, aut opiniones hæreses quandoque dicuntur: quia eam, quæ sibi magis placebat, illorum quisque eligebat sententiam. Sic enim Cicero in paradoxis ait. Cato in ea est hæresi, quæ nullum sequitur orationis florem. Hæresim dixit pro electione, quia talem dicendi stylum sibi elegerat Cato, qui nullum prorsus orationis florem haberet. Quia igitur hæresis electio est, fit, vt Christianorum fides nunquam hæresis verè dici possit. Hæc enim non ex hominis arbitrio pendet, neque ingenio humano inuenta est: sed Deo inspirante & reuelante est hominibus manifesta. Sermo meus, & prædicatio mea (inquit Paulus) non in persuasibilibus humanæ sapientiæ verbis, sed in ostensione spiritus, & virtutis Dei. Et iterum alibi: Gratia enim saluari estis per fidem, & hoc non ex vobis. Quibus verbis Paulus aperte satis docuit Catholicam fidem non esse humana ratione inuentam, neque ex hominum electione pendere: sed ex Dei vocatione, & donatio-

Cicero

1. Corin. 2.

Eph. 2.

ne:

A ne. Quo fit, vt iuxta veram huius vocis significationē, heresis minimē dici possit. Inuenimus autem fidem Catholicam sectam fuisse aliquando nominatam: sed hoc à viris impiis, & incredulis, aut ab iis, qui & si Christiani sunt, parum tamen fidei Catholicæ dignitatem intelligunt. Nam Iudæi habitantes Romam Paulo illuc aduentanti dixerunt. Rogamus à te audire, quæ sentis: nā de secta hac notum est nobis: quia vbique ei contradicitur. Secta dicta est ab infidelibus: nunquam tamen fideles Catholici, nisi forte parū eriditi, hoc passi sunt, vt Christiana religio à Deo inspirata, & non per hominem inuenta, hæresis, aut secta diceretur. Vnde Theophilactus exponens illud Pauli. Videte, ne quis vos seducat per philosophiam & inanem fallaciam, sic ait: Vides quemadmodum per varia, humana quedam, hominum sensus, & cogitatus, captiones eiusmodi emanarint, eoque hæreses dicuntur, quod hominum sint variorum sententiarum opiniones. Sed Christianorum hæc fides nequaquam humano aliquo sensu, vel iudicio constat, & ideo neque nomen aliquod sortita est huiusmodi, vt hæresis diceretur. Hæc Theophilactus. & Tertullianus in libro de præscriptionibus hæreticorum circa principium ait: Hæresis dicta est Græca voce ex interpretatione electionis, quæ quis siue ad instituendas, siue ad suscipiendas eas, vtitur. Ideo & sibi damnatum dixit hæreticum, quia & in quo damnatur sibi elegit. Nobis vero nihil ex nostro arbitrio indulgere licet: sed neque eligere, quod aliquis de suo arbitrio induxerit. Apostolos domini habemus aucthores, qui nec ipsi quicquam ex suo arbitrio, quod inducerent, elegerunt: sed acceptam à Christo disciplinam fideliter nationibus adsignauerunt. Hæc ille. Omnis igitur, & sola assertio, quæ ex hominum arbitrio pēdet: siue vera illa sit, siue falsa, hæresis dici potest, iuxta nudam huius vocis etymologiam. Theologi vero, & cæteri fideles Catholici huius vocis significationem ad fidei dogmata contrahentes solam illam hæresim esse dixerunt, quæ aperte fidem Catholicam oppugnare dignoscitur, quia in istarum asseueratione propria sententia sacris literis, aut ecclesiæ definitioni præfertur, cum tamen oporteret (iuxta Pauli cōsiliū) captiuare intellectum in obsequium Christi. No-  
bis igitur hæreseos nomen infame est, quamvis Ethnicis

Act. 28.

Colo. 2.

Theo.

Tertu.

Tit. 3.

2. Cor. 10.

fit promiscuū, verę falsęque assertioni conueniens. Ethnici liquidem liberum sibi esse putant, vt pro suo quisque iudicio sentiat. Nos autem, qui in verba sacrę scripturę, & ecclesię Catholicę iurauimus, nefas esse censemus, vel latum pilum ab illarum sententia recedere. Sed fortasse hic quispiam obiiciet, quod hæresis non sit electio, quia electio est opus voluntatis: hæresis vero opus est intellectus. Huic autem obiectioni nos ita respondemus: quod licet sit operatio intellectus, procedit tamen ab electione voluntatis, à cuius imperio intellectus mouetur ad assentiendum: quemadmodum fides etiam ex propria affectione procedit. Vnde Augustinus tractatu vigesimo sexto super Ioannem ait: Intrare quisquam ecclesiā potest nolens, accedere ad altare potest nolens, accipere sacramentum potest nolens, cedere nō potest nisi volens. Si corpore crederetur, fieret in nolentibus, sed non corpore creditur ad iustitiam. Apostolum audi dicentem: Corde creditur ad iustitiam. Et quid sequitur? Ore autem confessio fit ad salutem. Hæc Augustinus. Et quod ille dixit de vera fide, per quam id quod credere oportet, quis credit, idem prorsus de hæresi, per quam non veritatem Catholicam, sed errorem illi contrarium quis credit dicere oportet, ita vt errori aut hæresi nullus adhærere possit, nisi volens. Hæresis igitur non est electio: sed procedit ab electione voluntatis. Declarata iam vocis etymologia, opus est, vt rei definitionem ostendamus. Hæresis est enuntiatio, siue propositio falsa fidei Catholicę ita repugnans, vt cum illa simul esse non possit. Sunt, qui in hac definitione plura reponāt: sed an merito id fiat, mox discutiemus. Cum diximus hæresim esse enunciationem, siue propositionem falsam, aperte satis ostēdimus factum aliquid, aut quamlibet rem gestam non esse hæresim: quoniam hæresis nō respicit opus exterius, neque ex illo pendet, vt hæresis dici possit: sed ex intellectu. Non est enim hæresis in opere: sed in errore intellectus, hoc aut illud iudicantis. Qui furatur, nisi hoc tibi licere putet, nullo pacto est hæresis reus. Qui fornicatur, aut occidit, aut aliud simile crimen committit, nunquam in hæresim ob hanc causam lapsus fuisse dicitur, nisi hoc impune fieri posse crediderit. Et iuxta hunc modum intelligenda venit sententia illa, quæ docuerit opus ali-

quod

R. 10.

- A quod esse hæresim, ita vt hæresis non ad opus: sed ad iudicium de opere datum referatur. Ita enim intelligendus est Gregorius Nazianzenus cum simoniam appellauit hæresim, non quidem quòd opus ipsum simoniacum, puta rerum spiritualium emptio, aut venditio sit hæresis: sed quia ipsa opinio, qua censet, hoc sine peccato fieri posse, sit hæresis. Nam qui spiritualia vendit aut emit, quamuis grauissime peccet, crimine tamen hæresis non erit infectus: nisi hoc sibi licere putetur. Verum hic forte quispiam nobis obiiciet, quòd sæpe Inquisitores hæresum puniunt, velut hæreticos illos, qui in aliqua ceremonia Iudaica, aut in aliquo ritu Sarracenorum deprehenso sunt. Si res gesta sine errore intellectus non est dicenda hæresis: cur istive sint hæretici puniuntur? Si dicis ex facto ipso suspicionem iustam oriri, vt illa facientes sic faciendum esse censeant: cur non eadem suspitio iuste etiam ex furto, aut homicidio, aut adulterio nascetur, ita vt illa exequentes credatur sentire illa sine peccato fieri posse? Huic obiectioni quidam vir doctus in quadam repetitione, seu mauis, relectione, quam de propositione hæretica habuit, respondet, dicens:
- B tunc ex facto oriri suspicionem hæresis, quãdo opus ipsum fuit ab aliqua hæresi laudatum, aut saltem permissum, tunc enim de sic faciente suspicari licet (vt dicit) illum tali hæresi fauere, quæ probat factum illud. Verbi gratia: Si quis circumcidatur, aut Sabbatum religiose obseruet, hic talis in suspicionem Iudaicæ perfidiæ merito incidit, aut quod credit veteris legis ceremonias etiam à Christianis esse obseruandas, quoniam Ebionitæ hæretice sic olim senserunt. Si autem opus illud non fuit vnquam ab aliqua hæresi laudatum, ex tali opere quamuis sit graue peccatum, dicit suspicionem hæresis iuste oriri non posse. Sed hoc non posse defendi manifestissime conuincitur per hoc; quòd nullum ferè crimen posset committi, ex quo iuxta hanc opinionem, non oporteret suspicari illum sic facientem male sentire de fide: quoniam adeo hominum malitia præualuit, vt vix vllum sit peccatum, quod aliquem non habuerit patronum. Nam si de coitus carnis loqui velis, nulla est illius tam pestilens species, aut nefanda soboles, quæ non sit ab aliquo laudata. Promiscuum fornicarum vsum licitum esse dixerunt.



runt Nicolaitæ, Floriani, Adamitæ. Simplicem fornicationem Græci à peccato defendunt. Omnis denique carnalis commistio quæcunque illa sit, siue inter viros, siue inter fœminas, si carnalis libido nimium vrât, à Valdeni-  
bus iudicata est licita. Restitutionem rei furto sublata esse necessariam ad salutem animæ assequendam, omnes fideles Christiani sentiunt. Græci tamen (vt de illis refert Guido Carmelita) hoc non esse necessarium docent. Sui ipsius occisio adeo damnata est ab omnibus fidelibus, vt veniæ locum apud Deum nullum habere dicant. Circumcelliones tamen illam vsque adeo laudauerūt, vt martyrium esse dicerent. Nec sola occisio, sed cuiusque principalis membri abscissio, nisi pro tuenda corporis bona valetudine fiat, ab omnibus etiam fidelibus est damnata. Valeñij tamen hæretici (vt beatus August. refert) dixerunt esse necessariam virilis membri abscissionem ad Deo bene seruiendum. Inobedientiam subditorum Beguinæ, & Begardi laudarunt, & illis subscripsit in hac parte Lutherus dicens obedientiam, quam inferiores superioribus reddunt, esse miseram seruitutem. Votorum violationem licitam esse docuerunt Lampariani, pseudoapostoli, Vuitcleuitæ, Luterani, denique si fides adsit, nullum opus damnandum esse docuit Euno-  
mius. Cùm ergo hæc ita se habeant, illi, qui dicunt ex quolibet facto, quod ab aliqua hæresi probatum esse confiterit merito suspensionem hæresis oriri, necessario concedere habent omnem talem qui in aliquod horum criminum lapsus fuerit, quæ nunc proximè enarrauimus à variis hæreticis fuisse laudata, merito suspensionem hæresis incutere, & ob illam posse capi, & puniri. Oportet igitur omnem fornicatorem, & ablata restituere nolentem, seipsum castrantem, omnem subditum inobedientem, omnem voti cuiuscunque violatorem, omnem mendacem, periurum, omnem denique scelestum hominem de hæresi suspectum esse, propterea quod hæreses fuerunt olim quæ singula hæc licita esse dixerunt. Abiit tamen à viro Christiano tanta seueritas & tam iniusta. Nam si ita fieri oporteret, necessarium esset dicere, nullum crimen esse ex pura malitia, aut ex infirmitate: sed omne ex ignorantia. At multa sunt peccata ex pura malitia, quæ homines scientes se malè agere committunt. Vt patet in illis de quibus

C

D

ait



**A** ait Iob, quod industria recesserunt à Deo, & in illis, qui *Iob 37*  
cum proposito pœnitendi peccant, qui nisi se male agere  
crederent, nunquam in posterum pœnitere proponerent.  
Cum igitur multos tales esse constet, non est æquum, vt  
de omnibus suspicemur, illos cum crimen aliquod com-  
mittunt, sentire sic esse faciendum. Cur autem de vno plus-  
quam de alio hoc suspicari liceat, ego ex natura ipsius cri-  
minis oriri puto. Sunt enim aliqua opera, ad quæ sumus o-  
mnes proni, & natura procliues, & in illa etiam contradi-  
cente conscientiam præcipites sæpe labimur: vt sunt car-  
nis voluptates, diuitiarum cupiditas, honoris appetitus.  
Et in his nisi aliud addatur, quod merito suspicionem au-  
gere valeat, ex solo facto non credo, quod possit iusta su-  
spicio oriri. Vt si quis fornicetur, aut furetur, aut mentia-  
tur, aut honores ambiat, aut suo superiori obedire recuset,  
aut aliquod aliud similis farinæ scelus committat: quam-  
uis circa qualitatem delicti peccet, non tamen ob hoc so-  
lum erit de hæresi suspectus, vt ille credat hoc sibi licere,  
quod facit. Nam cum ad peccata illa à carne nostra solici-  
temur, sit vt quamuis illa esse mala sciamus, committere  
tamen non formidemus. Posset tamen talis circumstantia  
**B** in huiusmodi peccatis esse, propter quam ex opere ipso ve-  
hemens hæresis suspicio iuste oriatur. Vt si quis sacerdos,  
aut religiosus nō sacerdos, publice matrimonium contra-  
heret, is certe licet ex simplici coitu, non posset merito cre-  
di hæreticus, tamen propter matrimonium adiunctum di-  
gne præsumitur hæreticus, præsertim si publicè contraxit,  
aut publice nuptias celebrauit, quoniam talis merito cre-  
dendus est male sentire de sacramentis ecclesiæ. Non ta-  
men credo æquè vehementem suspicionem esse habendam  
de illo si clam hoc fecisset, quoniam de illo merito suspi-  
cari posset dolo fecisse, vt hac videlicet via muliere frueretur,  
quam aliàs assequi non poterat. Et idem censeo dicendum  
de illo, qui viuentē vxore aliam sciens duxit. Sunt alia ope-  
ra ab his, quæ diximus longè diuersissima, quæ voluntas  
naturaliter refugit, & ad illa appetenda: nisi ab alio, puta à  
passione vehemēti, vel ab errore intellectus vehementer  
impellatur, nunquam ipsa ex se mouebitur. Verbi gratia,  
sui ipsius occisionem, principalis membri abscissionē, vo-  
luntas hominis propter insitum, quem habet carnis suæ  
amor

amorem naturaliter refugit, quoniam (vt ait Apostolus) **C**  
 nemo vnquam carnem suam odio habuit. Et in his (mea  
 quidem sententia) ne temere quicquam suspicemur, prius  
 inquirendum est: an passio aliqua vehemens præcesserit,  
 quæ illum ad tam horrendum scelus perpetrandum impu-  
 lerit. Nam impotenti, & effrænato odio libidinis euenire  
 poterit, vt quis virile membrum abscindat, tadio tentatio-  
 nis victus. Sæpe etiam contingere scimus aliquos tadio  
 angustia, aut doloris alicuius, quem pati non possunt, mor-  
 tem sibi ipsis inferre, vt saltem hac via, doloris & angustia  
 finem inueniant. Et certè qui hæc, & similia committunt,  
 credèdi sunt ex infirmitate, aut ex passione victos tam hor-  
 rendum scelus commisisse. Si verò aliunde constiterit, non  
 ex pusillanimitate spiritus, aut vehementi passione, in tale  
 crimen fuisse lapsos, necessarium erit tunc suspicari illos  
 tali hæresi fuisse infectos, vt crediderint hoc sibi licuisse,  
 quod fecerunt. Quoniam cum voluntas ex se ad illa non  
 fuerit mota, nec ex passione, vel infirmitate (vt supponi-  
 mus) oportet necessario, vt ex errore intellectus ad id fa-  
 ciendum motam esse credamus. Sunt rursus alia opera, ad  
 quæ voluntas non ex se mouetur, nec etiam ex se illa refu-  
 git: quoniam nihil illa habent, quo possint voluntatem al-  
 licere, vel à se repellere: sed voluntas est dubia & anceps ad  
 illa, cum sint illi per intellectum nude ostēsa. Talium sunt  
 ceremoniæ Iudaicæ, aut Sarracenorum ritus: vt sunt, reli-  
 giosa Sabbati observatio abstinencia à suffocato, & sangui-  
 ne, aut aliis cibis, lege Mosaiica prohibitis, nisi fortè salu-  
 tis corporalis causa, talem abstinenciam factam esse con-  
 stiterit. Ieiunium die Dominico, esus agni Paschalis iuxta  
 ritum Iudaicum, aut quoduis aliud simile. Baptizare ima-  
 gines, aut corpora mortuorum, imagines sanctorum con-  
 fringere, sacramentum altaris conculcare. Cum hæc homo  
 facit, certum est illius voluntatem ab intellectu moueri  
 ad illorum appetitum. Non enim mouetur ab obiectis:  
 quoniam (vt diximus) obiectum tale non est, vt possit al-  
 licere voluntatem. Nec mouetur à se, aut à carne sua: quo-  
 niam nec voluntas, nec caro habet ad illa opera aliquam  
 inclinationem. Consequens est igitur vt ab intellectu mo-  
 tam esse voluntatem credamus, ita, vt voluntas tale opus  
 non voluisset, nisi intellectus illi bonum esse persuasisset.

In

- A** In his ergo vehementissima hæresis suspitio ex opere exterius factio iuste oriri potest, ita vt qui talia facit, merito præsumatur credere hoc bonum esse, quod facit. Nam Aristoteles Ethicorum tertio ait: Qualis est vnusquisque talia dicit, & operatur. Deinde additum est in definitione hæresis, quod oportet talem propositionem falsam esse fidei Catholicæ repugnantem, vt hæresis dici possit. Nam multæ sunt propositiones falsæ, quæ nullo modo hæreses dici merentur: quia nullo modo fidem oppugnant. Sicut enim non omnis veritas ad fidem pertinet: ita nec omnis falsitas, aut error hæresis dici meretur. Potest enim quis multis propositionibus falsis cum errore, & sine peccato assentire. Hæresi autem sine peccato, & quidem graui nullus obstinato animo adherere potest. Non ergo omnis assertio falsa, aut omnis error est hæresis dicendus. Hæc omnia testimonio Augustini probantur, qui in Enchiridio ad Laurentium cap. xxj. Postquam dixerat nullum esse peccatum in quibusdam rebus errare, hæc, quæ sequitur, subiunxit. Postremo quaecunque illud, & quantumcunque sit, ad illam viam non pertinet, qua imus ad Deum, quæ via fides est Christi, quæ per dilectionem operatur. Neque enim ab hac via deuiabat in geminis filiis gratus ille parentibus error, aut ab hac via deuiabat Apostolus Petrus, quando se existimans visum videre: aliud pro alio sic putabat, vt à corporum imaginibus, in quibus se esse arbitrabatur, vera in quibus erat corpora non dignosceret, nisi cum ab illo angelus per quem fuerat liberatus, abscessit. Aut ab hac via deuiabat Iacob Patriarcha, quādo viuentem, filium bestia credebatur occisum. In his, atque huiusmodi falsitatibus, salua fide, quæ in nobis est, fallimur: & via non relictæ, quæ ad illum nos ducit, erramus. Qui errores etiam si peccata non sunt, tamen in malis huius vitæ deputandi sunt, quæ ita subiecta est vanitati, vt approbentur hic falsa pro veris, respuantur vera pro falsis, teneantur incerta pro certis. Quamuis enim hæc ab ea fide absint, perquam ad veram, certamque, atque æternam beatitudinem tendimus, ab ea tamen miseria non absunt, in qua adhuc sumus. Nullo modo quippe falleremur in aliquo: vel animi, vel corporis sensu, si iam vera illa, atque perfecta felicitate frueremur. Haftenus Augustinus. Ex his satis clarè patet non omnem

*Aristot.**August.**Genes. 27**Act. 12**Genes. 37*

omnem assertionem falsam esse hæresim dicendam. Si tamen illa fidei Catholicæ repugnauerit, nos omnem talem dicimus esse de hæresi notandam. Scio tamen esse aliquos, qui plura esse necessaria dicunt, vt assertio aliqua hæresis dici mereatur. Sunt enim aliqui docentes omnia illa ad hæresim requiri, quæ requiruntur ad hominem hæreticum efficiendum. Et certè qui hæc asserunt, tota errât via: quoniam vnum ab altero facillimè separatur. Possibile est enim, vt aliquis propositionem hæreticam asserat, qui tamen non sit hæreticus dicendus. Hoc ita esse manifestè apparet in illo, qui non obstinato animo talem propositionem asseruerit, & in illo, qui asserit, quod ignorat præsertim si illud scire non tenebatur. Hunc enim ignoratiâ excusabit, vt hæreticis non dicatur. Propositio autem ab illo asserta, non video qua via possit ab hæresi nota liberari si illam fidei Catholicæ repugnare cõstiterit. Nam quod aliqui dicunt nullam assertionem esse de hæresi notandam, nisi illa sit cõtra propositionem Catholicam, quam omnes fideles scire tenentur, ridiculum videtur, & audaci temeritate dictum, quoniam hac sola ratione impetunt omnes egregios doctores, & sanctos viros, qui de hæresibus scripserunt, vt fuerunt Irenæus, Augustinus, Philaster. Hi enim multos errores hæreseos nota infamarunt, qui iuxta istorum opinionem nihil minus dici merebantur, cùm non essent contra propositiones Catholicas, quas omnes scire tenentur. Præterea, licet sint multæ propositiones ad fidem Catholicam pertinentes, quas non omnes scire tenentur, si tamen illas præter obligationem, quis sciat esse Catholicas, & sciens illis dissentiat, & contrarias aut contradictorias asserat: nullus dubitat quin tales contradictoriæ sint hæreses dicendæ, & tamen illæ non sunt contra propositiones Catholicas, quas omnes scire tenentur. Et si quis Christianus sciens, & doctus illas tales cõtradictorias pertinaciter assereret, meritò hæreticus diceretur. Idiota verò illis assentiens, & si erraret, non tamen hæreticus diceretur, imò nec peccaret, si pertinacia deesset, quia in his, quæ scire non tenebatur erraret. Vt gratia exempli, si quis doctus vir Christianus sciens contrarium in sacris libris contineri pertinaciter assereret Esau non fuisse filium Isaac, aut Dauidem non genuisse Salomonem, absque dubio hæreticus

**A**reticus diceretur, & non ob aliam causam: nisi quia hæresim obstinato animo asserit. Si vero homo simplex, & idiota aliquam istarum assereret, quamuis ille ob hoc non diceretur hæreticus, imò nec peccasse censebitur, tamen ab illo asserta propositio semper dicitur hæretica. Alioqui oporteret concedere eandem propositionem ab aliquo assertam esse dicendam hæresim, quæ si ab alio assereretur, hæresis dici non mereretur. Hoc autem concedere, quàm sit erroneum, vel mediocriter docto erit manifestum, si consideret, quòd propositio non dependet ab assertore, ut talis dicatur. Propter nostrum affirmare, aut negare (inquit Aristoteles) nihil mutatur in re. Si propositio est vera à quocunque dicatur: etiam si mendacissimus ille sit, semper erit vera. Si propositio est falsa, à quocunque dicatur, etiam si alias ille semper fuisset verax inuentus, erit falsa. Oportet ergo, ut si propositio est hæretica, à quocunque asseratur, sit etiam semper hæretica. Deinde, propositio Catholica non pendet ab assertore, ut talis dici mereatur: ergo nec propositio hæretica ab assertore pendeat, ut hæresis dicatur. Hæc propositio: Deus est trinus, & vnus: siue illam asserat Iudæus, siue Sarracenus, siue Paganus, siue Christianus, semper dicitur Catholica: ergo sua contradictoria videlicet: Deus non est trinus, & vnus, à quocunque dicatur, semper erit hæretica, quamuis non omnis, qui illam asserit, sit necessario dicendus hæreticus: quoniam (ut postea docebimus) non satis est, ut quis dici hæreticus mereatur, quòd propositionem asserat hæreticam. Rursum hæresis non deducitur ab hæretico: sed hæreticus versa vice ab hæresi deriuatur: non igitur oportet, ut propositio, quæ hæresis est dicenda, sit ab hæretico asserta, sed bene contra oportet, ut qui hæreticus est dicendus, propositionem asserat hæreticam. Ex his igitur constat errare illos, qui dicunt, ad hoc, ut propositio aliqua dicatur hæresis, esse summe necessarium, ut à viro Christiano sit asserta. Bene tamen nos fatemur hoc esse necessarium ad hoc, ut quis hæreticus dici mereatur, quòd fidem in baptismo suscepit: quia hæreticus (ut diximus) ab hæresi deriuatur: non autem hæresis ab hæretico: & homo ab assertionem, & confessionem suam nomen suscipit, ut fidelis, vel hæreticus dicatur. Propositio autem nullo modo ab assertore dependet, ut illa hæretica, vel



Catholica merito dici possit. Et propter hanc causam à multis doctis viris erratum est in hac parte, quia hoc considerare neglexerunt. Nam quæ pertinent ad hæresim, & quæ heretico conveniunt, simul in vnum considerunt, tanquam eadem esset utriusque definitio, & eadem habenda esset de utraque re disputatio. Nos tamen rem (vt decebat) magis scrutantes, & inuestigantes, cum res esse prorsus diuersas cognouerimus, diuersas de illis disputationes facimus. Nunc de hæresi diximus: postea autem de heretico tractabimus, vt quis tali nomine appellandus sit, ostendamus. Vt igitur ea quæ de hæresi diximus, in compendium colligamus, dicimus hæresim esse propositionem falsam si dei Catholicæ repugnantem.

*De malitia hæreseos quanta sit.*

C A P. I I.

**Q**uanta sit hæreseos malitia ex eo facile quisque intelligere potest, si consideret quanta sit fidei bonitas, & virtus: Rectum enim (vt ait Aristoteles) est index sui & obliqui. Fidei autem virtus tanta est, vt sine ipsa nil Deo gratum esse possit, nec sine ipsa aliquid à nobis vere bonum effici possit: quoniam illa est, quæ cæteris virtutibus viam parat, & illis scopum, ad quem suos actus dirigant, ostendit. Sicut enim inter cæteras virtutes, quæ vñtato & iam recepto vocabulo Cardinales dicuntur, prudentia est prima quia reliquas dirigit, & viam, qua incedere debent, ostendit: sic etiam inter illas, quæ theologales appellantur, fides est prima: quia reliquas quid agere debeant, docet. Nemo sine fide, quid sperare aut quid diligere debeat agnoscit. Fide destitutus Deum nunquam (vt decet) amabit: quia nunquam illum remuneratorem, aut vere bonum intelliget. Credere oportet accedentem ad Deum (ait Paulus) quia est: & quod inquirantibus se remunerator sit. Fides est, quæ nobis præmium nostrorum laborum ostendit, & per hoc vires nobis ad laborandum ministrat, & in ipsis laboribus constantes reddit. Hæc est, quæ nos temporalia omnia contemnere, & Deum plus quam omnia creata diligere, admonet. Nam qui veram de Deo fidem habet, non cupit in miseriis huius seculi diues fieri, quoniam dum æterna considerat, temporalia sibi vilescunt. Et ideo

Paulus



A Paulus omnia huius mundi arbitratus est stercora, vt Christus lucrifaceret. Per hanc Moyses honores, delicias, & diuitias contempsit. Nam (vt de illo refert Paulus) Fide grandis factus negauit se esse filium filiae Pharaonis, magis eligens affligi cum populo Dei, quàm temporalis peccati habere iucunditatem, maiores diuitias aestimans thesauro Aegyptiorum improprium Christi. Aspiciebat enim in remunerationem. Cum negauit se esse filium filiae Pharaonis, regiam dignitatem contempsit, ac proinde honores huius seculi se vilipendere declarauit. Eligens affligi cum populo Dei, qui in luto & latere seruiebat, magis quàm temporalis peccati habere iucunditatem, aperte ostendit nobis quantum huius mundi delicias aestimauerit. Cum vero improprium Christi, hoc est, iniurias vel pro Christo vel ad Christi similitudinem patienter toleratas maiores aestimauit thesauro Aegyptiorum, satis aperte declarauit quid de huius seculi diuitiis senserit. Causam autem à qua hic omnium rerum temporalium contemptus processerit, Paulus expressit dicens. Aspiciebat enim in remunerationem. Nam idcirco elegit esse pauper, & despectus, quia credidit

B alia multo maiora bona in posterum manere, quae forent per paupertatem, & contumelias adipiscenda. Fides est quae nos Dei filios efficit, sicut Paulus ad Galatas scribens ait. Omnes filij Dei estis per fidem, quae est in Christo Iesu. Haec est vita iustorum quoniam ex fide (vt Abacuc propheta testatur) iustus uiuit. Haec est denique Basis & fundamentum totius Christianae structurae, cui, quicquid ad veram pietatem & religionem spectat, innititur. Haec siquidem est illa firmissima petra supra quam Deus fundauit ecclesiam suam, supra quam nos omnes fundari praecepit Paulus, vt stabiles & immobiles simus à spe Euangelij quod audiuiimus. Hinc iam (vt opinor) aperte conuincitur haeresim pessimum esse vitium, quoniam haec fidem destruit, quae fundamentum est totius religionis, sine qua nihil sunt reliqua omnia profutura. Vbi enim fundamentum deest, nihil superaedificari potest, & si quid superaedificatum fuerat necesse est vt corruat. Fide sublata, omni vitio quamlibet prauo & magno, porta latissima aperitur. Sicut enim fides ceteris virtutibus, ita e contrario haeresis omnibus vitiis viam parat & aperit. Hinc fideles catholici de haereticorum ve-

Phil. 3

Hebr. 11

Gala. 3

Abac. 2

Matt. 16

Coloss. 1

*Iob 30*  
*Gregor.*

*Prover. 9*

*Galat. 6*


xationibus conqueruntur, apud Iob dicentes. Quasi rupto muro & aperta ianua irruerunt super me. Quæ verba Beatus Gregorius interpretans ait: Quasi murus rumpitur cum prauorum persuasionibus fides quæ de redemptore nostro est in quorundam corde dissipatur. Cumq; peruersis in hac vita potestas tribuitur, quid aliud quam ianua erroris aperitur? Quasi rupto ergo muro & aperta ianua super bonos irruunt mali, cum accepta temporaliter potestate, peruersi ipsa quoque in quorundam corde destruere munimina fidei conantur. Hæc Gregorius. Ob hanc causam de hæreseos malitia mystice Salomon in proverbiis loquens dixit: Mulier stulta, & clamosa, plenaque illecebris, & nihil omnino sciens, sedet in foribus domus suæ super sellam, in excelsio urbis loco. Hæc enim verba beatus Hieronymus de hæresi intelligenda esse censet, ita inquires: Mulier hæc hæresis est, contraria nimirum sapientiæ, quæ sua superius sacramenta cecinit, stulta scilicet per fatuum intellectum, & clamosa per garrulitatem, plenaque illecebris vitiorum: & nihil omnino sciens, sicut ait Apostolus: Qui se existimat esse aliquid, cum nihil sit, ipse se seducit. Sedet autem & ipsa in foribus domus suæ, id est, in doctoribus falsitatis, qui in penetralia perfidiæ miseros fallendo perducunt. Hactenus Hieronymus. Admonere tamen hic decreui lectorem, ne ex his dictis meis occasionem suspitionis accipiat me sentire, omnia infidelium opera esse peccata, prout Gregorius Arminienis docet: quoniam ab illius opinione, & sententia ego manibus (ut dicitur) & pedibus recedo. Fateor quidem sine fide nullum opus esse meritorium, & vita æterna dignum: non tamen ideo consequens est, ut omne tale sit peccatum, quoniam hæc duo, videlicet peccatum, & meritum: non tam proxime diiuduntur, aut ab inuicem separantur, ut qui ab vno recedit, statim ad alterum transeat. Est enim inter illa medium aliquod, quod ab utroque extremorum separatur: ita ut aliquod sit opus humanum, hoc est, per considerationem intellectus, & voluntatis libertatem factum, quod nec est præmio dignum, nec poena. Verum & si non omnia infidelium opera sint peccata dicenda: infidelitas tamen portam aperit latissimam ad omnia vitia introducenda. Vnde euenit, ut qui infidelis est, omni vitio perpetrando aptissimus sit.

Sicut

- A Sicut enim qui corporales oculos amisit, male se ab hostibus tuetur, quoniam illorum iacula, à quibus cauere illi oporteret, videre non potest, ita qui fidē Catholicam, quæ oculus est mentis nostræ, dereliquit à dæmonis tentationibus liberari non potest: quoniam sine fide hostes inuisibiles, illorūmq; incula non videntur, & ideo non cauentur. Hac de causa dæmones impenſe laborant, à fidelibus Catholicis hos oculos eruere, vt eo facilius illorum animabus nocere possint, quominus ipsi cogniti fuerint. Samsonem post erutos oculos, Philisthiim vinctum catenis duxerunt, *Iud. 17* & clausum in carcere molere fecerunt, sic dæmones postquam oculos mentis, hoc est, fidem ab aliquo abstulerunt, vinctum illum detinēt, & per omnium peccatorum circuitum illum deuolui cogunt. Nam fide ablata, mutua inter proximos charitas euanescit: vinculum pacis dissoluitur: concordia scinditur: vilia hæc, & caduca supra illorum meritum æstimantur. Deus vilescit, & non (vt decet) colitur: omnis denique religio prophanatur, omnisq; pietas perit. Vnde Felix Papa, & martyr in epistola ad Paternum Episcopum ita ait. Hæresis quippe est nimis impia, & Evangelicæ veritatis inimica, quæ non portionem aliquam laderet, sed ipsa Christianæ religionis conatur fundamenta conuellere. Quoscunq; enim rapit ad se, non solum in hoc vitium: sed in multa alia vitia ruere facit, & ipso suadēte antiquo hoste non solum persecutores ecclesiæ: sed etiam sacerdotum eius fiunt. Hæc ille. Verum hic aliquis fortasse dubitabit, & merito: an hæresis sit grauius schismate peccatum: dubitandi autem causa hæc est quod schisma multo grauius adeo fuisse punitum legimus. Sed hoc nō obstante nos dicimus hæresim multo peiorem esse, quàm schisma: quoniā iuxta regulam beati Augustini, tanto aliquod malum est peius, quāto maiori bono opponitur. At hæresis est contra primam veritatem, quæ Deus est. Schisma vero & si dicatur esse contra charitatem, non tamen contra illā charitatis partem, quæ Deum respicit: sed cōtra illam, quæ circa proximum versatur. Est enim schisma cōtra bonum fraternæ charitatis, & vnionis. Licet autem charitas maior sit fide, sola tamē ea parte censetur maior, qua respicit Deum: & contra hanc non est schisma: sed contra illam, quæ respicit proximum, & hæc minor est, quā fides. Vnde colligimus

*Felix Pa  
pa.*

b 3



hæresim esse ex genere suo grauidis schismate peccatum: Cuius quia hæresis diuinam veritatem, cui fides innitur oppugnat. Schisma autem fraternam oppugnat charitatem, & ecclesiæ vnitatem scindit. Fatemur tamen aliquas posse contingere circumstantias, propter quas schismaticus grauioris culpæ fiat reus quàm hæreticus, vt puta si maior adesset contemptus vel quia magis per schisma, quàm per hæresim noceret. Sed hæc, aut alia similia contingunt schismati, nec illi à natura insunt, ac proinde genus schismatis non ex illis æstimandum. Nam grauitas peccati ex genere suo, ex illis, quæ sunt illi insita, & naturalia, capienda est, & non ex circumstantiis, quæ contingere possunt. Quod autem obiicitur, schisma esse grauius punitum, fatemur quidem: quoniam hoc apertissime docet liber Numerorum referens Dathan, & Abiron ob hoc scelus fuisse viuos absorptos à terra: sed hoc non obstat quin hæresis grauius sit peccatum. Quoniam licet vltimæ pœnæ, quæ videlicet post mortem peccatoribus infliguntur, iuxta mensuram delicti ( vt legitur in Deuteronomio ) imponantur, quæ tamen in hac vita infliguntur, non semper iuxta hanc mensuram dantur. Nam pœnæ, & cruciatus in hac vita non solum dantur in punitionem: sed ad medicinam, vt scilicet per eas curentur peccata, & ipsi peccatores à similibus in posterum caueant, & alij illorum periculo sibi ipsis consulant, & ab aliis abstinere procurent. Ob hanc causam minus, & leuius peccatum: quia tamen sæpius commissum, aut quia ad illud maior est pronitas, aliquando grauius punitur, vt timore pœnæ illi aut alij ab illorum commissione arceantur. Populus autem Iudæorum ad seditionem, & schismata fuit semper procliuus, vt ex discursu sacrarum historiarum facile est cognoscere. Et apertum etiam de hac re habetur testimonium apud Esdræ sic dicentem: ciuitas illa à diebus antiquis aduersum Reges rebellat, & seditiones & prælia concitantur in ea. Iustum ergo fuit duras infligere pœnas, vt illis veluti acerbissimis quibusdam aduersionibus tam late grassanti morbo obuiaretur.

Num. 16

Deut. 25

Esdr. 4

De

A De differentia inter positionem hæreticam, & erroneam, & temerariam, & scandalosam, & alias similis nota propositiones.

## CAP. III.

Q Via dixi aliquas esse propositiones, quæ & si hæreticæ merito censeri non possint, propter varias tamen illarum propositionum infames notas, ut puta, quia erroneæ, aut scandalosæ, aut temerariæ sunt, inhiberi possunt ab his, quibus hoc incumbit, ne prædicentur populo, aut quomodo libet doceantur: ideo necessarium esse existimaui de istarum propositionum differentia tractare, ut inde constet quali nota sit qualibet falsa propositio inurenda. De propositione hæretica cum satis in primo huius operis capite tractauerim, non est opus impræsentiarum quicquid aut repetere, aut superaddere. Propositio erronea si absque vlla nominis restrictione diffiniatur, dicetur absolute quod est propositio falsa. Et falsam propositionem nunc dico esse non solum illam, qua aliquid enunciatur aliter esse, quam est: sed etiam illam, qua aliquid enunciatur aliter quam deberet, assentit: ut puta quia firmitus, aut certius quam deberet. Nam beatus Augustinus errorem diffiniens in Enchiridio ad Laurentium capite 17. sic ait: Errare est approbare falsa pro veris, aut improbare vera pro falsis, aut habere incerta pro certis, aut certa pro incertis. hæc ille. Ex quibus aperte constat omnem illum errare, qui propositioni dubiæ, aut opinabili assentit cum certitudine fidei, & omnem talem assensum esse erroneum: quia & si verum forte sit, quod assentit: aliter tamen quam deberet, assentit: cum incerta pro certis teneat. Si autem iuxta hunc modum, de propositione erronea loquamur, nulla prorsus est difficultas distinguere inter hæresim, & propositionem erroneam: cum constet alterum esse genus, alterum vero illius speciem. Nam propositio erronea genus est, quod sub se continet hæresim tamquam suam speciem: quia omnis hæresis est propositio erronea, non tamen viceversa omnis propositio erronea est hæresis dicenda. Sed difficultas est non parua agnoscere, quo pacto inter se differant, hæresis, & error in fide: quoniam si est propositio erronea consequens est, ut falsa sit, & si est erronea

Aug.



in fide, oportet, vt falsitas illius sit contra veritatem fidei. **C**  
 At falsum, quod veram fidem oppugnat: nescio qua via exi-  
 mi possit, ne hæresis dicatur. Quo sit, vt nullum sit inter il-  
 la duo discrimen: & certe si aliquid est, tam occultum est il-  
 lud, vt omnes, qui de hac re scripserunt, latuerit: quoniam  
 nullus eorum, qui de varietate propositionum damnabi-  
 lium scripsit, quicquā docuit: vnde hæc diuersitas possit ag-  
 nosci. Ioannes de Turre Cremata in summa ecclesiæ, li-  
 bro quarto, parte secunda, capite xj. diffinit propositionem  
 erroneā, absolute: sed non diffinit propositionē erroneam  
 in fide. Quidam Martinus Gartia olim in regno Aragonū  
 Inquisitor, & postea Barchinonensis Episcopus, in quodam  
 libello, quē aduersus aliquas Pici Mirandulani conclusio-  
 nes edidit, de diuersitate harum propositionum in princi-  
 pio libri tractans eadem, & sub eisdem verbis, & ferē nul-  
 lo mutato verbo dicit, quæ apud Ioannem de Turre Cre-  
 mata habebātur. De Guidone Carmelita pudet loqui: quo-  
 niam de hæresibus differens, cum nihil absolutum, & con-  
 summatum scribat, nullā etiam prorsus de diuersitate ista-  
 rum propositionum mentionem facit. Ex aliquibus tamen  
 variarum vniuersitatum, & diuersorum conciliorū censu-  
 ris: videtur aliquid esse inter illa duo discrimen: quoniam **D**  
 de variis assertionibus illi definientes aliquas censeant esse  
 hæreticas, aliquas in fide erroneas. Quod autem ita res ha-  
 beat ex his quæ in cōcilio Constantiensi definita sunt, con-  
 uinci potest: quoniā cum in sessione octaua eiusdem conci-  
 lij multæ Ioannis Voiclesii assertiores damnentur: non tamē  
 omnes eadem nota vruntur: sed earum aliquæ censentur hæ-  
 reticæ, aliquæ erroneæ, aliquæ scandalosæ. Si quis ab his an-  
 gustiis liberari cupiens, dixerit solam esse vocum differen-  
 tiam, & non rerum, ita vt idem prorsus sit propositio hære-  
 tica, & propositio erronea in fide, ego illius sententiæ liben-  
 tissime consentirem, dicens vniuersitates illas in suis censu-  
 ris ad solum orationis ornatum tali vocum varietate esse  
 vsas, ita vt propositiones eiusdē notæ, nunc hæreticas, nunc  
 in fide erroneas appellauerint. Et huius sententiæ videtur  
 fuisse Ioannes de Turre Cremata: quoniam in libro, & par-  
 te supra citatis, hæc, quæ sequuntur ait. Error circa quæcun-  
 que contenta in sacra scriptura, siue pertineāt ad historias,  
 siue ad articulos fidei, siue ad mores, dicetur hæresis. Hæc  
 ille



**A** ille. Si tamē cogor fateri aliquod esse inter propositionem  
 erroneam in fide, & propositionem hæreticam discrimen,  
 dicā, quod sentio: paratus tamen meliora docenti obedire.  
 Vt autē quod dixerim, apertius fiat, admonere prius oportuit  
 diuersa esse credibiliū genera. Quædam enim sunt talia,  
 quod superant virtutem nostri intellectus, ita vt ad illa  
 intelligēda non possit pertingere noster intellectus nisi  
 prius crediderit, de quibus Esaias iuxta translationē. LXX. *Esa. 7*  
 ait. Nisi credideritis, nō intelligeris. Et ista sunt, circa quæ  
 proprie versatur fides. Assertio autē, quæ hæc credibilia op-  
 pugnat, hæresis propriè dicitur. Alia sunt credibilia, quæ  
 non omnem virtutem intellectus superāt, & sunt illa, quæ  
 intellectus ex virtute sua (non excludo hic vniuersalē Dei  
 concursus) attingere potest: sed peccatis obscuratus intel-  
 lectus cognoscere nō potest, & propter hoc Deus nostri mi-  
 seratus illa per scripturam sacram nobis innotescere voluit,  
 vt si per nos ipsos malitia nostra obstante illa cognos-  
 cere non valeremus, saltem Deo docente intelligeremus.  
 Tales sunt istę propositiones. Deus est. Deus est vnus. Deus  
 est intelligens. Deus est omnipotens. Istę omnes propo-  
 sitiones naturali lumine intellectus possunt sciri: quod autē  
**B** à multis gentibus fuerint ignoratę, malitia fuit causa, quæ  
 illorum excæcauit intellectus. Nam de istis, & aliis simi-  
 libus propositionibus Paulus loquebatur, cum Gentilium  
 philosophorum insipientiam & cæcitatem arguens, dixit:  
 Qui veritatem Dei in iniustitia detinent: quia quod no- *Ro. 1*  
 tum est Dei manifestum est in illis. Quæ verba exponens  
 beatus Anselmus ait: Veritatem, id est, quod ipse est ve- *Ansel.*  
 rus Deus, detinent in iniustitia, quia cum vere sciant vni-  
 creatori Deo debere cultum summę venerationis exhibe-  
 ri, eum iniuste exhibent creatura: Et post pauca subdit:  
 Nam illi nouerunt veritatem, quam cæteris abscondunt:  
 quia quod notum est Dei, id est, quod naturali ingenio  
 sciri potest de Deo, manifestum est illis. Multa enim sunt,  
 quæ de Deo per naturam sciri non possunt: sicut est my-  
 sterium incarnationis, & passionis, quod latuit sapientes  
 mundi. Sed hoc de Deo naturaliter sciri potest: quod ipse  
 sit Deus: quia omnis creatura ostendit se non esse Deum:  
 sed esse alium, qui eam fecerit cuius seruitio parere neces-  
 se sit. Ita quod notum est de Deo manifestum est illis. Hæc

Greg.

ille. Et istæ tales propositiones non sunt propriè obiectum fidei : cum naturali ratione comprehenduntur. Nam (v<sup>o</sup> beatus Grægorius ait ) fides non habet meritum , cui humana ratio præbet experimentum. Assertio ergo talis , quæ est contra credibilia , quæ naturali ratione probari possunt , erronea in fide dicitur. Vt gratia exempli , quodd Deus nō est vnus : quod Deus non omnipotens : quod Christus fuerit homo in triduo : quod anima hominis producat<sup>r</sup> ex semine humano , sicut anima bruti : quod charitas , qua nos Deum diligimus , est Spiritus sanctus. Vita actiua est excellentior , quàm contemplatiua. Omnes istæ propositiones dicendæ sunt erronæ in fide : quia ratione naturali confutari possunt. Hoc igitur inter propositionem hæreticam & propositionē erroneam in fide esse censeo : quodd hæresis propriè dicta est contra credibilia , quæ superant omnem virtutem intellectus. Error vero in fide est contra credibilia , quæ ratione naturali probari possunt. Si autem credibile aliquod huiusmodi fuerit , vt præter rationem naturalem possit etiā probari per sacram scripturam , aut ecclesię determinationē , aut per alias vias , quibus ea , quæ credere tenemur probari possunt , assertio , quæ illud credibile oppugnat , dicitur hæretica simul , & erronea in fide. Talis est hæc propositio : Deus non est vnus. Nam , quia ratione naturali illius falsitas conuinci potest , dicitur propositio erronea in fide : quia vero idem per sacram scripturam potest probari , dicitur propositio hæretica , & pertinax illius , aut alterius similis propositionis assertor , censebitur hæreticus , & velut talis erit merito puniendus. Potest adhuc aliud inter hæc duo dari discrimen , per hoc , quod hæresis semper est contra id , quod credere tenemur. Error autem in fide non semper est contra id , quod credere tenemur. Sunt enim multe propositiones theologicæ , quæ in sola opinione consistunt. quarum neutram contradictionis partem homo credere tenetur : sed quamlibet circa fidei dispendium tueri potest. Tales sunt istæ propositiones. In sacramento nouæ legis est aliqua qualitas supernaturalis causans gratiam. Beatus , Deo ita operante , potest videre vnam personam diuinam sine alia. Beatitudo consistit magis in visione , quàm in dilectione. Qui has propositiones , aut illarū con-

tradi

- A** traditorias assereret, non esset hereticus, si quis tamen alteram illarum sic assereret tanquam fidei articulum, ita ut oppositam assertionem censeret hæreticam, talis erraret in fide, & (ut infra capite octauo huius libri dicemus) esset hereticus: quia firmitus illi adhæreret, quàm deberet. Nam errat iuxta Augustini sententiam: quia habet incerta pro certis: sicut erraret, qui certa haberet pro incertis. Si cui hæ distinctiones inter propositionem hæreticam, & erroneam in fide non placent, ego aduersus illum contendere nolo: sed rogo illum, ut offerat meliorem: quoniam (ut dixi) paratus sum meliora docentem audire. Audiui ego ex quorundam relatu, virum quendam doctissimum in Complutensi gymnasio publice theologiam profitentem, qui, ut inter hæc duo aliquod præberet discrimen, prius de errore distinguebat sic in publica lectione, dicens. Dupliciter, aliqua propositio dici potest erronea. Potest enim esse erronea errore logico, & omnis falsa propositio est hoc errore erronea: Quo fit, ut omnis propositio erronea in fide errore logico, sit etiã hæresis dicenda: quia omnis talis dicit falsum in fide. Alio modo potest dici aliqua propositio erronea in fide errore theologico, & est illa, quæ est contra communem opinionem theologorum. Ex quibus multæ sunt, quæ nullo modo hæreses dici merentur. Dictumque est mihi illum quum hæc doceret, hoc dedisse exemplum. Hæc propositio. Virgo Maria concepta est in peccato originali, est erronea in fide errore theologico, quia est contra communem præsentium theologorum opinionem, non tamen est hæresis dicenda: quia illius contradictoria non pertinet ad fidem Catholicam, nec illam pro fide Catholica tenendam esse ecclesia vnquam decreuit. Quantum veritatis hæc erroneæ propositionis distinctio habeat, lectori iudicandum relinquo, admonens solum, ut cõsideret, quomodo possit dici propositio erronea in fide, quæ nec ex parte suæ enunciationis, nec ex parte illius, qui illam firmitus, quàm deberet, asserit, fidem oppugnat. Nam etsi demus omnem illum, qui asserit aliquid contra communem theologorum opinionem, errare theologico errore: non tamen oportet dicere omnem talem errare in fide: quia durũ est, ut quis dicatur errare in fide, quando propositio quam asserit, non est contra fidem, nec mo-  
dus



das asserendi est contra fidem: quia non maiorem, quam debet, illi adhibet fidem. C

Propositio hæresim sapiens, aut male circa ea, quæ ad fidem pertinent sonans est illa, quæ in prima significatione, quam verba prima facie ostendunt, sensum habet hæreticum, quamvis pie intellecta sensum aliquem habeat verum. Ut sunt istæ propositiones. Pater est maior filio. Christus est creatura. Tres sunt Dij. Vesci carnibus, vel non vesci impertinens est Christianæ perfectioni, Philosophi Gentiles in sola lege naturæ saluari potuerunt. Hæc vltima pro eo hæresim sapit, quia si fidem excludat, est hæretica, si fidem de Deo non excludit, vera est. & ideo sic nude prolata hæresim sapere videtur, & expositione indiget. Istæ propositiones licet pie intellectæ aliquem verum sensum habeant, tamen iuxta facialem verborum significationem, hæresim sonant. Cum igitur hæ propositiones, aut aliæ similis notæ prædicantur, aut docentur, duo consideranda sunt ab illis, quibus de hæreticis inquirere, & iudicare incumbit. Primum est de persona asserente, an sit alias de hæresi suspecta. Alterum est, an aliquis ex auditoribus verba illa iuxta sensum hæreticum intellexerit, ac proinde scandalizatus fuerit. Et si hoc vltimum contigerit, vocandus est illius propositionis asseritor, & cogendus: vt publice ea, quæ dixit iuxta verum illorum verborum sensum interpretetur, vt omne scandalum ab auditoribus tollatur. Si verò persona est suspecta: sed nulum auditores ex illius verbis concepere scandalum, tunc vocandus est secreto, & de verborum suorum intelligentia interrogandus, & si iuxta Catholicum sensum verba illum dixisse constet, liber absque vlla punitione dimittendus est, neque (vt ego existimo) opus est illum ad publicam verborum suorum declarationem cogere, ne forte ex noua verborum declaratione aliquis scandalizetur, qui ante non fuerat scandalizatus. Iustum tamen esse censeo, vt Inquisitores admoneant prædicatorem, aut doctorem talem, ne similia iterum sine manifesta verborum declaratione prædicare, aut docere audeat.

Propositio scandalosa, aut piarum aurium offensa est propositio, quæ auditoribus piis occasionem ruinæ præbet. De hac re aliqua exempla proponam, vt ad istarum imitationem

**A** tionem possit lector prudens de aliis iudicare.

Hæretici sunt tolerandi, & non occidendi.

Maiores meriti est eleemosynā pauperi elargiri, quā eleemosynam pro missæ sacrificio offerre.

Ineptum est pro oratione offerre salutationē Virginis.

Tyrannum potest quilibet illius subditus occidere.

Ieiunare impertinens est Christianæ perfectioni.

Nullum est præceptum de baptismo suscipiendo.

Omnes istæ propositiones sunt scandalosæ: quia omnes auditoribus occasionem ruinæ præbent. Prima quidem viam latissimam aperit ad hæreses, quasunque inducendas, quoniam facilitas veniæ incētiūm præbet delinquendi. Secunda propositio auertit à sacrificio Missæ, & deuotione illius: quia si populus credat minoris meriti esse Missæ sacrificium, quā eleemosynam, tunc populus minus reuerēbitur illud sacrificium, quā oportet, nec toties illud celebrare faciet, vt nunc facit. Sed vnicam Missam (vt Lutherus docet) vni populo satis esse dicit. Tertia propositio tollit deuotionem, quam populus ergo piam Dei matrem habet, quam Deus mediatricem esse voluit inter nos, & illum.

**B** Quarta propositio animum, & vires populo præbet, vt pro libito dominum suum occidat: quoniam semper cauebitur dominum suum esse tyrannum.

Quinta propositio quodāmodo homines à ieiunio auertit.

Sexta propositio tepidos reddit homines ad baptismum suscipiendum.

Propositio temeraria est illa, quæ omni prorsus caret autoritate, aut ratione, quæ alicuius sit momenti, per quam illa probari possit. Illa enim temere fieri dicuntur (vt beatus Thomas in secunda secundæ, quæst. liij. ait) quæ nulla ratione reguntur, quo fit, vt illud merito temerarie assertum dicatur, quod nulla autoritate, aut ratione probari potest. Illa igitur propositio dicetur temeraria in fide, quæ de rebus ad fidem spectantibus aliquid enunciat, quod nulla ratione, nullāque autoritate probari potest. Tales sunt hæ propositiones, quæ sequuntur.

Dies iudicij erit infra annum.

Christus redemptor noster mansit per xl. dies, qui fluxerunt à resurrectione vsque ad ascensionem in arcæ fœderis.



deris. Discipuli Ioannis Baptistæ fuerunt illi, qui in Christi redemptoris nostri passione dixerunt: Tolle, tolle, crucifige eum. Ioan. Euan. fuit sanctificatus in utero matris. C

Omnes Romæ viuentes sunt in peccato mortali.

Omnes Episcopi damnantur.

Plures saluantur ex conjugatis, quàm ex monachis.

Plures feminæ saluantur, quàm viri.

Omnes istæ propositiones sunt de temeritate notandæ, & illarum assertor, merito temerarius censebitur. Ab hac tamen nota liberabitur propositio, & illius assertor, si aliquam verisimilitudinem habeat id quod asseritur, quantum & autoritate, & ratione careat, præsertim si aliqua utilitas ex illa assertione oriri potest. Vt sunt multa, quæ viri contemplatiui gesta fuisse verisimiliter imaginantur, & populo narrata optimos per illa suscitare possunt affectus. Talia sunt quædam iniuriosa verba, quæ à passimis satellitibus, & aliis militibus, & crucifixoribus Christo redemptori nostro in faciem dicta fuisse viri contemplatiui, verisimiliter imaginantur, & concionatores verbi Dei utiliter illa populo referunt. Quæ & si nulla autoritate, aut valida ratione probari queant, non tamen ideo sunt temeraria dicenda, quia magna verisimilitudine roborantur, & non sine utilitate referuntur. Si tamen omni careat verisimilitudine quantumlibet illa proficere sperent, temeraria merito censebuntur, & velut talia prohiberi debent ab his, ad quos hoc facere spectat: quia non sunt facienda mala, ut inde veniant bona: neque Deus indiget mendacio nostro. D

Propositio schismatica, & seditiosa est, quæ vnionem membrorum ecclesiæ, aut vniuersaliter, aut particulariter quomodolibet tollit, cuiusmodi sunt hæ propositiones, quæ sequuntur.

Episcopus non est simplici sacerdote superior.

Papa non est superior cæteris Episcopis.

Malo prælato non est obediendum.

Per peccatum mortale omnis potestas amittitur.

Subditi possunt dominos suos cum aliquod crimine commiserint, pro libito suo corrigere, & punire.

Propositio iniuriosa est, quæ alicui fidelium statui, vel alicui illustri personæ detrahit. Tales sunt multæ assertiones Ioannis Vuiclefi. & Ioannis Huss. quæ in concilio Constantiæ ant

**A**stantiensis sectione octaua, & quintadecima damnatae sunt.  
E quibus sunt istae, quae sequuntur.

Si quis ingreditur religionem priuatam qualemcunque  
tam possessionatorum, quam mendicantium redditur in-  
eptior, & inhabilior ad obseruantiam mandatorum Dei.

Religiosi viuentes in religionibus priuatis, non sunt de  
religione Christiana.

Omnes de ordine mendicantium sunt haeretici, & dan-  
tes eis eleemosynas sunt excommunicati.

Ecclesia Romana est synagoga Sathanæ.

Papa est Antichristus.

Cardinales sunt ministri Antichristi.

Omnes istae propositiones sunt iniuriosae dicendae, eo  
quod apertissimas, statibus, aut illustribus personis inferunt  
iniurias. Cum iam de omni genere propositionum damna-  
bilitatem differuerim, operae pretium fore existimaui admo-  
nere lectorem, ne ista propositionum genera sic putet esse  
abiniuicem distincta, & separata, ut vni & eidem assertioni  
conuenire non possint. Potest siquidem eadem assertio mul-  
tis ex his, quas modo explicauimus notis maculari. Nam

**B** haec propositio, quae vna est ex pestiferis Ioannis Vuiclefi  
assertionibus. Religiosi viuentes in religionibus priuatis  
non sunt de religione christiana, est haeretica, scandalosa,  
temeraria, schismatica, & iniuriosa. Haeretica est: quia con-  
tra vniuersalis ecclesiae definitionem sentit. Scandalosa,  
quia homines ab ingressu religionum auertit, & professis,  
ut vota, quae domino vouerunt non reddant, suadet. Teme-  
raria dicitur, quia nulla prorsus ratione, aut autoritate  
fulcitur: sed omnium sanctorum virorum turbae contradi-  
cit. Schismatica ideo merito censenda est, quia ecclesiae vni-  
tatem diuidit, cum religiosos ab illa separat. Quod autem  
omnibus religionibus, & illarum religionis sit iniuriosa  
adeo est apertum, ut nullus merito dubitare possit.

*De multiplici via per quam convinci potest aliquam  
propositionem esse haeticam.*

#### CAP. IIII.

**Q**uamuis de haeretica propositione satis, ut existimo,  
differuerim, ut tamen rem plenè absoluerem, necessa-  
rium fore iudicaui, vias ostendere, per quas propositio  
aliqua

aliqua possit apertissimè de hæresi conuinci, ne fortè in C  
damnatione propositionis alicuius, iudices, quibus agere  
incumbit, sententiam peruertant propositionem aliquam  
velut hæreticam damnantes, quæ talis merito dici non  
posset, aut Catholicam dicentes, quæ velut hæretica da-  
mnanda erat. A multis enim non solum idiotis, & igno-  
rantibus: sed viris etiã alioqui doctis, hac in parte erra-  
tum est, cum multas propositiones in suis scriptis velut hæ-  
reticas diffamauerunt, quæ nihil minus quàm hæreticæ  
dici merebantur. Nam (vt de aliis taceam) multas assertio-  
nes hæreseos nota maculauit in suo illo opere de hæresi-  
bus, Philaster Brisientis episcopus, de quo Augustinus men-  
tionem facit in lib. de hæresibus, ad quod vult Deum, quæ  
tamen pro Catholicis nunc ab omnibus defenduntur. Mul-  
tas etiã illic tanquam Catholicas nobis proponit asser-  
tiones, quas nos in eo opere, quod aduersus omnes hæreses  
edidimus, inter hæreses non immerito recensuimus. Ne  
igitur simile quid aliis contingat, plures vias, easque cer-  
tas, & indubitatas, nunc ostendere decreui, per quas propo-  
sitiõ aliqua de hæresi conuinci possit. Ex quibus apertissi-  
me constabit propositionem illam non esse hæreticam dic-  
cendam, quæ aliquo istorum modorum, quos statim expli-  
cabitur, non potuerit de falsitate conuinci. D

Prima via, & omnium potissima est sacra scriptura:  
quoniam omnis, qui se Cristianum fateatur, tenetur fir-  
missime credere vera esse omnia; quæ nos sacra scriptu-  
ra docet, & nefas est de illis quomodolibet dubitare.  
Quoniam aliàs Deus, qui illarum omnium primus credi-  
tur author, suspectus de mendacio haberetur, quod Chri-  
stianæ aures audire horrent. Vnde Augustinus in episto-  
la ad Hieronymum, quæ est decima nona in ordine sua-  
rum epistolarum, ita ait: Ego enim fateor charitati tuæ,  
solis eis scripturarum libris, qui iam canonici appellantur,  
didici hunc timorem, honorémque deferre, vt nullum eo-  
rum authorẽ scribẽdo aliquid errasse firmissime credam:  
ac si aliquid in eis offendero literis, quod videatur contra-  
rium veritati, nihil aliud, quàm vel mendosum esse codicẽ,  
vel interpretem non assecutum esse, quod dictum est, vel  
me minime intellexisse non ambigam. Hæc Augu. Et ha-  
bentur hæc verba in volumine de cre. in c. Ego solis. dist. ix.  
Quan

- A** Ququam illic mēdose Augustini verba citantur, propter quod moneo lectorem, vt quæ in decreto ibidem citantur ad hoc exemplar corrigat. Cum ergo omnia, quæ nobis sacra scriptura credenda proponit, firmissime credere teneamur, consequens est, vt quicquid illis repugnauerit, hæreticum sit merito censendum. Neque curandum est, an aperte contradicat, an latēter: quoniam quocunq; modo repugnare constiterit, propositio illa sic cum scriptura sacra pugnas, erit merito de hæresi notanda. Sunt enim aliquæ hæreses quarum contrariæ, aut contradictoriæ sunt expressæ in sacra scriptura, & huiusmodi propositiones sunt, quæ aperte contra sacram scripturam pugnant. Vt (gratia exempli) quòd Christus non est Deus. Quòd tres personæ non sunt vna essentia, illarum contradictoriæ sunt expressæ in sacra scriptura. Sunt etiam aliæ hæreses quarum contrariæ, aut contradictoriæ, licet non sic exprimuntur in sacris literis, vt sub illo verborum tenore ibidem habentur, tamen ex illis, quæ sacra scriptura docet, euidentissima consequentia inferuntur tales contrariæ, aut contradictoriæ: & tales assertiones latenter pugnant contra sacram scripturam: quia repugnat contra illa, quæ ab illis necessario deriuantur. Et tales propositiones sunt etiam hæreticæ censendæ perinde ac primæ: quoniam ea, quæ ex contentis in sacra scriptura, necessaria consequentia inferuntur, tantam habeat veritatis firmitatem, & fidei necessitatem quantam illa, ex quibus colliguntur, Verbi gratia, istæ propositiones: Deitas est mortua in passione Christi. Christus non est simul Deus & homo. Hæreticæ dicuntur, & sunt: quia licet illarum oppositæ sub illo verborum tenore in sacris literis non inueniantur. Ex illis tamen, quæ in sacris literis continentur, euidenti consequentiâ deducuntur. Hic tamen summe aduertere oportebit, vt quisq; in huiusmodi deductionibus, optime, & euidenter colligat: quoniam si consequentia non sit euidentis, sed dubia, non erit etiam euidentis propositionem, quæ cum sacra scriptura in faciem pugnare videtur, esse hæreticam. Erit tamen de heresi suspecta, quousq; de consequentia constet, necessaria sit an non. Prima igitur via, & (vt diximus) omnium potissima, qua propositionem aliquam de hæresi conuincere possumus, sacra est scriptura. Hæc est enim turris illa Dauid, ex qua mille clypei pendent, & omnis arma-

Can. 4



2. Reg. 27

1. Timoth. 3

tura fortium : quoniam ex ea sumenda sunt arma , quibus  
 contra hostes fidei Catholicæ pugnare debemus. Hæc est  
 etiam torrens ille vnde David lapides sumpfit, quibus super  
 bum Goliath acerbissimum Israelis hostem prostravit. Vnde  
 Paulus in posteriori epist. ad Timoth. ait. Omnis scriptu-  
 ra diuinitus inspirata, utilis est ad docendum, ad arguendū,  
 ad corripiendum, ad erudiendum in iustitia, vt perfectus sit  
 homo Dei ad omne opus bonum instructus. Hic tamen ad-  
 monendus est lector, ne putet sacræ scripturæ verba iuxta  
 omnem illorum sensum esse efficacia ad hæreses confutan-  
 das, quoniam nisi in sensu literali sumantur, parum roboris  
 habent ad disputationem. Sensus mysticus non est validus  
 ad hæreticos conuincendos, sed solus literalis. Secunda via,  
 per quam propositio aliqua potest de heresi conuinci est  
 concilij generalis recte (vt decet) cōgregati definitio. Con-  
 cilia siquidem generalia errare non possunt : cum à spiritu  
 sancto, qui illis semper assistit, regantur. Quo fit, vt illis,  
 quæ à generali concilio recte congregato decreta sunt, &  
 quæ ex huiusmodi decretis consequentiā necessaria dedu-  
 cuntur, plenam teneamur prestare fidem, etiam si apertis  
 scripturæ sacræ testimoniis illa probari non possint, Omnis  
 igitur propositio asserens aliquid contra alicuius probati  
 concilij definitionem, aut contra illud, quod euidenti, &  
 necessaria consequentia ex concilij decreto colligitur, erit  
 merito hereseos nota maculanda, & ad illius redargutio-  
 nem satis est probati concilij definitio, etiam si apertum  
 sacræ scripturæ testimonium contra illam desit. Per hanc  
 viam multæ propositiones de heresi conuincuntur, quæ sub-  
 tractis conciliorum definitionibus minime, aut difficilli-  
 me possent hæreticæ demonstrari. Ne autem quis mihi  
 in hac parte ob exemplorum defectum fidem deroger, ali-  
 quas propositiones subiungam, quæ nisi conciliorum aucto-  
 ritate vix possent à gremio fidei Catholicæ reicij,

Substantia panis materialis, & substantia vini materialis  
 sunt realiter in sacramento altaris.

Populares possunt ad arbitrium suum dominos delin-  
 quentes corrigere.

Omnes sunt simoniaci, qui se obligant orare pro illis in  
 temporalibus subuenientibus.

Oratio priuati hominis nulli prodest.

Anima



**A** Anima rationalis non est vere, & per se forma corporis humani.

Epistola ad Hebræos non est Pauli.

Epistola prima ex septem canonicis non est Iacobi.

Omnes istæ propositiones sunt hæreticæ: illarum tamen error vix aliunde posset demonstrari, quàm ex conciliorum autoritate. quatuor primæ damnatæ sunt in concilio Constantiensi sessione octaua. Quinta damnata est in concilio Vientiensi sub Clemente huius nominis quinto summo Pontifice, cuius decretum habetur in Clementina de sum. Trinitate, & fide Catholica. Duæ ultimæ per multa concilia damnatæ sunt.

Tertia via per quam possumus assertionem aliquam de heresi conuincere, est vniuersalis ecclesiæ consensus sine alicuius scripturæ sacræ testimonio, & sine alicuius generalis concilij definitione. Multa enim sunt, quæ etsi in scriptura sacra non contineantur: quia tamen antiquissima ecclesiæ consuetudine seruata sunt, vim habent non paruam ad hæreses confutandas: quoniam credi par est, illa ab ipso Christo saluatore nostro fuisse deriuata, & inde ex ore in os ad nostra secula peruenisse. Nam idem de Archippo, & Lyfiade Pythagoricis philosophis fertur, qui Thebis in Græcia scholas habentes Pythagorica dogmata solo verbo tradebant, quæ discipuli memoriter retinentes, ingenio, & memoria pro libris utebantur. Christum nihil scripsisse, quod permanferit legimus: sed solo verbo docuisse, cuius verba, & præcepta non omnia Euangelistæ scripserunt: sed eorum aliqua memoriter conseruata sunt, & ex ore in os transfusa ad nos peruenerunt. Quæ autem sic seruata sunt, firmissimam habent veritatis certitudinem perinde ac si per scripturam fuissent traditæ. Nam sicut Deus Spiritu suo diuino adflauit Euangelistas, aut alios sacros scriptores, cum aliquid scripserunt, ita adflat ecclesiam eodem Spiritu, cum aliquid illa nobis loquitur, Christus siquidem Apostolis suis ait. Non estis vos, qui loquimini: sed Spiritus patris vestri, qui loquitur in vobis. Non est enim credendum Deum ecclesiam suam destituisse iam Spiritu suo, vt iam per os illius loqui dedignetur, prout ante faciebat: præsertim cum ipse dicat. Ego vobiscum sum usque ad consummationem seculi. Sicut ergo credimus

Mat. 10

Mat. 28

Scripturæ diuinæ per manus Apostolorum, & Euangelistarum scriptæ, ita etiam credere tenemur voci diuinæ per os ecclesiæ prolata. Nam sicut non omnia, quæ Christus fecit (vt Ioannes Euangelista testatur) scripta sunt, ita neque omnia, quæ dixit. Istorum autem siue factorum, siue dictorum Christi, quæ scripta non sunt, multa credendum est Apostolos aliis verbo narrasse, atq; ita ex ore in os, & ex pectore in pectus transfusa ad nos vsq; peruenisse sine alio quouis scripturæ testimonio. Talia sunt fermè omnia, quæ ad ritum sacramentorum exercendorum Catholica seruat ecclesia: qui ritus quamuis in sacra scriptura non sint expressi, illos tamen reilcere non licet: quoniam aut omnes illi aut maior illorum pars ab ipso Christo illorum institutore processit, & ex ore in os prodiens ad nos vsque peruenit. Quo fit, vt si quid contra hæc, quæ vsque ad hæc tempora sic seruauit, & docuit ecclesia, aliquid doceatur, illud sit merito hæreticum censendum. Vnde Origenes Homilia quinta super librum Numerorum, ait: In ecclesiasticis obseruationibus sunt nonnulla, quæ omnibus quidem facere necesse est, nec tamen ratio eorum omnibus patet. Nam quod (verbi gratia) genua flectimus, orantes, & quod ex omnibus cæli plagis ad solam Orientis partem conuersi orationem fundimus, non facile puto cuiquam ratione compertum. Sed & Eucharistiæ, siue percipiendæ, siue eo ritu, quo geritur explicandæ, vel eorum, quæ geruntur in baptismo verborum, gestorumque, & ordinum, atque interrogationum, ac responsionum quis facile explicet rationem? Et tamen omnia hæc operta, & velata portamus super humeros nostros, cum ita implemus ea, & exequimur, vt à magno Pontifice, & eius filiis tradita, & commendata suscepimus. Hactenus Origenes. Præterea ille verborum contextus, & ordo, quo Catholica vtitur ecclesia in consecratione corporis, & sanguinis Christi, apud nullum Euangelistarum plene reperitur, nequias tamen esset credere aliis verbis sacramentum illud esse conficiendum, quàm quibus nunc conficit Ecclesia: quoniam talia verba, quibus nunc vtitur ecclesia, ab ipso Christo (vt credimus) processerunt. Hoc enim Innocentius Papa huius nominis Tertius fatetur sic inquires. Credimus igitur, quod formam verborum: sicut in canone reperitur, & à Christo Apostoli, & ab ipsis eorum acceperint

C

D

Ioan. 10

Orige.

**A** ceperint successores. Hæc Innocentius, & habentur hæc verba in volumine decretalium, titulo de celebratione missarum. cap. Cum Martha. Certissima igitur via, & validissimum argumentum ad conuincendum aliquam propositionem esse hæreticorum, est ecclesiæ vniuersalis consensus, ita vt illa propositio dicatur hæretica, quæ est contra vniuersalem ecclesiæ consensum, quamuis nullum sit scripturæ testimonium, quo possit talis propositio conuinci. Vnde Sapiens in prouerbiis ait. Ne dimittas legem matris tuæ.

Quarta via est iudicium sedis Apostolicæ: quoniam hæc circa illa, quæ fidē spectant, errare non potest. Sed circa hoc admonere decreui lectorem, quid per nomen sedis Apostolicæ intelligere debeat: quoniam hoc nomine non ipsa sola Papæ persona intelligitur: quoniam illa errare potest, vt homo, male sentiendo, & male opinando: sicut de multis summis Pontificibus historix referunt illos errasse. Nam (vt de cæteris taceam) Honorius Primus damnatus est in sexta synodo, eo quod Monothelitarum hæresi faueret. Nomen sedis Apostolicæ significat ipsum summū Pontificem, non vt facit aliquid tanquam priuata persona: sed vt facit ea quæ ad cathedram spectant, non ex suo tantum consilio procedens: sed ex consilio bonorum virorum, & doctorum. Hoc modo capitur nomen sedis Apostolicæ quotiescunque in decretis, aut alibi legitur Apostolicam sedem non posse errare in fide. Vnde Agatho Papa ait. Sic omnes Apostolicæ sedis sanctiones accipiendæ sunt tanquam ipsius diuinæ voce Petri firmatæ. Hæc ille, & habentur in cap. Sic dist. 19. Quæ verba exponens Archidiaconus super decreto ita ait. Caute dicit Apostolicæ sedis, & non dicit Apostolici. Hæc ille. Sedis ergo Apostolicæ sanctiones, siue sententia in iudicio prolata à Romano Pontifice, intelligitur non, quæ occulte, malitiose, inconsulte per solum Romanum Pontificem, aut etiam quæ per ipsum cum paucis sibi fauentibus, aliis in fraudem contemptis, siue non vocatis profertur: sed quæ à Romano Pontifice, ex consilio plurimorum virorum sapientum præsertim Dominorum Cardinalium, plene prius examinata profertur. Quæ autem examine Apostolicæ sedis sententia sit discutienda, antequam proferatur, Bæatus Gregorius declarat sic inquit: *Grego.*

Apostolicæ sedis sententia, tanta semper consilij moderatione concipitur, tanta potentia, & maturitate decoquitur, tantæque deliberationis grauitate profertur, vt nec immutari necessarium ducat nisi forte sic prolata sit, vt retractari possit, vel immutari, si secundum tenorem præmissæ conditionis existat. Hæc Gregorius. Et habentur hæc verba in decreto 15. quæst. 9. cap. Apostolicæ. Sic igitur accipiendo nomen scilicet Apostolicæ, credo illam in fide errare non posse, & illius sanctiones esse prorsus indeuicibiles, non quidem ratione personæ, à qua procedunt: quoniam cum homo sit, consequens erat, vt errare posset: sed ratione cathedræ, quam regit, & moderatur. Nam personæ alioqui indignæ Deus dona gratiarum impartiri solet propter officium, quod administrat. Nam (vt de alijs taceam) Cayphæ propter pontificiam dignitatem qua honestatus erat, datum est de humani generis redemptione per Christi mortem faciendâ prophetare. Multo ergo magis dignum erat, vt illi, qui totius ecclesiæ est pastor, & rector, Deus veritatis indeuicibilis priuilegium concederet. Sic enim Christus se facturum promissit, dicens: Ego rogavi pro te Petre, vt non deficiat fides tua, & tu aliquando conuersus confirma fratres tuos. Quomodo autem deficiet Petri, hoc est. Apostolicæ sedis fides, illo pro ea rogante, qui semper exauditur? Aut quomodo oues errantes reducere posset, aut vacillantes confirmare si illarum pastor, & rector erraret perinde ac illæ? Ideo beatus Leo in sermone secundo suæ ordinationis, hanc Christi promissionem pertrahens, ait: Specialis cura à Domino, Petri suscipitur, & pro si le Petri proprie supplicatur, tanquam aliorum status certior sit futurus, si mens Principis victa non fuerit. In Petro ergo omnium fortitudo munitur, & diuinæ gratiæ ita roboratur auxilium, vt firmitas, quæ per Christum Petro tribuitur, per Petrum Apostolis conferatur. Hæc beatissimus Leo Papa. Si quando forte aliquis Romanus Pontifex in definitione fidei errauit, inde euenire potuit, quod non tantam quantam debebat, adhibuit diligentiam, antequam sententiam proferret, quoniam vel rem non plenè (vt decebat) examinauit, vel nō eos, quos oportebat, consuluit. Eo enim euentu errauit, vt particularis persona, non vt Cathedræ moderator, & rector. Errauit tunc homo, qui in sede Apostolica

Grego.

Ioan. 11

Luc. 22

D

**A**postolica erat : sed non errauit sedes Apostolica, quoniam sedes Apostolica (vt supra ex beato Gregorio ostendimus) nihil sine maturo examine iudicat. Cum autem sic iudicat, errare illa nō potest, quia Deus in medio illius existit, ne à vera fide moueatur. Cum igitur hoc priuilegio Deus Apostolicam sedē donauit, vt errare illa non possit, consequens est, vt iis, quæ ab illa maturo examine præhabito in rebus fidei definita, & iudicata sunt : omnes credere teneantur, & si quid cōtra illa pertinaciter asseratur, hæreticū sit necessario iudicandū. Vnde beatus Hieronymus Damasō Papæ scribēs, ait: Hæc est fides Papa beatissime, quā in Catholica didicimus ecclesia, quāq; semper tenuimus, in qua si minus perite, aut parum caute forte aliquid positum est, à te emendari cupimus, qui Petri, & sedem, & fidem tenes. Si autem hæc nostra confessio Apostolatus tui iudicio comprobatur, quicumque me inculpate voluerit, se imperitum, & maleuolum, vel non etiam Catholicum : sed hæreticum comprobabit. Hæc Hieronymus. Per hanc viam conuincimus has propositiones esse hæreticas.

*Hierony.*

Confessio sacramentalis est solum de iure humano.

**B.** Animæ iustorum in gratia decedentium non vident clare essentiam diuinam ante diem iudicij.

Hæ duæ propositiones tanquā hæreticas catholica reiicit ecclesia: illarū tamen error nō tā facile aliunde posset euidenter demonstrari, sicut ex Romanorū Pontificiū determinationibus. Nam primā damnauit Syxtus Quartus, cuius decretū ego inserui in eo opere, quod aduersus omnes hæreses edidi, titulo de confessione. Secundam damnauit Benedictus Vndecimus, & illius decretum positum est in eodem opere, titulo de Beatitudine, hæresi sexta.

Quarta via per quam possumus conuincere assertionem aliquā esse hæreticā, est omnium sacrorū doctorum, qui de re illa scripserunt cōtra illam propositionē concors sententia. Nam id, quod contra omniū talium sententiā assertum fuerit, hæreticū esse constabit. Si tamen vni tantū, aut alteri sacro doctori contradixerit aliqua propositio, non proinde talis propositio censenda est hæretica, quoniā talium hominum scripta, quālibet illi sint sancti, & docti: non sunt velut oracula diuina recipienda: quia non constat illa à Deo processisse: sed ab homine, qui falli potuit. Nihil autē obstat,



vt eum, qui falli potuit, falsum fuisse dicamus. Neq; etiam C  
 est æquum, aut rationi consentaneum: vt ei, qui & falli, &  
 fallere potest, qualis est quisquis purus homo sub gehennę  
 comminatione credere teneamur: quoniam hac ratione  
 euenire oporteret, vt sapissimę falsa pro veris, & vera pro  
 falsis recipere teneremur: quod nefas est dicere. Verum &  
 si singulorū sanctorū scripta non sint sic pro lege tenenda:  
 vt impium sit ab illis discedere: omnium tamen sacrorum  
 doctorum de rebus fidei cōcors sententia, cui nunquam ab  
 ecclesia, aut ab aliis viris Catholicis impunē contra dictum  
 est, pro vera ecclesię definitione tenenda erit. Nam (vt  
*Ephes. 4* beatus Paulus ait) ad hoc nobis dedit Deus, quosdā Aposto-  
 los, alios prophetas, alios doctores: vt iam non simus par-  
 uuli fluctuantes, & circumferamur omni vento in nequitia  
 hominum, in astutia ad circumuentionem erroris. Si ergo  
 ad hoc dati sunt, vt non erremus, nō est possibile, vt omnes  
 simul errauerint, qui, vt nos nō erraremus missi sunt. Prę-  
 terea sacrę literę ad veteres doctores nos mittunt, vt ab  
 illis doceamur: quo fit, vt eadem lege nos illis credere te-  
 neamur. Frustra siquidem ad illos accedere iuberent: nisi  
 illorum doctrinam suscipere teneremur. Sic enim Moyses D  
*Deut. 32* ait: Memento dierum antiquorum, cogita generationes  
 singulas, interroga patrem tuum, & annuntiabit tibi ma-  
 iores tuos, & dicent tibi. Rursum omnium sacrorum do-  
 ctorum concors sententia, cui nunquam impune aliquis  
 contradixit, apertissime conuincit illam esse etiam totius  
 ecclesię sententiam: quoniam si illi sacri doctores omnes  
 errassent, illorum errorem per tot secula protractū ecclesia  
 non dissimulasset. Quo fit, vt ecclesia ad illorum omnium  
 sententiam semper tacens, illis consentisse videatur: quo-  
 niam si non consensisset, nec etiam tacuisset. Nunquam  
 enim verius dici potest, vt qui tacet consentire videatur,  
 quàm cum res est adeo seria, vt tacere sit perniciosum, lo-  
 qui vero & vtile, & necessarium. Error enim, cui non resi-  
 stitur (vt Innocentius Papa ait) approbatur, & veritas cum  
 minime defensatur, opprimitur. Negligere quippe cum  
*Innocen-  
tius pri-  
m. 11.* possis perturbare perversos, nihil aliud est quàm fouere.  
 Nec caret scrupulo societatis occultę qui manifesto faci-  
 nori desinit obuiare. Hęc Innocentius, & habentur hęc  
 verba lxxxiij. distinct. cap. Error. Sed quoniā de hac re satis  
 prolixè

A prolixè disputauì in libro primo contra omnes hæreses capite septimo : ideo superfluum iudicauì longius de hac re hic disputare. Hoc tamen solum colligamus omnium sacrorum doctorum tam præsentium , quàm præteritorum concordem de aliqua re sententiam æquè efficax esse argumentum ad hæresim reuincendam , sicut esset ecclesiæ vniuersalis definitio : quoniam ea , quæ ab omnibus sine ecclesiæ contradictione de rebus fidei tradita est sententia , ab eadem ecclesia videtur fuisse approbata dum tacuit , quia nisi probasset contradicere tenebatur , ne cum propheta Esaia diceret : Væ mihi : quia tacui. Hac via pugnauit Hieronymus contra Eluidium. Nam vt perpetuam Dei *Esa. 6* genitricis Mariæ virginitatem contra illum ostenderet , cum expressa sacre scripturæ testimonia pro hac re deessent , potissimum vsus est testimonio sacrorum virorum , qui illum præcesserunt. Deinde quinta synodus contra Macharium Antiochenum Episcopum congregata , plurimum roboris tribuit testimoniis sanctorum patrum. Sic enim ait. Sequimur per omnia sanctos patres , & doctores ecclesiæ. Athanasium , Hilarium , Basilium , Gregorium

B theologum , & Gregorium Nissenum , Ambrosium , Augustinum , Theophilum , Ioannem Constantinopolitanum , Cyrillum , Leonem Portium : & suscipimus omnia , quæ de recta fide , & condemnatione hæreticorum exposuerunt. Hæc ex quinta synodo. Ex quibus apertissime constat magnam auctoritatem ad hæreses reuincendas : habere omnium sanctorum virorum , qui nos præcesserunt , concordem sine contradictione sententiam. Quinque igitur sunt viæ , per quas propositionem aliquam conuincere possunus esse hæreticam : extra quas credo nullam aliam esse. Quo fit , vt assertio , quæ nulla istarum viarum , quas nunc pertractauimus , potest de hæresi conuinci , talis

*Quinta  
Synodus.*

quamuis debeat alia nota maculari merito hæretica dici non possit. Et assertor , quamuis pertinax il-

lius propositionis quæ non potest aliquo

istorum modorum de hæresi con-

uinci , non poterit hæreti-

cus censeri . & velut

talis merito

puniri.

*Quis possit de heresi iudicare, & sententiam cui obedire teneantur, ferre.*

C A P. V.

**Q**uamuis heretis definitionem statuimus, per quam cognosci possit, quæ propositiones sint hæreticæ dicendæ, & quæ non, sæpe tamen circa multas propositiones dissensiones oriuntur inter viros doctos in iudicio de illis ferendo, quibusdam dicentibus illas merito esse hæreseos nota maculandas, quibusdam contra asserentibus illas esse Catholicas, aut saltem non posse citra iniuriâ hæreticas appellari. Nec ista contentio contingit fidelibus contra solos hæreticos: sed ipsi fideles Catholici, & docti, ab inuicem dissentiant, & de hac re sæpe contra se inuicem pugnant. Necessarium ergo est iudicem verum in hac controversiâ agnoscere, penes quem sit potestas sententiâ dicendi, ut lites omnes, & dissensiones tollantur. Alioqui si nullus de hac re sit iudex, cuius definitione omnes obtemperare cogantur: sed liberum sit cuique pro arbitrio sentire, nullus erit, qui hastam in certamine abicere velit. Fieret igitur hoc pacto, ut in multis rebus ad fidem spectantibus, nihil certum haberemus: sed anceps semper, & dubia esset sententia, propterea quod inter omnes viros fideles & doctos, de illa sententiâ non conveniret. De hac re & si in illo opere, quod aduersus omnes hæreses edidi abunde me dixisse credam: hic tamen aliqua inde repetere, plura etiâ addere decreui, propterea quod, quæ in hoc opere agimus, omnia ad iudiciale forû diriguntur. Ac proinde necessariû fore existimaui re istam plenius absolvere, ut ante omnia plenam, atque firmissimâ iudicis potestatem omnibus declarem. Admonere tamen imprimis lectorem decreui, ne putet me in hoc capitu. differere de iudice hæreticorû, quoniâ de hac re valde diuersa est disputatio. Multi enim sunt, qui hæreticos iudicare, & punire possunt, qui tamen de hæresi (ut mox dicemus) sententiâ dicere non valent. Omnis tamen, qui de hæresi iudicare potest, hæreticû iudicare, & punire potest. Postquâ enim is, cui interest, censuit assertionem aliquâ esse hæreticam, ipsemet, vel alius, cui hoc commissum est, potest assertorẽ illius propositionis pertinacẽ, hæreticû iudicare, & velut talẽ punire. Iudicẽ hæreseos Lutherus dicit esse solâ sacrâ scripturâ, ad quâ solâ omnis prouocatio, vel appellatio

Lib. 1  
cap. 8

tio

**A** tio facienda est : quoniā per solam illā (vt ait) omnes lites circa fidem ortæ sunt dirimendæ. Perspexit quidem calidus homo sibilo serpentino afflatus, tam apertā esse iudicis necessitatē, vt nulla posset verborū astutia celari, ac proinde talem decreuit iudicē eligere, qui sententiā proferre non posset. Nam et si scriptura ipsa recte intellecta (vt præcedenti capitulo diximus) validissima sit ad hæreses reuincendas, cū tamen de illius intelligētia est cōtentio, ipsamet non poterit esse iudex : præsertim cum alius scripturæ locus apertissimus deest, per quem posset is, de quo dubitatur elucidari. Præterea si de scriptura ipsa est quæstio, an sit sacra dicenda, non poterit ipsamet esse iudex : quia tunc erit abire in infinitum. In propria causa nullius testimoniū est validum dicente Christo saluatore nostro : Si ego testimonium perhibeo de me ipso, testimoniū meum non est verū. Si dicas vnā scripturā per aliam probari esse sacram, tunc erit hac ratione abundū in immensum sine fine, aut oportebit necessario aliquam contentionē carere iudice : vt puta, si de prima scriptura ex cuius testimonio cæteræ omnes pendent, vt sacre dicantur, fieret contentio. Accedit ad hæc, quod multa sunt, ad quæ credenda cōpellimur, quæ tamen scripturæ sacre testimonio probari non possunt : quoniam (vt dicit beatus Ioannes) multa alia fecit dominus Iesus, de quibus Euangelistæ nullam prorsus fecere mentionē, quæ tamen ecclesia Catholica firmissima fide tenet, & docet. *Ioan. 20*

**B** Sed opus est, vt illis, quæ pro se adducit Lutherus respondeamus. Obiicit enim nobis illud, quod Christus apud Ioānem ait : Scrutamini scripturas : quoniā illæ testimonium perhibent de me. Et certe si bene aduerteret Lutherus, intelligeret se suo gladio transfigi : quoniam ex illo loco solum colligitur scripturas esse testes, non iudices. Non enim dixit : Scrutamini scripturas : quoniā illæ ferunt iudicium de me. sed dixit : Scrutamini scripturas : quoniā illæ testimonium perhibent de me. Testium autē officiū nō est sententiam dicere : sed solum testimoniū. Ad iudicem vero spectat testiū dicta audire, & scrutari, quibus auditis iuxta illorum testimoniū sententiā dicet. Quapropter nos fatemur, iuxta scripturæ sacre testimoniū sententiā esse dicendā, quoniam (vt præcedenti capitulo diximus) illa efficacissimus est testis ad hæreseos condemnationem : sed opus est iudice, qui huius



huius testis dicta scrutetur, & examinet: quoniā hoc subla-  
to ipsius testis dicta quilibet peruerteret, cum quilibet præ-  
sumat sacram scripturā pro suo arbitratu interpretari. Hac  
igitur insana Lutheri sententia reiecta, ego verum, & indu-  
bitatum in causa fidei iudicem censeo esse cōcilium gene-  
rale recte, vt decet, congregatum. Ad huius autem sententiæ  
confirmationem multæ, & vrgentissimæ suppetunt ratio-  
nes. Prima est, quod concilium tale vniuersam repræsentat  
ecclesiam, de qua omnes viri Catholici censuerunt illam  
tantæ esse potestatis, vt illius iudicia, & decreta velut ora-

*Augusti.*

cula diuina dixerint esse recipienda. Augustinus siquidem  
in Epistola ad Casulanum presbyterum, contemptores ec-  
clesiasticarum consuetudinum, velut præuicinatores, diui-  
narum legum coercendos putat. Et (vt alios vitandæ proli-

*Irenæus.*

xitatis causa omittam) Beatus Irenæus martyr, libro ter-  
tio, aduersus hæreses capit. 4. ait. Tantæ igitur offensionis  
quum sint hæc, non oportet adhuc quærere apud alios ve-  
ritatem, quam facile est ab ecclesia sumere quum Apostoli  
quali in depositorium diues plenissime in eam contulerint  
omnia, quæ sunt veritatis, vt omnis quicumque velit, sumat  
ex ea potum vitæ. Hæc est enim vitæ introitus, omnes au-  
tem reliqui fures sunt, & latrones. Propter quod oportet  
deuitare quidem illos, quæ autem sunt ecclesiæ, cum ma-  
gna diligentia diligere, & apprehendere veritatis traditio-  
nem. Quid enim & si quando de aliqua modica quæstione  
disceptatio esset, nonne oportet in antiquissimas recurrere  
ecclesias, in quibus Apostoli cōuersati sunt, & ab eis de præ-  
senti quæstione sumere, quod certum, & rei liquidum est?  
Quid autem si neque Apostoli quidem scripturas reliquis-  
sent nobis, nonne oportebat ordinē sequi traditionis, quem  
tradiderunt iis, quibus cōmittebant ecclesias? Hæc Irenæus  
martyr. Cuius autoritas tanto cæteris omnibus præstat,  
quanto ille fuit Apostolis propinquior. Nā polycarpi mar-  
tyris fuit auditor, quem Ioannis Euangelistæ discipulum  
fuisse multorū historiæ commemorant. Cum ergo ex ho-  
rum, & aliorū multorum testimonio cōstet ecclesiæ autho-  
ritatem tantam esse, vt illius iudiciis, & decretis, omnes fi-  
deles teneantur per omnia obedire, consequens est, vt hæc  
eadem autoritas sit in generalibus cōciliis recte (vt decet)  
cōgregatis. Concilia siquidem generalia vniuersalē repræ-  
sentant



- A** sentant ecclesiam, propterea quod omnes illi, ad quos spectat de fide, & moribus definire ad illa conuocantur, & omnibus talibus loquendi facultas conceditur. Non enim spectat ad omnes docere, & de lege iudicare: sed ad solos sacerdotes. Hoc enim Malachias propheta testatur sic in- *Malac. 2*  
 quiens: Labia sacerdotis custodiunt scientiam, & legem ex- *Rem. 12*  
 quirunt de ore eius, quia angelus Domini exercituum est. In corpore humano non omnia membra eundem actum habent, ita (vt Paulus ait) multi vnū corpus sumus in Christo, singuli autem alter alterius membra habentes donationes secundū gratiā, quæ data est nobis, differentes: siue prophetiam secundum rationem fidei, siue ministeriū in ministrando, siue qui docet in doctrina. Vides qualiter iuxta Pauli sententiā officia in ecclesia sunt diuersa, quæ non omnia omnibus cōpetunt, quemadmodum actus corporis sunt diuersi iuxta membrorum diuersitatem. At cum membrum quodlibet actum sibi competentē exercet, totum corpus illud agere dicitur, quamuis nō omnia membra illud agant. Vt (gratia exempli) homo dicitur videre, quāuis nec manus, nec pes videat: sed solus oculus: homo dicitur audire, quamuis sola auris audiat. Idem igitur de corpore mystico quod est ecclesia, dicendum erit, ita vt quæ à concilio generali recte cōgregato ordinata sunt, à tota ecclesia fuisse decreta, & diffinita dicamus, propterea quod omnes illi, ad quos in ecclesia spectat de fide tractare in illo cōuenerunt, aut saltem, vt venirent, vocati sunt. Sic enim cum Apostoli, & seniores conuenerunt Hierosolymis pro decidenda illa magnifica quæstione de legalium cessatione, cōuentus ille Apostolorū, & seniorū vocatus est omnis ecclesia, quamuis multi tunc erāt alibi Christiani, qui ibidem cōgregati non erāt. Nam postquam retulit illius quæstionis definitionem, liber Actuum Apostolorum hæc, quæ sequuntur, subiungit. *Act. 15*  
 Tunc placuit Apostolis, & senioribus cū omni ecclesia, eligere viros ex eis, & mittere Antiochiam. In quibus verbis satis aperte cōuentus ille Hierosolymis congregatus, vocatus est omnis ecclesia. Cum ergo conciliū recte congregatum vniuersam representet ecclesiā, oportet, vt omnē illam potestātē in concilio recte cōgregato esse credamus, quam in vniuersali ecclesia residere, fideles Catholici credunt. Est adhuc alia, & non minus vrgens ratio, quæ nos monet, vt cred

credamus potestatem de hæresibus iudicandi esse in toto concilio firmissimam : quia videlicet concilium legitime adunatum nullo modo errare potest in fide. Dignū quippe est, vt fides, quæ supremæ, & infallibili innitur veritati, talem etiā habeat iudicem, qui errare nō possit. Concilium autem generale legitime coactum, nullo modo in fide, aut moribus decipere, aut decipi potest, propterea quod à Spiritu sancto, qui illi semper adstat, regitur in omnibus, quæ definit, & iudicat. Nam & hoc ipsum Christus saluator noster promissit ecclesiæ, dicens: Ego rogabo patrem, & alium paraclerum dabit vobis, vt maneat vobiscum in æternum.

*Ioan. 14*

Quæ verba non ad solos Apostolos referenda sunt : sed ad vniuersalem ecclesiam, cui promittit Spiritus sancti præsentiam ad finem vsque seculi. Apostoli enim non erant vsque

*Matt. 18*

ad finem seculi duraturi. Deinde apud Matthæum iterū ait: Si duo ex vobis consenserint super terram de omni re quacumq; petierint, fiet illis à patre meo, qui in cælis est. Vbi enim sunt duo, vel tres congregati in nomine meo: ibi sum in medio eorum. Et si hoc Christus promissit se facturū, cum duo, aut tres fuerint in nomine illius congregati, multo liberalius hoc faciet cum totum generale conciliū fuerit le-

gitime cōgregatum. Hæc autem potestas iudicandi de fide non est in prouincialibus conciliis: quoniam concilia talia errare possunt in fide: sicut de multis verissima historiarum relatione, errasse scimus. Nam (vt alia omittam) cōcilium Carthaginēse, in quo cum beato Gypriano martyre octoginta conuenire Episcopi, decreuit hæreticos, & ab hæreticis baptizatos, cum ad ecclesiæ cōmunionē redirent, debere iterum baptizari. In hac tamen sentētia concilium illud errasse, nullus est fidelis Catholicus, qui dubitet. Cum igitur prouincialia concilia errare cōtingit, illorū errores au-

*Augusti.*

thoritate generalium conciliorū corriguntur. Vnde August. lib. ij. contra Donatistas ait: Et ipsa concilia, quæ per singulas regiones, vel prouincias fiunt, plenariorū conciliorū auctoritati, quæ fiunt ex vniuerso orbe Christiano, sine vllis ambagibus cedere cum experimento eorum aperitur. Hæc ille. Si quis vero à me petat qualem habeant auctoritatem definitiones, aut decreta fidei, quæ concilia prouincialia dediderunt, de quibus non constat legatū sedis Apostolicæ habuisse, aut Papæ auctoritate cōfirmata fuisse, vt sunt multa

Gall

- A** Gallia, & Hispania concilia: Respondeo, quod si illorum definitionibus nunquam postea ecclesia cōtradixit, sunt ab omnibus pro vera, & indubitata fide tenēda. Quia etsi illorum expressa confirmatio non pateat, tacito tamen totius ecclesiae consensu sunt confirmata, cum nunquam fuerint per alia concilia correcta. Nam si illa cōcilia errassent in fide, nunquam ecclesia dissimulasset: sed (vt moris suae est) statim illorum errori per contraria decreta occurrisset. Et idem per omnia dicendum est de vniuersitatibus, aut studiorum academiis: vt penes nullam earū sic potestas de fide iudicandi: ita vt illius iudicio omnes obtemperare cogātur: quoniam talis academia, sicut prouinciale concilium errare potest in fide. Non est enim conuentus ille, pro quo Deus rogauit, vt eius fides non deficeret. Ac proinde illas errare contigit saepe. Nam (vt de alijs taceam) manifestū est multas academias errasse hoc nostro seculo in causa matrimonij, quod cōtractum est inter Henricū Octauū huius nominis Angliae Regem, & Catherinam relictam à fratre eiusdem Henrici defuncto. De hoc siquidē matrimonio aliquae academiae quarum vna fuit Parisiensis, censuerūt esse prorsus nullum, propterea quod leges, apud Leuiticū datas, quae huic matrimonio cōtradicerent videbantur, nunc post datum Euangelium obligatorias esse contendebant. Contrarium tamen verum esse cōstitit: quoniā maturo de hac re (vt decebat) prius habito fratrum consilio, & omnibus orbis academiis consultis, & multis de hac re inter viros doctos habitis disputationibus, tandem Clemens huius nominis Septimus Pontifex, qui tūc vniuersae praesidebat ecclesiae, censuit praefatum matrimonium fuisse validum, & leges Mosaiicas, quae huic matrimonio repugnare videbantur: esse inter iudicialia praecepta commemorandas, & per consequens per Christi mortem abrogatas. Verum & si aliqua propositio non sit dicenda haeretica: quia definitioni alicuius prouincialis concilij, aut alicuius academiae contradicit, erit tamen de haeresi suspecta dicenda, & illius doctrina, & praedicatio poterit merito ab his, quibus haec incumbit, interdici: nisi alia forte illi faueret academia, aut aliquem haberet doctorem vere Catholicum, qui illam docuerit. In hoc enim euentu dicimus illam, nec suspectam de haeresi dicendam, ob hoc solū, quod talis, aut talis academia censuit esse
- haereticam

hæreticam, præsertim si doctor, qui illam defendit, non le-  
uibus rationibus fuerit adductus ad illius assertionem. Post

† concilia generalia supremum locum in definitionibus fidei  
tenet summus Pontifex : quoniā is totam ecclesiam repræ-  
*Augusi.* sentat, eo quod sit totius corporis caput. Sic enim dicit Au-  
gustinus super Ioannē. Petrus quando clauēs accepit, eccle-  
siam sanctā significauit. Hæc Augustinus. & habetur xxiiij.  
quæst. j. cap. Quodcunque. Et ob hanc causam prælatus, qui  
alicuius ecclesiæ curam gerit, vocatur ecclesia, vt patet vij.

*Matth.* quæst. j. cap. Scire debes. & expressius habetur in Euāgelio  
eo loco, vbi qui duas fratris monitiones audire noluit, eccle-  
siæ reuelari iubetur. Prælatus siquidē, illo loco ecclesia ap-  
pellatur, & quæ illi velut iudici dicuntur, ecclesiæ dicta esse  
censentur. Ad eundem modum ego nunc faciendū esse cen-  
seo, vt si de fide aliqua subsit dubitatio: Romanus Pontifex  
de illa interrogetur, & (quoniam ille locum beati Petri te-  
net, & toti præest ecclesiæ) quæ ille respōderit, totius eccle-  
siæ fidem esse credamus. Nam qui omnibus præpositus est,  
omnium causas iudicare poterit, præsertim illas quæ totam  
concernunt multitudinem, qualis est res ad fidem spectans.  
De hac re plurima sunt virorum sanctōrū testimonia. Bea-

*Hierony.* tus Hieronymus in epistola ad Damasum Papam, ait. Hæc  
est fides Papa beatissime, quam in catholica didicimus ec-  
clesia, quāque semper tenemus, in quasi minus perite aut  
parum caute forte aliquid positum est, emendari cupimus  
à te, qui Petri sedem & fidem tenes. Si autem hæc nostra  
confessio, Apostolatus tui iudicio comprobatur, quicunq;  
me inculpāre voluerit, se imperitum, vel maleuolum, vel  
etiam non Catholicum, sed hæreticum comprobabit. Hæc  
Hieronymus, & habentur hæc verba xxiiij. quæstio. j. cap.

*Innoc. i.* Hæc est fides. Innocentius Papa huius nominis primus vir  
sanctitate perinde ac doctrina clarus in epistola ad Mileui-  
tanum concilium ait. Quoties ratio fidei ventilatur, arbi-  
tror omnes fratres & coepiscopos nostros non nisi ad Pe-  
trum, id est, nominis & honoris autoritatem referre de-  
bere, velut nunc retulit vestra dilectio, quod per totū mun-  
dum possit ecclesiis omnibus in commune prodesse. Hæc  
Innocentius, quæ verba etiā citantur à Gratiano in decre-  
to, eadē causa & quæstione supra proxime expressis. Iulius

*Iul. papa.* Papa huius nominis primus in epistola cōtra orientales pro  
Athan

A Athanasio, sic ait. Scripsi vobis, & omnibus qui in Antiochiam contra Apostolicam, canonicamq; regulam nobis in consultis fueratis congregati, arguens vos primum de iniuriis literarum, deinde cur Athanasium suosq; consecratores, ad vestrum concilium conuocassetis, canonibus scilicet precipientibus nihil extra Romanum decerni Pontificem, cui hæc & maiora ecclesiarum negotia tam ab ipso domino, quam ab omnibus vniuersorum conciliorum fratribus, speciali (vt iam dictum est) priuilegio contradicta sunt. Hæc *Innoc. 3*  
 Iulius Papa. Deniq; Innocentius Papa huius nominis Tertius, ait. Maiores ecclesiæ causas præsertim articulos fidei contingentes: ad Petri sedem referēdas intellexit, qui cum quærenti domino, quem discipuli dicerent ipsum esse, respondisse notabat: Tu es Christus filius Dei viui, & pro *Matt. 16*  
 eo dominum exorasse ne deficiat fides eius. Hæc Innocentius Tertius. Quæ verba habentur extra de baptismo, & eius effectu, in cap. Maiores. Per hæc quæ citauimus testimonia, aperte conuincitur hanc de rebus fidei decernendi potestatem, non esse apud aliquem inferiorem Episcopum. Et quod ita, vt factum est, fieri oportuit, ratio ipsa suadet,  
 B quoniam, quod omnes tangit (vt regula iuris decernit) ab omnibus approbari debet. Non est autē res aliqua, quæ magis spectet ad omnes, quam fides: quoniam ob hanc causam fides vera appellatur Catholica: hoc est vniuersalis: quia illā omnes Christiani amplecti tenentur. Vna siquidem est totius ecclesiæ fides: sicut Paulus ait. Vna fides, vnū baptisma. *Eph. 4*  
 Cum ergo causa, quæ de fide tractatur, res sit talis, quæ vniuersam concernat ecclesiam, colligitur, vt sententia, quæ lites de fide orientes iure dirimere possit ab omnibus approbetur, vel ab illo, qui omnibus præest, qui (vt diximus) pro omnibus loqui potest, & cuius dictum, ab omnibus dictum esse, merito censei debet. Nullus ergo inferior Episcopus aut totum collegium cui præest potest in causa fidei sententiam dicere, cum hæc talis sit, quæ ad totam spectet ecclesiam. Nam quod de fide esse semel constiterit, omnes illud sub interminatione gehennæ credere tenebuntur. Si quis vero nobis obiiciat, id quod dicitur capitulo, Ad abolendam, extra de hæreticis, excommunicatos videlicet esse omnes hæreticos, quos Romana ecclesia aut Episcopi in suis ecclesiis declarauerint hæreticos. Ex quibus verbis forte alicui



videbitur datam esse Episcopis potestatem de hæresi iudicandi, sed non ita est. Datur quidem potestas iudicandi de persona illius qui in apertam & manifestam hæresim lapsus est, ut illum declarare possit hæreticum nisi resipiscere voluerit. Non tamen per illa verba concessa est villo modo potestas iudicandi de contentione super fidem orta, præsertim cum res est dubia: quoniam hæc potestas (ut ex præfatis testimoniis patuit) soli sedi Apostolicæ reservata est. Et huic nostræ sententiæ fauit glossa in cap. Quoties. xxiii. quæst. j. in verbo, nisi ad Petrum. Sic enim ait. Videtur contrarium, extra de hæreticis. Ad abolendam, §. ad hoc de Episcopali. nam ibi innuitur quod illi sunt vitandi, tanquam hæretici quos Episcopi vitandos dixerunt. Sed dic quod illud intelligendum est, quando aliquid tale dicunt quod certum est esse hæresim, hic vero, ubi dubium est. Hęc glossa. Ex quibus satis apertè constat, penes Episcopum inferiorem Romano Pontifice non esse potestatem decernendi, & definiendi in re dubia circa materiam fidei. Caueant ergo hæreticorum inquisitores ne temere hanc sibi potestatem arrogent: inquisitores se esse intelligant, non iudices. Et si iudices sunt, hæreticorum iudices se esse agnoscant, non hæresim. Prius quidem incumbit illis ut omni diligentia adhibita, viros doctos de illa re consulant, non vnum aut alterum tantum sed plures. Si his rectè peractis, de propositione asserta constiterit esse hæreticam, ipsi iudices sunt qui contra illius assertorem procedere possunt, & si ille resipiscere contempserit, potestatem habent illum iuxta sanctiones ecclesiasticas puniendi. Si vero de propositione asserta non constat an sit merito hæretica dicenda, an non: propterea quod inter doctos & fideles viros de re illa non convenit, aliis hæreticam asserentibus, aliis velut Catholicam eam defendentibus, tunc male facerent inquisitores si de propositione illa sententiam dicerent: quoniam eo evenitu debent rem illam ad iudicium sedis Apostolicæ deferre, ad quam spectat de maioribus causis præsertim articulos fidei concernentibus iudicare. De hac re ita præcepit Pelagius Papa, & habentur eius verba in decreto, distinct. xvij. cap. Multis. Si vero (inquit ille) in qualibet prouincia ortæ fuerint quæstiones, & inter prouinciæ Episcopos discrepare cœperit ratio, atque inter ipsos dissidentes non

*Pel. Pa.  
pa.*

A non conueniat, ad maiorem tunc sedem referantur, etsi illic quidem facile & iuste non discernuntur, vbi fuerit synodus regulariter congregata, & canonice, & iuste iudicentur. Maiores vero & difficiliores quæstiones (vt sancta synodus statuit, & beata consuetudo exigit) ad sedem semper referantur Apostolicam. Hæc ibi. Et lex diuina per Mosem data hoc idem in Deuteronomio præcepit sic in-  
 quiens. Si difficile & ambiguum apud te iudicium esse prospexeris, inter sanguinem & sanguinem, causam & causam, lepram & non lepram, & iudicium intra portas tuas videris verba variari, surge & ascende ad locum quem elegerit dominus Deus tuus, veniensque ad sacerdotes Leuitici generis, & ad iudicem qui fuerit illo tempore quærensque ab eis, qui iudicabunt tibi iudicii veritatem. Et facies quodcumque dixerint qui præsumt loco quem elegerit dominus, & docuerint te iuxta legem eius sequerisque sententiam eorum, nec declinabis ad dexteram, neque ad sinistram. Hactenus in Deuteronomio. Sicut tunc in lege Moysæ dubium lepræ iudicium ad sacerdotes, & iudicem, qui tunc præerat, deuolvebatur: ita nunc in lege Euangelica, dubium de fide iudicium per solum summum Pontificem definiendum est. Alioqui non satis Deus suæ prouidisset ecclesiæ, si illi non reliquisset iudicem qui lites circa fidem ortas dirimeret: & quem in rebus dubiis consuleret. An autem in definitionibus fidei Papa errare possit, an non? res est inter theologos controuersa, de qua re quid ego sentiam, cap. proxime sequenti paucis verbis declarabo. Hoc tamen dico, & firmissime teneo, quod licet Papa errare possit in fide, & re vera erraret: omnes tamen illius definitionem amplecti deberent, quousque ecclesia illam damnaret, vt erroneam, aut per aperta scripturæ sacræ testimonia constaret de illius errore. Sic autem errantibus, & definitioni Papæ obtemperantibus non imputaretur error ad peccatum: quia obedientia illos excusaret. Dominus enim dixit: Facies quodcumque dixerint, qui præsumt loco, quem elegerit dominus, & docuerint te iuxta legem eius, sequerisque sententiam eorum. Hic tamen admonere oportuit lectorem, quod licet Episcopi, aut Inquisitores hæreticorum non possint de hæresi, præsertim cum res est dubia, censere & definire: possunt tamen aut propter solam

Deut. 17

dubitationem, quæ de tali propositione habetur, aut propter vitandum scandalum, quod ex illius doctrina, aut prædicatione oriri posset, aut propter aliam causam inhibere doctoribus, & prædicatoribus, & omnibus aliis, ne quomodolibet illam docere audeant, aut publicè prædicare. Si quis vero contra huiusmodi prohibitionem egerit, merito ab illis puniri poterit, non tamen ut hæreticus, sed ut inobediens & rebellis, quia cum talis propositio sit dubia, & nondum constet illam esse hæreticam, illius doctor aut prædicator aut quicumque alius illius assertor, quamvis fuisset ab inquisitoribus ne illam assereret prohibitus, non poterit iuste ut hæreticus puniri. Non potest enim quis tanquam hæreticus puniri, si non constat illum aut propositionem hæreticam asseruisse, aut illi quomodolibet fauisse. Nam ex hoc solum quod contra inquisitorum inhibitionem aliquid fecit aut dixit, nullus debet hæreticus censerì. Potest tamen hic talis propter talè inhibitionis cōtemptrū merito puniri, & quidem graviter, pensata prius sua rebellionis gravitate.

*An Papa possit alicui committere potestatem censendi de fide, ita ut ea, quæ à legato Papa fuerint circa fidem definita, sint ab omnibus pro vera fide necessario tenenda.*

## CAP. VI.

Circa ea quæ in proxime præcedenti capitulo definita sunt, dubitatio quædam non parvi momenti oriri potest, cui respondere decreui, ut rem hanc plene, ut decet, absolutam relinquerem. In præcedenti siquidem capitulo dixi, penes summum Pontificem sitam esse potestatem definiendi de fide, neminiq; licere iis, quæ à summo Pontifice circum fidem definita sunt, contradicere. Dubitari merito potest, an Papa possit hanc definiendi potestatem alicui alteri committere, ita ut omnes fideles æqua lege teneantur suscipere eas fidei definitiones, quas dederit legatus sedis Apostolicæ cui negotiū fidei fuerit commissum, ac si ab ipso summo Pontifice fuissent datæ, & qui huiusmodi legati definitionibus pertinaciter cōtradixerit, sit perinde censendus hæreticus ac si definitionibus & decretis circa fidē à summo Pontifice datis aperte & obstinate repugnasset. Et quod Papa hanc



A hanc definiendi potestatem in quenquam alium transferre valeat, persuaderi potest per hoc quod multa alia sunt quæ Papa agit per commissarios, quibus censendi potestatem tribuit, & quæ ab illis decreta sunt, idem habent robur eandemque firmitatem ac si ab ipsius summi Pontificis ore prodissent. Lites namque per auditores rotæ dirimit. Votorum dispensationes & alia eiusdem classis multa, summo quem vocant, pœnitentiario cōmittit Papa, vt ab illo diuersis personis condonentur. Quæ omnes concessiones & indulgentiæ, etiam si à summo pœnitentiaro prodierint, à Papa tamen datæ cēsentur, & tantam vim & potestatem apud omnes habent, quantam haberent, si eas Papa proprio ore dedisset. Quoniam quod per alios agimus, per nos ipsos agere videmur. Sicut ergo hæc omnia quæ maximi sunt momenti, Papa aliis dispensanda committit: videtur, vt simili etiam modo possit fidei negotium in aliquem alium, vt ab illo definiatur, transferre. Præterea ex lōga, & antiqua ecclesiæ consuetudine obseruatum est, Papam hanc definiendi potestatem aliis sæpe commississe. Quando enim in aliqua prouincia oriuntur de fide dissidia, Papa consuevit legatum mittere, & negotium illud alicui ex eadem prouincia mādare, qui re (vt decet) plene cognita, & discussa, sententiam ferat, cui omnes obedire teneantur. In omnibus generalibus, & recte congregatis conciliis, quibus Papa fuit absens, semper affuerunt legati sedis Apostolicæ, qui nomine summi Pontificis fidei definitiones darēt, quorum sententiā, ac si ipsius summi Pontificis voce fuisset prolata, semper fuit ab omnibus suscepta. In Nicæna siquidem synodo quæ omnium generalium prima clarissimæque censetur, legati sedis Apostolicæ fuere. Osius Cordubensis Episcopus, Victor & Vincentius presbyteri Romani. In concilio Ephesino primo legatus summi Pontificis fuit sanctus Cyrillus Alexandrinus Episcopus. Aimarius in libro de synodis dicit Arcadium quendam ex Italia Episcopum fuisse etiam in eodem concilio simul cum Cyrillo Papæ Legatum, sed hoc ex gestis eiusdem concilij non constat. In concilio Chalcedonensi legati Leonis Papæ huius nominis primi fuerunt Iulianus Episcopus & Renatus Presbyter, & post istos missi sunt alij, videlicet Pasebasinus Lilibetanus Episcopus, & Lucentius Episcopus Esulanus, & Bonifa-

cus Presbyter Romanus, vt ex gestis eiusdem concilij patet. Et in alijs omnibus quæ in posterum absente Papa sunt teste congregata concilia, perpetua & inuiolata consuetudine hoc obseruatum est, vt legati Papæ adessent qui illius nomine fidei regulam certissimam designarent. Ex quibus omnibus videtur Papam hanc potestatem de fide definiendi legatis suis commississe. Hæc sunt quæ pro huius sententiæ confirmatione fortius pugnare mihi videntur. Verum si rem bene (vt decet) introspiciamus omnia illa quæ adduximus, parum certè præfatam stabiliunt sententiam, & fortiora multòq; magis vrgentia sunt quæ contra istam pro contraria possunt adduci sententia. Quapropter ego libentissime ab hac opinione discedo, firmissime tenens Papam non posse in quenquam alium transferre potestatem definiendi in negotio fidei, talem qualem ipse habet: sic vt definita ab illo cui hæc potestas fuerit commissæ, sint tanto robore firmata, ac si ipsius summi Pontificis ore fuissent prolata. Et vt rem istam apertiore faciam, prius perquirari oportet, vnde Papa habet hoc priuilegium vt ipse in causa fidei censere valeat, & in dubijs circa fidem ortis definitiuam proferre sententiam, cuius definitioni sub interminatione gehennæ omnes obedire tenentur? Et vnde est quod nulla alia particularis persona, præter Papam, sed sola vniuersalis ecclesia aut concilium generale illam perfecte repræsentans, hoc tanto gaudet priuilegio, vt regulam fidei Catholicæ omnibus præscribere valeat? Causa certa & indubitata huius tam excellentis prerogatiuæ est multiplex sedis apostolicæ dignitas. Prima quidem summi Pontificis dignitas est, quod Deus illum totius ouilis fecit pastorem, dicens, pascite oues meas. Omnes enim qui baptismo suscepto fidem Christianam professi sunt, oues sunt Christi, quarum omnium curam Deus Petro & successoribus eius commisit, illique mandauit, vt eas omnes pasceret. Neque corporali pastu pascendæ erant oues omnes ab illo, qui relictis omnibus rebus pro Christo, tam pauper effectus fuerat, vt nec sibi ipsi satis ad similem pastum haberet, quanto magis pro tam multis reliquis omnibus. Spirituali ergo pabulo oues dominicas pascere iubetur Petrus doctrina, scilicet verbi Dei. Petrus ergo quia generalis pastor omnes Christianos fidem Catholicam



A tholicam docere debet, & omnes Christiani si quid de fide dubitant & scire optant, à Petro ne errant discere debent; & non ab alio: quia nullus alius est omniū dominicarum ouium pastor. Secunda Petri dignitas est certitudo & infallibilitas doctrinæ suæ, ita ut docendo oues sibi commissas errare non possit, & hoc non à se sed ex donatione Dei qui illi ratione dignitatis semper adfuit, ne in definitionibus fidei erraret. Ego rogaui pro te (inquit dominus ad Petrum) *Luc. 22* ut non deficiat fides tua. Et quia ista certitudo & infallibilitas fidei, non rationi ipsius Petri, sed ob causam ouium illi commissarū concedebatur Petro, statim subdit. Et tu aliquando conuersus confirma fratres tuos: Ac si apertius dixisset. Ideo pro te rogaui ut non deficiat fides tua, quia tu reliquos omnes in fide confirmare debes. Ut igitur rem hanc tibi commissam plene exercere valeas, opus est te semper firmū in fide esse. Nam alioqui si Petrus aliquid definiens errasset, necessariū foret, ut oues quæ illum tanquam pastorem sequi debebant, illo errante omnes errarent, aut saltem erroris occasionē non paruam susciperent. Hoc est priuilegium sedi apostolicæ, propter vniuersalem ecclesiam quam regendā suscepit concessum, ut quando ipsam ecclesiam docet fidē, errare non possit. Nolo quidem negare Papam errare posse in fide & posse esse hæreticū, quoniam de aliquibus fertur ipsos in fide errasse, hoc tamē contigit illis quando loquebantur, aut scribebant, aut forte docebant, ut singulares personæ & priuata. Si tamē loquerentur aut docerēt, aut scriberent tanquā personæ publicæ & officio prelationis fungentes, tunc credo quòd Deus illos errare non permetteret, ne ecclesiā sponsam suam quæ sibi speciosam acquisiuit, illi suo errore inficerent. Nullus dubitat longe aliam considerationē habendam esse de summo Pontifice quatenus priuatam gerit personam, & quatenus gerit publicam. Cum loquitur aut scribit aliquid tanquā persona priuata, non vult omnes ad illa recipiēda aut credenda obligari. Cum vero loquitur aut scribit ut persona publica & quatenus summus est Pontifex, tunc verbis suis aut suis scriptis omnes ad illa utcumque obligare intendit. Non tamen semper sic illi loquuntur aut scribunt, si quando illos aliquid scribere contingit. Multa enim summi Pontifices scripserunt, quæ non eo animo scripserunt ut pro decretis

& definitionibus haberentur. Nam (vt de cæteris taceam) C  
 • vulgatissimum est responsum Innocētiū quarti, viri in iure canonico peritissimi, qui cum quæreretur an ea quæ in iure canonico scripserat, vellet ab omnibus pro lege & tãquam firma decreta teneri? respondit se minime id velle, sed liberū cuiusq; relinquere iudicium, vt pro libito suo quisq; sentiret. Dixit enim se non vt summum Pontificem, sed vt quempiam aliquē ex priuatis doctoribus, id scripsisse. Quo fit vt si forte aliquid in fide erroneum in huiusmodi Innocētiū scriptis inueniretur, nō sit inde colligendum Papam in fide errasse, quoniam non vt Papa sed vt priuata persona id scripserat. Potest itaq; vt ego sentio, Papa aliquid contra fidem Catholicam sentire, Deus tamen nunquam permitteret, vt Papa id quod male sentit toti ecclesiæ credendum præcipiat. Sicut non permisit Balaā maledicere Israël. His omnibus præfatis, & bene consideratis facile est colligere, • Papam non posse hanc potestatem definiendi in rebus fidei alicui alteri cōmittere: quoniā non potest certitudinē & infallibilitatē quam ipse circa definitiones dandas habet, in quenquam aliū transferre. Nullus vnquā (quod sciam) adeo hucusq; desipuit, vt dixerit legatos Papæ aut commissarios eius errare non posse. Possunt enim illi errare, cū non sint tanto priuilegio à Deo donati, vt sint infallibiles in definitionibus suis. Non enim rogauit Deus pro legatis aut commissariis Petri, vt non deficiat fides eorū, sicut rogauit pro ipso Petro. Hæc autē infallibilitas est summe necessaria in illo qui de fide censere debet, vt omnes fideles possit ad suam definitionem suscipiendam obligare. Alioqui oporteret fidem ecclesiæ non esse aliquando certā, si regulæ incertæ & fallibili inniteretur. Ob hanc causam conciliis prouincialibus quia errare possunt, nunquam fuit commissæ potestas dandi decreta fidei. Ad hos tantū limites conciliorum prouincialium autoritas extenditur, vt videlicet ibidem simultates amputentur, querimonie audiantur, mores corrigantur, non tamen vt de fide aliquid ibidem decernatur. Concilium siquidem Nicænum, hoc solum illis permisit. Præterea, illa quæ sunt alicui certo ordini aut statui connexa & ab illo dependentia, nullus potest alteri extra illum ordinem aut statum constituto committere. Eucharistiam conficere, pœnitentes peccatores à peccatis

absol

- A** absolueret, nullus etiam si Papa sit, potest alteri non sacerdoti committere: quia hæc sunt ordini sacerdotali annexa, & necessario exigunt ordinem sacerdotalem, in illo qui aliquod horum exercere debet. Ad eundem modum Papa non potest committere alicui non Episcopo, ut ordinationes faciat, id est, ut sacramentum ordinis alicui conferat: quia, ut aliquis sacramentum ordinis possit conferre, oportet necessario illum esse Episcopum. Ex quibus aperte colligimus ut Papa non possit alicui alteri committere potestatem definiendi de fide, sic ut illius definitioni omnes fideles teneantur obedire, quia (ut diximus) certitudo & infallibilitas quæ ad tale supremam potestatem requiritur, est annexa dignitati Papali, & ab illa nullatenus separabilis: quia (ut diximus) pro sola illa rogauit Deus & non pro alia ut non deficiat fides eius. Rursum, si Papa posset potestatem definiendi de fide in quenquam alium transferre, ad eundem modum posset etiam canonizationem sanctorum alicui committere, quia sanctorum canonizatio (ut beatus Thomas docet) res est quodammodo ad fidem expectans. Cui beati Thomæ sententiæ quodammodo fauent verba quæ summus Pontifex dicit in canonizatione alicuius sancti quæ posita sunt in libro sacrarum ecclesiæ ceremoniarum, & sunt quæ sequuntur. Ad honorem sanctæ & indiuiduæ trinitatis, & exaltationem fidei Catholicæ, ac Christianæ religionis augmentum, autoritate eiusdem Dei omnipotentis, patris, & filij, & spiritus sancti, & Beatorum Apostolorum Petri & Pauli & nostra de fratrum nostrorum consilio decernimus & definimus bonæ memoriæ. N. sanctum esse & sanctorum catalogo ascribendum, ipsumque catalogo huiusmodi ascribimus. Hæc verba dicit Papa cum aliquem canonizat: in quibus, id est aduertendum quod ait, talem canonizationem fieri ad exaltationem fidei Catholicæ. Si cui vero hæc Beati Thomæ sententia non placet, & prorsus negare contendit, sanctorum canonizationem spectare ad fidem, tanto impensius nostræ fauebit argumentationi, quanto canonizationem ipsam minoris ponderis fecerit ipsa fide. Nam si id quod maius est, videlicet fidei definitionem Papa potest committere alteri, multo melius poterit committere id quod minus est, videlicet canonizationem sanctorum. Hoc autem nullus sanæ mentis concedet, cum sit perpetua con-

suetudine ecclesiæ damnatum. Nam etsi multa ad canonizationem præuia & exacta Papa aliis committat per illos exequenda, vt puta vitæ inquisitionem, testium examinationem: ipse tamen solus summus Pontifex sententiam profert, illum declarans fuisse sanctum, & velut talem catalogo sanctorum illum ascribens. Nec vnquā ab ipsis ecclesiæ primordiis ad hoc vsq; seculum fuit auditū, vt Papa alicuius sancti canonizationem legato suo committeret. Demum quod sententiam certissimam & indubitabilem mihi facit, est perpetua & inuiolata cōsuetudo ecclesiæ quæ nunquam pro certis & indubitatis habuit ante sedis apostolicæ definitionem, ea quæ de fide à legatis eiusdem sedis fuerant definita. Nec ipsi summi Pontifices illa pro tam certis vnquam ab ecclesiā haberi voluerunt, quod ipse rerum præteritarū ordo & processus clarissime docet. Nam multæ fuerunt lites de fide in variis mundi partibus exortæ, ad quas dirimēdas Pontifices summi legatos miserunt, qui postquam suis sententiis finem litibus imposuerunt, ipsorum legatorum sententiæ fuere per summorum Pontificum sententias cōfirmatæ vel iterū fuerunt ab ipsis Pontificibus iudicatæ. Quæ res nō contigisset, nisi summi Pontifices censuissent sententiā suam fuisse necessariam. Huius rei tam multa sunt apud diuersas nationes exēpla vt enarrare pigeat: ne tamen testimonio carere videar, ac proinde rem suspectam dimittam, vnum & alterū exemplum proferam. Cum Berengarius ecclesiæ Andegauensis diaconus contra admirabile Eucharistiæ sacramentum pestiferam per totas Gallias diffunderet hæresim, Hildebrandus sanctæ Romanæ ecclesiæ cardinalis legatus Victoris secundī qui tunc vniuersali præerat ecclesiæ, illius hæresim dānauit. Eam tamen Nicolaus Pontifex huius nominis secundus qui Victori in Pontificatu successit, Concilio centum & tredecim Episcoporum Romæ coacto, postea damnauit. Quam sententiam à Pontifice dari non fuisset opus, si satis omnibus facere posset Hildebrandi legati definitio. Post Berengarium aliquot elapsis seculis surrexit in Anglia Ioannes Vuiclef, qui plurima impia & pestifera dogmata, verbo, & libris editis docuit. Huius causæ cognitio Archiepiscopo Cantuariensē Apostolicæ sedis legato commissā est qui re vt decebat plene examinata, ipsum Ioan-

nem



- A** nem Vuiclef, & omnes illius hærefes publice damnauit. Post Ioannem Vuiclef paucis aliquot elapsis annis successit in Bohemia Ioannes Hus, qui omnes Ioannis Vuiclef hærefes pertinacissime tutatus est. Quo per summum Pontificem audito huius rei cognitionem Archiepiscopo Pragenfi commisit, qui omnibus diligenter examinatis, omnes illas hærefes damnauit. Sed vtriusque Ioannis hærefes postea Romæ summus Pontifex, & tandem concilium Constantiense damnauit. Quæ omnia constant ex decreto sessionis octauæ eiusdem concilij. Cum olim Petrus quidam Osmensis, noua quadam in Hispania doceret, quæ multorum iudicio hæretica videbantur. Syxtus quartus huius nominis Papa, qui tunc vniuersæ præerat ecclesiæ huius causæ cognitionem cum plenitudine potestatis demandauit domino Alphonso Carrillo Archiepiscopo Toletano, & Hispaniarum Primati. Hic re plene (vt decebat) cum multorum virorum doctorum consilio examinata, multas illius Petri Osmensi assertiones erroneas & hæreticas esse iudicauit. Post hanc tamen sententiam, res ipsa ad eundem Syxtum deuoluta est, qui omnibus
- B** plene circumspectis sententiam præfati Archiepiscopi per bullam publicam confirmauit. Quam sententiæ confirmationem nos in eo opere; quod aduersus omnes hærefes edidimus, in titulo de confessione inserere decreuimus, vt omnibus esset nota, quæ in tenebris latebat. Si ea, quæ à præfatis, atque aliis huiusmodi legatis sedis Apostolicæ fuerunt circa fidem definita, fuissent firmo robore firmata, ita vt necessario ab omnibus fidelibus debuissent pro certa, & indubitata fide teneri, non erat opus Papam suam superaddere sententiam: quia esset rem actam agere. Verum quia ea, quæ à legatis Apostolicis sunt circa fidem definita, pleno robore carent, propterea quod illos in fide errare posse semper ab omnibus creditum est, ideo semper hoc obseruatum est, vt post legatorum definitionem Papa sententiâ expressam adderet, quæ ex ore illius procedens, doceret omnes quid circa fidem tenendum esset. Ipsa ergo rerum experientia apertissime docet ipsosmet summos Pontifices nunquã existimasse ea, quæ à legatis suis circa fidem definita erant, debere teneri pro certis, & indubitatis ante ipsorummet Pontificum definitiones. Forte hic mihi aliquis



quis obilitet, sic inquit. Si ea, quæ à legatis Apostolicæ sedis circa fidem definiuntur, non sunt necessario pro certis habenda, ad quid Papa eos mittit cum superflua, & inanis sit illorum legatio? Respondeo, quod non frustra mittuntur: quia possunt inquirere, & examinare rem, ut postea summo Pontifici referant, sicut fit in canonizatione sanctorum. Deinde & si illi non possint certam, & indubitabilem de fide proferre sententiam, possunt tamen ob aliquam urgentem causam (ut capite præcedenti diximus) de Inquisitoribus prohibere alicuius propositionis assertionem, cuius definitioni qui contradixerit, merito punietur, non tamen si res est dubia, ut hæreticus ante Papæ definitionem, præsertim si illam se expectare ostendit: sed ut rebellis, & inobediens. Nec solum hoc observatum est in definitionibus priuatim datis per legatos sedis Apostolicæ: sed etiam in conciliorum definitionibus, quibus legati sedis Apostolicæ interfuerunt. Nam post definitionem de fide datam ab eiusdem legatis cum toto concilio, semper ecclesia petiuit sententiam summi Pontificis, nec ante ipsius summi Pontificis confirmationem vnquam certum habere voluit, & firmum, quod à legatis eiusdem sedis fuerat definitum. De qua re aliqua volo proferre testimonia, ex quibus verum esse, quod dicimus plenissime constare potest. In illa siquidem celeberrima synodo Nicæna legatus Sylvestri tunc summi Pontificis fuit Osius Cordubensis Episcopus: eorum tamen, quæ ibidem definita fuerant confirmationem petierunt à sede Apostolica, ut constat ex epistola à toto concilio ad summum Pontificem directâ, quam placuit hic inferere, ut emendatam redderem, quæ in multis libris habetur vitiata, & multis mendis plena.

*Epistola à Synodo Nicæna directâ Sylvestro Papæ primo.*

Beatissimo Papæ vrbis Romæ cum omni reuerentia colendo Sylvestro, Osius Episcopus provincie Hispaniæ ciuitatis Cordubensis, & Macharius Episcopus ecclesiæ Constantinopolitanæ, & Victor, & Vincentius presbyteri vrbis Romæ ordinati ex tua directione, & ceteri Episcopi trecenti & decem & octo, in Domino salutem. Quoniam omnia corroborata de diuinis mysteriis ecclesiasticæ utilitatis, quæ ad robur pertinent sanctæ ecclesiæ Catholicæ, & Apostolicæ, ad sedem tuam Romanam explanata, & de

Græco

A Græco in Latinū redacta scribere confitemur: nunc itaque ad vestræ sedis augmentum accurrimus roborantes. Itaque censeat vestra Apostolica doctrina Episcopus totius vestræ vrbis in vnum conuenire, vestrumque habere concilium: sicut docet mystica veritas, vt firmetur nostra sanctimonia, gradusque fixos, vel textus ordinationis tuæ sanctimonix, nostra possit habere regula: quoniam decet numerum dictorum tuorum coepiscoporum à te discere gradus, vel ordines constituere vrbis. Quidquid autem constituimus concilio Nicæno precamur, vt vestri oris consortio confirmetur. Oret beatitudo tua pro vniuerso concilio. Data octauo Calendas Iulias, accepta decimotertio Calendas Decembris, Paulino, & Iuliano summis Consulibus.

*Rescriptum Syluestri Episcopi ad Synodum Nicenam.*

Syluester Episcopus sedis Apostolicæ, & sanctæ ecclesiæ Catholicæ reuerendæ religionis vrbis Romæ, fratribus, & coepiscopis, qui in Nicænum concilium conuenerunt in domino salutem. Gaudeo vos promptam benignitatem seruare. Nam & confirmo, sigñque ad doctrinam vestram reclamantes de mysteriis, vel vnitatis Trinitatis, chrismatibus vos secundum dicta, & doctrinam Euangelicam, sanctam accepisse gratiam, de quo examine probo vera fuisse, & esse mansura quæ in vestrum, nostrumque manauere mysterium. Meum chirographum, & discipulorum meorum offero in vestro sancto concilio quidquid constituistis, vnà parem dare consensum, atque in gremio vestræ synodi, parua propter disciplinam ecclesiæ alligabo præcepta, propter Victorinum qui arbitrio suo quidquid vellet affirmabat, & cyclos Paschæ pronuntiabat fallaces, vt cum Episcopis totius orbis Italiæ examinatam vniuersitas vestri sancti concilij dignetur accipere veritatem. Et alia manu. Oret pro nobis beatitudo vestra sancti concilij trecentorum decem & octo, vt charitatis, quæ vobis data est Domini nostri Iesu Christi, seruetur augmentum. Data quinto Calendas Nouembris, accepta quarto Idus Februarij, Constantino septies, & Constantino Cæsare, quater Consulibus. Deinde concilio Chalcedonenſi interfuerunt legati Leonis tunc summi Pontificis, Paschasius Libe-

tanus

tanus Episcopus, & Lucentius Episcopus, Esculanus & Bonifacius Presbyter Romanus ut constat ex actis eiusdem concilij actione prima & vltima, & ex epistola quadagesima prima. & quadagesima secunda, ad Martianum Imperatorem missis à Leone Papa. & ex epistola eiusdem Papæ Leonis ad totum concilium Chalcedonense directa: quæ est in ordine epistolarum quadagesima quintæ. Ea tamen quæ in illo concilio definita sunt, non fuerunt rara & firma ab ipso concilio existimata, quousque fuissent ab ipso summo Pontifice confirmata. Propter quod patres in concilio congregati summo Pontifici Leoni scripserunt, deprecantes ut illic facta decreta confirmare dignaretur. In qua epistola postquam fecerunt relationem eorum quæ in concilio fuerant ab eis definita, hæc quæ sequuntur adiungunt. Hæc sunt propria & amica, & ad decorem convenientissima, dignare complecti sanctissime & beatissime pater. Qui enim locum vestræ sanctitatis obtinent sanctissimi Episcopi Paschasinus & Lucentius, & qui cum eis est reuerendissimus Presbyter Bonifacius, his ita constitutis vehementer insistere tentauerunt, proculdubio à vestra prouidentia inchoari & hoc bonum volentes, ut sicut fidei, sic bonæ ordinationis vobis deputeretur effectus. Nos enim curantes tam piissimos & Christi amicos imperatores, qui super hoc delectantur, quàm clarissimum senatum & totam, sicut dicere convenit, Imperij ciuitatem: opportunum credidimus esse, honoris eius confirmationem ab vniuersali concilio celebrari, & velut hæc à tua sanctitate fuerint inchoata (eo quod sonere semper studeas) roborauimus præsumentes, dum nouerimus: quia quidquid rectitudinis à filiis sit, ad patres recurret facientes hoc proprium sibi: Rogamus igitur, & tuis decretis nostrum honora iudicium, & sicut nos cupidi in bonis adiecimus consonantiam, sic & summitas tua (quod decet) adimpleat. Hactenus in epistola concilij Chalcedonensis ad Leonem Papam, quæ habetur in fine tertiæ actionis eiusdem concilij. Huic autem petitioni idem Beatus Leo respondit, per epistolam ad totum concilium directam, confirmans decreta eiusdem concilij, & sic inquit.

Leo

- A Leo episcopus sanctæ synodo apud Chalcedonam habitæ. Omnem quidem fraternitatem vestram nosse non ambigo, definitionem sanctæ synodi quæ ob confirmationem fidei, in Chalcedonenſi ciuitate celebrata est, toto corde me fuisse complexum. Quia nulla sinebat ratio, vt qui vnitatem Catholicæ fidei dolebam ab hæreticis fuisse turbatam, non exultanter in integrum rediisse gauderem. Hoc tamen non solum ab ipso beatissimæ consensionis affectu, sed etiam ex epistolis meis, quas post reditum meorum ad Constantinopolitanæ vrbis antistitem dedi, potuissetis agnoscere, si vobis responſionem sedis apostolicæ manifestare voluisset. Ne ergo per malignos interpretes dubitabile videatur, vtrum quæ in synodo Chalcedonenſi per vnanimitatem vestram de fide statuta sunt approbem, hæc ad omnes fratres & coepiscopos nostros qui prædicto concilio interfuerunt, scripta direxi. Quæ gloriosissimus & clementissimus princeps (sicut poposci) in notitiam vestram mittere pro Catholicæ fidei amore dignabitur, vt & fraterna vniuersitas, & omnium fidelium corda cognoscant, me non solum per fratres, qui vocem meam executi sunt, sed etiam per approbationem gestorum synodaliū propriam vobiscum iniſſe sententiam, in sola videlicet fidei causa (quod sæpe dicendum est) propter quam generale concilium, & ex præcepto Christianorum Principum, & consensu Apostolicæ sedis placuit congregari, damnatis hæreticis, qui si corrigi voluissent, nulla penitus reſideret de vera domini nostri Iesu Christi incarnatione dubitatio. Vnde si quis vnquam ausus fuerit, vel Nestorij perfidiam tueri, vel Eutychetis ac Dioscori impium dogma defendere, & à Catholicorum communionem rescetur, nec habeat eius corporis participationem, cuius abnegat veritatem. Hactenus Leo sanctissimus in epistola ad concilium Chalcedonenſe miſſa, quæ est in ordine epistolarum suarum lix. Et in epistola lvij. scribit ad Martianum Augustum rogans vt hanc suam concilij Chalcedonenſis confirmationem per omnes ecclesias publicari mandaret, vt omnibus innotesceret Apostolicæ sedi placuisse ea, quæ de fide in concilio Chalcedonenſi fuerant definita. Præterea, sexta synodus quæ tertia est habita Constanti-nopoli, vna est ex præcipuis & primi ordinis conciliis  
general
- B

generalibus, quæ Catholica suscepit ecclesia, in qua legati Agathonis tunc summi Pontifici fuerunt Theodorus & Georgius presbyteri & Ioannes diaconus. Quæ autem in illo concilio definita sunt, confirmata fuere per Leonem papam, qui Agathoni prope finem concilij defuncto successit. Cuius rei apertissimum & integerrimum testimonium reddit epistola eiusdem beati Leonis papæ huius nominis tertij ad præfatum Imperatorem missa, quæ sic incipit.

Regi Regum in cuius potestate sunt regna mundi pulli, & cætera. Quam epistolam nolui per omnia referre, ne magna illius prolixitate grauarem lectorem. Solum citabo aliquam illius partem per quam sexta synodus ab eo confirmatur, his verbis. Sancta igitur (inquit Leo papa) vniuersalis & magna sexta synodus, quam nutu Dei vestra clementia & sedule conuocauit, & cui pro Dei ministerio præfuit, apostolicam in omnibus regulam & probabilitium patrum doctrinam secuta est. Et quia definitionem rectæ fidei (vt dictum est) plenissime prædicauit, quam & apostolica sedes beati Petri apostoli (cuius licet impares ministerio fungimur) veneranter suscipit, idcirco & nos & per nostrum officium hæc veneranda sedes apostolica concorditer ac vnanimiter, his quæ definita sunt ab ea, consentit, & beati Petri autoritate confirmat: sicut supra solidatam petram, qui Christus est ab ipso domino adeptus firmitatem. Propterea sicut suscepimus atque firmiter prædicamus sancta quinque vniuersalia concilia, Nicænum, Constantinopolitanum, Ephesinum primum, Chalcedonense, & Constantinopolitanum, quæ & omnis Christi ecclesia approbat & sequitur: ita & quod nuper in regia vrbe pro vestræ serenitatis adnitu celebratum est sanctum sextum concilium, vt eorum pedissequi interpretes, pari veneratione atque censura suscepimus, & hoc cum eis digne connumerari, tanquam vna & æquali Dei gratia congregatum, decernimus: & qui in eo fideliter conuenerunt Christi ecclesiæ sacerdotes, inter sanctos ecclesiæ patres atque doctores adscribendos æquè censemus. Hæc tenus Leo Tertius in epistola illa, quæ locata est in fine gestorum eiusdem concilij. His igitur clarissimis testimoniis apertissime cōvincitur ea, quæ à legatis sedis Apostolicæ



- A** stolicæ cum reliquo episcoporum concilio fuerant circa fidem decreta, non fuisse ab omnibus fidelibus pro certis, & indubitatis recepta, antequam Papa suum dedisset decretum. Ex his omnibus aperte colligimus Papam non posse, in quēquam alium transferre potestatem definiendi de fide talem, qualem ipse habet, ita ut sua definitione, aut sententia possit ille omnes Christianos ad aliquid credendum obligare: sicut ipsemet Papa potest. Sed hic mihi occurrit non parua dubitatio, cui respondere decreui, ne scrupulus maneat, qui alicuius cōscientiam lædere possit. Nam propter ista, quæ de conciliorum confirmationibus à summis Pontificibus petitis, & concessis diximus, dubitare merito aliquis poterit, an concilia ex toto terrarum orbe autoritate Papæ congregata, in quibus Papa non adest: sed solum illius legati, possint in definitione fidei errare. Si talia concilia errare posse dicatur, consequens est, ut etiam concedatur, talia concilia sine præsentia Papæ non esse dicenda generalia, aut quod generalia concilia autoritate Papæ congregata possunt errare: quorum vtrunq; est absurdum. Nam quod generalia concilia autoritate Summi pontificis congregata, errare possint, hæresis est multorum hæreticorum ab omnibus Catholicis damnata. Quod autem sine præsentia Papæ possit generale concilium celebrari, re ipsa constat: quia in nullo illorum quatuor celebratissimorum conciliorum, videlicet, Nicæno, Constantinopolitano, Ephesino, Chalcedonensi, Papa fuit præsens. Illa tamen fuisse generalia concilia nullus vnquam negavit. Si vero talia concilia sine præsentia Papæ: sed cum legatis eius, & autoritate illius congregata errare non possunt: quare eorum, quæ à toto illo concilio definita sunt, expectatur Papæ cōfirmatio? quia si concilium illud errare non potest, non est opus conciliorum definitiones à Papa confirmari. De hac re (ut ingenue loquar) malluissem aliorum audire sententiam, quàm dicere meam: sed quia neminem hucusque vidi, qui hanc dubitationem mouisset, aut de illa aliquid disseruisset, cogor dicere saluo meliori aliorum iudicio, quid de hac re sentiam. Ego quidem firmissime teneo, nec aliud sentiendum censeo, talia concilia, quæ ex toto terrarum orbe autoritate Papæ congregata sunt, in quibus, etsi Papa sit absens, ipsius tamen legati præsentes

sunt, esse dicenda generalia concilia, & per consequens non posse in fide errare. Non quidem propterea quod legati sedis Apostolicæ sint infallibiles in definitionibus fidei, cum illi per se soli errasse potuissent: sed quia totus ille cœtus in quo adsunt, errare non potest propter assistentiam Spiritus sancti. Verum & si illa concilia errare non possint in fide, non tamen frustra, & sine causa: sed ob multas, easque iustissimas causas illa petierunt semper ab ipso summo Pontifice approbationem, & confirmationem eorum, quæ à toto concilio definita fuerunt. Prima quidem causa est, ut omnibus constet Papam idem cum concilio sentire, & legatos suos veram ipsius Papæ mentem expressisse. Nam quia dubitare aliquis posset an legati sedis Apostolicæ fideliter suo functi fuissent officio, rem iuxta voluntatem & sententiam delegantis exequentes: opus est, ut Papa suam exprimat aperte, ore suo prolatam, aut manu sua subscriptam sententiam. Hoc enim in aliis forensibus negotiis fieri iure præcipitur. Si quis per procuratorem, matrimonium contraxerit: quamvis illud legitimum esse matrimonium, & indissolubile iura decernant, ut habetur xxxij. quæstione ij. §. cum dicitur. & l. generali. ff. de ritu nupt. quia tamen potuit subesse fraus in huiusmodi contractu, procuratore videlicet existente falsa, ideo sic contrahentes consuevere iterum in præsentia talem contractum propriis verbis repetere. Ut igitur omnibus constet caput esse membri conforme, hoc est, Papam idem cum concilio sensisse, oportet ut non solum per legatos suos: sed per seipsum suam exprimat sententiam. Et hoc aperte expressit idem beatissimus Leo in illa præfata epistola ad concilium Chalcedonense missa, in qua rationem suæ confirmationis reddens, sic ait. Ut fraterna vniuersitas, & omnium fidelium corda cognoscant me non solum per fratres, qui vicem meam exequuti sunt: sed etiam per approbationem gestorum synodaliū, propriam vobiscum iniisse sententiam. Hæc ille. Ex quibus clare constat definitionis confirmationem non esse à Papa concessam, ut per illam Papa maius robur adderet definitioni: sed ut per illam clarius omnibus constaret de Papæ voluntate, & sententia: quam per legatos suos expresserat. Et sic fieri oportere aperte conuincitur per hoc, quod aliquando com-

pertum

*Leo papa*

**A** pertum est legatos summi Pontificis infideliter, & contra ea, quæ illis Papa commiserat, legationem suam egisse. Nam Nicolaus Papa huius nominis primus in epistola ad Episcopos per Asiam, & Libyam constitutos, dicit legatos suos, quos ille Constantinopolim ad cuiusdam grauis causæ cognitionem miserat, contra expressa mandata sua rem totam egisse, & dixisse, illa ita ex mandato Papæ agere. Ne igitur in definitionibus conciliorum aliquem legatum tale aliquid egisse, quis possit suspicari, necessarium est, ut quæ legati sedis Apostolicæ in concilio dixerunt, papa proprio ore, & propria manu confirmet. Altera causa potest id fieri propter ipsum papam, ne si forte in posterum à definitione concilij deficeret, causaretur se nunquam tali definitioni consensisse, legatæque suos minime suam expressisse voluntatem. Ne igitur id in posterum eueniat, opus est, ut propria manu subscribens dicat se id simul cum toto concilio sentire, eamque amplecti fidem quæ à toto concilio Spiritu sancto suggerente data est. Et si papa Deo permittente postea concilij definitionem deserere tentaret, sua ipsius subscriptione damnaretur.

**B** Tertia & potissima causa est, quia licet concilium in definitionibus, & decretis suis circa fidem non possit errare, in aliis tamen, quæ ad fidem non pertinent, quod errare possit, nullus vere doctus dubitat. Nam concilium Chalcedonense, quod vnum est ex illis quatuor celebratissimis conciliis, quæ beatus Gregorius dicit se velut sancta quatuor Evangelia venerari, errauit præferendo Patriarcham Constantinopolitanum Patriarchæ Alexandrino, qui ex antiqua ecclesiæ consuetudine per Nicænum concilium confirmata, secundum locum semper post Romanum Pontificem habuerat. Propter quod Leo Papa licet confirmauit ea, quæ in concilio Chalcedonensi definita fuerant circa fidem, eam tamen definitionem, per quam Patriarcham Constantinopolitanum prætulit Alexandrino, reprobauit, & per apertam sententiam damnauit, prout constat ex epistola quinquagesimaseptima eiusdem Leonis: quæ est ad Martianum Augustum, & ex epistola quinquagesimanona eiusdem, quæ est ad totum concilium Chalcedonense. Miserunt ergo præfata concilia rationem gestorum suorum ad summum Pontificem, & petierunt

ab eo confirmationem, non quidem pro his solum, quæ ad fidem spectabant: quoniam illa certa erant, & infallibilia, & firmo robore firmata, cum in illis errare non potuissent concilia: sed ratione aliorum negotiorum, in quibus illa cum errare potuissent, certitudinem, ac proinde confirmationem definitionis à summo Pontifice tanquam supremo ecclesiæ iudice petebant. Et certe si bene aduertantur verba epistolæ à concilio Chalcedonenſi ad Leonem missæ, solum in ea epistola concilium petit confirmationem illius definitionis, quam de prælatione Patriarchæ Constantinopolitani dederat, nec de rebus fidei vlla fit mentio. Et Leo eidem concilio respondens, dicit concilium ad hoc solum congregatum fuisse, ut de fide, & non de aliis iudiciis tractaret. Hæc sunt quæ mihi de hac re certiora videntur, si quis meliora obtulerit, extensis (ut aiunt) vlnis recipiam, & gratias illi pro mercede oblata referam ingentes, tantum abest, ut sim cōfutare paratus. Non enim tam tenaciter meæ adhæreo sententiæ, ut illam semper meliorem esse putem, ac proinde alienam recipere contemnam. Argumenta, quæ à principio cap. posuimus, & quæ in faciem oppositæ videntur fauere sententiæ, facillime soluantur. Ad primum quidem respondeo concedens multa esse, quæ iuste, imo aliquando necessario per alios dispensat Papa: quia omnibus peragendis ipse solus non sufficit; res tamen ad fidem spectantes eo, quod sint reliquis omnibus forensibus negotiis multo præstantiores, non est æquum, ut per alios decernat. Nam & si quæ per alios facimus, per nos ipsos facere videamur, non tamen re vera per nos ipsos facimus. Deinde multum interest propriis, an alienis oculis inspicias: quoniam (ut optime Manlius Torquatus apud Liuium ait) vix vnquam bene succedent, quæ oculis egeris alienis. Fatemur rei ad fidem spectantis inquisitionem Papam posse alicui delegare, ut videlicet doctorum dissidentium rationes, & argumēta audiat, & scrutetur, hactamen conditione, ut quæ ab illis intellexerit, summo Pontifici referre teneatur, ut ille omnibus examinatis sententiam dicat. Aliàs si Papæ legatus sententiam de fide dixerit, non sic ligabit contradicentem, ut non liceat illi ad Papam appellare. Ante cuius definitionē quamuis contradicat legato, non censebitur hæreticus. Alterius

argu



A argumenti solutio ex his, quæ ante diximus, est manifesta.

*Quis sit dicendus hæreticus.*

C A P. VII.

**H**Actenus de hæresi per multa capitula disputauimus. Nunc vero ratio ipsa suadet, vt de ipsius hæresis assertore, qui hæreticus appellari solet, disseramus, & quis merito talis censeretur debeat, doceamus. De hac re (prout ego existimo) non oportet facile pronunciare: sed grauem, & diligentem debet iudex adhibere examinationem antequam aliquem hæreticum esse censeat. Cum enim nullum sit acerbius crimen quod viro Christiano quis possit obicere, quàm si illum appellet hæreticum, anxie prius rem examinare conuenit, & lapidem (vt dicitur, ad filum referre antequam iudex de hac re sententiam dicat. *Lex Mosayca longam, & diligentem iubeat præcedere examinationem antequam sacerdos aliquem pronunciaſſet leprosum.* *Leuit. 13* Multo ergo maiorem decet adhibere inquisitionem antequam aliquis pronuncietur hæreticus: quoniam magis deferendum est veritati, quàm figuræ: magis corpori, quàm ymbræ. Leprosus siquidem hæretici hominis figuram gerebat, vt infra libro secundo c. xviij. ostendemus. Ne igitur in hæreticorum censura quisquam erret, certissimam regulam hic statuam per quam debeat quilibet examinari, hæreticus sit an non. Ante omnia tamen admonere lectorem decreui, hæretici nomen varium esse, & multiplex in sacris canonibus. Nam aliquando extensa nimis eius significatione, hæreticus dicitur, quisquis quomodolibet in hæresim lapsus est, aut qui apertam, & vehementem de hæresi suspensionem dedit. Et iuxta hanc vocis latissimam significationem fautores hæreticorum, & illorum receptores hæretici appellantur, etiam si illos erroribus eorum, quos tuentur, aut domi recipiunt, ex animo fauere non constet. Hæretici etiam dicuntur, iuxta hanc largissimam vocis significationem, schismatici, & simoniaci, quoniam qui tales sunt, non modicam præbent hæreseos suspensionem. Iuxta hanc tam latam hæretici appellationem, non vsurpatur hæc vox hæreticus, in illis titulis qui in libro decretalium, & libro sexto, & in clementinis, de hæreticis inscribuntur: quoniam non illis omnibus, qui sub tam larga illius significa-



tione comprehendi possent: poenæ illæ, & multæ conueniunt, quæ hæreticis à summis Pontificibus per decretales sub illis titulis cõtentas, infligi mandantur. Omilla igitur hac tam larga vocis significatione, ad propriam, & legitimam eiusdem vocis significationem accedentes ostendamus, quis vere, & merito sit hæreticus censendus, ut poenæ à iure decretæ iuste illi possint infligi. Multa quidẽ exigantur, ut quis merito debeat hæreticus dici. Primò ante omnia opus est, ut fidem Catholicã semel in baptismo susceperit. Nam qui nunquam Christũ in baptismo induit, is Paganus, aut Iudæus, aut Sarracenus, aut Mahometicus, aut alio quouis censetur nomine, nunquã tamen hæreticus dicitur, ut poenæ, quas aduersus hæreticos ecclesia decreuit merito possint in illum infligi. Ecclesiã siquidem de illis, qui foris sunt, non iudicat, dicente Paulo: Quid mihi de iis, qui foris sunt iudicare? At qui non est indutus Christum in baptismo, sic est extra ecclesiam, ut nunquam illius domum intrauerit: quoniã ad baptismum: quæ huius domus est ianua, nondũ accessit. De his ergo, qui baptismũ non susceperunt, nõ iudicat ecclesiã, & per consequens hi non sunt, quos nomine hæreticorum punit. Secundum quòd post baptismũ susceptum exigitur, ut quis dicatur hæreticus, est error in fide. Opus solum exterius sine errore intellectus (ut superius cap. j. diximus) non est hæresis, eadem etiam ratione opus ipsum solum absq; errore intellectus quãuis de hæresi suspectũ reddere valeat, hæreticum tamen facere non potest. Qui igitur hæreticus est dicendus, oportet, ut aliquẽ errorem circa fidem teneat. Errat autem non solum, qui cõtrariũ veritati asserit, aut credit, sed etiam qui de ipsa fidei certissima, & firmissima veritate dubitat. Vnde August. in Enchiridio ad Laurentium cap. xvij. errorem definiens, sic ait: Errare est verum putare quod falsum est, falsũque quod verum est vel certum habere pro incerto, incertum vero pro certo, siue falsum, siue sit verum. Hæc Augustinus. Ex his verbis apertissime colligitur non solum illum dicendum esse hæreticum, qui contra veritatem fidei Catholicæ sentit: sed qui de veritate fidei dubitat, si cetera habeat, quæ ad hæreticum exacta esse, infra dicemus. Nam qui de fide dubitat, ita etiam errat, sicut qui aliquid contra fidem asserit, quoniam ipsa sua dubitatione testatur se credere sacrã scripturam

2 Cor. 5.

August.

A pturam posse fallere, & ecclesiam posse falli. Alioqui si hoc de illis non crederet, nunquam de illarum dictis dubitasset. Præterea is, qui dubitat fidem amittit: quoniam firmitate caret, quæ fidei est annexa: ob quam causam dubitatio vehemens (nam de leuissima dubitatione non est nunc sermo) & fides simul in vnum coire nõ possunt. Hoc manifeste probatur testimonio beati Bernardi ita dicentis: Fides *Bernard.* ambiguum non habet, & si habet, fides non est. Et beatus Athanasius post datam fidei regulam in symbolo, ita ait: Hæc est fides Catholica quam nisi quisque fideliter firmiterque crediderit, saluus esse nõ poterit. Et Deus postquam pro Abachuch prophetam filij sui aduentum promiserat, hæc subdit. Ecce qui incredulus est, non erit recta anima eius in semetipso. Quæ verba interpretans Hieronymus *Hiero.* ita ait: Si autem dubitauerit fides tua, & putaueris non venire, quod spõdeo, habebis pro grádi pœna, quod meæ animæ displicebis. Iustus autem, qui credit verbis meis, & de his non ambigit, quæ polliceor, habebit præmium vitam sempiternam. Hæc Hieronymus. Et Theophylactus super illud ad Rom. i. iustitia Dei in eo reuelabitur, ex fide, sic *Roma 1* ait. Cũ enim ea quibus à Deo donati sumus mortales ne- *Theoph.*

B queant cogitatione complecti, merito nobis est fides hæc necessaria, quam si scrutari hesitando cœperimus, omnium proculdubio patientur iacturam. Hec ille. Ex his omnibus apertissime colligitur dubitationem velut ex diametro pugnare cum fide, & per consequens eum qui dubitat, non esse fidelem: sed hæreticum censendum. Hæc autem quæ de dubitante diximus de illo solo intelligenda esse volumus, qui animo deliberato in dubitatione tali persistit, quæ illum inter vtranque dubitationis partem medium, & veritatem tenet. Alioqui si taliter dubitaret, quod magis ad veritatem fidei, quàm ad oppositam partem declinaret, non esset dicendus hæreticus, præsertim si ex infirmitate quadam dubitauit, velut contingit in primis motibus, & in illis qui natura hoc habent vt sint in qualibet re ancipites, & dubij, & assiduæ conscientia scrupulis virgeantur. Hic tamen admonendus est lector, vt non putet omnem dubitationem etiam deliberatam, & constantem, quæ quomodo libet circa fidem versatur satis esse, vt hominem illa affectum hæreticum reddere valeat. Multum siquidẽ interest

quid, aut quomodo quisque dubitet. Sunt aliqui, qui de verbis, aut de scripturis dubitant. Sunt rursus alij, qui etsi verbis, aut scripturis integram fidem præbeant, de verborum tamen, aut scripturarum intelligentia dubitant. Credunt, inquam, verba esse vera, & omni prorsus falsitate carentia, quid tamen per illa verba significetur, dubitant. Primum dubitationis genus circa ea, quæ ad fidem attinent, est prorsus interdictum: quia de veritate eorum, quæ Catholica fides credenda proponit, dubitare non licet. Secundum dubitationis genus etiam circa illa, quæ firma, & constanti fide credere tenemur, absque hæresi, & cuiusvis alterius criminis nota haberi potest. Primo dubitationis genere hæsitavit Nicodemus de verbis Christi dicentis: Nisi quis renatus fuerit denuo, non potest videre regnum Dei. Dubitavit quidem: quia non credidit verba illa villo modo posse fieri vera, atque ideo dixit. Quomodo potest homo nasci denuo, cum sit senex? Nunquid potest in ventrem matris suæ iterato intrare & nasci? Ad eundem prorsus modum dubitauerunt Iudei discipuli, qui erant in Capharnaum, de verbis Christi dicentis: Panis, quem ego dabo, caro mea est pro mundi vita. Dicebant enim: Quomodo potest hic nobis carnem suam dare ad manducandum? Dubitabant quidem: quia non credebant dictis ab illo cuius apertum est testimoniū: quia verbis Christi auditis dixerunt: Durus est hic sermo, & quis potest eū audire? Et tandem abiierunt retrorsum, & ob hanc causam Christi discipulatum reliquerunt. Secundo dubitationis genere dubitavit virgo Deipara cum Gabrieli Archangelo Deum ab illa in utero concipiendum, annuncianti respondit: Quomodo fiet istud quoniam virum non cognosco? Percontatur quidem non quasi verbis angeli diffidens: sed verbis firmiter credens, & modū quo verba adimpleri possent, non perpendens, & de modo edoceri cupiens. Itaque non de re ipsa sed de modo, quo res exequi posset, dubitavit. Sic enim verba illa Deiparæ virginis interpretatur Theophilactus, dicens, Non quasi discredens virgo dixit: Quomodo erit mihi istud? sed ut prudens, & intelligens, ut discat, modum inquirat. Non enim prius tale quiddam factum est, neque posthac fiet. Ideo ignoscit ei angelus, & non condemnat, ut Zachariam: sed magis modum docet. Nam Zacharias

merito



rit, iuxta istorū sententiā, dicitur hereticus, & si hic talis quod-  
 tidie in aliā, & aliā heresim labitur, quousq; totam prorsus  
 fidē Catholicā deserat. iam iuxta eorundē sententiā, Apo-  
 stata, & non hereticus dicitur: ergo hæreses addēdo desinit  
 esse hereticus. Hoc autē fateri, quā sit absurdū, nullus est  
 sanæ mētis, qui nō intelligat: quia non est rationi cōsonum  
 ut id, quod ab aliqua forma nomenclaturam aliquā susci-  
 pit, per eiusdem formæ multiplicationem, nomenclatu-  
 ram eandem amittat. Ut gratia exempli, si homo ratione  
 albedinis dicitur albus, quantumlibet illi albedo addatur  
 nunquā desinet dici, & esse albus: ergo eodem modo, cum  
 hereticus ab hæresi dicatur, nunquam per quamlibet hæ-  
 resum multitudinem desinet esse hereticus. Apostata, &  
 hereticus non sunt duo aliqua disparata, quæ eisdē conue-  
 nire nō possunt, ut sunt homo, & equus: sed sunt tanquā ge-  
 nus, & species, ut animal, & homo. Hereticus est nomen  
 generis, quod sub se tot cōtinet species, quot sunt hæresum  
 species, quas homines pertinaciter tueri possunt. Apostata  
 est nomen speciei, ita ut omnis apostata censerī debeat he-  
 reticus, non tamen econtrario omnis hereticus sit cēsendus  
 apostata. Et huic mæx sententiæ fauet beatus Thomas, qui  
 in Secunda Secundæ quæstione x. artic. v. dicit solas tres esse  
 species infidelitatis, videlicet: Paganos, Iudæos, & Hæreti-  
 cos: & sub nomine hereticorum contineri censerī quotquot  
 à fide Catholica, quā semel susceperunt, quomodolibet re-  
 cedunt. Et expressius. q. xij. art. j. in responsione ad tertium  
 dicit, quod apostasia non importat aliquam speciem infideli-  
 tatis: sed quandā circumstantiam aggrauantem iuxta illud  
 ij. Pet. ij. Melius erat eis veritatē non agnoscere, quā post  
 cognitā retro ire. Si apostasia non est species distincta ab  
 hæresi consequens est, ut nec etiā apostata sit species distin-  
 cta ab heretico. Eidem sententiæ subscribit Gulielmus  
 Ocham prima parte suorū Dialogorū lib. iij. c. xij. Præter-  
 ea omnis pœna, quā iura aduersus hereticos decernunt,  
 etiā huiusmodi apostatis est infligenda: ergo huiusmo-  
 di apostatæ sub nomine hereticorum sunt comprehen-  
 dendi: quando iura de hereticis loquuntur: quoniam  
 alioqui nulla esset canonica lex per quam huiusmodi apo-  
 statæ puniri possent. Nam titulus ille, qui in quinto li-  
 bro Decretalium inscribitur: De apostatis & reiteranti-  
 bus



**A**bus baptisma, non hos apostatas concernit, qui à fide Catholica recesserunt: sed illis solum, qui ordinem clericatus, aut religionis quam semel fuerant professi; reliquerunt. Et hoc ibidem annotauit glossa in cap. i. eiusdem tituli. & confirmatur hoc plenius per capitulum, contra Christianos. de hereticis, lib. vj. illic enim percipitur eos, qui fide Catholica deserta ad ritus Iudæorum redierint, esse velut hæreticos puniendos. His igitur efficacissimis rationibus motus dico apostatam etiam esse censendum hæreticum: sicut ille, qui in vnam solam hæresim lapsus est. In illo tamen opere, quod aduersus omnes hæreses edidi lib. j. cap. ix. aliorum sequutus sum sententiam, eo quod rem non bene tunc (vt decebat) consideravi. Prior igitur illam sententiam nunc recanto, & præsentem amplector tanquam verior. Quartum, & vltimum, quod absolutum, & consummatum facit hæreticum, est pertinacia: quã si subtraxeris, etiam si errorem fidei contrarium quis teneat, aut doceat, non est censendus hereticus. Vnde Augustinus in Epistola ad Glorium, & Eleusium, quæ est in ordine epistolarum eius 162. sic *Augu.* ait. Qui sententiã quamvis falsam, atque peruersam, nulla pertinaci animositate defendunt, præsertim quã non audacia suæ præsumptionis pepererint: sed à seductis, atque in errorem lapsis parentibus acceperunt, quærunto autem cauta sollicitudine, veritatem, corrigi parati cum inuenerint, nequaquam sunt inter hereticos reputandi. Hæc Augustinus. Et habentur hæc verba in capit. Dixit Apostolus, 24. q. 3. Contra hæc forte quis obiiciet Innocentium Tertium huius nominis summum Pontificem, qui quæsitus à Comite Tolosano, quos oporteat dicere manifestos hereticos, per hæc verba illi responder. Super quo tibi duximus respondendum illos intelligendos esse manifestos hereticos, qui contra fidem Catholicam publice prædicant, aut profitentur, seu defendunt eorum errorem, vel qui coram prælatis suis conuicti sunt, vel confessi, vel ab eis sententialiter condemnati super heretica prauitate. Hæc Innocentius. & habentur in cap. Super quibusdam, extra de verb. significatione. Ex istis Innocentij verbis aliquis forte contra ea, quæ de pertinacia diximus argumentum sumet, sic inquit. Innocentius declarans, qui sunt dicendi manifesti heretici nunquam de pertinacia fecit mentionem: ergo pertinacia non est necessaria

necessaria. Verum non ita res se habet, vt obiiicitur, neque C  
 bene in eadem obiectione colligitur. Nam Innocentius  
 tunc non tractabat de hæreticis in generali: sed solum de  
 hæreticis manifestis. Ille enim tunc solum ad quæsitā re-  
 spondet, fuit autem quæsitus non de pertinacia: sed de eui-  
 dentia, & manifestatione delicti. Dubiū quidem non erat,  
 qui essent pertinaces, aut hæretici dicēdi: sed dubium erat,  
 qui hæretici essent pro manifestis habendi. Et ob hanc cau-  
 sam de pertinacia tacuit illam subintelligens, & solum de  
 manifestatione, & euidētia, de qua solum fuerat interro-  
 gatus, respondit: Ex his igitur omnibus, quæ diximus esse  
 necessario requisita, vt quis hæreticus sit censendus, talem  
 colligo hæretici definitionem. Hæreticus est, qui postquam  
 verum baptismum suscepit, & fuit in fide Catholica suf-  
 ficienter instructus, pertinaciter errat contra id, quod scit  
 ab ecclesia Catholica pro fide teneri, siue oppositum veri-  
 tatis asserens, siue de ipsa veritate dubitans. Hanc defini-  
 tionem non est opus amplius declarare: quia ex his, quæ  
 diximus, est satis manifesta. His ergo omnibus bene con-  
 sideratis cui libet erit satis euidens quantum errauit Ber-  
 nardus de Luthemburgo, qui hæreticorum catalogum  
 texens, multos in illo posuit, qui nihil minus, quàm hære-  
 tici dici deberent. Nam quosdam illic inseruit, qui nun-  
 quam fidem Catholicam in baptismo fuerunt professi,  
 quales sunt Auerrois, & Auicenna, qui iuxta ea, quæ dixi-  
 mus nullo pacto hæretici dici possunt. Quosdam etiam  
 ibidem miscuit, qui etsi sanctum baptismum susceperunt,  
 in nullam tamen lapsi sunt hæresim, vt sunt Marrani, Mo-  
 psarabes. Et certe (vt ego existimo) ille non intellexit, qui  
 & ob quā causam dicantur Marrani, aut Mopsarabes: ideo  
 operæ precii duxi horum vocabulorū significationes expli-  
 care, vt inde manifestū sit, quàm immerito illos inter hæ-  
 reticos recensuit. Marrani ab Hispanis vocantur illi, qui præ-  
 sentium memoria, aut relatu aliorū præcedentium noscun-  
 tur à Iudæis traxisse originē. Filius igitur Iudæorū, aut ne-  
 pos, aut pronepos, quamuis ipse iam sit verus Christianus,  
 & fidelis Catholicus, semper ab Hispanis vocatur Marra-  
 nus. Quo fit, vt non ob culpā aliquam suā: sed ob solam pa-  
 rentum suorū maculā, ille vocetur Marranus. Nulla igitur  
 est causa, propter quam Marranos inter hæreticos quis me-  
rito

A rito recensore debeat cum optime possit aliquis esse Mar-  
ranus, & vere Catholicus & fidelis. Fateor tamen Marrani  
nomen esse infame, & iniuriosum, tum propter parentes, à  
quibus descendunt, tum etià propter Iudaismi suspiciōē,  
quam semper cōtra se portāt, propterea, quod experiētiā co-  
gnitum est, multos eorū ad Iudæorū ritus, & ceremonias  
rediisse. Mopsarabes, nec hæretici, nec de hæresi suspecti  
sunt. Nullum enim errorē contra fidem Catholicā tenenti  
neq; alicui hæresi fauēt, neq; ab obediētiā ecclesiæ Roma-  
næ sunt separati: sed solis ceremoniis, quas in diuini officij  
ordine, & Missæ celebratione tenent, à communi Latino-  
rum vsu differentes. Quæ ceremoniæ, & si ab illis, quibus  
Romana vtitur ecclesia differant, nō tamen sunt ab eadem  
ecclesia Romana vnquā reprobata. Nam morē illum Mo-  
psarabum, Romana ecclesia approbāte, olim tota seruabat  
Hispania tēpore sancti Isidori Archiepiscopi Hispalensis,  
& sancti Ildefonsi Archiepiscopi Toletani, qui ante nonin-  
gētos annos illis ecclesiis præfuerūt. Qui celebrādi mos à  
tēpore illo adusq; præsentem diē in Toletō ciuitate Hispa-  
niæ opulentissima, in quibusdā illius parochiis perpetuo  
tenore seruatus est, & obseruatur adhuc. Extat etiam hodie  
in magnificentissima illa eiusdem ciuitatis ecclesia cathe-  
drali insignis quædam, & valde opulenta capella, in qua  
iuxta Mopsarabum ordinem, & ritus, & ceremonias, missa  
quotidie celebratur, & statutis septem diei horis reliquum  
totum diurnū simul, & nocturnum Deo offertur laudis sa-  
crificiū. Quo autē tempore, & ob quam causam desierit hic  
modus seruari in aliis Hispaniæ partibus, qui voluerit sci-  
re, legat generalē Hispaniæ historiā, quam illustrissimus,  
atq; doctissimus Castellæ, & Legionis Rex Alfonso hu-  
ius nominis Decimus cōposuit. Hic enim in quarta parte  
præfatæ historiæ cap. iij. longā & scitu dignissimā de hac  
re textit narrationem. Verum quia apud alias nationes hæc  
historia difficillime inueniri posset, ideo quæ Rex ille do-  
ctissimus multis verbis descripsit, breuibus ego perstrin-  
gere decreui, vt rem scitu dignissimam omnibus notam  
facerem. Tota Hispania, inquit ille, olim missæ sacrificium  
faciebat iuxta morem Gotthicum à beato Isidoro, &  
beato Leandro institutum, longē à consuetudine & ritu  
ecclesiæ Romanæ diuersissimum. Hoc itaque more, &  
rita



ritu vbiq̃ue Hispaniarum seruato, Alſonſus Hispaniæ Rex C  
huius nominis ſextus, qui Toletum à Sarracenis recepit,  
Conſtantiam Gallorum Regiſ filiam duxit vxorem. Quæ  
cum vidiffet ſacrum Miſſæ officium longe alio more, &  
ritu in Hispania, quàm in Francia celebrari, quæ mores, &  
ritus eccleſiæ Romanæ in illo officio ſeruabat, orauit ma-  
ritum Regem, vt morem illum, & Miſſæ ceremonias ex  
vniuerſa prorsus Hispania tolleret, & loco illius Gallum  
ſubſtitueret, qui Romanæ eccleſiæ erat conformis. De qua  
re nihil voluit Rex definire niſi prius (vt par erat) conſule-  
ret Gregorium ſeptimum huius nominis ſummum Pon-  
tificem, qui tunc vniuerſæ præerat eccleſiæ. Pontifex vero  
re (vt decebat) plene examinata, legatis reſpōdit, antiquum  
Hispaniæ morem, qui bonus & ſanctus erat, & à ſanctis pa-  
tribus inſtitutus, non eſſe deſerendum, quinimò potius per  
omnia ſeruandum. Regina vero iterum Regem pro abro-  
gando illo officio inſtantiffime precatur, cuius votis Rex  
ſatisfacere cupiens, conuentum generalem tam ex eccleſia-  
ſticis, quàm ex ſecularibus congregatum celebrat. Huic  
congregationi Rex, Regiſ votum prodit, petítque, vt illi  
ſatisfacere vellent, cui Regiſ petitioni cum omnes con-  
tradicerent, tandem ex illorum omnium, & Regiſ concor-  
di ſententia decretum eſt, vt tres hæc armorum conſictu  
definiretur, datis duobus, qui duello pugnarent, alter pro  
officio Gotthico, aut Moſarabico à toto regno eligendus,  
alter pro officio Gallico aut Romano à Regina & rege ſi-  
gnandus. Ventum eſt ad pugnam, & qui pro officio Mo-  
ſarabum decertabat victor euafit. Sed nec his viſis Regi-  
na quieſcere voluit: ſed, vt ſunt importunæ, & pertinaces  
fœminæ, quouſque ſatis ſuis votis fiat Regem iterum  
acrius, & vehementius ſolicitat, qui, vt Regiſ placeret  
totum regni conuentum, iterum hortatur, vt Gotthicum  
officium deſerere, & Gallicum, ſeu Romanum recipere  
vellent. Illis autem omnino contradicentibus ex commu-  
ni omnium conſenſu decretum eſt, vt magno aliquo, atque  
vaſto igne accenſo duo libri in illum proiicerentur, quo-  
rum vnus Miſſæ officium cōtineret iuxta ritum Gallicum,  
alter iuxta antiquum Hispaniæ morem. Et illo die, quo  
hæc facienda erant, indiſtum eſt à Bernardo Archiepiſco-  
po Toletano generale ieiunium (res enim hæc Toleti age,  
batur

**A** batur) vt per ieiunii meritum Deus exoratus reuelare vellet per miraculofæ oftentionem, quid effer agendum. Proiciuntur duo illi libri in medio ignis, & liber, qui Gallicum, ſiue Romanum tenebat officium, cœpit ex igne ſtrodorem quendam facere, & ſtatim ſaltu quodam ab igne reſiliit. Liber autem, qui officium Gotthicum, ſiue Moſarabum continebat, perſeuerauit abſque vlla læſione in medio ignis quouſque ille fuit prorfus extinctus. Sed nec tanto miraculo viſo Regina cedere voluit, ob quam cauſam Rex deinceps noluit regnum (vt ante fecerat) hortari: ſed præcipere, & variis minis cogere, vt officio antiquo reſiſto Gallicum, ſiue Romanum reciperent. Quod non ſine lachrymis fecere coacti, quamuis in aliquibus Tolernis templis mos ille, & ritus antiquus remanſit, qui inibi vſque in hodiernum diem ſeruatus eſt. Et inde ortum eſt vulgare prouerbiũ apud Hiſpanos: *Alla van deyes, do quieren Reyes.* Quod in latinam linguam verſum idem eſt, ac ſi diceretur. Ad arbitrium Regum leges diſpenſantur. Hanc tam largam hiftoriam hic retexere voluimus, vt apertè inde oftenderemus, quàm ſine cauſa Bernardus de Luthemburgo in ſuo Catalogo hæreticorum, Moſarabes inſeruit.

*De ſolutione quorundam dubiorum, quæ ex dictis in præcedenti capitulo oriuntur.*

## CAP. VIII.

**E**X his, quæ in proxime præcedenti cap. diſſeruimus, aliqua non parua difficultatis dubia occurrere poſſunt, quibus omnibus hic reſpõdere decreui, vt omnẽ dubitationis cauſam tollam, & ſic rem abſolutam relinquam.

Primum dubium eſt de Cathecumeno, qui nondum Baptiſmum ſuſcepit: ſed ſolum habuit firmum propositum ſuſcipiendi baptiſmum, ſi ante quàm baptiſmatis vnda tingatur in aliquã hæreſim laberetur, an hæreticus dici debeat: Et forte alicui videbitur talem non eſſe hæreticum dicendum, nec velut talem puniendum, propterea quod nõdum baptiſmum ſuſcepit, atque ideo eccleſiæ domum non intrauit, & per conſequens eccleſiæ iudicio nõdum fuit ſubiectus. Sed qui ſic ſentit, maxime fallitur, & toto (vt dicunt) errat cœlo. Nam Catechumenus, qui firmo animo ſtatuit



statuit baptismatis vnda mundari, si in hoc proposito per-  
 feuerās ab hac luce necessitate coactus sine aquae aspersio-  
 ne decedat, proculdubio saluabitur: quoniam etsi baptismo  
 aquae non sit baptizatus, est tamen baptismo flaminis, qui  
 per secretā Sancti Spiritus infusionē fit baptizatus: de quo  
 baptismo Christus in caelos ascendens, sanctūmq; Apосто-  
 lis suis promittens Spiritū, ait: Vos autē baptizabimini Spi-  
 ritu sancto nō post multos hos dies. Spiritu baptizandos di-  
 xit propter gratiā, quam in aduētū Spiritus sancti receptu-  
 ri erant, & per quam ab omni peccatorū inquinamēto erāt  
 mundandi. Baptismus igitur, qui à theologicis scholasticis  
 flaminis dicitur: sicut animas à peccatis mundare valet, ita  
 etiam saluare. At extra ecclesiam non est salus. Est enim ec-  
 clesia (vt beatus Petrus interpretatur) figurata per arcam  
 Noe. extra quam quotquot inuenti sunt, periire, & soli, qui  
 in illam intrauerunt, saluati sunt. Ex his aperte cōsequitur  
 eum, qui firmo animo baptismū aquae suscipere statuit, iam  
 tunc ecclesiā intrasse cum sit in statu salutis, quae extra ec-  
 clesiam (vt diximus) haberi nō potest: etsi hoc animae suae fir-  
 mum esse propositum ecclesiae palām ostendit, ab illa ba-  
 ptismum Publicitus petens hoc ipso ecclesiae se subdidit,  
 quamuis ab illa baptismum, quem petit non suscepit. Et  
 confirmatur per capitulum, Veniens, de presbytero non ba-  
 ptizato, vbi haec habentur verba. Non solum per sacramen-  
 tum fidei: sed per fidem etiam sacramēti, quis efficitur pro-  
 culdubio membrum Christi. Haec ibi. Sed per solam fidem  
 sine sacramento baptismi efficitur homo membrum Chri-  
 sti, ergo etiā membrum ecclesiae, quae est corpus illius, ergo  
 ab illa poterit iudicari, & puniri tanquam pars, & mem-  
 brum illius. Quo fit, vt Cathecuminus, qui firmo, & con-  
 stanti animo baptismum ab ecclesia petiit, si postquam  
 fuerat de recta fide edoctus, in haeresim aliquam antequam  
 baptismum aquae suscipiat, labatur, & illam pertinaci-  
 ter tueatur, sit censendus haereticus, & velut talis: nisi resi-  
 puerit puniendus, non tamen (vt existimo) ita acriter, ac si  
 baptismum aquae suscepisset. Haec tamen de illo solo intel-  
 ligenda esse volo, qui post firmum de suscipiēdo baptisma-  
 te propositum, fuit sufficienter de recta fide edoctus, & post  
 huiusmodi doctrinam receptam propositi pœnitens in ha-  
 resim lapsus est. Alioqui si in haeresim laberetur antequam  
 fuisset

**A** fuisset plene de Catholica fide instructus (vt infra proxime dicemus) talis non esset hæreticus censendus.

Secunda dubitatio est de paruulo baptizato, qui ante vsum rationis ab infidelibus captus, & postea cum ad annos discretionis peruenit, fidem Catholicam noluit suscipere: sed Mahometicam legem, de qua fuit instructus, est amplexatus, an hic talis sit hæreticus, & apostata censendus, & velut talis si à Christianis caperetur, puniendus? Et quod talis sit hæreticus dicendus, videtur conuinci: quia omnia, quæ in vulgari hæretici definitione describuntur, illi aptissime conueniunt. Nam hæresim pertinaciter tueretur, aut fidem prorsus deseruit, postquam Christum per baptismum induerat. Verum ego aliter dicendum esse sentio: quoniam vt quis hæreticus merito dicatur (mea quidem sententia) non satis est illum hæresim post susceptum baptismum pertinaciter tueri, nisi post eiusdem baptismi susceptionem fuerit de vera fide edoctus. Sola siquidem fides infusa, quæ per baptismum datur, sine aliqua viuâ voce doctoris exterius docentis, iuxta consonam omnium theologorum sententiam, minime sufficit ad credendum. *Quomodo credent* (ait Paulus)

**B** ei, quem non audierunt? Quomodo autem audient sine prædicante? sicut scriptum est. Quàm speciosi pedes Euangelizantium pacem, Euangelizantiū bona. Sed non omnes obediunt Euangelio. Isaias enim dicit: Domine, quis credidit auditui nostro? Ergo fides ex auditu, auditus autem per verbum Christi. Quibus verbis Paulus Apostolus apertissime docet veram fidem verbi Dei prædicatione nullum hominem per se assequi posse. Oportet igitur, vt hæreticus nō dicatur qui sine verbi Dei prædicatione fidem plenam non est assequutus, quam (vt diximus) assequi non poterat. Indignum quippe est, vt quis damnetur: quia non fecit id, quod nullo modo facere poterat. Idem etiam dicendum censeo de Iudeis, & Sarracenis & aliis infidelibus, qui adultæ ætate baptismum suscipiunt, non esse illos statim dicendos hæreticos, si post baptismum susceptum, & antequam de fide fuerint plene edocti, in hæresim aliquam lapsi fuerint. De his enim merito suspicandum est illos tunc ex ignorantia errasse, ac propterea cum tales fuerint deprehensi, sunt docendi, & cum misericordia admonendi, etsi post admonitionem & charitativam correctionem in eundem labantur

*Rom. 10*

*Naum. 1*

*Isai. 53*

errorem, iam non ex ignorantia sed ex malitia illos errasse merito credetur. Ille igitur qui baptismo suscepto ante annos discretionis captus à Sarracenis, & cum illis nutritus, illorum sectam colit, si postea à Christianis capi contingat (vt ego sentio) erit admonendus & de vera fide docendus, non tamen est hæreticus censendus, neque vt talis puniendus:

1. Ioann. 2  
Didym.

Tertia dubitatio est de illo qui baptizatus est non in vera & necessaria forma, qui etsi verum baptismum non suscepit, tamen propter baptismum, se Christianum dicit & prædicat, & pro tali ab omnibus existimari contendit, si hic hæresim aliquam pertinaciter tueatur, an sit dicendus hæreticus? Gulielmus Ocham parte j. suorum Dialogorum, lib. iij. cap. ij. & iij. dicit talem esse dicendum hæreticum. Ego tamen ab illo in hac parte longissime discedo, & merito: quia omnis hæreticus ab ecclesiæ Catholicæ domo quam semel per baptismum intrauerat, exit. Nam beatus Ioannes de hæreticis in sua prima Canonica epistola loquens postquam illos Antichristos esse dixerat, hæc ait: Ex nobis exierunt: sed non erant ex nobis. Didymus Alexandrinus in expositione huius epistolæ declarat quò pacto hæretici sint dicendi Antichristi, sic inquires. Consequens est enim quod qui semetipsum collegio fidelium segregarunt, Antichristi sunt. Quomodo non sunt Antichristi, qui contraria sapiunt, quàm Christi constitetur ecclesia? Hæc Didymus. Hi Antichristi ex nobis exeunt, quia ab ecclesiæ vnitatem cui se in baptismo inseruerunt, separantur, sed ex nobis non erant, quia inter illos qui ad gloriam æternam sunt prædestinati, non sunt numerati. Hoc autem sic probat beatus Ioannes. Nam si fuissent (inquit ille) ex nobis permansissent vtiq; nobiscum. Omnis igitur hæreticus ab ecclesiæ domo recedit. At qui ecclesiæ domum nunquam intrauit ab illa recedere non potest, eadem igitur ratione consequitur vt qui ecclesiam nondum intrauit, hæreticus esse non possit. Ille autem qui non iuxta veram & necessariam baptismi formam est baptizatus, sicut non suscepit verum baptismum, ita nec etiam intra ecclesiæ domum intrauit. Ille ergo quamuis in hæresim aliquam labatur eamque pertinaciter tueatur, hæreticus dici non debet. Hoc autem tunc verum esse credo, quando ille sciuit se vera baptismi forma qua

A qua omnes Christiani vtuntur, non esse baptizatum, & vult sic permanere. Tunc enim nec baptizatus esset baptismo flumiois, nec baptismo fluminis. Alioqui si ipso nesciente sic baptizatus est, putans se bene baptizatum, tunc si vsum rationis habet quamuis non sit baptizatus Baptismo aque, est tamen baptizatus interiore baptismo, & hoc (vt supra diximus) satis est, vt hæreticus merito dici possit.

Quarta dubitatio est. An ille sit dicendus hæreticus qui alicuius hominis opinionem tam firmiter tenet & docet, ac si esset verus articulus fidei: & ita pro illius opinionis defensione est mori paratus, sicut faceret pro illis quæ ad fidem pertinere sunt nota? Et certe de hac re libentius vellem aliorum audire sententiam quàm dicere meam. Dicam tamen quod sentio ne gratis videar mouisse quæstionem. Ego quidem non dubitarem talem dicere hæreticum, propterea quod ille talis errat in fide, & pertinaciter. Omnis autem qui post susceptum baptismum, pertinaciter circa fidem errat, concordi omnium recte sapientium sententia censetur hæreticus, ergo iste de quo præsens agitur sermo censendus est hæreticus. At, quod iste talis erret in fide, quia forte aliquis dubitabit, dubitationis causam tollam testimonio Augustini qui errorem definiens in Enchiridio ad Laurent. cap. xvij. sic ait. Nihil aliud est errare, quàm verum putare quod falsum est, falsumque quod verum est, vel certum habere pro incerto, incertum uero pro certo, siue falsum sit, siue verum. Hæc ille. Iste qui alicuius opinionem putat esse Catholicam fidem, & tam firmo animo illam opinionem ac fidem Catholicam tuetur, incerta tenet pro certis, ergo iuxta Augustini sententiam errat. Præterea iste sic sentiens, eo ipso ecclesiæ Catholicæ contumeliam facit, & illam in fide errare putat, quia illa quæ iuxta istius sententiam sunt certissima, ecclesiæ tenet pro incertis. Errat ergo, iudicio istius ecclesiæ: quia (vt Augustinus dixit) errare est certum habere pro incerto. Hæc autem de ecclesiâ quæ diuino semper illustratur spiritu, quisquis putauerit, hæreticus ab omnibus Catholicis censetur. Merito igitur ille dicetur hæreticus qui alicuius hominis opinionem tam obstinato animo ac fidem Catholicam tuetur. Vt autem quod dicimus clarius ostendamus, exemplum aliquod ob oculos proponere decreui. Ecclesiâ nihil de conceptione

*August.*

Deipara virginis haftenus definiuit, an fuerit cum peccato originali aut sine illo concepta? sed liberum cuique dimittit, vt quam voluerit, de hac re teneat opinionem. Sic enim definiuit. Syxtus Pontifex huius nominis quartus, In extrauaganti quæ incipit, Graue nimis, quam decretalem extrauagamtem concilium Tridentinum sess. iiii. confirmauit. Si quis stante hac ecclesiæ definitione, alterutram opinionem tam firmo animo tueretur, vt illam putaret esse fidem Catholicam, & admonitus de hac re, in eadem nihilominus sententiā tam pertinaciter perseueret vt pro illa sit mortem subire paratus, hic talis absque vlla dubitatione erit censendus hæreticus. Quia ecclesiæ definitioni sic parere refugit, vt illam errare pertinaciter credat, cum ea quæ istius iudicio sunt certa, illa pro incertis teneat. Ego quidem virginem Deiparam sine peccato originali conceptam fuisse credo. Quia hoc magis pium est, & magis dignitati Matris Dei conueniens, & filij eius totius generis humani redemptoris dignitati, & excellentiæ, nec pilum detrahens. Attamen non tam firmo animo hanc teneo sententiā, vt illam putem esse fidem Catholicam, atque ideo pro huius sententiæ tutela, non libenter cervice gladio opponerem. Et iuxta hunc modum de alijs iudicandum esse arbitror: ita vt quisquis opinionem aliquam de rebus fidei differentem tam firmo animo & tam certe tuetur, vt tueretur fidem Catholicam, sit hæreticus censendus. Nam fidem Catholicam tam constanti animo quisque tueri tenetur, vt si Papa, aut concilium vniuersale recte congregatum Deus contrarium docere permisisset, imò nec si angelus de cælo (vt ait Paulus) oppositum annunciaisset, illi credere non deberet. Tam constantem autem animum circa illa, quæ de rebus fidei sub controuersia tractantur, nemini citra hæresis notā licet habere. Nam qui tam firmo animo huiusmodi sententias controuersas tueretur, vt ecclesiæ illud dicenti nō esset obedire paratus, eo ipso putaret ecclesiam in fidei definitione errare posse, quod est apertissima hæresis. Si quis vero aliquam opinionem de rebus fidei differentem, quantumlibet firmo animo teneat: & putet illam esse fidem Catholicam paratus tamen ecclesiæ aliud docenti obedire, etiam si erret, nunquam ob hoc dicitur hæreticus.

Gal. 1

Quid



*A* Quid sit pertinacia, & quis sit pertinax dicendus,  
ut per hoc merito hæreticus possit censeri.

## CAP. IX.

*B* **Q**uamuis longam, & (vt arbitror) satis exactam de hæretici definitione disputationem fecerim, propter id tamen quod de pertinacia ibidem dictum est, quisquam forte hæsitare poterat nesciens quid esset pertinacia; & quis esset pertinax censendus: vt (si alia adsint) posset merito hæreticus appellari. Vt igitur rem vndique absolutam relinquerem: visum fuit mihi necessarium, hunc nodum, in quo non modica videtur esse perplexitas explicare. Pertinacia à pertendendo dicitur. Nam (vt dixit Marcus Varro) in quo non debet pertendi, & quis pertendit, pertinacia est. In quo vero oporteat manere, si in eo persistet, perseverantia vocatur. Aliquando tamen in bonam partem sumitur pro perseverantia. Seneca lib. vij. de beneficijs: Vincit malos pertinax bonitas, & Liuius ait: Vincit omnia pertinax virtus: Vterq; pertinacem dixit pro perseverante, propter nimiam illorum inter se vicinitatem: Nam (vt ait Cicero in officijs) pertinacia finitima est perseverantiæ, quia utraque in rebus cœptis persistit. Separantur tamen per id; circa quod versantur: quia perseverantia occupatur in bono pertinacia in malo. Hac igitur vocis significatione præmissa, rei definitionem statuere oportet, iuxta quam sit quilibet de pertinacia examinandus. Pertinax est, qui persistit in errore, quem sub reatu culpæ deserere tenetur. Ex prima huius definitionis parte colligitur non solum illum esse pertinacem dicendum, qui falsum asserit: sed qui de veritate dubitat. Quoniam (vt supra septimo huius libri capite diximus) ita errat, qui de certa veritate dubitat: sicut qui aliquid illi contrarium asserit. Quo fit, vt ita etiam quis possit esse pertinax dubitando id, de quo dubitare non licet: sicut esset pertinax asserendo aliquid contra id, quod credere tenetur. Et ob hanc causam loco proxime citato docuimus, dubium in fide esse dicendum hæreticum, si cum pertinacia dubitauerit. Tunc autem aliquem in errore persistere dicimus, quando admonitus errorem suum reuocare contemnit: Deinde additum est in definitione pertinacis;

quòd teneatur deferere errorem in quo persistit: quoniam **C**  
licet quis erret, si errorem suum relinquere non tenetur,  
 nequaquam erit pertinax dicendus. Multi quidem sunt er-  
 rore aliquo decepti, qui sic errantes, non peccant: propterea  
 quod veritatem illi errori oppositam scire non tenentur.  
 Potest enim quis citra omnem culpam errare circa nume-  
 rum, & vim elementorum, motum cœlorum, effectus fide-  
 rum, naturas animalium, & cætera huiusmodi, ad quæ sci-  
 da, fides Catholica non cogit. Nam Augustinus de huius-  
 modi erroribus loquens in Enchiridio cap. xxj. ita ait. In his  
 atq; huiusmodi falsitatibus, salua fide, quæ in nobis est, fal-  
 limur: & via non relicta, quæ ad illum nos ducit, erramus.  
 Qui errores etiam si peccata non sunt, tamen in malis hu-  
 ius vitæ deputandi sunt, quæ ita subiecta est vanitati, vt ap-  
 probentur hic falsa pro veris, respuantur vera pro falsis, te-  
 neantur incerta pro certis. Hæc Augustinus. Nec in his so-  
 lum: sed etiam in his, quæ sunt in sacra scriptura expressa,  
 possunt multi sine omni labe peccati errare, quia cum non  
 omnes teneantur scire omnia ibidem contenta, oportet, vt  
 qui per ignorantiam alicuius illorum errauerit, sit (vt supra  
 docuimus) excusatus à culpa. At errans qui nō peccat, perti-  
 nax non est censendus: quoniam pertinax sine peccato esse  
 non potest. Ex quibus colligimus illum, qui in errore ali-  
 quo persistit, non esse dicendum hæreticum, nisi errorem  
 suum sub reatu culpæ deferere teneatur. Videndum est igitur  
 quis teneatur renūciare errori, quem asserit, aut tuetur,  
 & inde luce clarius euadet, quis sit pertinax censendus. De  
 hac re hanc in primis statuo certissimā regulam. Quisquis  
 scit assertionem suam esse contra sacrā scripturā, aut alicuius  
 concilij generalis decretum, aut Papæ legitimam defini-  
 tionem, aut contra cōmunem omniū Catholicorū docto-  
 rum sententiā, aut cōtra tacitum totius ecclesiæ consensum  
 errat, & peccat, & si à peccato liberari cupit, tenetur statim  
 errorē suū reuocare. Is igitur, qui sic sciens errat, statim sine  
 vlla vltiori monitione est pertinax censendus. Quoniam  
 sacra scriptura, aut ecclesiæ definitio, quam optime nouit,  
 plus quàm pro centum, nedum pro duabus, aut tribus mo-  
 nitionibus valet. Nam sicut qui agit contra præceptum cu-  
 ius transgressioni est à iure adiuncta excommunicatio, cen-  
 setur contumax: quia quamuis nulla præcesserit hominis  
 adm

August.

D

**A** admonitio, præcessit tamen iuris cautio, quæ pluris est estimanda, quàm tres hominis monitiones, ita etiã, qui contra scripturã sacrã, aut ecclesiæ diffinitionẽ sciens errat, etiam si nulla illi fuerit adhibita admonitio, pertinaciter errare diceretur. Cæterum, si quis contra apertã Catholicæ ecclesiæ sententiã aliquid asserat, propterea quia ignorat id, quod asserit esse contra fidẽ Catholicam, non est pertinax, & per consequens, neq; hæreticus censendus. Neq; ad id dicendum gratis moueor: sed plurimis sanctorũ doctorũ authoritatibus, & vrgẽtissima ratione motus id assero. Potest quidem fieri vt quis in vniuersali fidem Catholicã habeat credens omnia in scriptura sacra contẽta, & omnia quæ ecclesia tenet, & docet esse vera, & nihilominus erret circa aliquod particulare: quia ignorat illud esse cõtra scripturã sacram, aut contra ecclesiæ determinationem, imo potius credit ecclesiã ita sentire: sicut ipse sentit, & propterea credit, quia putat ecclesiã ita credere, non crediturus, si constaret sibi ecclesiã aliter sentire. Nullus sanæ mentis dicit hunc talem peccare: quia ignorantia illum excusat, si res est talis, vt ille eam scire non teneatur. Nam Christus pharisæis loquens ait: Si cæl essetis, non haberetis peccatũ. Quæ verba

**B** exponens Theophilactus super Ioannem ait: Vos quidem de corporali cæcitate interrogatis, ego autẽ de animi cæcitate dico, quod si essetis cæci, hoc est, imperiti scripturarum non haberetis tale peccatum: quia per ignorantiam peccaretis. Hæc ille. Certum est enim non omnes eadem lege teneri circa fidem: quoniam plus exigitur, à viro docto, quàm ab idiota, plus à viro Ecclesiastico & sacris dedito, quàm à laico, & prophano, plura oportet scire prælatum quàm subditum. Labia sacerdotis (ait Deus per Malachiam prophetam) custodient scientiã & legem requirent ex ore eius, quia Angelus domini exercituum est. Prælatos & prædicatores licet ignorantia sæpe excuset ab hæresi, non tamen ita excusat à peccato: quia tenentur scire omnia, quæ ad officium suum exequendũ sunt necessaria. Nihil debet prædicator coram populo effundere, quod non sit illi perfecte exploratum, & de quo non sit certus verum esse, quod prædicat, & si per ignorantiam errauit, ignorantia non excusabit illum à peccato: quia tenebatur scire. Si tamen reuera paratus est cortigi cum ecclesia aliud docuerit, quam

*Ioan. 9  
Theoph.*

*Mal. 2*

uis peccat: quia quod ignorauerit, docere tentauit, non  
 tamen: sit hæreticus censendus, & per consequens non tan-  
 quam hæreticus: sed tanquam temerarius erit puniendus.  
 Alij vii docti possunt per ignorantiam excusari, aliquando  
 etiam in his, quæ sunt explicitè damnata, quia videlicet ne-  
 sciebant esse damnata. Non enim tenentur viri eruditi scire  
 omnes hæreses, quæ sunt aperte damnatæ: quia non omnia  
 conciliorum decreta scire tenentur, & ideo si per ignoran-  
 tiam aliquid dixerint, parati corrigi non sunt hæretici cen-  
 sendi. Plures indocti, & promiscuum vulgus non tenetur  
 scire plusquam eos fidei articulos qui in apostolorum sym-  
 bolo explicantur, neque ad subtilem illorum intelligentiam  
 obligatur, sed satis est illi si grosso modo intelligat, dum-  
 modo hanc habeat animi promptitudinem, vt paratum sit  
 credere quidquid aliud ecclesia docuerit. Si rusticus homo  
 quidquam aliud præter hos fidei articulos ignorauerit, non  
 peccabit, quia ignorantia illum excusabit. Ex quibus aper-  
 tissime consequitur, vt talis ob hanc causam hæreticus non  
 sit dicendus, quia error cui non est adiuncta malitia, non  
 valet hominem efficere hæreticum. Nullus enim homo  
 qui est sine peccato, est hæreticus censendus, quoniam qui  
 est sine peccato, est in statu salutis, hæreticus autem non est  
 in statu salutis, quia sine fide (vt ait Paulus) impossibile est  
 placere Deo. At vulgaris homo qui errauit per ignoran-  
 tiam eorum quæ scite non tenebatur, est sine peccato, ergo  
 ille talis non est hæreticus censendus. Præterea beatus Au-  
 gustinus in libro de Baptismo contra Donatum hoc idem  
 confirmat sic inquit. Si aliquis hoc idem sentiat de Chri-  
 sto quod Fotinus opinatus est, & in ecclesia Catholica  
 baptizatur, & hoc credit esse fidem Catholicam, nondum  
 dico esse hæreticum, nisi manifesta doctrina Catholicae  
 fidei resistere maluerit, & illud quod tenebat elegerit. Hæc  
 Augustinus. Et beatus Hieronymus in epistola quadam ad  
 Damasum, huic fauet sententiæ, sic inquit. Si autem  
 hæc nostra confessio apostolatus tui iudicio comprobatur,  
 quicunque me culpæ voluerit, se imperitum, vel maleuo-  
 lum, vel etiam non Catholicum, sed hæreticum compro-  
 babit. Hæc Hieronymus. Et habentur hæc verba in cap.  
 Hæc est fides. xxiiij. quæst. j. In quibus verbis Hieronymus  
 innuit non omnem qui contra Papæ iudicium & determi-  
 nationem

*Hebr. 11*

*Augusti.*

*Hier.*

**A** nationem sentit, esse dicendum hæreticum, quia possibile fore censuit ut talis per imperitiam & ignorantiam sic sentiret. Quod si contigisset, non putauit illum dicendum esse hæreticum, sed imperitum, atque ideo non dixit absolute illum talem esse dicendum hæreticum, sed subdisiunctione posuit imperitum vel maleuolum, vel hæreticum. Ex his omnibus colligimus nullum hominem etiam si quemlibet pestilentem errorem teneat & doceat, dicendum esse hæreticum si absente malitia ex sola id dixerit ignorantia. Qualiter autem possit quis à pertinacia per allegationem ignorantiae excusari, hoc iura positiua docent, quibus inter alia dicitur. Allegans ignorantiam probare debet illam. Tradunt etiam iura quibus argumentis, testibus & iudiciis possunt & debet iudices ecclesiastici præsentem vel præteritam ignorantiam in errante conuincere. De hoc solo hæreticorum inquisitores admonere decreui, ut cum aliquem in fide errantem comprehenderint, diligenter considerent personæ & erroris qualitatem, & his bene circumspectis facile intelligant quis & in quo errore possit per ignorantiam ab hæretici nota excusari. Quia si res quam asserit

**B** est ex illis quas non omnes scire tenentur, inuestigandum est primò an possit per testes aut alio modo conuinci illum scire assertionem suam esse contra fidem Catholicam: & tunc merito pertinax, & per consequens hæreticus merito censebitur. Si autem illum sic scire, aperte probari non possit, tunc examinandus est an sit paratus eam fidem suscipere quam Catholica tenet ecclesia: & si se vere paratum ostenderit, tunc per ignorantiam illum errasse credendum est, & ob id pertinax non dicitur. Si autem non sit paratus eam fidem suscipere quam Catholica tenet ecclesia, ob eam solam causam pertinax & hæreticus dicitur. Et quod de ignorantia diximus, hoc idem de obliuione dicendum esse censeo, quia qui rei alicuius est prorsus oblitus, tunc censeretur debet ignarus: Et certe hic talis quamuis in fide erret etiam circa illa quæ eum olim sciuisse constat, si se oblitum iam fuisse quouis modo persuadere poterit, est à pertinacia & hæresi excusandus. Persuadebit autem se fuisse oblitum, si cum reuocatum fuerit ad memoriam id cui contradicit, statim sine ulla repugnantia illud complectitur, & errorem suum reuocat.



Nam hoc modo aliquos sanctos doctores ab hæresi excusamus, qui nullo modo excusari possent, nisi illos cum aliqua dixerunt, aliorum quæ illos legissè certum est, oblitos esse crederemus. Hieronymus siquidem exponens illud saluatoris apud Matthæum, Quem dicunt homines esse filium hominis? hæc ait: Non dicit quem me dicunt esse homines? ne iactanter de se quærere videretur. Hæc Hieronymus. Quæ Hieronymi interpretatio apertissime contradicit Lucæ Euangelistæ qui eandem narrans historiam, refert Christum dixisse, Quem me dicunt esse turbæ? Credendum est tamen Hieronymum cum illa scripsit, oblitum fuisse huiusmodi verborum Lucæ. Idem beatus Hieronymus in commentariis super Matthæum interpretans illud ex Matthæi nono, Ascendens Iesus in nauiculam, transfretauit, & venit in ciuitatem suam dicit. Ciuitatem eius non aliam intelligimus quàm Nazareth vnde Nazareus appellatus est. Hæc ille. Hæc tamen interpretatio apertissime contradicit Marco Euangelistæ, qui capit. ij. eandem narrans historiam, dicit ciuitatem illam in quam tunc Christus intrauit esse Capharnaum. beatus Ambrosius interpretans nonum Lucæ caput, dicit Iacobum illum qui Christum in monte transfiguratum simul cum Petro & Ioanne vidit, fuisse primum Hierosolymitanum episcopum. Hæc tamen sententia velut ex diametro pugnat cum Matthæo, qui transfigurationem Christi describens, dicit Iacobum illum fuisse fratrem Ioannis, qui (vt ex historia Actuum Apostolorum conuincitur) non fuit Hierosolymorum episcopus. Multa alia similia apud sacros, & sanctos doctores inueniuntur, nec tamen per hæc, eorum sanctæ vitæ, aut doctrinæ, vel tantillum detractum est. Pie siquidem credendum est illos hæc tunc scripsisse non recolentes nec attendentes quid de illa re alibi scriptura sacra narrasset, & si illam attendissent, nequaquam ea, quæ scripserunt, scripsissent. Verum hic admonere oportet lectorem, vt non statim aliquem pertinacem, & hæreticum censeat, quamuis ille propositionem asserat, quam scit ab ecclesia damnatam nisi illo sensu eam asseruerit, in quo scit esse ab ecclesia damnatam. Potest quidem fieri, vt vna propositio ab ecclesia damnata plures habeat sensus, vnum falsum, iuxta quem

ab

A. ab ecclesia reiicitur, alium verum, iuxta quem minime damnatur. Hæc enim propositio: Deus creat mala, hæretica est, & ab ecclesia damnata. Nam beatus August. in lib. de hæresibus capit. lxxij. Florinianos dicit esse hæreticos, ob id solum: quia Deum creasse mala dicebant, contra scripturam sacram, quæ ait: Vidit Deus cuncta, quæ fecerat, & erant valde bona. Et capit. lxx. idem pater Augustinus inter hæreticos recenset Coluthianos: quia Deum creasse mala negabant, contra id, quod Deus per Esaiam prophetam dicit: Ego Dominus, & non est alter formans lucem, & creans tenebras, faciens pacem, & creans malum. Hæc autem simul stare non possunt, vt ambo contradictoria falsa, & hæretica esse dicantur, nisi vtrunque eorum duplicem sensum habeat, ita vt iuxta vnum sensum vera, & catholica assertio, iuxta alium vero falsa, & hæretica censetur. Est enim malum quoddam pænæ, est etiam malum aliud culpæ. Creat igitur Deus mala (vt Augustinus ibidem ait) pœnas iustissimas irrogando, quod Coluthus non videbat: non autem malas creando naturas, atque substantias, inquantum sunt naturæ, atque substantiæ: quæ in re Florinus errabat. Si quis igitur hanc damnatam propositionem asseruerit: Deus creat mala, aut illius contradictoriam: Deus non creat mala, quamuis sciat esse ab ecclesia damnatam, non est ob hoc pertinax & hæreticus censendus, nisi in illo sensu asserat, in quo scit esse ab ecclesia damnatam. In cuius rei confirmationem, dicit Hilarius in libro, de Trinitate. De intelligentia enim hæresis non de scriptura orta est, & sensus non sermo fit crimen. Hæc ille. Circa præfata hoc vnum addere statui, & de illo admonere lectorem decreui, vt omnia quæ hoc cap. diximus de illo qui firmo animo aliquid contra fidem Catholicam asserit, illa etiam de illo qui dubitat, dicenda esse putet, ita vt qui de aliquo eorum quæ scit ab ecclesia Catholica pro fide teneri, dubitat, etiam si nulla præcedat monitio, pertinax, & (vt alio capite diximus) hæreticus merito dicetur: quoniam is talis etiam errat, & persistit in errore quem sub interminatione gehennæ deferere tenetur.

Secunda de pertinace regula sit hæc. Quisquis contra fidem quam ecclesia Catholica tenet, per ignorantiam errat,

errat, si legitime admonitus fuerit, tenetur errorem suum **C**  
*Augusti.* reuocare, & si non fecerit, est pertinax, & hæreticus censendus. Hæc regula probatur testimonio beati Augustini contra Manichæos sic dicentis: Qui in ecclesia Christi morbidum aliquid, prauumque quid sapiunt, si correcti ut sanum, rectumque sapiunt, resistunt contumaciter suamque pestifera, & mortifera dogmata emendare nolunt: sed defendere persistunt, hæretici sunt. Hæc Augustinus. & habentur xxiii. q. iij. cap. quia in ecclesia. Sed forte contra hanc regulam quis obiiciet, quod is, qui per ignorantiam in fide errat, putans verum esse, & Catholicum, quod asserit non tenetur errorem suum reuocare: quia sic reuocans mentiretur, & qui contra conscientiam agit (ut commune theologorum proverbium ait) ædificat ad gehennam. Hanc objectionem facillime reuicimus, dicentes hunc talem qui per ignorantiam in fide errat falsum pro vero asserens: sicut tenetur errorem suum verbo reuocare, ita etiam tenetur sententiam mente mutare, & conscientiam deponere, ut quod prius credebatur esse verum, postea credatur esse falsum. Prius quidem mentis sententiam mutare tenetur, deinde vero errorem suum ore reuocare. Quo ordine seruato, corde credet (ut Paulus præcipit) ad iustitiam, & ore faciet **D**  
*Rom. 10* confessionem ad salutem:

Tertia regula sit hæc: Omnis qui per ignorantiam in fide errat, postquam fuerit, quamuis non legitime, de errore suo admonitus, tenetur diligenter veritatem inquirere, & viros doctos & Catholicos de ea re consulere animo amplectendi eam doctrinam, quæ ab illis sibi fuerit ostensa. *Augusti.* Hanc sententiam docet Augusti. in epistola ad Glorium, & Eleusium, quæ est in ordine epistolarum illius. 162. sic inquit: Qui sententiam suam quamuis falsam, atque peruersam nulla pertinaci animositate defendunt præsertim quam non audacia suæ præsumptionis pepererint: sed à seductis, atque in errorem lapsis parentibus acceperunt, quærunt autem cauta sollicitudine veritatem, corrigi parati cum inuenerint, nequaquam sunt inter hæreticos deputandi. Hæc Augustinus. In quibus verbis id considerandum est quod ait, & quærunt cauta sollicitudine veritatem, ex quibus satis aperte colligitur eum qui in fide catholica errat, si veritatem cauta sollicitudine quærere contemnit,

A temnit, esse pertinacem & hæreticum censendum.

Quarta regula sit hæc: Omnis qui contra fidem quam catholica tenet ecclesia per ignorantiam, errat & iurat se nunquam assertionem suam deserturum, statim absque vlla præuia admonitione est pertinax & hæreticus censendus. Huius regulæ certitudo sic conuincitur. Quisquis non est paratus corrigi est pertinax censendus, sed qui iurat se non discessurum ab ea sententia quam tenet, non est paratus corrigi, ergo ille est pertinax censendus. Sed contra hoc quis forte arguet, dicens hunc talem non esse pertinacem: quia cum hic per ignorantiam erret, non tenetur errorem suum reuocare nisi prius admonitus fuerit, ex quo videtur colligi illum non esse dicendum pertinacem. Nam iuxta ea quæ superius diximus, nullus est dicendus pertinax qui non tenetur reuocare errorem quem tenet. Respondeo concedens hunc talem non teneri, ad reuocationem sui erroris, ante admonitionem, tenetur tamen non tam firmo animo, suo errori adhærere, vt non sit paratus obedire corrigenti. Tenetur quidem illam animi firmitatem reuocare, vt paratus sit obedire iis quibus obedire tenetur & illorum doctrinam suscipere. Sed dices. Nunquid hic talis poterit per ignorantiam à pertinacia excusari? Nam ignorantia excusat à mendacio illum qui asserit falsum quod putat esse verum, iuxta sententiam Augustini in Enchiridio, dicentis. Nemo mentiens iudicandus est qui dicit falsum quod putat verum, quia quantum in ipso est, non fallit ipse sed fallitur. Hæc ille, & habentur hæc verba in capit. Is autem, vigesima secunda quæstione secunda. Fateor quidem aliquem excusari posse à mendacio, qui tamen nullatenus à temeritate excusari potest. Propter quod Augustinus post illa verba quæ nunc proxime citauimus, continuo hæc subiungit. Non itaque mendacij, sed aliquando temeritatis arguendus est qui falsa incautus credit & pro veris habet. Hæc Augustinus. Ita etiam ego dico illum qui iurat se non recantaturum sententiam suam quam per ignorantiam putat esse veram, excusari ab errore & mendacio, sed non excusari à temeritate iuramenti, & ab illa animi firmitate quæ omnem prorsus correctionem excludit. Et de aperto pertinace hæc dicta sat erunt.

*Augusti.*

Qualis



*Qualis debeat legitima admonitio esse, ut  
qui illam contempserit, sit meri-  
to pertinax censendus.*

## CAPVT X.

**M**ulti sunt circa fidem Catholicam errantes, qui (vt præcedente capitulo præfati sumus) antequam legitime admoneantur, errorem suum reuocare non tenentur, atque ideo ante huiusmodi admonitionem non sunt pertinaces censendi. Cum igitur horum pertinacia vt manifestari possit, ex admonitione pendeat, operæ precium, & necessarium fuit de admonitione disserere qualem illam esse oporteat, & à quo sit facienda, & quoties iteranda, vt legitima merito censeatur. Vt autem hæc omnia melius absoluantur, varias hæresum conditiones & qualitates ante omnia considerare oportet, quoniam iuxta illarum varietatem, diuersam etiā admonitionem fieri oportebit. Sunt enim aliquæ hæreses aperte damnatæ, aliæ sunt non aperte sed latenter damnatæ. Aperte damnatas hæreses illas esse dico, quæ per expressam ecclesiæ definitionem sunt damnatæ, aut quarum contradictoriæ, sunt expressæ & manifestæ in sacra scriptura, aut ex aliis in sacra scriptura cõtentis manifestissima consequentia deducuntur. Si quis gratia exempli diceret, David non fuisse Regem, hæresis esset aperte damnata, quia licet non sit in aliquo concilio damnata, illius tamen contradictoria est expressa in sacris literis. Si quis etiam diceret, Iacob Patriarcham non esse nepotem Abraham, hæresis esset aperte damnata, quia licet contradictoria illius non sit expressa in sacra scriptura sub eisdem vocibus, manifestissima tamen consequentia colligitur ex aliis in eadem scriptura contentis. Nam illic habetur Iacob esse filium Isaac, & Isaac filium Abraham: ex quibus euidenter colligitur Iacob esse nepotem Abraham. Hæresis non aperte damnata est illa quæ non est damnata per expressam ecclesiæ definitionem, neque illius contradictoria est expressa in sacra scriptura aut ex aliis in sacra scriptura cõtentis manifestissima & immediata consequentia deducitur, sed solum per ambages & per multos discursus, qui nõ sunt omnibus notici, ex aliis contentis in sacra scriptura conuincitur esse hæretica.



A retica. Tales sunt omnes istæ propositiones. Non sunt tres partes pœnitentiæ. Aqua benedicta nullius prorsus est valoris plusquam aqua non benedicta. Omnes benedictiones, quas ecclesia facit aut dicit super aquam, vinum, panem, salema, ceram & cætera huiusmodi sunt irridendæ, & contemnendæ. Christianis nullo pacto bellare licet. Animæ in purgatorio possunt mereri, & demereri. Episcopi non sunt superiores simplicibus sacerdotibus. Omnes istæ assertiones sunt hæreticæ, non tamē expresse damnatæ, nec facile quisque cognoscet illas esse hæreticas: quia vt hæreses esse pateat, multis argumentationibus est opus. Multos oportet facere discursus, & longa indiget lectione, quisquis illas propositiones hæreticas esse convincere voluerit. Hac igitur hæresum varietate præmissa, aliquas certissimas conclusiones subiungam, ex quibus quidquid ad hanc rem pertinet facillime colligi potest. Sit igitur hæc prima conclusio. Si quis in hæresim aperte dampnatam inciderit, vt errorem suum reuocet, admonendus est per expressam hæresis suæ damnationem, ostendendo illi expressam ecclesiæ definitionem, aut contradictoriā illius heresis ostendendo in sacra scriptura, aut contradictoriā illius evidenti, & immediata consequentia deducendo ex aliis in sacra scriptura contentis. Nec opus est hanc admonitionem iterato facere, vt ille legitime admonitus sit dicendus: quia etsi semel duntaxat id fiat, legitima dicetur admonitio. Nam legitimam admonitionem nos illam esse dicimus, per quam tam aperte ostenditur erranti assertionem suam Catholicæ veritati repugnare, vt quisquis demens non fuerit, fateatur illum aperte esse de errore conuictum. Ex his sequitur, vt qui huiusmodi admonitionem non suscipit: sed illa post habita errorem suum reuocare contemnit, pertinax, & per consequens hæreticus sit censendus. Nam hic talis ecclesiæ Catholicæ fidem, quæ iam est sibi manifeste offensa, oppugnare non veretur: quo fit, vt (iuxta illa, quæ in præcedenti capitulo diximus) non sit corrigi paratus, & ita pertinax sit dicendus. Sed nūquid si taliter errans habet aliqua argumēta, quibus motus est, vt errorem illum teneat, licebit illi ante erroris sui reuocationē, taliū argumentorum dissolutionē petere? Minime: Quia tenetur captiuare intellectū suum in obsequium fidei. Et (vt Hieronymus ait)

2. Cor. 10

Hierony.

ait)

ait) fides pura. Et aperta confessio non quaerit strophas, & argumenta verborum. Postquam autem errorem suum reuocauerit, tunc licebit illi argumentorum quibus ligatus erat ne veritatem agnosceret, solutionem petere, vt fidem quā credit, melius intelligere valeat, & in illa plenius confirmari. Forte adhuc insuper quis interrogabit. An liceat huic sic post errorem suum admonito, à paroco ad Episcopum, & ab episcopo aut inquisitore ad summū pontificem appellare? Respōdeo, quod illi qui legitime admonitus aut correptus est appellare non licet, & si appellare tentauerit, eius appellatio est inanis & maligna censenda. Quo fit vt non obstante tali appellatione, sit per ecclesiam tanquam pertinax & hæreticus censendus. Nam ea quæ iam semel sunt legitime per ecclesiam definita, non opus est vt nouis postmodum tractatibus iterum definiātur. Vnde Leo Papa huius nominis primus epistola vigesima secunda scribens Martiano Augusto de his quæ in concilio Chalcedonensi tractanda erant, sic ait. Per dominum nostrum Iesum Christum qui regni vestri est author & rector, obtestor & obsecro clemētiam vestram, vt in præsentī synodo fidem quam beatī Patres nostri ab Apostolis sibi traditam prædicarunt, non patiamini quasi dubiam retractari, & quæ olim maiorum sunt autoritate damnata, rediuiuis non permittatis conatibus excitari. Hæc Leo papa. Et idem dicit Gelasius Papa in cap. Maiores. xxiiij. quæst. j. & Felix Papa in capit. Achatijs. eadem causa & quæstione. Secunda conclusio: Qui errat asserens aliquam hæresim non aperte damnatam quamuis sit admonitus à prædicatore, aut paroco, aut Episcopo, aut alio quouis homine summo Pontifice inferiore, non tenetur reuocare errorem suum, nisi per manifesta, & euidentia argumenta illi ostendatur assertionem suam esse contra fidem Catholicam, præsertim sic est vir doctus, qui sciat intelligere argumenta, quæ contra talem hæresim possent afferri. Nam de viro idiota (vt infra dicemus) alia est habenda ratio. Quo fit, vt admonitio, quæ sine huiusmodi argumentis illi facta fuerit, non fit dicenda legitima. Hæc conclusio probatur. Nullus præter summum Pontificem (vt supra capitulo quinto diximus) potest de hæresi sic censere, vt illius censuræ omnes obedire teneantur, ergo ad nullius præterquam summi Pontificis

monit

*Leo papa*

*D*

A monitionem tenetur quis assertionem non aperte hæreticam reuocare. Nam qui in his, quæ ad fidem spectant non tenetur alteri firmam fidem adhibere, non tenetur etiam ad solam simplicem illius monitionem, assertionem erroneam reuocare, quoniam qui assertionem erroneam reuocat, debet assertionem contrariam firma fide tenere: sed subditi in his, quæ sunt fidei, non tenentur prælatis suis inferioribus firmam fidem præstare, quia tunc fides subditorum in sapientia hominum (quod Paulus negat) consisteret: ergo ad illorum simplicem monitionem non tenentur subditi errores suos reuocare. Præterea quisquis à sententia alicuius appellare potest non tenetur illius sententiæ obedire: sed à prælato monente subditum de errore, & non monstrante aperte per regulas fidei, quod error ille veritati Catholicæ repugnet, licitum est appellare: ergo illius monitioni non tenetur obedire, & per consequens illius admonitio non est legitima censenda. Maior huius syllogismi est manifesta ex definitione appellationis: quoniam ab ea sententia, cui quis obedire tenetur, non licet illi appellare. Minor probatur autoritate Pelagij Papæ dicentis. Si vero in qualibet prouincia ortæ fuerint questiones, & inter ipsos prouinciæ Episcopos discrepare coeperit ratio, atque inter ipsos dissidentes non conueniat, ad maiorem tunc sedem referantur: & si illic quidem facile, & iuste non discernuntur, ubi fuerit synodus regulariter congregata, canonicè & iuste iudicentur. Maiores vero & difficiliore questiones (ut sancta synodus statuit, & beata consuetudo exigit) ad sedem semper referantur Apostolicam. Hæc Pelagius Papa. Et habentur hæc verba in cap. Multis. xvij. distinct. Et idem ait Iulius Papa in cap. Qui se. ij. quæst. vj. Sed nunquid licebit illi, sic erranti per ignorantiam appellare ab Episcopo, aut inquisitore postquam per euidencia argumenta fuerit illi ostensum suam assertionem aperte repugnare Catholicæ veritati? Si argumenta talia sunt, quod iudicio virorum doctorum manifestissime Catholicam veritatem probant, nequaquam licebit appellare. Si vero argumenta non sunt tam euidencia, non est illi interdicta appellatio. Forte causam petes cur magis hic, quàm ibi liceat appellare. Causa est manifesta: quia is, qui per euidencia argumeta admonitus appellat, nullam

1. Cor. 1

Pelag.

habet appellationis occasionem: quapropter sic appellans C  
 peccat, & si ab appellatione non recedit, rebellis & proter-  
 uus, & pertinax est censendus, & velut talis puniendus. At  
 is, qui non est per manifesta argumēta admonitus, iustam  
 habet appellationis causam: quia nondum sibi est manife-  
 ste ostensum assertionem suam Catholicæ veritati repu-  
 gnare. Is etiam, cui nondum est Catholica veritas aperte  
 ostensa, si aliqua habet, quamvis falsa argumenta, quibus  
 impellitur ad tuendum assertionem suam, iuste potest pe-  
 tere huiusmodi argumentorum solutionem, antequam er-  
 rorem suum reuocet. Hoc tamē (vt proxime diximus) non  
 liceret, si iam per euidētia argumenta esset sibi veritas  
 ostensa. Rursum eadem conclusio probatur sic. Episcopus  
 debet esse paratus (vt beatus Petrus ait) omni poscenti ra-  
 tionem reddere de ea, quæ in eo est fide: ergo subditus non  
 tenetur ad simplicem Episcopi admonitionem errorem  
 suum reuocare: nisi ille rationem reddiderit, per quam con-  
 vincat talem errorem fidei Catholicæ contradicere. Ista  
 collectio est euidēs: quia si aliquis absque reddita ratione  
 teneretur assertionem suam velut erroneā reuocare, alius  
 non teneretur illi rationem reddere, vt per illam cogat il-  
 lum ad assertionis suæ reuocationem. Verum hæc cum so-  
 lis viris doctis faciēda esse censeo: quoniam hi ea, quæ  
 sibi ad probationem Catholicæ veritatis offerentur argu-  
 menta, intelligēt. Idiotæ vero, sæpe argumenta, quæ illi  
 possent offerri, non intelligēt: quo fit, vt illi non sint dicen-  
 da: quia esset solum verberare aërem, & in vanum verba  
 proferre. Is enim (vt ego censeo) ad solam paroci aut sal-  
 tem Episcopi simplicem admonitionem, suum tenetur re-  
 uocare errorem. Si autem parocum, & Episcopum con-  
 temnit, propterea quia ignorantes, vt fræquenter eos esse  
 contingit, putat, tunc adhibendi sunt viri docti, qui sim-  
 plici verbo sine vlla argumentatione illum iterum, atque  
 iterum admoneant: quos si secundo, & tercio contempe-  
 rit, erit (meo quidem iudicio) pertinax censendus. Ex his  
 omnibus apertissime conuincitur errasse Bartolum, qui  
 in l. Tutor. §. Tutores. ff. de suspect. tutorib. dicit illum esse  
 censendum hæreticum pertinacem, & velut talem punien-  
 dum, qui inquisitori aliquid asserenti non credit. Si omnes  
 tenerentur semper credere inquisitori aliquid asserenti,  
 verum

1. Petr. 3

Bartol.



**A** verum esset quod dicit Bartolus omnem illum censendum esse pertinacem, qui inquisitori aliquid de fide asserenti credere contemnit. Tunc enim ille persisteret in ea sententia, à qua recedere tenetur, atque ideo iuxta pertinacis definitionem, merito pertinax dicitur. At non ita est, vt omnes necessario teneantur credere semper inquisitori aliquid asserenti, alioqui fiet necessario, vt homines teneantur, aliquando errori, aut hæresi credere. Potest enim esse, vt inquisitor erraret in fide: quia per officium sibi commissum non est confirmatus in fide, nec factus est indeuialis. Nam ij, qui plurimum Papæ authoritati fauent, admittunt illum errare posse in fide, si illam, quam tenetur circa veritatis examinationem, omiserit facere diligentiam. Sic docet Ioannes de Turre Cremata in summa ecclesiæ. lib. ij. capit. exij. Multo ergo facilius errare poterit inquisitor, cum pro illo non rogauerit Christus, vt fides illius non deficeret, sicut rogasse pro Petro sacra perhibet scriptura. *Luc. 22* /  
**N**on ui ego inquisitorem, qui cuidam prædicatori indignatus est, eo quod publice prædicauerat confessionem esse ex iure diuino necessariam præcipitque illi, vt sententiam suam publice reuocaret. Erat quidem inquisitor ille in iure canonico peritus, qui forte legerat glossam decretorum in principio distinctionis quintæ de pœnitētia, dicentem confessionem non esse ex iure diuino, sed humano: & Abbatem in cap. Omnis vtriusque sexus. extra de pœnitē. & remiss. hoc idem asserentem, atque ideo putauit hanc esse irrefragabilem sententiam. Percontabor igitur nunc Bartolum, an talis prædicator tenebatur tunc credere inquisitori asserenti confessionem non esse ex iure diuino: sed solum ex iure humano? Si dicat prædicatorem non esse ad hoc obligatum, falsum igitur hac ratione conuincitur esse, quod dixit, omnem illum esse censendum hæreticū pertinacem, qui inquisitori aliquid asserenti non credit. Si vero dixerit Bartolus prædicatorem illum fuisse obligatum ad præceptum inquisitoris sententiam illam publice reuocare, tunc fateatur necesse est, prædicatorem illum fuisse obligatum veritatem Catholicam recitare, & loco eius hæresim prædicare. Nam dicere confessionem peccatorum non esse ex iure diuino: sed solum ex iure humano, hæreticum est, & à sede Apostolica per apertam sententiā iam damnatum.



Quam cōdēnationem nos inferuimus in eo opere, quod **C**  
 aduersus omnes hārefes edidimus, in titu. de confessione.  
 Non est igitur pertinax hāreticus censendus, omnis ille;  
 qui inquisitori aliquid asserenti non credit, quia nō omni-  
 bus, quæ ille dixerit credere tenetur. Quādo autem sit per-  
 tinax hāreticus censendus, qui inquisitori credere noluerit  
 ex dictis, & dicendis in hoc capitulo, aperte constare pote-  
 rit. Argumentum autem Bartoli, quo ille suam sentētiā  
 probare videtur, nullius est roboris. Nam ex hoc, quod in  
 præfata illa l. Tutor. §. Tutores. dicitur illum pertinaciter  
 resistere, qui iudici præcipienti non obedit, deducit Barto-  
 lus illum esse dicendum pertinacem, qui inquisitori asse-  
 renti aliquid, non credit. Hæc tamen argumentatio mul-  
 tipliciter peccat. Primo, quia lex illa non loquitur vniuersa-  
 liter de omni iudicis mandato: sed solum de mandato  
 inuentarij per tutorem faciendi, & tutor, qui iudici præci-  
 pienti tale inuentariū fieri, non vult obedire, dicitur iux-  
 ta verba legis pertinaciter resistere iudici. Ex hoc autem  
 particulari legis decreto, inferre legem generalem ad om-  
 nem, qui nō vult iudici obedire, pessima est illatio. Non  
 est enim omnium negotiorū æqua conditio, vt sint omnia **D**  
 eadem lege regulāda. In illo enim negotio, de quo ibidem  
 lex illa loquitur, tutor tenetur obedire iudici præcipienti;  
 atque ideo si non vult obedire, merito pertinax dicitur.  
 Multa tamen sunt alia negotia, in quibus homines non te-  
 nentur iudici obedire: quia si semper, & in omnibus tene-  
 rentur iudici obedire, nunquam liceret alicui a mandato  
 iudicis appellare, fieretque inde necessario, vt superior iu-  
 dex, quem appellauit, teneretur semper sententiā contrā  
 appellantem dicere, propterea quod iniuste appellauit.  
 Constat autem multorum appellationes iustas esse, & ve-  
 lut tales a superiore iudice declaratas: Ex quo manifeste  
 colligitur illos tunc non fuisse obligatos iudicibus infe-  
 rioribus obedire, a quibus fuit licitum appellare, & per  
 consequens non esse tunc pertinaces censendos. Secundo  
 errauit Bartolus in præfata sua argumentatione: quia etsi  
 verum esset omnem illum esse censendum pertinacem,  
 qui iudici seculari non vult obedire, non erat inde trahen-  
 da consequentia ad illum, qui inquisitori de rebus ad fi-  
 dem expectantibus aliquid asserenti non vult credere. Quo-  
 niam

**A** niam res, quæ ad fidem spectant, non sunt eiusdem conditionis cum negotiis forensibus, neq; eadem mensura cum illis metiendæ. Nam res, quæ ad fidem spectant, omne humanum iudicium superant: atque ideo dicit Paulus, fidem nostram non esse in sapientia hominum: sed in virtute Dei. Propter quod in illis non tenetur homo inquisitori aliquid asserenti obedire: nisi constet illa, quæ asserit ab vniuersali ecclesia teneri, in qua virtus, & sapientia Dei elucet. Forensia autem negotia non sunt tam sublimia, vt humani intellectus vires superent, atque ideo ex sapientia hominum illa pendere possunt. Tertia conclusio: Si quis inciderit per ignorantiam in hæresim aliquam, & à paroco, aut Episcopo, aut quocunque alio homine fidei fuerit per euidencia argumenta admonitus, assertionem suam esse contra fidem Catholicam, tenetur statim errorem suum reuocare: quod si non fecerit, erit pertinax, & hæreticus censendus. Hæc conclusio est satis nota cuiuslibet, si consideret, quod nihil interest à quo quis edoceatur, modo sit illi veritas aperte ostensa: quia (vt omnes sapientes philosophi docent) semper considerandum est quid, & non à quo dicantur. Præterea Apostolus Paulus ait, fidem nostram non esse in sapientia hominum, esset autem in illorum sapientia, si eadem admonitio à subdito facta non esset æque potens, ac si fieret à prælato. Rursum si is, qui per ignorantiam contra fidem Catholicam errat, postea per seipsum legens in aliorum libris inueniret argumenta, quæ aperte Catholicam veritatem conuincerent, teneretur sine vltiore monitore assertionem suam erroneam reuocare: ergo si aliquis alius per euidencia argumenta eandem Catholicam veritatem illi ostendat, tenebitur etiam assertionem suam erroneam reuocare. Sed dicit aliquis. Quæ igitur erit differentia inter illum, qui à prælato, & qui à subdito monitus est? Nonne erit aliqua excellentia in prælato supra subditum? Magna quidem, prælatus siquidem illum, qui contra fidem Catholicam errat, potest etiam nolentem vocare, vt coram se appareat, & ab illo fidei rationem exigere: potest quidem compellere illum, vt argumenta, quibus ille fidem Catholicam persuadere conatur audiat. Potest etiam illum ad sui erroris reuocationem constringere. Et si in his, & alijs ad

1. Cor. I

1. Cor. I

suum officium pertinentibus obedire contempserit, pote-  
 rit illi, iuxta criminis sui meritum, debitas infligere pœ-  
 nas. At subditus nihil horum potest, quamvis ad illius le-  
 gitimam monitionem æque teneatur errorem suum re-  
 uocare, ac si fuisset à suo prælato admonitus. Hæc de ad-  
 monitione ab inferioribus summo Pontifice facta dicta  
 sunt. An autem idem prorsus sit dicendum de admonitio-  
 ne à summo Pontifice facta, varij varia loquuntur. Non  
 enim inter omnes de hac re cōuenit. Nam quidam eadem  
 mensura summum Pontificem in hac parte metiuntur,  
 qua ceteros Episcopos, & dicunt illū etiam hac lege tene-  
 ri, vt paratus sit omni poscēti rationem reddere de ea, quæ  
 in eo est fide. Quam nisi reddiderit, neminem propter  
 illius admonitionem obligari dicunt ad reuocationem  
 sui erroris, quem contra fidem Catholicam propter igno-  
 rantiam tuerur. Huic opinioni fauet Gulielmus Ocham  
 par. j. Dialogi. cap. xx. & Ioannes Gerson in prima parte  
 Alphabeto xiiij. vbi disserit, an liceat in causis fidei à sum-  
 mo Pontifice appellare. Ego tamen contra sentio, tutius  
 esse putans, credere simplicem Papæ admonitionem satis  
 esse, vt quis errorem suum reuocare teneatur, præsertim  
 cum ille rem (vt decet) adhibito prius virorum doctorum  
 consilio, plene examinauerit. Nam alioqui etiam liceret  
 in causa, quæ est de fide, à Papa appellare, quod nefas est  
 dicere, cum non sit, ad quem confugere possit, aut appella-  
 re. Si dicas ad concilium posse fieri appellationem, ridi-  
 cula quidem appellatio, qui hac via essemus semper du-  
 bij, & langueremus sine vlla spe medicinæ, cum tam dif-  
 ficile sit concilium congregari legitimum, vt iam sit pe-  
 nē impossibile propter tot principum simultates, qui per-  
 petuo, & irreconciliabi bello inter se digladiātur. Præter-  
 ea, hac via ansa præbetur cui libet omnes, quas voluerit hæ-  
 reses impune docere, quia cum à Papa damnatus fuerit sta-  
 tim concilium appellabit. Fecit quidem hoc Lutherus  
 cum se à Leone decimo damnatum intellexit, qui tamen  
 postmodum rumorem de congregando concilio audiens,  
 libellis editis concilio detraxit dicens, non esse obtem-  
 perandum cōcilio, vt omnibus palàm faceret se, non vt ve-  
 ritatem disceret: sed vt suam pertinaciā aliquo furo rege-  
 ret, concilium quod nunquam congregandum sperabat,

appel



**A** appellasse. Deinde ridiculum est dicere, propter cuiuslibet hominis dubitationem in fide, congregandum fore concilium, quod tamen secundum illos, qui oppositam partem tuentur, fieri oporteret. Si hoc neges dicens, Papam posse sine concilij congregatione per euidentia argumenta errores contra fidem saepe conuincere, quapropter non semper erit necessaria talis concilij congregatio. Sed quid si errans per ignorantiam neget argumenta illa esse vilius valoris, & dicat nihil prorsus contra suam assertionem efficere? Quis tunc erit iudex qui de argumentorum valore censeat? Si dicas iudicio virorum doctorum credendum esse, qui dicent talia argumenta esse valida, eris tunc coactus fateri, auctoritatem summi Pontificis minorem esse in censura fidei, quam auctoritas virorum doctorum, cum illa pendeant ex ista. Quo fit, vt quoties de argumentorum, quæ à Papa fiunt, valore, & euidentia fit disceptatio, oporteat necessario concilium appellare, quod nullus sanæ mentis dicet. Erit ergo proculdubio (vt ego censeo) simplici Papæ monitioni semper credendum, præsertim si ille facta prius cum multis viris doctis collatione rem plene (vt decet) examinauerit. Alioqui nihil certi in multis rebus ad fidem pertinentibus habere possemus: quia multa sunt ad fidem pertinentia quæ per solam Papæ definitionem firmiter tenemus, in quibus nullam prorsus suæ definitionis causam Pontifex dedit. Sed dices. Ergo fides nostra esset in hominis alicuius sapientia, si ad solam simplicem illius monitionem teneretur quilibet suum errorem reuocare. Respondeo quod non erit in sapientia hominis: sed in virtute Dei qui dixit se rogaturum pro Petro, vt non deficeret fides eius. Si tamen Papa, omnium virorum doctorum consilio posthabito: sed soli suo iudicio inuens aliquid definire tentaret, quo casu illum, errare posse non dubito, tunc ego crederem, illum debere reddere rationem de fide, ad quam alios cogere tentat. Præsertim si res est talis, quæ multo examine indiget, & circa quam viri docti, & alias Catholici hæsitant. Et talem simplicem Papæ admonitionem ego non putarem esse satis, vt quis contra illam sentiens, sit eo ipse pertinax, & per consequens hæreticus censendus. Petrus siquidem quamuis summus Pontifex

Luc. 22

Act. 12

compulsus fuit ab Apostolis, & fratribus qui erant in C  
Iudæa, reddere rationem quare intrasset domum Cor-  
nelij hominis gentilis, & cum eo fuisset conuersatus. De-  
cretum autem circa fidem à Pontifice editum, etiam si in  
eo non reddatur ratio, quæ ad talem fidem cogat, quo-  
niam (vt supra docuimus) satis est ad hæreses conuincen-  
das, illud erranti ostendere, satis esse existimo pro legi-  
tima admonitione: ita vt quisquis contra illud sibi no-  
tum repugnauerit sit pertinax, & per consequens hæreti-  
cus censendus: Quoniam; etsi nulla in illo decreto appo-  
natur ratio, quæ illum ad tale decretum edendum moue-  
rit, credere tamen oportet, ecclesiam nunquam tale decre-  
tum recepisse: nisi illi constitisset fuisse magna cum ratio-  
ne editum.

*De protestatione fidei ante assertionem hæresis ab  
aliquo facta, an valeat illum ab hæreseos nota  
liberare.*

CAP. XI.

**V**iri docti & fideles considerantes fidei nostræ subli- **D**  
mitatem, quæ omnes sæpe humani intellectus vires  
superat, cum de mysteriis fidei aut verbo, aut scripto tracta-  
re aggrediuntur timentes ne in ipso tractatu deficiant, &  
sic hæreseos macula, quàm maxime horrent, inficiantur,  
in initio suæ disputationis protestari solent, se nolle, vel  
latum pilum à recta fidei Catholicæ regula deficere: sed  
in omnibus se eam fidem velle amplecti quam Catholica  
tenet ecclesia, & sic eiusdem Catholicæ ecclesiæ definitio-  
ni, & censuræ se in omnibus subiicere dicunt. Quod si in  
posterum aliquod contra Catholicam fidem eos dicere  
contingat, extunc se per imperitiam, aut inconsideratio-  
nem id dixisse protestantur, & ex tunc se id reuocare di-  
cunt, ac pro recantato haberi petunt. Hoc me fecisse recol-  
o in præfatione illius operis, quod aduersus omnes hæreses  
edidi, & in hoc opere tum in præfatione, tum etiam alibi  
sæpe id me dixisse scio. Dubitatur igitur à plerisque, & non  
immerito, quod hæ protestationes valeant, an hi qui ali-  
quid contra fidem Catholicam asseruerunt, possint & de-  
beant, propter huiusmodi protestationes per eos factas à  
crimine



A crimine, & nota hæreseos excusari. Vt autē de hac re apertio-  
 tiorem, & firmiorem proferamus definitionem duplicē in  
 ea oportet habere considerationem. Nam excusatio illa de  
 crimine hæreseos, aliter est apud Deum facienda, qui nouit  
 secreta cordium, aliter apud homines, qui solum vident ea,  
 quæ foris patent. Potest siquidem aliquis apud Deum excu-  
 sari, qui tamen apud hominum iudiciū non erit excusatus,  
 & econtrario. Deus siquidem non iudicat, nisi iuxta nostræ  
 conscientiæ testimonium: quia agnoscens qualis in nostro  
 pectore lateat fides, qualis etiam sit eiusdem fidei à no-  
 bis facta protestatio, talem de nobis profert sententiam,  
 non curans de aliis, quæ à nobis voce proferuntur. Hu-  
 manum iudicium id solum considerat, quod foris agitur,  
 & ita solum aduertit opera, & voces, & alia quæ foris pa-  
 tent, vt ex illis tanquam ex quibusdam signis coniiciat,  
 quid in corde lateat. Contingit autem sæpe, vt ea, quæ fo-  
 ris patent, non sint vera signa eorum, quæ sunt in corde: vt  
 manifestum est in viris hypocritis: qui aliud foris simu-  
 lant, & aliud corde versantur. Hinc euenire necesse est, vt  
 multi apud Deum sint innocentes, quos humanum dam-  
 nat iudicium: multi econtrario humano iudicio probati,  
 qui reprobī sunt apud Deum. Prius igitur de excusatione  
 apud Deum dicamus: postea de excusatione apud homi-  
 nes. Sit igitur de hac re talis conclusio. Protestatio gene-  
 ralis de fide, & conditionalis de hæresi reuocatio, si vere,  
 & ex animo fiant, excusant coram Deo ab hæresis crimi-  
 ne eum, qui per ignorantiam in aliquam lapsus est hære-  
 sim. Hæc conclusio inde erit cuique manifesta, si conside-  
 ret, quod is qui vere, & ex intimo corde vniuersaliter  
 fidem catholicam profitetur, & ex animo omnem dam-  
 nat hæreticum errorem, paratus est, si errauerit corrigi,  
 & si in hæresim lapsus fuerit, eam reuocare, & damnare  
 cum de illa fuerit plene edoctus. Alioqui non vere, & ex  
 animo generalem fecisset de fide protestationem, nec ex  
 corde vero conditionalem de hæresi, in quam labi poterat,  
 fecisset reuocationē. At is qui paratus est, cum errauerit cor-  
 rigi, etiā si in hæresim aliquā per imprudentiā labi contio-  
 gat (vt supra docuimus) nunquam dicetur hæreticus: quo-  
 niam (vt Augustinus ait) errorē suum nulla pertinaci ani-  
 mositate defendit. Neq; in hac parte vllū pono discriminē si,

ille errat circa ea, quæ scire tenebatur, aut circa illa, quæ nullo prorsus lege erat obligatus scire: quoniam quocumque modo errat, si ille vere & ex animo fidem est in vniuersum protestatus: & eodem veraci animo hæresim omnem, si in illam labi cōtigisset, reuocauit, semper est apud Deum excusatus. Ille enim talis, qui sic fidem puro corde protestatus est, & hæresim si in illam labi cōtingat vere reuocet, si circa ea, quæ scire tenebatur, errat pro peccato ignorantiae, id est: quia ignorauit id, quod erat obligatus scire, tenebitur apud Deum reus, non tamen pro crimine hæresis dixi, & non immerito, si ex vero animo illā fecerit de fide protestationem, aut cōditionalem hæresis reuocationem: quoniam si non ex intimo corde: sed sola voce, & simulato animo fidem fuerit protestatus nihil illi apud Deum suffragabitur talis fidei protestatio, aut cōditionalis hæresis reuocatio.

*Matth. 7* Hi enim sunt, qui dicunt Deo: domine, domine: quibus tamen Deus dicet in iudicio: Quia non noui vos, discedite à me omnes, qui operamini iniquitatē. Hi etiam sunt, qui teste Apostolo, confitentur se nosse Deum, factis autem negant. Talis fuit Martinus Lutherus in principio publicationis, & iactationis suarum hæresum: quoniam tunc voce fidem catholicam protestatus est, & doctrinam suam sanctæ Romanæ ecclesiæ examini, & censuræ se subiicere dixit: sed simulatam hanc fuisse protestationem, multis postmodum, & clarissimis ostendit testimoniis. Quo factum est, ut nullam apud Deum qui scrutatur renes, & corda, habuerit de suis hæresibus excusationem. In eo siquidem opere, quod Leonī Pontifici maximo huius nominis decimo nuncupauit, hanc fecit protestationem. Primum protestor (inquit ille) me prorsus nihil dicere, aut tenere vellem nisi quod in & ex sacris literis primo, deinde ecclesiasticis patribus ab ecclesia Romana receptis, hucusque seruatis, & ex canonibus, ac decretalibus Pontificis habetur, & haberi potest. Et paucis interiectis, hæc subdit. Hac mea protestatione credo satis manifestum fieri, quod errare potero: sed hæreticus non ero. Hæc Lutherus. Fortassis hac sua protestatione Lutherus homines fallere potuisset, qui solum ea, quæ foris patent, intuentur, non autem Deū qui abditissimos cordis recessus suis oculis penetrat, & quidquid in illis latet clarissime agnoscit. Quam

vera

**A** vera autem fuerit hæc protestatio, & quàm ex animo facta, ipse non longe postea declarauit, cum ab eodem Leone decimo de suis erroribus admonitus, non solum non obtemperauit admonitioni, ne ad illius præceptum hæreses suas reuocauit: sed pertinacius easdem tutatus est, & in eundem Leonem decimum, cuius censuræ prius se subiici finxerat, postea debacchatus est, & multis illum imperiuit iniuriis. Non potuit diu latere hypoërisis: sed necesse fuit, vt ebulliens, atq; sui impotens superbia, & insolens arrogantiâ aliquando erumperet. De excusatione apud Deum hæc dicta satis esse putamus, nunc vero qualem generalis de fide protestatio valeat facere apud homines de hæresi excusationem, discutiamus. Vt autè apertius, & clarius id facere possimus, oportuit id primo admonere, posse homines bifariam circa fidem errare; & in aliquam hæresim labi. Sunt enim aliqui, qui nescientes errant. Sunt rursum alij, qui scientes à vera fidei regula deuiant. Illos dico scientes errare, qui sciūt aliquid esse ab vniuersali ecclesiâ definitū, aut ab ea pro vera fide receptū, & nihilominus contra eiusdem ecclesiæ sententiam docere, aut opinari non verentur.

**B** Illos vero in fide errare dico nescientes, qui ignorant aliquid ad fidē catholicā pertinere, & proinde sentiūt, aut docent contra eandē fidem. Si tamen scirent illud, quod opinantur, esse cōtra fidem catholicā, statim suam sententiam reuocarent. His igitur præmissis, aliquas cōclusiones subiiciā, ex quibus quidquid ad hanc rem pertinet facillime quisque intelligere poterit. Prima cōclusio. Qui nesciens errat in fide circa ea, quæ scire non obligatur, excusatus est ab ecclesia per talē generalem reuocationem. Hæc cōclusio est manifesta ex illis, quæ supra capit. ix. huius libri docuimus. Nam (vt ibi diximus) non omnes æqua lege ad fidei cognitionē tenentur. Qui ignorat id, quod scire non tenetur, non peccat, qui autem nō peccat, hæreticus non est, is ergo qui per ignorantiam eorum, quæ scire non tenebatur, errat, per generalē fidei protestationē apud ecclesiam de hæresi excusatus est. Secunda cōclusio: Qui nesciens errat in fide circa ea, quæ scire obligatur per generalem fidei veram protestationē, etli coram Deo (vt diximus) sit excusatus, non tamen excusatur apud homines: nisi forte ignorantia suam probare potuerit. Hæc cōclusio probatur, quia quamuis ille



ille nesciat, ecclesia tamen praesumit, & merito illum scire  
 ca, circa quae errat. Nam cum ille sit obligatus scire illam  
 rem, praesumit illum optime illam nosse, & propterea ita  
 de illo sentit, ac si sciens errasset. Qui autem sciens errat,  
 vt mox dicemus, per nullam fidei protestationem prius fa-  
 ctam valet ab haerese crimine excusari. Si tamen ignoran-  
 tiam suam ille probare voluerit, vt se ab haerese crimine  
 hac via purgare valeat, non est repellendus, sed benigne au-  
 diendus. Qualiter autem possit quis per ignorantiam suam  
 probare, iuris peritis discutiendum relinquo. Hic tamen cau-  
 ta consideratione est opus, vt is, qui alium de haeresi iudica-  
 re debet, prius diligentissime attendat, an ille obligatus  
 erat scire id, circa quod errauit. Sunt enim aliqua etiam  
 ad fidem spectantia tam recondita, vt doctissimos viros se-  
 pe lateant, prout sunt aliqua, quae ex scriptura sacra dif-  
 ficillime elici possunt, ac propterea circa illa dubitare li-  
 cet, & saepe viri docti circa illa nutant, & vacillant. In ta-  
 libus quidem rebus dubiis, & nondum aperte ab eccle-  
 sia definitis, generalis protestatio de fide facta valebit ex-  
 rantem ab haerese crimine excusare, ita vt si ecclesia ali-  
 quid de illa re in posterum definiret, is qui ante eccle-  
 siae definitionem contrarium sensit, nequaquam haereti-  
 cus dicatur, propterea quod ecclesiae definitioni senten-  
 tiam suam libenter subiecerat. Nam ob hanc causam Ab-  
 bas Ioachim non fuit in concilio Lateranensi sub Innocen-  
 tio tertio velut haereticus damnatus, quamuis illius doctri-  
 na fuit illic ab ecclesia de haeresi notata. Subiecerat enim  
 doctrinam suam ecclesiae determinationi, vt patet per ea  
 quae habentur in cap. firmiter, extra de summa Trinitate,  
 & fide catholica. In his etiam quae sunt contra expressam  
 ecclesiae definitionem, valent huiusmodi generales fidei  
 protestationes, illi de quo incertum est an ecclesiae defi-  
 nitionem nouerat: Quoniam propter illam generalem fi-  
 dei protestationem quam fecerat, suspicari licet illum ex  
 ignorantia definitionis ecclesiasticae errasse. Confirmant  
 autem ille hanc aliorum suspensionem, & suam excusatio-  
 nem, si cum illi ostensa fuerit ecclesiae definitio statim  
 suum recantat errorem, & haesim quam tenebat da-  
 mnat. Tertia conclusio. Quisquis asserit aliquid contra id,  
 quod scit esse ecclesiae catholicae fidem, aut dubitat de illo,  
 quamuis

*Ioachim  
Abbas.*

**A** quamuis generalem fidei protestationem fecerit, nullo modo talis fidei protestatio illi suffragari poterit, quin sit ab ecclesia pro hæretico reputandus. Is enim pertinax est, quia & si dicat se paratum de errore suo ab ecclesia corrigi, re vera non est paratus. Nam qui fieri potest, ut quis sit obedire paratus illi quam aperto Marte oppugnat? At, is qui ab ecclesiæ sententia sciens discedit, aperte ecclesiæ oppugnat: non est igitur ille paratus errorem suum ad ecclesiæ præceptum emendare. Quo fit, ut pertinax & hæreticus sit dicendus, quamuis generalem fidei fecerit protestationem. Alioqui latissima via pateret omnibus, per quam omnes, quas vellent introducerent hæreses, imò maxima præstaretur hæreticis occasio quamlibet hæresim impune docere. Faciet enim quisque hæreticus primum generalem fidei protestationem, & conditionalem cuiusque hæresis, in quam labi contingeret revocationem, & satis sibi esse putabit, ut, quamuis pestilentissimam hæresim postea asserat, ab hæretici nota se possit excusare. Nam huiusmodi dolo & astutia usus est hoc seculo Martinus Lutherus hæreticorum omnium pestilentissimus, qui in eo opere quod Leoni decimo Pontifici maximo obtulit, quamuis multas & apertissimas hæreses in eo asperxit, eam tamen in principio operis protestationem fecit, quam proxime supra in hoc cap. retuli. Verum & si talem fecerat protestationem, idem summus Pontifex Leo non dubitavit illi hæreseos notam inurere & merito, quoniam simulatam esse & non veram talem illius protestationem optime intellexit, sicut ipse idem Lutherus in eiusdem operis contextu declaravit. Nam & si multis velaminibus quis mendacium velit obtegere, ipsum tamen mendacium talis est conditionis ut se ipsum tandem prodatur. In eodem siquidem opere quod Leoni decimo nuncupauerat, huius præfatae protestationis aut poenitens aut oblitus, verba hæc cum præfata protestatione apertissime ex diametropugnantia, effundere non erubuit. Et ut aliquando (inquit Lutherus) audax sim, ea quæ iam dixi, protestor me non dubitare: sed paratus sum ignem & mortem suscipere, & hæreticum asseram omnem qui contra sapuerit. Hæc Lutherus. His verbis satis aperte se prodidit, qui prius iacuerat in occulto. Quid

vltia



ultra exigere oportebat, ut illum pertinacem haereticum  
 censeremus? Qui fieri potest, ut paratus sit corrigi, qui  
 ignem & mortem sustinere paratus est pro illis quæ do-  
 cet? Putavit quidem astutus serpens huiusmodi prastigiis,  
 viros Catholicos eludere. Et, ut illius diabolicam mali-  
 tiam aperitius toti mundo ostendamus, alia illius verba  
 referam per quæ suum diabolicum spiritum multo cla-  
 rius ille prodidit. Nam in libro Actorum coram Reueren-  
 tissimo Domino Thoma de Vio Cardinale tituli sancti  
 Syxti legato ad componendas Lutheranas simulates ab  
 Apostolica sede misso, quæ idem Lutherus in vnum vo-  
 lumen collegit, hæc, quæ sequuntur verba inseruit. Nunc  
 mi lector (inquit ille) tu mihi conueniendus es. Postero-  
 rem istam responsum meam, etiam cum multa reuerten-  
 tia dedi, ac veluti in arbitrium summi Pontificis reposui,  
 non tamen id me fecisse credas, quod de re ipsa dubitem,  
 aut animi mei sententiam sim vnquam mutaturus. Veri-  
 tas diuina est, etiam domini Papæ. Non enim iudicium ho-  
 minis expecto, vbi iudicium hominis agnouit. Hæc Luth-  
 erus. Vides iam candide lector, quàm vera & quàm ex ani-  
 mo Lutheri prodierit illa sua primum facta protestatio? **D**  
 Te nunc rogo an Lutherum velis propter illam protesta-  
 tionem ab hæreticorum catalogo excludere? Non puto vi-  
 rum aliquem catholicum esse, nisi demens aut stupidus ille  
 sit qui suffragiis tam friuolæ & inanis protestationis, ho-  
 minem hæreticissimum velit ab hæreseos nota vindicare.  
 Dico igitur ac firmissimo animo teneo, neminem qui ca-  
 tholicæ ecclesiæ sententiâ quam optime nouit, oppugnat,  
 posse per quâcunq; generalem fidei protestationem prius  
 ab eo factam ab hæreseos crimine apud ecclesiam excusa-  
 ri. Quo fit, ut si quis in scriptis suis aliquid asseruit contra  
 expressam ecclesiæ definitionem, quam illi fuisse notam ex  
 eiusdem scriptis aperte constet, potest & debet etiam post  
 mortem suam, non obstante quacunque protestatione per  
 eum facta, tanquam hæreticus damnari: nisi illum huius-  
 modi erroris ante mortem poenituisse constiterit. Quare  
 ego fateor me nescire quo pacto possim aliquot doctores,  
 qui pro catholicis habentur, à crimine hæreseos excusare,  
 cum in eorû scriptis aliquas reperiam sententias, quæ aper-  
 tissime, & ex diametro pugnant cum ecclesiæ definitio-  
 bus:

**A**bus: & ex eorundem doctorum scriptis constat eas ipsas ecclesie definitiones, quas oppugnant, fuisse illis notas. Si autem non constat illum scivisse ecclesie definitionem, cui contradicit, & aliunde appareat illum in aliis recte de fide sentire, crederem generalem fidei protestationem prius per illum factam, debere illi suffragari, ut per illam possit ab hæreseos macula merito liberari.

*De blasphemis, an sint hæretici censendi.*

CAP. XII.

**E**xpleta iam generali hæreticorum consideratione, declaratisq; omnibus quæ ad consummatam hæreticorum cognitionem habendam satis esse mihi videbantur, nunc (ut rem ipsam clariorem relinquerem) mihi visum est, lapidem (ut dicitur) ad filum referre, & de quibusdam personis, quæ forte dubitationem mouere possent, an hæretici sint censendi, pertractare. Et primò de blasphemo, de quo non parua dubitandi habetur occasio, an sit hæreticus dicendus. Nam theologi non computant blasphemiam inter peccata infidelitas, ac proinde negant blasphemiam ad hæresim pertinere. At si blasphemia non est hæresis, consequens est ut nec blasphemus censeatur hæreticus. Oppositum tamen quodammodo persuadere videtur, quod hæreticorum inquisitores puniunt blasphemos, quos tamen punire non audent, nisi illos hæreticos esse censerent. Pro huius rei apertiore & certiori definitione opus est, ut primò de blasphemia consideremus, quale illa sit peccatum, & inde de blasphemo quæ inquiremus, facilius inueniemus. Blasphemiam definit Hugo de sancto Victore in libro de fructu carnis & spiritus, capite vj. sic inquit. Blasphemiam est cum quadam probrosa irreligiositate conuictioforum iaculata in alium maledictio: aut est diuini vel humani nominis diminutio iurando vel exprobrando facta. Hæc ille. Ex quibus duabus definitionibus constat, quod blasphemiam proprie est vituperium, aut conuictum cum diminutione honoris diuini. Et propter hanc causam illi qui iurāt per membra Christi, aut aliorum sanctorum pudenda, blasphemare dicuntur. Quia & si Christus re vera habeat illa membra pudenda ut quilibet alius verus & integer homo, ac proinde sic illa nominates non mentiantur

*Hugo de  
sancto Vi-  
ctore.*

tur

tur, tamen illa in Christi ignominiam & vituperium nominant, volentes ex ipso modo pronuntiandi, innuere aliquid esse in Christo ignominiosum, & vituperabile. Verba igitur illa & si non sint ex se blasphema, ipse tamen pronuntiandi modus qui fit cum vituperio, & irrisione, inducit blasphemiam. Quod autem in diffinitione sua posuit Hugo, conuictiosorum iaculata in alium maledictio, & non expressit in quem, ideo sic posuit, quia non solum conuictia in Deum putauit esse blasphemiam sed etiam conuictia quæ dicuntur in sanctos; propterea quod conuictiæ quæ in sanctos dicuntur, inde ad Deum quodammodo deriuantur. Nam sicut laudatur Deus in sanctis suis, eo quod laudantur opera quæ Deus in sanctis suis & per sanctos suos facit, ita econtrario cum vituperantur aut irridentur ea quæ Deus in sanctis suis operatur, ex consequenti vituperatur, & irridetur Deus, qui est illorum operator. Hæc autem derogatio honoris diuini potest bifariam contingere: quoniam aut fit intus in corde, aut extra per voces, vel alia signa exteriora. Illa quæ est intus in corde, ad huc trifariam fieri potest: quoniam aut fit tantum in intellectu, aut tantum in affectu, aut simul in intellectu & affectu. Illa est blasphemia in solo intellectu, per quam quis de Deo intra se dicit id quod diuinæ derogat bonitati nec tamē propterea est male circa Deum affectus. Deus autem (vt docet Dionysius cap. i. de diuinis nominibus) est ipsa essentia veræ bonitatis, vel ipsamet bonitas. Ex quo aperte sequitur, vt quidquid Deo tribuitur pertineat ad bonitatem ipsius: & quidquid est à Deo alienum, longe etiam sit à ratione perfectæ bonitatis, quæ est eius essentia. Quicumque ergo dicit aliquid Deo conuenire quod illi repugnat, vel dicit illi repugnare quod est illi proprium, & ob hoc non male afficitur in Deum, hic talis blasphematur Deum in intellectu tantum. Nō est enim dubium quin possit esse blasphemia in intellectu absque peruersa voluntate blasphemadi, vel diuinæ bonitati derogadi. Quia licet omnis blasphemia inquantum est voluntaria, sit à voluntate mala, non tamen omnis est cum voluntate affecta ad derogandum diuinæ bonitati. Sicut enim omne credere est voluntarium, nō tamen omne credere est à voluntate affecta charitate Dei: ita omnis blasphemia est voluntaria, nō tamē

**A** omnis est à voluntate affecta malignitate, vel volūtate blasphemandi. Habet se enim hæc voluntatis malitia, de qua nunc loquimur, ad blasphemiam intellectus, sicut charitas ad fidem. Quo fit, ut sicut fides potest esse sine charitate, ita etiam blasphemia intellectus sine malignitate, aut sine blasphemia affectus. Illa est in solo affectu, & sola voluntate blasphemia, per quam quis credens de Deo, quod credendum est, male tamen circa Deum afficitur. Non enim reputat blasphemiam simul esse cum fide. Potest enim aliquis credere Deum esse omnipotentem, & dicere intra se, ut iniurietur Deo, quod Deus non est omnipotens, & delectari in tali mendacio. Simile quid contingere videmus circa iniurias, quæ hominibus dicuntur, in quibus sæpe contingit, ut quis alteri iniuriam facere volens dicat illi, quod scit minime illi cōuenire, ut puta cum cæcutire dicit illum, quem scit optime videre, aut dicit rudere, quem scit optime cantare. Sic posset quis, ut Deo iniurietur, dicere illum nihil posse, cum tamen certo sciat illum esse omnipotentem. Potest etiam quis credere Deum esse iustum, sapientem, omnipotentem, & nolle aliquid eorum Deum esse: ut puta quia nollet Deum esse tam sapientem, ut nihil illum lateat etiam secretissimas cordis nostri cogitationes, aut nollet illum esse tam potentem ad sua peccata puniendā, ut nemo illi resistere valeat, aut nollet denique tam iustum, ut nullis precibus, aut muneribus quis valeat vellatum pilum à rectitudine illum deflectere. Hi tales blasphemiam habent in voluntate, quamuis veram fidem habeant in intellectu. Tales sunt illi de quibus dicitur in psalmo. Superbia eorum qui te oderunt, ascendit semper. dæmones siquidem (ut ait Iacobus Apostolus) credunt, & contremiscunt. & idem dicendum est de damnatis hominibus: hi tamē omnes Deum semper odiunt: quia nollent Deum esse tam potentem, aut tam iustum, ut illos pro suis peccatis puniret. Dolent de peccatis, quæ commiserunt non propterea quod ipsa peccata habeant exosa: sed quia odio habent pœnas, quas pro illis sustinent. Habent quidem illi voluntatem suam male adhuc suis peccatis affectam, & vellent adhuc si possent male uti rebus ipsis, pro quibus puniuntur, nollent tamen pœnas pro illis sustinere: ac proinde dolent, quod Deus sit tam iustus, ut semper eos punire velit, aut tam potens, ut

Iacob. 2



illius potestati resistere nemo possit. Et hoc est Deum C  
odisse, & hoc est Deum blasphemare in sola voluntate. Sic  
*Apoc. 16* enim de damnatis hominibus dicit Ioannes in Apocalypsi.  
**Aestuauerunt homines** astu magno, & blasphemauerunt  
**nomen Domini** habentis potestatem super has plagas.  
Ideo blasphemant: quia dolent Deum talem potestatem  
habere, vt illas plagas inferre valeat. Sic enim exponit il-  
lum locum glossa quædam, quam citat sanctus Thomas in  
secunda secundæ, quæstione xiiij. articulo iiij. non tamen  
expressit ille cuius authoris sit illa glossa. Ego quidem  
cum legi in beato Thoma, putaui id reperendum esse in  
glossa, quæ vulgo dicitur Ordinaria: ad illam tamen re-  
currens nihil tale reperi, quale ille citat. Cuiuscunque illa  
sit, si illius autoritas non suffecisset, certe sufficere deberet  
autoritas beati Thomæ illam citantis, atque probantis.  
Talis ergo blasphemia, de qua nunc agimus (vt dicit S. Bo-  
*S. Bona-*  
*uentura,* nauentura) est quæ in euangelio vocatur spiritus blasphe-  
miæ. Dicit enim ille in secundo sententiarum, distinct.  
xliij. in commentariis super literam Magistri non esse pror-  
sus idem blasphemiam, & spiritum blasphemiar: habent  
enim se hæc duo (vt ille ait) tanquam generale & speciale. D  
Omnis spiritus blasphemiar est blasphemia, non tamen  
econtrario. Spiritus blasphemiar est affectus & desiderium  
vituperationis diuinæ. Spiritus blasphemiar sic spirat ad  
odium Dei, sicut spiritus sanctus ad Dei amorem. Et hunc  
talem spiritum blasphemiar, hoc est, affectum vituperatio-  
nis diuinæ dicunt theologi esse maximum peccatorum &  
irremissibile, non quod non remittatur, si de illo debita  
*Beda.* fiat pœnitentia: sed quia tale est (vt dicit Beda super ter-  
tium Marci caput) quod nunquam de illo pœnitentiam  
aget debitam qui illud semel commisit: quoniam propter  
nimiam illius malitiam Deus illi auxilium suum subtra-  
het, **sine quo** ad pœnitentiam peruenire non poterit. Vel  
secundum Alexandrum de Ales, ideo dicitur irremissibile:  
quia prouocat oculos diuinæ maiestatis ad non miseren-  
dum vel non remittendum. Ex his omnibus iam pater  
quæ sit blasphemia simul in intellectu & affectu. Est enim  
illa per quam quis male de Deo sentit, & propterea male  
illi afficitur & illum vituperare non veretur. Veluti si quis  
crederet Deum non esse omnipotentem, & inde audaciam  
sumeret



- A** sumeret ad derogandum illius honori, & illum vituperandum, & in contumeliam illius omnia eius præcepta contemnendum. Hæc blasphemia certe non est tam graue peccatum ex se, quia ignorantia quam habet annexam, & vnde maligna illius voluntas oritur quodammodo excusat à tanta grauitate peccati. Hæc enim est blasphemia in filium, quia est per ignorantiam, illa autem est blasphemia in spiritum sanctum, quia est ex pura malitia & ideo peior. Hæc de blasphemia quæ in corde versatur, dicta sufficiant. Est adhuc alia blasphemia exterior quæ solet dici blasphemia oris, non quod in solo ore & solis vocibus exerceatur, sed quia pluries per voces quàm per alia signa exterius demonstratur, sitque ab his quæ pluries accidunt denominatio. Potest enim blasphemia in factis sicut in vocibus exterius demonstrari. Nam qui per contumeliam spueret Christi aut virginis Deiparæ imaginem, aut illam fustibus percuteret, aut pedibus per contemptum conculcasset, vel alia similia quæ Dei aut sanctorum eius contemptum & vituperium ostenderent, faceret, hic sine dubio esset blasphemus existimandus, & velut talis puniendus. *I. Pet. 2.*
- B** Vnde Beda exponens illud ex secunda Petri Apostoli epistola, per quos via veritatis blasphemabitur, sic ait. Via veritatis blasphematur per hæreticos non solum in eis quos suæ hæresi seductos associant, sed in eis quoque quos per impurissima facta sua & sacrificia vel mysteria execranda, quæ faciunt in odium Christiani nominis concitant, existimantibus imperitis omnes Christianos huiusmodi flagitiis esse mancipatos, Qualibus dicit scriptura. *Isa. 52.* Per vos nomen meum blasphematur in gentibus. Hactenus Beda. Ex cuius verbis aperte constat blasphemiam exteriorem non solum in verbis, sed etiam in operibus committi, quamuis communi vocabulo solear (vt dixi) omnis talis blasphemia, nominari blasphemia oris. Sic enim confessio & negatio frequentius verbis effici solent, & ideo omnis exterior confessio vel negatio, solet dici confessio oris vel negatio oris, & tamen quælibet harum potest operibus sicut vocibus exerceri, Nam de peccatoribus Paulus loquens, ait. Confitentur se nosse Deum, factis autem negant. Hæc igitur exterior blasphemia potest etiam trifariam distingui, sicut supra dixi. *Titum. 2.*

mus de blasphemia cordis. Cum enim voces & alia opera exteriora sint signa eorum quæ sunt in anima, & ab illis procedant, hinc evenire est necesse, ut voces & alia opera distinguantur iuxta distinctionem eorum quæ sunt signa, & à quibus oriuntur & procedunt. Et ita potest esse aliqua blasphemia exterior quæ tantum procedat à blasphemia sola intellectus sine mala affectione voluntatis, alia quæ solum procedat à blasphemia voluntatis: alia quæ procedat à malitia intellectus & voluntatis simul. Quælibet istarum talis est necessario iudicanda, qualis est interior illa blasphemia à qua processit: ideo necessarium est videre, an aliquam istarum sit hæresis dicenda, vel habeat aliquam cum hæresi connexionem. Et certe de illa blasphemia quæ est in solo affectu licet sit gravissimum peccatum, & (sicut diximus) irremissibile, non tamen habet aliquid cum hæresi aut cum infidelitate. Quia hæresis & quodlibet infidelitatis vitium pertinet ad intellectum, sicut fides cui opponitur. Opposita enim (ut dicit Aristoteles) habent fieri circa idem. Hæc autem solius affectus blasphemia est in voluntate: non est igitur hæresis, nec infidelitas. De alia vero blasphemia, quæ est in intellectu, siue illi sit coniuncta malitia in voluntate, siue non, est difficultas, an aliquo modo ad infidelitatem pertineat. Et pro huius rei consummata declaratione, de hoc prius admonere lectorem decreui, ut consideret aliud esse dicere aliquid, & credere illud. Nam mentiens dicit id, quod tamen non credit esse verum, nec refert, an dicat illud ore, an corde. Potest enim quis in corde suo aliquid dicere & illud secum pertractare quod tamen non credit esse verum. Deinde advertendum est, duo hæc esse considerata in fide, primum est, credere omnes fidei articulos. Alterum est ipsos fidei articulos dicere ore, vel corde. Primum horum spectat ad fidem, & hoc vere dicitur fides. Secundum vero dicitur confessio fidei, iuxta id quod dicit Paulus. Corde creditur ad iustitiam, ore autem confessio fit ad salutem. Ex opposito etiam in infidelitate oportet considerare hæc duo, puta dissensum circa ea quæ ad fidem pertinent, & dicere intus vel extra aliquid contra fidem. Primum horum videlicet dissensus pertinet ad infidelitatem, & est hæresis.

**A** *fit.* Secundum vero scilicet dicere corde vel ore aliquid contrarium fidei, est vitium blasphemiae, ita quod blasphemia non consistit in credere, sed in hoc quod est dicere aliquid corde, vel ore contra Deum, siue credat ita esse quod dicit, siue non: si tamen illud dicat hac intentione, vt Deo iniuriam faciat. Quoniam vt blasphemia vitium dici possit, non satis est vt dicat aliquid diuinæ derogans bonitati, nisi illud voluntarie dicat. Ex quo manifeste colligitur blasphemiam non esse vitium oppositum fidei, sed esse vitium contra confessionem fidei. Et inde deducitur blasphemum ea ratione qua blasphemus est, non esse dicendum hæreticum, nisi aliunde aliquid præter blasphemiam adiungat, quod illum efficiat hæreticum. Si quis enim dicat vel faciat aliquid quod diuinæ derogat bonitati, & id quod de Deo dicit credit ita esse, simul blasphemus dicitur & hæreticus. Quatenus dicit aliquid contra diuinam bonitatem blasphemus est: quatenus vero credit id quod dicit, hæreticus est. Si quis crederet aliquid de Deo quod diuinæ bonitati repugnat, & id non diceret: hic talis hæreticus esset, & non blasphemus. Si quis autem e contrario aliquid intus vel extra Deo diceret quod à diuina esset bonitate alienum, & tamen quod dicit non credit ita esse, hic talis blasphemus diceretur, & non hæreticus. Tales blasphemii sunt multi, qui à passione aliqua aut infirmitate deiecti, vim tribulationis, aut afflictionis non ferentes, de Deo à quo tribulationem sibi inflictam esse putant vindicari cupientes, qui aliter hoc efficere non valent, ore polluto & maledicto execrandas illi dicunt iniurias: quasi verba illa, quamlibet execranda Deo vel tantillum nocere possent. A quibus si postmodum peteretur, an talem credant esse Deum, qualem illi dixerunt, certe ipsi firmissime negarent. Tales ego noui multos, qui post blasphemias per passionem ore prolatas, ceruicem gladio opponerent antequam verum esse fatentur, id quod de Deo per blasphemiam effuderunt. Cum igitur tanta sit blasphemiarum varietas, oportet, vt vana sit etiam illarum punitio, & varius iudex, qui illas debita poena ferire debet. Blasphemia, quæ nullam prorsus habet cum hæresi communionem, qualis est illa, quæ committitur iuramento emissio per membra Christi

sti, aut sanctorum pudenda: cum illorum vituperatione, C  
& ignominia, huiusmodi talis, aut cuiusvis alterius similis  
punitio non spectat ad inquisitores hæreticorum ex iure  
eorum ordinatio. Nec illi quomodo ex eodem iure, nisi  
aliunde sit illis delegatum, possunt se ingerere, ut de illis  
inquirant aut iudicent. Sed illorum punitio spectat ad or-  
dinarios iudices tam laicos quam ecclesiasticos. Blasphem-  
ia autem quæ habet quandam cum hæresi vicinitatem  
vel connexionem, hæc merito ad inquisitores hæreticorum  
spectabit, ut de illa inquirant, iudicent & puniant. Sicut  
qui diceret Deum iniuste punire aliquem, aut non posse  
hoc aut illud efficere, aut insipienter rem aliquam egisse:  
hic talis est blasphemus & ab inquisitoribus hæreticorum  
examinandus. Non propterea solum quod blasphemus est,  
sed quia per talem blasphemiam dedit non modicam de  
hæresi suspicionem. Nam ex abundantia cordis (ut summa  
veritas ait) os loquitur. Qualis quisque est talis est eius lo-  
quutio. Tanta est verborum cum moribus connexio, ut  
propter hoc Solon (prout de illo refert Laërtius) dixerit,  
orationem esse factorum simulachrum: quoniam animi vis  
in loquutione perinde ut in speculo representatur. Quo fit  
ut merito de vnoquoque suspicemur, illum cum de re aliqua  
loquitur ita sentire prout dicit. Quoniam (ut est apud Ari-  
stotelem) voces sunt earum quæ sunt in anima passionum  
notæ. At, cum omnis res de qua merito vehemens oritur  
hæresis suspitio, pertineat ad iudicium & tribunal inquisi-  
torum, oportet ut omnis talis blasphemia subdatur, etiam  
ex ordinaria eorum potestate, examini, & iudicio inquisi-  
torum. Cum tamen de huiusmodi inquirunt, oportet illos  
diligenter considerare personæ qualitatem, sicut in cæte-  
ris criminibus, an sit persona quæ alias de illo errore pro-  
lato, aut quovis alio dederit aliquam suspicionem, an nul-  
lam. Deinde consideret temporis quo blasphemavit cir-  
cunstantiâ, an tunc in tribulatione aliqua fuerit an extra  
omnem tribulationem? quoniam inde conlicere valebit  
adiuncta etiam personæ qualitate, an ex infidelitate? an  
ex impatientia blasphemaverit? Si consideratis bene tem-  
poris & personæ circumstantiis, constet illum ex infidelitate  
blasphemasse, procedet inquisitor ad illius tanquam hære-  
tici punitiorem, præsertim si ille se credere dicat. Si neget  
se cre-

Mach. 12

Solon.

Aristot.

D

se cre

A se credere id, quod dixit, imò dicit se credere oppositum, & consideratis præfatis circumstantiis, adhuc maneat suspitlo illum ex infidelitate dixisse, iniungatur illi purgatio, & deinde moderata pœnitentia. Quod si in purgatione sua defecerit, ego de illo idem faciendum censerem, quod de aliis hæreticis qui in purgatione deficiunt, iura canonica disponunt. Si vero præfatis circumstantiis bene consideratis constet illum non ex infidelitate, sed ex impatientia & passione aliqua blasphemasse: tunc quia ille non hæreticus sed solum blasphemus censetur, non habet inquisitor hæreticorum quid ex iure ordinario amplius circa illum agere possit. Solent tamen inquisitores hæreticorum, præsertim in Hispania, hanc habere sibi specialiter delegatam auctoritatem, ut huiusmodi blasphemos punire valeant, & merito. Tum propter criminis gravitatem & enormitatem, quod (ut supra docuimus) est gravissimum peccatum. Tum etiam propter negligentiam eorum iudicum tam ecclesiasticorum, quàm laicorum, quibus ex officio incumbere huiusmodi execrandas blasphemias acerbissime punire. Nam quia illi in hoc negligentes sunt, iustum est, ut hoc negotium aliis delegetur, qui austeriore correctione, & duriore disciplina blasphemias punientes, possent ab hoc execrando, & horrendo vitio homines reuocare.

*De sortilegijs, & auguribus, alijsq; diuinatoribus,  
an sint hæretici dicendi.*

C A P. XIII.

Tanta inest hominibus multis sciendi curiosa cupiditas, ut ea, quæ ignorare esset vtilius, etiam cum fidei Catholicæ dispendio improba curiositate discere conentur, Ob quam causam non immerito à multis dubitari solet, de huiusmodi hominibus, qui diuinatores nuncupantur, an sint illi omnes hæretici censendi, & velut tales ab hæreticæ prauitatis inquisitoribus puniendi. Ad cuius rei plenioris intelligentiam, oportebit ante omnia inquirere quid sit, & quod duplex diuinitio: & inde colligere valebimus: an illi, qui illam exercent sint hæretici dicendi, an non. Diuinitio est enuntiatio eorum, quorum notitia



per naturam haberi non potest, neque à Deo reuelata est. **C**  
 Res autem sunt aut presentes, aut præteritæ, aut futuræ.  
 Præteritorum & presentium scientia per naturam haberi  
 potest, quoniam præsentia possunt videri, præterita quia  
 aliquando fuerunt præsentia, aliquando visa sunt: & ex  
 illorum intuitione remanet notitia, quam philosophi vo-  
 cant abstractiuam, per quam potest quis de præteritis cer-  
 to aliquid scire, & aliis enunciare. Futura autem quia non-  
 dum habent esse, videri non possunt, & ideo nihil certum  
 de illis haberi potest. Propter quod diuinitas semper circa  
 futurorum præcognitionem considerari solet: quia illa  
 sunt quæ ex se per naturam cognosci non possunt. Si quis  
 autem præsentia, aut præterita, quæ per naturam cognosci  
 non possent, enuntiaret, & certo assereret, ego illum etiam  
 diuinatorem appellarem. Sicut qui à Roma per centum  
 milliaria distans, diceret quid eo temporis articulo Romæ  
 agatur: aut diceret homini, quem nunquam vidit ea, quæ  
 toto vitæ suæ de cursu egit, is certe mea sententia etiam di-  
 cetur diuinator, ac si prædixisset futura. Nam sicut prophe-  
 ta dicitur etiam proprie ille, qui per reuelationem agnoscit  
 præterita, aut præsentia, quæ aliàs scire non poterat, quam- **D**  
 uis frequentius dicatur propheta, qui per reuelationem  
 prænoscit futura: ita etiam proprie dicitur diuinator ille,  
 qui præterita, aut præsentia, quæ naturaliter scire non po-  
 terat, absque Dei reuelatione cum certitudine asserit. Illa  
 siquidem mulier Samaritana, cui Christus dixerat quinque  
 viros habuisse, & quem tunc habebat non esse suum, statim  
 hoc audito exclamauit dicens: domine, vt video, propheta  
 es tu. Prophetam si quidem censebat dicendum eum, quia  
 præterita, aut absentia, quæ in secreto latebant optime  
 noscebat. Quamuis tamen hæc ita se habeant, solet fre-  
 quenter ille solus dici diuinator, qui futura cum certitu-  
 dine, & absque deceptionis metu asserit. Futura autem (vt  
 egregie beatus Thomas in Secunda Secundæ, quæstione  
 nonagesima quinta docet) duobus modis cognosci possunt.  
 Aut enim cognoscuntur per suarum causarum cognitio-  
 nem, aut cognoscuntur per se ipsa. Causæ autem futuro-  
 rum tripliciter se habent ad effectus suos. Nam aliquæ  
 sunt, quæ ex necessitate & semper suos producant effe-  
 ctus. Huiusmodi effectus futuri cum certitudine prænosci,  
 & præ-

*Ioan. 4*

**A** & prænunciari possunt, per cognitionem suarum causarum, quemadmodum astrologi præcognoscere, & prædicere solent æquinoctia, solstitia, eclipses solis, & lunæ. Talis prænunciatio non dicitur diuinitio: quia non usurpatur per eam, quod proprie diuinum est. Aliæ sunt causæ, quæ producunt suos effectus non ex necessitate, & semper, sed raro contingit eas à suorum effectuum productione deficere. Ex harum etiam causarum cognitione possunt homines futuros effectus præcognoscere, non quidem cum certitudine: sed per quandam coniecturam. Ad hunc modum multa prædicunt astrologi de pluuiis, siccitatibus, terræmotibus, de fertilitate, aut sterilitate terræ: & medici prænunciant de morte, aut conualescentia infirmorum, in quibus rebus aliquando prædicunt vera, aliquando falluntur. Hæc etiam prænunciatio non potest dici diuinitio: quia limites naturalis cognitionis non excedit. Aliæ sunt causæ, quæ nullam prorsus necessitatem habent, ut suos effectus, aut semper, aut pluries producant: sed dubiæ semper ex se sunt, & ancipites, ut modo hos, modo oppositos effectus producere valeant. Tales causæ vocantur liberæ, ut sunt homines, & angeli. Effectus qui ab huiusmodi causis producendi sunt, non possunt cum certitudine aliqua, siue ut semper, siue ut in pluribus, per cognitionem causarum præcognosci: quia causæ huiusmodi nullam habent ad suos effectus coactionem. Quantumlibet quis cognoscat Petrum, non potest ex hac cognitione certo scire, an Petrus cras ieiunabit, an non: an loquetur, an tacebit: quia cum ille liber sit ad hos effectus, potest & vnum, & alterum efficere. Tales ergo effectus, qui ab huiusmodi causis pendent, nullus agnoscere potest, nisi dum sunt præsentēs, ut puta cum videt Petrum comedentem, aut ieiunantem, vel tacentem, aut loquentem. Cognoscere hæc cum certitudine, aut prædicere, antequam fiant, soli Deo conuenit, qui (ut dicit Paulus) vocat ea, quæ non sunt tanquam ea, quæ sunt. De huiusmodi futuris intelligendum est id, quod Salomon ait. Multa hominis afflictio: quia ignorat præterita, & futura nullo scire potest nuncio. Quæ verba in commentariis super Ecclesiastem interpretatus Hieronymus ait, Licet diuersa eueniant; & non possit iustus scire quid ei futurum sit, nec sin-

Rom. 4

Eccle. 8

Hierony.

gularum rerum causas, rationesque cognoscere. Nemo enim est conscius futurorum, tamen scit à Deo cuncta in utilitatem hominum fieri, & non absque eius voluntate disponi. Est enim magna afflictio generi humano: quia (ut poeta ait) nescia mens hominum fati, fortisque futuræ, aliud sperat aliudque evenit, de altero loco expectat hostem, & alterius iaculo vulneratur. Hæc Hieronymus. Quisquis ergo talia futura prædicere, aut prænoscere, nisi Deo reuelante præsumpserit, usurpare conuincitur: quod solitus Dei est, & hic talis dicitur diuinator. Nam (ut dicitur capit. igitur. xxvj. quæstione quarta) dicti sunt quasi Deo pleni. Diuinitate enim se esse plenos simulant, & astutia quadam fraudulenta hominibus futura coniectant. Si quis vero huiusmodi futura contingentia, quæ à causis liberis dependent, Deo reuelante præcognouerit, aut prædixerit, non dicitur diuinator; quia non ex se, & per se talem habet notitiam, sed à Deo: & ita ipse non usurpat sibi diuinum aliquid: sed Deo tribuit, quod ab illo se recepisse fatetur. Alioqui omnes Dei prophetæ dicentur diuinatores, eo quod tam multa de futuris prædixerunt. Nullus tamen sanctorum illos diuinatores: sed prophetas appellauit. Ille enim solus diuinator dicitur, qui sibi indebito modo usurpat præcognitionem, aut predictionem futurorum euentuum, quæ à liberis causis pendent. Et talis diuinatio semper est peccatum, & quidem graue: quia contra religionem, & cultum Deo debitum, non tamen omnes diuinationes æquali culpæ sunt obnoxie: quia vna peior est alia, quo peiora media ad futurorum prænotionem assumit. Aliquæ enim sunt, quæ dæmonum in uocatione utuntur, ut futura præscire possint, velut sunt Necromantici, aut Arioli. Alij vero sunt, qui sine expressa dæmonum inuocatione futura prædicunt, ut sunt Augures, qui ex garritu auium, aut Aruspices, qui ex auium aspectu, aut Chiromantici, qui per signa manus, multa de futuris prædicere solent. Et Sortilegi aliqui sunt, qui sub nomine Christianæ religionis, per sacrarum scripturarum inspectionem, aut per quasdam, quas sanctorum, seu apostolorum (ut Isidorus octauo lib. Et hi ait) vocant sortes, diuinationis scientiam profitentur. Et hi proprie sunt sortilegi, qui in iure canonico reprehenduntur, atque damnan

A. damnantur. Sunt enim multi alij sortilegi minime à iure reprehensi, sed ab illo tolerati, & sunt illi, qui quamuis faciant aliquid, vt ipsius euentu considerato, occultum aliquid, siue præsens, siue futurum agnoscant, non tamen illorum cognitionem à dæmone: sed à Deo spectant, vt contingit in sorte diuisoria. Ea diuination, quæ cum dæmonum inuocatione fit, multo peior est illa, quæ absque illorum inuocatione exercetur. Est adhuc inter ipsas diuinationes aliud non paruum discrimen. Sunt enim aliquæ, quæ quodammodo hæresi miscentur, & sine alicuius hæresis adminiculo exerceri non possunt. Vt si quis mortuum baptizaret, ea forma, & eo ritu, quo baptizatur viuus, vel puerum baptizaret, vt inde sortium emissarum responsum habeat, aut Eucharistiæ sacramento, ad maleficia, & incantationes exercendas abuteretur, aut coram idolis execrandas effunderet preces ad incantationes suas peragendas. Talia enim sortilegia, aut auguria, sine hæresis admistione non fiunt. Nam credere mortuos vtiliter baptizari posse, hæresis fuit Martionistarum, prout nos in eo opere, quod aduersus omnes hæreses edidimus, titulo de baptismo, hæresi tertia, docuimus. Rebaptizare pueros, hæresis Anabaptistarum est aperte damnata. Idola orare est idololatria, & si quis in illa, Deos adoratione dignos esse putat, apertissima est hæresis. Eucharistiæ sacramento ad maleficia peragenda abuti, vehementissima est hæresis suspitio. Quoniam hoc faciens, præter magnam irreuerentiam, quam sanctissimo exhibet sacramento merito creditur illum opinari, sanctissimum Eucharistiæ sacramentum, aliquid ad maleficia exercenda valere, & vim aliquam, & virtutem ad illorum maleficiorum exercitium habere: quoniam si hoc non crederet, non vteretur illo ad talis maleficij perpetrationem. Hoc autem sentire aperta est hæresis & blasphemia. Si quis autem dæmones inuocaret, vt sortibus emissis, aut figuris aliquibus factis, de futuris ab eis edoceret, licet grauiter peccaret, non adhuc diceretur hæreticus, si res, quas à dæmonibus scire procurat, tales sunt, quæ à dæmonibus bene prænosci possunt. Nam dæmones, qui rerum naturas, & earum virtutes, & motus (vt habetur in capit. Sciendum.



xxvj. quæst. iij. ) melius quàm homines noscunt , possunt ex cognitione causarum præcognoscere effectus, quos illæ ex necessitate, & semper producant, prout superius de astrologis diximus, circa prænotionem eclipsium solis, & lunæ. Si quis huiusmodi eclipses, aut fertilitatem terræ, aut sterilitatem futuram, à dæmone præscire tentaret: quamvis gravissime peccaret, non esset tamen censendus hæreticus. Si vero ea, quæ per naturam scire non poterat, per dæmonum inuocationem scire niteretur, hic mea sententia est præsumendus hæreticus: quoniam dæmones ad illa prænoscentia non inuocaret: nisi crederet dæmones illa præscire. Hoc autem de dæmonibus sentire, aperta est hæresis: quoniam qui dæmones credit posse cum certitudine prænoscere ea futura contingentia, quæ ex hominis arbitrio pendent, credit illos esse Deos: quoniam hoc soli Deo conuenire, satis conuincitur per id, quod apud Eſaiam prophetam legitur. Annunciate, quæ ventura sunt in futurum, & sciemus quia Dij estis vos. De talibus solum, qui dæmones inuocant, vt ea ab illis sciant, quæ non nisi à Deo sciri possunt, ego cenſeo debere intelligi capitulum Episcopi, quod habetur xxvj. quæstio. v. in quo cap. Sortilegi, & Magici vocantur hæretici. Hoc ideo ibi dictum est, non quod semper oporteat sortilegos, & magicos viros esse hæreticos: sed quia aliquando tales diuinationes, sine alicuius hæresis admisione exerceri non possunt. Ad eundem modum etiam intelligendum est capitulum, non obseruatis. xxvj. quæstio. vij. Aliæ sunt diuinationes, quæ licet sine peccato graui fieri nequeant, sine tamen alicuius hæresis adminiculo exercentur. Veluti si quis per sortilegia, aut auguria, à dæmone inquirat de futuris, ea, quæ ille per suam naturam præscire potest, aut ab illo perat, vt faciat, quæ certum est dæmonem Deo permittente facere posse, & non credit dæmonem plura scire, quàm scit: aut plura posse, quàm poreſt, nec aliquid aliud suis sortilegiis, aut maleficiis admiscet, quod ex aperto fidei errore procedere constet. Si quis dæmonis adiutorio velit, & instantissime procuret scire, quid Romæ, aut in exercitu Imperatoris agatur, aut quis alicuius maleficii in secreto, sine testibus commissi sit author, aut quo loco malefactor lateat,

Eſa. 41

D

**A** lateat, non propter hæc est censendus hæreticus: quia tales diuinationes, aut talia sortilegia, siue maleficia, quamuis grauissima sint peccata, non tamen habent vllam hæresis commissionem. Nam sicut alia peccata per malitiam puram, & sine vllò errore, & ignorâtia, sed ex industria committi possunt, ita etiam sortilegia, & auguria, & aliæ diuinationes possunt ex pura malitia, & ex industria, sine vllò errore intellectus, & per consequens sine vlla hæresi exerceri. His igitur præmissis, tale pono documentum, ex quo totius huius rei summa pendet. Sortilegia, & auguria, & reliquæ diuinationes, quæ sine alicuius hæresis adminiculo exerceri non possunt: subduntur examini, & censuræ inquisitorum hæreticæ prauitatis, & ab illis puniri debent. Talia sunt opera necromanticorum, quoniam illi (vt postea dicemus) semper male de fide sentiunt, credentes de dæmonibus, quòd multa possint, quæ re vera non possunt. Sortilegia vero, & auguria, & aliæ diuinationes, quæ es sola malitia voluntatis, absque vllò errore intellectus exercentur, non subsunt ex iure ordinario, censuræ inquisitorum hæreticæ prauitatis, nisi aliunde ad hanc causam illis fuerit delegatum. Hoc expresse definitum est ab Alexandro quarto, in capit. Accusatus. §. Sanè. de hæreticis. lib. vj. Episcopi vero de huiusmodi sortilegiis, quæ hæresim non sapiunt inquirere, & iudicare possunt, quia istorum potestas latior est, quàm potestas inquisitorum. Vt autem inquisitor hæreticorum sciat, an sortilegus, aut augur, aut alius quiuis diuinator, suæ subît iurisdictioni, an non, hoc mea sententia illum facere oportet. Interrogabit de dæmonum potestate, de illorum scientia, vt puta, quid credit illos scire de futuris, quid illos posse agere circa hæc inferiora. Interrogabit etiam, an dæmon possit hominis secreta, quæ in solo illius versantur corde, rimari, & perfecte cognoscere. Nam quod hæc solius Dei cognitioni subdantur, scriptura sacra testatur, dicens: Scrutans corda & renes Deus. Et Apostoli orantes Deum, dixerunt. Tu Domine, qui corda nosti omnium &c. Ex quibus constat, hæresim esse, dicere quòd dæmon secreta hominum noscat. Huiusmodi autem erroribus solent sæpe sortilegia misceri. Et si ille de omnibus his iuxta regulas fidei responderit, credendum est illum ex pura malitia, & non ex errore intellectus,

Psal. 7

Act. 1

tellectus, tale peccatum commisisse: nisi opus ipsum tale sit, C  
 quod vehementem præbeat de hæresi suspicionem. Qualia  
 sunt ea, quæ supra enarrauimus, videlicet, baptismus mor-  
 tui, rebaptizatio puerorum, abusus sacramenti, ad male-  
 ficia exercenda. Hæc enim, & his similia, licet hæreses non  
 sint, cum hæresis non sit in opere, sed in intellectu (vt su-  
 pra capite primo libri primi docuimus) vehementissimam  
 tamen præbent hæresis suspicionem.

*De magis, an sint hæretici censendi,  
 & velut tales puniendi.*

CAP. XIII.

**M**ulti sunt, proh dolor, homines, qui vero Deo illorū,  
 & aliorum omnium creatore relicto, ad dæmonem  
 omnium hominum capiralem hostem confugere non ve-  
 rentur: & cum à Deo, illi seruientes, omnia vere bona cer-  
 to sperare possent, dæmoni seruare, & illi per omnia obedi-  
 re malunt, à quo nil nisi malum recipere valent. Nam dæ-  
 mon ipse quamuis è sublimi illo statu, in quo à Deo condit-  
 us erat, propter insanam illam, prodigiosamq; superbiam, D  
 qua Deo se æquare tentauit, ad Inferos vsq; deiectus est, in  
 ea tamen cæca ambitione obstinatus hucusque persistit, vt  
 Deo se æquare contendat, & diuinos appetere honores non  
 vereatur. Quos cum in cælis ex quibus se deiectum con-  
 spicit, se iam assequi posse non speret, illos ab homini-  
 bus, quos certissime scit facilius decipi posse, accipere quo-  
 tidie procurat. Vt autem hos, quos tam anxie concupiscit,  
 diuinos assequatur honores, nihil intentatum relinquit.  
 Nam quosdam fraudibus decipit, transfigurans se (vt de  
 1. Cor. II illo refert Paulus Apostolus) in angelum lucis: alios variis,  
 prout quæq; concupiscere noscit, propositis donis, & præ-  
 miis allicit. Quibus fraudibus, & technis multos hætenus  
 vtriusque sexus homines seduxit: qui illum summe vene-  
 rantur, & tanquam Deum adorant. Non tamen omnes, qui  
 illi obediunt, eodem ritu, & ordine illum venerantur, nec  
 omnes eodem censentur nomine. Nam quemadmodum  
 Christiana religio varios continet intra se ritus, quibus ve-  
 rus colitur Deus: variæ etiam hominum congregationes,  
 qui licet habitu, & nomine ceremoniisque inter se diuersi  
 sint,

A ſunt, omnes tamen ad hunc tendunt ſcopum, vt Deum colant: & illi obediāt: ita ille ſuperbiæ parēs Sathanas, Deum in hoc imitari volens, plures ſui diabolici cultus habet profeſſores, qui licet diuerſo cenſeantur nomine, diuerſoſque habeant in dæmonis cultura ritus & mores, hoc tamen inter illos cōuenit, quod omnes laudant dæmonem, & illum venerantur, illiq; per omnia obedire procurant. Diuerſitas autem iſtorum variis modis conſiderari poteſt. Primo quidem conſiderari poteſt, ex diuerſitate mediolorum, quibus ad conſequendum id, quod optant, vtuntur. Sunt enim qui incantationibus mortuos ſuſcitare ſe dicūt, vt ab illis edoſti, de futuris aliquid prædicere, aut diuinare poſſint. Et hi (vt docet Auguſtinus lib. x. de ciuitate Dei) dicuntur Necromantici, quia *νεκρός* Græce, Latine dicitur mortuus, *μαντῖα* vero dicitur diuinatio. Necromantia igitur dicitur diuinatio ex mortuis habita, vel accepta. Alij dicūtur hydromantici ab aqua, quæ Græce dicitur *ὕδωρ*, ex cuius inſpectione umbras dæmonum euocare ſe putant, & imagines eorū videre, à quibus quod optant (vt ipſi aiunt) edocentur. Sunt alij ſimiles diuerſis nominibus appellati diuinatores, quorum nomina recensentur in capit. Episcop. xxvj. quæſt. v. de quorū diuinatione, quoniā in proxime præcedēti cap. diſſeruimus, ideo de illis nihil aliud dicere ſtatui. Poteſt etiā inter eos, qui dæmonē venerātur, altera cōſiderari diuerſitas, quæ ſumenda eſt ex diuerſitate earū rerum, quas dæmonis adiutorio exercent, & quas à dæmone impetrare cupiunt.

B De his omnibus ſigillatim hoc ordine diſſerere ſtatui, vt primo oſtendam, qui, & quales illi ſint, deinde inueſtigem, an ſint inter hæreticos recensendi, & velut tales puniendi. Sunt igitur aliqui, qui magna aliqua mirabilia ſe facere poſſe vehemētiffime cupiunt, vt per horum mirabiliū operationem, ab alijs ſuſpiciātur, & ſint illis in miraculum, & ſtuporē & ob hanc cauſam dæmoni ſe ſubdunt, vt illius auxilio, & potentia mirabilia multa facere poſſint. Hi (vt Auguſti. docet) vocantur magi, quales fuerunt illi, qui coram Pharaone (vt Exodi hiſtoria narrat) Moyſi reſtiterunt omnia illa mirabilia dæmonū auxilio facere conantes, quæ Moyſes dei virtute faciebat. Talis etiā fuit Simon ille, qui (vt Lucas in actibus Apoſtolicis refert) exiſtimat Dei donum pecunia poſſe poſſideri. Hic enim tot, tantāque mirabilia

Auguſti.

Exod. 7

Act. 8



bilia dæmonis auxilio operatus est, vt à Samaritanis, vnde C  
 originem traxerat, pro Deo habitus sit, & Romani (vt Iu-  
 stinus martyr in suo apologetico refert) publicam illi tan-  
 quam Deo statuam erexerint. Vt autem de istis certius, &  
 apertius definire valeamus, an heretici sint dicendi, an non,  
 hoc in primis animaduertere oportet, quod nullus magus  
 aliquid horum mirabilium operatur, sine aliquo pacto, in-  
 ter illum & dæmonem facto. Non enim gratis hæc om-  
 nia Sathanas docet, nec gratis suam magis impartitur  
 eam, quam habet potentiam, sed aliquid ab ipso mago  
 recipit, vt illum ad illa mirabilia perpetranda iuuare ve-  
 lit. Consideranda igitur est ante omnia ipsius pacti quali-  
 tas, & conditio: quoniam inde magna huius rei notitia  
 pendet. Pacta autem ista dupliciter fieri contingit, quo-  
 niam quædam aperte, & expresse fiunt, alia vero non, nisi  
 tacite & latenter. Pactum apertum, & expressum est, quod  
 cum ipsomet dæmone emittitur, & illi in propria perso-  
 na datur, Et hoc iterum duplex. Est enim aliquod publi-  
 ce, & solenniter factum, est etiam aliud priuatim, & sine  
 vlla prorsus solennitate factum. Pactum publicum & so-  
 lenne est, quod fit cum dæmone sedente in solio regali, & D  
 multitudine suorum subditorum stipato, in generali qua-  
 dam congregatione veluti in quibusdam commitiis gene-  
 ralibus, quo omnes, qui sub dæmone militant, & illi no-  
 mina dederunt, conueniunt. Ibi enim coram omnibus illis  
 promittunt aliqui (vt longius infra dicemus) dæmoni obe-  
 dientiam, & illius mandata se per omnia seruatu-  
 ros vouent Deo, & omnibus operibus eius renunciant, aliæque  
 innumera scelera se patratu-  
 ros iurant. Qua per illos emis-  
 sa promissione, dæmon illis statim promittit se illis datu-  
 rum ea, quæ scit illos concupiscere. Non enim omnibus  
 omnia promittit, sed quo quisque plus se dæmoni tradit,  
 & plura in illius honorem se facturum spondet, eo plu-  
 ra etiam dæmon illi promittit, & plura condonat. Pa-  
 ctum priuatim & expressum est, quod cum ipso fit dæ-  
 mone promissionibus vltro citroque datis, nulla tamen  
 habita solennitate, nullisque etiam adhibitis testibus. Quæ  
 autem dæmon promittit se illis daturum, pro viribus præ-  
 stare laborat, ne si mendax in promissis inueniatur, hi qui  
 illi se dederant, ab eo iterum recedant, & sic amittat, quos  
 iam

A iam velut seruos habebat. Sunt tamen aliqua non pauca, quæ dæmon minime efficere valet: quia aut suas naturales vires excedunt, aut licet eas non excedunt, Deus tamen sine cuius nutu nihil agere potest dæmon. illa agere non permittit. Si quid igitur horum dæmon illis promissit illusionibus quibusdam, & præstigiis sic illos saepe fallit, ut illi putent id, quod à dæmone sperabant, se assequutos fuisse. Pactum tacitum cum dæmone est, quod quis facit non cum dæmone, sed cum eo, qui est dæmonis discipulus, & seruus promittens illi obedientiam integram & absolutam, & renunciat Deo, & fidei Catholicæ, & reliqua omnia spondet, quæ ipsi dæmoni alij promittunt. Is autem cui hæc promittuntur, vice versa promittit illis, quod propter hæc multa magna, & mirabilia assequantur. Hoc autem pactum quamuis non cum ipso dæmone factum, dæmon ipse ratum habet, & omnia in illo contenta, perinde adimplere nititur, ac si fuissent ab eo promissa. Quo fit, ut non solum illi, qui expressum, sed etiam qui tacitum cum dæmone pactum fecerunt, multa insolita, & stupenda, dæmone illos adiuuante faciât, aut facere videantur. De his omnibus non incongrue dici potest id, quod de alijs peccatoribus Dominus per Esaiam prophetam dixit: Percussimus *Esa. 28* fœdus cum morte, & cum inferno fecimus pactum. His igitur annotatis, ut sciamus de mago aliquo, an hæreticus ille sit, an non, duo sunt consideranda. Primum est ipsius pacti, quod cum dæmone fecit qualitas, & conditio, siue tacitum illud sit, siue expressum nihil refert. Si per pactum illud promissit se adoraturum dæmonem, & alios diuinos honores illi daturum, & hoc, vel aliquod aliud simile promissit: quia ita faciendum esse credidit, merito proculdubio ille censendus erit hæreticus: quia dæmonem <sup>1</sup> eum esse credit, quum illum tanquam Deum adorat, aut adorare promissit, & venerari. Nam verus Deus creator omnium, qui loquutus est per os sanctorum, qui à seculo sunt prophetarum eius, per Esaiam prophetam loquens *Esa. 45* ait: Ego Dominus, & non est alius: extra me non est Deus. Et in eodem loco iterum. Ego Dominus & non est alter. Et rursum: Nunquid non ego Dominus, & non est ultra Deus absque me? Si nullum fecit pactum de re, fidei catholicæ repugnante, quod rarissime contingere potest,

quoniam (vt diximus) nunquam solet dæmon gratis, & sine aliqua certa lucri spe eam quam habet potentiam hominibus impartiri, & per illam hominibus ad eorū nutum inferuire, tunc magus ille erit examinādus, quid de dæmonis potestate credat. Si certo cognosci potest illum credere de dæmone, quod possit aliquid, quod Deo soli cōuenire fides catholica docet, erit sine vlla dubitatione hæreticus censendus. Vt gratia exempli, si credit dæmonem posse aliquid creare, prout Manichæi, & Priscillianistæ dixerunt, aut credit dæmonem posse mortuos suscitare, quod re vera solius diuinæ potentiae est proprium. Nam licet fide credimus animam humanā à solo Deo creari posse, ita etiam fide tenendum est solū Deum posse eandem hominis animam corpori humano vnire. Hoc enim ratione naturali certo, & euidenter scimus, quod nulla forma substantialis potest alicui materiae velut illius forma vniri: nisi à solo illo agente, qui posset illam producere. Agens quod non potest formam substantialem producere, nec potest etiam illam materiae vnire, quoniam sic vniendo videretur ipsum compositum ex materia & forma producere. At ineptia est maxima dicere, quod aliquod agēs producat aliquod compositum, cuius nec materiam, nec formam producere potest. Deus igitur, qui solus animam hominis producere, & creare potest, etiam solus potest illam postquam à corpore suo separata fuerit, iterum eidem corpori vnire. Nam alias ille, qui animam corpori vniret, hominem illum fecisse diceretur, quod nefas est dicere dæmonem hoc facere posse: quia dicente Deo, Faciamus hominem ad imaginem, & similitudinem nostram, aperte nos docuit; ipsius hominis productionem tantam esse, vt propagatione seclusa, soli Deo conuenire possit. Forte quis hic mihi obieci-

*Genes. 1* ciet Samuelem, qui (vt Regum narrat historia) per phantasmam suscitatus est, & interrogatus responsa dedit Regi Sauli. Huic obiectioni dupliciter respondere possumus, prout Augustinus in epistola ad Simplicianum docet. Primo quidem dici potest iuxta illum, non fuisse Samuelis animam, quæ apparuit, & cum Saule loquebatur, sed quoddam phantasma, & illusio imaginaria diaboli. machinationibus facta, quam scriptura sacra in lib. i. Reg. & in Ecclesiastico Samuelē vocat, eo loquutionis tropo, quo imagines

*1. Reg. 28*

*Eccle. 46*

**A** gines suarum rerū nominibus solent appellari. Nam imagines illæ Cherubin, super arcam testamenti existentes, Cherubin appellantur in sacra scriptura, cum tamen re vera non essent Cherubin: sed illorum imagines. Et Pincerna ille Pharaonis in carcere cum Ioseph existens, vitem *Genes. 40* se in somnis vidisse dixit, in qua erant tres propagines, cum tamen nec vitem, nec propagines vidit: sed solas illarum rerum imagines. Iuxta hunc modum etiam angeli, qui olim à Deo ad homines mittebantur: dicebantur in veteri testamento Dij, ob hoc solum quia Deum à quo mittebantur, repræsentabant. Nam de Angelo illo cum quo luctatus fuerat Iacob loquens dixit: Vidi Dominum facie ad faciem, & salua facta est anima mea. Non enim Deum videbat Iacob (vt omnes sacri doctores concorditer docent) sed Angelum à Deo missum, qui propterea quòd speciali quodam modo Deum, à quo missus erat, repræsentabat Deus, aut Dominus à Iacob dictus est. Sic etiam potuit illa Samuelis imago, quam dæmon ob oculos Saulis posuit, dici Samuel. Si vero scrupulus aliquem vrget, vt non imaginem Samuelis: sed ipsum Samuelem *Genes. 32* suscitatum esse credat, propterea quod is, qui apparuit, vera Sauli prædixit, quæ à maligno spiritu dici non poterant, propterea quod nihil de futuris certum ille præcognoscere potest, præsertim de illis, quæ non à solis necessariis causis eueniunt. Hunc scrupulum tollit Augustinus, in illa præfata epistola, sic inquit: Potest & illud *August.* videri mirum, quod dæmones agnouerunt Christum, quem Iudæi non agnoscebant. Cum enim vult Deus etiam infirmos spiritus aliqua verà cognoscere temporalia duntaxat ad istam mortalitatem pertinentia, facile est nec incongruum, vt omnipotens, & iustus (ad eorum poenam, quibus ista prædicuntur, vt malum, quod imminet, antequam veniat, patiantur) occulto apparatu, videlicet mysteriorum suorum talibus spiritibus aliquid diuinationis impartiat, vt quod audiunt ab angelis prænuncient hominibus. Tantum autem audiunt, quantum omnium moderator Dominus iubet, vel finit. Hæc Augustinus. Secundo dici potest, iuxta Augustini sententiam, quod is, qui Sauli apparuit, fuit verus Samuelis spiritus à dæmone adductus, Deo id permittente propter aliquam rationem nobis



occultat. Nam cum Christus permiserit se à diabolo assumi, & super pinnaculum templi portari, & super montem excelsum collocari, non est mirum, quòd animam Samuelis ab inferis portare fuerit permissus, præsertim cum ipsa Samuelis anima prope infinitum minoris sit excellentiæ, quàm ipse Christus. Aut certe dato quòd fuerit verus Samuelis spiritus is, qui Sauli apparuit, dici melius poterit, illum non aliqua arte magica, aut dæmonis potestate ad hoc permissa: sed diuina potentia & dispositione, quæ pythoniissam, & dæmonem latebat, fuisse illuc adductum, vt Sauli sententiam diuinam propter sua demerita super eum proxime venturam prænunciaret, quemadmodum ipsemet dum viueret eidem Sauli nunciauit illum esse ex Dei decreto à regno deiectum. Si autem aliquis eam sententiam magis probare voluerit, quæ ait animam Samuelis fuisse à dæmone ex Dei permissione ab inferis suscitatum, hoc summe cauere debet, ne credat, aut suspicetur animam illam fuisse suo proprio corpori restitutam, aut alicui alteri corpori sic infusam, vt ex illa coniunctione corporis, cum illa anima, verus & integer fuerit homo conflat, qualis ante mortem suam fuerat. Talem enim coniunctionem corporis cum anima, neque etiam Deo permittente dæmon ex suis viribus facere potest. Et certe Augustinus, qui admittit animam hominis potuisse à dæmone ex Dei permissione ab inferis ad superos adduci, non admittit dæmonem potuisse illam corpori infundere. Ad solum enim motum localem dicit animam Samuelis potuisse dæmonis potestati subesse, vt posset illam de loco ad locum, illa inuita mutare. Nam ad hoc solum valet exemplum, quòd attulit de Christo, quem diabolus, de deserto ad ciuitatem Hierusalem transtulit, & posuit supra pinnaculum templi. Hoc tamen inter illa duo interest, quòd Christus non inuitus: sed se permittente, ductus est à dæmone. Anima vero etiam inuita potest à dæmone, quo illi placuerit duci, nisi dæmon sit à Deo ad hoc faciendum impeditus. Quisquis igitur hanc probare voluerit sententiam, vt dicat veram animam Samuelis à dæmone ex Dei permissione fuisse coram Saule adductam, horum alterum illum dicere oportebit, aut animam illam non fuisse vero corpori, sed phantastico, & apparenti tunc coniunctam, cui

non,

**A** non, vt vera illius forma vniebatur, sed solum illi adfistebat vt motrix illius: aut si in vero corpore, cui vere, vt forma illius vniebatur, illam apparuisse dicat, talem animæ cum corpore vnionem à solo Deo factam esse ille dicere cogetur, ne hominem (quod impium est) à dæmone fieri posse dicat. Si quis vero contendit dæmonem posse animam hominis corpori vnire, is certe testimonio beati Leonis, huius nominis primi damnatur, qui in epistola ad Toribium Astorigensem Episcopum disserens de errore Priscilliani dicentis animas, quæ humanis corporibus inferuntur, fuisse in corpore, & in cœlesti habitatione peccasse, atque ob hoc à sublimibus ad inferiora dilapsas in diuersæ qualitatis principes incidisse, & per æreas, ac fidereas potestates alias duriores, alias mitiores, corporibus esse inclusas, sic ait. Quam impietatis fabulam ex multorum sibi erroribus texuerunt: sed omnes eos catholica fides à corpore suæ vnitatis absceidit, constanter prædicans, atque veraciter quod animæ hominum priusquam suis inspirentur corporibus, non fuere, nec ab vllò incorporarentur nisi ab opifice Deo, qui & ipsarum est creator, &

**B** corporum. Hæc Leo Papa, qui fide catholica tenendum esse docet, animas à solo Deo corporibus humanis infundi. Cum igitur magus aliquis mortuum aliquem suscitare se dixerit, nequaquam est illi credendum: quia nec dæmon ipse, à quo iuuatur, hoc facere potest. Poterit quidem Deo permittente, & dæmone fauente animam solam alicuius defuncti ab inferis ad superos adducere, & corpori alicui phantastico, ad imaginem, & similitudinem corporis defuncti conflato illam infundere, non quidem, vt formam illi coniunctam: sed tanquam illius morticem. Et quia hoc dæmon facere potest, hinc est, quod ipse dæmon huiusmodi illusionibus, & præstigiis magos ipsos, & alios insipientes decipit, vt putent illum posse mortuos suscitare. Quisquis tamen hoc putat, impius est & hæreticus: quia creaturæ, hoc est, dæmoni tribuit id quod soli Deo cōuenit. Nam vnum ex præcipuis testimoniis, quo (vt concors omnium sanctorum doctorum sententia tenet) Christus suam nobis manifeste declarauit diuinitatem fuit mortuorum suscitatio. At si hæc mortuorum suscitatio dæmonum potestate fieri posset, non satis bene suam diuinitatem illo argumēto no-

Leo papa

*Lucia.**Apule.**Augu.*

bis probasset Christus. Est adhuc aliud considerandum circa  
 daemonis potestatem, mutare videlicet homines in pec-  
 cora, aut volucres, aut quaecunque alia bruta animalia, de  
 quo magum examinandum esse censeo, & diligentissime  
 interrogandum, an credat illud daemonem facere posse.  
 Nam & magi sapissime hoc se facere dicunt, & de his mul-  
 ta olim facta esse fabulosa narrauit gentilitas. Quae om-  
 nia apud multos fidem obtinuerunt propter vanam & le-  
 uem Graecorum credulitatem, quae eousque processit, ut  
 nullum fuerit tam impudens mendacium, quod teste, ac  
 proinde fide apud illos caruerit. Lucianus scribit, se quum  
 in Thessalia noscendae magiae causa versaretur, mutatum  
 in asinum, dum auem fieri optaret. Non quidem quod  
 hoc illi contigisset: sed (ut opinor) ad artis magicæ irri-  
 sionem, & subannationem, hoc confixit argumentum ho-  
 mo, qui neminem, nec Deos ipsos non subannauit. Idem  
 argumentum postea Apuleius suscipiens scripsit librum  
 de aſino aureo, ut suam ostentaret eloquentiam, quan-  
 quam multorum opinione id, quod optauit, non est asse-  
 quutus. Circen famosissimam magam socios Vlyſſis mu-  
 tasse in bestias finxit potius, quam narrauit Homerus. Dio-  
 nedis socios post troianum excidium in volucres fuisse  
 conuersos refert Ouid. lib. xiiij. Metam. Et beatus Augu-  
 stin. lib. xvij. de ciuitate Dei, cap. xvij. refert se, cum in Ita-  
 lia eſſet, similia quaedam audiuisse de quadam regione il-  
 larum partium, vbi stabularias mulieres imbutas his ma-  
 lis artibus, in caseo dare solere dicebant quibus vellēt, seu  
 possent viatoribus, vnde in iumenta illico verterentur, &  
 necessaria quaeque portarent: perfunctaque opera, iterum  
 ad se redirent: nec tamen in eis mentem fieri bestialem, sed  
 rationalem, humanamque seruari. Quae vana, & leuis cre-  
 dulas à Gentilitate, praesertim ab antiqua illa Graecia or-  
 tum habens, ad nostra vsque tempora processit, in quibus  
 non desunt homines, qui credant, homines in lupos, aut ca-  
 nes, aut cattos, magorum incantationibus, & daemonum  
 potentia conuerti posse. Si magus hæc, aut his similia à da-  
 mone fieri posse credat, erit proculdubio hereticus censen-  
 dus, quia ea daemone tribuit, quae omnem superant natura-  
 lem creaturae potentiam, & quae soli Deo conuenire pos-  
 sunt. Nam (ut ex proxime praecedentibus constat) sicut so-  
 lus



**A**lus Deus potest animam humanam producere, ita etiam ille solus potest illam corpori vnire: & inde sequitur, vt etiam ille solus possit illam de corpore in corpus transferre. Præterea anima humana talis est, & tantæ nobilitatis, vt non nisi corpus humanum, & organicum informare & animare possit. Nam sicut quælibet forma substantialis exigit certas aliquas dispositiones in materia, vt illam fouere, & informare possit, veluti forma ignis requirit calorem in materia, forma arboris, aut herbæ requirit humiditatem, aut viriditatem: ita anima humana requirit in corpore figuram humanam, vt corpus illud animare, & vegetare possit. Non tamen puto sic talem corporis figuram requiri, vt Deus non possit animam hominis si vellet, corpori bruto vnire, Deus tamen hoc nunquam facere decreuit, qui ab initio hominem creans, animam illius non nisi corpori organico infudit, talémque illum in corporis figura tunc fecit, qualis perpetuo postea faciendus erat. Et ob hanc causam dicimus animam hominis, si ad ordinem, & potentiam naturæ referatur, non posse: nisi corpus humanum vegetare. Non est igitur credendum vl-

**B**la dæmonum potentia posse homines in iumenta, aut aues aut alia bruta animalia mutari. Si quis vero obijciat ea, quæ Circen illam magam olim fecisse poetæ referunt, & quæ hodie à multis magis fieri dicuntur, his omnibus eleganter, & ingeniose respondet Augusti. lib. xvij. de ciuitate Dei, cap. xvij. sic inquit: Nec sanè dæmones naturas creant, si aliquid tale faciunt, de qualibus factis ista vertitur quæstio: sed specie tenus, quæ à Deo sunt creata commutant, vt videantur esse, quod non sunt. Non itaque solum animum: sed nec corpus quidem vlla ratione crediderim dæmonum arte, vel potestate in membra, vel lineamenta bestialia, veraciter posse conuerti: sed phantasticum hominis, quod etiam cogitando, siue somniando per rerum innumerabilia genera variatur, & cum corpus non sit, corporum tamen similes mira celeritate formas capit, sopitis, aut oppressis corporeis hominis sensibus, ad aliorum sensum, nescio quo ineffabili modo figura corporea posse perducitur: ita vt corpora ipsa hominum alicui iaceant, viuientia quidem, sed multo grauius, atque vehementius, quàm somno suis sensibus obsecratis. Phantasticum

*Aug.*



autem illud veluti corporatum in alicuius animalis effigie appareat sensibus alienis, talisque etiam sibi homo esse videatur, sicut talis sibi videri possit in somnis, & portare onera, quæ onera si vera sunt corpora, portantur à dæmonibus, ut illudatur hominibus, partim vera onerum corpora, partim iumentorum falsa cernentibus. Hactenus Augusti. Et ad probationem huius suæ sententiæ, qua dicit illa non vera esse, sed dæmonum illusiones, adducit experientiam ipsam, quæ multa vera docere solet. Ad ipsam autem experientiam comprobendam, duo narrat facta, in quibus id, quod dixit verum esse, certissime cognitum est. Quibus narratis, postea iterum sententiam suam explicat sic inquires. Proinde quod homines dicuntur, mandatūque est literis à Diis, vel potius dæmonibus Arcades in lupos solere conuerti, & quod carminibus Circe socios mutauit Vlysis, secundum istum modum mihi videtur fieri potuisse, quem dixi: si tamen factum est. Diomedæas autem volucres, quandoquidem genus earum per successionem propaginis durare perhibetur non mutatis hominibus factas, sed subtractis credo fuisse suppositas, sicut cerua pro Iphigenia Regis Agamemnonis filia. Neque enim dæmonibus iudicio Dei permisis, huiusmodi præstigiæ difficiles esse potuerunt. Sed quia illa virgo postea viuā reperta est, suppositam pro illa ceruam esse facile cognitum est. Socij verò Diomedis, quia nusquam subito comparuerunt, & postea nullo loco apparuerunt, perdentibus vltoribus angelis malis, in eas aues, quæ pro illis occulte ex aliis locis, ubi est hoc genus auium, ad ea loca perductæ sunt, ac repente suppositæ, creduntur esse conuersi. Hucusque Augustinus, qui rem totam luculenter, & ingeniose (ut solet) explicuit. Iuxta hunc modum, quem Augustinus docet, sunt intelligenda multa alia, quæ magos facere posse, vana, & leuis gentilitas credidit. Nam (ut cætera ridicula pertranscam) fuit gentilitati persuasum, magicis incantamentis detrahi cælo lunam, aut solem obscurari. Ideo Ouidius de Medea loquens, dixit: Illa reluctantem cursu deducere lunam Nititur, & tenebras addere solis equis. Et Vergilius in Pharmaceutria. Carmina vel cælo possunt deducere lunam. Adiuuari putabant lunam sic laborantem sonitibus permagnis, ne voces incantantium eo possent

*Ouid.*

*Vergil.*

A possent peruenire, vt ab ea exaudirentur, idcirco tympana & cymbala pulsabantur. Nam hæc omnia plurimum prodelle putabant. Vnde Propertius ait: Cantus & è curru lunam deducere tentant. Et facerent, si non æra repulsa sonent. Et Iuuenalis de formina loquacissima loquens, *Propertii.*  
*Iuuenal.* Satyra sexta dixit. Vna laboranti poterit succurrere lunæ. Hæc omnia virtute dæmonum fieri nequeunt, qui naturæ ordinem à Deo institutum permutare non possunt. Sed (vt Augustinus de alijs rebus dixit) diabolica illusione similitudines, & phantasmata illarum rerum dæmon ob oculos hominum sic subtiliter, & artificiose ponebat, vt homines crederent se non similitudines, & phantasmata: sed veras res vidisse. Ad cuius sententiæ confirmationem præter exempla, quæ ille adduxit, alia multa possunt afferri, è quibus vnum solum referam, quod narratur in vitis patrum. Iuuenis quidam inuenculam ardentem amabat, eamque ad actus venereos, vt sibi consentiret quotidie sollicitabat. Quam, quia nunquam consentire voluit, quidam Iudæus magus ad iuuenis petitionem, in equam conuertit, vt sibi, & alijs aspicientibus videatur. Ob hanc causam illa ad beatum Macharium ducta est, qui illam aspiciens dixit, sibi mulierem, & non equam videri. *B* Non enim potuit dæmon sancti viri sensus illudere, quem admodum aliorum sensus illuserat. Hic igitur Deum pro illa orans, suis precibus à tali illusione eam liberauit. Denique hæc sententia confirmatur autoritate concilij Anquirensis, quod de hac re apertissimam dedit definitionem, sic inquiens. Quisquis credit posse fieri aliquam creaturam aut in melius aut in deterius immutari, aut transformari in aliam speciem, vel in aliam similitudinem, nisi ab ipso creatore, qui omnia fecit, & per quem omnia facta sunt, proculdubio infidelis est, & pagano deterior. Hæc concilium Anquirense, vt citantur à Gratiano in cap. episcopi, xxix. q. v. Nam huius concilij decreta non reperiuntur inter illa, quæ duobus voluminibus magnis conclusa, anno ab hinc octauo impressa sunt Colonia. Sunt enim illic decreta concilij Ancyran, & suspicatus Gratianus litteram mendosam (prout aliàs sæpe in illo Gratiani volumine contingit) ita vt pro Ancyrano positum esset Anquirense, omnia concilij Ancyran decreta perlegi, sperans

prælatum decretum illic inuenire: sed nihil tale in concilio Ancyrano reperi. Collector tamen illorum conciliorum, post Ancyrani concilij decreta hoc addidit, dicens se in quodam codice manu scripto illud inuenisse. C

*De maleficiis, an sint hæretici dicendi, & velut tales puniendi.* CAP. XV.

**I**Nter multos, quos sub suo imperio dæmon continet homines, qui illum inuocant, & pactum cum illo faciunt, ut illius adiutorio ea, quæ optant efficere valeant, quidam recensentur, qui ab operibus suis malefici appellantur, propterea quod tam malignantis, & pestiferi sunt ingenij, ut nulli bene: sed dæmonem ipsum imitantes, male multis facere optent, & ob hoc solum dæmonis imperio se subdunt, ut ab illo doceantur, quo pacto aliis obesse possint. Nam licet magi, & incantatores, de quibus in præcedenti capit. disseruimus, possint etiam hæc maleficia dæmonis auxilio operari, non tamen ob hanc maleficiorum peritiam magi: sed malefici vocantur proprio vocabulo, prout ex ipsa vocis etymologia facile constare potest. Nam in l. nemo. C. de maleficiis, & mathematicis, dicitur huiusmodi homines ob facinorum magnitudinem maleficos à vulgo appellari. Huiusmodi autem maleficorum multa sunt genera, quæ non secundum varietatem mediorum, & instrumentorum, quibus malefici in sua arte vtuntur: sed iuxta diuersitatem malorum, quæ in aliis efficiunt, distinguuntur. Est enim aliquod maleficium, quod dicitur amatorium, est etiam aliud quod dicitur veneficum, & hoc etiam multiplex iuxta multiplicitatem nocumentorum, quæ per illa hominibus inferuntur. Maleficium amatorium est, quod fit ad flecendos animos virorum, aut mulierum ad libidinosum, & turpem amorem. Et qui hoc exercent, quocunque modo id faciant, grauiter peccant: quoniam (ut aperte constat) ad rem malam, & expresse à Deo prohibitam, sollicitant. Rem autem malam, quæ sine peccato exerceri potest, nullus sine peccato consulere alicui potest, neque ad illam sollicitare. Nam (ut ait Paulus) non solum, quia talia agunt sed qui agentibus consentiunt, digni sunt morte. Maleficium veneficum est, quod fit ad nocumen-



**A** tum aliquod alicui inferendum: Solent enim multifariam huiusmodi homines nocere. Aliquando enim illis in propriis illorum personis nocent: aliquando in possessionibus eorum, aut in rebus illis coniunctis. Nam hi malefici sæpe dæmonis operatione secreta homines cito interimunt, sine aliqua propinatione veneni. Aliquando vero non tam celeriter eos è vita tollunt: sed mortem in longum temporis spatium producunt, vt post longas luctuosasque querelas, & miserabiles fletus, corpus personæ, quæ est maleficio infecta, paulatim conteratur, & debili-retur quousque tandem pereat. Propter hæc & alia nocu-menta, quæ corporibus inferre solent humanis, in l. finali. *C. de maleficiis & mathema.* vocantur hostes communis salutis. Hi oues, & boues, & reliqua bruta animalia, quæ forte pinguisima erant, breuissimo temporis spatio, ma-cilenta aliquando efficiunt, aliquando prorsus interficiunt. Hi homines matrimonio coniunctos sic sæpe ligant, vt ad opus generationis minime commisceri possint. Hi sunt, qui (vt dicitur in l. multi. *C. de malefi. & mathe.*) elementa turbant, aërem immutant, ventos, & tempestates suscitant, grandines, & lapides terrificos, qui frumenta, & fruges om-  
**B** nes deuastent, ex alto descendere faciunt: Vt autem hæc omnia facere possunt, variis vtuntur hi homines instrumen-tis, & mediis. Aliquando manifesta venena, in cibo, aut po-culo, aut veste, aut alia re, quæ personam illam contingat, propinant. Aliquando nihil tale illi præbent: sed imagines quasdam, certis temporibus obseruatis, & determinatis car-minibus, & ritibus quibusdam, & signis conficiunt, quas in nomine Beelzebub Principe dæmoniorum baptizant, ad-hibitis & expressis quibusdam aliis verbis, quæ vel re-ferre non licet, nec si liceret, sine magno horrore, & tre-more animi id facere possem. His sic peractis prædictas imagines ad ignem applicant, & ibi petunt infirmitates, aut alia mala, quæ in persona illa, cuius imaginem con-fecerunt, euenire optant. Quandoque etiam acubus, aut aliis acutis ferris perforant illius imaginis caput, aut pe-ctus, aut ventrem, aut femora, aut aliam corporis par-tem, in qua cupiunt malum aliquod oriri in persona, cui nocere cupiunt. Quibus omnibus perfectis, sæpe contin-git, vt persona illa cui nocere maleficus procurauit, graui-



*Lucan.*

ter torqueatur, & doleat in capite, aut stomacho, aut ventre, aut repentinam quandam toleret infirmitatem, quam nullus medicorum cognoscere valet. Aliquando solis verbis ex ore suo prolatis nocent, de quibus Lucanus dixit. Mens hausti nulla sanie polluta veneni, Incantata perit. Quæ omnia dæmonum operatione fieri, duplici potest ratione probari. Prima sumitur ex eo, quod in his omnibus necesse est scribi quasdam figuras, quæ naturaliter intelligi non possunt, & quædam dæmonum nomina prorsus ignota, & penitus horrenda, quamvis aliis sanctis nominibus mista, illic scribuntur, quæ non nisi ad pactum cum dæmone initum implendum, posita esse credendum est. Secunda ratio per hoc evidentissime conuincit, quod ille imaginum compositiones, & tactus, aut illi characteres, aut verba prolata, non possunt ex sua natura mortem, aut morbos aliquos, aut nocumentum aliquod in corporibus humanis efficere. Quoniam si hæc operandi vis esset huiusmodi rebus concessa, omni tempore, & omni loco, & omni subiecto eiusdem qualitatis, & dispositionis illa operaretur. quisquis similes imagines, aut characteres efficeret, aut similia verba proferret. Cõstat autem quod si alius nullum cum dæmone pactum habens tales characteres faciat, aut talia verba proferat, nihil efficiet. Ex quo evidentissime colligitur, tales morbos, aut alia quæuis nocumenta, nullo pacto virtute imaginum, aut verborum fieri. Et inde cõuincitur, vt hæc ab ipsis dæmonibus, cum quibus malefici pactum siue publicum, siue priuatum iniiciunt, fiant. Nam ipsi dæmones, qui acutissimi sunt, lapidum, atque herbarum, cæterarumque rerum naturas, & proprietates optime norunt, melius quàm omnes medici, & physici, qui in orbe fuerunt. Dæmon enim peccans (vt beatus Dionysius libro de diuinis nominibus cap. iij. docet) substantiam, & proprietatem suæ naturæ angelicæ non amittit: sed omnia naturalia integra, & splendidissima retinuit. Hic igitur cum perspicacissimū habeat intellectum, facillime noscit ea, quæ mortem, aut morbos, aut cruciatum, aut alia quæuis nocumenta homini inferre possunt. Scit miscere simplicia ex quibus venena cõfici possunt, quæ tale valeant homini nocumentum inferre, quale optatur. Cum igitur dæmon magnam huiusmodi rerum peritiam, habeat

**A** habeat, quando tales imagines (vt diximus) acubus pun-  
guntur, aut characteres fiunt, aut verba proferuntur, Deo  
parmittente, ille venena, quæ homini cuius imago perfo-  
ratur, nocere possint, secreto & inuisibiliter adhibet, & sic  
naturali potestate, & virtute venenorum dæmon facit ea;  
quæ maleficus efficere optat. Quæ venena, quia maleficus  
sæpe ignorat, nec illa adhibere videt, putat ea omnia, quæ  
sunt, virtute talium imaginum, aut characterum, aut ver-  
borum fieri, quæ tamen neque ab imaginibus, neque à figu-  
ris, aut verbis vllis, neque à dæmone ipso: sed ab aliis agen-  
tibus, ad hoc virtutem naturalem habentibus sũt, quæ per  
dæmones ipsos, qui illorum agentium virtutem agnoscũt,  
latenter applicantur, & admoventur, vt in ipsis corporibus  
humanis, ea, quæ maleficus cupit, efficiant. Et contingit  
sæpe, vt qui hæc maleficia operantur, remedia his malis,  
quæ intulerunt adhibere nesciant: quia non amplius dæ-  
mon eorum magister eos docuit, vel (vt rectius loquar) non  
amplius dæmon illis promisit. Sunt tamen a hi, qui optime  
vtrunque nouerunt, videlicet nocere, & nocumento à se,  
vel ab aliis illato remedium adhibere. De qua re lectorem  
**B** admonere decrui, vt intelligat huiusmodi maleficos ho-  
mines, non solum grauiter peccare, cum nocent: sed etiam  
quando nocumento à se, aut alio illato, remedium per hu-  
iusmodi diabolicam artem præstant, vt maleficium opera-  
tum obesse nõ valeat. Nam licet sic operâtes proximo læ-  
so prosint, tamen (vt ait Paulus) non sunt facienda mala, vt  
inde veniant bona. Mala est autem dæmonum inuocatio; Rom. 3  
malum est etiam & pessimum, cum dæmone pactum ali-  
quod siue expressum, siue tacitum facere: malum igitur, &  
pessimum est maleficium iam adhibitum soluere si nõ alia-  
ter quàm per dæmonis inuocationem, & illius auxiliũ sol-  
uendum est. Id enim quod ex se malum est, nõlla adhibita  
bona intentione, nec quacunque alia bona circũstantia ad-  
iuncta poterit bonum esse. Quo fit, vt licet bonum sit pro-  
ximorum incommodis obuiare, non tamen bonum sit ma-  
leficia facere, ad proximorum nocumenta tollenda. Iustus  
quod iustum est (inquit Dominus) exequeris. Si tamen ma-  
leficium adhibitum tale esse dignoscitur, vt naturali aliqua Dint. 16  
virtute, sine vlla dæmonis inuocatione, & sine vlllo pacto  
eum illo inito, impediri possit illius operatio, tũc bonum  
&

& meritorium erit illud maleficium dissolvere, tātum ab-  
 est, vt peccatum dici queat. Potest etiam per orationes san-  
 ctorum virorum tolli maleficium ne suum cōsequatur ef-  
 fectum. Similiter etiam potest licite maleficium impediri,  
 si imago illa, cui est acus infixā, aut aliud simile instrumen-  
 tum per quod faciendum est maleficium, inueniretur &  
 confringeretur. Tunc enim dæmon non amplius illum fa-  
 tigaret, quia ex pacto quod cum malefico fecit, nō assistit:  
 nisi quandiu signum aliquod ab eo datum permanet. Sed  
 questio non parui momenti est, an liceat ab eo qui malefi-  
 cia exercet, & paratus est quotidie illa exercere, petere, vt  
 maleficium alicui adhibitum dissoluat, aut impediat, ne  
 operationem suam exercere valeat, præsertim si credit il-  
 lum non nisi dæmonis auxilio, & operatione maleficio-  
 rū illud posse dissolvere. Angelus de Clauasio in sua sum-  
 ma, in titulo: Superstitio. §. xiiij. citat Petri Aureoli de hac  
 re sententiam, & probat illam; qui quarto sententiarum  
 distinct. xxxiiij. quæst. ij. dicit licite hoc posse peti à quo-  
 cunque malefico, quem scitur esse paratum ad huiusmodi  
 maleficia exercenda. Hanc autem suam sententiā per hoc  
 persuadere nititur, quod cuicunque licet malo alterius vti  
 ad commodum suum. Pro qua re affert testimonium Au-  
 gustini dicentis, licitum mihi esse vti ad commodū meum  
 iuramento hominis infidelis, quamuis sciam illum iura-  
 turum per Deos suos falsos, quos colit. Posset etiam pro  
 eadem re afferri simile de illo, qui mutuum petit ab eo,  
 quem scit non nisi ad vsuram daturum. Hæc autem petitio  
 omnium doctorum consensu licita est. Ex quo sequi vide-  
 tur vt etiam liceat cuicunque petere ab eo, qui paratus est  
 maleficium facere, vt maleficium inceptum impediat. Sed  
 his omnibus non obstantibus, ego oppositam teneo senten-  
 tiam, & dicō Petrum Aureolum, & Angelum de Clauasio,  
 qui illum sequutus est, fuisse in hac parte deceptos, eo quod  
 non bene rem considerarunt, ac proinde non viderunt,  
 quam lata sit differentia inter propositum negotium, &  
 alia exempla, quæ loco similitudinis adducta sunt. Nam  
 quod ille, qui petit à malefico, vt maleficium malefi-  
 cio dissoluat, peccet, vel ex hoc euidentissime conuinci-  
 tur, quod ipsemet maleficus (vt paulo ante diximus) gra-  
 uiter peccat cum diabolica arte inceptum maleficium tol-  
 lit,



**A** lit, ne ad operationem perueniat. Fieri igitur non potest, vt ille, qui à malefico petit, vt arte diabolica maleficium inceptum dissoluat, non peccet. Quisquis enim petit ab alio, vt faciat id, quod sine peccato facere non potest, peccat: quia sic petens consentit iniquitati alterius inducendo illum ad peccatum. Certum est autem, quòd sicut par poena, ita etiam par reatus constrinxit agentem, & consentientem. Nec petens excusari potest à peccato hac ratione, quod maleficus ille, à quo petit paratus erat ad cuiuscunque petitionem maleficium operari. Nam & si ille paratus esset, non tamen hoc particulari maleficium fuisset operatus, nisi ille petiisset. Ex quo euidenter conuincitur, illius petitionem causam fuisse proximam; quod maleficus ille particulare illud maleficium fuerit operatus. Causam enim dicimus illam, qua posita ponitur effectus, & qua remota remouetur. Si petens non fuisset maleficus, non fuisset illud particulare maleficium operatus, & illo petente fecit: ergo ille petens fuit causa, quod alius maleficium perpetraret, & inde conuincitur illum peccare: quia alium ad peccatum induxit, & proximam peccati causam dedit. Et hoc confirmari potest per id, quod habetur in cap. Nec mirum. xxvj. quaestione v. vbi postquam de Necromanticis, & Hydromanticis dictum est, hæc adduntur verba. Ad hæc omnia supradicta pertinent ligaturæ execrabilium remediorum, quæ ars non commendat medicorum, seu in præcantationibus, seu in characteribus suspendendis, atque ligandis, in quibus omnibus ars dæmonum est, ex quadam pestifera societate hominum, & angelorum malorum exorta. Vnde hæc cuncta vitanda sunt Christiano, & omnia penitus execratione repudianda, atque damnanda. Hæc ibi in illo capite, quod inscribitur nomine Augustini, & re vera non est Augustini. Exempla autem de infideli parato iurare per Deos suos, & usurario parato dare ad usuram quæ loco similitudinis ad oppositæ sententiæ probationem adducta sunt, nihil penitus efficiunt. Quoniam illa omnia ad hoc negotium de quo nunc disputamus, reijcta magnam habent dissimilitudinem. Nam in illis exemplis adductis, res, quæ petuntur, non sunt ex se male: quia possunt bene fieri, ab his, qui illa factura sunt, si uolunt.



lint. Quòd autem male fiant, non est ex malitia ipsius rei: C  
 sed ex malitia ipsius operantis, qui rem, quam poterat bene,  
 noluit nisi male facere. Ille enim qui petit iuramentum  
 ab infideli non petit, vt per falsos deos iuret, alioqui  
 sic petens peccaret: quia peteret id, quod est apertum  
 peccatum: sed solummodo petit, vt iuret: etsi daretur  
 optio petenti, eligeret illum iurare per verum Deum tri-  
 num & vnum. Si autem infidelis per falsos Deos iurat, culpa  
 est ipsius iurantis, non autem iuramentum exigentis:  
 quia is, qui exigit, id petit ab illo, quod ille si vellet, bene  
 facere potuisset. Similiter is, qui petit ab vsurario, non pe-  
 tit, vt det ad vsuram: quia sic petens peccaret, cum peteret  
 ab illo id, quod sine peccato fieri non posset: sed petit dun-  
 taxat, vt mutuum sibi detur, quod non solum sine peccato:  
 sed etiam cum merito fieri potest. Si vsurarius non vult  
 dare mutuum sine vsura, culpa est ipsius vsurarij, non au-  
 tem petentis: quia petit id ab illo, quod ille, si vellet sine  
 peccato, & cum merito facere posset. In his igitur omnibus  
 exemplis, & aliis similibus ille qui petit, non inducit alium  
 ad peccatum: quia petit id, quod sine peccato fieri potest: sed  
 vtitur ad commodum suum iniquitate alterius, qui non  
 vult, nisi male, & iniuste facere id quod si vellet, poterat fa-  
 cere bene. Longe aliter se habet is, qui petit à malefico, vt  
 maleficium diabolica arte dissoluat, ne nocere valeat. Is  
 enim id à malefico petit, quod ille sine peccato facere ne-  
 quit. Nam (vt paulo ante diximus) nō solum peccat, qui ma-  
 leficium operatur, vt noceat: sed etiā qui arte diabolica ma-  
 leficium tollit, ne noceat. Quia artem diabolicā exercere  
 quacunque bona intentione id fiat grauiissimum est pecca-  
 tum. Is igitur, qui à malefico petit, vt maleficium diaboli-  
 ca arte dissoluat, non solum vtitur ad commodum suū ini-  
 quitate malefici: sed etiā inducit illum ad peccatum, & per  
 consequens peccat: quia petit ab illo, quod ille etiam si vel-  
 let, nō posset facere sine peccato. Si autem maleficium tale  
 esset, vt sine peccato posset à malefico dissolui, vt puta, quia  
 sit vbi sit laqueus, aut imago, aut ligaturæ aliquæ, aut  
 characteres: cum quibus est iam inceptum maleficium,  
 tunc sicut ipse potest sine peccato dissoluere maleficium  
 infringendo illa omnia, ita quilibet alius potest sine  
 peccato petere ab ipso malefico, vt illo modo dissoluat  
 maleficium. D

**A** maleficium. His omnibus prænotatis, superest vt inquireamus an huiusmodi malefici sint hæretici censendi, & velut tales puniendi. De qua re, vt certa possit dari sententia, tria sunt prius ab his hominibus inquirenda. Primum est an aliquod pactum, siue expressum, siue tacitum, cum dæmone fecerint per quod promiserint se aliquid, quod fidei Catholicæ deroget facturos. Nunquam enim aut rarissime (vt præcedenti cap. diximus) dæmon suum adiutorium hominibus sine aliqua spe lucri impendit. Si in pacto inter illos, & dæmonem inito interuenit aliqua promissio de rebus fidei repugnantibus, vt puta de adoratione, & reuerentia ipsi dæmoni præstanda, aut de eadem reuerentia Christo saluatori nostro deneganda, aut de confractione, & conculcatione imaginis Christi, aut crucis, in qua moriens ille salutem nostram operatus est, quæ dæmon summe expetere solet ab his, quibus se exorabilem exhibet: non est dubium, quin tunc tales malefici sint hæretici censendi, & velut tales puniendi. Quoniam nihil horum, quæ diximus, potest libere, & ex animo sine manifesta hæresi exerceri. Nam licet sint multa, quæ voluntas contra iudicium rationis operatur: quia ad illam voluntas est ex se prona, & illa ex se habent voluptatem quandam, per quam possunt voluntatem ipsam ad sui amorem allicere: sunt tamen alia, quæ (vt primo huius operis capite diximus) nunquam voluntas appetit: nisi quia intellectus iudicat esse bona: quia nihil habent illa in se, per quæ possint allicere voluntatem. Et inde sequitur, vt si voluntas aliquod illorum appetat, non nisi ab intellectu iudicante illud esse bonum, moueatur ad illud appetendum. In his ergo omnibus operatio exterior aperte indicat errorem intellectus. Ex quibus omnibus euidenter concluditur maleficos omnes, qui aliquid eorum quæ nunc proxime diximus, ex pacto efficiunt, esse hæreticos censendos & velut tales puniendos. Secundum, de quo examinare oportet maleficos, est maleficium ipsum, quod exercent, de qua re varia est facienda inquisitio, sicut varia diximus esse maleficia. Nam illorum alterum diximus appellari amatorium, alterum veneficum. Ab illis, qui amatoria veneficia exercent, diligenter inquirendum est, an credant maleficia, aut dæmonem posse cogere alicuius viri, aut fœminæ voluntatem ad amorem aliquem libidinosum,

aut quolibet inhonestum habendum. Et quòd illi hoc fieri C  
 posse credant, violenta est suspicio: quoniam nisi malefico-  
 rum arte, aut dæmonis potestate id fieri posse existimarent,  
 nunquam talia maleficia pro re illa efficienda exercerent.  
 Si illos ita credere compertum fuerit, & de hoc errore ad-  
 moniti ab illo discedere noluerint: sed in illo pertinaces  
 fuerint, merito censentur hæretici, & velut tales punien-  
 tur, quoniam apertam hæresim pertinaciter tuentur. Nam  
 credere hominis voluntatem posse à dæmone cogi ad ali-  
 quid amandum: hæresis est apertissima: quoniam illa cō-  
 actio repugnat libertati, quam Deus nostræ indidit volun-  
 tati. Deus enim (vt ait Sapiens) ab initio constituit homi-  
 nem, & reliquit illum in manu consilij sui. Adiecit manda-  
 ta, & præcepta sua: si volueris mandata conseruare, conser-  
 uabunt te, & imperpetuum fidem placitam seruare. Appo-  
 suit tibi aquam, & ignem, ad quod volueris porrige ma-  
 num tuam. Ex quibus Ecclesiastici verbis apertissime con-  
 stat liberam factam esse à Deo hominis voluntatem, & in-  
 de sequitur illam à dæmone cogi non posse: quoniam alio-  
 qui libera non esset. Si à dæmone cogi posset homo ad ali-  
 quid amandum, tunc iam non esset homo in manu sui con-  
 silij (vt dixit Ecclesiasticus) constitutus: sed in manu consi-  
 lij dæmonis. Qui ergo pertinaciter asseruerit hominis vo-  
 luntatem posse quibuscunque maleficiis, aut quacunque dæ-  
 monis potestate ad aliquid amandum cogi, est hæreticus  
 censendus, & velut talis puniendus. Possunt quidem dæmo-  
 nes voluntatem persuasionibus allicere ad amandum, repre-  
 sentando aliquam, quamuis falsam, apparentem tamen boni  
 rationem in amore illo. Possunt etiam carnis appetitum  
 qui liber non est, excitare, vt appetat illud, & ardentem illud  
 perquirat, etiam si aliàs ad illud frigeret. Nam (vt est apud  
 Iob) halitus eius prunas ardere facit. Appetitus autem car-  
 nis, postquam fuerit vehementer accensus, voluntatem  
 ipsam etiam vehementer sollicitabit, & illam validissime  
 impellet, vt in suam trahat sententiam. Et ex hac tam vehe-  
 menti tentatione euertit, vt homines idiotæ dicant se cogi  
 ad amorem inuitos teneri, velle se discedere, & non posse.  
 Sed re vera falluntur: quia si vellent resistere, possent facile  
 id efficere cum Dei adiutorio, qui omnem ad se confugien-  
 tem paratus est adiuuare. Fidelis est Deus, inquit Paulus,  
 qui

Ecc. 15.

Iob. 41

1. Cor. 10

**A** qui non patietur vos tentari supra id, quod potestis. Deinde examinandi sunt, qui hæc maleficia exercent, an in illorum exercitio aliquid misceant, quod merito possit vehementem hæresis præstare suspensionem. Quoniam si hæc non adsint, inquisitores hæreticorum, nisi illis sit specialiter hæc prouincia delegata, non poterunt iure quidquam circa illas disponere: quoniam hoc est illis specialiter interdictum, in cap. Accusatus. §. sanè de hæreticis. lib. 6. Si vero talia in suis maleficiis miscent, vt de illis possit non leuis suspicio hæresis sumi, merito de illis maleficiis inquisitor maleficos ipsos diligenter, & curiose examinare potest, & debet. Nam quum Papa in illo cap. Accusatus. §. sanè. inhibet inquisitoribus, ne de diuinationibus, aut sortilegiis inquirant, statim excipit ea sortilegia, quæ hæresim sapiunt. Quo loco sortilegij nomen capiendum est iuxta latam illius significationem, vt comprehendit omnia maleficiorum genera. Nam iuxta propriam illius vocis significationem solum ad diuinationes pertinet, vt patet per Isidorum in cap. sortilegi. xxvj. quæst. j. Sed quia in dicto cap. Accusatus. §. sane. postquam Papa expressit diuinationes, statim addidit sortilegia, constat illum nomine sortilegiorum non solum diuinationes: sed etiam maleficia intellexisse: quorum aliqua dicit esse, quæ hæresim sapiunt. Videndum est igitur, & diligenter inquirendum, quæ sunt illa maleficia, quæ hæresim sapiunt. Paulus Grilland. in tractatu de hæreticis lib. ij. quæst. x. pro huius rei cognitione quasdam assignat regulas, quas ex Oldrado in consil. cex. se accepisse refert. Primum quidem dicit, quod si sortilegia, aut maleficia taliter fiunt, vt in illis adsit inuocatio dæmonis per modum adorationis tunc aperte sapiunt hæresim. Deinde addit, quod licet non fiat per modum adorationis, si tamen per illa maleficia petatur, aut expectetur à dæmone, quod soli Deo facere conuenit, vt puta mortuos suscitare, secreta cordium reuelare, futura, quæ ex causis naturalibus non pendent, prædicere, tunc talis petitio sapit hæresim. Tertio dicit, quod si est inuocatio dæmonis non per modum orationis, & petitur à dæmone id solum, quod virtute naturali ille efficere valer, quamuis alia quælibet in maleficiorum exercitio adhibeantur, dicit illa non sapere hæresim. Dicit itaque



quod celebrare missam de defunctis pro aliquo viuo, vt ci-  
 to moriatur, vel hostiam consecratam mulieri cum chara-  
 cteribus scriptam turpibus dare, ad amorem prouocandum  
 libidinosum, non sapit hæresim. Idem dicit de reliquiis san-  
 ctorum, de sacramentalibus, vt sunt calix, altare portabile,  
 oleum sanctum, aqua benedicta, aqua fontis baptismalis,  
 quæ omnia licet misceantur in maleficiis, dicit non sapere  
 hæresim. Et hanc suam sententiam nititur probare per hoc,  
 quod alia istis imponitur à iure pœna, quam hæreticis. Et  
 pro hoc adducit cap. Quicumque. xxvj. quæst. 5. & ca. De ho-  
 mine. de celebr. Miss. Addit insuper aliud, in quo non pos-  
 sum non mirari, tantam fuisse illius ignorantiam. Dicit  
 enim quod si aliquis crucem, aut imaginem Deiparæ vir-  
 ginis Mariæ, aut alterius sancti, irreuerenter proiecisset in  
 terra, & pedibus conculcaret, non saperet hæresim. Pro qua  
 re adducit cap. Si canonici. §. si. de offic. iudic. ordin. lib. vj.  
 Ex his omnibus Pauli Grillandi dictis, non inuenio, quod  
 probare, aut tolerare possim: nisi illa duo prima, quorum  
 alterum est de adoratione dæmonis, & alterum de peti-  
 tione, qua à dæmone petitur id, quod solus Deus præsta-  
 re potest. Quæ duo dicit sapere hæresim. Et hoc ipsum  
 nos etiam docemus. Reliqua vero omnia quæ in tertio  
 dicto continentur, sunt manifeste falsa, & acerba reprehensionem  
 digna. Vt autem hoc apertius efficiamus, id primo  
 annotandum est, quod sortilegium, aut maleficium ali-  
 quod sapere hæresim, idem est ac illud præbere vehemen-  
 tem hæresis suspensionem. Nam alias non videtur quomo-  
 do sortilegium, aut maleficium, quod in exteriori ope-  
 ratione consistit, possit sapere hæresim; cum hæresis (vt in  
 primo huius operis capite diximus) non in operatione ex-  
 teriore; sed in errore intellectus consistat. Res autem sa-  
 cras præsertim sacramentum, aut sacramentalia ad male-  
 ficia exercenda adhibere, apertam & violentam præbet  
 hæresis suspensionem. Quoniam nullus illa ad maleficia  
 exercenda adhiberet: nisi crederet illa ad similia opera  
 exercenda, aliquam habere potestatem. Talis autem cre-  
 dulitas aperta est hæresis, Quia Deus, qui sacramentis  
 non naturalem, sed aduentitiam virtutem dedit, non ad  
 destructionem, & perditionem corporum & animarum:  
 sed ad salutem animarum illam dedit. Dæmon tamen  
 videns

**A** videns se minus potentem ad maleficium amatorium exercendum, cum (vt diximus) non possit aliquem ad amandum inuitum cogere, ideo res quaslibet sacrationes miscere in huiusmodi maleficiis procurat, quas raro in aliis maleficiis veneficis adhibet. Quia maleficia venefica potest dæmon si à Deo permittatur in homine inuito exercere. Sub hac igitur specie dæmon multos fallit persuadendo illis quod istorum sacramentorum abusus, mirabiles effectus quoad amorem producat, quos ipse optime scit ab illis sacramentis, aut sacramentalibus effici non posse. Hoc tamen ille mendacij pater hominibus persuadere nititur, in vilipendium Christianæ religionis, & vt homines grauius Deum offendant. Nec ista à solis prophanis hominibus: sed etiam ab his, qui altari seruiunt, fieri procurat. Legimus de quodam sacrilego sacerdote, quod cum mulierem quandam impotenti, & impudico affectu adamaret, vt illam in sui amorem traheret, medietatem sanctissimæ hostiæ, quam in Missa consecrauerat, sumpsit dicens turpia quædam verba, & execranda, quæ hic prodere non expedit, reliquam vero partem hostiæ misit ad prædictam mulierem, non in forma hostiæ: sed contritam, & in puluerem redactam, vt potest aptam ad sumendum in potu. Quæ autem à mulieribus hac in parte fiunt, tot sunt, ac tam turpia, & abominabilia, vt satius sit illa silentio præterire, quàm aliquid illorum proferre. Vt igitur rem hanc totam breui compendio concludamus, talem de illa statuo certissimam regulam. Omne maleficium, quod exercetur per commistionem alicuius sacramenti, aut rei sacramentalis, reddit ipsum operatorem de hæresi suspectum. Quoniam nisi ille crederet talia sacramenta, aut sacramentalia habere virtutem ad maleficiorum operationem, non adhibuisset illa. Inquisitor igitur cum talem aliquem maleficum agnouerit, capere potest illum non quidem propter maleficium: sed propter sacramentorum commistionem, per quam se suspectum de hæresi reddidit. Captum illum diligenter, & curiose examinabit de illius credulitate. Si ille dixerit se non credere, quod sacramenta aliquam habeant ad maleficia virtutem, & potestatem: sed ideo apposuisse, vt dæ-

monis voluntari. qui hoc imperavit obediret, tunc inquit. **C**  
 sitor non poterit illum quamvis grauissimè peccantem  
 punire: quia illi prohibitum est in cap. Accusatus, §. Sa-  
 nè. de hæret. libro vj. sed illius punizio ad solum defertur  
 ordinarium. Si verò maleficus dixerit, se ideo sacramen-  
 ta, aut sacramentalia in suo maleficio miscuisse: quia cre-  
 dit illa virtutem aliquam, & potentiam ad huiusmodi  
 maleficia habere, tunc merito inquisitor iuxta prædictum  
 cap. Accusatus. poterit illum punire, non propter malefi-  
 cium: sed propter errorem fidei, à quo si legitime ad-  
 monitus discedere noluerit, erit per omnia tanquam hæ-  
 reticus ab eo tractandus. Et idem prorsus dicendum esse  
 cenſeo de illo, qui crucem Domini, aut imaginem Dei-  
 paræ virginis, aut alterius cuiusque sancti irreuerenter  
 proiicit in terra, & pedibus conculcat. Nam hæc sine  
 vehementi hæresis suspitione fieri non possunt, præfer-  
 tim cum sit hæresis in septima synodo damnata, dicens  
 imagines non esse veneratione dignas: sed prorsus con-  
 temnendas. Quod autem Paulus Grillandus citat, ex capit.  
 Si canonici, §. fin. de offic. iud. or. lib. vj. nihil certe probat:  
 quoniam res illa cum presenti negotio nullam prorsus ha-  
 bet similitudinem. Nam canonici illi, de quibus textus **D**  
 ille loquitur, nec pedibus imagines conculcabant, neque  
 ob aliquam irreuerentiam aut illarum contemptum illas  
 ad terram deiciebant; sed per cerimoniam quandam il-  
 lud efficiebant, ad horrorem quendam, & abominatio-  
 nem, & odium in populo excitandum contra illum propter  
 cuius crimen imponebatur cessatio à diuinis. Quæ res licet  
 fuisset reprehensione digna non debuit tamen hæreseos  
 nomine notari. Si tamen illi ob irreuerentiam, & con-  
 temptum imaginum eas ad terram proiecissent, fuissent  
 proculdubio hæretici censendi: quoniam eos, qui ita fa-  
 ciendum esse olim docuerunt, septima synodus (vt proxime  
 diximus) hæreticos esse declarauit.

*De lamijs, & strigibus, an sint hæretici censendi.*

C A P. XVI.

**P**RÆTER illos perditissimos homines dæmonem colen-  
 tes, de quibus supra duobus proximis cap. disseruimus,  
 sunt adhuc alij etiam dæmoni inservientes, tanto illis  
 omnibus

**A** omnibus peiores , quanto horribiliora flagitia committuntur , per quæ Deo maiorem inferunt iniuriam , & fidem catholicam apertius deserunt. Sunt enim adeo mali , & impij , vt quidquid maliciæ , aut sceleris , aut infidelitatis apud alios homines , qui dæmoni quomodolibet inferuiunt , excogitari potest , id rotum isti exerceant , & perficiant. Hi apud Hispanos lingua eorum vulgari appellantur Bruxos. Itali autem vocant illos strigoni , & strighe. Latine vero dicuntur lamix , & striges propter similitudinem (vt existimo) quam habent cum animalibus, quæ huiusmodi nominibus vocantur. Sic illas sæpe vocat Apuleius in suo illo opere , quod inscripsit de asino aureo , præsertim lib. j. vbi de huiusmodi mulieribus loquens hæc ait. Atillæ colore spurcissimi humoris percussam , quo me lamix illæ infecerant , aspernantur. Et Philostratus in vita Apollonij Pythagorici dicit , lamias à quibusdam laruas appellari , & lemures , ellæq; ad amorem , & Venerem propensas & carnes humanas præsertim formosorum esurienter appetere , quæ libidinis cupiditate alliciant eos , quos postea cupiant deuorare. Horum sectam aperte explicare oportet , vt inde melius respondere valeamus ad id , quod de illis inuestigamus , an videlicet tales sint hæretici censendi , an non. De hac re , quia varia apud diuersos auctores leguntur , qui forte rem non plenè (vt oportebat) examinarunt , ideo illis omnibus prætermisis dicam , ea quæ certissima experientia cognita sunt , & quæ ipsemet huius pestiferæ sectæ professores tam viri , quàm forminx sponte coram iudicibus , à quibus hoc didici , confessi sunt. Quisquis hanc diabolicam sectam profiteri vult , adducitur primo ab eo , à quo docetur ante tribunal dæmonis , in solio quodam ad regis instar sedentis. Dæmon enim se illis in figura quadam visibili , & corporea ostendit , vt falsam maiestatem suam , & imperium eumentito quodam signo illis persuadeat. Coram illo itaq; adductus , is qui hanc sectam profiteri paratur : statim debet abnegare baptismum , & omnia Christianæ fidei documenta relinquere. Deinde oportet , vt omnia ecclesiastica sacramenta reiciat. Crucem , & intemeratæ Virginis , & aliorum quorumcunque sanctorum imagines prosternere debet , pedibusq; propriis conculcare. Hanc tamen conculcationem imaginum non



est opus coram ipso dæmone statim efficere: sed satis est, C  
 ut postea se facturum promittat cum primum sese obtulerit occasio. His peractis dæmoni, velut principi, aut regi sese perpetuo obligatum, ac deuinctum reddit, vouens in manibus eius, & promittens, prout religiosi in manibus prælati suæ professionis votum emittere solent, se perpetuo futurum illi fidelem, & omnibus illius mandatis pariturum. Post hæc tactis scripturis super quodam libro, obscuras quasdam, & ignotas paginas continente, iureiurando promittit se nunquam ad fidem Christi rediturum, nec diuina præcepta seruaturum: sed solum ea, quæ per ipsum principem, dæmonem videlicet, mandabuntur. Promittit insuper se venturum quoties vocatus fuerit ad congregationes nocturnas, & sacrificia se facturum, quæ horis illis nocturnis fieri viderit, preces emissurum, adorationis cultum se illi exhibiturum, omnia denique alia, quæ ab aliis ibidem fieri viderit se facturum. Quo voto, & iuramento per illum emisso statim dæmon, qui in folio sedens velut Regem se illi ostenderat, hilarem frontem prætendens promittit illi sic stanti se daturum, quam in se non habet perpetuam felicitatem, & gaudia immensa, & D  
 quascunq; in hoc mundo cupit habere voluptates: & tandem post hanc vitam multo maiora se daturum promittit. Deinde vnum dæmonem constituit ad illius custodiam, & doctrinam qui illum perpetuo comitetur, & illi per omnia seruiat, & omnia tribuat, quæ ille cupiet. Huic dæmoni ad custodiam destinato inter alia hoc peculiare officium commissum est, ut quotiescunque oportuerit ad ludos accedere nocturnos, ille hoc denunciet suo clientulo, & illum deferat ad locum congregationis. Hunc dæmonem, qui velut patronus ad custodiam datus est, ipsi homines huius diabolicæ artis professores vocant (ut audio) Martinetum, aut Martinellum. Hic quotiescunque nocte aliqua facienda est ad ludos, & voluptates exercendas generalis eorum congregatio, ante duos dies eam congregationem faciendam esse suo clientulo annunciat, horamque, & locum illi declarat, ut cum tempus aduenerit, sit ad veniendum paratus. Hora vero eundi iam appropinquante statim dæmon ille, quem Martinetum, aut Martinellum ab illis vocari diximus, ipsam hominem voce quadam,

**A** quadam, ad similitudinem humanæ vocis formata vocat. Qua voce audita mox ille, qui iturus est, sumit pyxidem vnctionis, & quædam sui corporis membra vnctione ex pyxide sumpta linit. Quo facto domum exit, & illico inuenit prope domus ostium Martinetum illum in forma hirci expectantem, super quo (vt ipsi homines referunt) equitat, qui ad ludos deferendus est, manibus suis crines hirci fortiter apprehendens, ne propter velocissimum hirci motum, ille forte ad terram deiiciatur. Dæmon igitur sic illum in forma hirci suscipiens, celerrime illum per aëra transuehit, & ad locum vsque congregationis desert, vbi frequens virorum, mulierumque multitudo coram dæmone ad instar Regis sedente, concurrat. Quò postquam quisque illorum peruenit, in primis dæmoni reuerentiam facit, alio tamen modo quàm nos facere solemus. Non enim faciem: sed terga dæmoni vertunt, & caput non versus pectus: sed versus scapulas flectunt, ita vt mento ad cælum eleuato caput ad terga deflectant. Crura vero (non vt nos facere solemus) flectunt à tergo illa curuantes, sed à parte anteriori illa sursum à terra eleuant. Qua præstita reuerentia aliquando illi offerunt sacrificia, non tamen semper. His omnibus consummatis dæmon ille, qui in solio maiestatis sedet, præcipit omnibus vt tripudiant, & psallant cum gaudio & læticia sumentes voluptates suas. Et vnusquisque dæmon manu apprehendit mulierem suam, ad cuius custodiam deputatus erat, & cum illa saltat, & choreas facit. Choreis & saltationibus finitis inde ad mensas veniunt, quæ lautissimis ferculis ornatæ & præparatæ inueniuntur, vt quisque ad libitum illis vescatur. Conuiuuiis expletis luminaria extinguuntur omnia, & quisque dæmon in forma incubi suam capit mulierem. Si qui vero adsunt viri hi habent dæmonem vnusquisque suum in forma succubi, hoc est in forma mulieris, & sic inuicem miscentur, & carnis libidines vsque ad satietatem suscipiunt cum maxima (vt dicunt) voluptate. Quibus omnibus completis reuertuntur omnes ad domos suas equitantes in hircis, à quibus diximus eos primo ad congregationem deportatos esse. Et in his omnibus exercendis hoc summo opere ab illis omnibus cauetur, ne aut euntes, aut in congregatione stantes, aut ab illa redeuntes, Deus

inuocetur, aut quomodolibet nominetur, aut crucis signum fiat: quoniam si illorum aliquod fiat, dæmones illud non ferentes statim fugiunt, & omnes illæ illusiones dæmonis artæ factæ evanescent. Sunt præter hæc omnia multa alia flagitia, & scelera quæ istæ pessimæ lamix committunt. Non enim satis illis videtur, quod propter libidines explendas se dæmoni tradant, & illi per omnia seruiant: sed alios insuper quotquot possunt ad dæmonis obsequium adducere, & à Dei seruitio auertere conantur, ut dæmonis imperium suo ministerio augeatur. Nam præter hoc quod multos ad huiusmodi diabolicam artem profitendam sollicitant, pueros multos ante baptismum susceptum interficere nituntur, ne baptismo suscepto ad gloriam possint peruenire sempiternam. Noctu domos alienas ingrediuntur, cameras quantumlibet obseratas dæmone illis viam parante, intrant, puerorum sanguinem sugunt, aliquando illos suffocant, & multa alia circa illos mala committunt. Et ob hanc causam (ut exillimo) vocatæ suat lamix, & striges. Nam Lamia animal quoddam est nimium crudele faciem prætendens muliebrent equinos pedes habens. De huiusmodi lamiis loquitur Hieremias, in Trenis dicens: Lamix nudauerunt mammas, lactauerunt catules suos. Strix autem avis quædam est nocturna, & importuna sic dicta à stridore, quem facit. De hac sic dicit Lucan. libro vj.

Quod trepidus bubo, quod strix nocturna queruntur.

Hæc avis pueros aggreditur nutricibus egentes, & ex illorum corpusculis vitalem sanguinē absorbet. Et ab huius avis nocumēto, striges appellantur mulieres istæ, de quibus hætenus locuti somus, propterea quod puerorum sanguinem, sicut avis illa sugunt. Hæc sunt, quæ de ista pestifera hominū secta hætenus certiora esse intellexi, quarum partem ex lectione aliquorum authorū qui de hac re scripserunt, partem ex relatione aliquorū probatorum virorum, qui iudices existētes huiusmodi homines captos diligenter examinauerunt, & fere omnia ista ex illorum confessione acceperunt. Et inter cetera, quæ de istis pessimis hominibus, certa experientia docēte sciuntur, est, multo plures esse feminas, quæ hanc diabolicam artem profitētur, quàm viros. Cuius rei duplex (mea quidem sententia) potest esse causa.

Prima

- A** Prima est, nimia mulierum credulitas, ob quam sexus iste facilis est ad deceptionem. Quarum defectum dæmon optime agnoscens, illas frequentius per fallacias, & mendacia aggreditur quàm viros. Nam Euam primam omnium matrem dæmon seduxit, vir autem illius Adam (vt Paulus testatur) non est seductus. Ob hanc causam ipse Paulus non permittit mulierem docere, ne ipsa decepta alios sua doctrina decipiat. Quem Pauli locum interpretans Theophylactus ait. Quia semel mulier virum edocuit, & cuncta peruertit, idcirco nequaquam hæc habeat, velim docendi de cætero potestatem. Est nanque mulier natura leuior, & facile fallitur. Aduerte autem quemadmodum non Euam dixerit deceptam esse: sed mulierem: tanquam de ipso muliebri sexu disseruisset. Nam quæadmodum natura omnis humana perditæ est, sic & per Euam in omne fœmineum genus delapsa est leuitas: qua & præuaricatio ipsa primum Euam iouauit. Hæc Theophylactus. Secunda causa est, earundem mulierum fragilitas, & ad libidinem pronitas. Sunt enim mulieres natura proniores ad libidinem, quàm viri. Et ob hanc præcipue causam (vt existimo) sexus muliebris vocatur à beato Petro fragilius vasculum. Primus autem, & præcipuus finis, ad quem homines huius diabolicæ artis professores tendunt, est carnis voluptas, propter quam ad libitum, & satietatem assequendam, se totos dæmoni dedunt, & alia omnia, quæ diximus, faciunt. Ob hanc igitur causam plures fœminæ; quàm viri hanc diabolicam artem profitentur: quia fœminæ vehementius carnis voluptates appetunt, & facilius huiusmodi appetitui succumbunt. Sed inter tam multa, quæ de istarum lamiarum secta diximus, aliqua sunt, quæ quibusdam falsa esse videntur, & prorsus incredibilia. Sunt enim aliqui firmissime tenentes, & docentes falsum esse, quod huiusmodi lamiæ deferantur ad ludos illos, & voluptates illas capiendas, & quod dæmones cum illis ad carnis voluptatem coeant: sed omnia illa esse mera somnia, ex quibus illæ decipiuntur etiam in vigilia, putantes se vere vidisse ea, quæ in sola imaginatione contigerunt. Et pro hoc adducunt concilium Anquirense, vel Ancyranum, cuius verba habentur in capit. Episcopi. xxvj. quæstione quinta. Quo loco inter alia hæc dicuntur. Siquidem ipse Sathanas, qui transfiguratur se in angelū lucis, cum
- mentem

1. Ti. 2

Theop.

1. Pet. 3



mentem cuiuscunque mulieris cœperit, & hanc per infidelitatem sibi subiugauerit illico transformat se in diuersarum species personarum, atque similitudines, & mentem, quam captiuam tenet in somniis deludens, modo læta, modo tristia, modo incognitas, modo cognitās personas ostendens, per quæque deuiā deducit, & cum solus spiritus hoc patiatur, infidelis hoc non in animo: sed in corpore euenire opinatur. Quis enim somniis, & nocturnis visionibus non extra se ipsum educitur, & multa videt dormiendo, quæ nunquam vigilando viderat? Hæc ibi in cap. Episcopi. Afferunt etiam pro eiusdem sententiæ confirmatione aliqua exempla, quibus experientia certa se comprobasse dicunt, mulieres aliquas, quæ se transferri ad alia loca putabant, ipsis videntibus toto illo tempore in terra iacuisse soporatas, quo illæ se translatas esse ad alia loca dicebant. Sed re vera, qui lamias de loco ad locum à dæmone transferri posse non credunt, non intelligunt dæmonis naturalem potentiam, quam sacræ literæ, & sacri illarū interpretes tam aperte expresserunt. Nam corpora hæc inferiora cuiuscunque conditionis existant, subduntur imperio angelorum, siue bonorum siue malorum, quoad motum localem, ita vt angeli, siue boni, siue mali possint illa de loco ad locum prohibito mouere. Nam si angeli (vt communior theologorum, & philosophorum tenet sententia) mouent illos orbes cœlestes, qui tam immensæ sunt magnitudinis: multo facilius poterūt humana corpora, quæ multo minoris sunt magnitudinis de loco ad locum mouere. Præterea Angelus tulit Abacuc prophetam capillo capitis illius de Iudæa in Babylonem, vt panes, quos messoribus suis portabat, præberet Danieli prophetæ in lacu leonum incluso. Qui postquam panes Danieli prebuit, statim ab eodem angelo reductus est à Babylone in Iudæam. Si angelus bonus illud facere potuit, consequens est, vt dæmon etiam idem facere possit, quia (vt Dionysius Areopagita docet) naturalia in dæmonibus manserunt integra. Rursum, dæmon ille, à quo Christus saluator noster tentatus est in deserto, assumpsit ipsum Christum (vt Matthæus refert) & ex deserto transtulit in sanctam ciuitatem, & statuit illum super pinnaculum templi. Et iterum assumpsit eum inde, & transtulit in montem excelsum valde, vbi ostendit illi omnia

*Dan. 13*

*Mat. 4*

**A** omnia regna. Si sanctum Christi corpus dæmon, Deo permittente, tam facile per tam longa spatia mouere potuit, consequens est, vt quodlibet aliud corpus humanum possit ad quamlibet magnam distantiam mouere. Et inde aperte sequitur, vt lamias non solum spiritu: sed etiam corpore possit, Deo permittente, quò voluerit transferre. Accedit ad hæc omnia experientia manifesta, qua certissime cognitum est ipsas lamias à dæmone transferri. Pro cuius rei comprobatione, multa possem referre exempla, quæ ab his, qui viderunt, audiui. His tamen omisissis duo solum referam, quæ recitat Paulus Grillandus in suo tractatu de hæreticis libro secundo quæstione septima. Hic enim refert, quod anno Domini 1524. ipsemet rogatus ab Abbate monasterij sancti Pauli de vrbe accessit ad castrum Nazanum, quod subest ditioni eiusdem monasterij. Quo cum peruenit oblatae sunt ei duæ mulieres, vt eas examinaret, quæ accusatae, quòd lamiae essent, in carcere tenebantur inclusæ. Et ab vna illarum, quæ mitioris, & facilioris erat ingenij, dicit se didicisse ferè totam illam cæremoniarum multitudinem, quam supra retulimus obseruare homines huius sectæ professores. De altera, quam dicit vocatam esse Lucretiam, refert, quòd dum illa ex congregatione ludorum deportaretur à dæmone ad domum suam, prope auroram sonuit campana, quæ in Italia pulsari solet illo tempore, vt moneatur populus per illam ad orationem. Quo sono audito dæmon recessit, & dimisit illam in quodam agro spinetis pleno prope ripam fluminis. Quidam autem iuuenis, quem illa optime agnoscebat, casu illac transiit per viam illi proximam, quem illa videns vocauit ad se. At iuuenis videns illam nudam totam, præter verenda, quæ erant femoralibus tecta, & capillos sparsos habentem, obstupuit, & formidabat ad illam accedere: sed tandem blandiciis mulieris victus accessit, & quæsiuit ab illa, quid sibi accidisset, & ob quam causam illic nuda peristeret. Illa vero rei veritatem voluit confictis mendaciis tegere, & simulare: quæ omnia cum minime crederet iuuenis dixit se nihil pro illa facturum: nisi veritatem aperte reuelaret. Illa igitur videns se mendaciis nihil proficere, promisit se vera dicturam iuueni, si ille promitteret se ea omnia perpetuo secreto seruaturum.

Quod

Quod cum iuuenis iureiurando promitteret , statim illa C  
plena fide veritatem aperuit , dicens se à dæmone ad ludos  
nocturnos fuisse portatam , à quibus cum ab eodem dæmo-  
ne ad domum reduceretur , audito campanæ sono dæmo-  
nem recessisse , & illic illam reliquisse. Hæc iuuenis au-  
diens credidit illi , & illam secretò ad domum suam duxit,  
ob quam causam multis ab illa fuit muneribus donatus.  
Sed tandem iuuenis promissi oblitus , retulit hæc omnia  
vni , & alteri , & sic paulatim res diuulgata est , ob quam cau-  
sam illa capta , & carceri mancipata est. Iuuenis autem in  
testem vocatus coram præfato Paulo Grillando , cui huius  
mulieris examinatio commissæ erat , hæc omnia , quæ nunc  
retulimus narravit , & tandem ipsamet mulier hæc omnia  
vera esse confessæ est. Ex qua historia , quæ aperta experien-  
tia comprobata est , manifeste conuincitur verum esse hu-  
iusmodi lamias aliquando à dæmonibus de loco ad locum  
valde distantem transferri. Aliud refert idem Paulus Gril-  
landus exemplum , quod hic etiam addere placuit , ne vno  
solo testimonio contenti esse videamur. Mulier quædam  
Sabinensis diocesis hanc profitebatur diabolicam artem ,  
de qua cum maritus suspicionem haberet , interrogauit il- D  
lam pluries , an pestiferam illam artem sciret , & exerce-  
ret : quæ semper se scire negauit. Maritus vero in suspi-  
cione sua persistens anxie veritatem perquirebat , qui adeo  
astute se gessit , quòd vidit illam quadam nocte se vnguen-  
to quodam vngentem , qua vnctione peracta vidit mulie-  
rem celerrime quasi auem recedentem , & ex superiori do-  
mus solario ad inferiora descendentem , illam maritus se-  
quens , vt videret , quò tenderet , amplius eam non vidit , &  
accedens ad portam domus inuenit eam clausam. Quæ res  
magnam præbuit illi admirationem . Die vero sequenti  
iterum maritus vxorem interrogat , quod anxie scire cu-  
piebat , & illa constanter (vt ante) se nescire dixit. Mari-  
tus vero vt mulier iam negare non possit , aperte dicit illi  
quidquid nocte præterita illam fecisse viderat , deinde fu-  
sibus illam percutit grauiter , & duriora minatur verbera  
nisi veritatem dixerit , quam si aperte exposuerit , veniam se  
illi daturum promissit. Mulier igitur se iam celare non  
posse intelligens , veritatem aperuit , & veniam à marito  
petiit quam illi maritus hac conditione indulgit , vt illum  
ad

**A** ad tales congregationes adduceret: illa vero, vt veniam impetraret, facile petita promissit, & promissum ex licentia Sathanæ impleuit. Adductus igitur ille ad locum vbi ludi fiebant, ludos, & choreas, & cætera omnia contemplantus est, & tandem ad mensam cum reliquis, vt vesceretur sedens, cum cibos insipidos iudicaret, petiit sibi dari sal, quod in mensa deerat, & quamuis iterum atque iterum petiisset, nunquam illi dabatur. Tandem cum post importunam petitionem prolixamque expectationem sal illi daretur, dixit. Nunc laudetur Deus, quoniam iam venit sal. Quibus verbis prolatis dæmones, quoniam laudes Dei audire refugiunt, statim recesserunt, & reliqui omnes disparuerunt: luminaribusque extinctis mansit ille solus nudus, quousque mane factò vidit quosdam pastores, quos interrogauit, quamnam esset illa patria in qua erat, illi vero responderunt esse agrum Beneuentanum in regno Neapolitano. Qui locus distabat à patria illius viri per centum miliaria, ob quam causam licet diues erat, coactus fuit per viam mendicare, vt ad domum suam redire posset. Ad quam postquam peruenit statim vxorem suam ob lamiaë crimen accusauit, & totam rem gestam (vt narrata est) coram iudicibus exposuit. Qui rem totam plene (vt oportebat) examinantes, vera esse omnia, quæ diximus inueniunt, quæ etiam eiusdem mulieris confessione confirmata sunt. Multa alia possem referre testimonia ex his, quæ per fidelissimos testes in Hispania contigisse cognoui: sed ea, quæ proxime narrauimus satis mihi esse videntur, ad probandum lamias illas aliquando à dæmonibus de loco ad locum non solum spiritu: sed etiam corpore deferri. Quod autem alij obiiciunt se expertos esse lamias istas non corpore: sed spiritu à dæmonibus deferri: quia dum illæ sic se delatas esse putabant, aliis videntibus, qui de hac re testimonium præbuerunt, veluti dormientes iacebant in terra: nihil hoc contra ea, quæ diximus, agit. Non enim dicimus semper illas corpore deferri: sed hoc fieri posse, & aliquando factum esse contendimus, concedentes insuper aliquando etiam fieri oppositum, ita vt non corpore: sed solo spiritu per illius fantasticam imaginationem à dæmonibus de loco ad locum deferantur. Veram igitur esse illorum experientiam concedimus: sed oportet,



vt etiam illi nostram veram esse credant: quia altera alteri **C**  
 non repugnat: sed vtraque alternis vicibus contingere po-  
 tuit. Sed restat, vt respondeamus ad capit. Episcopi. xxvj.  
 quæst. v. quod in specie cōtra nos pugnare videtur: si tamen  
 omnia in illo cōtenta bene circumspectantur, aperte constat  
 nihil contra nos agere. Nam secta illa de qua in illo capit.  
 agitur longe distat ab hac lamiarum secta, de qua nos im-  
 præsentiarum disputamus. Primo quidem illius sectæ pro-  
 fessores credunt mulierem quandam nomine Dianam, aut  
 Herodiadem esse conuersam in deam, habereque aliquid  
 veri numinis. Lamiæ autem hoc non credunt: sed bene  
 agnoscunt spiritum illis apparentem esse diabolum, & Dei  
 inimicum, & quamuis hoc agnoscunt, tamen propter vo-  
 luptates, quas in illo recipiunt, libenter se illi subiiciunt.  
 Secundo illius sectæ professores credunt (prout ex textu il-  
 lius capit. constat) creaturam aliquam posse ab alio, quàm  
 à Deo in aliam speciem mutari, vt puta homo in asinum,  
 aut equum. An autem Lamiæ omnes hoc credant, mihi  
 hucusque non constat: quoniam (vt ex his, quæ de illis  
 legi & audiui coniicere possum) impertinens est, hoc ad se-  
 ctam illarum: quanquam forte illarum aliquæ hoc cre- **D**  
 dunt, propterea quod non solum lamiarum: sed etiam ma-  
 leficarum sectam profitentur. Tertio differunt: quia secta  
 illa non dicitur abnegare fidem Christi absolute, & illius  
 sacramenta contemnere, crucem confringere, quæ omnia  
 diximus à lamiis fieri. De hoc tamen inter vtranque sectam  
 conuenit, quod vtriusque illarum professores noctu cum  
 diabolo in deliciis versantur: vtrique etiā credunt aliquan-  
 do fieri in corpore, quod in sola contingit illorum imagi-  
 natione. Deinde dico, quod licet ista secta lamiarum esset  
 illa eadem, de qua loquitur illud cap. Episcopi, nihil tamen  
 contra nos ageret textus ille. Non enim negat textus ille  
 mulieres posse à dæmone corporaliter de loco ad locum  
 transferri, neque dicit illum motum semper in spiritu, &  
 in imaginatione fieri, & nunquam in corpore: sed solum  
 dicit mulieres illas decipi putantes in corporibus earum  
 fieri ea, quæ in sola cōtingunt imaginatione. Et certe sape  
 ita euenit, quanquam aliquādo (vt diximus) eas non decipi  
 contingat. Etsi vniuersalis textus ille loqueretur, vt nun-  
 quam illas corpore deferri cōtingat, argumēta, quibus hoc  
 probare

- A** probare nititur, nihil prorsus efficiunt. Nam ad suæ sententiæ confirmationem producit in testem Ezechielē prophetā, qui visiones Dei non in corpore: sed in spiritu se vidisse testatur, & Paulum, qui nesciebat an in corpore, an extra corpus esset, quum vidit arcana Dei. Fateor quidem hæc exempla satis esse ad probandum, visiones illas aliquando non in corpore: sed in spiritu fieri, quod nos etiam fatemur. Si tamen ex illis colligere velit nunquam talia in corpore: sed semper in spiritu fieri, quis non videt, quā inualidum sit argumentum? Ex vna quidem, aut altera singulari, etsi liceat inferre particularem propositionem, nunquam tamen licet inferre vniuersalem. Dico insuper aliqua esse in illo cap. Episcopi. relata circa illarum mulierum deportationem, quæ nunquam in corpore, sed in spiritu semper contingere constat. Dicitur enim ibi de mulieribus illis, quod credant se super quasdam bestias nocturnis horis equitare, & multarum terrarū spatia intempestæ noctis silentio pertransire. Et de lamiis nos etiam supra retulimus illas hoc idem credere. Quodenim non solum spiritu, & imaginatione: sed etiam corpore aliquando deferantur, nos concedimus, & ratione simul, & experientia hoc fieri posse probauimus. Quod autem super bestias equitent, & multa terrarum spatia breuissimo tempore super illas equitantes pertranscant, hoc non corporaliter, & vere: sed in solo spiritu fidei concedam. Nam bestia illa, à quibus se deportari dicunt, non sunt veræ bestia: sed corpora quædam fantastica ex aëre, vel ex alia quauis materia à daemonibus ad similitudinem bestiarum confecta. Aut forte nulla sunt corpora: sed daemon tam vehementem illis imprimit bestiarum imaginationem, vt mulieribus illis etiam vigilantibus præsertim noctu quando corporei oculi nihil, aut parum videre possunt, contingat id, quod dormientibus contingere solet, qui ea, quæ in somniis acciderunt saepe postea vigilantes se vere vidisse contendunt. Et certe idem huiusmodi mulieribus contingere potest, dum credunt se à bestiis per lōga terrarum spatia breuissimo tempore deferri. Non enim tanta est alicuius bestia, imò nec alicuius auis agilitas, vt vnius horæ spatio possit trecenta, aut quadringenta miliaria percurrere. Nec tanta est etiam alicuius bestia leuitas, vt possit per tantum spatium in aëre se

suspendere, vt sua grauitas illam ad terram non deprimat, C  
 atque deiciat. Et de his, atque aliis eiusmodi quæ de motu  
 illarum mulierum dicuntur, credo illud cap. Episcopi. esse  
 intelligendum, quum dicit illa non corpore: sed in solo spi-  
 ritu, & in fantasia fieri. Cæterum quod de incubis dæmoni-  
 bus dicitur, nisi sanè intelligatur, merito incredibile iudi-  
 cabitur. Nam supposito quod dæmones (vt communior te-  
 net sententia) sunt spirituales substantiæ corporibus ca-  
 rentes, necessarium est, vt sint indiuisibiles, & impartibiles.  
 Quo fit, vt nihil de sua substantia velut semèn emittere  
 possint, & inde consequens est, vt cum fœminis coire non  
 valeant, quemadmodum viri cum illis coire solent. Et iux-  
 ta hunc sensum credo intelligendos esse aliquos docto-  
 res sacros, qui negant dæmones cum fœminis coire posse.  
 Chrysostomus homilia xxij. super Genesim hoc aperte ne-  
 gat. Philaster Brixienſis Episcopus, quem beatus Augusti-  
 nus se Mediolani vidisse refert, in quodam opusculo, in  
 quo de omnibus hæresibus disseruit, inter alias hæreses  
 connumerat eam sententiam, quæ dicit dæmones posse  
 coire cum fœminis. Beatus Augustinus lib. xv. de ciuitate  
 Dei, cap. xxij. dubius est in hac re, quæ dubitatio inde D  
 suspicor) est illi orta, quod ipse putauit dæmones habere  
 corpora, quamuis non eiusdem forte conditionis cum no-  
 stris. Hæc autem Augustini sententia, ab omni theologo-  
 rum schola reiecta est, ne quæ est, præter vnum, theologus  
 aliquis, qui Augustini sententiam in hac parte tueatur.  
 Sed quia (vt idem Augustinus loco nunc proxime citato  
 ait) certissima experientia sape cognitum est, fœminas  
 etiam inuitas à dæmonibus fuisse compressas: ideo modum  
 inquirere oportet, quo id fieri posse fideliter, & Catholice  
 dicamus. De qua re dicam quod sentio, paratus meliora  
 docentem audire. Dæmon, qui naturæ cuiuslibet inferioris  
 conditiones & proprietates melius, quàm omnes mun-  
 di sapientes nouit, potest aërem condensare, & ex illo, aut  
 ex aliqua alia materia corpus aliquod conficere, & illud  
 iuxta figuram hominis, aut asini, aut equi disponere. Quo  
 corpore confecto, licet animam vllam illi dare non possit,  
 potest tamen circa motum localem omnia illa operari,  
 quæ operaretur anima, si esset in illo. Nam potest mouere  
 manus, pedes, linguam ad loquutionem, erigere membra  
 genit



**A** genitalia, vt apta esse videantur ad coitum, & totum denique corpus mouere, sicut viri cum mulieribus coeuntes mouere solent. Quæ omnia cum fecerint, semen tamen, quod Græci sperma vocant, ex corpore illo emittere non possunt. Quia semen illud (vt physici, & medici docent) est pars substantiæ, quæ ex cibo optime digesto remanet, illa, scilicet quæ proxima est, vt conuertatur in sanguinem. Quod vel ex eo coniiciunt medici, quod hi, qui nimirum indulgent veneri, postquam totum quod habebant hauserunt semen, tandem emittunt sanguinem. Corpus autem phantasticum cum sit prorsus inanimatum, non potest cibos concoquere, nec vllam illorum facere digestionem. Quo fit, vt nec semen vllum habeat: quod, cum femina coiens, emittere possit. Necessarium est igitur vt dæmon, cum in corpore phantastico cum femina coit, ex alio corpore humano semen illud extorqueat, vt illud in vas muliebri emittere possit. Femina autem præstigiis dæmonis illusa putat semen illud à dæmone incubo ex proprio corpore emitti. Nec dubito quin femina ex tali semine concipere possit. Quod si contingeret, proles inde nata non esset filius dæmonis dicenda: sed filius illius à quo dæmon extorsit semen, quod in vuluam mulieris fuerat decusum, & ex quo sequutus est talis conceptus. His igitur omnibus prælibatis, superest, vt ad id, quod primo quæsitum est, respondeamus an scilicet huiusmodi lamiæ, & striges, de quibus hætenus differuimus, sint censendæ hæreticæ, & velut tales puniendæ. Cui quæstioni facile ex his, quæ de illis supra relata sunt, responderi potest. Multa enim ab illius sectæ professoribus fiunt, propter quæ omnes illi non solum hæretici: sed etiam apostatæ merito censendi sunt. Nam honores diuinos dæmoni tanquam Deo impendunt, illum adorantes, & illi sacrificia offerentes. Quæ sine violenta hæreseos suspitione nequaquam effici possunt. Nunquam enim talia dæmoni præstarent: nisi illum aliquid numinis habere putarent. Hoc autem credentes blasphemusunt, & in apertam incidunt hæresim, contra id, quod Regius propheta ait. Quis Deus præter Dominum, aut quis Deus præter Deum nostrum? Et in alio psalmo. Quoniam magnus es tu & faciēs mirabilia, tu es Deus solus. Et ipsemet Deus per Esaiam prophetam ait. Ego Dominus, & non est alius:

Psal. 27

Psal. 85

Esa. 45



extra me non est Deus. Et eandem sententiam in illo eodem cap. sæpissime repetit. Deinde homines huius pestiferæ sectæ professores sacramenta continent, per quæ contemptum in aliam apertam, & damnatam incidunt heresim, putantes sacramenta nullius esse valoris, quæ ex ecclesiæ Catholicæ sententia, gratiam digne illa recipientibus conferunt. Præter hæc omnia, crucem & aliorum quorumcunque sanctorum imagines confringunt. Quæ res non parvam præbet hæreseos suspicionem. Nam dicere imagines non esse tolerandas: sed potius esse confringendas, hæresis est in septima synodo damnata. Nec solum hæretici sunt huius diabolicæ artis professores: sed, ut nihil illorum maliciæ desit, etiam sunt apertissimi apostatæ. Quoniam fidem Christi expressè abnegant, & quod omnium pessimum est, iureiurando promittunt se nunquam ad fidem catholicam redituros. Merito igitur hi pestiferi homines, siue viri, siue fœminæ, qui hanc diabolicam profitentur artem, hæretici sunt censendi, & velut tales puniendi. Sed præter hæc, quæ ad fidem spectant, quædam alia flagitia committunt, propter quæ absque iudicis ecclesiastici sententia, qui illos de hæresi damnaret, sola secularis potestas potest illos capere, & ultimo supplicio punire. Nam (ut supra retulimus) pueros noctu occidunt, aut ægros, & valetudinarios efficiunt, & alia similia committunt propter quæ digni sunt morte, etiam si de illorum infidelitate, aut apostasia non constaret.

*De credentibus, receptatoribus, fautoribus, & defensoribus hæreticorum, an sint hæretici censendi, & velut tales puniendi.*

#### C A P. XVII.

**M**ulta, & varia sunt hominum genera, quibus iura, quæ de hæreticis loquuntur, multas & varias, & graves infligunt pœnas: ob quam causam merito dubitari potest, an omnes illi sint inter hæreticos recensendi, & pro talibus existimandi. Horum hominum aliqui dicuntur credentes hæreticorum, alij receptores, alij fautores, alij denique defensores. De singulis suo ordine dicere oportet, & primo qui sint illi, quibus hæc omnia competunt, declarabimus,

**A** bimus, deinde an sint inter hæreticos merito numerandi, discutiemus. Petrus de Palude in quarto sententiarum, distinct. xij. quæst. iij. dicit illos esse credentes hæreticorum, qui licet nullam in speciali hæresim credant, de hæreticis tamen, qui illas docent, bonam habent estimationem, credentes illos esse bonos viros, & recte de fide sentire: & ob hanc causam generali quadam credulitate credunt omnia, quæ illi hæretici asserunt. Huiusmodi tales sunt multi idiotæ inter hæreticos versati, & bene erga illos affecti. De his non est cur dubitari debeat illos esse hæreticos, præsertim si illi in sua mala credulitate pertinaciam habuerint, ita vt quamuis admoniti sint illos esse hæreticos, nihilominus persistunt in sua credulitate, & estimatione credentes illos hæreticos esse bonos viros, & vere fideles. Nam sicut non est necessarium fidem catholicam expresse, & in particulari credere, vt quis verus fidelis censeatur: sed satis est, vt in vniuersali credat, & fateatur, quidquid catholica credit ecclesia: ita ex opposito, vt quis dicatur infidelis, & hæreticus, non est opus, vt aliquam in particulari hæresim credat: sed satis est illum in vniuersali credere vera esse, quæ manifestus hæreticus, & ab ecclesia damnatus credit, & docet. Verum licet hi, qui pertinaciter credunt publicos hæreticos esse bonos viros & fideles, sint hæretici censendi: quia tamen nulli illorum errori in particulari credunt, ecclesia non vult, vt illi omnibus hæreticorum pœnis puniantur, quibus puniuntur hæretici, sed aliis multo mitioribus, vt postea in hoc capite ostendemus. Nam qui alicui hæreticorum errori in particulari crederet, apertus censeretur hæreticus, vt expresse definitum est in cap. penult. §. ultimo. de hæreticis. Si tamen hæreticus ille non esset ab ecclesia damnatus, neque aliunde manifestus, & simplex homo crederet in vniuersali quidquid ille hæreticus credit, ob hoc solum, quod putat illum credere, quod ecclesia credit, eo euentu is simplex non censebitur hæreticus, nec credens hæreticorum prout facile constare potest ex dictis Augustini in epistol. ad Glorium, & Eleusium, quæ habentur in capitulo, Dixit Apostolus. xxiiij. quæstione Iij. Alio modo aliqui censentur credentes hæreticorum, non propter verbalem confessionem, qua dicat se credere, quod alij credunt: sed pro-

pter opera, quæ circa illos gesserunt, aliquid impartiendo, aut illis recipiendo. Non enim refert an dictis, an factis, quis voluntatem suam insinuet. ff. de le. & sena. con. l. destituant. Ex operibus enim exterioribus suspicari licet de affectibus, qui intus latent, prout colligitur ex cap. Qui viderit. xxij. quæstione v. & C. de dolo. l. dolum. Si qui hæreticos reuerentur, illorum libenter audiunt sermones, nimiam cum illis habent conuersationem, eorum libros tenent, & eos frequenter legunt, credentes hæreticorum esse dicendos, censet Archidiaconus in cap. Quicunque. de hæreticis. libro sexto. Oportet tamen (vt idem ait) hoc illos frequenter fecisse, alioqui si semel tamen horum aliquod illos fecisse constiterit, dicit illos non esse existimandos credentes hæreticorum. Nam si qui hæreticorum sermones semel audierunt, & nunquam postea ad eos redierunt, aut libros hæreticorum semel legerunt, & postea combusserunt, dicit tales non esse dicendos credentes hæreticorum: quia non videntur probasse, quod postea vitarunt. Similiter dicit non esse dicendos credentes hæreticorum omnes, qui hæreticos visitant, aut illis alimoniam exhibent, aut ducatum præstant, aut aliquid aliud simile fecerunt, in quo nihil expressum, quod ad illorum hæresim pertineat, ostenditur: quoniam hæc sæpe numero ob solam pecuniæ mercedem præstantur. Hoc tamen hac conditione ego verum esse puto, si illi, qui hæc hæreticis præstiterunt, olim non fuerunt in hæresim lapsi: quoniam si prius in hæresim lapsi fuissent, & postea hæc hæreticis exhibuerunt, non solum censentur credentes hæreticorum: sed hæretici & relapsi, prout definitum est in c. Accusatus. §. ille quoque. de hæreticis. libro sexto.

Receptores hæreticorum quidam sunt sine culpa, & sunt illi, qui recipiunt eos, quos ignorant esse hæreticos: & de his non sunt intelligenda iura: quæ receptatoribus hæreticorum pœnas aliquas infligunt. Iniustum enim esset eis, qui omni culpa carent, pœnas aliquas inferre. Hoc tamen aduertere oportet, quod hi, qui propter ignorantiam hæreticos se recepisse causantur, debent ignorantiam suam probare, vt se à culpa immunes ostendant, præsertim si ante fuerant manifeste in hæresim lapsi, aut vehementem dederant hæresis suspicionem. Receptores hæreticorum culpati

**A**culpati dicuntur illi, qui hæreticos ex industria, & certâ scientia recipiunt, siue occulte, siue manifeste id faciant. Nec refert, an talis receptator pluries, aut semel tantum, vnum, aut plures hæreticos receperit, quoniam si vnum tantum hæreticum semel receperit, receptator dicitur hæreticorum, & eisdem subdetur pœnis, quæ à iure sunt contra receptores hæreticorum statutz. Nam vt quis receptator hæreticorum dicatur, non tam est inspicienda multitudo receptionum, quàm finis, propter quem hæreticum recipit. Quoniam si recipit, vt occultaret hæreticum ne à iudice puniri possit, tunc vere dicitur hæreticorum receptator, prout ex multis aliis casibus in iure expressis facile colligi potest. Leges enim illum censent esse receptatorem, qui receptat, & celat malefactorem, vt sic ille occultatus è manibus iudicis eripi possit. ff. de recepta. l. j. ff. de officio præf. l. congruit. C. de his qui lat. occult. l. vltim. Et qui sic hæreticum occultasset, puniendus esset vt hæreticus. Occultans enim alienum delictum facit suum. Et hoc expresse annotauit Bald. in l. j. C. de his qui lat. occult. Et hoc verum esse censeo, etiam si hæreticus esset sanguineus receptatoris: quia cum filij puniantur pro delicto patris, propter criminis atrocitatem, vt libro ij. dicemus, multo iustius est, vt pro delicto proprio puniantur, quando parentes suos receptassent. Si quis vero hæreticum domi suæ ex industria recepisset, non vt illû occultaret, aut defenderet, neque vt illius hæresi faueret: sed solum, vt illum ab hæresi reuocaret, & ad Catholicam fidem conuerteret, etiam si pluries illum recepisset, non dicitur receptator hæreticorum, neque pœna receptatoris punietur. Nam qui hac intentione hæreticum recipit, præsertim si de illius emendatione aliquam habet spem, opus veræ charitatis efficit, quo vix nullum maius proximo præstari potest, quo fit, vt nullus propter illud iudex possit iustas ab eo exigere pœnas. Verum & si hic talis ob bonum, quem sibi in tali receptione præfixit finem, iustus, & mercede dignus coram Deo habeatur, ecclesia tamen, quæ interiora non agnoscit: sed de his solum, quæ foris patent, iudicat, illum propter talem receptionem merito puniet, nisi ille bona intentione, bonoque fine id se fecisse aperto probauerit testimonio. Huius autem bonæ intèrio-



nis nullum aliud (mea sententia) potest dari certū, & apertum testimonium, nisi opus ab eo factū, quod manifestum constet esse medium, ad talem finem consequendum, ordinatum: vt puta, si idoneis testibus probauerit, se reprehendisse illum ob hæresim, quam tuebatur, admonuisse illum, vt hæresi deserta ad fidem Catholicam rediret. Si his, aut aliis huiusmodi testimoniis probauerit se bona intentione hæreticum domi suæ recepisse, ecclesia illum de bono opere tunc laudabit, tantum abest, vt illum tanquam hæreticorum receptatorem punire velit.

Alij dicuntur fautores hæreticorum, alij etiam defensores hæreticorum. Quorum diuersitas ex eo solo mihi pendere videtur, quod defensor est in opere, fautor vero in verbo, aut omissione eius quod contra hæreticum, quis facere tenetur. Defensor est, qui viribus, & potentia hæretico suffragatur. Fautor vero dicetur hac in parte ille, qui verbo solum patrocinatur hæretico, aut qui omittit facere aliquid contra hæreticum, quod iure facere tenebatur. Sigillatim de his duobus, & primo de fautoribus dicamus. Fautor hæreticorum (vt diximus) dupliciter quis effici potest, videlicet verbo solo, & omissione. Verbo aliquem fauere hæretico potest contingere dupliciter, quoniam potest aliquis fauere doctrinæ, & potest fauere personæ ex ignorantia doctrinæ illius: quia nescit qualis sit illius doctrina. Qui doctrinæ hæreticorum verbo fauent, dicentes illam esse bonam, & pro hac re contendunt, & rationes afferunt, hi non solum fautores hæreticorum: sed hæretici censentur, imo peiores ipsis hæreticis, quibus fauere nituntur. Nam Urbanus Papa ait: Qui aliorum defendit errorem, multo amplius damnabilior est illis, qui errant: quia non solum errat: sed etiam aliis offendicula erroris præparat, & confirmat. Hæc Urbanus Papa. Et habentur hæc verba in capit. Qui aliorum. xxiii. q. iij. Et idem dicit Isidorus in capit. Qui consentit. xj. q. iij. Potest etiam aliquis fauere solo verbo personæ hæretici, & hoc multipliciter. Primo quidem excusando personam à crimine hæresis, non ex inconsideratione, aut ex ioco: sed serio, vt puta si quis diceret hæreticos non esse tales, quales dicuntur sed esse bonos, & fideles catholicos. Et qui hæc faciunt, si hæretici non sunt manifesti, non dicuntur fauto

*Verba.*

*papa.*

**A** fautores hæreticorum: sed excusantur quamdiu non constat illos esse hæreticos: sed sola de illis habetur suspicio. Si tamen ex lubricitate linguæ, aut iocose aliquis verba aliqua in fauorem hæretici dixisset, non ideo censendus esset hæreticorum fautor, vt propter hoc pœnis iuris illum subiacere oporteret. Quod à simili probari potest per l. famosi. ff. ad l. lul. Maie. Nec refert, an qui sic verbis fauent in iudicio, an extra iudicium fauorem præstiterint. Nam quamdiu illos hæreticos esse non constat, possunt aduocati personis hæreticorum patrocinari, illos illorumque bona in iudicio defendendo. Neque huic sententiæ obstat cap. si aduersus, de hæreti. quoniam textus ille intelligendus est de illis aduocatis, qui fauent manifestis hæreticis, & idem est dicendum de notariis, qui instrumenta pro manifestis hæreticis conficiunt, qui ipso iure sunt excommunicati, & infames, & ab omni officio suo suspensi. Si tamen his, quos non constat esse hæreticos, fauerint aduocati, aut pro illis instrumenta cōfecerint notarij, nulli pro hac re pœnæ subiacebunt, etiam si post talem præstitum fauorem constaret illos esse hæreticos. Iustum enim est, vt quicumque accusato de crimine aliquo, sui ipsius permittatur defensio, quousque fuerit de crimine conuictus. Potest aliter contingere, vt quis solo verbo faueat hæretico, non quidem illum coram aliis excusando: sed illū monendo de captura, quam illi iudex inferre conatur, vt sic monitus fuge præsidio sibi ipsi consular, & se in tuto collocet loco, à quo iudex illum capere non possit. Et qui sic hæreticum admonuit, credo illum tanquam hæreticorum fautorē puniendum. Satis enim fauet, qui taliter illum adiuuauit, vt ille monitoris cōsilio manus iudicis euaderet. Et potest pro hac re sumi argumentum à minori ad maius ex eo quod præcipitur in l. iij. ff. ad l. lul. maie. Diuinam autē lædere maiestatem, quod per peccatum hæresis fit, constat multo grauius esse, quàm maiestatem lædere terrenam, vt dicitur in capit. Vergentis, de hæretic. Hoc autem tunc potissimum verum esse censeo quando hæreticus admonitus ab alio de fuga, illius obtemperauit consilio, & sic à iudicis potestate ereptus est. Quando vero hæreticus non est sequutus admonentis consilium, an is, qui illum admonuit, sit tanquam hæreticorum fautor puniendus, ego definire non audeo: sed aliis disputan.

dum relinquo. Et certe, qui monitorē istū dicere vellet fau- **C**  
 torem hæreticorum, non abs re faceret: propterea quod in  
 vnoquoq; crimine magis animus delinquentis inspicien-  
 dus est, quàm opus ab illo effectū. Et eadem seueritate vo-  
 luntatem sceleris, qua effectum puniri iura volunt, vt di-  
 cunt Imperatores Honorius, & Archadius in l. Quisquis.  
 C. Ad legem lul. maie. Hic autem, qui hæreticum de fuga  
 admonuit, voluit vt hæreticus fugisset, alioqui non admo-  
 nuisset. Quod autem hæreticus non fugerit, ipsi hæretico  
 est tribuendum, non monitori, qui omnia quæ pro illius  
 fuga facere potuit, effecit. Ex quo sequi videtur, vt monitor  
 ille eadē sit pœna puniendus, qua puniretur si illius admo-  
 nitio suum sortita fuisset effectum. Alio modo quis potest  
 solo verbo fauere hæretico manifesto, vt puta si pro illo  
 apud Principem, aut aliam potestatem secularem interce-  
 dat, ne pœna mortis puniatur, aut iudices ecclesiasticos, qui  
 bus de illius heresi iudicare incumbit, oraret, ne contra il-  
 lum sententiam dicerent. Qui huiusmodi fauorem, aut pa-  
 trocinium hæretico exhiberet, fautor hæreticorum merito  
 diceretur, & pœnæ fautorum subiacebit. Nam licet in aliis **D**  
 criminibus liceat cuiilibet pro alio intercedere, vt habetur  
 in l. Si fuerit. ff. de rebus dubiis, & l. In metallū, & l. Diuus.  
 ff. de pœnis. præsertim si de illius emendatione, bona ha-  
 betur spes, alioqui citra hanc spem hoc in foro conscien-  
 tiæ non liceret, quamuis in foro exteriori sit illis permis-  
 sum: hoc tamen in crimine hæresis propter grauissimam  
 illius malitiam nullo modo agere licet. Quod ex eo con-  
 uinci potest, quòd huiusmodi intercessionēs sunt omnibus  
 à iure interdictæ, ne fiant pro his, qui crimen læsæ maiesta-  
 tis commiserunt, vt habetur in cap. Si quis cum militibus.  
 vj. q. ij. Ex quo euidentissime colligitur nemini etiam lice-  
 re pro manifesto hæretico intercedere, quia multo grauius  
 est æternam, quàm temporalem lædere maiestatem. De-  
 nique alio modo potest quis dici fautor hæreticorum, non  
 quia verbo fauet: sed quia omittit, id quod iure tenebatur  
 contra hæreticos facere, siue publica sit, siue priuata perso-  
 na. Aliqua enim sunt contra hæreticos faciendæ, quæ à so-  
 la publica potestate fieri possunt: aliqua etiam sunt, quæ  
 omnes facere tenentur. Publica potestas tenetur hæreticos  
 ab ecclesia damnatos iuxta criminis qualitatem punire.

Nata

A Nam hoc illi præcipitur in capitulo ad abolendam, §. statui-  
 mus. & capitul. Excommunicamus, §. Moneantur. de  
 hæreticis. Potestas igitur secularis quocunque nomi-  
 ne illa censeatur, si hæc, quæ in illis cap. illi præcepta sunt  
 facere neglexerit, faultrix hæreticorum merito dicetur, &  
 pœnis à iure decretis eo ipso subdetur. Nam (vt Damasus  
 Papa ait) qui potest obuiare, & perturbare peruersos, & nō  
 facit, nihil est aliud, quàm fauere impietati eorum. Nec ca-  
 ret scrupulo societatis occultæ qui manifesto facinori de-  
 finit obuiare. Hæc Damasus, & habetur in cap. Qui potest.  
 xxij. q. iij. Nec solas iuris humani pœnas sustinebit Prin-  
 cept, qui hæreticis resistere negligit: sed reus apud Deum  
 habebitur omnium malorum, quæ hæretici fecerint. Quod  
 vel ex eo aperte conuincitur, quod olim cū fornicatus esset  
 populus Israël, cum filiabus Moab, Dominus iratus dixit  
 ad Moysen: Tolle cunctos Principes populi, & suspēde eos *Num. 25*  
 contra solē in patibulis, vt auferatur furor meus ab Israël:  
 Quæ verba interpretans Origenes homilia .vigesima su- *Orige.*  
 per librum Numerorum ait: Populus peccat, & Principes  
 ostentantur contra solem. Idem ad examinandum produ-  
 cuntur, vt arguantur à luce. Vides, quæ sit conditio Princi-  
 pum populi: non solum pro suis propriis arguuntur deli-  
 ctis: sed & pro populi peccatis coguntur reddere rationem  
 ne ipsorum sit culpa, quod populus deliquit, ne forte non  
 docuerint, ne forte non monuerint, neque solliciti fuerint  
 arguere eos, qui initium culpæ dederint, vt ne contagio  
 dispergeretur in plures. Hæc enim omnia facere principi-  
 bus imminet, & doctoribus. Si enim illis hæc non agen-  
 dibus, nec sollicitudinem gerentibus circa plebem peccau-  
 erit populus, ipsi ostentantur, & ipsi ad iudicium producun-  
 tur. Arguit enim eos Moyses, id est, lex Dei, velut negligen-  
 tes, & desides, & in ipsos conuertetur iracundia Dei, & ces-  
 sabit à populo. Hæc Origenes. Oporteret certe, vt omnes  
 Reges, & Principes, cæteræque omnes aliæ seculares pote-  
 states rem hanc exacte considerarent, & hanc historiam  
 semper præ oculis haberent, vt vel inde omnem desidiam,  
 & somnolentiā excuterent, & diligentius, atque fortius hæ-  
 reticis resisteret, & durius illos puniret, ne impunitate sua  
 audaciores effecti grauius illi nocere posset. Sed de hac re  
 quoniam infra lib. ij. longiorē faciemus disputationē, ideo  
 nihil



2. PAR. 19

nihil vltra impræsentiarum dicere censui. Persona autem C  
 priuata nihil aliud ( quod sciam ) contra hæreticos facere  
 tenetur: nisi vt testimonium, quod sciuerit, cōtra illos red-  
 dat, vt illius testimonio adiutus iudex possit iustam aduer-  
 sus illum dicere sententiam. Is igitur, qui sciens aliquem  
 esse hæreticum, præsertim si de hac re fuit à iudice requisit-  
 us, noluit verum dicere testimonium: sed ex industria id,  
 quod sciebat negauit, ne hæreticus damnaretur, fautor hæ-  
 reticorū merito dicitur, vt colligi potest, ex cap. quisquis.  
 xj. q. iij. Quocunque istorum modorum, quis hæretico fa-  
 ueat, peccat, & quidem grauiter, propter quod dignus est,  
 qui grauib. puniatur pœnis. Nam qui sic hæretico fauet,  
 illius crimini consentit, quo fit, vt illius criminis particeps  
 fiat. Iosaphat Rex Iuda alioqui bonus, ob hoc tamen à Deo  
 fuit reprehensus, quòd impio Achab præbuisset auxilium,  
 quamuis non idololatriæ, quibus ille deditus erat: sed  
 soli fauisset personæ. Defensores hæreticorum dicun-  
 tur illi, qui viribus, aut armis, & potentia, resistendo im-  
 pediunt, ne illi capiantur, incarcerationentur, aut quomodoli-  
 bet puniantur, aut denique ne à iudice examinentur. De hu-  
 iusmodi defensione habetur xxiiij. quæstione iij. per. mul-  
 ta capitula, & xxvij. quæstione j. cap. Si custos. Tales defen-  
 sores Lutheranorum fuerunt, & sunt hoc nostro seculo D  
 multi Germaniæ Principes, Dux Saxoniz Fridericus,  
 qui primus Lutherum tutatus est, & huic proximus Lanst-  
 grauius Hessiz Philippus, qui tam impense Lutheranis  
 fauent, & illos tam ex animo defendunt, vt pro illis non  
 solum sint purgare parati: sed suffragiis multarum Ger-  
 maniz ciuitatum adiuti, hoc anno quadagesimo sexto  
 supra millesimum quingentesimum, ingentem validissi-  
 mumque congregauerint exercitum contra Carolum Cæ-  
 sarem Hispaniarum Regem Fidelissimum, atque acer-  
 rimum ecclesiæ propugnatorem. Ob istorum defensio-  
 nem, hæc pestilentissima Lutheranorū hæresis adeo gras-  
 sata est, vt totam ferè infecerit Germaniam. Et certe hoc  
 experientia docente cognoscimus, nullam diu persistisse  
 hæresim: nisi quæ principes potentes habuit, qui illius  
 hæresiarcham pro viribus defenderunt. Sollicitat enim  
 dæmon non solum hæreticis: sed aliis quibuscumque sce-  
 lestis hominibus fautores, & defensores præstare, ne ob  
 defect

**A** defectum tutelæ crimina defint. Hinc est, quod de diabolo, & membris eius, quæ sunt omnes iniqui. Deus ad sanctum Iob loquens ait. Corpus illius, quasi scuta fusilia, & compactum squamis se prementibus. Vna vni coniungitur, & nec spiraculum incedit per eas. Quæ verba interpretans beatus Gregorius libro trigesimo tertio *Iob 41.* *Gregori* Moralium capite trigesimo primo ait: Fertur: quia draconis corpus squamis tegitur, ne citius iaculatione vilius penetretur. Ita corpus omne diaboli, id est, multitudo reproborum cum de iniquitate sua corripitur, quibuscunque tergiuersationibus se excusare conatur, & quasi quasdam defensionis squamas obicit, ne transfigi sagitta veritatis possit. Et trigesimotertio capitulo subdit: Istæ squamæ peccantium, ne ab ore prædicatorum aliquo vitæ spiraculo penetrentur, & obduratæ sunt, & coniunctæ. Quos enim similis reatus sociat, concordia pertinacia etiam defensio peruersa constipat, ut de facinoribus suis æterna se inuicem defensione tueantur. Sibi enim quisque meruit dum admoneri, vel corrigi alterum cernit: & idcirco contra corripientium verba vnanimiter assurgit: quia se in altero protegit. **B**ene ergo dicitur: vna vni coniungitur, & ne spiraculum incedit per eas: quia iniquitatibus suis dum vicissim superba se defensione protegunt, sanctæ exhortationis spiracula ad se nullatenus intrare permittunt. Quorum pestiferam concordiam adhuc apertius subdidit, dicens: Vna alteri adhærebit, & tenentes se nequaquam separabuntur. Qui enim diuini corrigi poterant, in iniquitatum suarum pertinacia vniri perdurant, & tanto magis quotidie à cognitione iustitiæ separabiliores fiunt, quanto à se inuicem nulla increpatione separantur. Nam sicut esse noxium solet, si vnitas desit bonis, ita perniciosum est, si non desit malis. Peruersos quippe vnitas corroborat dum concordat, & tanto magis incorrigibiles, quanto vnanimis facit. Hactenus Gregorius. Si aliqui Germaniæ Principes, & aliæ illius nationis potestates, non tam fortiter Lutherum, & alios hæreticos defendissent, aut omnes illi resipuissent, aut si pertinaces in suis hæresibus permansissent, illis è vita sublati, tota Germania ad veram, & catholicam, quam ante optime nouerat fidem, iam rediisset. Contra hæc.

hæc omnia personarum genera, videlicet, Credentes, Receptores, Fautores, Defensores hæreticorum multæ, & variae sunt poenæ à iure decretæ. Quæcunque enim istorum nomine quis censeatur, est eo ipso excommunicatus, et si posthæc excommunicationem annus labatur integer absque villa per eum data iusta satisfactione, ab illo temporis articulo efficitur infamis, & ab omnibus repellitur publicis officiis, nec ad electionem aliorum admittitur, nec in testem. Multæ adhuc aliæ illis irrogantur poenæ, quæ quoniam satis clare, & aperte exprimuntur in cap. Excommunicamus. §. Credentes. de hæreticis. & in cap. Quicumque. §. hæretici. de hæreticis, lib. vi. Ideo causa prolixitatis vitandæ, eas omisi. satis me fecisse arbitratus, quod loca indicaverim lectori, ubi illæ omnes ad vnam usque describuntur: præsertim quia de illis omnibus sigillatim libro secundo sumus disputaturi.

*Quod captus hæreticus non statim puniendus est: sed emendatio procuranda, & qualiter.*

## CAP. XVIII.

**H**Actenus de iis, quæ ad perfectam hæreticorum cognitionem mihi necessaria esse videbantur, pertractavi, nunc iam opus est, ut discutiamus, quid hæreticorum inquisitorem, aut iudicem, cui de hoc crimine iudicare incumbit, capto hæretico circa illum facere oporteat. Et quidem ut res perfecte iuxta canonicas sanctiones peragatur, hæc in primis habenda est consideratio, an homo ille, qui in hæresim lapsum esse deprehensus est, fuerit aliàs de hac, aut alia hæresi conuictus, aut propter vehementem suspicionem accusatus, an tunc primum scitur illum in hæresim fuisse lapsum. De illis, qui iam olim fuerunt de crimine hæresis aut conuicti, aut vehementer suspecti, nihil nunc dicimus: quoniam infra libro sequenti pertractabimus. Nunc de illo agamus, de quo nunquam scitum est ante in iudicio fuisse in hæresim lapsum. Hic talis etsi in posterum iuxta sui criminis qualitatem puniendus sit, non tamen statim cum deprehensus est, digna poena illi infligetur, sed prius oportet ad illius emendationem laborare, ut si possibile fuerit, ab errore ad fidem catholicam prius reuocetur, & sic spiritus eius in Dei iudicio saluus fiat. Bland-



**A** da admonitione est opus, non seuera: quia nimia seueritas sæpe frangere, & raro corrigere solet. Vnde Paulus Timothæum discipulum docens quo pacto deberet errantes corrigere ait: Cum modestia corripientem eos, qui resistunt veritati, ne quando det illis Deus pœnitentiam ad cognoscendam veritatem. Quæ verba interpretans Anselmus in commentariis super Epistolas ait: Ob hoc enim studere debemus, vt eos ad pœnitentiam conuertamus, vt mercedem nobis inde conquiramus, ne quando sine nobis per internam aspirationem det illis Deus pœnitentiam, & nos mercedem inde non habeamus. Hæc Anselmus. Præterea propria ipsorum inquisitorum infirmitas per quam possunt in similem, aut aliam peiorem hæresim, nisi Deus sustineat, labi, cogit eos, vt cum lenitate, & mansuetudine errantes corrigant: quia nisi id fecerint, Deus forte permittet, vt in similem, aut peiorem labantur hæresim, vt inde suam agnoscant infirmitatem, Vnde Paulus ait. Si præoccupatus fuerit homo in aliquo delicto, vos, qui spirituales estis instruite huiusmodi in spiritu lenitatis, considerans te ipsum, ne & tu tenteris. Hoc ideo dixit Apostolus, ne forte si proximi peccatum consideret prælatus, & non suum attendat, moueatur non ad miserationem: sed ad indignationem: non ad adiuuandum: sed ad iudicandum: non ad instruendum in spiritu lenitatis: sed ad destruendum in spiritu furoris. Mansueto igitur, id est, eo spiritu homini lapsò in hæresim subuenire oportet, quo sibi quisq; cuperet subueniri cum erraret. Et vt sciat vnusquisque iudex qualiter erga errantem mansuescere debeat, subdit Paulus in eadem Epistola inquit: Considerans te ipsum: ne & tu tenteris. Quia, qui in spiritu furoris, & non lenitatis subdorum corripit à Deo permittitur tentari, aut decipi: & vt vel inde suam infirmitatē agnoscens, aliis misereri discat. Et beatus Hieronymus in commentariis super Lamentationes Hieremiæ exponens locum illum: Recedite, polluti clamauerunt eis, sic ait: Talis est vox superborum magistrorum, qui pecus, quod crassum est de grege assumūt & quod debile proiciunt, quod infirmum non consolidant, & quod ægrotum non sanant. Recedite, inquit, polluti: recedite, abite, nolite nos tangere, nolite in aliquo nobis cōmunicare: insanabilia sunt vulnera vestra, & incurabiles plagæ

2. Tim. 3.

Ansel.

Galat. 6.

T're. 4  
Hier.



plagæ, non estis digni communione Christiana, ut ultra in vobis inhabitet Spiritus sanctus, facies Domini diuidit eos, ac respuit, nec addet ultra, ut recipiat, quia facies sacerdotum vestrorum non erubuitis, nec seniorum vestrorum admonitionem mansuete suscepistis. Talis loquela enim non illuminat cæcum, non sanat ægrotum, non curat infirmum: sed magis occidit, atque in desperationem prædicantem mittit. Boni etenim rectores ex sua infirmitate aliorum infirmitates pensantes, magis per humilitatis, & mansuetudinis lenimentum, student peccantes ab erroris laqueo eripere, quàm per austeritatem in foueam perditionis nutantes propellere. Hactenus Hieronymus. Deinde propter communem vtilitatem oportet, ut hæreticus homo non statim puniatur: quia possibile esset ipsum conuerteri, & quantum sibi soli nunc per hæresim nocet, tantum postea, & multo amplius post conuersionem suâ vniuersali profit ecclesiæ per suam publicam fidei confessionem. Tales igitur nimium celeriter auferre in magnum cederet Christianæ Reipublicæ detrimentum. Hanc rationem confirmat beatus Gregorius, qui Episcopis Galliarum scribens ait: Licet plerunque accidant sacerdotibus, quæ sunt reprehendenda, plus tamen erga corrigendos agat beneuolentia, quàm seueritas: plus cohortatio, quàm comminatio: plus charitas, quàm potestas: cum nemo nostrum sine reprehensione aut sine peccato uiuat. Nam si Dominus statim post trinam negationem, Beatum Petrum Apostolum præceptorē nostrum iudicasset, non tantum ex eo fructum, sicut fecit, recepisset. Hæc Gregorius. Quæ verba citantur à Gratiano, in cap. licet, distinct. xlv. Sed ut verum fatear, ego in toto registro epistolarum beati Gregorij non potui hæc verba inuenire, quæ Gratianus illo loco sub nomine Gregorij citat, quamuis illa, magna cum diligentia quæsiui. Sed illud inueni in Gregorio, quod eadem distinctione idem Gratianus citat in cap. Quid autem, quæ verba, quia huic proposito nostro valde conueniunt, hic inferere decreui. Quid autem de Episcopis (inquit Gregorius) qui verberibus timere volunt, canones dicant, bene fraternitas vestra nouit. Pastores enim facti sumus, non percussores. Egregius prædicator dicit: Argue, obsecra, increpa in omni patientia & doctrina. Noua vero, atque inaudita est ista

Gregor.

2. Tim. 4

**A** ista prædicatio, quæ verberibus exigit fidem. Hæc Greg. lib. ij. Regist. Epistol. liij. Quæ verba interpretans decretorum glossator, dicit esse intelligenda, de illo, qui fidem catholicam nondum susceperat: quia hic (vt ait) non est cogendus ad fidem, ille vero, qui semel fidem susceperat cogendus est retinere, & sic dicit non repugnare huic textui ea, quæ dicuntur in cap. Quis vero. xxij. quæst. iij. Quoniam quæ illic dicuntur, intelligenda putat de illo, qui iam fidem semel susceperat, vt ille sit cogendus ad illam conseruandam. Sed re vera nimium fallitur, & tota errat via: quia nec hunc, neque illum textum intellexit. Nam quod capitulum, Quis vero, non loquatur de illo, qui fidem catholicam susceperat, ex eo est apertissimum, quod loquitur de Paulo Apostolo, quem in Damascum euntem Dominus cæcitate percussit, & in terra prostrauit, & sic illum à persecutione Christianorum reuocauit, & ad fidem catholicam suscipiendam conuertit. Quis autem nescit tunc Paulum nondum fidem suscepisse, imò vt illam susciperet fuisse à Deo per illas pœnas quodammodo coactum? Et ipsa verba eiusdem capituli semel & iterum dicunt Paulum fuisse coactum à Deo ad Euangelium suscipiendum.

**B** ergo loquitur illud cap. Quis vero, de illo, qui fidem semel susceperat. Qualiter autem sint intelligenda nos Deo duce infra lib. ij. declarabimus. Sed nec capitul. Quid autem. bene intellexit, cum dixit illud esse intelligendum de illo, qui fidem non susceperat, vt ille non sit verberibus cogendus ad fidem. Si enim glossator decretorum legisset Epistolam integram beati Gregorij: vnde hoc capit. Quid autem, decerptum est, facile intellexisset non ita esse (vt docuit) interpretandum. Illic enim beatus Gregorius scribit Ioanni Constantinopolitano Episcopo reprehendens illum, propterea quòd quidam Isauriæ monachus fuerat in ecclesia fustibus cæsus. Et hanc talem punitionem repræhendens dixit: Noua atque inaudita est ista prædicatio, quæ verberibus exigit fidem. De Christiano ergo viro, & monacho loquebatur, & non de illo, qui nondum fidem susceperat. Deinde ex verbis eiusdem textus potuisset glossator conticere verba illa de fideli viro esse intelligenda, & non de illo, qui nondum fidem professus est. Nam reprehendens Episcopos, qui verberibus timeri volunt, dixit.

Pastores facti sumus non percussores. At Episcopi non sunt  
 pastores Iudæorum, aut Sarracenorum, aut aliorum, qui  
 nunquam fidem sunt amplexati: sed sunt pastores eorum,  
 qui Christum per baptismum sunt induti, quos velut oves  
 pascendos esse docet Gregorius, non percutiendos. Cum  
 autem dixit Gregorius: nouam, & inauditam prædicationem  
 esse, quæ verberibus exigit fidem, ibi fidem accepit  
 non solum pro eo animi assensu, quo assentimur creden-  
 dis: sed pro quadam obedientia, per quam obtemperamus  
 cuique bene monenti, siue ille de credendis, siue de agen-  
 dis moneat. Sic enim dicere solet, qui alium de re aliqua  
 monet. Crede mihi, & da eleemosynam, aut ieiuna. Vel,  
 Si mihi credis, non accedes ad talem, aut talem locum,  
 ne graue incommodum pati te oporteat. Dicit ergo bea-  
 tus Gregorius non esse bonam prædicationem, quæ ver-  
 beribus exigit fidem, hoc est obedientiam. Ibi siquidem  
 de omni virtute loquebatur non de sola fide credendorum:  
 ad quam plus putauit beatus Gregorius valere rationes  
 & verba, quàm verbera. Nolo tamen negare, imo fir-  
 missime fateor, & postea clarius fatebor, eos, qui semel  
 in baptismo fidem susceperunt esse cogendos, vt illam con-  
 seruent, sed dico, testimonio sanctorum fretus, prius esse  
 ad mouenda blanda, quàm aspera. Prius verbis, quàm ver-  
 beribus, prius amore, quàm timore agendum esse: quia  
 multi amore, & solis verbis alliciuntur, qui timore, &  
 verberibus à fide repellerentur. Si verbis nihil profecerit  
 inquisitor, & de hæretici salute merito desperauerit, tunc  
 procedendum est ad verbera, & velut incorrigibilem il-  
 lum tractabit. Quid autem circa hunc talem agere opor-  
 teat infra libro secundo differemus, quem totum huic ne-  
 gotio impendemus. Circa illum vero, de cuius salute non-  
 dum merito desperatur, etsi ille puniendus sit, prius ta-  
 men adhibenda sunt verba, quàm verbera, vt verbis &  
 rationibus, quæ plusquam tormenta intellectum mouere  
 possunt, ille ad fidem suscipiendam alliciatur, & sic tan-  
 dem saluus fiat. Nam hoc multo melius esse, aperte satis  
 docet beatus Augustin. acerrimus hæreticorum oppugna-  
 tor, qui in libr. contra epistolam fundamenti, cap. j. hæc  
 ait. Quanquam enim Dominus per seruos suos regna sub-  
 uertat erroris, ipsos tamen homines, in quantum homines  
 sunt,

*August.*



**A** sunt, emendandos esse, potius quàm perdendos putat. Et infra in eodem cap. Nostrum igitur fuit, & eligere, & optare meliora, vt ad vestram correctionem (Manichæis, contra quos scribit, loquitur) aditum haberemus: non in contentione, & æmulatione, & persecutionibus: sed mansuete consolando, beneuole tractando, leniter disputando. Hęc August. Et beatus Bernardus sermone lxxiij. super Cantica apertius, & effusius hanc sententiam docet, qui interpretans illum locum ex canticis, capite nobis vulpes paruulas, sic ait: Capiantur, dico, hæretici, non armis: sed argumentis, quibus refellantur errores eorum. Ipsi vero si fieri potest ecclesiæ reconcilientur catholicæ, reuocentur ad veram fidem. Hęc est enim voluntas eius, qui vult omnes homines saluos fieri, & ad agnitionem veritatis venire. Hoc denique velle se perhibet, qui non simpliciter, capite vulpes: sed capite, inquit, nobis vulpes paruulas. Sibi ergo & sponsæ suæ, id est, catholicæ ecclesiæ iubet acquiri has vulpes, cum ait: Capite eas nobis. Itaque homo de ecclesia exercitatus, & doctus, si cum hæretico homine disputare aggreditur, illo intentionem suam dirigere debet, quatenus ita errantem conuincat vt & conuertat, cogitans illud Apostoli Iacobi, qui conuerti fecerit peccatorem ab errore viæ suæ, saluabit animam eius à morte, & operit multitudinem peccatorum. Quod si reuerti noluerit, nec conuictus, post primam iam, & secundam admonitionem (vt pote qui omnino subuersus est) erit secundum Apostolum deuitandus. Hactenus Bernardus. Post verba, si ille obedire noluerit, & disputatione se victum fateri recuset, tunc bonum, imò necessarium esse iudico, vt verberibus circa illum agatur: quoniam vexatio solet dare intellectum. Nam qui à natura ad virtutem non inclinatur, neque ingenuos habent animos, vt verborum doctrina duci queant, sub iugo disciplinæ illos ponere oportet, vt legum autoritate coerciti melius deinceps sapiant. Vnde Salomon in prouerbis ait: Stultitia colligata est in corde viri: sed virga disciplinæ effugabit eam. Hęc tamen omnia ideo facienda esse dicimus, ne hæreticus in anima perpetuo damnetur, non autem, vt in corpore hic non sit puniendus. Nam etsi ille conuertatur, & fidem catholicam vere suscipiat, erit tamen iuxta suū

Can. 2

Bernardus

Iacob. 9

Prou. 22



**A** ex pacis negotio rixæ inuectores fiant. Quibus bene per Paulum dicitur. Si quis autem videtur esse contentiosus, nos talem consuetudinem non habemus, neq; ecclesia Dei. *1. Cor. 14*  
 Hæc Gregor. Ex hac gloriæ immodica cupiditate oritur tam proterua in disputatione contentio, vt etiam si per manifestissima argumenta hæreticus sit conuictus, nunquam tamen veritatem fateri velit: sed rimulas quasdam, per quas elabi possit, semper quærat, ne se victum coram populo fateatur. Licet apertissime se errasse in semetipso agnoscat, illud tamen fateri dedignabitur: quia mauult errorem suum etiam contra conscientiam publice tueri, quàm fateri se in disputatione fuisse victum, ne hac occasione illa, quam ardentè amabat, gloria depereat. Huius rei tam multa sunt exempla, & tam manifesta, vt non esset opus enarrare si solis viris eruditis scriberemus. Arrius in concilio trecentorum decem & octo patrum apud Nicæam celebrato conuictus, & damnatus est, nec tamen ob hoc sapientior factus est, imò iulianior factus pertinaciam auxit, & durior effectus nunquam emendatus est. Berengarius in multis conciliis damnatus est. In concilio Vercellensi damnauit illum comparere nollentem Leo Nonus. In concilio Tironensi coram Victore Secundo Pontifice Maximo idem Berengarius Palinodiam cantauit: sed postea huius Palinodix illum pœnituit, & ad pristinam hæresim rediit. Deinde à Nicolao secundo Pontifice Maximo Romam vocatus in concilio generali tunc celebrato, hæresim suam abiurauit, & anathematizauit. Cuius abiurationis verba habentur in cap. Ego Berengarius. de consecr. distin. ij. Sed post istam abiurationem (vt Lanfrancus de illo refert) ad vomitum iterum velut canis rediit. Idem contigit Ioanni Hus in concilio Constantiensi, qui licet multis, & euidentibus rationibus conuictus, nunquam tamen errores suos recantare voluit. Hæreticus enim, vt gloriam, quam anxie cupit, tueri valeat, non erubescit permanere in errore, & erubescit corrigere errorem. Difficillimum igitur est, vt quis pertinacem hæreticum publica disputatione sic conuincat, vt se errasse fateatur. Hanc enim difficultatem agnoscens Salomon ait: Expedi magis vrsæ currere raptis fortibus, quàm fatuo confidenti sibi in stultitia sua. Quæ verba interpretans Hieronymus in commentariis super Prouerbia *Prou. 17*  
*Hierony.*

ait: Facilius erat doctōribus sanctis furori Gentilitatis occurrere, raptis à se populis aliquibus, atque à bestiali eius fauitia ad fidei pietatem prædicando conuersis, quàm hæretico cuilibet confidenti in sua perfidia dogmatis: quia nimirum illud contra externos, hoc contra sua viscera certamen agebant. Hæc Hieronym. Si autem hæc disputatio secretò, & coram solis doctis fieret, facilius ille veritatem disceret: quia absente populi applausu, facile cessabit ventus superbiæ, qui oculis intellectus nimium obesse solet. Deinde veritate cognita facilius illam fateri cogetur, cum non sit populus, quem vereatur, & coram quo se victum fateri reformidet. Ex his igitur aperte constat secretam disputationem multum hæretico homini prodesse posse ad fidem catholicam recipiendam, & publicam disputationem multum obesse. Ipsi etiam disputanti catholico non parum nocere potest huiusmodi disputatio, si ille non sit vir doctus, & in sacris literis satis eruditus, & in aliis disputationibus valde exercitatus. Nam aliàs fieri posset, ut veritas, quæ semper est victrix, in ore illius victa videatur. Sunt enim sæpe hæretici in disputando disertissimi, & sciunt optime disputationum retia tendere, & vagam rhetorice libertatem in syllogismorum spineta concludere, & contradictorem sæpe suis argumentationibus sic illaqueare, ut nisi ille disertissimus sit, explicare se nequeat. Hoc autem si cum viro catholico disputans hæreticus fecerit, forte vir catholicus nesciens illius argumentationes dissolvere, putabit hæreticum optime conclusisse, & sic tandem deceptus hæretici sententiam sequetur. Nisi disertus fuisset in disputando Athanasius, facile illum coram probo iudice decessisset Arrius. Quàm necessaria sit ars, & exercitium disputatori aperte ostendunt plurimæ disputationes, quas cum hæreticis habuit Augustinus, in quibus, nisi fuisset disertus, sæpe succubuisset. Et propter hoc Bernardus, qui (ut in fine præcedentis capituli patuit) dixit hæreticum hominem esse argumentatione, & disputatione capiendū, censet talem disputationem nō nisi à viro docto, & exercitato esse faciendā propter periculum, quod inde evenire potest. De huiusmodi periculo locutus est Salomō cum ait: Qui scindit ligna periclitabitur in eis, si retusum fuerit ferrum. Quæ verba interpretans Hieron.

in com

Eccl. 10

Hierony.

A in commentariis super Ecclesiastem ait : Hæretici ligna infructuosa sunt, & saltus absque vtilitate pomorum. Vnde & in templo Dei prohibetur plantari nemus, & vana foliorum, id est verborum tantum sonantium spernuntur umbracula. Quamuis igitur sit prudens, & doctus vir, qui gladio sermonis sui hæc ligna conscindat, periclitabitur in eis, nisi diligenter attenderit : maxime si ei, quod sequitur acciderit. Si retulum fuerit ferrum, & faciem eius turbauerit, id est si disputatio eius infirmior fuerit inuenta, nec acumen habuerit ingenij, quo contraria quæq; defecet : sed principale cordis eius hebetetur, in partem transibit aduersum, & confirmabit eum fortitudo peruersa. Hactenus Hieronymus. Nocet etiam hæc publica disputatio ipsis audientibus, præsertim si illi indocti sunt, aut in fide nuntantes, & infirmi. Nam vulgus indoctum, & nunquam in re literaria versatum, nescit inter verum & falsum discernere : & ideo facile in iudicando fallitur, verum pro falso, & falsum pro vero iudicans. Sophistica hæreticorum argumenta, tanquam recte concludentia laudabit. Cum peruerse hæreticus collegerit, optime collegisse, & irrefragabile argumentum fecisse dicet. Apparentia illius argumenta, quæ si intus discutiantur nullius sunt roboris, vrgentissima iudicabit, & sic in hæretici sententiam paulatim trahetur. Fiet itaq; ut populus, qui fortis in fide ad disputationem audiendam venerat, infirmus, & vacillans discedat : & si qui forte dubius accesserat, disputatione audita hæresim ipsam firmissime, & sine vlla dubitatione amplexetur. Huius rei exemplum ante paucos annos nobis præbuit publica disputatio cum Luthero Lypsiæ in Germania habita : vbi vir doctissimus Echius publice cum Luthero disputans quamuis sæpe illum apertissimis diuicit argumentis. Populus tamen non ita, ut res erat, iudicans impium Lutherum magis, quam catholicum Echium laudabit, quapropter hoc neglecto insanum Lutheri dogma cum suarum animarum dispendio suscepit. Ob hanc causam Plato censuit de præcipuis legibus ciuitatis non esse differendum coram iuuenibus, si qua difficultas de illis emerferit, ne præcipuarum legum authoritas apud iuuenes minuatur, apud quos maximam illam esse oportet. Si tanta reuerentia legibus humanis, Platone iu-



dice, debetur, iustum est multo maiorem legibus diuinis C  
exhiberi, vt coram populo rudi de illis non disputetur, ne  
apud illos legum diuinarum authoritas, & fidei certitudo  
minuatur cum videat ea in dubium, & quaestionem vocari,  
quæ oportebat existimari verissima, & firmissima.  
Ideo Paulus optime hæc pericula agnoscens, & volens ea  
præcauere, Timotheum discipulum admonet, vt ab huius-  
modi disputationibus abstineat, sic inquit: Noli verbis  
contendere, ad nihil enim vtile est, nisi ad subuersionem  
audientium. Quæ verba interpretans Ambrosius in com-  
mentariis super Epistolas Pauli, ait: Contentiones vitan-  
das monet, præcepta autem danda sub Dei timore, & ter-  
rore: quia contentio potest adhuc minus stabilitis gene-  
rare scrupulum. Solent enim in contentione talia opponi  
elimato malevolentia ferro, vt moueant animos insi-  
pientium fratrum. Hæc Ambrosius. Et beatus Leo Primus  
huius nominis Pontifex Martino Augusto scribens Epi-  
stola xx. sic ait. Compressa enim vel remota inquietudine,  
ac prauitate paucorum facile firmabitur probanda concor-  
dia, si in eam fidem, quam Euangelicis, & Apostolicis  
prædicationibus declaratam per antiquos patres nostros  
accepimus, & tenemus, omnium corda concurrant, nulla D  
penitus disputatione cuiusquam retractationis admissa,  
ne per vanam fallacemq; versutiam, aut infirma videan-  
tur, aut dubia, quæ in ipso lapide angulari fundata sunt,  
& sine fine mansura. Hæc Leo Papa. Et certe propter hanc  
eandem rationem non est æquum, aut rationi consonum,  
vt in publicis disputationibus, quas in scholis, aut alibi  
Catholici, & docti viri inter se habere solent, hæreticæ  
& scandalosæ propositiones etiam exercitij causa, coram  
populo defendantur. Multi enim ob hanc causam in hæ-  
refes illas lapsi sunt, quas disputationis gratia in scholis  
defendi viderant. Nam ob hoc solum, quod in scholis de-  
fendebantur, putarunt vera esse illa, aut saltem tolerabi-  
lia, quæ illic dicebantur. Scio equidem virum quendam  
non prorsus rudem, aut idiotam: sed aliquantulum eru-  
ditum ab inquisitoribus vocatum in iudicium, & carceri  
mancipatum, propterea quod non fuisset veritus publicè  
dicere, fornicationem simplicem non esse peccatum. Qui  
cum postea interrogaretur, qua temeritate fuisset ausus  
tam



**A** tam pestiferam hæresim fateri, respondit se in scholis didicisse, in quibus sæpe viderat talem sententiam publice defendi. Ideo consultius factum fuisse censeo, si illi, qui talibus disputationibus præerant, huiusmodi propositionem hæreticam, à suis disputationibus abegissent, & illam in scholis defendi constantissime prohibuissent. Ecce certe ni fallor, illi qui huiusmodi disputationibus præsidentes poterant tales propositiones hæreticas, & scandalosas à schola propellere, erant multo grauius puniendi, quàm illi, qui ex talium propositionum publica defensione allekti sunt, vt illas veras esse, dicere auderent. Nec solum propositiones hæreticas, & scandalosas à publica disputatione abigendas esse censeo: sed etiam illas quæ, etiam verissimæ sint, vires tamen populi audientis superant, & in quibus rudis populus facillime errare poterit. Tales sunt materiæ de gratia, & libero arbitrio, de prædestinatione, de præscientia Dei, de multis Eucharistiæ mysteriis, & miraculis. De huiusmodi rebus coram populo rudi, & idiota disputare, periculosum esse censeo: quoniam in illis sæpe contingit argumenta contra veritatem facere, quæ populo illiterato maiorem apparentiam habere videbuntur, quàm responsiones, quæ pro veritatis tutela dantur. Argumenta, quæ fiunt, sæpe intelligit populus, & raro intelligit ipsorum argumentorum dissolutiones. In materia de prædestinatione, & præscientia Dei, quilibet sutor, & sartor argumentari nouit, & neruos adhibere argumentis, illi tamen vix poterit respondere doctissimus vir, qui cuique alteri viro erudito facile responderet. Et ita vix potest esse quin idiota hoc videns non scandalizetur, & in fide vacillet. Huius scandali author est ille, qui de huiusmodi rebus publice disputauit, & ita velut talis à Deo punietur. Sic in figura olim prædictum fuit in lege Moyfi: Si rixati fuerint viri, & percusserit quis mulierem prægnantem, & abortiuum quidem fecerit, sed ipsa vixerit: subiacebit damno quantum maritus mulieris experierit, & arbitri iudicauerint. Sin autem mors eius fuerit subsequuta, reddet animam pro anima. Quam legem iuxta allegoriam interpretans Origenes homilia decima super Exodum, ait: Sint duo viri isti, qui litigant, duo disputantes, & de dogmatibus,

Exod. 13

Origen.

vel quæstionibus legis secum inuicem conquirantes , & (vt Apostoli sermone dicamus) rixantes circa verborum pugnas. Et paucis interpositis subdit. Quia ergo isti, qui in quæstionibus litigant , ad subuersionem audientium litigant , idcirco percutiunt mulierem prægnantem , & eiiciunt infantem eius , vel formatum iam , vel nondum formatum. Mulier prægnans dicitur anima , quæ nuper Dei concepit verbum. Et post pauca subdit: Hæc ergo anima quæ nunc pro infirmitate sui mulier appellatur , duobus inter se litigantibus viris , & in certamine scandala proferentibus , quod habere semper verborum contentio solet , percutitur , & scandalizatur , ita vt verbum fidei , quod tenuiter conceperat , abiiciat & perdat. Et hæc est lis , & contentio ad euersionem audientium. Si ergo nondum formatum , anima , quæ scandalizata est , abiecerit verbum , qui scandalizauit , damnum dicitur pati. Et multis interiectis iterum ait : Formatus infans potest videri sermo Dei in corde eius animæ , quæ gratiam baptismi consequuta est , vel quæ euidentius , & clarius verbum fidei concepit. Hæc ergo si nimia contentione doctorum percussa abiecerit verbum , & inuenta fuerit esse de illis , de quibus dice-

1. Tim. 5

bat Apostolus. Iam enim quædam conuersæ sunt retro post Sathanam , animam pro anima dabit. Vel in die iudicij accipiendum est apud Deum iudicem , qui potest animam , & corpus perdere in gehennam. Vel certe potest fortassis illud aptari , vt qui sibi conscius tanti scandali fuerit , ponat animam suam pro anima illius , quem scandalizauerit , & vsque ad mortem det operam quomodo redeat , quomodo reparetur , quomodo restituatur ad fidem. Hactenus Origenes. Si soli viri , & firmi in fide adessent non solum de his veris , & catholicis propositionibus disputare liceret : sed etiam de propositionibus , quamlibet hæreticis disputare licet , si id solum gratia exercitij fiat , vt inde veritas fidei clarius elucescat , & ipsi disputatores instructiores & disertiores ad hæreticos conuincendos per tale exercitium fiant. Nam sicut hastiludia , & alia certamina inter amicos in palastra fieri solent , vt inde instruantur quo pacto contra hostes in bello certare valeant : Sic etiam inter viros doctos , & catholicos , literarum exercitia , & disputationes de fide haberi oportet,

vt

**A** vt inde discant quomodo contra hæreticos ecclesiæ, & fidei catholicæ acerbissimos hostes pugnare debeant. Neque huic sententiæ obstat quod Alexander quartus ait in capit. quicunque. de hæreticis, libro sexto, vbi sub excommunicationis pœna prohibet omnibus laicis personis ne publice, aut priuatim de fide catholica disputare audeant. Nam illic Papa veram disputationem prohibet, non autem fictam. Ficta quidem est disputatio, quæ solis verbis, & non animis fit, qualis est inter illos, qui cum sint in eadem sententia concordēs, argumentantur & respondent, vt rei veritatem clarius inueniant. Sicut etiam est bellum fictum inter eos, qui hastiludia exercent. Disputatio vera est inter illos, qui non solum verbis: sed etiam animis sibi inuicem contradicunt, & sententias prorsus contrarias tuantur. Disputationem fictam faciunt viri catholici cum de rebus fidei disputant: quia idem concordi animo sentiunt, & solis verbis contradicunt. Disputationem veram & non fictam habent viri catholici contra hæreticos cum de fide catholica disputant: quia sicut exterius verbis pugnant, ita interius animis dissentiunt. Hanc veram disputationem quæ cum hæreticis de fide habetur, prohibet Papa personis laicis, ne videlicet publice, aut priuatim de fide catholica cum hæreticis disputare audeant. Et merito id prohibuit: quia licet essent aliqui laici docti, qui bene, & sine periculo possent cum hæreticis disputare, leges tamen non decernunt de iis, quæ raro contingunt: sed de iis, quæ vt in pluribus eueniunt. Raro autem contingit laicos esse doctos in fide, & ad disputandum de ea disertos: & ideo ne ipsi in disputatione succumbētes, sibi ruinæ occasionem assumerent, aut aliis audientibus præberent, merito illis fuit talis disputatio interdicta. Aliam vero disputationem de fide quæ fictæ inter Catholicos exercetur, non est laicis per illud cap. quicunque. interdicta: quoniam disputatio ficta non est proprie disputatio: sicut nec bellum fictum est proprie bellum, nec homo pictus est proprie homo. Et si hoc bene aduertisset glossa, in illo capit. quicunque. §. Inhibemus, non tantis premeretur angustiis, quibus illic præmitur, & facile dissoluisset laqueos, quibus se teneri putauit. Laicis igitur solis est interdictum, ne cum hæreticis publice, vel priuatim de fide catholica disputent: ecclesiast

ecclesiasticis autem viris non sic est absolute prohibitum cum hæreticis disputare: sed licitum est illis de fide contra hæreticos disputare, modo id coram viris doctis, & in fide constantibus fiat. Et aliquando non solum erit licitum: imò necessarium contra hæreticos publice disputare, etiam coram populo simplici, ut puta quando populus ab hæreticis, aut aliis in se libus oppugnatur, & sollicitatur, ut si eam catholicam deserat. Tunc enim prælati ecclesiarum incumbit, subditos si leles ab huiusmodi hæreticorum infestatione defendere, & tenentur illi per se, aut saltem per alios viros doctos & in disputando disertos contra hæreticos disputare, ut gloria Dei manifestetur, & veritas catholica defendatur, & hæretici confundantur. Nam ob hoc (ut Paulus ait) oportet Episcopum doctum esse, ut sit potens exhortari in sacra doctrina, & eos, qui contradicunt arguere.

**Titi. 1** Et beatus Petrus præcepit Episcopis, ut sint semper parati ad satisfactionem reddendam, de illa, quæ est in nobis spe & fide. Alioqui si hæreticis clamantibus, & ad publicam disputationem prouocantibus, catholici viri tacerent, daretur populo suspicionis occasio, ut credat catholicos viros de fidei certitudine diffidere, eo quod non audeant ad certamen cum hæreticis descendere, aut credet illos cum hæreticis sentire, eo quod illis clamantibus tacent. Nunquam si quidem verius dici potest, ut qui tacet, consentire videatur, quàm cum res est adeo seria, ut tacere sit perniciosum, loqui vero utile, & necessarium. Ideo tunc necessarium erit contra hæreticum disputare: quia error, cui non contradicuntur approbatur, & veritas cum minime defendatur opprimitur. Negligere quippe cum possis perturbare peruersos, nihil aliud est quàm fouere. Nec caret scrupulo societatis occultæ, qui manifesto facinori desinit obuiare. Decreta autem & leges, quæ absolute omnem videntur prohibere de fide disputationem ad solos hæreticos diriguntur, quibus omois interdictur disputatio, per quam si eam catholicam oppugnare præsumunt, aut de illa dubitare. Nam de hac disputatione intelligendum est dictum Marciani Imperatoris, quod habetur, l. Nemo. C. de summa trinitate & fide catholica. In iuriam (inquit ille) facit iudicio reuerentissimæ synodi: si quis semel iudicata, ac recte disposita reuoluere, & publice

**Marcia.  
Imper.**



- A** blice disputare contenderit. Hæc ille. At catholicus, qui pro his, quæ in synodo definita sunt, disputat contra hæreticum, non facit iniuriam synodo, imò exhibet honorem. Hæreticus autem, qui contra synodum pugnat, is facit iniuriam synodo: quia illam errasse contendit. Hæreticis ergo: quia contra fidem sentiunt, de fide disputare inibet, catholicis autem, qui pro fide pugnant, de fide disputare non prohibet. Vt ergo omnia decreta, & leges, quæ disputationes de fide fieri prohibent, clarius intelligamus, est aduertendum, quòd in vera disputatione de fide, quæ est inter Christianum, & hæreticum, duæ sunt prohibitiones diuersæ iuxta duas personas, quæ ad huiusmodi disputationem coeunt, videlicet Christianus, & hæreticus. Prohibitio Christiani restricta est ad personas laicas. solis enim laicis, in illo §. inibemus. est interdicta huiusmodi disputatio. Hæreticis etiam est interdicta disputatio de fide: & hæc prohibitio est generalis, quo ad personas hæreticorum: quia nulli hæretico permittitur de fide disputare volens fidem infringere, aut de illa dubitare, præsertim in rebus illis, quæ per expressam ecclesiæ definitionem sunt iam olim determinata. Nam ad solos hæreticos est referendum, quod habetur in cap. maiores. xxiiij. quæst. j. Illud enim capitulum sumptum est ex quadam epistola Gelasij Papæ, quam ad Episcopos Dardaniæ misit, qui de Gelasio querebantur, propterea quòd Acatium Eutycianæ hæresis fautorem, sine concilio generali damnasset. Volebant siquidem Episcopi illi, vt Acatius prius fuisset ad concilium vocatus, & ibidem auditus, etsi suæ sententiæ rationem non dedisset, imò, vt illam hæreticam fateretur fuisset conuictus, tunc merito damnetur, & non ante. His Episcopis Gelasius Papa scribit, probans illos iniustam rem petere, & iuste Acatium sine concilij congregatione fuisse damnatum: quia cum hæresis Eutyciana fuisset iam olim in concilio Calcedonenfi damnata, non erat opus ad eiusdem hæresis fautorem damnandum, nouum congregare concilium. Et inter multa, quæ pro hac re in illa epistola eleganter disserit Gelasius, parum post principium refert ea, quæ recitantur in illo cap. Maiores. Quibus verbis (vt ex discursu literæ facile constat) docet hæreticos, qui in apertam, & præsertim olim damnatam hæresim lapsi sunt, non esse

*Gelasius.*

esse ad disputationem admittendos, sed oportet illos sine  
 vlla disputatione errorem suum reuocare. Quoniam (vt  
 in eadem epistola Gelasius ait) si ea, quæ salubriter decre-  
 ta sunt, cuiquam liceret irerare, nullum contra singulos  
 quosque prorsus errores stabile persisteret ecclesiæ consti-  
 tutum, ac semper iisdem furoribus recidiuis omnis inte-  
 gra definitio turbaretur. Nam si limitibus etiam præfixis  
 positarum semel synodaliū regularum non essent elisæ  
 pestes, resumptis certaminibus, contra fundamentum sese  
 veritatis attollerent, & simplicia quæque corda percuter-  
 rent. Quid si subinde fas esset perfidis inire concilium?  
 Cum quælibet illis manifesta sit veritas, nunquam desit,  
 quod perniciosa depromat falsitas, tamen si ratione, vel au-  
 thoritate deficiens sola tamen intentione non cedens. Hæc  
 Gelasius. Quæ verba satis se ipsa indicant, quod aduersus  
 hæreticos diriguntur, qui diuersis furoribus incitati firmam  
 fidem disputationibus suis oppugnare conantur, non ad-  
 uersus catholicos, qui eandem fidem defendere satagunt.  
 Beatus Leo primus huius nominis summus Pontifex solos  
 etiam hæreticos à disputatione arcer. Nam Epist. xxj. Mar-  
 tiano Augusto scribens de Eutyciana hæresi tunc recenti,  
 sic ait: Aucta igitur per imperialem amicitiam spe cœlestis  
 auxiliij, confidentius pietatem vestram pro sacramento sa-  
 lutis humanæ incitare præsumo, ne cuiusquam procaci im-  
 pudentique versutia, quasi de incerto quid sequendum sit,  
 finatis inquiri. Hæc ille. Et Epistola vigesima secunda, ei-  
 dem Martino Augusto de his, quæ in Calcedonenſi con-  
 cilio tractanda erant, scribens ait: Vnde per ipsum domi-  
 num nostrum Iesum Christum, qui regni vestri est au-  
 thor, & rector, obtestor, & obsecro clementiam vestram,  
 vt in præſenti synodo fidem, quam beati patres nostri ab  
 Apostolis sibi traditam prædicarunt, non patiamini quasi  
 dubiam retractari, & quæ olim maiorum sunt authorita-  
 te damnata, rediuiuis non permittatis conatibus excita-  
 ri. Hactenus Leo Papa. In quibus verbis apertissime con-  
 stat, eam solam disputationem prohibitam esse voluisse,  
 per quam firma fides vertitur in dubium, & quod cer-  
 tum est, in illa inquitur tanquam incertum. At cum  
 hæretici sint, qui fidei certitudinem incertam facere suis  
 disputationibus contendunt, & catholici sint, qui firmi-  
 tatem

*Leo papa  
Primus.*

D

A tatem fidei sua disputatione defendere conentur, consequens est, vt soli hæretici sint qui de fide disputare prohibentur, & non catholici. Hi enim soli sunt, qui iniuriam fidei authoritati, & dignitati faciunt, dum ab ea certitudinem suam amputare conantur, & illam, aut falsam, aut dubiam dicere non verentur. Vnde beatus Maximus in sermone quodam de pluribus martyribus ait: Magni periculi res est, si post prophetarum oracula, post Apostolorum testimonia, post martyrum vulnera, veterem fidem quasi nouellam discutere præsumas, & post tam manifestos duces in errore perman eas, & post morientium sudores ociosa disputatione contendas. Hæc ille. Hæretici ergo sunt, quibus contra fidem disputare est interdictum, quam si illi, omni prohibitione contempta, suis disputationibus oppugnare non erubuerint, Catholicis non est interdicta eiusdem fidei defensio: Imò aliquando (vt dixi) est necessaria, & præcepto iniuncta prælatis ecclesiasticis, qui velut pastores curam habent arcendi lupos, ne oves moribus noceant. Cum enim timetur populum in hæresim labi, propterea quòd nullus est, qui

*Maxim.*

B disputatione sua conuincat hæreticos, tunc necessarium esset contra hæreticos disputare. Propterea hoc beatus Athanasius disputauit cum Arrio, vt illum conuinceret, aut saltem populus in fide confirmaretur. Propter eandem causam beatus Augustinus toties cum variis hæreticis publice disputauit cum Felice Manichæo, cum Feliciano Arriano, cum Pascentio comite Arriano, cum Emerito Donatista. Eadem ratione ductus Lantfrancus Archiepiscopus Cantuariensis optauit publice disputare cum Berengario, vt publice conuictus, & confusus non posset populum secretò (vt faciebat) decipere. Sed hanc disputationem cum Lantfranco habere Berengarius noluit, reformidans victoriæ verecundiam. Hoc constat ex præfatione cuiusdam opusculi, quod idem Lantfrancus aduersus Berengarium scripsit. Ob eandem causam beatus Bernardus de clauetro, & quiete monasterij sui in Burgundia siti, ad Senonas usque in Franciam venire non dubitauit, vt contra Petrum Abailardum pestilentissimum hæreticum pro fide catholica disputaret. Nam etsi prius ab Archiepiscopo

*Athan.**Augusti.**Lantfr.**Bernar.*

Senon

Senonensi ad rem vocatus venire renuit, tum quia non sua **C**  
 putabat referre sed Episcoporum, quorum est ministerium  
 de dogmatibus iudicare: tamen cum audiret hæreticum  
 ob hoc superbiorem factum, & audacius exprobrare agmi-  
 nibus catholicorum virorum, acquieuit amicorum con-  
 silio, & ad disputationem venit: sed hanc hæreticus ipse  
 fugit: & ita Deo volente factum est, vt hæreticus, qui  
 prius ad singulare certamen beatum prouocauerat Bernar-  
 dum, ille prius à certamine fugerit. Et vt res sit apertior,  
 placuit hic inferere verba, quæ de hac re Bernardus scrip-  
 psit, epistola centesima octuagesimanona. Sic enim ait. Ce-  
 dens tamen licet vix ita vt fierem consilio amicorum, qui  
 videntes quomodo se quasi ad spectaculum omnes para-  
 rent, timebant ne de nostra absentia, & scandalum pro-  
 ximo, & cornua crescerent aduersario, & quia error ma-  
 gis confirmaretur, cum non esset qui responderet, aut con-  
 tradiceret, occurri ad locum, & diem, imparatus quidem,  
 & immunitus, nisi quod illud mente voluebam. Nolite  
 præmeditari qualiter respondeatis: dabitur enim vobis in  
 illa hora quid loquamini. Et illud: Dominus mihi adiu-  
 tor, non timebo, quid faciat mihi homo. Conuenerant **D**  
 autem præter Episcopos, & Abbates plurimi viri religiosi,  
 & de ciuitatibus magistri scholarum, & clerici literati  
 multi, & Rex præsens erat. Itaque in præsentia omnium  
 aduersario stante ex aduerso, producta sunt quædam cap.  
 de libris eius excerpta. Quæ cum cœpissent legi nolens  
 audire exiuit, appellans ab electis iudicibus. Hactenus  
 Bernardus. Ex cuius verbis apertissime constat quando, &  
 vbi liceat cum hæretico disputare. Cum enim ex defectu  
 disputatoris, qui contradicat, hæreticus magis inualescit,  
 & populo scandalum imminet, tunc necessaria est dispu-  
 tatio, vt hæreticus confundatur, & populus in vera fide  
 confirmetur. Sed tunc coram viris doctis disputandum  
 est, & non coram rudi populo: quia non expedit tam sub-  
 limen disputationem coram idiotis iudicibus fieri. Vbi  
 autem ex defectu disputationis nullum imminet popu-  
 lo periculum, consultius fieri existimo, si omnis ampu-  
 tetur disputatio, & iuxta consilium sapientis fiat, qui ait:  
 Ne respondeas stulto iuxta stultitiam suam, ne efficiaris  
 ei similis.

*Matt. 10  
Psal. 117*

*Prov. 26*

Quamuis



*A Quamuis non sit absolute bonum cum heretico  
disputare, est tamen bonum & sanctum  
contra hereticos scribere.*

## CAP. XX.

**F**Orte ex his, quæ præcedenti cap. diximus quisquam colliget non esse etiam bonum, neque sicutum aduersus hæreticos scribere, putans eandem esse rationem vocalis disputationis & scripturæ, & eadem mensura vtranque fore metiendam. Nam de hac re fuit mihi olim cum quodam viro Græce, & Latine docto non modica contentio. Cum enim Brugis in Flandria, vbi ille morabatur, ego tunc essem, & librum quem aduersus omnes hæreses edidi, tunc pararem, clanculo detrahebat labori meo, dicens me rem prorsus inutilem sumpsisse, & consultius me fuisse facturum, si ab incepto desisterem. Verum (vt sæpe euenire solet) quæ ille clanculo, & me nunquam scituro dicere putauit, amicis audientibus, & tandem mihi referentibus cognoui. Adj. hominem, rogauique ab illo, num ipse tale aliquid dixisset. Non potuit negare, qui sibi conscius erat, coram multis id dixisse, quorum testimonio poterat conuinci. Petij deinde ab eo, qua motus ratione ita sentiret, vt tam sancto operi detrahere vellet. Quia multi (respondit ille) opus hoc tuum legentes forte plus laudabunt hæreses ipsas contra quas disputas, quàm catholicam veritatem, & audientes iam olim fuisse illas ab aliis prædicatas, hoc ipso audaciores easdem hæreses tutandas suscipient, quas tu oppugnare conaris. Et sic cum hæreticos extinguere cupis, hæreticos suscitabis: quia illis scandalum appones, & hæresis occasionem præbebis. At, qui scandalizauerit vnum ex pusillis, qui in Christo credunt (vt Saluator ait) expedit ei vt suspendatur mola asinaria in collo eius, & demergatur in profundum maris. Ecce vides vrgentissimam rationem, qua ille motus est, vt non solum inutile: sed etiam noxium putauerit scribere contra hæreticos. Et tamen vir erat qui nimis ambiebat theologus videri, cum re vera non esset. Deinde absoluto iam libro, quod aduersus omnes hæreses paraueram, & typis excuso,

Math. 18

cum ad Hispanias, nataléque solum rediissem, non defuere, qui idem mihi exprobrarent, quod ille in Flandria fecerat. Sed isti neque viri theologi erant, nec se theologos existimari (ut ille) ambiebant. Viri quidem docti isti erant: sed tantum leges didicerant humanas, quas aut Pontificias, aut ciuiles vocant: & ob hoc istis leuius parcendum esse iudico: quia non est mirum, si in ea re, quæ ad ius suum non spectat, errauerint. Nam si viri theologi, & docti fuissent, non improbassent laborem meum, quod aduersus omnes hæreses disputationem pro fide catholica suscepi, inò porius vehementer laudassent, sicut nunc, Deo authore, cui ego gratias reddo immensas, quotquot ubique terrarum sunt docti theologi laudant, & miris efferrunt laudibus. Si enim bene nossent, quod qualéque scandalum sit vitandum, & quale contemnendum, non incidissent in talem errorem, quo putarunt non esse scribendum contra hæreticos, aut hæreses, ne quis hæc legens scandalizetur, & in eas ipsas hæreses labatur. Nam quod sit aliquod scandalum merito contemnendum, Saluator noster docuit, quando Apostolis dicentibus illi, Phariseos fuisse scandalizatos: propterea quod ipse dixerat, hominem non

*Matt. 15* coinquinari à cibo, quod intrat in os, respondit: Sinite illos, cæci sunt, & duces cæcorum. Quibus verbis apertissime Saluator noster illud Phariseorū scandalum contempnit. Ut igitur huius rei veritatem clarius demonstramus, opus est ut scandalorum varietatem, & quale sit inter illa discrimen obiter tractemus. Scandalum Græce, est offendiculum Latinæ, & ad mores translatum significat quandam mali occasionem. Vnde Hieronymus exponens illud Marthæi locum: Scis quia Pharisei audito verbo hoc, scandalizati sunt, sic ait: Et quia crebro teritur in ecclesiasticis scripturis scandalum, breuiter dicamus, quid significet. Scandalum, nos offendiculum, vel ruinam, & impactionem pedis possumus dicere. Quando ergo legimus: Quicumque de minimis istis scandalizauerit quempiam, hoc intelligimus, qui dicto facto ve occasionem ruinæ cuiquam dederit. Hæc ille, Tale autem scandalum bifariam contingere solet: quia aut ab aliquo datur, aut nemine dante accipitur: & ob hoc duplici etiam nomine appellatur. Nam quoddam dicitur scandalum datum, & quoddam

- A** quoddam dicitur scandalum acceptum. Scandalum datum est dictum, vel factum, quod ex se præbet alteri occasionem ruinæ, hoc est peccati. Tale scandalum semper est peccatum, & quidem mortale, si ex se est peccati mortalis allestium. De hoc scandalo loquutus est Christus cum dixit: Qui scandalizauerit vnum de pusillis istis, qui in me credunt, expedit ei, vt suspendatur mola asinaria in collo eius, & demergatur in profundum maris. Et iterum, Vt homini illi, per quem scandalum venit. Huiusmodi scandalum semper est vitandum, ea lege & ratione, qua cætera peccata vitare tenemur. Est aliud scandalum, quod dicitur acceptum, & non datum, & est casus, vel ruina, hoc est, peccatum proueniens ex bono facto, vel dicto alterius, aut saltem ex dicto, vel facto non malo. Hoc scandalum ideo dicitur acceptum, & non datum: quia ex ea re, quæ non est apta ad dandam occasionem mali, aliquis peccati occasionem accipit. Tale scandalum nullus vitare tenetur in alio, quando scandalum oritur ex re bona, & necessaria ad salutem, vt sunt omnes illæ quæ sub præcepto nobis iniunctæ sunt. Si quis enim scandalizaretur propterea
- B** quod in quadragesima abstinere a carnibus, aut die Dominica sacrum Missæ officium audis, non ideo aliquid horum impune omittere potes: imò scandalo illo contempto quodlibet illorum agere teneris. Nam lex charitatis, quæ præcipit, vt plus te, quàm proximum ames, etiam præcipit, vt plus in te quàm in proximo vites peccatum. Peccares autem, si ea omitteres, quæ tibi præcepta sunt. Ne igitur alius per scandalum peccet, ea quæ tibi præcepta sunt omittere non debes. De hoc scandalo intelligitur dictum Bedæ, quod ponitur in regula: Qui scandalizauerit. extra de regulis iuris. Vtilius scandalum nasci permittitur, quàm quod veritas relinquatur. Quæ regula iuxta omnium doctorum tum theologorum, tum canonistarum sententiam, intelligenda est de triplici veritate, videlicet vitæ, iustitiæ, & doctrinæ, ita vt neque veritas vitæ, neque iustitiæ, neque doctrinæ sit omittenda propter vitandum scandalum proximi, præsertim si talis veritas sit ad salutem animæ necessaria. Alioqui si veritas illa non sit necessaria, vt contingit in veritate vitæ, quæ non est sub obligatione præcepti iniuncta: sed solum in



consilio data, tunc propter vitandum proximi scandalum, C  
quod orietur in illo ex ignorantia, liceret ad tempus omit-  
tere talem vitæ veritatem, quousque doceatur bonam esse  
talem rem, neque ullam esse scandalum occasionem. Cum au-  
tem iam fuerit proximus edoctus, & clare fuerit illi osten-  
sum rem talem esse vere bonam, quæ nullam prorsus ha-  
beat in se scandalum rationem, si proximus adhuc scandalizatur, tale scandalum iam est maliciosum: quia ex pura  
malicia, & non ex ignorantia ortum, propter quod vitan-  
dum nulla vnuquam veritas est relinquenda. Ita interpre-  
tantur præfatam regulam iuris Alexander de Hales in se-  
cunda parte, quæst. clxxxix. membro sexto, Ricardus de  
Media Villa in iij. sent. distinct. xxxviii. artic. x. Adria-  
nus papa in prima quæst. quod libeti. Eodem modo etiam  
exponit glossa regulam illam licet non tam clare & aper-  
te & distincte quantum illi. Hoc etiam differt ab illis, quod  
glossa vocat veritatem disciplinæ, illam quam doctores  
præfati appellant veritatem doctrinæ: nam alioqui oportet  
fateri glossam non plene assignasse in sua diuisione om-  
nes veritatis partes, cum omiserit veritatem doctrinæ,  
quæ omittenda non erat: sed potius primo loco constituen-  
da, sicut fides prior est charitate. Fit igitur necessario, ne di-  
uisionem, quam glossa assignat, mancā esse dicamus, ut  
per veritatem disciplinæ intelligamus veritatem doctrinæ.  
Regula igitur Christiana est, ut utilius scandalum nasci  
permittatur, quā quod veritas relinquatur. His igitur om-  
nibus præmissis, peto ab illis qui sentiunt non esse bonū  
scribere contra hæreses, propter quod aliquis in illo opere  
legens forte scandalizabitur, veriore putans esse hære-  
sim quæ reprobatur, quā illius reprobationem. Quale  
scandalum erit huius scandalizati datum, an acceptum? Si  
dicant esse scandalum datum oportebit eadem ratione il-  
los fateri peccatum mortale esse scribere contra hæreses:  
quoniam (ut diximus) omne tale scandalum quod ex se dat  
peccati mortalis occasionem, est peccatum mortale. Cum  
igitur hæresis sit peccatum mortale, & (ut supra lib. j. osten-  
dimus) grauissimum, consequens est, ut scriptura cōtra hæ-  
reses, si (ut dicunt) est scandalum datum, sit etiam pecca-  
tum mortale, & scribens contra eos peccet mortaliter. Si  
hoc illi concedant, tunc iterum interrogabo illos, si scri-  
pturam



**A**pturam suam contra hæreses fautor illius ita secretò eam seruet, vt nullus eam videat, aut si illam alij legerint, & nullus ex ea scandalizetur, sed potius e contrario multi, qui erant dubij in fide, aut alias hæretici per illam reuocentur ad fidem, & in illa confirmantur, an tunc etiam scriptura illa contra hæreses sit dicenda scandalum. Si dicat tunc non esse dicendam peccatum neque scandalum, propterea quòd nullum scandalizauit, & multos ædificauit: sequitur inde, vt neq; peccatum sit, neq; scandalum datum dicatur, quamuis multi ex illius lectione scandalizentur. Consequentia ista inde est manifestissima, quòd opus aliquod, vt dicatur scandalum datum, non pendet ex hoc quòd alius scandalizetur ab eo: quia si opus illud est malum coram aliis factum, siue aliquis ex eo scandalizetur, siue non, semper dicetur scandalum datum. Siue quis capiat blasphemiam occasione cum videt alium blasphemantem, siue non: blasphemia publice facta semper dicitur scandalum datum. Necessaria igitur est consequentia, vt scriptura contra hæreses non dicatur scandalum datum, quamuis multi ex illa capiant occasionem ruinae, si non est dicenda scandalum quando nullus ex ea scandalizatur. Si vero dicant talem scripturam contra hæreses dicendam esse peccatum mortale etiam si nullus eam legat, & esse scandalum datum quamuis legentes in illa non scandalizentur ex ea, oportebit eos fateri, beatum August, beatum Hieronymum, & beatum Irenæum peccasse mortaliter, pro eo quòd multas aduersus hæreses ediderunt scripturas, & tales illorum tractatus, quos aduersus hæreses ediderunt, oportebit dicere esse scandalosos: quoniam etiam per illos tractatus poterit aliquis scandalizari, ita vt ipsas, quas illi sancti damnarunt hæreses, eligant magis quàm catholicam veritatem. Qui hoc concedere non dubitauerit, cogerur etiam damnare totam ecclesiam catholicam, propterea quòd illa non damnauit vnquam tales tractatus, neque vnquam viros fideles ab illorum lectione prohibuit. Non credo esse aliquem tam demumtem, vt dicat sanctos viros ob hoc peccasse mortaliter, quòd contra hæreses scripserunt, & ecclesiam errare, propterea quòd illa sanctorum virorum tractatus, quos illi aduersus hæreses scripserunt, legi permittit. Si quis tamen fuerit tam effrons, vt hoc cõcedere non vereatur, deducam

illum in multo acerbiores angustias, & in maxima, quæ C  
 fingere possumus viro Christiano in conuenientia. Nam  
 qui hæc dicit, necessario cogetur fateri Euangelistas in  
 scriptura suorum Euangeliorum, & Paulum in suis Epi-  
 stolis errasse: quoniam omnes hi scripserunt aliquas per-  
 uerforum hominum hæreses, & quamuis Euangelista,  
 aut Apostolus eas damnauerat, non tamen defuit qui il-  
 las postea sit tutatus. Aperta est. Saducæorum hæresis ne-  
 gantium resurrectionem, quæ à Christo Salvatore no-  
 stro, Matthæo, Marco, Luca referentibus, damnata est.  
 Mat. 22  
 Mar. 12  
 Certum est tamen multos fuisse postea hæreticos, qui in  
 hanc eandem hæresim lapsi sunt, & vtinam non sint ho-  
 die etiam plures, qui eidem hæresi faueant, putantes ni-  
 hil reliquum esse post hanc vitam. Paulus apostolus in  
 1. Timo. 4  
 priore ad Timotheum, Epistola damnat duas hæreses:  
 vnā, quæ prohibet nuptias: alterā, quæ damnat cer-  
 tas aliquas ciborum species: quas hæreses nullus (quod  
 sciam) fidelis homo ante tempus Pauli docuerat: sed quia  
 spiritu prophetico præuidit futuros esse aliquos, qui illas  
 docerent, ideo tempestiue præmonuit, vt ab illis caue-  
 remus. Si Paulus de hæresibus futuris præmonuit, scri- D  
 bens illas, & damnans ante illarum ortum, multo effica-  
 cius, & vehementius scripsisset contra illas, quæ iam fuis-  
 sent ortæ, sicut & fecit contra eas, quæ suo tempore sunt  
 ortæ. In epistola ad Galatas ex professo disputat contra  
 illos, qui dicebant ceremonias, & sacrificia veteris legis  
 esse necessaria ad salutem in lege Euangelica. Hoc idem  
 contendit in epistola ad Hæbreos. Potest tamen fieri, vt  
 quis has Pauli Epistolas legens, eligat magis hæreses,  
 quas illic Paulus damnat, quā catholicam veritatem,  
 Nam Ebion, & Cerinthus, & Sanæxi, & Elcesæi hæ-  
 retici non obstante Pauli sententia veteris legis cere-  
 monias dixerunt esse necessarias in lege Euangelica.  
 Quis ergo erit tam demens, vt censeat deledas esse episto-  
 las Pauli, reddenda esse Euangelica, ne forte quis illa le-  
 gens in eas incidat hæreses, quæ illic damnantur, aut in  
 alia vitia, quæ illic reprehenduntur? Ex his omnibus col-  
 ligo, quod ille, qui contra hæreses scribit, non solum non  
 peccat in hoc: sed bene agit, nec talis scriptura est pecca-  
 tum, imo potius opus bonum, & per consequens non est  
 dicen

**A** dicendum scandalum datum, licet aliquis per illam scandalizetur. Præterea sicut potest quis per huiusmodi scripturam scandalizari, sumens ex illa occasionem assentiendi alicui hæresi, ita econtrario possunt multi per illam scripturam ab hæresi, in quam forte fuerant lapsi ad fidem catholicam reuocari, & qui forte erant dubij, & nutantes in fide confirmari, & verisimile est hoc multo frequentius contingere, quàm illud: quia in tali scriptura fides catholica laudatur, hæresis reprehenditur & damnatur, pro fide catholica illic pugnatur, & hæresis expugnatur. Cum igitur boni, & Catholici non solum possint ex huiusmodi scriptura persuaderi ad confirmationem fidei: sed ultra hoc urgeantur, & quasi compellantur ad illam, consequens est, ut si quis talem scripturam contra hæreses disputantem legens in aliquam illarum hæresum illic damnatarum labatur, non tribuatur hoc malitiæ scripturæ: sed potius malitiæ ipsius legentis qui scripturæ abusus est, cum id probet, & bonum iudicet, quod illic legit esse malum, & reprobatum. Si gallinam aut caponem, aut arietem serpentis comedens vertat in venenum, quis dicet esse, cibi culpam & non potius serpentis, qui ob suæ complexionis malitiam id quod natura sua erat salubre, vertit in venenum? Idem prorsus censendum est de illo, qui legens eos tractatus, qui contra hæreticos scribuntur, ipsas hæreses quas illic vidit reprehendi, & damnari, magis eligit quàm catholicam veritatem. Ex his omnibus apertissime colligitur illum, qui contra hæreses scribit, non solum per hoc non peccare: sed bene agere, nec talem scripturam esse dicendam peccatum: sed opus bonum, & meritòrium, & per consequens non esse censendam scandalum datum, quamuis aliquis per illam scandalizetur. Quia tale scandalum non à scriptura oritur, quæ ex se bona est, cum mala sit hæresis, quæ per illam reprehenditur: sed à malitia ipsius legentis procedit, qui abutitur bono. Tale igitur scandalum censi debet acceptum, & non datum: quia ille culpa sua voluit offendere, cum tamen fuisset de offendiculo præmonitus. Ille per propriam malitiam voluit illi adhærere sententiæ, de qua fuerat monitus esse hæreticam, ut cauere ab illa. Hoc tale scandalum nullus evitare tenetur, quoniam de hoc (ut diximus) intelligitur illa iuris Christi-

ni regula, quæ ait: Vtilius scandalum nasci permittitur C  
quàm quod veritas relinquatur. Si quis enim à me fide Ca-  
tholica doctus, & de hæresi, vt ab illa caueat monitus, in  
hæresim ipsam labatur, illius erit culpa, nō mea qui illum  
monui. Ex quo apertissime colligitur nullo modo esse  
prætermittendam doctrinam fidei catholicæ, vt euitetur  
error in proximo, qui ex propria culpa errat. Nam aliàs  
eadem ratione oporteret prædicatores verbi Dei non re-  
prehendere vitia in publica concione, & confessores non  
interrogare de illis poenitentes in secreta confessione cum  
possit contingere, vt quis peccata, quæ forte ignorabat  
inde discens, occasionem sumat appetendi, & tandem per-  
petrandi ea, quæ nunquam antea commiserat. Eadem ra-  
tione medicus non deberet monere infirmum de cibis no-  
xiis, vt caueat ab illis, quoniam sæpe contingit, vt post  
prohibitionem ardentius illos cibos appetant, quos si co-  
mederint, forte morientur. Tamen si hoc contigisset, nul-  
lus sanæ mentis ob hoc exprobraret medico: quoniam mo-  
nuit infirmum, imo potius illo inculpato in ipsum infir-  
mum totam reiiciet culpam: quoniam noluit obtempera-  
re medico consulenti: sed suæ innitens prudentiæ, mor-  
tem sibi asciiuit. Si medicus corporalis monens infirmum, D  
vt caueat à noxiis cibis bene agit, consequens est, vt me-  
dicus spiritualis monens alios, vt à doctrinis noxiis absti-  
neant, tanto melius agat, quanto anima melior est corpo-  
re, & quanto grauiores sunt animi morbi, quàm corporis.  
Rursum, nunquam bonum aliquod omittendum est pro-  
pter euitandum scandalum proximi, quod in illo oritur ex  
propria illius malitia, quamuis (vt diximus) liceat ad tem-  
pus omittere, ad vitandum scandalū, quod oritur ex igno-  
rantia: quia tunc tandiu omittere oporteret bonum opus,  
quousque ille de veritate doceatur. Hoc ita esse testimonio  
redemptoris nostri probatur, qui postquam docuerat phar-  
isæos, apostolos non peccare, eo quod non lotis manibus  
Mat. 15 manducabant, & dicentibus illi Apostolis, pharisæos ob  
hoc fuisse scandalizatos, respondit. Sinite illos, cæci sunt,  
& duces cæcorum. Quibus verbis Christus redemptor no-  
ster apertissime contempsit tale pharisæorum scandalum,  
eo quod oriebatur ex pura illorum malitia, cum ab illo de  
Theo. veritate edocti ipsam apprehendere volebant. Vnde Theo-  
phila



**A**phila. præfata ſaluatoris verba interpretans, ait: Hinc enim diſcimus, quod offendi illos, qui ſponte offenduntur, & incurabiles ſunt, non eſt nobis damnoſum. Hæc ille. Et idem ſuper Lucam declarans miraculum de Hydropico, quem Dominus Sabbato ſanauit, ſic ait: Porro cum in medium veniſſet Hydropicus, non hoc conſiderauit Dominus, quomodo non offenderet multos: ſed quomodo ſanaret eos, qui cura ſua indigebant. Oportet enim nos vbi magna proſpectat vtilitas, non curare inſipientes, qui ſcandalizantur. Hæc Theophilaſtus. Scandalum illorum, qui legentes tractatus aduerſus hæreticos editos, in ipſas hæreſes labuntur, ex propria illorum malitia oritur, & non ex ignorantia: quia cum veritas fidei ſit illis aperte declarata, illam contemnunt, & errorem ibidem damnatum eligunt. Conſequens igitur eſt, vt (iuxta Saluatoris noſtri doctrinam) tale iſtorum ſcandalum, qui ſponte ſua ſcandalizantur, ſit contemnendum, & propter illud vitandum non debeat quis omittere, ſcribere contra hæreſes. Deinde quàm vanum, & futile ſit hoc inconueniens, quod iſti offerunt contra libros, qui aduerſus hæreſes ſcribuntur, apertiſſime oſtendit Paulus in Episto-  
**B**la ad Romanos, in qua de bonitate legis Moſaicæ diſputat, oſtendens eam non ita bonam fuiſſe, vt Iudæi putabant: quia non poterat iuſtificare homines, vt illi credebant. Et tandem oſtendens quid boni lex haberet, ait: Per legem enim cognitio peccati. Hoc ideo dixit: quia aliqua ſunt peccata, quæ nesciremus eſſe peccata: niſi lex docuiſſet nos illa eſſe peccata. Ideo iterum in eadem Episto-  
 la ait: Peccatum non cognoui niſi per legem. Nam concupiſcentiam nesciebam, niſi lex diceret. Non concupiſces. Hac igitur lege data, & per illam peccati cognitione habita, ortum eſt inde, vt homines ipſa peccata, quæ intellexerunt eſſe per legem prohibita, magis appetere. Et ideo ipſe in eadem Episto-  
 la dixit: Lex ſubintravit, vt abundaret delictum. In quibus verbis illud aduerbium, vt, non eſt capiendum in ſignificatione cauſæ finalis: ſed quatenus ſignificat conſequutionē effectus. Non enim ad hunc finem dedit Deus legem, vt homines magis peccarent: ſed vt meliores fierent. Data tamen lege homines exarſerunt in maiorem appetitum earum rerum, quæ per legem

Luc. 14

Rom. 3.

Rom. 3.

Roma. 7

Roma. 5

*Hora.**Roma. 7*

illis erant prohibita. Nam (vt ait Poëta) Nitimur inuettum semper, cupimusque negata. Et idem Paulus in eadem Epistola hoc ipsum ait, sic inquires: Occasione accepta peccatum per mandatum, operatum est in me omnem concupiscentiam. Et postquam alia multa ad idem propositum tibi Paulus dicit, contra seipsum arguit, sic inquires. Quid igitur dicemus? Lex peccatum est? Hoc Paulus sibi opponit, quia forte aliqui putare potuissent, legē esse malam, & melius fuisse talem legem non fuisse datam, cum ex illa multi (vt dictum est) occasionem acceperunt magis peccandi. Sed huic obiectioni respondet Paulus absit, Sed peccatum non cognoui: nisi per legem. Et parum infra. Si- ne lege enim peccatum mortuum erat. Ego autem vive- bam sine lege aliquando. Sed cum venisset mandatum, pec- catum reuixit, ego autem mortuus sum, & inuentum est mihi mandatum, quod erat ad vitam, hoc esse ad mortem. Nam peccatum occasione accepta per mandatum seduxit me, & per illud occidit. Itaque lex sancta quidem, & man- datum sanctum, & iustum, & bonum. Quæ verba inter- pretrans Anselmus in commentariis super Epistolas ait: Peccatum itaque non legitime vtens lege, ex prohibi- tione aucto desiderio, dulcius factum est, & ideo sedu- xit, vel fefellit. Hæc ille. Et Theophilactus eadem Pau- li verba exponens ait. Legi nanque mens erat, vt ad vitam traduceret, eoque & tradita est: at si ex mea mors ipsa defluxit, non est propterea illa culpanda: sed peccatum id est impetus ille, qui ad malum fertur, & corruptus, & vo- luptarius animus, quin potius, vt proprius loquar, vo- luptas me ipsa seduxit, occiditque sub mandati prætex- tu. Hæc Theophilactus. Paulus ergo censet legem fuisse bonam, & bonum fuisse talem sanxisse legem, quamuis ex illa homines sumpserunt occasionem pluries, & arden- tibus peccandi: quoniam hanc mali occasionem non præ- buit illis lex, quæ bona erat: sed ipsi per propriam mali- tiam sumpserunt ex lege occasionem. Et ideo caute Pau- lus in præfatis verbis loquutus est dicens. Occasione acce- pta per mandatum, & non dixit, occasione data per man- datum. Quoniam lex, quæ bona erat, non poterat illis ali- cuius mali occasionem præbere: sed ipsi homines: quia ma- erant, ex eo, quod bonum erat mali occasionem sumpse- runt

*Ansel.**Theo.**g. m. 3.**g. m. 3.**g. m. 3.*

runt

**A** runt. Ad eundem modum nos dicamus de scriptura Catholica contra hæreses edita, quemadmodum Paulus de lege dixit: Occasione accepta hæresis per scripturam Catholicam seducit insipientes, & fallit illos. Quid igitur dicemus? Scriptura illa peccatum est? Absit. Sed scriptura sancta est, & opus sanctum, & iustum, & bonum. Denique, ut iam concludamus, si ut vitetur insipientium spontaneum scandalum, vitanda est scriptura contra hæreses; oportet eadem ratione vitare omnia sanctorum virorum opera: quoniam vix vllum mediocris magnitudine opus illorum reperiēs, in quo non recitetur aliqua hæresis, & damnetur. Nam tanto odio hæreses sunt persecuti, ut semper occasionem quæsisse videantur, qua aduersus aliquam illarum pugnare possent. Forte aliquis mihi obiiciet id, quod præcedenti capit. diximus, non esse bonam publicam aduersus hæreticos vocalem disputationem: nisi ubi necessitas urgeret, & ita forte eadem ratione colligeret non esse etiam bonum disputare per scripturam aduersus illos. Sed hanc objectionem nullius prorsus esse, momenti facile quisque intelliget, si consideret, quàm latum sit inter vocalem, & scriptam disputationem discrimen. Vocali siquidem disputationi, & publicæ, omnes adesse possunt, & omnes ad illam audiendam certatim concurrunt tam idiotæ, quàm viri docti. Scriptam autem disputationem non legunt, nisi viri docti, & ideo scripta disputatio reputatur secretâ, & non publica. Vocalem autem disputationem secreto, & coram solis viris doctis fieri posse concessimus, sicut nunc de scripta disputatione concedimus. Deinde in vocali disputatione idiotæ, qui adsunt, & si sententias non intelligant, iudicare tamen de ipsa disputatione contendunt. De disputatione autem scripta raro aliquis iudicat, nisi vir doctus: quoniam vix aliquis (ut dixi) nisi doctus ille sit, illam legere curat, & si legerit non intelliget, ac proinde, nec iudicare possunt. Ad hunc modum sancti viri distinxerunt doctrinas, quæ voce, aut scripto dantur: quoniam cum prædicatores verbi Dei admoneant, ut iuxta auditorum capacitatem sermones temperent, ita ut de rebus sublimibus coram populo rudi non differant: ipsi tamē, qui hæc consulerunt, in suis operibus sæpe de rebus sublimibus scripserunt, quoniam putabāt illa opera à viris idiotis non fore legenda

da; & ita non putarunt idem imminere periculum ex scriptura, quod certum erat oriri posse ex vocali prædicatione. Propter hanc eandem causam censeo vitandos esse eos libros, qui lingua vulgari contra hæreticos disputant: quoniam talis scripta disputatio in lingua vulgari edita tam publica est, & adeo exposita est iudicio hominum idiotarum, ac si publica voce fieret. Merito igitur laudandus est communis regni Castellæ senatus, qui publico edicto prohibuit ne tales libri contra hæreticos editi in linguam vulgarem transferrentur, & de aliquibus, qui iam translati erant, præcepit sub grauibus poenis ne venderentur.

*Quod hæreticus si resipuerit est ab ecclesia misericorditer recipiendus.* C A P. XXI.

1. Tim. 2

Ioan. 6

Hier. 3

**H**æreticum hominem si resipuerit, solet pia mater ecclesia, quæ sponsi sui dulcissimi vestigia sequitur, extensis (vt aiunt) vlnis recipere. Imitatur siquidem sponsum suum, qui (vt ait Paulus) vult omnes homines saluos fieri, & ad agnitionem veritatis venire. Eum, qui venerit ad me, inquit Saluator noster, non eiciam foras. Iustum est ergo, vt ecclesia illius sponsa non eiciat foras eos, qui ad Christum redire voluerint. Deus per Hieremiã prophetam Iudeorum synagogæ, quæ cum amatoribus multis per varias idolorum culturas fuerat fornicata, promissit se illam recepturum, si ad illum reuertetur: ergo oportet, vt ecclesia filios, qui ab eius gremio per hæresim recesserant, recipiat, cum ad illam reuertuntur. Cõtrarium tamen sensit olim Nouatus, à quo Nouatiani hæretici sunt dicti, qui in tantam prorupit insaniam, vt non fuerit veritus docere, non esse dandam lapsis peccatorum indulgentiam, siue remissionem. At ecclesia spiritu Dei illustrata intelligit bene, quàm crudelis, & quàm à diuina misericordia aliena sit hæc sententia, & propterea ipsum Nouatũ damnans lapsis indulgentiam promittit, & tribuit. Imò blandius velut pia mater amplectitur eos, quos nunc lucratur, & de illis multo amplius gratulatur, quàm de illis, quos nunquam amiserat. Agnoscit enim illa, quod sponsum suum est ille bonus pastor, qui errantem ouem non interfecit, non percussit: sed gaudens super humeros suos imposuit, & ad ouile perduxit.

Luc. 15



**A** perduxit, & tandem conuocatis amicis, congratulari sibi ab illis petit, eo quod ouem, quam amiserat, inuenit. Deinde pater ille Euangelicus filium suum prodigum de pastu porcorum, & longinqua regione, in quam abierat ad se reuertentem non reiecit, neque illi exprobrauit prodigalitatem, aut vlla iniuria illum affecit: sed vt vidit illum pater eius à longe, misericordia motus est, & accurrens cecidit super collum eius, & osculatus est eum: & dixit ad seruos suos. Cito proferte stolam primam, & date anulum in manum eius, & calciamenta in pedibus eius, & adducite vitulum saginatum, & occidite, & manducemus, & epulemur: quia hic filius meus mortuus erat, & reuixit, perierat, & inuentus est. Sic pater cœlestis iudicat, sic emendat, sic peccanti filio dat oscula, non flagella, vt potest, qui non vult mortem peccatoris: sed vt conuertatur, & viuatur. Licet hæc filij Prodigij parabola de omni peccatore soleat intelligi, mihi tamē magis de illo, qui in hæresim lapsus est, intelligenda videtur, quàm de fideli, qui aliud crimen letale commisit. Fidelis siquidem adhuc est in domo patris, propterea quòd nondum ab ecclesia quæ Paulo testante, domus est Dei, recessit. Hæreticus vero, qui se ab ecclesiæ catholicæ consortio separauit, domum reliquit patris & tanto longius abiit, quanto fide deserta in plura se immerfit vitia. Ad domū patris reuertitur, cum relicto errore, quo fuerat ante deceptus fidem catholicam suscipit per quam iterum in ecclesiam, vnde exierat, intrat. Sed hunc talem pater cœlestis cum gaudio suscipit, & magis super illum lætatur, quàm super seniores filium, qui domi manserat. Qui sit igitur, vt mater non eodem gaudio suscipiat reuertentem filium, quo illum suscipit pater? Erūtne sponsa contraria sponso suo, vt quod sponsus suus benigne, & cum gaudio suscipit, illa cum austeritate reiciat? Absit. Nihil enim ex his, quæ ad fidem, & mores spectant, ecclesia agit, nisi prout à Deo sponso suo regitur, & docetur. Male igitur eos agere conuincitur, qui hæreticis reuertētibz ad ecclesiæ consortium, aut Iudæis, vel Sarracenis ad veram fidem conuersis exprobrant præteritam infidelitatem, & illos ob hoc iniuriis afficiunt, cum potius deberent illos benigne tractare, dulciter alloqui, charitate & amore prosequi, vt his retina oculis illos in fide suscepta melius conser-

*Ibidem**1. Tim. 3*

conseruarent. Et forte qui illos acerbe & cum austeritate tractant, hoc faciunt, vt illos fidei susceptæ poeniteat: Ideo Dominus in lege veteri sub quadam figura, quemadmodum reliqua, quæ in illa lege fuerunt dicta, præcepit, vt huiusmodi hominibus non inferretur iniuria, neque præteritum vitium quis illis exprobraret. Sicenim in Leuitico ait:

*Leuit. 19*

Si moratus fuerit aduena apud vos, non exprobreis ei. Vitium aduena: præcepit non esse illi exprobrandum: sed vt tanquam indigena ab illis æstimaretur. Aduena est inter Christianos quisquis à Iudæorum, vel Sarracenorum ritu ad Christianismum venit, huic tali præcepit Dominus, vt nullus exprobraret aduena: notam, nullus ex hoc illi iniuriam faceret, quod ante Iudæus aut Sarracenus fuerit. Nullus in illo considerare debet, sicut neque Deus considerat, quod ante fuit: sed quod nunc est. Vnde Ambrosius ait:

*Ambros.*

Cum renunciatur improbitati, statim adsciscitur virtus. Egressus enim malitiæ, virtutis operatur ingressum, eodemque studio, quo crimen excluditur, innocentia copulatur. Hæc Ambrosius. Et habentur hæc verba in cap. Cum renunciatur. xxxij. quæst. j. Eos vero, qui contra hanc Domini legem faciētes, austere, & improbe tractant nouiter conuersos, reprehendit Dominus per Ezechielem prophetam dicens: Aduenam opprimebant calumnia absque iudicio.

*Exe. 22*

*Hierony.*

Quæ verba interpretans Hieronymus in cōmentariis ait: Aduenam quoque, & peregrinum, qui nondum eius ecclesiæ fuerat effectus: sed tantum auditor, & habens initia fidei, opprimebant calumnia: vt postquam circuissent mare, & aridam, facerent vnum profelytum & facerent eū filium gehennæ. Hæc Hieronymus. Iustius est ergo, vt qui à Iudæis, siue Sarracenis. siue hæreticis, eorum erroribus desertis, ad fidem ecclesiæ catholicæ conuertuntur, benigne recipiantur, dulciter tractentur, ne nimia austeritate deterriti, à cōcepta fide recedant: sed potius benignitate, & blanditiis sanctis allekti, in fide, quam semel susceperūt alacriter perseuerent. Et si quis ex his Christianis recentibus, & nouiter à Iudaismo, aut à Sarracenis conuersus, in fide errare contingat, & postea errorem suum cognouerit paratus corrigi, dico hūc talem esse cum maiori misericordia, & leuiori poenitentia, quàm alius ex veteribus Christianis recipiendus: præsertim si ex ignorantia illum errasse cōstet, & non

**A** ex malitia : vt puta , quia non fuerat plene de fide instru-  
ctus. Neque obstat capit. contra Christianos. de hæreticis.  
libro sexto, quia cap. illud, intelligitur de pertinacibus, &  
qui non sunt parati ab errore suo corrigi. Si tamen veræ  
contritionis signa ostenderint, & ad vnitatem ecclesiæ re-  
dire voluerint, benigne recipi debent : quia ignorantia, &  
aliquando infirmitas illos excusat. Ne igitur hoc excusa-  
tionis velamine malitiam suam semper tegere procurent,  
necessarium esset, vt huiusmodi nouiter conuersis Chri-  
stianis tempus aliquod, & non nimium breue præfigere-  
tur, in quo ea, quæ ad fidem catholicam pertinent, discere  
tenerentur, & magistri qui illos docerent, darentur : quo-  
niam nisi id fiat, etiam si postea errent, merito se excusare  
poterunt dicentes: Nemo nos conduxit. Verum ne quis ex  
his, quæ diximus ansam erroris capiat, putans hæreticum  
hominem quotiescunque resipuerit, esse semper ad mise-  
ricordiam recipiendum, oportuit de hac re admonere le-  
ctorem, vt intelligat bifariam posse contingere, vt hære-  
ticus ad fidem conuersus ab ecclesiâ recipiatur. Vno modo,  
vt recipiatur ad solam animæ suæ salutem: alio modo, vt  
**B** non solum ad animæ: sed etiam ad corporis salutem reci-  
piatur. Primo modo dicimus hæreticum quocunque tem-  
pore pœniteat, etiam si relapsus fuerit esse semper reci-  
piendum ad pœnitentiam, vt salutem animæ assequi pos-  
sit. Nam pœnitentia ( vt Augustinus ait) etiam si in vltimo  
vitæ hiatu aduenerit, saluat & liberat. Et in cap. super eo.  
de hæreticis. libro sexto docetur, relapso hæretico non esse  
neganda pœnitentiæ, & Eucharistiæ sacramenta, si illa hu-  
militer petierit, & manifesta pœnitentiæ signa in eo appa-  
reant. Secundo modo, hoc est, ad corporis, & animæ utili-  
tatem, non semper oportet hæreticum recipere, neque sem-  
per ecclesiâ illos recipere vult. Et merito hoc ecclesiâ facit:  
quia si semper illos reciperet, vt illos in vita, & aliis bonis  
temporalibus seruaret incolumes, in multorum per-  
niciem (vt lib. ij. longius docebimus) hoc cede-  
ret. Quos autem hæreticos, & quando ad  
corporis, & animæ salutem ecclesiâ  
recipiat, sequenti capitul.  
docebimus.

Quod

*Quod haeretici primo ad fidem redeuntes, non  
sunt omnes pariter, & cum aequali  
misericordia recipiendi.*

## CAP. XXII.

**Q**uamuis omnes haereticos, qui semel tantum in haerē-  
sim lapsos fuisse, deprehenſi ſunt, cum ad fidem catho-  
licam redeunt, recipiēdos eſſe diximus, non tamen omnes  
cum recipiuntur, eadem benignitate tractare oportet: ſed  
iuxta varietatem criminis, & perſonae varia illis impende-  
*Dent. 2* tur miſericordia. Nā pro meſura peccati, praecepit Deus,  
vt fiat plagarum modus. Hae autem varietas in multis  
conſiderari debet, & primo an is, qui in fide errauit, ſpon-  
te, & ſine alicuius accuſatione venit, an poſt quā fuerat  
accuſatus. Multum ſiquidem intereſt, an libere an ex me-  
tu aliquid agas. Si quis in fide errauerit, & poſtea peccatum  
ſuum agnoſcens ſine alicuius accuſatione, aut denunciatio-  
ne ſed ſponte ſua ad inquiſitores haereticorum acceſſerit,  
& ſe coram illis de ſua haereſi accuſauerit, & miſericor-  
diam perierit, erit abſque dubio, cum benignitate, & mi-  
ſericordia recipiendus. Et ſine alicuius infamiae nota, poen-  
itentia aliqua ſecreta iuxta haereſis, & perſonae qualitatem  
illi imponitur. Neque in hoc tali eſt cōſiderandum ex tem-  
pore ſuae cognitionis, & confeſſionis aliquod diſcrimen: vt  
puta, ſi ante tempus gratiae ab inquiſitoribus cōceſſum, ve-  
nit vel poſt. Solent enim inquiſitores haereticorum cum pri-  
mum oppidum aliquod viſitant, vt de haereticis inquirant,  
edicta proponere, & populum per praedicatores monere, vt  
ſi quis in illo fuerit in haereſim aliquam diabolo ſuadente  
lapſus, infra talem, aut talem terminum, puta hebdoma-  
dam, vel meſem, errores ſuos recognoſcant, & ſe erraſſe  
humiliter coram illis fateantur: alioqui ſi hoc illis praefi-  
gnato termino iam tranſaeto, deprehenſi fuerint, velut ha-  
retici punientur. Hic illis praefixus, & conceſſus terminus,  
ſolet vocari tempus gratiae: quia ex gratia, & non ex neces-  
ſitate illis cōceſſum eſt tēpus veniae, vel miſericordiae, quia  
ſi illo tēpore venerint, venia illis dabitur, & miſericordia.  
Quocunq; igitur tēpore quis veniat, ſiue intra tempus gra-  
tiae, ſiue poſtea, modo ſponte ſua, & ſine aliqua accuſatione,  
aut citatione ille veniat, ſemper eſt cum miſericordia reci-  
piend



**A** piendus. Et potest hoc etiam probari à simili per id, quod habetur in cap. Si tibi absenti. §. antequam, de præbendis. lib. vj. Si vero aliquis non sponte sua: sed accusatus, & vocatus ad inquisitores venerit, & peccatum suum fuerit coram illis confessus, tunc hanc oportet habere imprimis considerationem, an videlicet ille intra tempus gratiæ venerit, an post. Si quis de hæresi accusatus peccatum suum antequam ad iudicium vocetur agnoscat, & illud humiliter fateatur intra tempus gratiæ, dico illum esse misericorditer recipiendum, & cum delicti sui venia, siue ille sciat se esse accusatum, siue non. Nam alioqui ego non possum intelligere, quibus illud tempus gratiæ prodesse possit: quoniam illis, qui sponte sua veniunt, & mere libere, nihil certe prodest, cum hi etiam si post tempus gratiæ iam elapsum venerint (vt nunc diximus) sunt admittendi. Fateri igitur oportet tempus illud gratiæ, aut nullius prorsus esse momenti, aut necessario valere illis, qui post accusationem venerint. Imponetur tamen istis poenitentia digna iuxta suorum criminum qualitates. Si autem post tempus gratiæ elapsum quis accusatus, & vocatus accesserit, & crimen suum tunc fuerit coram inquisitoribus confessus, dubium est inter doctores, an sit recipiendus. Nam Archidiaconus in c. vt commissi. §. necnon, de hæret. lib. vj. dicit hunc talem non esse recipiendum, & remittit ad notata in l. j. c. de his qui latro. occul. Dominicus eodem loco recitat hanc Archidiaconi opinionem, & illam nec oppugnat, neq; confirmat: sed sola illius relatione contentus pertransit. Hostiensis vero in summa, tit. de hæret. dicit hæreticum antequam sit conuictus, semper esse recipiendum. Nam in §. Qualiter deprehendatur. sic ait: Si confitetur vocatus timore probationis, & iudex videat ipsum contritum, & speret de conuersione sua, potest ei parcere iniuncta poenitentia salutari. Et parum infra ait: Si vero negauerit, & conuictus fuerit, condemnari debet per ecclesiasticum iudicem, ad quem hoc pertinet, vt in c. Ad abolendam. §. j. extra de hæreticis. Et in §. Quando, & qualiter ecclesiæ reconcilietur dicit, quòd post condemnationem statim sine aliquo intervallo posset reconciliari autoritate episcopi, ex intervallo autem non nisi autoritate Papæ. Et dominus Cardinalis in clement. Ad nostram. §. pen. de hæretic. dicit,

*Archidi.**Domini.**Hostiens.**Cardina.*

quòd si postquam negauerit, sit conuictus, non admittatur ad huiusmodi reuocationem erroris, vt per illam mortem euadat. Quia qui expectauit, vt per probationes conuinceretur, & conuictus redit, non hoc facit in continenti, nec sponte: quia videtur timore probationum fecisse. Glossator autem decretalium docet, quòd etiam post condemnationem sit recipiendus, si tunc sponte illum redire cognoscat. Hoc dicit in cap. Ad abolendam. §. præsenti. in verbo, recurrere, & in c. penul. de hæretic. §. si qui autem. in verbo, deprehensi, & ibidem probare nititur hanc suam opinionem, sic dicens: Quia ecclesia non claudit gremium redeuntibus ad ipsam. C. de summa trinitate & fide catholica. inter claras. circa finem, & delicti veniam petentibus damus, C. eod. tit. Manichæos. Hæc in glos. Panormitanus in j. cap. excommunicamus. §. damnati. eod. tit. quamuis recitat opinionem Archidiaconi, huic tamen magis fauet. Et pro hac opinione ille adducit tex. in cap. Accusatus. de hæret. lib. vj. In quo ca. solos relapsos sine misericordia dicit esse puniendos. Dicit ergo Panormitanus hanc opinionem esse tenendam: quia mitiorem, & probat per regulam: Odiā. & per regulam: In pœnis. de regul. iur. lib. vj. Ecce vides tres doctissimorum virorum opiniones, quarum duæ sunt extremæ, alia videlicet Hostiensis, quæ quodammodo mediat. Quid igitur ego homo theologus faciam, vbi tot magni gigantes pugnant? Dicere enim possem id, quod Virgilianus ille rusticus dixit.

*Virg. Non est meum inter vos tantas componere lites.*

Dicam tamen ingenue, quod nulla istarum opinionum absolute, & ex omni parte mihi placet. Nec miretur quis, aut me arrogantem, & superbum dicat, propterea quòd ego homo theologus in materia iuridica contra viros iuris canonici peritissimos pugnare audeam: sed magis consideret, obsecro, nullum esse, aut fuisse vnquam tam doctum hominem, qui sensu pure humano scribens non errauerit aliquando, iuxta id, quod in vulgari prouerbio dicitur: Bonus quandoque dormitat Homerus. Consideret etiam id, quod Iuuenalis ait.

*Venist de Gente togata*

*Iuuen. Qui iuris nodos, & legum anigmata soluet.*

Sed his omisis (vt ad scopum nostrā reducam orationem) pro

**A** pro clariori huius rei illustratione , oportet negotium hoc trifariam considerare iuxta tres gradus, per quos ad hæretici punitionem solent iudices procedere. Primo enim hæreticus accusatur , & vocatur. Secundo per testes idoneos de hæresi conuincitur. Tertio damnatur , & deinde punitur ea pœna, ad quam damnatus fuerat. Si hæreticus accusatus , & vocatus antequam sit de crimine suo conuictus, post tempus gratiæ peccatum suum agnouerit, dico cum Hostiensis illum talem esse cum salutari pœnitentia ad misericordiam recipiendum , si iudex agnoscat illum de peccato præterito dolere , & de emendatione illius bonam habeat spem. Nam hic talis cum non sit vere , neque vlla iuris fictione relapsus , neque possit verè dici incorrigibilis , cum errorem suum nulla pertinaci animositate defendat , non est cur ad mortem possit damnari , aut iudici seculari tradi. Iura siquidem neminem nisi incorrigibilem , & relapsum iudici seculari tradi præcipiunt. Cum ergo iure non sit isti denegata misericordia , intelligitur concessa. Imponetur tamen illi salutaris pœnitentia, in cuius impositione , vt plena seruetur iustitia , considerare oportet hæresis , & personæ qualitatem , an videlicet hæresis illa , in quam lapsus est , sit contra illud fidei articulum , quem expresse scire tenebatur. Nam (vt aliàs supra me dixisse memini) non omnes ad omnia credenda pari lege tenentur. Si oppositam fidem non tenebatur iuxta suæ personæ qualitatem scire , atque ideo constat illum ex ignorantia errasse , tunc cum modestia , & charitate docendus est de vera fide , quam si statim susceperit , erit cum misericordia , & sine vlla infamiæ nota recipiendus. Quia cum ille errorem suum nulla pertinaci animositate defendat , consequens est vt (iuxta Augustini sententiam in cap. dixit Apostolus) non sit hæreticus censendus , nec velut talis puniendus. Quòd si aliqua illi imponatur ad cautelam pœnitentia , vt videlicet cautior deinceps sit in loquendo , leuem illam esse oportet , cum leue , aut forte nullum fuerit illius peccatum. Si vero errauit circa ea , quæ scire tenebatur , tunc tentandus est , an ex industria , & sciens errauerit , an ex ignorantia. Possibile est enim , vt negligens fuerit in addiscendis iis, quæ erat obligatus scire : & quia negligens fuit in discendo , errauit

in aliquo particulari, putans illud, quod ipse credit ab ecclesia catholica credi. Si illum ex ignorantia eorum, quæ scire tenebatur errasse constiterit, & de suo errore admonitus statim illum reuocauerit, & sine vlla rebellionem veram fidem susceperit, cum misericordia admittetur, imponeturque illi poenitentia, & non leuis: sed aliquanto grauior præcedenti: non tamen, ut hæreticus puniatur: sed quia negligens fuit in addiscendis illis quæ sub gehennæ interminatione erat obligatus scire. Oportet tamen hoc loco cautum esse inquisitorem, ut bene penetrare valeat, an is, qui errauit circa ea, quæ erat obligatus scire, errauerit ex ignorantia: quoniam is, qui ignorat ea, quæ scire tenebatur, oportet ut suam probet ignorantiam, si per eam excusari procurat. Si vero constat illum ex industria, & scientia errasse, quamuis post accusationem veniat, admittetur ad misericordiam si hæresim statim abiurauerit: imponetur tamen illi poenitentia, & multo grauior, quam duobus præcedentibus. Quia (ut saluator noster ait) seruus, qui nouit voluntatem patris, & non fecit secundum eius voluntatem, vapulabit multis. Et quod adducit Archidiaconus ex annotatis in l. j. C. de his qui latro. occul. non est ad propositum. Hæreticus vero, qui transacto tempore gratiæ vocatus crimen suum negauit, & postea per testes idoneos conuictus peccatum suum fatetur, & petit misericordiam, est illi concedenda, ut euadat poenam mortis: sed erit perpetuo carceri mancipandus. Hoc apertissime probatur per secundum cap. Excommunicamus. §. si qui autem. extra de hæreticis. Nec obstat cap. Ad abolendam. §. Præsenti, vbi dicitur, quod secularis arbitrio potestatis relinquatur puniendus, qui non continuo post deprehensionem erroris ad fidem catholicam redierit. Deprehensus enim non dicitur in hæresi omnis qui accusatus est de illa: sed ille solum, qui de hæresi legitime conuictus est. Nam alias oporteret, ut omnis qui de hæresi accusatus est, & crimen suum negat, esset ante legitimam probationem potestati seculari tradendus: quia textus ille dicit, quod qui post deprehensionem erroris non statim ad fidei catholicæ vnitatem recurrit, iudici seculari tradatur ad illius arbitrium puniendus. Hoc autem dicere esset absurdissimum. Nec satis est, ut quis dicatur in hæresi deprehensus, quod sit per testes conuictus, docuisse, aut firmiter

Luc. 12

D

miter



**A** miter asseruisse propositionem aliquam, quæ vere est hæretica: sed oportet, quod sit etiam per vera argumenta conuictus talem propositionem esse hæreticam. Nam quamuis in hæresi aliqua persistat (vt supra in isto primo libr. cap. x. docuimus) antequam sit de hæresi sua legitime admonitus, non dicitur pertinax, & per consequens neque hæreticus, si paratus sit reuocare hæresim, cum fuerit illi vera fides manifesta. Alioqui oporteret dicere, vt quotiescunque inquisitor hæreticorum præciperet alicui prædicatori, aut doctori, vt propositionem aliquam tanquam hæreticam abiuraret, ille teneretur hoc facere. Nam diceret inquisitor, quod nisi statim abluret iuxta cap. Ad abolendam, statim illum tradet curiæ seculari. Et ita cogeretur aliquando propositionem catholicam recantare; & abiurare. Non est ergo dicendus deprehensus, nisi fuerit conuictus. Qualiter autem, & quibus argumentis sic aliqua propositio de hæresi conuincenda, supra cap. iij. aperte declarauimus. Et certe (vt opinor) ex falsa huius vocis deprehensus, intelligentia deceptus est Archidiaconus, putans omnem, qui transacto tempore gratiæ accusatus accedit esse relinendum, & potestati seculari tradendum. Et Dominus Cardinalis etiam deceptus est, qui existimauit omnem conuictum, etiam si ante condemnationem redeat, esse tradendum potestati seculari: quia (vt ille ait) non statim, & continuo redit. Sed re vera fallitur: quia textus in cap. Ad abolendam. non dixit absolute, nisi continuo redierint, sed dixit, continuo post deprehensionem erroris. Tunc quis dicitur deprehensus in aliquo crimine, quando facti euidentia cognoscitur illum tale crimen commisisse, aut per testes est conuictus, aut publica sui confessione illud se fecisse est confessus. Quo fit, vt si quis conuictus de hæresi statim illud fateatur, & hæresim abiurat, dicendus sit statim post deprehensionem erroris abiurasse; & per consequens non sit tradendus iudici seculari, arbitrio suo puniendus. Quia cap. ad abolendam; præcipit vt arbitrio secularis potestatis non tradatur hæreticus, qui statim post deprehensionem erroris ad fidei catholicæ vnitatem redire voluerit. Et in cap. Excommunicamus. §. si qui autem. præcipitur, vt huiusmodi talis, qui postquam fuerit deprehensus re-

dierit, perpetuo carceri mancipetur. vt igitur quis pœnam **C**  
mortis euadat, non opus est, quod fateatur suum crimen  
antequam fuerit conuictus: quia etiam si postquam fuerit  
conuictus, hoc est, in errore deprehensus: si tamen ante-  
quam per sententiam sit condemnatus, suum errorem fa-  
tetur, perpetuo carceri mancipatus pœnam mortis euadet.  
Huic meæ sententiæ fauent non solum glossator Decreta-  
lium, Panormitanus, & cæteri, qui aliam extremam, & mi-  
tissimam opinionem tenent: sed etiam Gondissaluus de  
Villa Diego in tractatu de hæreticis. Restat nunc tertius  
gradus examinandus, de illo, scilicet qui etiam postquam  
conuictus est, negauit, & ideo damnatus est, vt secularis ar-  
bitrio potestatis puniatur, & post hanc damnationis sen-  
tentiam, crimen suum fatetur, credens se hac via miseri-  
cordiam consequuturū. Hunc talem firmissime teneo non  
esse vlllo pacto admittendum, vt talis illi præstetur venia,  
quæ illum à iudicio secularis potestatis redimat. Quoniam  
hic talis præsumendus est fiste accedere, nec de illius emen-  
datione sperandum est. Pro hac re est aperte textus præfati  
cap. Ad abolendam. vbi præcipitur, quod hæreticus relin-  
quatur secularis arbitrio potestatis, animaduersione debita **D**  
puniendus, nisi continuo post deprehensionem erroris ad  
fidei catholicæ vnitatem sponte recurrere voluerit. At qui  
post damnationem venit, non sponte: sed timore pœnæ  
quasi coactus redit: & qui conuictus adhuc sententiam ex-  
pectauit, non continuo redit. Et in vtroq; cap. Excommu-  
nicamus. §. damnati, nulla prorsus damnatis datur indul-  
gentia: sed præcipitur, vt seculari potestati tradantur de-  
bita animaduersione puniendi. Quod autem Panormita-  
nus arguit per cap. Accusatus. de hæreticis, libro vj. in quo  
solis relapsis venia negatur parum mouet. Primo quia in  
illo cap. non habetur, quod ille ait: Illic enim Papa de-  
clarat, qui sint relapsi dicendi, & qui sint pœna relapsorum  
in hæresim puniendi, non tamen exprimit pœnam, qua illi  
debeant puniri. Deinde quamuis illic solis relapsis negare-  
tur indulgentia, non tamen reliquis omnibus conceditur,  
quod erat maxime necessarium, præsertim cum antea fuis-  
set illis in multis locis negata, vt patet per cap. Ad abolen-  
dam. & cap. Excommunicamus. primo, & secundo. Argu-  
mentum etiā, quod adducit, vt opinio sua tanquam mitior  
recip

- A** recipiatur, per regulam : Odia. & regulam : In pœnis. nihil valet. Quia regulæ illæ intelliguntur in negotio dubio: quando non constat quid ex iure tenendum sit, tunc pœnæ, & odia sunt restringenda, quando verò iura apertissime disponunt pœnas, non sunt tunc illæ restringendæ. Illa etiam, quæ pro ista opinione adducit glossa, nullius sunt momenti. Nam illis satis superq; respondetur in cap. super eo. de hæreticis. libro. vi. In illo siquidem textu declaratur, quòd ecclesia nulli claudit gremium, vt illi denegat, quod ad animæ suæ salutem viderit necessarium : ac proinde damnatis, & relapsis si contritionis signa ostenderint, pœnitentiæ, & Eucharistiæ sacramenta non negat. Claudit tamen gremium sæpe in his, quæ ad corporis salutem pertinent : quoniam hæc denegata sæpe salutem animarum prodesse solent. Deinde deceptus est glossator in præfato §. si qui autem. in verbo, deprehensi. vbi exponit, sic dicens: Publice, ita quòd notorium, vel etiam condemnati. Hæc ille. Fateor quidem condemnatos dicendos esse deprehen-  
**B** sos: sed nō de istis deprehensis loquitur ille §. si qui autem, quia de istis, qui per condemnationem sunt deprehensi dictum fuerat eodem c. §. Damnati. Alioqui si de omnibus deprehensis intelligatur §. si qui autem. apertissime erit contrarius præcedenti §. Damnati. Talis autem contrarietas in eiusdem cap. contextu non est imaginanda, quæ contrarietas facillime tollitur, si aduertamus alios esse præter damnatos, qui iure dicuntur deprehensi. Sunt enim deprehensi, qui in ipsa perpetratione criminis sunt capti, vt puta quia visus est sic prædicare, aut docere, & qui per testes idoneos sunt conuicti, & qui publice in iudicio crimen suum confessus est. De his igitur, & non de damnatis intelligitur §. si qui autem: de reliquis vero, qui per iudicis ecclesiastici sententiam sunt condemnati, intelligitur §. Damnati. Quam verborum differentiam, si bene aduertisset glossator, non sic fuisset deceptus. Superest adhuc, vt de alio hæreticorum genere disseramus, de illis videlicet qui errorem suum fatentur: sed illum deferere nolunt, quoniam dicunt non esse errorem: sed veram fidem. Sed de hoc inferius libro secundo disputabimus, quem totum huic negotio tribuimus: nunc enim in hoc primo libro de illis solum hæreticis disputamus, qui post tene-

bras ad lucem redeunt, & erroribus suis desertis, ad fidem catholicam reuertuntur.

*De apostatis, an sint etiam cum ad ecclesiam redierint, benigne, & cum misericordia, velut ceteri hæretici recipiendi.*

## CAP. XXII.

**Q**uamuis de omni hæretico iam dictum sit, illum si congruo tempore sui delicti poenituerit, fore ad misericordiam recipiendum, ut à poena mortis liberetur: aliqui tamen de apostatis dubitant, an sint etiam eadem mensura mentiendi, ut etiam illis si ad fidem catholicam ultro redierint, sit indulgentia præstanda. Huius autem dubitationis causa inde oritur, quod ius civile non eandem tribuit benignitatem, & misericordiam apostotis, quam cæteris hæreticis. Nam in lege, hi qui. C. de apostatis. præcipit Imperator, ut apostatæ, etiam si ad fidem catholicam redire voluerint, ultima poena puniantur: cum tamen alios hæreticos non dicat poena mortis fore puniendos. Pro huius quæstionis definitione oportet in primis ad memoriam reuocare id, quod supra cap. j. huius primi libri diximus, Apostatas sub nomine hæreticorum comprehendere, nec esse aliam differentiam inter apostatam, & hæreticum: nisi eam, quæ est inter speciem, & genus. Nam (ut illic ex beato Thoma docuimus) Apostasia species est infidelitatis, quæ sub hæresi comprehendunt, & nihil supra hæresim addit: nisi quandam speciem aggrauantem, quæ est totius fidei oppugnatio, cum aliæ hæreses non totam fidem: sed solum partem oppugnent. At si apostasia est hæresis species, & non alio modo ab illa distincta, consequens necessario est, ut apostata sit etiam quædam hæretici species, & nullum aliud habens cum hæretico discrimen: nisi quale est inter speciem, & genus. Hoc igitur præmissis, aliqua prius iaciam firmissima fundamenta, quibus innixa nostra huius quæstionis sententiâ, contra omnia aduersariorum tela constans, & firma permaneat. Primum fundamentum. De crimine hæresis nullus iudicare alium potest: nisi solus ecclesiasticus iudex. Hoc fundamentum probatur per cap. Ut inquisitioni. de hæreticis. libro vj. ubi expresse inhibet

Papa



**A** Papa omni potestati seculari, ne quomodolibet de hæresi cognoscat, aut iudicet, & causam assignet, quia crimen hæresis est mere ecclesiasticum. De nulla enim re mere ecclesiastica, secularis iudex definire aliquid valet, quod si attentare quis præsumpserit, eius definitio irrita est, & innanis, ut patet expresse in cap. Bene quidem. xcix. distin. & in cap. Ecclesia sanctæ Mariæ. extra de cōstitutionibus. Et propter eandem causam cognitio, & iudicium in causa matrimonij sunt iudicibus secularibus prorsus inhibita, & solis ecclesiasticis iudicibus referuata: quia matrimonium eo, quod est sacramentum, censetur res mere ecclesiastica. Præterea secularis iudex non potest de hæresi inquirere, nec de illa iudicare, hoc est, non potest iudicare, an hæc, aut illa assertio sit hæretica, an catholica, ergo non potest propter illud crimen aliquem punire. Collectio est manifesta: quia iniustum est, ut quis possit iudicare in crimine, de quo non potest cognoscere. Quod autem secularis iudex non possit de fide aut hæresi cognoscere, apertissime conuincitur ex his, quæ supra cap. v. diximus. Et probatur ultra: quia secularis potestas ab ecclesia est illuminanda, & ab illa doceri debet, & non econtrario. Nam (ut dicitur in cap. solitæ. de maiori. & obe.) ecclesiastica potestas est velut sol, secularis vero comparatur lunæ, quæ lumen suum à sole recipit. Deinde in lege veteri non Rex, aut Princeps, aut Dux, *Leuit. 13* aut medicus: sed solus sacerdos habebat ius lepræ inspicendæ, & dignoscendæ, & ille solus leprosos iudicabat, & ex illius iudicio pendebat quidquid circa leprosum lex faciendum esse iubebat: ergo eodem modo in lege noua fieri oportet, ut non Rex aut Princeps, aut quæuis alia potestas secularis: sed solus sacerdotalis ordo, hæresis dignoscendæ, & iudicandæ potestatem habeat. Nam lepra (ut sacri doctores interpretantur) quædam fuit expressissima hæresis figura. Vnde Augustinus lib. ij. quæstionum Evangelicarum, cap. xl. differens de decem leprosis à Christo saluatore nostro mundatis, ita ait: Nullum eorum quibus hæc corporalia beneficia præstiti, inuenitur misisse ad sacerdotes, nisi leprosos. Nam & illum à lepra mundaerat, cui dixit: *Augsti.* Vade, & ostende te sacerdotibus, & offer pro te sacrificium, *Matt. 8.* quod præcepit Moyses in testimonium illis. Et post pauca subdit: Quærendum igitur est quid ipsa lepra significet.

Non enim sanati : sed mundati dicuntur , qui ea carue- C  
runt. Coloris quippe vitium est, non valetudinis , aut inte-  
gritatis sensuum , atq; membrorum. Leprosi ergo non ab-  
surde intelligi possunt, qui scientiam verę fidei non habentes,  
varias doctrinas profitentur erroris. Non enim vel abs-  
condunt imperitiam suam : sed pro summa peritia profe-  
runt in lucem, & iactantia sermonis ostentant. Nulla porro  
falsa doctrina est , quę non aliqua vera intermisceat. Vera  
ergo falsis inordinate permista in vna disputatione , vel  
narratione hominis , tanquam in vnius corporis colore ap-  
parentia, significant lepram , tanquam veris , falsiq; colo-  
rum fucis humana corpora variantem , atq; maculantem.  
Haftenus Augustinus. In quibus verbis id annotandum est,  
quod cum dixerit solos leprosos ex iis, quos sanitate corpo-  
ris Christus donauerat ad sacerdotes fuisse ab illo missos,  
postea dixit leprosos hæreticorum figuram portasse. Ex  
quibus satis aperte colligitur , necessarium fore , vt quem-  
admodum tunc soli sacerdotes examinabant & iudicabant  
leprosos, ita nunc solus sacerdotalis ordo , hoc est, ecclesia-  
stica potestas examinet, & iudicet hæreticos. Secundū fun- D  
damentum. Secularis iudex cum punit hæreticos, hoc facit  
via permissionis, & traditionis ab ecclesiastico iudice factę  
cum videlicet ecclesiasticus iudex expleto omni eo , quod  
circa hæreticum exercere poterat, relinquit illum, & tradit  
potestati laicali , permittens illi, vt circa illum faciat quod  
viderit expedire. Hoc habetur expresse in cap. Excommu-  
nicamus. §. damnati, primo & secundo , extra de hæreticis.  
Ex his duobus fundamentis satis aperte colligitur laicam  
potestatem non posse quomodolibet hæreticum punire,  
antequam ab ecclesiastica potestate sit illi permissum. Ter-  
tium fundamentum. Ius canonicū nunquam statuto aliquo  
præcepit apostatam à fide qui ad eam sponte redierit, tradi  
iudici seculari illius arbitrio puniendum. Ex quo manifeste  
sequitur potestatem secularem non posse apostatam , qui  
sponte ad fidem catholicam redit, morte punire. Nam apo-  
stata (vt prædiximus) vere est hæreticus. At hæreticum ho-  
minem secularis potestatis punire non potest: nisi cum sibi  
ab ecclesiastica potestate est traditus. Ecclesiastica potestas  
nondum tradidit potestati laicali apostatas , qui sponte re-  
dire volunt: ergo potestas laica non potest illos morte pu-  
nire,

**A** ntre, imò nec de illis iudicare. Ex quibus omnibus infero dominum Ioannem Nicolai Arelatanum errasse qui in suo libello de hæreticis. Notabili xliij. Mordicus tenet apostatam etiam sponte redire volentem, non esse ad veniam admittendum, motus ex illa præfata lege, hi qui. C. de apostatis. Illa enim lex nullius est momenti: quia etsi nulla esset specialis lex canonica, quæ de apostatis statueret contrarium, satis est superq; satis ad illius euerfionem illa generalis canonica prohibitio, qua iudicibus secularibus prohibetur ne quomodolibet de hæreticis cognoscere aut iudicare præsumant. Multo ergo melius quàm Arelatanus iste sensit Gundissalvus à Villa Diego, què ille oppugnat, qui in suo libro de hæreticis quæst. xx. censuit apostatas eadè lege, qua hæreticos fore in hac parte iudicandos. Præterea (vt fortius meam confirmem sententiam) ius canonicum non solum non statuit apostatas sponte redire volentes esse potestati seculari tradendos, imò expresse præcepit contrarium in cap. contra Christianos. de hæreticis. lib. vi. Nā in illo cap. Papa, præcipit eos, qui ad ritus redierint Iudæorum, esse velut hæreticos puniendos. At hæreticos cum sponte ad fidem redeunt, (vt proxime præcedenti capite diximus) ius canonicum concedit indulgentiam, & illos ad misericordiam recipit, non tradens illos potestati seculari ad illius arbitrium puniendos: ergo eodem modo etiam apostatas si sponte redierint, quemadmodum hæreticos recipere oportebit. Id autem quod pro se adducit Villa Diego, vt hanc sententiam confirmet ex textu cap. Quidam. extra de apostatis. parum, aut nihil huic proposito seruit. Nam illi, de quibus Innocentius tertius in illo capit. loquitur, non erant apostatæ tales, quales hi de quibus nunc loquimur. Illi enim de quibus Papa loquitur in illo textu non in vniuersum fidem catholicam deseruerant, neque ob hoc à summo Pontifice reprehenduntur: sed quia simul cum fide baptismi, Iudæorum ritus obseruabant. Nam propterea ad illorum damnationem, addidit illic Papa ex sacra scriptura, maledictū esse hominem, qui terram duabus viis ingreditur, duas vias appellans Christianissimum & Iudaismum. Apostatæ vero, de quibus nunc loquimur totam fidem catholicam deseruerunt, & de istis est quæstio formata. Vnde patet textum illum à Villa Diego

Diego citatum parum suam sententiam confirmare. Sed C  
 caput contra Christianos, quod nos citauimus tam aperte  
 nostram sententiam confirmat, vt nihil apertius dici pos-  
 sit. Nam illud caput aperte loquitur de his, qui relicto  
 Christianismo ad ritus redierant Iudæorum, vt patet ex  
 casu capitis ibidem in glossa inserto. Rursus ius canoni-  
 cum nihil prorsus in specie statuit de apostatis quali essent  
 animaduersione puniendi: quam rem facere non omisis-  
 sent: nisi quia illos sub hæreticis comprehendere voluit, &  
 eadem illos pœna, qua hæreticos illos puniendos esse cen-  
 suit. Non est enim putandum sanctos patres, qui pro hæ-  
 resis, & aliorum criminum punitione tot iura statuerunt,  
 circa apostasiam, quæ pestilentissimum est crimen, fuisse  
 tam remissos, vt illam puniendam non esse censerent, aut  
 tam negligentes, vt de illius remedio, & punitione nihil  
 prorsus statuissent. Cum igitur credendum sit, ecclesiam  
 aliquid de apostatis decreuisse, & non alibi hoc reperiatur,  
 quam cum de hæreticis statuit, erit necessario fatendum  
 apostatas eisdem legibus, quibus ceteros hæreticos esse  
 iudicandos. Deinde ea, quæ de aliqua re in genere statuun-  
 tur, & ordinantur ad omnem speciem illius generis sunt D  
 deducenda, & omni speciei sunt tribuenda, & applicanda:  
 nisi aliqua esset illius generis species expresse alicubi ab  
 illa generalitate excepta. Si lex statuit, vt latro ea, quæ  
 furto accepit, restituat in quadruplum, non est dubium  
 illam legem de omni latrone, puta raptore, sacrilego,  
 aliisque latronis speciebus esse interpretandam, ita vt eo-  
 rum quilibet ea sit plectendus pœna, vt ablata in quadri-  
 plum restituere cogatur: nisi de aliqua latronis specie  
 aliud alibi lex disponderet. Tunc enim generi derogaretur  
 per speciem, vt dicitur de regulis iuris. libro vj. reg. xxxiiij.  
 At hæreticus ( vt supra in hoc capit. diximus ) genus quod-  
 dam est, cuius quædam species est apostata. Fieri ergo est  
 necesse, vt quæ de hæreticis canonica iura decernunt, sint  
 etiam ad apostatas deducenda, & de illis interpretanda:  
 nisi alibi ius canonicum circa apostatas speciali decreto  
 aliud faciendum esse decernat. Cum igitur ius canonicum  
 nihil in speciali de apostatæ punitione statuerit, oportet  
 necessario vt ea, quæ de hæreticorum punitione ius cano-  
 nicum statuerat, sint etiam de apostatis intelligenda. Ius  
 canonicum



**A** canonicum præcipit, vt hæreticus, qui congruo tempore sponte ad fidem redire voluerit, admittatur ad veniam, ergo idem de apostata erit necessario faciendum. Quæ autem Ioannes Arelatanus affert in suæ sententiæ confirmationem, nullius sunt momenti, & indigna, quæ nobis occupationem responsionis præbeant: sed tamen respondendum est illis. Dicit primo, quòd non debemus ponere discordiam inter ius canonicum & ciuile, nisi inter illa aperta sit repugnantia: sed oportet ea iura concordare: pro quo adducit l. præcipimus. C. de appella. & l. primam. C. de inoffic. dor. & textum ex cap. cum expediat. de electio. lib. vj.

Huic argumento respondeo per eundem textum, quem ipse adducit. Ibi enim dicitur, quod expedit concordare iura iuribus & eorum correctiones euitari, si ipsa iura sustineri valeant, vbi glossa, in verbo sustineri, dicit: Reprehenduntur hic illi, qui volunt sustinere iura, quæ penitus sunt correctæ: vbi ergo apparet de correctione non sustineant. Hæc in glossa. Reprehenditur ergo ipsemet Arelatanus in textu, quem citat: quia sustinere vult illam legem, hi qui. C. de apostatis. cum illa sit apertissime redacta in nihilum per ius canonicum, in cap. Vt inquisitioni, de hæretic. lib. vj. vbi præcipitur omni seculari potestati ne quomodolibet de crimine hæresis cognoscat aut iudicet. Deinde sic arguit: Nullibi in Pontificio iure scriptum expresse reperitur apostatis pœnitentibus parcendum esse, ne mortem corporalem euitent, ergo standum est decisioni iuris ciuilis expresse disponentis, non esse parcendum apostatis. Huic argumentationi respondeo, bis in illa erratum esse. Primo quidem quod assumit est falsum, videlicet nullibi in Pontificio iure esse expresse scriptum, apostatis pœnitentibus esse parcendum. Nam (vt iam diximus) in capit. contra Christianos, de hæreticis libro sexto, est expresse decretum. & in cap. ad abolendam. extra de hæreticis. & in cap. Excommunicamus, primo & secundo. eodem titu. licet enim sub nomine apostatæ nihil de illo disponat, satis tamen est id, quod de hæreticis dictum erat, cum constet ex illis, quæ supra diximus, apostatam esse hæreticum. Secundo peccat illa argumentatio: quia esse assumptum esset verum, collectio tamen est vitiosa, & inualida. Quoniam etsi ius pontificium nihil de apostata statuisset, non erat conseq

consequens, vt agendum esset per dispositionem iuris ciuili. Consequentia tamen istam ille probare nititur per hanc regulam. Vbi aliquid reperitur expresse decusum iure ciuili, nec reperitur cōtrarium iure canonico, standum est iuri ciuili, etiam in foro ecclesiastico. Certe hæc regula, si alibi vera est, in illis solis rebus valet, quæ iuri ciuili possunt esse subiectæ, & de quibus ius ciuile potest cognoscere, & iudicare: in illis autem rebus, quæ à iure ciuili sunt prorsus alienæ, & in quibus ius ciuile nihil prorsus decernere valet, nihil veritatis habet regula sua. Nam hac ratione oporteret fateri esse valida, & firma omnia decreta, quæ ius ciuile statueret circa cōfirmationem, aut reuocationem matrimonij in casibus, in quibus lex canonica nihil certi statuit, vt est in casu cap. literas. extra de restitut. spolia. In quo casu Papa nihil certi statuit. Possēt ergo, iuxta hanc regulam, ius ciuile aliquam illarum trium partium, quas illic Papa probabiles reputat, pro lege præcisa statuere. Possēt etiā certam formam in sacramento extremæ vñtionis instituere, etsi illam ius ciuile statuisset, oporteret necessario conformiter ad illum agere: cum illius sacramēti certam, & præcisam formam (vt ait sanctus Bonauētura) nunquam ecclesia statuit. In his enim & similibus rebus, in quibus ius ciuile nihil statuere potest, si aliquid statuat, erit prorsus inane, etiā si iure Pontificio nihil esset de illis statutum. Cum igitur crimen cuiuslibet hæresis, & per consequens apostasiæ sit à potestate iuris ciuilis alienum, oporteret, vt quidquid de illo ius ciuile statuat, sit prorsus inane, etiam si nihil de illo esset iure Pontificio statutum.

*Si hæreticus resipuerit, quid ab eo exigendum sit, antequam ad ecclesia communionem recipiatur.*

#### CAPVT XXIIII.

**Q**uamuis supra diximus omnem hæreticum, si cōgruo tempore resipuerit, esse ab ecclesia admittendum, non tamen id continuo cum petierit, faciendū esse cenſeo. Prius quidem tentandus est an vere fidem catholicam tenere velit, & amplecti, an simulate, & solo pœnarum metu. Deinde an leui, & parum duraturo animo fidem catholicā suscipere velit,

- A** velit, an animo constanti, & firmo. indignum quippe est, vt qui tepido animo, & vacillanti ad fidem catholicā se velle redire dicit, statim in ecclesiæ cōmunionem recipiatur, ne (si forte ad vomitū velut canis redierit) grauius delinquēdi habeat occasionem. Nemo mittens manum ad aratrum, & aspiciēs retro (ait saluator noster) aptus est regno Dei. Vir *Luc. 19* ille fortissimus, & illustris bellator Gedeon, cū ad bellum cōtra inimicos pugnaturus accingeretur, domino pręcipiente, dixit populo suo, & cunctis audientibus prędicauit. Qui *Ind. 7* formidolosus & timidus est, reuertatur. Sic etiā puto faciē *Can. 6* dum esse in ecclesia, quæ est velut castrorū acies bene ordinata, & quæ est in cōtinuo bellorū procinctu, vt qui in fide dubius, ac nutans est, nō recipiatur in eas: sed reiiciatur, pręsertim cuius imbecillitas fuerat iam ex alio suo à fide discessu plene cognita. Nam alias qui illum facile ad ecclesiæ confortiū reciperet, alios fideles, quibus illum cōmisceat, exponeret periculo contagij, si ille ad pristinū errorem rediret. Vnde beatus Greg. in registro ait: Quoties cordis oculus nube erroris obductus, supernæ illustrationis lumine fit serenus, magna cautela nitendum est, ne latenter author
- B** schismatis irruat, & ab vnitatis radice eos, qui ad eā reuerſi fuerint, telo iterū erroris abscindat. Hæc Gregorius. Et habentur hæc verba in c. quoties. j. q. vij. Scire igitur oportet constantē, & firmū in fide esse illū qui ab hæresi rediens, ad ecclesiæ catholicæ confortiū recipiendus est. Leprosus iuxta veterē legem nō nisi mutata veste, & capillis rasis, intra castra, aut intra ciuitatē, vnde propter leprā eiectus fuerat, recipiebatur, etiā si sacerdotis iudicio mundatus censeretur. *Leu. 13* Leprā illam fuisse hæresis figurā satis aperte cōstat ex testimonio Augustini, quod proxime præcedēti cap. citauimus: & inde etiā cōvincitur leprosum gestasse hæretici figuram. Multo ergo maiore diligentia adhibere oportet ne hæreticum, cuius figurā leprosus gerebat, statim cum ille se mundatum dixerit, intra ciuitatē, hoc est, ecclesiā recipiamus: sed prius oportet vestes, hoc est, exteriores hæreticorū cōuersationes deponere, & omnes pilos, hoc est, omnes hæresis cogitationes, quæ ex corde, velut illi ex capite pendent, radere, vt vel sic ille in fide firmus, & constans nobis appareat. Verum quia hæc animi constantia, & firmitas in fide non nisi per exteriora signa cognosci potest, ideo sub duobus testimoniis

monii illam probandam esse ecclesia censuit, antequam C  
 hæretico resipiscenti, & ad fidem catholicam redeunti, ec-  
 clesiæ communicatio detur. Primum testimonium est præteri-  
 ti erroris publica in iudicio abiuratio, & detestatio. Tene-  
 tur enim qui ab hæresi ad fidem catholicam redit, ante-  
 quam recipiatur publicæ præfatæ hæresim in quam dia-  
 bolo suggerente, lapsus fuerat, coram episcopo, aut inqui-  
 sitore abiurare, & detestari. Hoc ita faciendum esse præci-  
 pitur in cap. ad abolendam, §. præsent. extra de hæreticis.  
 Olim autem hæc abiuratio, & hæresis detestatio solum in  
 communi concilio episcoporum fiebat, vt patet in cap. de  
 eo. §. distinct. & in cap. si quis episcopus. j. quæst. vij. Nunc  
 autem quando difficile, & raro concilio siue generalia, siue  
 prouincialia congregantur, ne in tanta temporis dilatione,  
 aut ille suæ veræ cognitionis immemor ad vomitū ex fasti-  
 dio expectationis rediret, aut in vera fide permanens morte  
 præuentus sine ecclesiæ communione discederet, decretum  
 est, & merito hanc abiurationē coram episcopo, & ad illius  
 arbitrium esse faciendam. Deinde datis cōtra hæreticos in-  
 quisitoribus, ad illos etiam hæc autoritas, & potestas reci-  
 piendi hæreticos, deriuata est: ita tamē vt sine episcopi con-  
 silio, & assensu id non faciant. Forma autem huius abiura-  
 tionis qualis esse debeat, habetur in cap. ego Berengarius.  
D  
 de consecr. distinct. ij. Circa hæc tamen dubitari potest, an  
 qui in aliqua hæresi deprehensus est, cum sponte ad fidem  
 catholicam redire voluerit, cogendus sit omnem abiurare,  
 & detestari hæresim, an satis erit eam solā abiurare in qua  
 fuerat deprehensus. gl. in cap. accusatus. §. cum vero, in ver-  
 bo, simpliciter. de hæretic. lib. vj. tenet, quod non tenetur om-  
 nem hæresim abiurare: sed eam solam, de qua fuerat ac-  
 cusatus, & dicit gl. ibi suam sententiam elici ex textu il-  
 lius §. Eum vero. quia textus ille loquitur sub conditione si  
 generaliter omnem hæresim abiurauit. Si autem teneretur  
 omnem hæresim abiurare, non illud sub conditione reli-  
 quisset. Idem docet gl. in præfato capit. Ego Berengarius.  
 in dictione, omnem hæresim: & probat gl. ista hanc suam  
 sententiam per capit. præf byter si à plebe. ij. quæstio. v. Ego  
 quidem istorum opinionē sub hoc sensu libenter suscipio,  
 vt hæreticus nullo iure expresso teneatur cum ad ecclesiam  
 redit, omnem hæresim abiurare, & detestari: quia (vt ego  
 existimo)



**A** existimo) nullum tale est adhuc latum ius, quod hæreticum de vna hæresi accusatum obliget ad abiurandum omnem hæresim. Verum licet hæc ita se habeant, non tamen obstat, quin ob aliquam iustam causam possint inquisitores hæreticum cogere, vt non solum eam de qua accusatus erat: sed omnem in genere hæresim abiuret, & detestetur. Nam variis succedentibus causis, & occasionibus ad multa potest homo à suo superiori cogi, ad quæ alias non cogeretur. Et certe (vt clarius meam proferam sententiam) semper ita faciendum esse ego censuerim, & melius puto, vt omnem cogatur hæresim abiurare. Quia hoc magis publice vtilitati conuenit, ne cui libet hæretico millies in aliam, & aliam hæresim labendi præstetur occasio, cum hæc sine periculo mortis se posse facere intelligat. Nam (vt ex illo §. Eum vero. aperte colligitur) qui non in eandem, quam prius abiurauerat: sed in aliam labitur hæresim, non dicitur relapsus, nec pœna relapsi punietur, si prius non omnem abiurauerat hæresim: sed eam solam, in quam lapsus fuerat. Præterea omnes ferè hæreses sunt sibi inuicem connexæ, quia licet facies habeant diuersas, caudas tamen adinuicem habent colligatas, vt dicitur in c. Excommunicamus. primo & secundo, extra de hæret. Dato vno inconuenienti (vt ait Aristoteles) multa contingunt. Ex vno errore multi necessario deriuantur, tanquam riuuli ex fonte. Hoc aperte experientia docete in Luthero didicimus. Hic enim omnes Pontificis indulgentias contemnere cœpit, & hinc suorum errorum prædicatione est auspicatus. Deinde hoc non contentus, eo vsque insaniit, vt purgatorium non fuerit veritus negare. Inde coactus fuit negare necessariam esse satisfactionem vllam pro peccatis, & solas duas admittit pœnitentiæ partes. Post hæc videns vrgentissimas rationes, quæ illum vt ab errore discederet, impellebant, dixit nihil post culpæ remissionem, manere in peccatore ad cuius solutionem remissa culpa teneatur. Vides iam quam connexæ, & concatenatæ sint hæreses. Et propter hanc causam necessarium est vt quisquis vnâ aliquam abiurat hæresim, abiuret etiam eas omnes, quæ ex illa deriuantur, & quæ illi perpetuo fixdere coniunguntur: quia non potest illa sine alijs deferri. Et quia non potest facile statim agnosci, quidquid mali ex aliqua vna hæresi deduci potest, ideo melius

est, vt omnem prorsus abiuret hæresim, qui vnā abiurare debet. Si quis tamen arguat contra hæc per textum ca. Presbyter, qui à plebe. ij. q. v. inane prorsus erit argumentum: quia res valde dissimiles, sunt hæc & illa. Illic enim agitur de purgatione delicti, qua in re verū esse fateor, neminem teneri, nec debere cogi ad purgandum se nisi de illo solo delicto, de quo fuerat infamatus. Hic autem impræsentiarum nihil nunc agimus de purgatione: sed de abiuratione hæresis, quæ est res valde diuersa. Nam & ego etiam fateor neminem posse cogi, vt purget se de hæresi de qua non fuerat infamatus. Deinde et si eadem esset ratio de abiuratione & de purgatione facienda, nihil contra nos ageret textus ille: quoniam alia crimina non sunt sic connexa, & colligata quemadmodum hæreses, & ideo in aliis non oportet se de omnibus purgare: sed solum de illo, de quo fuerat infamatus. Secundum testimonium sui constantis animi & non simulati: sed veri reditus ad fidem est publica promissio, & iuramento firmata non recedendi ab ea fide, quam tunc confitetur: sed in ea perpetuo vsque ad mortem perseuerandi. Qui enim se aliquid facturum iurat, satis testatur id sibi in voto esse & non simulate: sed verè se id

*Hebr. 6*

promississe. Nam (vt ait Paulus) omnis controuersia finis est iuramentum. Forma huius promissionis & iuramenti habetur in c. Quoties. j. q. vij. Et (vt nullus relinquatur suspicioni locus) iurabit insuper, quòd illam abiurationem, & hanc promissionem quam iuramento confirmauit, non facit timore mortis, aut alicuius pœnæ temporalis: sed solum ex odio & detestatione hæresis, & ex amore fidei catholicae. Quibus omnibus recte peractis, hæreticus qui deserto pristino errore ad fidem catholicam redire voluerit, & misericordiā congruo tempore petierit, in ecclesiae communione recipietur. Hic autem abiurationis ritus & modus recipiendi ad Ecclesiae consortium hæreticos, non recens est, nec à trecentis annis repertum, nec pure humanum inuentum, quemadmodum Lutherus dicere solet: sed ante mille annos, & ex ipsis (vt suspicari licet) Apostolorum vestigiis descendens, & Deo ecclesiae suæ id inspirante (vt credere oportet) in variis conciliis ordinatum. Concilium Arelatense secundum c. ix. suorum decretorum, hanc disciplinæ regulam statuit, Nouatianū in communionem recipi non debere,

*Concil.  
Arela.*

**A** debere, nisi suscepta pœnitentia, incredulitatis præteritum damnet errorem. Concilium Nicænum sub magno Constantino celebratum capi. viij. suorū decretorum de eisdem Nouatianis hæreticis loquens, ait: Si qui voluerint venire ad ecclesiam catholicam ex Nouatianis, placuit sancto concilio vt ordinentur, & sic maneant in clero. Ante omnia autem hanc habeant confessionem, quam per scripturam exigi oportet, vt fateantur se communi consensu catholicæ ecclesiæ statuta obseruatu-  
*Concil. Nicæ.*  
 ros, id est, communicatu-  
 ros se, & his qui forte secundas nuptias experti sunt, vel his qui persecutionis tempore lapsi sunt, quibus tamen lapsis pœnitentiæ modus, & tempus ascriptum est, vt in omnibus sequantur ea, quæ in ecclesia catholica obseruatur. Hæc Nicænum concilium. Multo clariora sunt, quæ in Ephesina synodo sub Theodosio iuniore, & Celestino Papa celebrata habentur, & magis plene explicant eum modum, quem in recipiendis hæreticis, catholica nunc seruat ecclesia. Nam in Epistola, quam præfatum concilium misit Nestorio hæretico episcopo Constantinopolitano hæc, quæ sequuntur, habentur. Non autem sufficit, vel tuæ religioni, tantummodo fidei symbolum confiteri, quod expolitum est per idem  
*Concil. Ephes.*  
 tempus, spiritu sancto largiente & venerando, & magno concilio apud Nicæam celebrato. Hoc enim non intellexisti, nec recte interpretatus es, quinimo peruerse, licet sono vocis eadem verba protuleris. Sed consequens est etiam, iurando fateri te, quod anathematizes quidem tua polluta, & prophana dogmata: sentias autem, & doceas quæ nos vniuersi per orientem, seu occidentem Episcopi, & magistri, præfulsque populorum credimus & docemus. Hæc in concilio Ephesino. In quibus verbis aperte monstratur is modus, quem in recipiendis hæreticis, qui ad fidem redire volunt, catholica nunc tenet ecclesia. Ipsa tamen abiurationis forma, quam nunc inquisitores fidei iniungunt hæretico resipiscenti post suæ hæresis confessionem, & ante pœnæ inflictionem, multo plenior est & copiosior: quippe quæ omnem præcludit hæretico, errandi in posterum libertatem sub tali verborum serie. Ego N. recognosco, & confiteor coram vobis dominis me errasse in prædictis, & super his corde contrito & humiliato absolutionem & pœnitentiam requiro, & hanc hæresim & omnem aliam quocunq;

nomine censeatur abiuro, & promitto quòd de cætero ser-  
 uabo illibatam fidẽ, quam Romana tenet ecclesia & præ-  
 dicat, & quòd hæreticos & credentes eorum toto posse meo  
 persequar, & tam eos quàm eorum fautores, receptores, &  
 benefactores, bona fide, & sine dolo, & sine mora manife-  
 stabo ecclesiæ vel prælato, & pœnitentiam quæ mihi pro  
 mea culpa iniungetur, integre seruabo & complebo, & vo-  
 lo & concedo quod si ab hac hora in posterum contigerit  
 me relabi ad eundem errorem, vel alium cuiuscunque hæ-  
 relis quocunque nomine censeatur, errando forte in aliquo  
 casu, vel credendo, aut fidem habendo errantibus, vel eos,  
 vel credentes eorum recipiendo scienter, aut defendendo,  
 aut fouendo dicto vel facto, aut eis benefaciendo qualiter-  
 cunque, eos vel celando, vel non manifestando bona fide, &  
 sine mora, vel si pœnitentiam iniunctam à vobis non ser-  
 uauero, & perfecte non compleuero, ab inde ipso facto ha-  
 bear excommunicatus & periurus, & hæreticus manifestus:  
 & me ego iudico, ita quod sine ampliori cognitione & sen-  
 tentia quæ iure relapsis & manifestis hæreticis indicitur,  
 mihi pœna imponatur. Insuper assero, & protestor me pu-  
 ram & totam veritatem de me, & aliis in quantum scio, di-  
 xisse: & si forte constare poterit me maliciose de veritate  
 aliquid suppressisse, vel tacuisse, imponenda, vel iniungen-  
 da mihi à vobis pœnitentia, seu absolutio obtenta, vel obti-  
 penda nihil mihi profit. Hæc est forma abiurationis, quam  
 nunc vt in plurimū inquisitores hæretico tempestiue  
 resipiscenti verbo, & scripto facere iniungunt, vt  
 ex ea & per eam firmum se in fidẽ testetur,  
 & nulla illi maneat rimula, per quam  
 si postea errauerit, elabi possit,  
 ne dignas suo scelere  
 sustineat pœ-  
 nas.



## F. ALFONSI A

## CASTRO ZAMORENSIS

## ORDINIS MINORVM

## DE IVSTA HAERE-

## TICORVM PVNI-

## TIONE,

## LIBER SECVNDVS.

## PRAEFATIO.



**I**AM indurata est aliquorum haeticorum pertinacia, ut si quis illos à pravis, & distortis erroribus, in quos semel deflexerunt, ad rectam fidei lineam reflectere voluerit, citius frangere, quam corrigere possit. Multi sunt enim haetici, qui suas haereses tam mordicus tenent, ut si illis catholica ecclesia definitiones, aut antiquissima illius consuetudines ab ipsis apostolis ad hunc usque diem servatae, aut sanctorum omnium concordēs de aliqua re sententiae, aut apertissima denique scriptura sacra testimonia offerantur, multo obstinatiores in illis permaneant, tantum abest, ut ab illis discedere velint. Hos non oportet, imò nec decet, eadem legis mansuetudine punire, quasi resipiscere voluissent (ut lib. j. diximus) fuissent puniendi. Doctus siquidem medicus non eodem collyrio omnium oculos iniungit: neque omnia vulnera eadem manus lenitate tractat chirurgus. Nam ferro necesse est, ut abscendantur vulnera, quae fomentorum non sentiunt medicinam. De illis solis haeticis, qui non sunt prorsus deplorati, primo huius ope-

ris libro differui, & blanda illis ostendi medicamen-  
 ta, quibus sperabam illorum vulneratis conscientijs  
 posse mederi. Nunc igitur, vt rem vndique consum-  
 matam relinquerem, necessarium fore existimaui,  
 de his hæreticis, qui immedicabili morbo laborāt, hoc  
 secūdo libro differere, vt doceam, qui sint illi, & qua  
 sint lege tractandi.

*Quis merito sit censendus hæreticus incorrigibilis.*

CAPVT I.



Voniam de illo, qui tam obstinato animo  
 hæresim tuetur, vt iam incorrigibilis meri-  
 to sit iudicatus, in hoc secūdo libro disputa-  
 re decreui: ideo necessariū fore existimaui,  
 ante omnia perscrutari quis sit dicendus in-  
 corrigibilis, vt plene sciamus, quis sit ille, de quo præsentē  
 suscipimus disputationē. Vt autē hoc melius facere possi-  
 mus, oportebit dicere aliquid de correctione, quoniā (vt ait  
 Aristoteles) rectū est iudex sui & obliqui. Correctio quam  
 reicit incorrigibilis, emendationem significat alicuius er-  
 roris. Error autem esse potest in voluntate, & in intellectu.  
 Errat voluntas, cum appetit id, quod odio erat habendum,  
 aut odio habet, quod erat amandum: aut cum id, quod dili-  
 gendum erat, plusquā deberet diligit, aut quādo plusquam  
 liceret prosequitur odio id, quod iuste odissa poterat. Er-  
 rat intellectus, quando iudicat falsa pro veris, aut vera pro  
 falsis, aut certa pro incertis, aut incerta pro certis. Cum ali-  
 quis suum errorem emendat, siue ille sit error voluntatis,  
 siue intellectus, tunc corrigi dicitur. Nunc tamen de corre-  
 ctione voluntatis non est opus differere: sed de correctione  
 intellectus: quia hæresis, de cuius correctione nunc agimus,  
 vt capite primo huius operis diximus, error est intellectus,  
 & non voluntatis. De quacunq; tamen correctione fiat ser-  
 mo, hoc erit in primis aduertendum, non ideo aliquem  
 dici incorrigibilem: quia corrigi non potest: sed quia non  
 vult. Nam liberum arbitrium vertibile est, & ex hoc in il-  
 lud mutabilia, adeo vt quæ ardentissime amauerat, nunc  
 iniquissimo odio prosequatur, & quæ acerbissime oderat,  
 nunc

- A** nunc effrnatè diligit, quæ modo censet vera, postea iudicet falsa, & è contrario, intellectu semper in his alternationibus cedente volûtati. Et inde euenire necesse est, vt nullus tam tenaciter alicui adhereat sententiæ, quin ab illa discedere possit, propterea quòd voluntas, cui subest intellectus, & ad cuius nutum sc̃pissime regitur, nouos & contrarios suscipit affectus iis, quos ante habebat. Intellectus siquidem ad voluntatis arbitrium frequenter sua disponit iudicia: quoniam illa iudicat esse bona, quibus voluntatem affectam esse intelligit, illa rursus mala, quæ scit voluntatem odisse. Quo fieri oportet, vt sicut voluntas mutabilis est circa suos affectus, sic intellectus circa sua iudicia, ita vt quod prius dixit bonum, postea dicere possit malũ, & malum dicere bonum. Alioqui oporteret dicere illum, qui semel in aliquem errorem lapsus esset, non iuste puniri posse, eo quòd sententiã suam non reuocabat: quia nullus adeo punitur pro eo, quod vitare non potest, multo ergo minus iustum esset, vt quis ab homine puniretur, propterea quod facit aliquid, quod ne faceret in sua non erat situm potestate. Atque in hæresim aliquam lapsus est, nisi respiciat assertionem pestilentem abiurans, & ab hominibus in præsentī vita, & à Deo in futura iustissime punietur. Fit ergo necessario, vt intellectus hominis circa sua iudicia sæpe mutabile sit, ita vt contraria his, quæ prius sentiebat, nunc sentire, & docere possit. Quia etsi intellectus in suis operationibus sit causa naturalis, & non libera, in multis tamen subest imperio volûtatis: ita vt illa præcipiente nunc ad hæc nunc ad illa cognoscenda vertatur, & nunc hæc, nunc illa credat, & bona vel mala esse iudicet. Ex quibus euidentissimè colligitur, non ideo aliquem hereticum dicendum esse incorrigibilem: quia hæresim, quam prius tuebatur deserre non possit: sed quia non vult, cum possit, nec tamẽ ideo omnis, qui non vult corrigi, statim dicendus est incorrigibilis, etiam si ille semel admonitus fuerit: quoniam non satis est semel admonuisse: sed pluries admonere oportet, vt merito sit incorrigibilis censendus. Quoties autẽ, & à quibus sit admonendus, vt merito incorrigibilis censerī possit, id nunc pertractandum est. Pro qua re plene (vt decet) explicanda triplicem oportet habere considerationem, iuxta triplicem finẽ, ad quem dirigenda est admonitio. Primo qui-

dem admonetur, qui est in hæresim lapsus, ne hæreticus fiat. **C**  
 Non enim omnis, qui in hæresim aliquam labitur, eo ipso  
 efficitur hæreticus: quoniam nisi illi adsit pertinacia, etiam  
 si erret non dicitur hæreticus, prout docet Augustinus, &  
 habetur eius sententia in cap. dixit Apostolus. xxiii. q. iij.  
 Ob hanc igitur causam ille, qui in fide errat, primo ad-  
 monetur, ut hæreticus non fiat. Quam admonitionem si ille  
 contempserit, iam merito pertinax dicitur, & per conse-  
 quens hæreticus. Qualiter autem, & à quo ista admonitio  
 facienda sit, & quoties iteranda, iam supra lib. j. cap. x. abun-  
 de, atque satis aperte declaravi, & ideo hic repetere non  
 est opus. Postquam ille iam effectus est hæreticus, oportet  
 illum adhuc pluries admonere, ut incorrigibilis merito  
 dicatur. Neque enim omnis hæreticus est censendus incor-  
 rigibilis, cum multos illorum constet fuisse correctos, qui  
 tamen olim fuerat in suis hæresibus pertinacissimi. Aliud  
 est esse pertinacem, & aliud esse incorrigibilem. Quomo-  
 do, & ob quam causam sit aliquis censendus pertinax, su-  
 pra lib. j. cap. ix. declarauimus: nunc vero declarare intendi-  
 mus quādo, & ob quam causam aliquis censi debeat in-  
 corrigibilis. Admonendus est ergo hæreticus, & non leui- **D**  
 ter, antequam seculari potestati velut incorrigibilis trada-  
 tur. Nam beatus Paulus hæreticum hominem non ante  
 duas correctiones dixit esse vitandum. Caueant ergo hære-  
 ticorum inquisitores, ne ideo statim hæreticū aliquem in-  
 corrigibilem censeant: quia semel & forte leuissime ab il-  
 lis admonitus, noluit illorū admonitioni acquiescere. Ma-  
 gis laborare debent, ut paucos iuste puniant, quā ut mul-  
 tos iniuste. Non glorientur, etiam si gloriari liceret, quod  
 multos ob hæresim damnauerint: sed propterea quod iuste  
 damnauerint, & iustam aduersus illos protulerint senten-  
 tiam. Non enim hoc curare debet bonus iudex quā mul-  
 tos, sed quā iuste hæreticos puniat. Anxie res est exami-  
 nāda, & omnem (ut dicitur) lapidem mouere oportet, ante-  
 quam de alicuius correctione desperetur. Oportet hæretico-  
 rum inquisitores omnem circa hæretici emendationē adhi-  
 bere diligentiam, antequam illum incorrigibilem censeant,  
 & velut talem potestati seculari tradāt. Nolo tamen, ut ob  
 hoc quisquam putet, me sentire admonitionem hæretici  
 esse in infinitum protrahendam, aut millies iterandam, ut  
 semper sit hæreticus vsq; ad mortem admonendus, & sem-



**A** per de illius emendatione sperandum , vt nunquam ante mortem sit incorrigibilis censendus : quia semper ante mortem ab hæresi reuiscere potest. Non ita ego sentio : quia (vt dixi) non ideo quis censendus est incorrigibilis : quia corrigi non potest : sed quia legitime admonitus corrigi non vult. Qualis autem sit censenda legitima admonitio , vt si illam hæreticus contempserit , merito dicatur incorrigibilis , id nunc à me tractandum est. Abbas in ca. cum non ab homine , de iudiciis. refert sententiam domini Antonij dicentis trinam admonitionē debere necessario præcedere , vt quis dicatur incorrigibilis. Cuius sententiā quāuis in aliis ad hanc rem pertinentibus Abbas reiciat , hac tamen parte illam libenter amplectitur. Sed hæc illorum sententiā licet in aliis criminibus vera sit , in crimine tamen hæresis verum nō habet iudicium. Nam beatus Paulus censet duas admonitiones esse satis , vt hæreticus merito censeri possit incorrigibilis , & ideo post duas admonitiones iubet ab vltiori admonitione cessare , quippe quod non sperarit vllam à tali hæretico emendationem. Hæreticum hominē (inquit ille) post primam , & secundam correctionem deuita , sciens quia subuersus est , qui huiusmodi est , & delinquit , cum sit proprio iudicio condemnatus. Duas voluit adhiberi admonitiones , vt per illas periculum fieret de hæretici emendatione , quibus peractis , si ille emendari neglexerit , iubet ab illius admonitione , & colloquio abstinere , & hoc est quod dixit , deuita. Causa autem cur sit deuitandus est illius incorrigibilitas immedicabilis , & hanc expressit Paulus aliis verbis sic inquit : Sciens quia subuersus est , qui huiusmodi est. Subuersum dixit incorrigibilem , & de cuius emendatione nulla merito habetur spes. Quod autem præfata Pauli verba sint de incorrigibili hæretico intelligenda , testatur Theophilactus , qui illa verba interpretans ait : Quo pacto alibi dixit , ne forte illos Deus ad poenitentiam adducat ? Ibi quidem facit de his mentionem , qui emendationis spem aliquam præferunt : hic vero incorrigibilem dicit , & vnde quaque adeo plane distortum , & tam variis , & multiplicibus modis implicitum , vt sese nequeat his explicare , sed per se sit condemnationis adiudicatus , id est qui nullam habeat sui erroris excusationem , quippe cum nec illud possit prætere sibi à nemine suis-

Titum. 3

Theo.

1. Ti. 3

Mat. 18

se admonitum, vel ad veritatem instructum. Qui & ad-  
 monitus sit, & optime institutus. Quo sit, ut sit per se  
 condemnatus, qui nihil hebeat, quo sua errata excuset.  
 Hæc Theophilactus. Ecce vide iuxta Pauli sententiam,  
 hæreticum hominem, qui primam, & secundam admo-  
 nitionem contemnit esse censendum incorrigibilem, &  
 propterea non oportere illum iterum admonere. Forte  
 aliquis mihi obiiciet, dicens Christum saluatorem no-  
 strum trinam saltem monitionem præcepisse, qui fratrem  
 in nos peccantem præcepit ter admoneri, antequam habe-  
 retur tanquam Ethnicus, & publicanus. Potest ad hoc faci-  
 le responderi, quod saluator noster loquitur non de publi-  
 ca, & iudiciaria correctione: sed de secreta, & fraterna, quæ  
 illam iudiciariam præcedit. Admonitio autem illa, quæ  
 hæretico adhibetur, de qua modo loquimur non est secre-  
 ta, neque fraterna: sed iudiciaria dicenda: quoniã ex manda-  
 to iudicis, aut per eum facienda, ut ipse ex bina admonitio-  
 ne possit iudicare, an ille sit corrigibilis, an non. Et inde  
 colligitur, ut trina illa admonitio non sit hæretico exhi-  
 benda: sed satis esse, ut iuxta Pauli sententiam bis admo-  
 neatur, & sic admonitus, si emendari noluerit, incorrigibi-  
 lis censeatur. Hæ tamen duæ admonitiones non sunt ni-  
 mis celeriter una post alteram sine interuallo adhibenda:  
 quia tunc non duæ: sed potius una censi deberet. Si quis  
 mihi obiiciat cap. ad abolendam. De hæreticis, ubi Papa  
 præcepit, ut hæreticus, qui postquam in errore fuerit depre-  
 hensus, non confestim abiuraverit hæresim suam, tradatur  
 potestati seculari ab illa puniendus, ex quo videretur sequi nõ  
 esse necessariam ulteriorem admonitionem. Respondeo, quod  
 ille dicendus est confestim renunciare, qui post primam aut  
 secundam admonitionem renunciat. Interualla siquidem tem-  
 poris, & spatia quãdo nõ sunt punctualiter præfixa, nõ sunt  
 tam stricte accipienda in materia morali, sicut in logica, aut  
 philosophia. Deinde cõsuetudo quæ est optima legum inter-  
 pres, docet nos verba illa sic esse intelligenda. Nam semper  
 ecclesia consuevit aliquem hæreticis præfigere terminum, nec  
 tamẽ breuẽ, infra quem si resipuerint, recipiet illos ad gre-  
 miũ suũ tanquã benigna mater. Quo tẽpore trãfacto clau-  
 dit illa ianuã, sicut fatuis virginibus, quæ in tẽpestiue ad nu-  
 ptiarum celebritatem venerat, dominum clausisse historia  
 Euan

**A** Euangelica refert. Neque huius laudabilis Ecclesiasticae consuetudinis recens est initium : sed antiquissimum esse constat, quippe quod ante mille annos obseruatum esse scitur. Nam cum olim Nestorius nouam quandam aduersus catholicam fidem confingeret hæresim, negans beatam virginem Mariam esse Dei matrem dicendam, Celestinus Papa, qui tunc vniuersali præerat ecclesiæ epistolam ad illum misit: quia illum de errore arguebat, deditque illi decem dierum spatium, quo sibi bene consulere posset. Et si intra illud tempus nollet veram atque catholicam recipere fidem, intelligeret se Episcopatu, & cōmunione fidelium priuandum. De hac re testimonium præbet liberatus Diaconus, qui fuit temporibus Siluerij, & Vigiliij Pontificum in quodā opere, quod appellauit Breuiarium Nestorianorum, & Eutychianorum, cap. v. sic inquit: Celestinus vero Papa misit increpationis epistolam cum exhortatione & vituperatione, quia errare non debuere ab eius ordinatione. Et est eius principium, Aliquantis diebus vitæ nostræ, tribuens ei decem dierum spatium, hoc est, à prima die acceptionis ipsius epistolæ, vsque in vltimam diem, vt si minime Nestorius emendaret expositiones suas & reuocaret ad ecclesiam, qui propter Christum, qui est caput eius ab eo fuerat expulsi, cognoscere se ab eius collegio & omnium sanctorum Episcoporum collegio esse separatū, insinuans ei dedisse vicem suam in concilio per epistolam suam, cuius principium est: Tristitia nostræ, sanctitatis vestræ literæ, qua Cyrillum admonuit, vt si per illos decem dies doctrinam suam minime Nestorius emendaret, disponderet eum à communi communione Episcoporum, vel Coepiscoporum remouendum, & prouidendum illi ecclesiæ. Hactenus Liberatus Diaconus. Et huius dilationis à Celestino Papa Nestorio ad misericordiam concessa, meminit epistola à concilio Ephesino ad eundem Nestorium missa, in qua post verba monitoria hæc adduntur. Quòd si hoc religio tua facere distulerit, iuxta dilationem literis præfinitam sanctissimi, & reuerendissimi sacerdotis nostri Romanæ præsulis ecclesiæ Celestini, scias te nullam sortē habere nobiscum, nec locum aut colloquium cum Dei sacerdotibus, & Episcopis obtinere. Hæc in epistola cōcilij Ephesani. Hanc etiam consuetudinem post aliquot secula seruauit

*Mat. 25**Liberatus  
diacōnus.**Confil.  
Ephes.*



*Septima  
Syno.*

uit Benedictus Papa huius nominis secundus cum Machario Antiocheno Episcopo hæretico, concedens illi quadraginta dierum spatium ad resipiscentiam. Hoc autem ita factum esse constat ex actis septimæ synodi, quorum pars aliqua refertur in cap. conuenientibus. j. quæst. vij. in quo inter alia, hæc inseruntur verba. Item Petrus Apochryfarius Papæ dixit: Romæ exulatus est Macharius hæreticus à sancta sexta synodo, & quadraginta dierum inducias dedit ille pater noster Benedictus Papa, & quotidie mittebat ad eum Bonifacium consiliarium suum, & instruebat eum commonitoriis verbis ex diuina scriptura: sed nullatenus voluit emendari. Hoc autem faciebat, ut cum reciperet in ordine suo. Hæc ex septima synodo: In quibus verbis id potissimum annotandum est, quod Machario iam per synodum de hæresi damnato, datæ sunt ad resipiscentiam quadraginta dierum induciæ. Ex quibus verbis apertissime conuincitur, longe aliud esse damnare aliquem ut hæreticum, & aliud damnare illum, ut incorrigibilem. Non ergo omnis, qui hæreticus est, cētebitur incorrigibilis: nisi postquam constiterit illum esse hæreticum, fuerit insuper sufficienter admonitus. Deinde concilium Constantiense hoc idem obseruare decreuit, cū Hieronymus de Praga, quem (ut ex vigesima prima eiusdem concilij sessione constat) multis diebus in carcere detentum expectauit concilium, ut pristini erroris pœnitentia ductus, resipisceret à laqueis diaboli, à quibus caprius tenebatur. Postquam igitur hæretico datum fuerit aliquod, vel mediocre induciarum tempus, hæreticorum inquisitores, & iudices omnem, quam poterint intra illud tempus debent adhibere diligētiam, ut hæreticus ab errore suo discedat. Nunc ipsimet illum blandè admoneant, nunc alios viros doctos, & pios ad illū mittant, qui illum doceant quantum à catholica fide aberret, testimoniis sacræ scripturæ, aut ecclesiæ definitione, aut aliis viis, quibus hæreses reuincendas esse supra docuimus, illum conuincant. Hæc esse, & semper fuisse ecclesiæ sententiam, testimoniis sanctorum doctorum ostendant. Si hæreticus adeo in suo errore fuerit induratus, ut intra tempus præfixum sufficienter à monitis hæresim deferere noluerit, tunc merito incorrigibilis cenferi poterit, & velut talis puniri. Et si post elapsum tempus illi præfixum, & post adhi-

bitans



**A** bitam in illo tempore omnem debitam admonitionem de errore veræ pœnitens resipuerit, saluabitur anima eius, punitur tamen velut incorrigibilis, & ad veniam, & indulgentiam non recipietur, ita vt per illam conuersionem & pœnitentiam, pœnam mortis euadat, præsertim si iam per sententiæ damnatus esset. Nam alioqui si ante damnationem, quamvis post terminum præfixum, resipiscat (vt supra lib. j. docuimus) perpetuo carcere includetur, prout fieri mandatur in cap. excommunicamus. §. si qui autem. de hæreticis. Si vero post damnationem redire voluerit, iam non recipietur. Quia etsi tunc pœniteat, non tamen amore veritatis: sed odio pœnæ id facere videtur. Neque talis suspicio iudicanda est longè à Christiana pietate abesse, imò potius econtrario diuinæ voluntati simillima. Nam eodem modo Deus peccatores iudicat, qui si in tempore vitæ illis ad pœnitentiam dato pœnitere voluerint, veniam à Deo impetrant, quam præsentis vitæ tempore transacto, etiam si cum lachrymis, & gemitibus petant, nunquam tamē obtinebunt. Damnati siquidem in inferno (vt liber sapientiæ *Sap. 5* testatur) se male egisse dolent, & propter peccata quæ olim in hoc mundo viuentes commiserunt, pœnitentiam agunt, quæ tamen illis ad salutem nequaquam prodest. Quia nō amore virtutis, & iustitiæ: sed odio pœnæ, quam sustinēt, se peccasse dolent. Esto etiam, vt amore iustitiæ pœniteret illos præteritorum malorum, nihil à Deo talis pœnitentia impetraret, ob hoc solum: quia extra tempus à Deo ad pœnitentiam, & veniam datum, facta fuisset. Venit enim mox (ait saluator noster) in qua nemo operari potest. Quo loco iuxta Augustini interpretationem saluator noster nossem appellauit tempus post hanc vitā, in quo nemo potest operari, hoc est, mereri, siue ad vitam, siue ad mortem perpetuam: sed quare mereri non possunt? Nōne habent plenam Arbitrij libertatem? Habent utique. Quid igitur obstat ne gloriam, aut pœnam mereri possint? Certe, vt multis non infimæ authoritatis doctoribus placet, solus status obstat: quia videlicet in eo sunt statu, in quo Deus decreuit nullam, aut gloriam, aut pœnam illos posse mereri, quantumlibet bene aut male agant. Ad hanc imitationem ecclesia facit, cum tempus ad pœnitentiam hæreticis statuit, intra quod si ab hæresi recesserint, eos recepit, & veniam illis tribuit.

*Sap. 5**Ioan. 9*

tribuit. Tempus autem ad poenam mortis euitadā ab ec-  
 clesia cōcessum, vt libro primo diximus, est totum tempus  
 ante sententiæ prolationem: quia toto illo tempore si re-  
 dierint, etiam si postquam fuerint per testes conuicti ve-  
 niant, poenam mortis euadent. Hoc autē tempore peracto,  
 etiam si poenitere se dicant, non recipit illos ad veniā: quia  
 tunc nō amore iustitiæ: sed odio poenæ illos poenitere pre-  
 sumit, & ideo illos incorrigibiles censet, & velut tales po-  
 testati seculari tradet, vt ab illa debita animaduersione pu-  
 niantur. Ad eundem modum dicitur hæreticus incorrigi-  
 bilis ille, qui hæresim, quam sciebat ab ecclesia damnatam  
 tutatus est, & in illa vsque ad mortem perseuerauit: quo-  
 niam ecclesiæ diffinitio, quam optime sciebat, satis erat il-  
 li pro bina, & trina admonitione. Cum igitur ecclesiæ ad-  
 monitionem audire noluit: sed illa contempra vsque ad  
 mortem in hæresi perseuerauit, merito incorrigibilis iudi-  
 catur, & eisdem poenis, si post mortem de illius hæresi con-  
 stiterit, plectetur quibus viuens, & incorrigibilis manens  
 plecteretur, vt habetur in cap. Accusatus. §. in eo. de hæret.  
 libro vj. Ob eandem causam censetur incorrigibilis hæ-  
 reticus, is qui accusatus de hæresi negauit delictum suum  
 toto tempore, quod illi, si fuisset confessus, datum erat ad  
 veniam. Cum autem videt se per testes conuictum, trans-  
 acto tempore illo ad veniam dato, fatetur crimen suum, &  
 dicit se poenitere. Hic talis existimatur incorrigibilis: quia  
 & si poenitere se dicat, non est credendus, quod zelo fidei,  
 & odio hæresis hoc dicat: sed timore poenæ, quam vehemē-  
 ter abhorret. Verū & si hic talis merito censeatur in-  
 corrigibilis, ecclesia tamen illum mitius tractare decreuit,  
 quā si vsque ad finem pertinax in hæresi mansisset. Nam  
 hunc, qui postquam per testes conuictus est, ante sententiæ  
 prolationem resipiscit, & ad ecclesiæ communionem redi-  
 re vult, ecclesia iubet perpetuo carcere ad agendam condi-  
 gnā poenitentiam detrudere: vt habetur in cap. penul. de  
 hæreti. §. si qui autem. Nec tamen propterea quod iam ve-  
 lut incorrigibilis aliquis damnatus est, debent inquisitores  
 hæreticorum ab illius admonitione cessare: sed vltiorem  
 adhuc oportet eos adhibere diligentiam, vt illum ab erro-  
 re ad verā fidem reuocent, & sic animā illius à gehēnæ incē-  
 diis, si potuerint, saluēt: quāuis corpus à morte iam eripere  
 non

- A** nō valeāt. Et hic iā tertius est finis, ad quē vltima dirigitur admonitio. Plurima sunt tentanda remedia vt vel animā à dæmonis potestate eripiant. Si Machariū hæreticum Papa Benedictus per xl. dierū spatium (vt dictum est) supra quoti die monchat, vt illū in ordine episcopatus reciperet, multo instātius, & importunius id faciendum est, vt animā illius à potestate dæmonis ereptā Christus inter choros angelorū illam recipiat. Sæpe illum inquisitores admoneant, & si ipsi in exhortationibus suis nō profecerint, tunc alios viros doctos, & verē pios, & honestos adhibeant, qui illum admo-  
neant. Et quāuis isti nihil aduersus hæreticū præualuerint, nō tamen dedignentur alios iterum adhibere: quoniā non omnia possumus omnes. Multi siquidem ad verba Pauli conuersi sunt ad fidem catholicā, qui forte per verba Petri, & aliorum apostolorum nō fuissent conuersi. Multi etiam in prædicatione Petri egerunt pœnitentiam, & baptizati sunt, qui forte aliis Apostolis prædicantibus pœnitentiam minime egissent. Non enim omnes per eundem verbi ministerium Deus ad se trahere decreuit: sed quosdam per Petrum, alios per Iōannem, alios per Bernardum, alios per Franciscum, alios per Dominicum. Diuisiones gratiarum sunt (ait Paulus) idem autem spiritus, & diuisiones ministrationum sunt, idem autem Dominus, & diuisiones operationū sunt, idem vero Deus, qui operatur omnia in omnibus. Et postquam varia gratiarū genera ennumerauit Paulus statim subiungit: Hæc autem omnia operatur vnus, atque idem spiritus, diuidens singulis prout vult. Si Deus prout vult, singulis dona sua diuidit, nō ergo omnia omnibus concedit: non igitur mirum si Petro dederit gratiam, vt possit conuertere Franciscum, & hanc non dederit Iōanni. Deinde si per viros doctos hæreticus homo sententiam suā recantare contēnit, virum aliquē pium vitæ sanctitate clarū, quāuis idiotā illi offerre procurent. Quoniā fieri est possibile, vt vox sancti hominis simplicis & idiotæ potentior sit ad hæreticū cōfundendum, quā mille argumentationes virorū doctorum. Infirma enim huius mundi (vt ait Paulus) elegit Deus vt fortia queq; cōfundat. Vt superbiam Pharaonis deiiceret Deus, & duritiā frangeret, non magnas, & feras elegit bestias, sed minutissima animalia, videlicet muscas cynifex, locustas. Sæpe etiam Deus po-

2. Cor. 12

1. Cor. 1

Exod. 8

tenti o

*Coloss. 2**Histor.  
Eccles.*

tentiores vult esse simplicis alicuius hominis, & idiotæ voces, quàm omnium virorum doctorum syllogismos & enthymemata, ne fides nostra videatur esse in sapiētia hominum, sed (vt ait Paulus) in virtute Dei. Pro hac re est aper-  
 tissimum, & relatu dignissimū exemplum, quod narratur lib. x. Historiæ ecclesiasticæ. c. iij. Et quo maior verbis adhi-  
 beatur fides, verba quæ eadem historia refert, hic inferere decreui, sic enim de gestis in cōcilio Nicæno referens ait: Quantam vero virtutē habeat fidei simplicitas, etiā ex his, quæ inibi gesta referuntur agnoscimus. Etenim cum pro studio religiosi Imperatoris, ex omni terra sacerdotes Dei coissent, opinione commoti philosophi quoque, & dialectici valde nobiles, & opinatissimi conuenerunt. In quibus quidam insignis in arte dialectica, per dies singulos, confictus summi certaminis cum episcopis nostris viris adæque in dialectica non improbabiliter eruditus mouebat, & fiebat ingens spectaculum, conuenientibus ad audiendum doctis, & literatis viris. Nec tamen vllō genere philosophus concludi à quoquam poterat, aut constringi. Tanta enim dicendi arte obiectis quæstionibus occurrebat, vt vbi maxime putaretur adstrictus, velut anguis lubricus laberetur: sed vt ostenderet Deus: quia non in sermone regnum Dei: sed in virtute consistit, quidam ex confessoribus simplicissimæ naturæ vir, & nihil aliud sciens, nisi Iesum Christum, & hunc crucifixum, inter ceteros auditores episcopos aderat. Qui cum vidisset philosophū insultantem nostris, & callida se disputationis arte iactantem, poscit ab omnibus locum, velle se paucis cum philosopho fermocinari. Tum vero nostri, qui simplicitatem illius viri, & imperitiam de sermone duntaxat nossent, pauere, & velut pudorem quendam pati, ne forte apud callidos homines risui efficeretur sancta simplicitas. Perstitit autem senior, & hinc mouit sermonis exordium. In nomine, inquit, Iesu Christi Philosophe audi, quæ vera sunt. Deus vnus est, qui fecit cælum & terram, quique homini, quem de limo terræ formauerat, spiritum dedit: vniuersa, quæ videntur, & quæ non videntur virtute verbi sui creauit, & Spiritus sui sanctificatione firmavit. Hoc verbum, ac sapientia, quem nos filium dicimus, humanos miseratus errores ex Virgine nascitur, & per passio-

nem



**A** nem mortis à perpetua nos morte liberauit, ac resurrectione sua æternam nobis contulit vitam. Quem & expectamus iudicem omnium, quæ gerimus, esse venturum. Credis hoc ita esse Philosophæ? At ille velut si nunquam vllum sermonem contradicendi didicisset, ita obstupescit virtute dictorum, mutus ad omnia hoc solum potuit respondere, ita sibi videri, neque aliud verum esse, quàm quod dixerat. Tum senior, si hæc (inquit) ita esse credis, surge, & sequere me ad templum, & huius fidei signaculum suscipe. Et Philosophus conuersus ad discipulos suos, vel ad eos, qui audiendi gratia conuenerant: Audite (inquit) o eruditi viri. Donec verbis mecum gesta res est, verba verbis opposui, & quæ dicebantur, dicendi arte subuertere: vbi vero pro verbis virtus processit ex ore dicentis, non potuerunt resistere verba virtuti, nec homo aduersari potuit Deo. Et ideo si quis vestrum potuit in his, quæ dicta sunt, sentire quæ sensu, credat Christo, & sequatur hunc senem, in quo locutus est Deus. Ita Philosophus Christianus effectus, tandem se gratulatus est victum. Hactenus Historia ecclesiastica.

**B** Ex quibus apertissime constat sæpe Christianam simplicitatem potentiorē esse ad hæreticorum duritiā frangendam, quàm mille virorum doctorum argutiæ. Quo fit, vt non satis sit inquisitoribus hæreticorum, si ad conuertendum aliquem hæreticum, vnum aut alterum virum doctum adhibuerint: sed oportet, vt plures, & doctiores, quos nouerint illi adhibeant; neque hoc satis est, vt consummate suum exequantur officium: sed opus est, vt viros sanctitate excellentes quamuis idiotas, si illos agnoscunt, illi offerant. Quoniam (vt diximus) fieri est possibile, vt Deus per merita viri sancti & simplicis conuertat hæreticum, quem viri docti suis argumentationibus conuvertere non potuerunt. Admonere tamen lectorem decreui, ne putet me existimare hanc tam exactam, & tam prolixam admonitionem esse sic necessariam aut hæretici condemnationem, vt nisi illa præcedente merito hæreticus damnari non possit, & seculari potestati tradi. Nam (vt sæpe iam me dixisse memini) si semel, & iterum legitime fuerit admonitus, & ille monitioni non obedierit, satis est, vt ab inquisitoribus damnari possit, & seculari tradi potestati, vt patet per capitulum, Ad abolendam. de hæreticis. Sec.

hanc tam prolixam, & tam exactam admonitionem dico esse necessariam, ut saltem hæretici anima, si resipuerit, saluetur, corpore illius ad mortem damnato. Forte hæreticorum inquisitores exposulabūt me, quod rem nimium difficilem laborisque plenam illis imponere velim. Quibus ego respondeo multo maiorem multoque acerbiores esse laborem, quem hæreticus propter hæresim, & illi propter officium negligenter administratum, in inferno sustinebunt. Multa sunt toleranda, ut vel vnam animam ex inferni faucibus liberet pastor, & rector. Filius Dei, ut nos à dæmonis eriperet potestate, carnem nostram cum omnibus ferè illius miseriis assumere, & mortem in illa pati dignatus est. Non est igitur æquum, ut inquisitores, & Episcopi, quibus hoc incumbit negotium, pro hæretici anima recuperanda præfatos admonitionum labores subire recusent, pro qua Christus filius Dei mortem subire non recusauit.

*Quod relapsus hæreticus merito censetur incorrigibilis, & quis sit dicendus relapsus.*

## CAP. II.

**Q**uia ecclesia hæreticos, qui relapsi appellantur, tanquam incorrigibiles punit, ideo necessarium fore existimaui, hic perscrutari quis dicatur relapsus. Bifariam contingere potest, ut aliquis dicatur relapsus. Nam quidam est aperte relapsus. Alter autem non aperte, & manifeste est relapsus: sed propter iuris præsumptionem, quæ talis, ac tanta est, ut contra illam nulla probatio admittatur, relapsus censetur. Ut quis manifeste relapsus dicatur, duo sunt necessaria. Primum est, ut semel in aliquam hæresim fuerit lapsus, & de illa accusatus, & propter illam damnatus, & post illam damnationem, hæresim in iudicio abiurauerit. Secundum est, ut post huiusmodi abiurationem, iterum in hæresim labatur. Quæ duo, si alicui conuenerint, tunc is manifeste relapsus dicetur, & erit. Si alterum horum desit, quamuis forte possit dici relapsus: sed non aperte, & manifeste relapsus. Sunt adhuc alij (ut diximus) qui etsi non sint manifeste relapsi, nec de ipso relapsu aperte conuicti, quadam tamen iuris præsumptione censentur relapsi. Hi autem

- A** autem dupliciter contingunt. Nam qui de hæresi tam vehementem dedit suspensionem, vt purgatione canonica indiguerit, quamuis non fuerit de crimine conuictus, si post abiuratam hæresim, iterum in hæresim labi contingat, hic iuris præsumptione censetur relapsus, vt patet in cap. Accusatus. §. j. de hæret. lib. vj. Illum enim qui vehementem dedit de hæresi suspensionem, Ius Canonicum fingit fuisse lapsum, vt si postea in hæresim reciderit, merito possit dici relapsus. Hæc autem de vehementer suspecto intelligenda sunt: quoniam qui modicam, & leuem de hæresi suspensionem præbuit, quamuis postea in hæresim labatur, non dicitur relapsus. Punitur tamen grauius, quàm si absq; nulla præcedente suspensione, tunc primo in hæresim laberetur, hæc habentur in præfato cap. Accusatus. Nec refert, an in eandem reciderit hæresim, an in aliam: quoniam qui abiurauit hæresim simpliciter, hoc est non exprimens hanc, aut illam: sed hæresim absolute, aut qui abiurauit hæresim generaliter, hoc est, omnem hæresim, si postea in hæresim quamuis non eadem lapsus fuerit, merito relapsus iudicatur vt expresse habetur in eodem ca. Accusatus, §. Eum vero. Difficultas tamen non parua hic oritur de illo qui contricte, & cōtracte abiurauit, ita vt solam de qua accusatus, aut vehementer suspectus fuerat, hæresim abiurauit: si postea nō in eandem: sed in aliam hæresim fuerit lapsus, an talis sit dicendus relapsus. Glossa in illo eodem §. in verbo, simpliciter, dicit se credere talem non esse dicendum relapsum. Et illius sententiæ ego etiam subscribo, & in illam manibus (vt dicitur) & pedibus eo: quoniam si Papa voluisset hunc talem pro relapso haberi, non fuisset cum illa modificatione, & verborum restrictione loquutus: sed absolute dixisset eum, qui semel hæresim quomodolibet abiurasset, si postea in hæresim laberetur esse dicendum relapsum. At cum dicat eum esse dicendum relapsum, qui hæresim simpliciter, vel generaliter abiurauit, & postea in eandem, aut aliam hæresim incidit, eo ipso visus est à nomine relapsi excludere illum, qui postquā vnā singularem hæresim abiurauit, in aliam lapsus est. Sed ex hac difficultate alia via inquisitores hæreticorum, prudēter quidem se liberant, quia hæreticum semel deprehensum, nō eam solum, de qua accusatus, aut vehementer suspectus est: sed omnem hæresim abiurare compellunt. An autem hoc

iuste fiat, supra lib. j. cap. xxv. disputauimus. Alio modo dicitur aliquis ex iuris fictione relapsus, cum videlicet post abiuratum hæresim acceptat, deducit, visitat, siue associat, aut dona, vel munera hæreticis donat, vel mittit, seu fauorem illis impendit: qui excusari non possit. In hoc enim casu ius præsumit istum, qui aliàs in hæresim lapsus fuerat, ideo aliquod horum, quæ nunc diximus, facere: quia priorem, quam abiurauit hæresim iterum approbat. Sed hæc de illo intelligenda sunt, de cuius priori lapsu semel constitit, siue hoc ante abiurationem, siue post illam constiterit. Nam de illo solo loquitur textus in eodem cap. Accusatus. §. ille quoque. Sed circa dicta in illo §. duo mihi oriuntur dubia, quæ non paruam videntur habere difficultatem. Primum est, an is, qui ob solam vehementem de hæresi suspicionem, omnem hæresim abiurauit, si post istam abiurationem hæreticos recepit, aut munera misit, aut aliquod illorum quæ in illo §. enumerantur, fecit: sit dicendus relapsus. Et forte alicui videbitur, quod sic: quia post abiurationem generalem hæresis, iterum in vehementem incidit hæresis suspicionem, hæreticos recipiendo, aut munera illis dando, vel mittendo. Ego vero duplici motu ratione contrarium dicendum esse puto. Prima, quia nullus est textus, quo dictum illud probari possit, imò si per coniecturas hic agere licet ex textu illius §. magis conicere licet hunc talem, de quo nunc disputamus, non esse dicendum relapsum: quoniam si illum Papa iudicasset esse dicendum relapsum, non addidisset verba illa, per quæ manifeste ab illa regula generali illum excepit; sed generali voce fuisset loquutus. Dicens autem de cuius lapsu in hæresim ante abiurationem constiterat, vel nunc constat, aperte satis expressit illum, de cuius lapsu nunquam constitit, non esse dicendum relapsum. Secunda ratio est: quia omnis, qui secundum iura iudicatur relapsus, oportet, vt saltem semel sit aperte, & manifeste lapsus in hæresim, & de illa conuictus. Et ita propter vnum apertum lapsum, & alium ex iuris fictione, aut præsumptione, merito iudicabitur relapsus: sicut patet in duobus casibus, de quibus loquitur cap. Accusatus. §. primo. & §. ille quoque. Vbi autem sola fuit suspicio, etiam si semel, & iterum vehementem præbuerit de hæresi suspicionem

C

D



**A** nem, mea sententia non dicitur relapsus: quia suspicio, quæ ex lege, & iure non oritur, id est, quam iura non approbant, & confirmant, nunquam erit sufficiens, ut recte per illam quis possit damnari. Cum ergo nulla sit lex, quæ iubeat suspicari illum, qui propter solam suspicionem hæresim abiurauit, si postea hæreticos receperit, aut munera illis dederit, in fauorem hæresis hoc fecisse: conuincitur ut propter hoc non sit censendus relapsus: sed purgatio canonica est illi iniungenda, & grauius meo iudicio puniri debet propter secundam, quam præbuit suspensionem, quam punitus fuit cum primam dedit. Secundum dubium & quidem multo mea sententia difficilius est, de illo cuius lapsus in hæresim, siue ante abiurationem, siue post, fuit manifestus & notorius, & postea recepit hæreticos, aut illis dedit munera: sed tales hæretici, quibus munera dedit, non sunt suspecti de hæresi illa, in quam iste, qui munera dat, fuit lapsus, imò constat tales hæreticos longissime ab illa hæresi distare, an qui huiusmodi hæreticis munera dedit, postquam ipse hæresim abiurauit, sit dicendus relapsus per rextum illius §. ille quoque. Et videtur quod non: quia quando aliquid lege sancitur propter aliquam rationem in ipsa lege expressam, quæ legislatorem, ut sic statueret, mouit, si res talis occurrat, cui ratio legis nullo modo possit aptari, credendum est illam talem sub lege non comprehendi. Quia lex (ut ait) Panormitanus in cap. finali de rescriptis, non est aliud, quam ratio ipsius legis. Ratio autem quam rextus ille affert, ut qui post abiurationem hæresis receperit hæreticos, aut visitauerit, aut munera illis dederit, vel miserit, sit dicendus relapsus, est quia (ut dicit) illum ex approbati à se prius erroris consequentia non est dubium illud fecisse. Hæc ratio cum ex sola suspicionem, aut præsumptionem procedat, & non ex facti euidencia, circa illum solum vim suam habere videtur, qui post abiurationem hæresim communicauit hæretico fauenti eidem hæresi, in quam illum lapsum fuisse constituit, aut saltem communicauit hæretico fauenti alteri hæresi, quæ nimiam habet connexionem cum illa, in qua ille prius lapsus fuerat. Tunc enim ex tali communicatione cum hæretico, merito præsumi debet, illum ad eandem, quam prius abiurauerat hæresim rediisse: quia hæreticum illum defendentem recipit, visitat,



aut munera illi donat, vel mittit. Si tamen is, qui hæresim C  
 abiuravit, communicat hæretico, de quo constat aliam  
 valde diuersam hæresim tueri, & non eandem, quam ille  
 alius abiuravit, non video quomodo ex huiusmodi conuer-  
 satione suspicari liceat istum ad eandem hæresim rediisse:  
 cum constet illum talem, cum quo conuersatur illi hæresi  
 aperte contradicere, de qua iste fuit olim conuictus. For-  
 sitan hic aliquis mihi respondebit, quòd quamuis non opor-  
 teat ex tali conuersatione suspicari istum ad eandem hære-  
 sim rediisse, quam prius tenuerat, & postea abiurauerat,  
 bene tamen præsumere oportet istum in aliam hæresim  
 incidisse, & hoc satis esse, vt merito relapsus dicatur. Con-  
 tra hanc tamè responsionem ipsemet textus agere videtur:  
 quia ratio quare textus dicit istum, qui post hæresis abiura-  
 tionem hæreticis communicauit esse dicendum relapsum,  
 est: quia præsumitur ad præfatum errorem rediisse. Ex  
 quibus verbis colligere oportet illum, qui non dedit suspi-  
 cionem rediisse ad pristinum errorem, non esse dicendum  
 relapsum. Nec obstat, quod dicitur in §. Eum vero. illum  
 qui generaliter hæresim abiuravit, si post ea in illam, aut  
 aliam hæresim labatur, esse dicendum relapsum: quia D  
 textus ille non loquitur de illo, qui ex iuris fictione, aut  
 præsumptione dicitur relapsus: sed de illo, qui est aperte,  
 & manifeste, & sine vlla fictione relapsus. Et certe, qui se-  
 mel de hæresi est conuictus, si post abiurationem hæresis  
 generalem, in illam aut aliã hæresim aperte lapsus fuerit,  
 dicetur relapsus. Qui non est bis de hæresi conuictus: sed  
 ex iuris fictione dicitur relapsus, vt iuris fictio sit aduersus  
 illum valida, oportet vt in eandem recidat hæresim, de qua  
 prius suspicionem dederat vehementem. Nam de hoc ita  
 docet textus expresse in capite, accusatus. §. primo. Et vt  
 mea clarius pateat sententia, verba textus in medium pro-  
 ponere decreui. Accusatus, inquit, de hæresi, vel suspectus,  
 contra quem de hoc crimine magna, & vehemens suspicio  
 orta erat, si hæresim in iudicio abiuravit, & postea com-  
 mittit in ipsa, censeri debet quadam iuris fictione relapsus.  
 Hæc ibi. In quibus verbis id annotandum est, quod ait:  
 Et postea committit in ipsa. Ex quibus verbis satis aperte  
 colligitur illum, qui post abiurationem committit in  
 alia hæresi, & non in illa, de qua prius vehementem de-  
 creat

**A**derat suspicionem, non esse dicendum relapsum. Et iuxta hunc modum, ego censeo intelligenda esse verba quæ habentur in §. ille quoq;. Nam sicut in casu, qui ponitur in §. j. præcedit vehemens suspicio, & postea sequitur aperta commissio: ita econtrario in casu, de quo loquitur §. ille quoque. præcedit aperta commissio, & postea sequitur vehemens suspicio. Sicut ergo in casu primo, ut quis dicatur relapsus, oportet, ut committat in illa hæresi, de qua prius fuerat vehementer suspectus: ita etiam in casu secundo, ut dicatur relapsus, oportebit ut de eadem hæresi sit vehementer suspectus, de qua prius fuerat aperte conuictus. Et quidem, ut sic fiat, ratio ipsa suadet: quoniam non est æquum ut paris omnino sint conditionis in iudicio, is qui de hæresi bis fuit aperte cōuictus, & ille, qui semel tantum fuit conuictus, & iterum vehementer de hæresi suspectus. Per hoc enim mea sententia distinguuntur, quod is, qui bis de hæresi fuit aperte conuictus, siue secundo in eandem reciderit hæresim, siue in aliam dicatur relapsus, præsertim si postquam fuit primo de hæresi conuictus, omnem hæresim generaliter abiurauit. Qui verò semel tantum fuit de hæresi conuictus, & iterum vehementer suspectus, siue præcedat aperta commissio, & postea vehemens suspicio, siue econtrario, non dicatur relapsus: nisi ad eandem redierit hæresim, de qua prius fuerat conuictus, vel vehementer suspectus. Et ego quidem ita dicendum esse censeo: nisi aliquod sit ecclesiæ decretum, quod huic meæ sententiæ aperte repugnet. Nam si de ecclesiæ decreto, quod huic meæ sententiæ aperte contradicat, utcumq; constiterit, statim hanc meam sententiam pro recantata haberi peto. Quoniam ecclesiæ definitionem tanti facio ut in nulla re, vel latum pilam ab illa discedere velim. Potest adhuc alio modo aliquis dici relapsus propter vehementem suspicionem, ut puta, si primum de hæresi conuictus hæresim omnem abiurasset, & perpetuo carceri mancipatus fuisset, prout fieri mandatur in cap. Excommunicamus. §. si qui autē. de hæret. & inde ex carcere exiisset. Is certe dicatur merito relapsus: quia de primo lapsu fuit conuictus, & de secundo dedit vehementem suspicionem per hoc solum, quod exiit à carcere. Nam ob hoc solum merito suspicari possumus, illum non vere pœnituisse, quod pœnitentiam iniunctam

adimplere contempsit, & inde euenit, vt merito suspicemur illum ad pristinum rediisse errorem. Et huic sententiæ fauet Abbas, qui in cap. cum non ab homine. de iudiciis, tractans, qui sit dicendus incorrigibilis inter alios, quos ibidem sub hoc nomine recenset, illum etiam, qui impossitam pœnitentiam peragere negligit, aliis adiungit. Et specialiter loquitur de illo, qui exit à carcere, in quo propter crimen fuerat reclusus, præsertim si vocatus à iudice non vult comparere. Et probat Abbas suam sententiam per cap. vt famæ. de senten. excom. & cap. literas. de præsump. & cap. Accedens. dist. 50. & ca. testimonium. de testib. Ille enim (vt Abbas ait) dicitur emendatus, qui sui delicti fecit pœnitentiam. Sed difficultas est non parua de illo, qui iam omnem hæresim abiurauit, siue quia vere fuerat lapsus in hæresim, aut quia vehementem dederat hæresis suspicionem, si hic talis post illam abiurationem iterum labatur in hæresim: sed postea errorem cognoscens, sponte sua, & sine vlla accusatione accedit ad inquisitores, & coram illis peccatum suum humiliter confiteretur, & veniam petit, an hic talis sit censendus relapsus, & per consequens incorrigibilis, & velut talis puniendus. Et quod sit dicendus relapsus, probari posset per hoc: quia est bis in hæresim lapsus. Ego tamen censéo non esse dicendum relapsum, si verum est illum venire sponte sua, & ex vera peccati cognitione. Nullus enim iudicari potest relapsus, nisi bis fuerit de hæresi conuictus aut saltem semel conuictus de lapsu, & iterum conuictus de vehementi suspicionem. At hic, qui sponte sua venit, non est dicendus secundo conuictus, non potest ergo dici relapsus, & per consequens nec incorrigibilis. Quo fit, vt sit necessario recipiendus ad veniam. Oportet tamen, vt inquisitor diligenter perscrutetur, an re vera sponte sua venerit, & peccatum suum fuerit confessus. Nam si ex timore probationum, quas forte contra se nouerat, illum venisse confiterit, tunc iam merito dicetur relapsus: quia non zelo fidei: sed timore pœnæ suum fatetur peccatum, & merito credendum est illum non vere pœnitere. Declarato iam quis sit dicendus relapsus, nunc iam opus est, vt illum merito incorrigibilem esse dicendum ostendamus, & velut talem fore puniendum. In re hac video non esse multis verbis opus, cum aperta sit de hac re ecclesiæ definitio.

Nam



- A** Nam Lucius tertius huius nominis Pontifex, sic ait. Illos quoq; qui post abiurationem præfati erroris, vel postquam se (vt diximus) proprii antistitis examinatione purgauerint deprehensi fuerint in abiuratam hæresim recidisse, seculari iudicio sine vlla penitus audientia decernimus relinquendos. Hæc ille. Quæ verba habentur in cap. ad abolendam. extra de hære. Sed hanc ecclesiæ definitionem multi hæretici subsannant, atq; derident, & illam contra Christianam pietatem esse aliquibus rationibus cauillantur: sed omnes illorum rationes, quibus id agere contendunt, inanes, & (vt apertius dicam) irrationabiles prorsus esse, Deo duce, ostendemus. Primo obiiciunt nobis Dei misericordiam, qui peccatori etiam millies in peccatum recidenti paratus est semper veniam dare, si toties ille resipiscat, & veram pœnitentiam agat. Oportet igitur (vt dicunt) ecclesiam, quæ illius est sponsa, ad sponsi sui imitationem agere, vt quoties hæreticus resipuerit, & veræ pœnitentiæ signa dederit, illum recipiat, & illi indulgentiam præster. Huic obiectioni respondet Alexander Papa huius nominis quartus in cap. super eo. de hæreticis libro vj. Cuius verba: quia propter nimiam breuitatem obscura sunt, ego aliquanto prolixius explicare decreui. Fatemur quidem quod obiiciunt, veniam culpæ semper esse dandam peccatori, quotiescunq; veram ille peccati pœnitentiā egerit, & semper esse illum ad ecclesiæ communionem recipiendum: si vera pœnitentiæ signa ostenderit. Nam nihil eorum, quæ omnibus catholicis fidelibus ecclesiā concedit, illi negari debet. Audienda siquidem sunt peccata, quæ ille sacerdoti in auriculari confessione detegere voluerit, quibus auditis: nisi aliud obster, non est illi neganda peccatorum suorum absolutio. Si Eucharistię sacramentum petierit, illi debet administrari. Vnctionis tamen extremæ sacramentum illi non ministrabitur, propterea quòd iuxta beati Iacobi sententiā, huiusmodi sacramentum non nisi iis, qui morbo corporali laborant ministrari debet. Post mortem, ecclesiastica sepultura illi velut cæteris fidelibus catholicis concedetur. Non tamen consequens est, vt mors, aut pœna alia propter delictum hæresis, in quod relapsus fuit, non debeat infligi. Non enim fieri necessario oportet, vt quoties culpæ indulgentia datur, pœnæ etiam, ad quam propter culpam destinatus

fuerat, indulgentia detur. Nam Deus etiam postquam peccato pepercit, poenas subinde infligere consuevit. Pro qua re (vt alia omittam) illud est apertissimū testimonium, quod de David Rege secundus liber Regum narrat. Hic enim agnoscens culpæ gravitatē, quam in adulterio, & homicidio commiserat, eiusdem culpæ indulgentiam à Deo impetravit. De qua testimonium reddidit Nathan propheta dicens: Transtulit quoq; Dominus peccatum tuum. Post hanc tamen culpæ remissionē, idem propheta prædixit illi multas calamitates, & poenas eum passurū propter commissum scelus, quas omnes postea toleravit, quāvis iam fuerat illi peccatū remissum. Ad hunc eundē modum ecclesia Christi sponsa faciendū esse decernit, quæ hæreticum relapsū si resipiscat, ad poenitentiam recipit poenas tamen, ad quas propter crimen hæresis destinatus erat, illi infligere nō formidat. Præterea secundo obiciunt nobis hæretici. Petro quærenti à saluatore nostro quoties fratri in se peccanti dimittere debeat, & cum interrogatione proferenti sententiam vsq; septies. Saluator noster respondit: Non dico tibi vsq; septies: sed vsq; septuagies septies. Quibus verbis apertissime docuit semper fratri in nos peccanti debere dimittere. Hæc obiectio nihil prorsus mouet, neq; aliquid contra nos agit, quoniam per illa verba Christus solum docet nos debere offensas nostras, hoc est, quæ contra nos fiunt, semper remittere, ita vt quoties in nos quis peccauerit, toties nos illi dimittamus. Aliam tamen esse habendam rationem in punitione eorum criminum, quæ sunt aperte contra diuinum honorem, vt docet Augustinus in sermone tertio de plurimis martyribus, sic inquit: Diligenter attendite fratres, & scitote aliud esse in Deum peccare, aliud in hominē. Quando enim in nos peccant homines, si poenitentibus veniam non indulgeamus peccatū incurrimus, quando autem aliqui in Deum peccauerint, si sine restrictione grādi indulgere voluerimus, participes nos eorum peccatis efficiamus. Hæc ille. Quo fit, vt iudex quicumq; ille sit, cum non suas: sed Dei aut ecclesiæ, aut alterius reipublicæ offensas punit, ad huiusmodi præcepti executionem non teneatur: ita vt cum non priuatas: sed publicas punit offensas, possit pro criminis qualitate etiā poena capitis punire, nec huiusmodi poenam remittere teneatur, imò sæpissime non remittere.

3. Reg. 12

Mat. 18

Augusti.

- A** remittere teneatur. Hæreticus autem nō in solos delinquit iudices, aut prælatos, quos suo errore scādalizat: sed Deum, & ecclesiam illius sponfam multipliciter offendit. Primo, quia putat illos, aut fallere, aut falli posse, & ob hanc causam illorum dictis obedire recusat. Secundo, quia fideles, qui membra sunt Christi suo pestifero errore inficere & à Christi corpore diuellere satagit. In cap. Vergentis. de hæretic. dicitur, quòd hæreticus diuinā offendit Maiestatem. Rursus tertio hæretici cōtra nos arguunt sic dicentes: Esto hæreticum hominē damnare liceat, & incorrigibilem punire, non tamē postquam primo relapsus est, statim censeri debet incorrigibilis, quoniā Paulus Apostolus Tito scribēs *Titum 3* admonet illum, vt hæreticum hominem post vnam, & secundam correptionem deuitet. Ex quibus verbis colligunt ecclesiam contra Pauli sententiam agere, quæ post primam correptionem hæreticum damnat, & illum potestati seculari tradit, vt ab illa prout viderit expedire plectatur. Et certe (vt ingenue verum fatear) hæc Pauli verba non parum momenti habere videntur aduersum nos: si ita à Paulo dicta esse cōstaret, prout nunc à nobis citata sunt, & in communibus bibliis habentur.
- B** Non tamen constat talem esse Pauli literam, quoniā longe aliter multi sancti viri illa Pauli verba citant, legūt, & interpretantur. Neq; illa diuersa Pauli lectio apud solos recentes authores inuenitur: quoniam hoc parum datraheret publicorū, & communium bibliorum authoritari: sed cum apud peruetustos authores, eosq; probatissimos non solum Latinos, verum etiam Græcos reperiatur, facit, vt certi non sinus quo pacto illa Pauli verba legenda sint. Beatus Ambrosius in cōmentariis super epistolam ad Titum, illum Pauli locum hoc modo legit: *Ambrosi.* Hæreticum hominē post primam correptionē deuicta. Quæ quidem lectio valde diuersa est ab ea, quæ in communibus bibliis habetur. Beatus Cyprianus lib. iij. ad Quirinū cap. *Cyprian.* lxxviii. hūc Pauli locū sub his verbis citat. Hæreticum hominem post vnam correptionem deuicta. In quibus verbis nullam de secūda correptione mentionē fecit. Tertullianus *Tertul.* in lib. de præscriptionibus hæreticorum hæc eadem Pauli verba citans, post vnam correptionem dicit hæreticum esse deuictandum. Deniq; beatus Irenæus martyr, Apostolis fa- *Iren.* tis vicinus lib. iij. aduersus hæreses, cap. iij. sic ait: Tantum apost

apostoli, & horum discipuli habuerunt timorem, vt neque verbo tenus communicarent alicui eorum, qui adulterauerant veritatem, quemadmodum & Paulus ait: Hæreticum hominem post vnam correptionem deuita, sciens quoniam peruersus est, qui est talis, & à semetipso damnatus. Hæc Irenæus. In quibus verbis Paulum dixisse refert hæreticum hominem post vnam correptionem esse deuitandum, & non ad secundam expectandum. Quæ autem sit verior litera, an hæc, quæ in communibus bibliis habetur, an illa, quam hi quatuor illustres, & vetustissimi authores citât, ego tantus non sum, vt definire hoc possim, nec tam arrogans, vt hoc

*Hierony.*

tentare audeam. Nam beatus Hieronymus in cõmentariis super epistolam ad Titum interpretans hunc Pauli locum dicit hæc Pauli verba aliter apud Græcos, quàm apud Latinos haberi. Apud Græcos dicit solum reperiri post vnam correptionem. In Latinis vero codicibus dicit legi, post vnam & alteram correptionem. Quæ autem istarum sit verior litera Hieronymus non diffinit, quoniam nullam illarum improbat. Vt autẽ argumento quod ex illo Pauli loco nobis proponitur, respondeam, dico, quòd Paulus illo loco non loquitur de illo, qui postquam ab hæresi aliqua recessit, ad illam, aut alteram rediit: sed de illo, qui in eadẽ hæresi persistit, quâuis semel, & iterum fuerit admonitus, vt hæresim desereret, & hunc talem dicit esse deuitandum, neque cum illo esse amplius colloquendum: quia qui semel, & iterum admonitus de errore suo, nõ vult corrigi, errare existimat corrigentem, & timendum est, ne illum perdat, à quo

*Chrysost.*

admonetur, & docetur. Vnde Chrysostomus homilia sexta super epistolam ad Titum interpretans hunc Pauli locum, postquam ex posteriore ad Timothæum epistola cap. ij. alia Pauli verba citauerat, quæ cum istis in faciem pugnare videntur, illa omnia conciliare volens, sic ait: Nempe illic de his loquebatur, de quibus corrigendis supererat spes, ac de his qui simpliciter reluctabantur, nõ aduersandi affectu sed studio discendæ veritatis. Vbi vero manifestus fuerit omnibus, atque conspicuus aduersarius veritatis, cur obscuro pugnas incassum? Cur ærem cedis? Quid verò est, quod ait, cum sit à se ipso damnatus? Quia profectò dicere non potest, nemo corripuit. Cum ergo post admonitionem in ea infidelitate persistit, ex seipso damnatus efficitur. Hæ-

nus



**A** nus Chrysoſtomus. Ex cuius verbis ſatis aperte conſtat, illa Pauli verba de illo eſſe intelligenda, qui in eadem hæreſi perſiſtit, quem dicit ſemel, & iterum admonendum, & ſi credere noluerit, deuitandum. Si tamen hic talis hæreticus Deo inſpirante reſiſceret, & poſtea diabolo ſuggerente iterum in hæreſim laberetur, quid de illo agendum eſſet Paulus hoc loco non docet. Quo ſit, vt Pauli ſententia, etiam iuxta verba, quæ in communibus bibliis habentur, nullo modo eccleſiæ determinationi contradicat.

*Quàm iuſtum ſit, & neceſſarium hæreticos punire.*

## CAPVT III.

**Q**uamuis hæreſeos crimen ſit adeo peſtilens, & intratabile, vt inter omnia humana ſcelera nullū ſit, quod toti Chriſtianæ reipubl. magis nocere poſſit, & cui minus medicari valeat, non deſuere tamen hæreticorum patroni, qui pro illorum impunitate contendunt, dicentes hæreticos non eſſe ob hæreſeos crimen puniendos: ſed diuino iudicio relinquendos. Qui hæc docet, ſi aliquis eſt in hac re coniecturis locus, ideo illos ita dicere credo, vt liberius, quas velint, poſſint toti populo hæreſes prædicare. Optant quidem eas, quas contra eccleſiæ catholicæ doctrinam hæreſes conceperunt, in publicum effundere: ſed timore pœnæ, quam nimium reformidant, mutire non audent. Rem itaq; ſuam agunt, qui hæc docent: quia ſuam vitam vltimis pœnis caſtigari timet, cum alios ſui ſimiles conſpiciunt libera punitione confundi, & ſibi ipſis impunitatem acquirere cenſent, ſi alios, quos in eodem crimine obligatos eſſe ſciunt, minime puniendos eſſe conuincant. Vt autem hanc doctrinam falſam procul, & longiſſime ab eccleſia relegemus, oportet, vt multis vrgentiſſimisque rationibus conuincamus, iuſtam eſſe & neceſſariam hæreticorum punitionem. Primo igitur eos, qui hæc docent percontor, an id quod de hæreticis docent, ad omnes ſceleratos homines etiam pertinere cenſeant, ita vt nullum malefactorem hominem quamlibet ſceleſtum puniendum eſſe credant: ſed omnem talem diuino iudicio relinquendum putent. Non credo hominem aliquem: niſi demens ille ſit, taliter ſentire: quoniam hoc naturali legi apertiſſime repugnat.

Nulla

Nulla enim est, aut nunquam fuit tam barbara gens, quæ latrones, fures, homicidas, non acerrime puniat, quoniam alias nullius esset tuta supellex, nullius vita secura, nullaq; respubl. diu persisteret: sed omnes citissime perirent. Essent enim homines, vt pisces maris, è quibus maiores deuorant minores. Quo rerum ordine seruato, fieri necesse esset, vt soli potentes uiuerent, & nullus esset in republica pauperibus, & infirmis locus. Præter hanc naturalem legem, quæ omnium cordibus insita est, lex etiam diuina scripta talem sententiam manifestissime damnat: quoniam non vno tantum, aut altero loco præcipit malefactores esse puniendos. Omitto pœnas illas, quas veteris legis rigor peccantibus esse infligendas olim decreuit. Ipse pietatis fons, & magister Christus saluator noster apud Matthæum ait: Omnis, qui occiderit gladio, gladio peribit. Et apostolus eius Paulus loquens de potestate à Deo principibus data, ait: Si malum feceris, time. Non enim sine causa gladium portat, Dei enim minister est, vindex in iram ei, qui malum agit. Et apostolorum princeps eandem sententiã confirmat inquit: Subiecti estote omni humanæ creaturæ propter Deum: siue Regi quasi præcellenti, siue Ducibus tanquam ab eo missis ad vindictam malefactorum, laudem vero bonorum. Multa alia sunt pro hac re testimonia: sed pro re tam aperta enarrare piget: quia video hæc satis superque esse, nec esse pluribus opus. Sic igitur fateri oportet malefactorem esse puniendum: peto causas, propter quas puniendus est, quibus assignatis, cum eadem causæ militent contra hæreticos, quæ contra alios malefactores, colligemus inde, aut nullum malefactorem esse puniendum, aut hæreticum etiã puniri oportere. Duplicem constat esse causam, quæ vehementer vrget, vt malefactores iuxta variam suorum criminũ qualitatem puniantur. Prima causa est ipsius malefactoris correctio, & emendatio. Nam ad hoc peccator primum punitur, vt pœna urgente discat benefacere. Vexatio siquidem (vt est apud Esaiam) dat intellectum auditui. Et Salomon in prouerbiis ait: Stultitia colligata est in corde pueri, & virga disciplinæ fugabit eam. Si quis autem hanc sapientis sententiam ad solos ætate pueros referri forte contendat, vt illi soli sint virga disciplinæ erudiendi, & non senes, neque iuuenes, audiat Hieronymum hæc Salom

Mat. 26

Rom. 13

1. Pet. 2

Esaï. 28

Prou. 22

- A** Salomonis verba in commentariis super prouerbia interpretantem. Multos, inquit ille, nouimus pueros sapientia præditos. Nam & Hieremias puer prophetiæ mysterium suscepit. Et Daniel scribit, quòd dedit Deus pueris abstinentibus scientiam, & disciplinam in omni verbo, & sapientia. Vnde restat intelligere, quòd pueros hoc loco non ætate: sed sensu paruulos significet, quales vetabat Apostolus esse eos, quibus ait: Nolite pueri effici sensibus: sed malitia paruuli estote. Huiusmodi enim pueros, id est animos stultitiæ, vel lasciuia, vel inertia deditos, necesse est iuuenili disciplina castigari, & ad iustum vitæ tramitem prudentium vigore perducì. Hæc Hieronymus. Propter hanc causam piensissimus Deus qui non vult mortem peccatoris: sed magis, vt conuertatur, & viuat, sæpe ærumnis, & calamitatibus variis peccatores in hoc seculo punit, vt vel sic eos erudiat mala, quæ gesserunt agnoscere, & pro bonis, quæ culpa sua amiserunt suspirare. Multi enim sunt, qui afflictionibus vexati, coacti sunt intelligere pessima esse, quibus irretiti sunt vitia, & sic priorem vitam deferentes, nouam inceperunt, & veterem hominem cum actibus suis exuentes, induerunt nouum hominem, qui secundum Deum creatus est in iustitia & sanctitate veritatis. Et (vt alios multos omittam) filius ille prodigus, cuius meminit Lucas in Euangelio, non paruo exemplo nobis suffragatur. Ille siquidem accepta portione, quæ sibi hæreditario iure contingebat, abiens in regionem longinquam, totam substantiam suam dissipauit viuendo luxuriose: sed acerba fame illum postea cogente ad se reuersus didicit, quanta bona amiserat, quæ in domo patris persistens habebat. Et sic sapientior factus ad patrem rediit, peccatum agnouit, & misericordiam petens statim impetrauit. Paulus apostolus cum antea vastator esset ecclesiæ, & Christiani nominis acerrimus persecutor, iens in Damascus cæcitate corporis à domino percutitur, vt vel sic ad desiderandum verum lumen cordis cogeretur. Paulus igitur, qui in prosperitate cæcus mente fuerat, flagellorum collyrio sanatus est, vt visum mentis reciperet, & ad Dei obedientiam se promptum offerret. Et ideo post impositionem manus Anania, squamæ ex illius oculis cecidisse dicuntur, vt per

*Hierony.**Hierem.**Dan. 2**1. Cor. 14**Eph. 4**Luc. 15**Act. 9*

squamas



squmamas illas ex oculis corporis decedentes cecitate mentis decedentem intelligeremus. Ob hanc causam Paulus nos omnes admonet, ut tribulationes, quae veluti flagella quaedam sunt, quibus Deus nos percutiens tanquam pater erudit, patienti animo feramus. Quem enim (inquit ille) diligit Dominus castigat: flagellat autem omne filium quem recipit. In disciplina perseverate. Tanquam filiis nobis offert se Deus. Quis enim filius, quem non corripit pater? Quod si extra disciplinam estis, cuius participes facti sunt omnes, ergo adulteri, & non filij estis. Deinde patres quidem carnis nostrae eruditores habuimus, & reuerbamur eos. Num multo magis obtemperabimus patri spirituum, & viuemus? Et illi quidem in tempore paucorum dierum secundum voluntatem suam erudiebant. Hic autem id, quod utile est in recipiendo sanctificationem eius. Haecenus Paulus in epistola ad Hebraeos. Quapropter in posteriore ad Corinthios epistola de acceptis tribulationibus gloriatur, sic inquit: Libenter gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus, in contumeliis, in necessitatibus, in persecutionibus, in angustiis pro Christo. Et Regius propheta diuinorum flagellorum virtutem agnoscens, gratias Deo pro illis reddit, sic inquit: Bonum mihi quia humiliasti me, ut discam iustificationes tuas: prosperitate elatus praecepta Dei non plene didicerat, ut opere impleat: sed postea poenis saeuientibus humiliatus est, & sic didicit praeceptis Dei obedire. Nam (ut Salomon ait) ubi est humilitas, ibi erit sapientia. His igitur praefatis percontari oportet eos, qui docent haereticos non esse puniendos, an haeretici catholicam fidem deferentes agant bene, an male. Non puto virum aliquem Christianum adeo desipuisse, ut dicat haereticos bene agere, & ob haeresim, quam tuentur sine crimine esse. Nam cum haeresis sit peccatum, & tam magnum, ut totius Christianae structurae euertat fundamentum, consequens inde est, ut haeticus pro eo, quod haeresim amplectitur, & tutatur male & pessime faciat. Si haeresis mala est, & haeticus male facit illi adhærendo, consequens est, ut bonum sit haeticum ab haeresi ad fidem catholicam conuertere. Poenis autem, & afflictionibus vrgentibus saepe (ut experientia compertum est) haeretici ad fidem catholicam conuertuntur.



**A** uertūtur, Bonum igitur & optimum est pœnis & afflictio-  
nibus hæreticos punire, vt illis vrgentibus fidem, quam se-  
mel in baptismo susceperunt tueri cogantur. Nam (vt opti-  
me quidā dixit) felix necessitas, quæ nos ad meliora com-  
pellit. Præterea, si quis hominē ex aqua profunda, in quam  
se volens ad mortem proiecerat, contra illius voluntatem  
extraheret ad vitā, benefaceret: & si illum cum posset, qua-  
libet etiam maxima adhibita violētia, à morte eripere ne-  
gligeret, malefaceret, & mortis reus apud Deum habere-  
tur. Nam (vt Symmachus Papa ait) non est grandis diffe-  
rentia, an lethum inferas, vel admittas. Mortem enim lan-  
guentibus probatur infligere, qui hanc cum possit non ex-  
cludit. Multo ergo melius facit index, cui ad malefactorum  
vindiictam data est à Deo potestas, si hæreticos vt ad  
fidem catholicam conuertantur per pœnas quamlibet du-  
ras cogit. Is enim animam eripit à morte, quæ tanto est  
acerbior corporis morte, quanto anima multis interuallis  
corpus antecedit. Hanc argumentationem per locum à mi-  
nori ad maius procedentem: quoniam vehementer meo iu-  
dicio aduersarios vrget, vt clarior illa euadat, operæpre-  
cium fore existimaui illam varijs exemplis & similitudini-  
bus cōfirmare, quæ Augustinus in epistola ad Ponifacium  
comitem de hac re loquens adducit: Molestus est enim (in-  
quit ille) medicus furenti phrenetico, & pater indisciplina-  
to filio, ille ligando, iste cædendo: sed ambo dirigendo. Si  
autē illos negligent, & perire permittant, ista potius man-  
suetudo falsa, crudelitas est. Si enim equus & mulus, quibus  
non est intellectus, morsibus, & calcibus resistunt homini-  
bus, à quibus eorum curanda vulnera contrectantur, & cum  
inter dentes eorum & calces sæpe homines periclitentur,  
& aliquando vexentur, non tamen eos deserunt, donec per  
dolores & molestias medicinales reuocent ad salutem:  
quanto magis homo ab homine, & frater à fratre: ne in æ-  
ternum pereat, non est deserendus, qui correctus intelli-  
gere potest, quantum sibi præstabatur beneficium, quando se  
persecutionem perpeti querebatur? Hactenus ex Augusti-  
no. Rursum quemadmodum pater familias se habet erga  
familiam suam, ita Rex, aut sacerdos, aut quiuis alius iu-  
dex circa regnum, aut prouinciā, aut quamlibet rempu-  
blicā sibi subiectā. Hoc enim docet beatus Augustinus

*Symmac.  
papa.*

*August.*

*Augst.* super Psalmum quinquagesimum, vbi patrem familias allo- C  
quens, hæc ait, Quomodo ad nos pertinet vobis loqui in  
ecclesia, sic ad vos pertinet in domibus vestris agere, vt bo-  
nam rationem reddatis de his, qui vobis subditi sunt. Hæc  
ille. At pater familias tenetur filios, & reliquos sibi subdi-  
tos verbo, & flagellis corripere, vt vel sic sapientiores fiant,  
& à malo ad bonum conuerti coguntur. Propter quòd Sa-  
*Prov. 29* lomom ait, qui parcit virgæ, odit filium suum. Ex quibus  
aperte colligitur, vt Rex hæreticum hominem verbis, &  
flagellis corripere teneatur, vt vel sic illum ad fidem catho-  
licam, quam in baptismo suscepit, redire cogat: quod si  
facere neglexerit, non est charitate amator: sed contra cha-  
*Prov. 27* ritatem Osor hæretici merito censebitur. Nam (vt recte  
Salomon ait) meliora sunt vulnera diligentis, quàm frau-  
dulenta oscula odientis. Denique (vt huic primæ causæ pun-  
itionis malorum finem imponamus) si ad emendationem  
malorum procurandam bonum est vt mali puniantur, con-  
sequens est vt tanto melior sit peccatoris alicuius punitio,  
quanto peius est peccatum quod ille commisit. Quia quan-  
to peius est peccatum, tanto melior erit illius emendatio:  
& per consequens tanto melior (modo cætera sint paria) D  
erit punitio quæ ad talem emendationem extorquendam  
ordinatur. At crimen hæresis (vt supra docuimus) est pessi-  
mum. Optima est ergo hæretici punitio, quæ illum ad hæ-  
resis reuocationem & abiurationem faciendam quodam mo-  
do cogit. Secunda causa, propter quam bonum est, & neces-  
sarium malefactores punire est publica, & communis to-  
tius reipublicæ vtilitas, vt videlicet cæteris, qui tales puni-  
tiones conspiciunt, inculciatur timor, qui eos à malo auer-  
*Horat.* tere cogat. Nam (vt egregius poëta ait) oderunt peccare  
mali formidine pœnæ. Postquam autem peccatores timo-  
re pœnæ ducunt in desuetudinem malum, illud horrere  
incipiunt & deinde bonum ex consuetudine paulatim dul-  
*Augst.* cescit. Vnde August. super Psal. 127. Cum per timorem ge-  
hennæ continet se homo à peccato, fit consuetudo iusti-  
tiæ, & incipit quod durum erat amari, & incipit timor ex-  
cludi à charitate, & succedit timor castus, quo timemus ne  
tarder, ne discedat ne eo careamus. Ille utilis: sed non per-  
manet in æternum, vt iste. Hæc Augustinus. Quapropter  
Christus saluator noster sæpe peccatoribus durum Dei iu-  
diciū,

**A** dicium, vt inferni pœnas minatus est, vt per timorem gehennæ illos à peccatis reuocaret ad pœnitentiam. Licet enim meliores sint qui amore ducuntur, plures tamen sunt qui à timore coguntur ad bonum, & hi non mali. Nam timor Domini initium est sapientiæ, & viam parat ad charitatem. Propter hanc causam Paulus Timotheo scribens, ait: Peccantes coram omnibus argue, vt & cæteri timorem habeant. Volebat quidem Paulus timore pœnæ homines à malo auertere, & ad bonum inducere, & ob hanc causam iubet, vt publice peccâtes coram omnibus arguat, vt aliquorum punitio multos à malo deterreat. Si autem publice peccantes impuniti relinquerentur, maxima inde præstaretur occasio ad quæcunque facinora committenda. Facilitas siquidem veniæ incentiuum præbet delinquendi. Et sapientissimus Salomon ait: Etenim quia non proferitur cito contra malos sententia absque timore vllò filij hominum perpetrant mala. Propter hanc causam Aristot. *Ethico. cap. ix.* censet iustum esse, vt legum transgressoribus pœnæ aliqua statuatur à republica, quatenus per illarum metum homines ad legum obseruantiam cogantur. Multitudo (inquit ille) necessitati potius, quàm rationi, & pœnis, quàm honestati paret. Idcirco sunt, qui legum-latores oportere censent ad virtutem inuitare, ac prouocare honestatis gratia, propterea quòd ij qui probi sunt, ob consuetudinem præcipue obtemperabunt: aduersus autem inobedientes, & hebetiores ingenio, castigationes, pœnâsque instituere, at eos, qui curari, atque emendari nequeunt extrudere, atque exterminare. Probum enim hominem & ad honestatem viuentem, rationi obtemperaturum esse inquirunt: improbum vero voluptatem affectantem dolore afficiendum esse perinde atque iumentum. Hactenus Aristoteles. Ex hac secunda iustæ punitionis causa apertissime colligimus, bonum esse & necessarium hæreticos punire, ne illorum impunitas aliis anîm præbeat, quasque vo-luerint hæreses publice prædicare & docere. Hoc enim manifesta experientia compertum est, prouincias illas, in quibus seuera contra hæreticos viget iustitia, multo plus ab hæresibus esse purgatas, quàm illæ in quibus effrænata est omnibus concessa licentia docendi & prædicandi quidquid libuerit. Huius rei testis fidelissimus est nostra Hispania,

*Psal. no  
1. Timo. 5*

*Eccle. 8*

*Aristot.*

ad quam propter verbum disciplinæ rigorem in ea aduer-  
sus hæreticos vigentem, vix vllus est ausus accedere ad Lu-  
theranam sectam prædicandam aut docendam, quamvis  
multi ex hac pestifera factione per reliquas ferè omnes  
Christiani orbis prouincias peruagentur. Si vel mediocri  
aliquo disciplinæ rigore aduersus hæreticos vsa fuisset Ger-  
mania, nec tantum fidei catholicæ detrimentum fuisset ex-  
perta, nec tam molestam, & tam periculosam hereticorum  
infestationem pateretur, sicut nunc patitur, Quia illorum  
effrontem, & nimis effrnatam audaciam timor duræ pu-  
nitionis repressisset. Quibus timore perterritis, si illi cor-  
recti, & emendati non fuissent, hoc saltem non spernen-  
dum commodum inde hauisset Germania, quod suæ hæ-  
reseos virus, quod mente conceperant, non fuissent auti in  
populum euomere, & sic non tantus populus fuisset illo-  
rum pestifera doctrina infectus. Merito igitur sapientissi-  
mus Salomon ait: Virga, atque correctio tribuit sapien-  
tiam, puer autem qui dimittitur voluntati suæ confundit  
matrem suam. Quæ verba interpretans beatus Hierony-  
mus in commentarijs super prouerbia ait: Puer nanque,  
quem frequentissime corripiendum, & erudiendum ad-  
monet, populus Dei est, qui si non assiduis monitis, & in-  
crepationibus sacerdotum fuerit castigatus, confusionem  
generat ecclesiæ, detrahentibus his qui foris sunt religio-  
ni fidei Christianæ. Hæc Hieronymus. Ideo igitur Germa-  
niæ populus nunc ecclesiæ matrem suam confundit: quia  
suæ dimissus est voluntati, qui si virga, & correctione fui-  
set eruditus, accepisset ab ea (vt Salomon ait) sapientiam.  
Ex his omnibus apertissime colligimus, aut nullū quam-  
libet sceleratum hominem esse puniendum, aut hæreti-  
cum esse etiam puniendum: quia bonum est, hæretici si-  
cut cuiuslibet alterius peccatoris emendationem per pœ-  
nas procurare, & bonum est timorem alijs incutere, ne  
hæreseos venenum, quo populus infici possit, passim co-  
ram illo euomere audeant. Si is qui in rempublicam pec-  
cat, merito puniri potest, consequens est vt hæreticus etiam  
iustissime puniatur: quia hæreticus etiam in rempubli-  
cam peccat. Vnde piissimus Imperator Theodosius in l.  
Manichæos. C. de hæreticis, ait: Quod in religionem diui-  
nam committitur, in omnium fertur iniuriam. Præterea  
si Rex,



**A** si Rex, aut Episcopus, aut quæuis alia publica potestas valet punire peccantes in proximum & in rempublicam, consequens est & necessarium, vt multo magis punire valeat eos qui peccant in Deum & in ecclesiam. Quia multo grauius hi quàm illi peccant, & ob hoc multo etiam grauius puniri debent. Nam (vt in primo libro Regum ait Eli sacerdos) si peccauerit vir in virum, placari ei potest Deus: 1. Reg. 4 Si autem in Dominum peccauerit, quis orabit pro eo? Hæretici autem, quia contra ecclesiæ catholicæ doctrinam pertinaciter sentiunt, credunt ecclesiam ipsam errare. Qui autem ecclesiam credit errare necessarium est, quòd credat, aut Deum errare, à quo illa regitur & docetur, aut Deum ecclesiam suam sic deseruisse, vt illam nec regere, nec docere voluerit, contra id quod ipse ante sæpe promiserat. Quidquid autem horum de Deo hæretici sentiant, grauisime in illum, sic sentientes peccabunt: quia per hæc, aut Deum mendacem, aut ignorantem, aut in promissis minime fidelem faciunt. Cum igitur tam grauem iniuriam Deo inferant hæretici, oportet vt grauius illi sint puniendi, quàm si essent in hominem aliquem, aut in totam rempublicam iniuriòsi.

**B** Non enim ob aliam causam Principes Romani, ac reliqui omnes Principes Gentiles tam atroci persecutione infectati sunt apostolos, ac reliquos martyres: nisi quia idola sua neglexerunt, & illis publice detrahebant. Non persecuti sunt apostolos propter pacisurbationem, aut propter reipublicæ prodicionem, aut propter quæuis alia crimina. Quoniam apostoli fuerunt viri pacifici, nihil contra rempublicam tentantes, nemini nocentes omnibus benefici. Nihil bono statui reipublicæ contrarium, illis tanquam malefactoribus vnquam obiectum est: sed duntaxat, quia idolis thura adolere noluerunt, ipsaque vilipendebant. Ideo Principes, ac Reges tanquam suorum falsorum deorum zelatores, in eorum vindictam exarserunt. Putabant quidem & merito, peccata in Deum multo grauius esse punienda, quàm peccata in hominem. Ob quam causam non dubito illos, si verum Deum cognouissent, multo acerbius in hæreticorum punitionem fuisse exarsuros, quàm tunc in apostolos feuerunt. Rursum omnino persona, aut respublica habens potestatem coactionis, potest subditos suos obligare ad ea quæ ad pacis, &

tranquillitatis obseruationem sunt necessaria. Si quis autem illa prætermittens, pacem turbauerit, iuste potest illum iuxta criminis qualitatem punire. Nihil est autem quod magis ecclesiæ pacem, & vnitatem tollat, quàm hære is. Quia per illam quisque hæreticus se à fidei vnitatem separat. Et propter hanc causam hæretici omnes dicuntur schismatici, hoc est, diuisiones: quia fidei & ecclesiæ vnitatem diuidunt. Iuste igitur hæretici puniuntur tanquam pacis ecclesiasticæ turbatores. Deinde Paulus (vt ipse testatur) in promptu habebat vlcisci omnem Corinthiorum inobedientiam. Cur igitur Christianis Principibus non licebit vlcisci hæreticorum inobedientiam & rebellionem, qui improba quadam & pertinaci audacia contra ecclesiæ doctrinā insurgunt, & illius verissimis dictis obedire contemnunt? Insuper hæretici (vt Paulus ait) multum proficiunt ad impietatem: & sermo eorum, vt cancer serpit: quia quotidie magis, ac magis occupat & deuorat, & maculat mentes eorum, qui illos audiunt & cum illis versantur. Ne igitur licentiosa impunitate audaciores facti amplius grassentur, & magis quotidie noceant, bonum est duris illos pœnis reprimere, vt metu pœnarū exterriti, nocere desinant. Accedit ad hæc totius catholicæ ecclesiæ consensus, quæ à multis retroactis seculis hæreticos puniendos esse censuit, vt per pœnas illos sapientiores faceret, & tanquam lupos ab ouibus arceret. Paulus vas electionis quendam pseudopphetam cæcitate percussit, eo quod Sergium Paulum proconsulem auertere querebat à fide. Nam (vt apostolorū narrat historia) Paulus plenus spiritus sancto intuens in pseudopphetam dixit: O plene omni dolo, & omni fallacia, fili diaboli, inimice omnis iustitiæ non desinis subuertere vias Domini rectas, & nunc ecce, manus Domini super te, & eris cæcus, non videns solem vsque ad tempus. Et confestim cecidit in eum caligo & tenebræ, & circumiens querebat qui ei manum daret. Si tanta seueritate vsus est Paulus in pseudopphetam, eo quod proconsulem querebat auertere à fide, credendum est illum multo maiore seueritate fuisse vsurum contra Lutherum, & alios huius temporis hæreticos, qui non solū vnum proconsulem: sed multos proconsules, Duces, Marchiones, Episcopos, Archiepiscopos, multas ciuitates, multasque

prouini

2. Cor. 10

2. Tit. 2

Act. 13

- A** prouincias auerterūt à fide. Innocentius primus huius nominis Pontifex Cathaphrygas exilio damnauit. Gelasius Papa Manichæos in vrbe repertos exilio puniuit. Recharedus Hispaniarum Rex olim Arrianos omnes in Hispania existentes militia priuauit. Nec vllum liberi hominis munus illos obire permisit. Imperatores Theodosius, & Martianus varias contra hæreticos statuerunt pœnas quæ habentur in codice Iustiniano titul. de hæretic. Constat iam apertissime (vt opinor) maxime illos errare, qui pro hæreticorum impunitate contendunt: & ipsis hæreticis, quibus impunitatem optant, esse multo peiores: quia ansam illis præbent, vt omnes, quas velint hæreses libere prædicent, & doceant. Vnde beatus Gregorius exponens illud Iob, quod de diabolo sub nomine Behemoth loquitur dicens: Protegunt vmbra vmbra eius, sic ait: Vmbra quippe sunt diaboli, omnes iniqui qui dum imitationi iniquitatis eius inserviunt, quasi ab eius corpore imaginis speciem trahunt. Sicut autem vmbra eius sunt pluraliter reprobi, ita singulariter vmbra eius est, vsusque peccator. Sed dum doctrinæ iustorum mali contradicunt, dum ab eis iniquum quemlibet corrigi non permittunt, vmbra behemoth istius, vmbra eius protegunt: quia peccatores quique in quo sibi male sunt conscij, in eo & alium peccantem defendunt. Vmbra vmbra eius protegunt, dum nequissimorum facta, nequiores peruersis patrocinijs tuentur. Et paucis interpositis subdit: sic fit, vt summa criminum dum defenditur, augeatur: & vniuscuiusque nequitia eo sit ad perpetrandum facilis, quo difficilis ad puniendum. Scelera quippe peccantium tanto maiora incrementa percipiunt, quanto per defensionem potentium diu inulta tolerantur. Sed tales quique, seu extra, seu intra sanctam ecclesiam esse videantur, tanto se apertiores Dei hostes exhibent, quanto maiores sunt patroni vitiorum. Hactenus Gregori.

*Innocen.  
primus  
Gelas.  
Rechard.  
Theod.  
Martia.*

*Grego.  
Iob. 40*

*Respondetur obiectionibus eorum, qui pro hæreticorum impunitate contendunt. CAP. IIII.*

**V**llum est tam apertum mendacium, quod non possit ab eo, qui mentiri, & decipere optat quadam

veritatis imagine adumbrari. Sic etiam non desunt his, qui **C**  
 hereticos impunitos esse volunt, argumenta quædā quam-  
 uis falsa, quibus suum errorem aliquo veritatis colore aliis  
 suadere conantur. Vt igitur catholica veritas clarior, & fir-  
 mior maneat, opus est eorum obiectionibus occurrere, &  
 argumenta, quibus catholicam veritatem oppugnant pro-  
 fus euertere. Primo ergo obiiciunt, Deo non placere co-  
 acta seruitia: sed voluntarie esse illi sacrificandum, atque in-  
 de colligunt neminem ad fidem, aut aliquod aliud bonum  
 esse cogendum. Nemo enim (vt aiunt) ad id cogendus est,  
 ex quo nullam potest consequi utilitatem. Ex bono autem,  
 quod quis coactus facit, nullum meretur à Deo recipere  
 præmium. Nam apostolus cum Corinthios ad eleemosy-  
 nas hortaretur, ait: Vnusquisque det prout destinavit in  
 corde suo, non ex tristitia, aut ex necessitate, hilarem  
 enim datorem diligit Deus. Ex quo datur intelligi, quod  
 qui inuitus dat, & rem perdit, & meritum. Huic obiectioni  
 respondet beatus Augustinus sic inquit: Si voluntas  
 mala semper suæ permittenda est libertati, quare mone-  
 tur pater in scripturis sanctis filium dum non solum ver-  
 bis corripere: sed etiam latera eius tundere, vt ad bonam **D**  
 disciplinam coactus, ac domitus dirigatur? Vnde idem Sa-  
 lomō dicit: Tu percutis eum virga, animam autem eius  
 liberat à morte. Si autem mala voluntas suæ semper per-  
 mittenda est libertati, quare corripiuntur negligentes pa-  
 stores, & dicitur eis: Errantem non reuocastis, perditum  
 non inquistis? Et vos oues Christi estis, charactere do-  
 minicum portatis in sacramento, quod accepistis: sed er-  
 ratis, & peritis. Non ideo displiceamus: quia reuocamus  
 errantes, & querimus perditos. Melius enim facimus vo-  
 luntatem domini monentis, si vos ad ouile eius redire co-  
 gamus, quam consentiamus voluntati errantium, vt peri-  
 re vos permittamus. Hæc Augustinus. Et ponuntur hæc  
 verba in capit. displicet. xxij. q. iij. Sed quia in his verbis  
 Augustinus absolute, & sine vlla distinctione videtur, vt  
 omnis sine vllō discrimine possit ad quodlibet bonum co-  
 gi, ne quis ex verbis illius male intellectis decipiatur, ad-  
 monere decreui lectorem, vt intelligat non omnes iuste  
 posse cogi ad fidem: sed considerandam esse illius, qui  
 cogitur qualitatem. Si quis nunquam fidem Christi su-  
 scipit



**A** scepit in baptismo, sicut sunt Iudæi, aut Sarraceni, aut Pagani, is certe non est minis, & terroribus compellendus ad fidem: quia credere voluntatis est. Si quis vero fidem iam semel in baptismo suscepit, & postea eam deseruit, quemadmodum apostata, & reliqui hæretici faciunt, is merito compellendus est, ut fidem quam semel suscepit, teneat. Ratio autem huius discriminis est: quia iure naturæ quisque obligatur, ut quod semel promisit, reddat: & sic ex eodem iure oritur, ut potestas publica possit illum cogere ad promissa seruando. Licet enim cuique liberum sit aliquid promittere, vel non promittere: tamen postquam illud promisit, iam non est in eius potestate seruare promissum, vel non seruare. Nam per promissionem suam se subdidit potestati publicæ, ut possit ab ea ad seruandum promissum compelli. Idem prorsus dicendum est de voto, & redditione voti. Vouere siquidem libertatis est, reddere autem necessitatis. Ad primum quidem nemo cogitur, ad alterum vero iuste quisque compellitur. Iudæis, & Sarracenis, & cæteris infidelibus liberum est fidem vel le suscipere, vel non suscipere. Liberum dico non quidem ab beatitudinem consequendam: ita ut sine fide possint vitam consequi sempiternam sicut cum ea: sed liberum dico, quo ad publicam humanam potestatem: sed quia non sunt in hoc publicæ potestati subiecti, ut possint ad fidem catholicam suscipiendam compelli. Postquam autem iam fidem in baptismo susceperunt: quia tunc se illam in posterum seruaturos promiserunt, merito ad id, quod susceperunt tenendum, & quod promiserunt seruandum, compelli possunt. Hæc nostra sententia confirmatur auctoritate cōcilij Toletani quarti quod in capite suorum decretorum lvi. postquam definierat Iudæos & Sarracenos non esse ad fidem catholicam cogēdos ita ait. Qui autem iam pridem ad Christianitatem venire coacti sunt, sicut factum est temporibus religiosissimi Principis Sisebuti: quia iam constat eos sacramentis diuinis associatos, & baptismi gratiam suscepisse & chrismate unctos esse, & corporis & sanguinis domini extitisse participes: oportet, ut fidem, quam etiam vi, vel necessitate susceperunt, tenere cogantur, ne nomen domini blasphemetur, & fides quam susceperunt, vilis ac contemptibilis habeatur. Hæc conciliū Toletanum. Quæ

verba habentur in volumine decretorum in cap. de Iudæis. C  
 xlv. dist. Ex quibus verbis clarissime patet hereticos esse ad  
 fidem catholicam, quam deseruerunt, cogendos. Quod au-  
 tem obijciunt, neminem esse cogendum ad id, ad quod inu-  
 tili cogitur, fateor. Sed nūquid hæreticus inutiliter cogitur  
 ad fidem suscipiendam? Minime. Quia multiplex ex hac com-  
 pulsione succedit utilitas. Prima est ipsius heretici emenda-  
 tio: quæ ex punitione facile oriri potest quoniam sæpe ali-  
 quid timore incipitur, & tandem perfectio amore finitur, &  
 tunc ut beatus Ioannes in sua j. Canonica epistola ait) perfe-  
 cta charitas foras mittit timorem. Sed obijciūt multis ista  
 non prodesse: sed per tales poenas multos fideles Christianos  
 fieri, qui etiam publice se dicant fidem tenere, mente tamē negāt.  
 Huic obiectioni ego iuxta beatum Augustinum respondeo  
 quod non ideo contēnenda est medicina: quia aliquorū in-  
 sanabilis pestilētia per illam non sanatur. Non est enim vi-  
 rium medicine, sed morbi, cum ea, quæ aliis morbis medici-  
 na succurrit alicui eiusdem generis morbo non medetur. Dein  
 de etiā si aliquibus huiusmodi cōpulsio ad salutem non pro-  
 fit, non tamen ideo inutilis censenda est: quia tunc publica  
 consideranda utilitas, quæ multo maior est, quam priuata. D  
 Nam per talem punitionem cohibentur hæretici, ne suas  
 hæreses publice prædicent, & doceant: & sic sua pistifera  
 doctrina totam rem publicam inficiant. Magna siquidem  
 est totius reip. utilitas, si illa à pestiferis hæreticorū doctri-  
 nis immaculata custodiatur. Vnde colligimus melius esse,  
 hoc est, minus malum oculos hereticos tolerare, quàm pu-  
 blicos permittere: quia hi per effrenatā, licentiosāq; au-  
 daciam multo nocētiore hūt, quàm illi, qui timore poenæ  
 veluti frano quodam cohibiti, in publicum prodire non au-  
 dent. Secundo sic arguunt: Hæretici verbis, & rationibus  
 convincendi sunt, non sunt ergo poenis, & afflictionibus ad  
 fidem cogendi. Consequentiam dicunt esse notā, & assum-  
 ptum probant: quia beatus Petrus docet debere non om-  
 nes esse paratos reddere rationē omni poscenti de ea, quæ  
 in nobis est fide. Fateor quidem (& hoc ipsum iam supra  
 docui) bonum esse prius hæreticos verbis admonere, ratio-  
 nibus illos iuxta cuiusque hæretici conditionem applican-  
 dis, de sua hæresi convincere: sed quia multi sunt adeo per-  
 tinaces, & indurati, ut citius frangantur, quàm emenden-  
 tur

1. Ioan. 4

1. Pet. 3

**A** tur, opus est circa illos id agere, quod beatus Isidorus ait: *Isidor.*  
 Qui blando verbo (inquit ille) castigatur, & non corrigi-  
 tur, necesse est, ut acrius arguatur. Cum dolore ascindenda  
 sunt, quæ leniter sanari non possunt. Hæc ille. Pastor, qui  
 videt lupum inuadentem gregem ouium, vocibus primo  
 contra illum clamat, ut vel sic illum à grege arceat: & si  
 vocibus illum minime deterri cōspicit baculo, & funda,  
 & gladio, & sagitta si opus est, illū aggreditur, ut à grege  
 propellat, & sic oues illas custodiat. Pastores sunt eccle-  
 siæ Prælati, qui vigilant per subditos, tanquam super oues  
 sibi committas, pro quibus sunt Deo reddituri rationem.  
 Lupi autem, qui his ouibus maxime nocent, hæretici sunt,  
 de quibus saluator noster apud Matthæum ait: Attendite *Mat. 7*  
 à falsis prophetis, qui veniunt ad vos in vestimentis ouium  
 intrinsecus autem sunt lupi rapaces. Et Paulus in Actibus *Act. 20*  
 apostolorum, hæreticos appellauit lupos sic inquit: Scio  
 quoniam intrabunt post discessionem meam lupi rapaces  
 in vos, non parcentes gregi. Ne igitur hæretici aliis no-  
 ceant, oportet illos tanquam lupos rapaces flagellis,  
 & fustibus percutere, si admonitione blanda non com-  
 pescuntur. Coguntur medici multas, & varias perquirere  
 medicinas cum vident vsitata, & communia remedia non  
 proficere, & quo magis incrudescunt morbi, eo efficaciora  
 sunt quærēda antidota, quæ illos ab humano corpore citius  
 & melius propellere valeant. Bonum certe & optimum sa-  
 lutis mendicamen circa hæreticos ad fidem reducendos est  
 lenitas, & mansuetudo, per verba monitoria, & sermo-  
 num blanditias. Cum vero hoc pharmacum obinduratum  
 hæreticorum malitiam nihil illis prodesse cognoscitur,  
 debent hi, quibus talium morborum est cura commissa,  
 asperioribus in illos, & acerbioribus uti medicamentis.  
 Nam dominus, & redemptor noster Iesus Christus totius *Ican. 2*  
 lenitatis & mansuetudinis exemplar, factus ex funiculis fla-  
 gellos numularios omnes è templo eiecit, oues quoque, &  
 boues eorum, æs illorum effudit, & mēsas subuerit. Si hoc  
 numulariis fecit, multo acerbiorē se hæreticis præstitisset:  
 quoniā multo grauius hæreticorū, quā numulariorū est pec-  
 catū, & multo plus hæretici, quā numularij ecclesiæ nocere  
 possunt. Tertio sic arguūt hi, qui pro hæreticorum impu-  
 nitate cōtendunt. Perfecta viuendi forma, quam christiani  
 omnes

omnes tenere debent, in sacro euangelio, & in Pauli, & cæ-  
 terorum apostolorū epistolis plenissime continetur. Euan-  
 gelium autem apostolorum epistolæ non docent christia-  
 nos debere Principum fauorem contra hæreticos implora-  
 re, neque Principes debere molestiam aliquā hæreticis in-  
 ferre: ergo Principes, qui hæreticos puniunt, & qui ad hanc  
 punitionem Principum fauorem implorāt, contra Christi,  
 & apostolorum doctrinam faciunt. Huic obiectioni du-  
 pliciter respondeo. Primo quidem nego nullam esse in sa-  
 cro euāgelio, & in Apostolorum epistolis, de hæreticorum  
 punitione doctrinam. Nam Christus saluator noster de fra-  
 tre peccatore reprehenso, & non emendato loquens, apud  
 Mat. 18  
 Mat. ait: Si ecclesiam nō audierit, sit tibi ūcut Ethnicus, &  
 Publicanus. Et paulo ante in eo cap. dixit: Væ homini illi,  
 per quem scandalum venit: expedit enim ei, vt suspendatur  
 mola alinaria ad collum eius, & demergatur in profundū  
 maris. At nulli sunt, per quos grauius nascatur scandalum,  
 quā per hæreticos: expediens igitur est, vt suspendatur  
 mola alinaria ad collū eius, & demergatur in profundum  
 Titum 3  
 maris. Et Paulus Apostolus præcepit hereticum hominem  
 semel, & iterum admonitum fore ab hominum consortio  
 deuitandum. Et Galatis scribens satis aperte insinuat hæ-  
 Gal. 5  
 reticos ab hominum cōmunionē propellendos, sic inquit:  
 Utinam absceindantur qui vos conturbant. Nulli autē sunt  
 qui grauiores, & magis noxias turbationes inter fideles  
 excitent, quā hæretici: qui nouas quotidie fingūt doctri-  
 nas, quibus Dei populum ab vnitatē fidei separare contē-  
 dunt. Deinde & si in sacro euangelio, aut Apostolorum ca-  
 tholicis epistolis nulla de hæreticorum punitione reperī-  
 retur aperta doctrina, nō tamen ideo consequens est illorū  
 punitionē non esse iustam. Quoniā tunc consulto, & ex in-  
 dustria, hæreticorum punitio tacita fuit ne fides sacri euan-  
 gelij humanæ tribueretur potentiæ. Nam cum ea, quæ fide  
 creduntur, omnem humanum superent intellectū, oportebat  
 fidem euangelij diuinæ ascribere virtuti, & non huma-  
 nę sapientiæ, aut potentiæ. Propter hoc Christus saluator  
 noster primos discipulos suos, per quos fides euangelij præ-  
 dicanda erat, non sumpsit philosophos, aut alios viros do-  
 ctos: sed simplices, & idiotas, & prorsus illiteratos. Ita  
 etiam ne eadem fides humanæ imputaretur potētiæ oportuit



**A**ruit fidem hanc non per Imperatores, aut Reges, aut duces, aut quoslibet alios mundi potentes: sed per homines pauperes, & infirmos, & impotentes per totum orbem predicari. Postquam autem iam semel per totum orbem fides euangelij fuerat prædicata, & Principes terræ viuificæ crucis vexillum portantes sub Christi nomine militare cœperunt, & diademata Regum obedientiæ fidei se subdiderunt, iam tunc oportuit, ipsam fidem contra hæreticos, acerbissimos eiusdem fidei hostes, regum & Principum armis foueri, & eorum autoritate, & maiestate cōsolidari. Quemadmodum enim olim David licet Rexerat, & ex mandato Dei per Samuelem prophetam vñctus, patiēter expectauit, & mansuete cum Saule egit, donec Deus Saulē de medio sustulit, quo è vita sublato regalia omnia exercuit, sic etiam ecclesia non est à principio potestate gladij materialis in suos subditos vsa: sed cum omni mansuetudine expectauit, donec Deus iugo suo colla Regum terræ subderet. Quarto argumentantur contra nos ab exemplo apostolorum, & aliorum ecclesiæ procerū, qui in principio nascentis ecclesiæ, fidem catholicam verbo, & exemplo perfectissime docuerunt. Illi enim (quamuis multi tunc erant hæretici, videlicet Simon Magus, Menander, Saturninus, Cerdon, Ebion, Cerinthus, Martion, Valentinus, alijque plures, quos enumerare non est opus) nunquam tamen leguntur Principum terræ fauorem, aut auxilium contra hæreticos implorasse, neque ab illis petiisse, vt hæreticos pœna aliqua punirēt, qua illos ad catholicam fidem redire compellerent. Non licet igitur christianis nunc fauore Principum hæreticos persequi, alioquin discedent longissime ab Apostolorum imitatione, quod maxime reprobandum est. Hanc obiectionem (vt testatur Aug. super Ioannem) opposuerunt Donatistæ hæretici contra catholicos, qui Principum fauore iam tunc hæreticos persequabantur. Sed hanc obiectionem facile refellit beatus August. dicens, quòd in principio nascentis ecclesiæ ideo Apostoli, & eorum successores non petierunt Principum fauorem contra hæreticos: quia nullus tunc Imperator, aut Rex obediat Euangelio, nullus tunc fidem Christi redemptoris nostri susceperat. Sub illis quidem temporibus Principes Romani fuere Nero, Domitianus, Traianus, Decius, & alij similes crudeles tyranni,

- ni, qui omnes fidem catholicam acerbissime sunt persecu- C  
ti. Nondum tunc impletum fuerat, quod Spiritus sanctus  
per os David prædixerat. Et nunc reges intelligite, erudi-  
mini, qui iudicatis terrâ. Seruite domino in timore, & exul-  
tate ei cum tremore. Et iterum: Et adorabunt eum omnes  
reges terræ: omnes gentes seruiant ei. Quomodo Apostoli,  
& qui illos proxime sunt secuti, fauorē, & auxilium tūc pe-  
terent ab illis, quos sciebant esse fidei christianæ apertissi-  
mos hostes? Non enim tam stupidi, & dementes erāt Apo-  
stoli: vt ab his, quos optime nouerāt, fidem catholicam ar-  
dentissime persequi, fauorem pro eiusdem fidei tutela con-  
tra hæreticos peterēt. Quod ergo Apostoli, & illorū proxi-  
me vicini, non petierunt fauorem Principum contra hære-  
ticos, non fuit quia hæretici non fuissent punitione digni:  
sed quia gladius Gentilium Principum, & Imperatorum  
nondum seruiebat Euangelio. Postquam autem Imperato-  
res sacro baptismo sunt abluti, & Christo nomina dede-  
runt, & de eius nomine gloriari cœperunt: iam tūc Chri-  
stiani fauorem Principum contra hæreticos petere non du-  
bitarunt. Nam à magno Constantino viri catholici in con-  
cilio Nicæno petierunt auxilium, quo possent hæreticos D  
extirpare, quorum petitioni piissimus Imperator libentis-  
sime annuit, & sic Arrium cum suis asseclis damnauit exi-  
lio: quia fidem Nicæni concilij nolebat recipere. Theodo-  
sius Imperator puniuit hæreticos Manichæos priuatione  
omnium bonorum suorum: priuauitque illos omni hære-  
ditaria successione. Horum exempla sequuti alij Imperato-  
res, & Reges Christiani, varias successu temporum contra  
hæreticos leges ediderunt: vt per legum seueritatem, infa-  
mam hæreticorum audaciam compescerent. Hac etiam de  
causa (vt Augustinus ait) cum multi ex septuaginta discipu-  
lis à Domino, & saluatore nostro discessissent, & arbitrio  
sua malæ, & impiæ discessionis ille eos permisisset, cæteris  
duodecim, qui permanferant dixit: Nunquid & vos vultis  
abire? Hoc quidem tūc saluator noster fecit: quia quamuis  
Ioan. 6 magnam haberet tunc etiam potestatem, qua vti potuisset  
illos puniendo, & compescendo, prius tamen elegit com-  
mendare humilitatem. Tunc enim spretus erat Christus;  
& nondum adorabāt illum Reges terræ, neque gentes ser-  
uiebant ei, quemadmodum de illo propheta Regius præ-  
dixerat.

**A** dixerat. Quæ prophetia quanto magis impletur, tanto ecclesia Christi sponsa maiore vitur potestate, vt non solum inuitet: sed etiam compellat ad bonum. Nam homo ille, qui cœnam magnam fecerat, cum illi, qui ad eam inuitati fuerant, venire recusassent, ait seruo. Exi cito in plateas, & vicos ciuitatis, & pauperes, ac debiles, & cæcos, & claudos introduc huc. Et ait seruus: Domine factum est, vt impera. Ibi: & adhuc locus est. Et ait Dominus seruo: Exi in vias & sepes: & compelle intrare, vt impleatur domus mea. De his qui primo venerant, dictum est: Introduc eos. De posterioribus vero dictum est compelle eos intrare. Quod prius dictum est: ad illa tempora referri debet: in quibus fidem catholicam Reges, & Principes terræ nondum susceperant. Tunc enim quilibet arbitrio suæ voluntatis dimittebatur. Quod posterioribus dictum est, posteriora respicit tempora, quando gladius Regum, & Imperatorum seruire cœpit Euangelio. Et in his temporibus, non solum inuitari debent hæretici: sed compelli, vt fidem catholicā, quam semel in baptismo susceperunt, corde credant ad iustitiam, & ore confiteantur ad salutem.

Luc. 14

**B** *De hæreticorum pœnis, & primo de corporalibus, deinde de spiritualibus sigillatim tractatur, & nunc primo de bonorum temporalium confiscatione.*

CAP. V.

**O** stendimus iam manifestissimis (vt opinor) argumentis iustam, & necessariā esse hæreticorum punitionem, superest vt pœnas, quas iura hæreticis decernunt, sigillatim pertractemus, & merito illas esse decretas conuincamus, vt vel sic obmutescere faciamus impudentem quorundam hominum audaciam, qui Pontifices, & Reges de nimia aduersus hæreticos seueritate notant. Multæ, & variæ sunt pœnæ, quibus ecclesiasticæ sanctiones, Imperatorumque leges hæreticos plecti iubent. Quædam enim sunt spirituales pœnæ, quæ animam solam respiciunt. Aliæ sunt corporales, quæ corpus affligunt. De singulis suo ordine dicemus, & primo de corporalibus, postea vero de spiritualibus pœnis differemus. Inter corporales pœnas, vna & quæ non parum hæreticos vexat, est bonorum omnium proscriptio,

scriptio, & confiscatio, Nam qui hæreticus est, ipso iure o-  
mnium bonorum suorum dominio priuatur, & in eius lo-  
cum fiscus subrogatur, si hæreticus est secularis, & in terris  
dominorum seculariū. Si vero hæreticus est secularis in ter-  
ris ecclesiæ, aut est clericus, bona eius applicatur fisco eccle-  
siæ: nisi clericorum bona essent ecclesiæ, vel ipsi haberēt sti-  
pendiū ab ecclesia, quia applicabuntur ecclesiæ, cuius erāt,  
vel à qua stipendium acceperant. cap. excommunicamus,  
§. damnati. extra de hæreticis. Iusta quidem pœna, & me-  
rito contra tam graue scelus statuta, vt huius tam acerbæ  
pœnæ metu, hæretici suas hæreses aliis palam facere refor-  
mident. Diuitiarum siquidem cupido, & amor multorum  
animos adeo vehementer percellit, vt pro illarum tutela  
nullum prætermittant laborem, nihilque intentatum re-  
linquant, etiam si pro illarum conseruatione oporteat pe-  
riculo se exponere mortis. Quantus autem est diuitiarum  
amor, tanta inde succedit lætitia, & voluptas cum possi-  
dentur, & tantus dolor cum amittuntur, postquam fuerant  
semel possessæ. Aequa enim lance pensantur odium & a-  
mor: gaudium & dolor: lætitia & tristitia. Quantum quis-  
que rem aliquam amat, gaudet, & lætatur de illius præsen-  
tia, tantum habet exorsam eiusdem rei priuationem, doler,  
& tristatur ex ea. Et hinc euenit, vt quotquot diuitias ar-  
denter amant, suspiciosi reddantur & timidi. In omni liqui-  
dem negotio formidolosior est diues, quàm pauper, cautius  
munit ædes furū metu. Metuit tēpestates propter frumēta,  
quæ habet in agris, & propter merces, quas habet in mari.  
Metuit amicos, ne fortasse illis rogantibus aliquid donare  
cogatur. Metuit inimicos, ne vi aut fraude aliqua illata, ali-  
qua ex parte noceant. Timidius, & parcius conuiciatur me-  
tu multæ. Omnia deniq; circumspēctius facit, & dicit me-  
tu calumniæ, quæ potissimum diuitibus strui solet: quo-  
niam habent, quod illis auferri possit. Ob hanc causam sa-  
pientes legum latores cum leges aliquas condiderunt,  
quas summe obseruatas esse cupiebant, aliquam pecuniæ  
multam earundem legum transgressoribus statuerunt,  
vt metu multæ pecuniæ homines ab illarum legū trans-  
gressione deterrerent. Solon, qui nunc inter septem Græ-  
cæ sapientes numeratus est aliquibus earum legum, quas  
Atheniensibus dedit, quo melius obseruarentur, certam  
aliquam



- A** aliquam pecuniæ multam adiecit. Nam (vt Plutarchus in vita Solonis refert) si quis sacris in locis, vel in iudicio, vel apud magistratus, aut cum certaminum spectaculum instaret, in viuum aliquem esset maledictis inuectus, eum quinque drachmis multari, quarum tres, ille, qui fuisset iniuria affectus, duas alias ærario publico soluere iussit. Si quis etiam rapte liberæ mulieri vim intulisset, eum decem drachmis multari præcepit. In Romano autem imperio multæ, & variæ sunt leges, quæ aliquorum scelerum patratibus aliquam certam pecuniæ pœnam decernunt. Multæ etiam sunt aliæ, quæ propter grauiora alia scelera, eos, qui illa perpetrarunt, omnium bonorum dominio, & possessione priuant. Si quis enim crimine læsæ maiestatis fuerit infectus, eum lex iubet eo ipso omnium bonorum suorum possessione esse priuatum. l. quisquis. C. ad legem Iuliam maiestatis. Quæ pœna adeo vim suam, & potestatem extendit, vt etiam valeat post mortem. Quoniam, & si reus non fuerit de hoc crimine accusatus in via, potest post mortem accusari, & si fuerit tunc conuictus, tunc bona eius repetentur ab his qui possident. Sic enim sancitum est in l. pen. & ylt. eod. tit. Falsarii monetæ eo ipso omnium bonorum suorum possessionem amittunt. l. pen. C. de falsa moneta. Bona contrahentis incestas nuptias, hisco sunt iure ipso applicata, vt patet in authent. incestas. C. de incestis, & inutilibus nuptiis. Raptor ingenuæ mulieris, siue illa virgo tunc fuerit, siue desponsata siue vidua, & qui illum comittatus est in inuasionem, & rapinam, omnium bonorum suorum dominio priuatur, & bona eius ipsi rapte applicantur. l. vnica. §. & siquidem. C. de raptu virginum. Omitto alia municipalia iura, quæ cum multa & varia sint, vix tamen vllum ex illis tam multis reperietur, quod ad crimina aliqua coercenda certam aliquam pecuniæ multam non statuerit, his qui talia crimina commisissent. Si in his omnibus, atque aliis id genus legibus, quæ communi totius populi consensu probatæ sunt alicuius, certæ pecuniæ multa, aut omnium bonorum priuatio, ad crimina talia coercenda iuste decreta esse dicitur, multo iustius est, vt hæretici, quorum multo grauius est, quàm aliorum peccatum, omnium bonorum suorum proscriptioe cohibeantur. Nam (vt optime dicitur in l. Gazaros. C. de hæreticis, & Manichæis) longe gra-

uius est æternam, quàm temporalem offendere Maieſtatem. Ex quo apertiſſime colligitur, vt multo etiam iuſtius ſit hæreticos : quoniam diuinam offendunt Maieſtatem, omnium bonorum proſcriptione punire, quàm eos, qui humanam Maieſtatem quouis alio crimine lædunt. Ad idem, ſi falſarij monetæ iuſte omnium bonorum ſuorum dominio priuantur, multo iuſtius eſt, vt conſimili pœna feriantur hæretici, qui multo peiores falſarij ſunt, quàm illi. Quia hæretici falſa, & erronea dogmata pro veris diſſeminant, & ſacram ſcripturam ad falſum, & longe à Dei ſpiritu alienum detorquent ſenſum. Nõne multo pretioſior eſt ſcriptura ſacra, quàm quæuis, & quantalibet mundi pecunia? Multo ergo malignior eſt, qui ſcripturam ſacram falſificare contendit, falſum illi adhibens ſenſum, quàm qui falſam cudid pecuniam. Quo fit, vt multo etiam grauius ſit puniendus. Præterea iuſtum eſt, vt pœna reſpondeat culpæ, & in eo quiſque puniatur, in quo peccauit, aut in eo vnde peccati ſumpſit occaſionem. Hac enim ratione Salomon in libro Sapientiæ probat iuſtas fuiſſe plagas, quibus Deus Aegyptios idololatrias afflixit, ſic inquit : Quod quidam errantes colebant mutos ſerpentes, & beſtias ſuperuacuas, immiſiſti illis multitudinem mutorum animalium in vindictam, vt ſcirent : quia per quæ quis peccat, per hæc & torquetur. Non enim impoſſibilis erat omnipotens manus tua, quæ creauit orbem terrarum ex materia inuiſa, immittere illis multitudinem vrforum, aut audaces leones, aut noui generis ira plenas, & ignotas beſtias, aut vaporem ignium ſpirantes, aut fumum odorem proferentes, aut horrendas ab oculis ſcintillas emittentes, quarum non ſolum læſura poterat illos exterminare : ſed & aſpectus præ timore occidere. Nam & ſine his vno ſpiritu poterant occidi, perſecutionem paſſi ab ipſis factis ſuis, & diſpergi per ſpiritum virtutis tuæ : ſed omnia in meſura, & numero, & pondere diſpoſuiſti. Hætenuſ Salomon in ſapientia. In quibus verbis id aduertendum eſt, quod ait : Deum per Muſcas, & cynipheſ, & locuſtas Aegyptios puniuiſſe, non quod aliæ illi deſuerint pœnæ, quibus illos affligere potuiſſet : ſed quia nulla erat culpæ conuenientior, vt in ipſis animalibus punirentur, quæ illi maximo venerabantur honore, Ex hoc eodem argu-  
menta

**A**menta colligimus, vt licet sint alia multa pœnæ, quibus hæretici possunt puniri, omnium tamen bonorum suorum proscriptione iuste plectantur, vt in eo puniantur, quod illis præbuit suæ hæresis occasionem. Nam inter multas hæresum causas, vna, & non parua est (vt lib. iij. c. j. ostendimus) avaritia, quæ portam latissimam ad hæreses introducendas aperit. Vnde Paulus in prima ad Timotheum epistola ait: Qui volunt diuites fieri, incidunt in tentationem, & in laqueum diaboli, & desideria multa, & nociua, quæ mergunt homines in interitum, & perditionē. Radix enim omnium malorum cupiditas, quam quidam appetentes errauerunt, à fide, & inseruerunt se doloribus multis. Et in epistola ad Colossenses, avaritiam dicit esse idolorum seruitutem. Hoc etiam docuit saluator noster apud Marthæum in parabola illa nuptiarum, quas Rex quidam filio suo fecit, & misit seruum suum vocare inuitatos ad illas, & noluerunt venire. Ex illis autem, qui venire neglexerunt, fuit vnus, qui abiit in negociationem suam. Nam quia diuitias amabat, pro illis acquirendis negociationi operam dabat, & ideo hanc gaudio nuptiarum prætulit. Nuptiæ, quas Rex filio suo facit iuxta omnium sacrorum doctorum interpretationem, figuram gerunt incarnationis filij Dei. Ad has nuptias per seruum suum Deus inuitat, quando per prædicatorem suum vocat ad fidem incarnationis. Sed ad hanc venire negligit, qui diuitias amat, & negociationi intēdit. Nam qui diuitias effrænate amat, filium Dei pro nobis pauperem effectum despiciet, & illius Euangelio quod paupertatem extollit, & nobis illam valde cōmendat, nullam præstabit fidem. Hanc enim esse arbitror vnam ex potissimis causis, propter quam multi ex Iudæis fidem catholicam suscipere recusant: quia diuitias vehementer amant, & pro illis acquirendis vsuras exercent, quas, si ad fidem Euangelij conuertantur, sciunt nō esse illis permittendas. Deinde qui diuitias ardenter amat, etsi fidem semel iam in baptismo suscepit, quæ illum ad credendum Euangelio cogat, quidquid tamen pro paupertatis commendatione, & pro diuitiarum contemptu in Euangelio legit, ad alium detorquet sensum: quia voluntas nimio diuitiarum amore infecta, totum intellectum ad illarum fauorem conuertit, & trahit. Et sic intellectus obæcatus pro illis sentit, pro

1. Tim. 6

Colossen. 3

Mat. 22

illis loquitur, pro illis prædicat, & docet. Vnde beatus Hieronymus exponens Psalmum 143. in illo versu: Boves eorum crassi, sic ait Vidit & Pharaon in somnio boves crassos, Israelitici populi tennes sunt, Aegyptij crassi. Videtis enim magistros hæreticorum nihil aliud facere: nisi studere diuitiis. Diuitiis student & pauperem Christum contemnunt. Hæc Hieronymus. Sed præter hæc scripturarum testimonia, extant etiam non pauca exempla, quæ apertissime comprobant sæpe hæretes ex auaritia oriri. Nam (vt ex multis aliqua pauca proferamus) Ieroboam ille qui super decem tribus erectus est in Regem Israel, timens, ne si populus Israel occasione adorandi verum Deum ascenderet Hierusalem, & sic conuerteretur cor populi ad Dominum suum Roboam Regem Iuda, & sic ipse Ieroboam regnum quid iam tenebat amitteret, excogitato consilio fecit duos vitulos aureos, & dixit populo Israel: Nolite ultra ascendere in Hierusalem. Ecce dii tui Israel, qui te eduxerunt de terra Aegypti, posuitque vnum in Bethel, & alterum in Dan. Ex quo factò discimus, auaritiā ipsius Ieroboam, ipsum & eorum illius regnum, non solum in hæresim: sed in apostasiam, & idololatriam proiexisse. Et hūc Ieroboam omnium hæreticorum typum tenere, testatur Angelomus in commentariis super libros Regum, exponens hoc, quod nunc diximus ipsius Ieroboam scelus. Idem etiam docet beatus Hieronymus super septimum Amos prophetæ caput. Manifesta est etiam, atque à Christo acerbè damnata hæresis illa phariseorum docentium populum, melius & Deo gratius esse hostias in templo offerre, quàm illas parentibus egen-  
C

*Hierony.*

*3. Reg. 12*

*Matt. 15*

*Isidor.*

*Osier.*

tibz distribuere. Hæc autem phariseorum hæresis ex apertissima illorum procedebat auaritia. Ex hac etiam pestifera radice ortus est Græcorum error, qui (vt Guido Carmelita de illis refert) docent vsuras esse licitas. Denique (vt multa alia exempla præteream) vnum solum, & alterum proferam, quæ satis erunt ad ostendendum quàm potens sit effrænata auaritia ad fidem subuertendam, & hæresim inducendam. Isidorus in lib. illustrium virorum, quem post Hieronymum, & Gennadium fecit, de Osiō Cordubensi Episcopo disserens, hæc, quæ sequuntur verba refert, Osiō Cordubensis ecclesiæ Episcopus scripsit ad sororem de laude virginittatis epistolam pulchro, ac disertò  
D  
 comp



**A** compositam eloquio. In Sardicen. etiam concilio quamplurimas edidit sententias: Hic autem post longum senium vetustatis accersitus à Constantio Principe minisque perterritus, metuens ne senex, & diues damnetur, vel exilium pateretur, illico Arrianæ impietati consensit, cuius quidem vitam, ut meruit confestim exitus crudelissimus finivit. Nam post impiam, ut ait quidam, Olij præuarcationem, dum sanctus Gregorius Eliberitanus Episcopus in Cordubensem urbem iuxta Imperiale decretum fuisset adductus, ac minime vellet illi communicare, commotus Olius dicit Clementino Constantij præfecto Vicario, ut mitteret eum in exilium. At ille non audeo (inquit) Episcopum in exilium mittere: nisi tu prius eum ab episcopatu deieceris. Ut autem vidit sanctus Gregorius, quod Olius vellet dare sententiam, appellat Christum totis fidelis vi sceribus exclamans: Christe Deus, qui venturus es iudicare viuos & mortuos, ne patiaris hodie humanam proferre sententiam aduersus me minimum seruum tuum, qui pro fide nominis tui, ut reus existens, spectaculum factus sum: sed tu ipse quæso in causa tua iudica, ipse sententiam proferre dignare per vltionem. Non ego quasi metuens, de exilio fugere cupio, cum mihi pro tuo nomine nullum supplicium graue sit: sed ut multi à præuarcationis errore liberentur, cum præsentem viderint vltionem. His dictis, ecce repente Olius resiliens fastu quasi regalis Imperij, cum sententiam conaretur exprimere, os vertit, distorquens pariter & ceruicem, ac de sessu in terram eliditur, atque illico spirauit. Tunc admirantibus cunctis etiam Clementinus ille Gentilis expauit, & licet esset iudex, tamen timens ne in se simile supplicium iudicaretur, prostravit se ad pedes sancti viri, obsecrans, ut sibi parceret, qui in eum diuinæ legis ignoratione peccasset, & non tam proprio arbitrio, quam mandatus Imperio. Inde est, quod solus Gregorius ex numero vindicantium integram fidem habens: nec in fugam versus est, neque passus est exiliū. Vnusquisque enim timuit de illo vltius iudicare. Hactenus Isidorus: Cuius verba, nec vno mutato, tam prolixè citauit: quia historiā continet scitu dignissimā, & exemplū memoratu dignū, ut aperte videant omnes verū esse, quod de auaritia dixit Paulus, quod illam quidam appetentes errauerunt à fide. Ecce Olium virū olim illustrem,

*Gregor.  
Eliberita*

& in fide catholica clarum, qui in conciliis Nicæno, & Sardicen. optime pro fide declarauerat, tandem ne diuitiis, quas iuuenis acquisierat, senex careret, in hæresim Arrianam, quam olim aperte damnauerat, lapsus est. Alterum exemplum, quod non sine graui cordis dolore referri potest, nobis hisce temporibus præbuit magna Germaniæ pars, quæ inuidens ecclesiasticis viris, quod multas possiderent diuitias, cupiensq; illas sibi vendicare, vt aliquo titulo, quamuis non vero, nec iusto id facere posset, hæresim quandam olim à Vadianis inuentam: sed ab ecclesia reiectam, & iamdiu sepultam, ab inferis suscitauit dicentem, ecclesiasticos viros non posse vllas diuitias possidere, nec agros, nec possessiones vllas: sed Christi, & apostolorum eius paupertatem debere in omnibus imitari. Surrexit quidem olim hæc hæresis Vadianis illam in Aegypto docentibus, sub Damaso Papa, & Theodosio seniore: sed cito periit. Illam longo post tempore suscitauit Valdenses, siue pauperes de Lugduno. Eundem errorem eodem ferè tempore docuit Marsilius Paduanus hoc solo nomine notus, quod ecclesiasticos viros acerrime oderit. Sed hunc cum errore suo aperte damnauit Ioannes huius nominis Pontifex vigesimus secundus. Deinde paucis aliquot elapsis annis Ioannes Vuiclef, qui in verba Valdensium iturasse videtur, hunc reuocauit errorem dicens, esse contra sacram scripturam, quod viri ecclesiastici habeant possessiones: sed hic error cum aliis multis eiusdem Ioannis Vuiclef in concilio Constantiensi sessione octaua damnatus est. Hanc tamen toties damnatam, & iamdiu sepultam hæresim ab inferis suscitauit Lutherus, qui ad hoc solum natus esse videtur, vt omnium ferè veterum hæreticorum venenata dogmata reuocaret. Cum enim ille errores aliquos effundere cœpit, non statim illi tota adhæsit Germania: sed maior pars illi contradicebat, & illius execrabatur errores. Vt autem fauorem populi, quem maxime optabat, sibi conciliaret versutus homo, & serpentino afflatus spiritu, modum quo id facile assequi posset, excogitauit. Ecclesiasticis viris quos optime nouerat reliquo populo esse vehementer inuisos, detrahendo cœpit, dixitque nullo pacto illis licere prædia, aut agros possidere, nec vllas prorsus habere diuitias. Quia (vt ait) neq; Apostoli, quibus primo res ec-

clesiæ

**A** cleſiæ ſucceſſere, nec alij Chriſti ſaluatoris noſtri diſcipuli, quorum locum alij inferiores parochi tenent; vlla prædia, aut agros vllos poſſederunt, & ſi quid horum illis dabatur; vendebant & pretium ex illis acceptum aliis egentibus diuidebant. Propter hanc cauſam (quam in magno illo opere, quod aduerſus omnes hæreſes edidimus, nullius eſſe momenti oſtendimus) Lutherus docuit eccleſiaſticos viros eſſe omnium agrorum, & prædiorum, quæ poſſidebant, iniuſtos poſſeſſores. Hac igitur ratione, & cauſa populus alioqui auaritiæ deditus facile perſuaſus eſt, vt eccleſiaſticorum diuitias quas anxie cupiebat, per vim, & violentiam ab illis tanquam ab iniuſtis poſſeſſoribus raperet. Factum itaque eſt, vt Luthero docente, & populi auaritia ſuggerente, omnia prædia in multis Germaniæ populis ab eccleſia tollerentur. Multa cœnobيا, monachis inde eiectis, ſunt in direptionem data, & illorum agri, hortus; vineæ, domus, & ſi quæ ſunt alia prædia, aut ſunt inter ſe diuiſa, aut comuni reipublicæ vtilitati arrogata. Hoc exemplum poſt aliquot annos Angli ſequuti, Rege aut permittente, aut (quod verius puto) præcipiente, vt ſux ſatisſacerent voraciſſimæ cupiditati, omnia monaſteria, quæ in regno illo diutiſſima erant, deſtruxerunt, & illorum annuos redditus inter ſe diuiſerunt. Et certe timeo, vt illa auri ſacra fames, quæ tantorum fuit cauſa malorum etiam ſit cauſa, vt ab eo, quod ſemel male cœperunt, nunquàm deſiſtant. Timeo quidem, & merito, vt neque Anglia, neque ea Germaniæ pars, quæ Martino Luthero docente ab eccleſiæ vnitatem eſt ſeparata, auaritia illorum ſuggerente, nunquàm ad eccleſiæ vnitatem redire velit. Quoniam optime omnes illi intelligunt, nunquàm ſe ab eccleſia recipiendos: niſi prius prædia, quæ iniuſte ab eccleſia rapuerunt, reſtituant. Timeo igitur (quod Deus pietiſſimus auertere velit) vt maline dulciſſima illa totius eccleſiæ concordia carere, quem diuitiis iam retentis priuari. Probauimus iam multis ſacræ ſcripturæ, & ſanctorum doctorum testimoniis, apertiſſimisq; exemplis, vnā ex potiſſimis hæreſum cauſis eſſe, fuiſſeq; ſemper improbam auaritiā. Iuſte igitur hæreticis hæc pœna decreta eſt, vt omnibus ſuis bonis ſint ipſo iure priuati. Nam huius pœnæ timore, qui anxie diuitias amat, etiam ſi hæreticus ſit, hæreſim tamen ſuam aliis propalare

formidabit. Et si hæresim, quam mente concepit, aliis p-  
 lām facere non fuerit veritus, fiet iuxta sapientis sententiā) C  
 in eo puniatur, in quo peccauit. Sed hic mihi aliquis forte  
 obijciat multas esse hæreses, quæ nullam prorsus ab auari-  
 tia sumpsere originem, imò multæ cum auaritia velut ex  
 diametro pugnant. Talis fuit apostolicorum hæresis dicen-  
 tium neminem, qui proprium aliquid retineret, posse ad  
 vitam æternam peruenire. Tales igitur hæreses non sunt  
 tali pœna puniendæ, ne in eo, in quo non peccauerunt, pu-  
 niantur. Fateor quidem aliquas tales hæreses esse quæ nul-  
 lam penitus cum auaricia habeant conuenientiam, lex ta-  
 men non respicit casus particulares: sed ea, quæ vt pluri-  
 mum accidunt. Deinde et si tales hæreses non habeant ab  
 auaritia ortum: iuste tamen omnium bonorum proscrip-  
 tione puniuntur. Quoniam non ob hanc solam causam  
 est hæreticis hæc imposita pœna: sed etiam, vt quia hæresis  
 (vt supra ostendimus) grauissimum est crimē, in eo punia-  
 tur, quod acerbissime omnes fermē homines affligere cre-  
 ditur, & vt talis pœnæ metu in crimen hæresis labi for-  
 mident. Et si huius pœnæ terrore hæresim nō fugerint, iu-  
 stum est, vt eam ipsam pœnam, quam pro hæresis amore D  
 neglexerunt patiantur.

*Quod hæreticus à tempore commissi criminis amit-  
 tit omnium bonorum suorum dominium, etiam  
 ante iudicis declarationem. Fiscus tamen non po-  
 test bona apprehendere, nisi post iudicis declara-  
 tionem.*

C A P. V I.

Archid. **P** Vnitur hæreticus, & quidem iuste (vt euidentissimis  
 probauimus argumentis) omnium bonorum suorum  
 priuatione: sed opus est, vt inquiramus, an eo ipso, quòd hæ-  
 reticus est, omnium bonorum suorum dominio priuetur,  
 an oporteat prius iudicis declarationem præcedere qua in-  
 notescat, illum hæreticum esse. De hac re varia est inter iu-  
 risperitos sententia. Archidiaconus in cap. cum secundum  
 leges, de hæret. lib. vj. dicit hæreticum non statim post cri-  
 men commissum esse priuatum omnium bonorum suo-  
 rum dominio: sed vt tale dominium perdat hæreticus, dicit  
 esse prius necessariam sententiam iudicis. Non quidem ta-  
 lem,



**A**lem, quæ illum damnet ad pœnam quia hanc fatetur non esse necessariam : sed sententiam dicit prærequiri declaratiuam criminis commissi, hoc est, qua declaretur illum fuisse hæreticum. Quousq; hæc sententia pronuncietur, dicit hæreticum esse verum dominum omnium bonorum suorum, & de illis tanquã de re verè sua posse disponere. Data vero tali sententia, qua ille damnatur de hæresi, effectum illius damnationis dicit trahi retro ad diem commissi criminis, ita vt virtute huius declaratiuæ sententiæ, priuetur à die commissi criminis dominio omnium bonorum suorum, & ex tunc sit illi omnis bonorum suorum alienatio interdicta. Et ad hoc mouetur per id quod dicitur in dicto cap. cum secundum leges. in §. confiscationis. Ibi enim præcipit Papa, vt executio confiscationis nō fiat per fiscum: nisi prius per aliquam ecclesiasticam personam super hoc potestatem habentem, sententia super eodem crimine fuerit promulgata. Hæc autē tanti viri sententia (cum bona illius venia dixerim) omnino mihi videtur absurda, & textui apertissime contraria. Primo quidem contra hanc sententiã est id, quod Arist. lib. vj. Ethicorum. cap. ij. ait : Hoc solo priuatur Deus; ingenerita facere quæ facta sunt. Ex quibus verbis apertissime colligitur, quòd si hæreticus ante damnationem erat verus suorum bonorum dominus : damnatio sequens non potest facere, quòd non fuerit dominus. Alioqui damnatio sequens faciet, quòd Deus facere non potest. Præterea si ante damnationē erat dominus bonorum suorum: ergo ante damnationem poterat bona sua vendere, aut permutare, aut alio quouis modo in alterius dominium & potestatem transferre. Nam hi sunt effectus ex vero dominio procedentes, videlicet donare, vendere, permutare. Qui enim est dominus alicuius rei potest illam vendere, permutare, aut donare: nisi forte sit à lege, ne hoc facere possit impeditus, sicut contingit in minore viginti quinq; annis, qui nihil horum de rebus suis facere potest. Non quidem, quia non sit illarum rerum dominus: sed quia per legem est prohibitus, ne aliquid horum de rebus suis facere possit. Idem etiam contingit in muliere nupta, quæ licet verum suæ dotis habeat dominium: tamen sine mariti licentia, & assensu nullo pacto in alterius dominium, & potestatem, illam transferre valet. Si hæreticus ante

damnationem est dominus bonorum suorum, consequens est, ut ante damnationem possit illa donare, vendere, aut permutare: quia nulla lege est impeditus, ut dominio penes illum manente, nihil horum agere possit. Si quis concedat hæreticum ante damnationem posse bona sua vendere, aut permutare, aut donare, conuincitur hoc esse falsum per hoc, quod post condemnationem omnes tales contractus rescinduntur, & nullius fuisse roboris iudicabuntur. Hoc autem non fieret, si ante condemnationem tales contractus aliquid valuissent. Nam (ut proxime superius ex Aristotele diximus) quod semel factum est, infectum esse non potest. Deinde, si hæreticus ante damnationem habet verum omnium bonorum suorum dominium, sequitur inde, quod illo ante damnationem mortuo, filius catholicus illi succedens habebit etiam verum illorum bonorum dominium: quia succedit omnibus bonis quorum pater erat dominus. Si hoc concedit, prout necesse est illum concedere, sequitur ex eo, quod licet postea constet de hæresi patris defuncti, & propter illam damnetur post mortem, bona illa, quæ iam filius habet non erunt ab illo auferenda, & fisco applicanda: quia non est iustum, ut quis sine culpa sua priuetur bonis suis, quorum verus erat dominus. Hoc tamen falsum esse conuincitur, per cap. Accusatus. §. in eo vero casu. de hæretic. lib. vj. Rursum, hæc sententia aperte contrariatur textui illius cap. cum secundum leges. Ibi enim decernitur bona hæreticorum esse ipso iure confiscata. Si ad bonorum hæretici confiscationem (ut hæc opinio ait) requiritur iudicis declaratio, non sunt ergo bona illa ipso iure confiscata. Non est enim aliud dicere, ipso iure: nisi quod solius iuris potestate, sine alicuius hominis sententia, sunt confiscata. Et (ut nostram sententiam firmiorem reddamus) producamus in simili causa, & negotio exemplum aliquod, per quod res ipsa clarius innoscat. Nam argumentum à simili, magnam habet apud iurisperitos vim, & potestatem. Qui commisit crimen aliquod cui in pœnam est à iure inflicta excommunicatio, quamuis ad hoc, quod sit ab aliis euitandus, iuxta Constantiensis concilij edictum, requiratur iudicis declaratio, ut tamē ille in excommunicationem incidat, nulla requiritur sententia, aut declaratio. Nam per hoc differt excommunicatio

- A** tio inflicta à iure, ab excommunicatione inflicta ab homine, quòd prima nullam requirit hominis sententiã, vt illa suum sortiatur effectum:secundam vero sine sententia iudicis nullus incurrere potest. Hæreticus ante damnationē est excommunicatus,ergo ante damnationem est etiam bonorum suorum dominio priuatus. Consequētia probatur esse bona : quia hæc pœna etiam est ipso iure inflicta sicut illa: ergo etiam ante iudicis declarationem incidat in hãc sicut in illam, cum non ob aliam causam statim sine iudicis declaratione (vt diximus)incidat in excōmunicationem : nisi quia illa est ipso iure inflicta. Deinde si fiscus ante condemnationem hæretici, non acquisisset dominium bonorum illius,sequeretur fiscū ante talem sententiã peccare, quãdo à iudice petit donari sibi bona alicuius,quem intendit probare esse,aut fuisse hæreticū:hoc autem nullus sanæ mentis concedet. Quod autem hoc ex illo sequatur,per hoc fit manifestum,quod fiscus sic petens,petit, quod nō est suum sed alienum:ergo iniuste petit : præsertim cum non ob aliam causam bona illa petat:nisi ob solū hæresis crimen, in quod certissime scit illum cuius bona petit,lapsum fuisse. Quod
- B** autem hæc opinio pro se affert, parū, vel (vt verius dicam) nihil sententiæ fauet. Nam quod dicitur in §.confiscationis. nō respicit hæreticū,sed fiscum:nec in illa parte textus, Papa loquitur de hæretico,an amittat dominium bonorum suorum ante iudicis declarationem : sed loquitur de apprehensione, aut occupatione bonorum per fiscum facienda, quam omnino fieri prohibet ante iudicis ecclesiastici declarationem. Et merito id prohibet : quoniam ad laicam, siue prophanam potestatem non spectat de crimine hæresis iudicare : quia in illius iudicio sæpissime errare posset. Vt autem quod dicimus clarius ostendamus, oportet in hac causa duas considerare personas, duas etiam operationes iuxta personarum diuersitatem valde diuersas, quarum vna vni conuenit personæ, altera alteri. Sunt quidem in hoc negotio hæreticus, & fiscus personæ valde diuersæ. Sunt etiam dominiū,& possessio, res inter se diuersæ:quarum quælibet ab alia separari potest. Nam potest esse dominiū sine possessione,& possessio sine dominio, vt cuiuslibet est notissimum. Iuxta has duas personas, & has duas rerum qualitates,duæ etiã sunt partes in illo cap.cum secundum

secundum leges. Prima habet initium cap. Secunda pars est illo §. confiscationis. In prima agitur de dominio bonorum hæretici, & illud ab hæretico tollit, & fisco tribuit: decernens, ut bona hæretici sint ipso iure confiscata. Sed quia dominio ablato ab hæretico, non statim erat ablata possessio: & similiter quia dominio concessio, fisco non statim intelligebatur concessa illi possessio: ideo in secunda parte illius cap. in illo §. confiscationis. agitur de concessione possessionis. Et hanc dicit fiscum capere non posse: nisi prius per aliquam personam ecclesiasticam quæ hoc facere possit, sententia fuerit super crimine promulgata. Nullus enim potest rem suam ab iniusto possessore detentâ, per vim, & violentiam ab illo capere: sed iudicis autoritate id faciendū est. l. si quis ad se fundum. & l. si. C. ad legem Iuliam de vi publica, siue priuata. Quia igitur Papa in illa prima parte cap. dominium bonorū hæretici abstulerat ab ipso hæretico, & concesserat fisco, prohibet in secunda parte: ne prætextu huius domini, talium bonorū possessionē, autoritate propria capiat: sed publicā expectet potestatem, quæ sibi bonorū possessionem tribuat. Talem autē publicā potestatem, dicit esse personā ecclesiasticā potentem de crimine hæresis iudicare, & illius declaratione super crimine hæresis promulgata, satis esse dicit ad hoc, ut fiscus bona hæretici occupare possit. Textus ergo illius §. confiscationis. dicit necessariam esse iudicis ecclesiastici declarationem, ad hoc, ut fiscus possit bona hæretici apprehendere, & illorum possessionem capere, non autem ad hoc, ut talium bonorum dominium acquirere valeat: quoniam iam ante talem sententiam in prima parte capi. concesserat illi talium bonorum dominium. Per talē ergo sententiā, qua aliquis dānatur ut hæreticus, ille non priuatur dominio bonorū suorū: sed per illam declaratur, & innotescit illum esse iam priuatum tali dominio, quæ quidem priuatio ante talem sententiā aliis non erat ita manifesta, & per talem sententiā habet, quod possit capere possessionē. Et certe si hanc rerū diuersitatem aduertisset Archidiaconus vir alioqui doctus, aliter sensisset. Hac igitur opinione tanquā falsā reiecta, est alia verior opinio Ioannis Andreæ in hoc eodem cap. cum secundum leges. qui dicit hæreticū à die commissi criminis amittere dominium omnium bonorum suorum. Hanc opinionem



- A** tuerentur multi alij docti viri in iure canonico. Abbas in primo capit. Excommunicamus, extra de heret. Dominicus de sancto Geniniano in præfato capit. cum secundum leges. Petrus de Ancharano super sexto, in eodem cap. Hi omnes censent hæreticum à die commissi criminis esse priuatum dominio bonorum suorum. Quod autem dicunt à die criminis commissi intelligendum est, non de solo crimine hæresis: sed de crimine pertinaciæ, & obstinationis in hæresi. Quia non eo ipso, quòd quis labitur in crimen hæresis, amittit bonorum suorum dominium, sed solum postquam tam pertinax est in hæresi, vt iam merito (iuxta ea, quæ libro primo diximus) hæreticus censeri debeat. Sicut enim non omnis, qui labitur in hæresim: nisi adsit pertinacia, est censendus hæreticus, ita nec omnis talis seclusa pertinacia amittit bonorum suorum dominium. Nam in cap. cum secundum leges, Papa non decernit esse confiscata bona lapsorum in hæresim: sed bona hæreticorum, ex quo sequitur, quòd si lapsus in hæresim, si admonitus de illa statim reuocat errorem suum, non est ipso iure priuatus, imò nec priuandus omnibus bonis suis. Quod bene notandum
- B** est non solum in hac pœna: sed in omnibus alijs, quas iura hæreticis decernunt, siue illæ sint ipso iure inflictæ, siue per iudicem infligendæ. Nullam siquidem illarum pœnarum ius statuit esse dandam illi, qui solum lapsus est in hæresim: sed illi, qui est hereticus. Illis autem qui admoniti statim reuocant, & damnant errorem suum, pœna est ad arbitrium iudicis imponenda, cōsiderata prius erroris & personæ qualitate. A solo ergo illo temporis momento, quo merito censeri potest hæreticus, censendus est etiam amittere omnium bonorum suorum dominium. Ab illo tempore hæreticus vsque ad sui criminis damnationē, habet solam bonorum suorum nudam possessionem, absque vllò illorum dominio. Fiscus vero circa illa bona contrariam tenet conditionē: habet enim circa illa ante criminis damnationem dominium solum absque vlla possessione. Et inde necessario sequuntur duo, vnum ratione amissi dominij, alterum ratione possessionis retentæ, ex hoc, quòd possessionem retinet, quāuis (vt postea dicemus) non à iure sibi concessam, sequitur hæreticū illo tempore non posse excludi ab agendo cōtra proprios debitores per exceptionem hæresis: quia  
antequam

antequam sit possessione priuatus, sicut retinet bonorum C. possessionem, ita etiam illorum administrationem, & per consequens tanquam administrator illorum potest agere contra proprios debitores. Ratione dominij amissi sequitur omnes illorum bonorum alienationes illo tempore ab hæretico factas nullius esse roboris, aut momenti, & per fiscum facile reuocari posse. Et ex hoc etiam necessario sequitur fiscum posse reuendicare bona illa sic alienata de manibus cuiuscunque possessoris, hac tamen cōditione, vt pretium, quo bona illa distracta fuerant, restituat emptori, si tale pretium, aut aliquid illi æquiualens apud hæreticum inueniatur. Si autem nec pretium bonorum illorum, nec aliquid aliud loco pretij apud hæreticum reperiatur, poterit tunc fiscus bona illa etiam nullo dato pretio reuendicare: quamuis emptor bona fide emerit. Hoc docet Ioannes Andr. loco superius allegato, & post illum Dominicus de sancto Geminiano eo loco. Et pro huius rei confirmatione afferunt argumentum ex l. si cum dotem. §. fina. & l. seq. ff. solu. matrimo. & ff. de legat. j. l. Imperator. & l. seq. Ego autem adduco simile: quod rem propositam maxime confirmat. Si Petrus emit bona fide à Ioanne rem furtiuam, D. quam Ioannes furto surripuerat à Francisco, & postea Franciscus rem illam ab eo furto sublatam inueniat apud Petrum, iuste reuendicabit eam à Petro, etiam si non inueniatur apud furem pretium, aut aliquid aliud tantundem valens. Hoc autem non ob aliam causam iuste faciet, nisi quia rem suam à quocunque possessore iuste repetere, & reuendicare potest. Cum igitur hæreticus à die commissi criminis sit priuatus dominio omnium bonorum, sequitur inde illum: si aliquid ex illis bonis vendiderit, rem non suam, sed fisci vendidisse. Et per consequens fiscum à quocunque possessore illam posse repetere. Hoc tamen intelligendum est antequam legitimū præscriptionis tempus sit elapsum. Nam bona hæreticorum tenentes perscribere possunt etiam contra Romanam ecclesiam spatio annorum quadraginta, vt patet in cap. fin. de præscript. lib. vj. Ex quo textu apertissime colligitur illum qui aliquid ab hæretico bona fide emit putans eum esse catholicum, post spatium quadraginta annorum præscribere contra fiscum, & post illud tempus elapsum, fiscum non posse illud ab empt

- A** emptore vindicare. Nam textus ille non solum filiis hæreticorum, sed etiam aliis extraneis concedit præscriptionem: modo illi catholici sunt, & bona fide possederint, credentes se à viro catholico bona illa recepisse, sicut antea receptionem ille fuerit factus hæreticus. Ex hoc etiam dominio bonorum perduto, sequitur hæreticum non posse facere testamentum, & si quod forte constituerat in morte testamentum, nullius esse roboris, aut momenti: quia de propriis faciendum est testamentum non de alienis. Sicut enim non potest bona illa vendere, nec permutare, ita etiam non potest quouis modo, in alicuius alterius dominium, & potestatem deriuare, siue hoc faciat per donationem inter viros, siue per testamentum, quia omnes tales bonorum translationes, vt ratæ permaneant & firmæ, exigunt, vt sit in transferente verum dominium, quod cum priuatus sit hæreticus, sequitur illum nullam talem bonorum translationem iuste facere posse. Ex hoc bonorum dominio ante iudicis sententiæ amisso, sequitur etiam hæreticum ante talem condemnationem teneri reddere fisco omnia bona, quæ habebat: quando effectus est hæreticus, & si non reddiderit, peccat mortaliter. Scio enim hanc conclusionem esse contra omnium ferè iuristarum sententiam, ideo illam tam manifestis euidentiisq; rationibus probare intendo, vt quisquis eas legerit, manibus (vt dicitur) & pedibus in meam transeat sententiam. Primo quidem probatur per hoc, quod bona ista iam non sunt hæretici (vt manifeste ostendimus, & maior iurisperitorum pars concedit) sed sunt fisci: ergo hæreticus illa retinens, non suum, sed alienum retinet, ergo retinendo peccat, præsertim cum inuito fisco retineat. Consequentia ista probatur per beatum Augustinum in epistola ad Macedonium dicentem. Si res aliena propter quam peccatum est, reddi possit, & non redditur, poenitentia non agitur: sed simulatur. Hæc Augustinus. Et habentur in capit. si res. xliij. quæstio. sexta. Forte aliquis hic respondebit: Augustini verba non esse proposito nostro conuenientia: quia Augustinus loquitur (vt ex eius verbis constat) de re aliena, ex cuius acquisitione, aut possessione habenda commissum est aliquod peccatum: bona autem hæretici non sunt talia: quia hæreticus pro talium bonorum acquisitione (vt præsuppono) non
- peccauit

Augusti.



peccauit. Quo fit, vt bona hæretici talia non sint, vt iuxta **C**  
dictum Augustini, hæreticus illa reddere teneatur. Aliter  
ergo, & apertius hanc meam sententiam sic probō. Per præ-  
ceptum istud non furaberis, non solū prohibita est rei alie-  
næ ablatio: sed etiam quæuis rei alienæ detentio inuito do-  
mino. Alioqui oporteret dicere furem solum peccare, quan-  
do rem alienā inuito domino aufert, & non quando domi-  
no inuito retinet, quod est aperte erroneum. Nam bea-  
tus Hieronymus super illud Prouerb. xxix. Qui cum fure  
particip. &c. sic ait: Non enim fur solummodo: sed etiam  
ille reus tenetur, qui conscius furti, quærenti possessori  
pecuniam, qui perdidit, non vult indicare cum valet. Hæc  
de furtis. Quæ verba sic intelligenda sunt, quòd tenetur  
indicare non furem, sed furtum: & hoc quando furtum  
recuperari posset. Si ille, qui non indicat rem furtiuam,  
cum potest, reus tenetur furti: multo magis reus tenebi-  
tur, qui vere detinet apud se. Et ita consequens est, vt non  
solum rei alienæ ablatio: sed etiam detentio sit diuino  
præcepto prohibita. Ex quo apertissime conuincitur hæ-  
reticum peccare, cum bona olim sua apud se retinet, &  
non reddit fisco: quia retinet alienum inuito domino. Si **D**  
quis forte obstinato animo volens partem oppositam tue-  
ri: responderit fatens per tale præceptum diuinum pro-  
hiberi detentionem rei alienæ, non tamen omnem: sed  
solam detentionem rei furto sublatæ. Hoc dictum facile  
refellitur & conuincitur esse falsum: quoniam iuxta il-  
lud oporteret fateri hæredem non peccare, cum non red-  
dit, & potest reddere legatum in testamento relictum le-  
gatario: nam ille, & si rem alienam retineat, non tamen  
furto sublatam, & ita iuxta præfatam responsionem opor-  
teret dicere illum sic retinendo non agere contra illud præ-  
ceptum: Non furaberis. Et si contra illud non peccat, non  
est aliud contra quod peccet. Eadem etiam ratione oportet  
concedere illum, qui depositum ad custodiam sibi com-  
missum non reddit, domino suo illud petenti non peccare,  
quamuis depositi dominus sit cordatus vir, & ad vsum rei  
honestæ depositū petat. Is enim non detinet rem furto sub-  
latam, quo fit (vt iuxta concessa) non agat contra illud præ-  
ceptum: Non furaberis. Et per consequens sequitur illum.

*Hierony.*

NON



non peccare cum non contra aliud præceptum agat. Hoc autem tam aperte est falsum, vt nullus homo sanæ mentis illud concedere audeat: quia lege naturali tenetur homo depositum reddere, præsertim quando sic reddens non maius irrogat damnum domino quam si retineret. Multa alia absurda, & absona inconuenientia sequerentur ex illa præcepti diuini erronea interpretatione: quæ quia longum esset, & tædiosum sigillatim recensere, ideo prætermitto. Fateantur igitur necesse est per illud præceptum: Non furaberis, esse prohibitam omnem alienæ rei inuito domino retentionem, quæ non est iure diuino, aut humano concessa. Quo fit vt quisquis alienum, contra domini voluntatem retinet, per talem retentionem peccet: nisi forte talis alieni retentio sit illi à iure, aut à iudice recte iudicante, aut mandata, aut concessa. Nam si autoritate iuris, aut iudicis recte iudicantis retineret, sic retinendo non ageret contra præceptum diuinum, & per consequens non peccaret. Tunc enim licet contra voluntatem domini actualem alienum retineret: non tamen contra voluntatem debitam, quam ipsemet dominus habere tenebatur. Ipse enim dominus deberet tunc velle rem suam apud alium detineri, quando talis detentio est à iure, aut à iudice recte iudicante mandata. Et si tunc vellet rem suam sibi reddi, male vellet: & sic volendo peccaret. Ob hanc causam, is qui non reddit domino furioso petenti gladium ab eo ad custodiam commissum, non peccat: quia iure naturali prohibetur, ne reddat. Ob eandem causam si iudex præciperet ei, qui depositum custodit, vt domino non reddat: sed nomine suo custodiat, propterea quod creditor petit ex tali deposito solutionem debiti sibi dati, quam aliunde se habere diffidit, si depositum domino reddatur, eo casu, is qui depositum non redderet, non peccaret: quia autoritate iudicis recte iudicantis, qui creditoris indemnitati iuste prospicit, hoc faceret. Dixi autoritate iudicis recte iudicantis: quoniam si mihi constaret iudicem iniuste iudicare, cum mihi alienæ rei inuito domino detentionem præcipit: quamuis ille præcipiat: ego male agam, si retineo. Ex quo sequitur, vt si de re, quam scio vere esse alienam, ego cum domino illius coram iudice aliquo contendam, & iudex, aut amore, aut odio, aut imperitia deceptus, pro me iudicauit decere

nens rem illam esse meam, tunc iniuste rem illam detinebo: quamvis autoritate iudicis detineam: quia iudex tunc iniuste iudicauit. Si tamen res mihi esset dubia, de qua cum alio eoram iudice contendo, & iudex decerneret esse meam: tunc ego iuste retinere possem, quamvis illa esset aliena: quia ego ignoro esse alienam, & autoritate iudicis, quem credo recte iudicasse, illam retineo. Quoties autem quis sine iuris, aut iudicis autoritate retinet alienum inuito domino, peccat & agit contra praeceptum illud: Non furaberis, per quod non solum prohibetur rei alienae ablatio: sed etiam detentio inuito domino. Ex his apertissime conuincitur haereticum teneri ad reddendum fisco bona, quae nunc retinet, & olim fuerint sua, etsi non reddiderit peccabit mortaliter: quia retinet alienum inuito domino. Nam bona quae haereticus retinet (vt iam probauimus) non sunt sua: sed fisci, cui ipso iure applicata sunt: quae bona haereticus inuito fisco, & sine aliqua iuris autoritate retinet, ergo iniuste retinet quousque fisco, qui est verus illorum dominus, illa reddat. Nullum est enim ius quod concedat haeretico cum priuatione dominij possessionem bonorum olim suorum vsque ad iudicis condemnationem. Si enim aliquod tale ostendatur, vltroneus cedam arenae, & quae dixi libentissime recantabo. Scio tamen nullam talem esse legis concessionem in toto iure canonico, à quo petendum est huius causae iudicium. Forte hic mihi aliquis obiiciet textum cap. cum secundum leges. de haereticis. libro sexto. in quo prohibetur fiscus, ne bona haeretici ante illius condemnationem apprehendat. Sed certe si litera illius textus diligenter (vt decet) circumspectiatur, nullo pacto meae sententiae contradicit, imò potius illi fauet. Nam textus ille priuat quidem (vt ante diximus) haereticum dominio bonorum: non tamen concedit illi possessionem illorum vsque ad condemnationem. Quoniam etsi in §. confiscationis. prohibeatur fiscus ne ante condemnationem haeretici bona illius capiat: non tamen per hoc concedit haeretico retentionem illorum bonorum vsque ad praefatam condemnationem. Nam ex hoc, quod fiscus capere non potest: non est consequens, vt haereticus reddere non teneatur. Possunt enim haec duo in multis saepe cohaerere, vt Petrus rem aliquam autoritate sua à me capere non

- A** non possit: & tamen ego illi reddere teneat. Primo casus est expressus in l. si quis ad se fundum. & l. si. C. ad leg. Iul. de vi publica, siue priuata. Deinde, legatarius non potest legatum in testamento sibi relictum, auctoritate propria sibi capere, & tamen hæres tenetur illi reddere. Rursus, qui fraude aliqua alium in venditione alicuius rei læsit, tenetur ille ad damni recompensationem: ipse tamen auctoritate propria, talem ab illo recompensationem sumere non potest, præsertim si illam potest à iudice impetrare. Multa alia sunt similia exempla, quæ non est opus recensere, per quæ ostenditur non esse consequens, ut hæreticus non teneatur bona sua ante condemnationem reddere fisco: ex hoc quod fiscus ante talem condemnationem non potest illa apprehendere. Cum igitur nullum sit ius quod hæretico bonis suis priuato concedat bonorum suorum possessionem, quousque sit à iudice competente de suo crimine damnatus, conuincitur inde hæreticum teneri ad reddendum bona sua fisco, absque aliqua iudicis condemnatione: ita ut si illa non reddat, peccet mortaliter. Hoc tamen solum credo esse verum, postquam sibi iam constat se esse,
- B** aut fuisse hæreticum: quia ante hoc forte per ignorantiam excusabitur. Potest etiam hæc sententia probari per illas omnes rationes, quibus probatur legem pœnalem ipso iure infligi tam obligare reum in conscientia ad pœnam à iure decretam, absque aliqua iudicis sententia sustinendam. De qua re quia satis diffuse tractabo in eo opusculo, quod de lege pœnali nunc edere paro: ideo nihil amplius nunc dicere statui. Ad illum igitur locum mitto lectorem, ut ex illo loco hauriat, quæ huic proposito conueniunt. Ex his ergo patet errasse omnes illos, qui docent hæreticum ante sui criminis condemnationem, non teneri ad reddendum bona olim sua fisco, qui ipso iure à die commissi criminis factus est illorum dominus. Et certe (ut ingenue fatear) ego non possum intelligere, quo pacto hæc duo coherere possint, ut fiscus sit ipso iure dominus omnium bonorum hæretici, & quod hæreticus bona illius retinens, non teneatur illa reddere fisco, qui iam est verus illorum dominus, præsertim cum nulla lege sit hæretico concessa bonorum illorum possessio. Pugnant enim velut ex diametro hæc duo. Hæreticus absque aliqua iuris, aut iudicis auctoritate retinet

bona fisci, & non tenetur illa reddere fisco. Necesse est igitur, ut quemadmodum hæreticus ipso iure priuatus est dominio bonorum suorum, & fiscus factus illorum dominus: ita etiam hæreticus ipso iure teneatur reddere bona sua fisco: præsertim cum ius non cōcedat hæretico, ut quamuis sit dominus bonorum suorum priuatus, possit illa retinere, quousque de crimine hæresis sit à iudice competente damnatus. Et hanc meam opinionem tenet Abbas in cap. dilecti, extra de arbitris. An autem hæreticus resipiscens, & sui criminis pœnitens, recuperet talium bonorum dominium, quod iam per hæresim amiserat, parue difficultatis quæstio mihi videtur esse: cum tam expresse sit de illa definitum in cap. vergentis, extra de hæreticis. Considerata enim personæ, & erroris qualitate, compensata etiam eiusdem hæretici præterita obstinatione, & præsentis pœnitentia, quæ ex signis exterioribus utcumque coniectari potest: poterit iudex, aut omnia bona, aut aliquam illorum partem misericorditer illi condonare. Tam longa etiam potuit esse, & tam ferrea hæretici obstinatio, ut etiam si illum postea pœniteat, iuste agat iudex: si decernat nihil ex bonis illius esse illi relinquendum. Nam quamuis hæreticus pœnitens pœnam mortis effugiat: non tamen ideo consequens est, ut à reliquis omnibus pœnis ipso iure absoluator.

*De secunda hæreticorum pœna, quæ est priuatio cui in subdit dominij super quoscunq; subditos. C. VII.*

**A**litera hæreticorum pœna est, priuatio cuiusque prælationis, iurisdictionis & dominij: quod antea super homines cuiuscunq; conditionis habuissent. Nam qui hæreticus est, ipso iure omnibus talibus rebus priuatus est, sicut aperte decernitur in c. si, extra de hæret. Sed quia multa circa textum illum notatu digna occurrunt: decreui verba textus in medium proponere, ut hi qui legerint, rei difficultatē animaduertere possint, & quæ circa illum textum dixerimus, notatu digna esse intelligant. Litera illius capituli sic habet: Absolutos se nouerint à debito fidelitatis, dominij, & totius obsequij, quicumque lapsi manifeste in hæresim aliquo pacto, quacunque firmitate vallato tenebatur astricti. Hactenus litera illius finalis capituli, de hæreticis. In verbo, Absolutos, aperte ostēditur sententiam esse à iure latam,



**A** latam, & non à iudice inferendam. Non enim præcipit, vt absoluantur: sed ipsis obligatis dicit, vt nouerint se absolutos. Quo fit, vt ad hanc pœnam sustinendam reus in conscientia obligetur, etiam ante omnem aliam iudicis sententiam, sicut supra diximus de priuatione cæterorū bonorū. Per hoc quod dicit, à debito fidelitatis ostenditur aperte illum qui custodit depositum ab hæretico sibi ad custodiam commissum: nō debere reddere hæretico depositum suum petenti. Nam etsi lege naturæ teneantur omnes in reddendo depositum, fidelitatē seruare: ab hac tamen obligatione fidelitatis liberatus est quisquis ab hæretico depositū accepit, vt iam post illius manifestā hæresim, non teneatur illud hæretico reddere. Quo fit, vt si hæretico per ecclesiam damnato, fiscus bona illius apud alium sub sacramento fidelitatis deposita, apprehendere velit is qui depositum custodiebat teneatur illi dare, nec possit à non reddendo per exceptionē depositi, aut fidelitatis se excusare: quoniā iam ab hoc debito fidelitatis est per ecclesiā absolutus. Eadē ratione præses alicuius oppidi, aut arcis munitæ, qui sub fidelitate & iuramēto illud ab aliquo domino accepit, si talis dominus factus fuerit hæreticus, non tenebitur illi castrum, aut arcem restituere: nec ad mandatū illius alicui alteri reddere, præterquā fisco, cui iure ipso competit talium rerum dominium. Multa etiam sunt quæ domino tenentur reddere quisquis illi fidelitatem iurauit, videlicet, incolumme, tutum, honestum, vtile, facile, possibile: quæ omnia referuntur & declarantur in cap. de forma fidelitatis. xxij. q. v. Ab his omnibus fidelitatis partibus ipso iure absolutus est, quisquis ad fidelitatem alteri seruādam obligabatur, postquam ille cui tenebatur, factus est hæreticus. Nisi forte in aliquo casu ad aliquam illarum reddendam iure obligaretur diuino, quod per ius humanum tolli non potest. Cre-  
do enim humanitatis iura in casu extremæ necessitatis etiam hæretico esse iure diuino debita. Necessitas enim non est subdita legi. Propter hanc eandem absolutionem à debito fidelitatis coniux fidelis non tenetur coniugi hæretico debitum reddere: quia per hæresim alterius ipse ab hoc fidelitatis debito liberatus est. Non tamen ab omni: sed solum ab illo, quod præcepto exprimitur affirmatiuo: coniuges enim propter sacramētum matrimonij, quo sunt

astricti, duplici fidelitatis vinculo sibi inuicem obligan- C  
 tur, altero affirmatiuo, altero negatiuo. Nam quisque  
 coniugum tenetur alteri debitum reddere. Tenetur etiam  
 non reddere corpus suum alicui alteri, quam suo coniugi.  
 Ab hac fidelitate, quæ præcepto negatiuo exprimitur,  
 nunquam alter coniugum potest esse liber, quantumlibet  
 alter coniux peccet, etiam si labatur in crimen hæres-  
 is. Quia etsi propter alterius adulterium, aut hæresim pos-  
 sit innocens petere, & impetrare diuortium, diuortio ta-  
 men inter eos facto, nullus eorum altero viuente pote-  
 rit alicui alteri, quam suo coniugi quomodolibet copula-  
 ri, vt aperte docetur in capit. quæliuit. & in capit. quanto.  
 extra de diuortiis. A sola ergo illa fidelitate, quæ præcep-  
 to exprimitur affirmatiuo, liberatus est ipso iure coniux  
 fidelis, postquam alter in manifestam lapsus est hæresim,  
 ita vt iam non teneatur illi debitum reddere. Sed hæc fide-  
 litatis, & debiti absolutio non solum hoc humano, & ca-  
 nonico iure: sed etiam diuino roboratur. Nam sicut per  
 adulterium corporale priuatur adulter iure debitum exi-  
 genti: ita etiam per adulterium spirituale, quod est hæres-  
 is, eodem iure priuatur: quia peius est adulterium spiri- D  
 tuale, quam corporale. An autem hæreticus resipiscens  
 recuperet per penitentiam hoc ius petendi debitum, quod  
 per hæresim amiserat: dubia aliquibus videtur esse quæ-  
 stio. Urbanus tertius in cap. de illa. extra de diuortiis. decer-  
 nit mulierem, quæ sine iudicio ecclesiæ separata est à vi-  
 ro lapso in hæresim, esse reddendam viro, postquam ad fi-  
 dem catholicam reuersus fuerit, compellendamque esse iu-  
 bet, si illa ad virum reuerti noluerit. Si vero iudicio eccle-  
 siæ ab eo recessit, ad recipiendum illum nullatenus dicit  
 esse compellendam: glossa vero super capitulum quanto.  
 eod. titul. & super capitul. final. de conuer. coniugar. non  
 veretur aperte contra illum textum sentire, dicens: mu-  
 lierem, quæ à viro hæretico recessit, si ille ad fidem redeat  
 esse semper compellendam ad recipiendum virum suum,  
 etiā si iudicio ecclesiæ ab illo recessisset. Et si illa ad virum  
 redire noluerit, dicit illam esse cogendam ad monacha-  
 tus religionē suscipiendam. Pro huius sententiæ probatio-  
 ne citat capit. vltimum. de conuersione coniugatorum.  
 Ad præfatum vero capitulum, de illa. respondet illud es-  
 se

- A** se correctum per sequens cap. quanto, eod. tit. Abbas in eisdem capitulis, glossæ sententiâ, & opinionē nō vsquequaq; probat: sed vtcunq; ab ea discedit: nullā tamen affert rationem, per quam se merito ab illa discessisse nobis ostendat. Ego vero rationes proferā, quibus glossā totā aberrasse viā apertissimē conuincā. Et primo suo ipsius gladio glossatorem transigam: quia illud capitulum vltimum de conuersio. coniuga. quod pro se citauit, clarissime cōtra illum pugnat. Nam capitulum illud (vt ex litera illius facillimā colligi potest) non loquitur in fauorem hæretici resipiscētis, & pœnitentiā agentis: sed mulieri, quæ à viro hæretico iudicio ecclesiæ fuerat separata, fauet, conceditq; illi, vt ipso nolēte libere ad Monachatus religionem, si velit conuolare possit. In quibus verbis id summopere annotādum est, quod ait: libere conuolare: non ergo cogenda est ad religionem, etiam si ad virum reuerti noluerit. Alioquin si ad religionem (vt glossa docet) cogenda est, non ergo libere ad religionem conuolabit, quemadmodum textus ille dicit. Præterea si mulier libere, & non coacta potest nolente marito intrare religionem: ergo etiam potest nolente marito manere extra religionem separata ab illo. Consequentia ista inde manifeste conuincetur esse bona, si ostendamus causam, & originem, ex qua oritur, vt mulier fidelis, quæ iudicio ecclesiæ fuerat à viro suo hæretico separata, illo ab hæresi reuerso nolēte possit intrare religionē. Causa certe non est alia: nisi quia ille per hæresim tantquam per adulterium spirituale amisit ius petēdi debitum ab vxore, & sic illa facta est libera ab hoc debito. Nam si ille non incidisset in hæresim, mulier non posset illo inuito intrare religionem, sicut expresse definitum est in cap. quidam. & in cap. cum sis. extra de conuersione coniugato. Causa igitur illius diuortij per ingressum religionis facti aperte ostensa, percontabor glossatorem, an maritus hæreticus ad fidem rediens recuperet per pœnitentiā illud ius petendi debitum: quod per hæresim amiserat, an non. Si dicit hæreticum recuperasse tale ius, oportebit fateri vxorem illius ipso nolente non posse libere intrare religionem: quia per talem ingressum negaret marito, quod illi iam iure debebatur. Si vero dicit hæreticum per pœnitentiā non recuperasse tale ius per hæresim semel amissum,



consequens est, vt non teneatur vxor illi post pœnitentiam debitum reddere, sicut nec ante pœnitentiam: quia (vt concessum est) hæreticus post pœnitentiam non habet maius ius ad petendum debitum ab vxore, quàm habebat ante pœnitentiam. Quò fit, vt sicut post pœnitentiã mariti olim hæretici, potest vxor eius illo inuito libere intrare religionem: ita etiam possit illo contradicente libere manere in seculo, absque cohabitatione cum viro, & absque redditione debiti: nam una prorsus & eadem est vtriusq; separatio nis ratio. Verũ (vt apertius loquar) non est opus dare optionem glossatori: quia velit, nolit, tenetur fateri hæreticum post pœnitentiam non recuperare ius petendi debitum ab vxore: quia obligatio semel extincta non reuiuiscit. Nam ob hoc hæreticus post pœnitentiam non necessario (vt supra diximus) recuperat bona quæ per obstinationem hæresis amiserat, vt definitum est in cap. vergentis, extra de hæreticis: ergo eadem ratione etiam non recuperabit ius petendi debitũ, quod semel amiserat. Et inde necessario consequitur, vt vxor illius libere possit illi negare debitũ coniugale, & per consequens non erit compellenda ad recipiendum virum, ab infidelitate reuertentẽ, à quo iudicio ecclesiæ fuerat separata. Et certe miror quomodo in tam apertum errorem fuerit lapsus glossator, præsertim cum tam expressa habeatur contra suam sententiã ecclesiæ definitio, in præfato cap. de illa. Quod autem dicit illud cap. correctum esse per sequens capit. non ita est: quia sequens cap. nullo modo contradicit primo, cum loquatur de diuersis. Nam cap. de illa. loquitur de muliere, quæ iudicio ecclesiæ separata est: quæ cogẽda non est ad virum ab hæresi reuertentem redire. Capit. autem sequens in fine loquitur de illa, quæ proprio iudicio separata est à viro infideli, quæ post viri pœnitentiam cogẽda est ad illum redire, quàmuis hoc non satis clare ibidem exprimat: sed per coniecturas ex eo elici debet. Causa autem huius discriminis inde (meo iudicio) prouenit, quod ecclesia vult nullam pœnam hæretico infligi, antequam ille sit ab eadem de crimine suo damnatus, vt patet in cap. vt inquisitionis, & in cap. cum secundum lges. de hæret. libr. vj. Et si quid contra hoc tentatum fuerit, ipso iure habetur pro infecto. Mulier ergo quæ proprio iudicio se à viro infideli separauit: quia virũ suum

pœna



**A** pœna hæretici puniuit, antequâ ille fuisset ab ecclesia damnatus, ideo talem separationē pro infecta iudicat ecclesia: & ideo tanquam si ab illo nūquam fuisset separata, illi adhærere compellitur. Quæ autem iudicio ecclesiæ separata est: virum suum punit, postquam ille de suo crimine ab ecclesiastico iudice damnatus est. Ego enim iudiciū illud ecclesiæ, quod dicitur esse necessarium ad hoc, vt illa possit nolēte marito intrare religionē, non aliud puto esse quàm sententia iudicis ecclesiastici, qua declaretur virum illum esse hæreticum, qua sententia data sine vltiori separationis sentētia, satis esse censeo, vt mulier possit à viro suo separari, & vt separata non possit compelli ad recipiendum virum suum ab hæresi redeuntem. Sed iam opus est, vt pergamus ad explanationem reliquarum partium illius præfati capit. Absolutos. Nam illos, qui hæreticis erant aliqua obligatione astricti, non solum dicit esse absolutos ab omni debito fidelitatis: sed etia ab omni debito dominij. Pro cuius particulæ clariori intelligētia oportet prius lectorem de multiplicitate dominij admonere. Quoddam enim est dominium super homines, aliud super ceteras res irrationaliales hominibus seruiētes, vt sunt pecunię, vestes, domus, agri vineę, pecora, & cetera his similia. De dominio istarum rerum non est nobis sermo in isto capit. quoniam de illo deseruimus superius iuxta id, quod definitū est in cap. cum secundum leges. Dominium super homines est adhuc multiplex: quia quoddā est naturale, aliud ciuile, aliud euāgelicum. Dominium naturale super hominē aliquē nullum est nisi paternum, hoc est, quod habet pater super filios. Omnes enim in lege naturę fuissent liberi, nec dominiū aliquod esset in statu innocentie nisi paternū. Pater enim tunc aut mater sicut modo, haberet potestatem docēdi, admonēdi & corrigēdi filios, & filij tunc tenerētur, sicut nūc tenentur obedire parētibus, & illis in necessitate si aliquā paterentur, seruire. Hoc dominiū ideo dicitur naturale: quia naturalis ratio docet, vt filius subueniat patri, & seruiat illi, à quo recepit esse, & obēdiat illi ad quem spectat admonere, & corrigere eum. Hoc dominiū etiam si naturale sit, non est adeo fixum, & immobile vt tolli non possit, sicut est reliquum dominium naturale: quod quisque homo habet super res necessarias ad suę vitę conseruationem. Nam (vt

recte beatus Thomas docet) prima, & maxima naturalis inclinatio est adesse: & ideo supra quamlibet rem necessariam ad suae vitae sustentationem, habet naturale dominium. Hoc dominium, nec homo à se abicere potest: nec propter quodcunque peccatum per iudicium tolli. Vnde idem beatus Thomas secunda Secundae. q. lxxix. arti. iij. in solutione secundi argumenti dicit: quod si aliquis sit condemnatus, ut fame moriatur, non peccat, si cibum sibi occulte ministratum sumat: quia non sumere esset (ut ait) seipsum occidere. Non est tam firmum, & fixum dominium patris super filios: quoniam filius re ipsa non est tam necessarius patri ad suae vitae sustentationem, sicut reliquae res. Quo fit, ut pater possit illud à se abicere dominium: & superior in poenam alicuius delicti illud à patre tollere. Primum pater in emancipatione: quoniam per illam pater filium in sua constituit potestate, & renūciat iuri, & dominio quod super filium habet. Secundum patet in isti. Quibus modis ius patriae potestatis soluitur, ubi inter alia haec habentur. Cum autem is, qui ob aliquod maleficiū in insulam deportatur civitatem amittit, sequitur, ut qui eo modo de numero civium Romanorum tollitur, perinde quasi eo mortuum desinant liberi in potestate eius esse, haec ibi. Ad eundem modum fit in peccato haereticis: quoniam propter hoc crimine pater amittit dominium, quod super filios habebat, & filij efficiuntur sui iuris. Nam filij, qui alioqui fuissent subditi patri, illo in haeresim obstinate labente, sunt ipso iure absoluti ab omni debito dominio, quod super illos pater habuisset, ut dicitur in praefato c. absolutos. Verum quia multi putare potuissent, hoc non tam aperte in illo c. fuisse definitum, ideo speciale de hac re decretum ecclesia statuere voluit, quo apertius id, quod nunc proxime diximus declaratum est. Tale decretum habetur in c. quicumque, §. illorum. de haeret. lib. vj. Et inde sequitur patrem haeticum non posse filio impuberi substitutionem facere pupillarem. Quoniam inter cetera requisita ad pupillarem substitutionem hoc est precipuum, ut testator impuberem in potestate habeat. l. ij. ff. de vul. & pupil. Hoc etiam corrolarium aliunde deduci potest: ex eo scilicet, quod haeticus intestabilis est. Nemo autem pro pupillo substituere potest, nisi prius sibi fecerit testamentum. dista l. j. §. j. Sed quaestio posset de hac re moveri, si pater ad suae vitae sustentationem antequam fieret haeticus

- A**ticus indigeret filio, & postea eadē indigentia perseverāte laboretur in hæresim, an filius patri hæretico indigenti suā opera, teneretur illi suas operas dare illi vsque ad supplendam indigentiam ministrare. Cui quæstioni ego ita respondendum esse censeo, vt filius eo casu maiori obligatione teneatur patri, quā teneretur alicui alteri in necessitate existenti: quia licet filius sit iure ipso à patris hæretici dominio, & potestate liberatus, non tamen quo ad opera misericordiæ illi exhibenda, in quibus pater quamuis hæreticus est præferendus. Hanc sententiam docet glossa, distin. xxx. cap. j. & Panor. in cap. si quis. De hæreticis. Aliud est dominium super personas non naturale, sed ciuile, hoc est, quod nō à natura: sed ab humanis statutis sumpsit initium. Et hoc etiam varium est, & multiplex, iuxta variam auctoritatem, & potestatem, quam habet domini super eos, quibus dominantur. Est enim quoddam dominiū, quo inducit seruitutē in eo cui aliquis dominatur. Per hoc dominium habetur potestas vtendi seruo ad omnia, quæ voluerit: exceptis criminibus, quæ sine Dei offensa perpetrari non possunt. Per hoc dominium habet dominus super seruos suos plenam potestatem vtēdi illis ad suam vtilitatē: & non ad vtilitatem illorum. Et per hoc differt dominiū hoc à domino regali: quia Rex nili tyrannus esse velit, nō vtitur subditis ad suam propriam vtilitatem: sed ad vtilitatem subditorum. Dominus autem vtitur seruo non ad serui vtilitatem: sed ad suam propriam, quemadmodum vtitur pecoribus suis. Potest enim dominus seruū vendere, permutare, donare, locare, prout facere potuisset de iumento aliquo. Quæ quidem misera seruitus, & si propter peccatum introducta sit, iure tamen gentium approbata est, vt habetur, in capit. ius gentium. distin. j. Hoc dominium statim amittit quisquis in manifestā hæresim lapsus est, & seruus illius si in hæresim domini non consentit, eo ipso est à debito domino absolutus. Sed difficultas oriri posset, an dominium illius serui trāsseratur ad fiscum, sicut cæterarum rerum, ita vt post hæresim domini, seruus illius fiat seruus fisci, an vero seruus fiat sui iuris, & sit ipso iure libertus. Saluo meliori iudicio, ego censeo seruū, qui in hæresim domini consentire noluit, non esse inter reliqua bona computandū, vt dominium fisci cū reliquis bonis trāseat: sed eo ipso



ipso redditum esse suæ libertati, ita vt iuste, & absque villo C  
 peccato possit fugere ab hæretico qui fuerat dominus  
 eius, & omnem illi negare obedientiam. Nam in præfato  
 illo cap. fin. extra de hæretic. absoluntur omnes ab omni  
 obligatione, qui hæreticis quomodolibet tenebantur ad-  
 stricti: ergo etiã serui sunt absoluti, & per consequens fiunt  
 liberti. Præterea de hoc habetur expressa in iure Cæsareo  
 diffinitio. Nam in l. Manichæos. C. de hæret. statuit Impe-  
 rator Theodosius, vt seruus, qui noluerit obedire domino  
 hæretico, fiat ipso iure libertus. Iusta quidem lex, per quam  
 & hæretico domino pœna, & seruo catholico præmium  
 tribuitur. Ius autem Cæsareum, & si non possit de fide, aut  
 hæresi definire: potest tamen & hæreticos pœna, & fideles  
 afficere præmio. Quo fit, vt saltem in terris, quæ legibus  
 subsunt Cæsareis, seruus qui domino hæretico obedire re-  
 cusauit, & illius hæresim suscipere noluit, sit ipso iure red-  
 ditus libertati: quia sic præcipitur in præfata l. Manichæos.  
 Et idem faciendum esse censeo in terris ecclesiæ Romanæ,  
 quæ nullo modo subduntur Imperatori. Quoniam, & si  
 in illis locis non habeant vim iura Imperatorum: habet ta- D  
 men vim suam illud cap. fin. extra de hæretic. Quo iube-  
 tur omnibus, vt nouerint se absolutos ab omni debito do-  
 minij, qui lapsis manifeste in hæresim quomodolibet te-  
 nebantur adstricti. Aliud est dominium ciuile, & politicum,  
 quod non inducit seruitutem in eo, super quem habetur:  
 sed solum confert habenti dominium, authoritatem, & po-  
 testatem præcipiendi ea, quæ ad bonum regimen reipubli-  
 cæ, cui præest, sunt necessaria, aut saltem commoda, & con-  
 uenientia, & puniendi transgressores eorum, quæ ab illo  
 præcepta sunt. Hoc dominium habent Reges, Duces, comi-  
 tes, & reliqui domini, qui populis præsunt. Hi super quos  
 tale dominium habetur, non dicuntur serui: sed subditi,  
 & vocabulo iam ab omnibus recepto, dicuntur Vassalli. Hoc  
 dominium etiam amittitur per hæresim manifestam, ita  
 quod Rex factus hæreticus, ipso iure est regno suo pri-  
 uatus, & Dux suo ducatu, & comes comitatu, & idem de  
 alijs populorum dominis quocunque nomine censeantur,  
 dicendum est: nam de omni dominio generaliter loqui-  
 tur illud capit. finale. de hæretic. Nec mirari debet aliquis  
 quod Papa propter hæresis crimen, Regem à regia digni-  
 tate



**A** rate deponat, & regno priuet: quoniam in uegotio fidei etiam Reges sicut & alij inferiores subduntur summo Pontifici. Quo fit ut illos sicut quoslibet alios punire possit. Nam Regem Francorum Zacharias Papa ob multo minorem causam regno priuauit, ut refertur in cap. Alius. lv. q. vj. Imperium Romanorum sedes Apostolica transtulit à Græcis: quia ecclesiam non defendebant in Germanos, ut habetur extra de elect. cap. venerabilem. Multo ergo iustius est, ut propter crimen hæresis Reges regno priuentur. Posset tamen hoc loco aliquis merito quærere, si Rex fiat hæreticus, ad quem regni illius dominium, & potestas iure deuoluatur. Non quidem ad Imperatorem, præsertim si Rex non erat Imperatori subiectus, quales sunt Hispanorum, Gallorum, & Anglorum Reges. Nam bona hæreticorum laicorum quæ iure canonico, & Cæsareo, applicantur fisco, non cuiuslibet fisco sine discrimine applicata esse intelliguntur: sed soli fisco illius, qui dominium & iurisdictionem supremam secularem supra hæreticum habet. Consequens igitur est, ut regnum, & reliqua bona hæretici Regis, qui non subditur Imperatori, non sint ipso iure fisco Imperatoris applicata. Nec dicendum est regnum illud ipso iure ad ecclesiam pertinere: quia ipso iure non applicantur ecclesiæ bona laicorum hæreticorum: nisi illorum solum, qui in terris ecclesiæ viuunt, ut patet in capit. uergentis, & in cap. Excommunicamus. extra de hæretic. Ad quem igitur regnum illud iure pertinebit? Si Rex ille hæredem legitimum habet, & fidelem, ego dicerem illum esse iustum, & legitimum regni successorem. Quoniam cum nihil sit de Rege hæretico in iure definitum, consequens est, ut idem de illo censeatur, quod de homine ab intestato decedente diceretur. Nam cum ille per hæresim sit ipso iure regno priuatus, quantum ad regni possessionem censendus est mortuus: & quia de regno illius, cui tribuendum sit, nihil iura disponunt, oportet necessario, ut regnum ad legitimum hæredem deuoluatur. Et idem mihi videretur dicendum de quocunque alio dominio cuiuscunque rei, cui est annexum vinculum primogenituræ, ita ut si possessor illius fiat hæreticus, bona illa non sint fisco applicata, sed legitimo illius primogenituræ successor. De hac tamen re nihil certum definire volo: sed illam ciuilis iuris peritis relinquere.

linquo, ab illis definiendam, quorum hoc proprium est mu-  
 nus. Si Rex hæreticus nullum habet hæredem, aut ille  
 quem habet, est etiam hæreticus, tunc si regnum non est  
 etiam hæresi infectum, dicerem regnum ipsum habere ius,  
 & potestatem eligendi sibi Regem, iuxta id, quod in primo  
 1. Reg. libro Regum dicitur. Populus facit sibi Regem. Si vero re-  
 gnum est etiam eadem peste infectum sicut Rex, regnum  
 etiam erit ipso iure priuatum, potestatis eligendi sibi Re-  
 gem, & tunc negotium deuoluetur ad summum Pontifi-  
 cem, ut ille tanquam summus ecclesiæ iudex decernat, quid  
 sit agendum, sicut facile colligi potest ex dictis in capitul.  
 Excommunicamus. §. moneantur. extra de hæreticis. Aliud  
 est denique dominium Euangelicum, & est potestas alicui  
 ex Dei Euangelio, & non aliunde concessa, qualis est pote-  
 stas absoluedi peccatorem à peccato, & potestas excom-  
 municandi, & absoluedi ab excommunicatione. Hoc do-  
 minium habent soli viri ecclesiastici curam animarum te-  
 nentes, ut sunt Episcopi, Archiepiscopi, Papa. Et dicitur hæc  
 talis potestas dominium Euangelicum: quia ex sola Evan-  
 gelij auctoritate illud habetur. Vocatur etiam dominium  
 hoc à theologis potestas iurisdictionis ecclesiasticæ. De  
 hoc dominio difficillima inter theologos versatur quæ-  
 stio: an hæreticus sit etiam ipso iure priuatus hoc dominio,  
 sicut cæteris, hoc est, an Prælati ecclesiastici quicun-  
 que illi sit siue Papa, siue cuius alius, postquam factus est  
 hæreticus sit ipso iure potestati prælationis priuatus. De  
 hac re non conuenit inter omnes theologos. Quidam enim  
 dicunt prælatum ecclesiasticum factum hæreticum, diuino  
 iure esse priuatum prælatione sua. Alij vero cōtra sentiunt  
 prælatum ecclesiasticum quantumlibet in hæresi pertina-  
 cem, non esse diuino, aut humano aliquo iure potestate  
 prælationis priuatum. Et qui sic sentiunt, coguntur dicere  
 hoc dominium Euangelicum non esse sub illa generali lo-  
 cutione comprehendendum, cum dicitur in illo cap. finali.  
 de hæretic. Absolutos se nouerint à debito fidelitatis do-  
 minij, & totius obsequij &c. Oportet enim ibi excipere do-  
 minium Euangelicum, à cuius debito (iuxta istorum opi-  
 nionem) non sunt ipso iure absoluti, qui lapsi in hæresim  
 erant per illud adst. Si. Huius nodosa quæstionis solutio-  
 nem, quoniam difficilis est, & longum requirit tractatum,  
 602. vsque

**A** vsque ad aliud capit. differimus, quod totum huic soli negotio impendemus, quando de pœnis spiritualibus disputabimus. Tales enim potestates, & talia dominia magis spiritualia, quàm corporalia censenda sunt. Circa has omnes hæreticorum pœnas, de quibus in hoc cap. differuimus, dubitatur ab aliquibus: an hæreticus occultus in has incidat pœnas. Ratio dubitationis est hæc: quia illud saepe citatum cap. finali. de hæreticis. videtur solos manifestos hæreticos afficere. Nam solos illos absoluit à debito fidelitatis, & dominij, qui lapsi manifeste in hæresim quomodolibet sunt adstricti. Phil. dicit hoc etiam verum esse in occulto hæretico, si illius hæresis probari possit: quia tunc potest manifestari licet actu non sit manifesta. Eandem sententiam docere videtur Ioannes Andr. hac tamen addita conditione, quòd processum fuerit ad probationes: quia probatio (vt ait) tunc facit delictum manifestum vt in cap. cum olim. de verborum signific. Secus tamen dicendum esse putat, si non est processum ad probationes: quia ecclesia non iudicat de occultis. Et illius sententia subscribit Angelus de Clauasio in sua summa. eandem amplectitur Syluester de Prierio in sua summa. Ego tamē (ablic precor verbo inuidia) puto hos omnes quamuis in iure doctissimos, non intellexisse veram, & germanam illius textus sententiam. Nam quod textus ille ait de lapsis manifeste in hæresim, non est intelligendum de manifestatione, quæ competit hæretico, ita quod ille in publico, aut in manifesto hæresim asseruit. Potest enim quis publice, & coram mille testibus hæresim aliquam asserere, & nō esse hæreticus: quia potuit illam asserere ex ignorantia, putans talem assertionem esse catholicam, potuit etiam asserere sine vlla pertinaci animositate: sed paratus obedire ecclesiae aliud docenti. Quorum alterum si contingat, etiam si in fide erret, hæreticus minime censebitur: vt habetur in cap. dixit apostolus. xxiiij. quæst. iij. Si hæreticus non est, necessario inde sequitur: vt pœna hæretici non sit puniendus, & per consequens pœna illius cap. si. de hæret. non comprehendat illum. Alioqui fieret necessario, vt quis sine culpa sua, & sine culpa aliena: imò & sine iusta aliqua causa puniatur, quod est contra ius naturale, diuinum, & humanū. Nam textus ille eos, qui lapsi manifeste in hæresim erant oblig

obligati, absoluit debito fidelitatis, & dominij. Et tamen C  
 (vt diximus) potest quis sine vlllo peccato manifeste labi  
 in aliquam hæresim. Quod ergo textus ille ait de lapsis  
 manifeste in hæresim, nō est intelligendum de manifesta-  
 tione, quæ se tenet ex parte asserentis: quia siue in occulto,  
 siue in publico labatur in hæresim, non incurret pœnam, si  
 non est hæreticus. Intelligēda sunt ergo verba illius textus  
 de manifestatione, quæ competit hæresi, ita vt ille dica-  
 tur labi manifeste in hæresim, qui labitur in hæresim ma-  
 nifestam, quam scit esse ab ecclesia damnatā, quāuis illam  
 occulte, & sine vlllo teste asserat. Qui vero ex ignoratiā la-  
 bitur in hæresim, non dicetur labi manifeste in hæresim,  
 quamuis illam in publico foro corā mille testibus asserue-  
 rit: quia nō erat sibi manifestum talem assertionē esse hære-  
 ticam, & ab ecclesia damnatā. Is autem, qui iuxta hūc intel-  
 ligendi modum labitur manifeste in hæresim, hoc est in  
 hæresim manifestam, eo ipso est necessario censendus hære-  
 ticus. Quia is (vt supra lib. j. cap. x. docuimus) sine vlla vlte-  
 riore monitione est iam pertinax censendus: quia errorem  
 suum non est paratus corrigere. Quod facillime, vel ex eo  
 colligi potest: quia ecclesiam, à qua corrigendus esset, a-  
 perto Marte oppugnat, cum eam non veretur asserere pro-  
 positionem, quam scit ab ecclesia damnatam. Si vero quis  
 ex ignorantia lapsus est in hæresim, & postea legitime ad-  
 monitus obedire contemnit, tunc primo dicetur labi ma-  
 nifeste in hæresim, quando legitimæ admonitioni obtem-  
 perare recusat. Is igitur, qui iuxta hunc intellectum labi-  
 tur manifeste in hæresim, cum sit iuxta prædicta censen-  
 dus hæreticus merito hæreticorum pœnam incurret, quan-  
 tumlibet sit occultus, si tamen hæresim, quam mente con-  
 cepit, aliquo verbo explicauit. Et de talibus sic lapsis  
 manifeste in hæresim, intelligenda sunt verba illius capit.  
 finali, de hæretic, quibus dicitur, quòd qui talibus sic lapsis  
 manifeste in hæresim erant aliqua obligatione adstricti,  
 ipso iure sunt ab omni tali obligatione absoluti. Nam per  
 illa verba: Lapsis manifeste in hæresim, idem intelligitur,  
 ac si dixisset, hæreticis. Et hi tales licet occulti sint, sicut  
 incidunt in pœnam capit. cum secundum leges, ita etiam  
 ipso iure incidunt in pœnam præfati cap. finali, de hæretic,  
 si hæresim suam quamuis occulte, exterius prodiderunt,  
D

Nam



**A** Nam (vt ait Abb. in isto cap. Absolutos) pœna ipso iure imposita afficit ipsum delinquentem, quamlibet occultum, pro qua sententia adducit glossam, quam dicit esse notabilem in Cle. j. de hæret. in verbo: Eo ipso. Ex quibus colligit Abbas, vt hæreticus quamuis occultus ipso iure amittat omne dominium, sicut & reliqua omnia bona ipso iure amittit: sed non poterit talis absolutio dominij (vt ait) allegari, nisi prius manifesta causa probetur. In quibus omnibus etsi bene dicat, tamen in intelligentia illius vocis, manifeste etiam mihi errasse videtur, sicut alij.

*Probatur manifestis rationibus iustam esse hæreticorum pœnam, de qua in præcedenti cap. tractatum est.*

CAP. VIII.

**Q** Via totius huius nostri operis finis, & primus scopus, ad quem nostram hanc pugnam dirigimus, est, vt iustam esse punitionem, qua ecclesia hæreticos ferit, ostendamus, opus est, vt eam pœnam, de qua in præcedenti cap. disputauimus, merito hæreticis fuisse inflictam probemus.

**B** Quisquis diligenter consideraauerit quantum valeant superiorum hominum exempla ad mouendos subditorum affectus facile intelliget, quàm iustum imò (vt verius dicam) necessarium sit, omnem prælationis potestatem ab hæreticis auferre. Scipio Africanus dicebat nullo se magis animari ad virtutem, quàm suorum maiorum exemplis: quorum imagines in foro depictas videbat. De Iulio Casare refert Plutarch. quod cum ille in Hispania res quasdam Alexandri pictas cerneret, secum diu cogitabundus, postmodum lachrymas fudit, cuius rei causam admirantibus sociis: Nónne (inquit) iure dolendum arbitramini, quod huius ætatis Alexander tot gentes suo subdidisset imperio, qua nullum adhuc præclarum facinus ipse gesserim? Et inde ad res præclaras gerendas expeditior, & fortior effectus est. Si eorum, qui iam præterierunt exempla tanti in viuorum animos mouere possunt, multo magis id posse credendum est exempla eorum, qui supersunt, præsertim ea, quæ non solum audiuntur: sed oculis inspiciuntur. Multo enim magis mouent visa, quàm audita. Temistoclem enim valde

multum iurauerunt ad virtutem Milciadis exempla. Nam Temistocles cum esset adolescens, in comotationibus, aliisque carnis illecebris volutabatur. At postquam Milciades factus Imperator, apud Marathonem deuicisset Barbaros, nullus illum deinceps vidit quidquam agere indecorum. Percontantibus autem multis quid fuisset in causa, ut sic fuerit repente mutatus, respōdebat, Milciadis Trophæis se fuisse à somno suscitatum. Cic. lib. iiii. Tusc. quaest. refert, Demosthenem adeo vigilasse, ut cum opificibus de vigilia contenderit, & dolere se aiebat, si quando opificum antelucana victus esset industria. Habent tantā vim, & potestatem exempla præsertim illorum, qui autoritate aliqua reliquos præcellunt, ut ad illa imitanda subditorum animos non solum urgeant, sed quasi cogere videantur. Ideo Paulus reprehendens Petrum, eo quod propter Iudæos, quia Iacobo Hierosolymorum Episcopo venerant, simulate se à gentibus subtrahebat nolens edere cum illis, dixit illi: Gentes cogis iudaizare. Nā quia Petrus supremus erat totius ecclesiæ pastor, & rector, cuius vestigia ceteri sequi debebant: ideo tanti æstimauit Petri exemplum Paulus, ut suo exemplo illum non solum ad Iudaismum alios suadere, sed cogere dixerit. Et merito sic dixit, cogitans quod multo plus mouent exempla, quàm verba. Propter quod filius Dei factus pro nobis homo, volensque hominibus certissimam viam, qua ad gloriam cœlestem peruenirent ostendere: prius exemplis, & postea verbis nos ad illam instruxit. Nam prius (ut ait Lucas) cœpit facere, & postea docere. Quem locum pertractans Chrysostomus Homil. j. super Actus Apostolorum, ait: Eoque apostoli prius vitæ exemplis docebant, deinde verbis. Quin potius ne verbis quidem erat opus, cum clamarent opera. Hæc Chrysostomus. Hinc oritur, ut peccata publica grauiora censeantur, quàm secreta, & tanto grauiora, quanto à persona maioris autoritatis, & quæ magis tenebatur bonum aliis præbere exemplum, fuerint commissa.

Ideo de malis sacerdotibus, dominus per prophetam Ezechielem ait: Facti sunt domui Israel in offendiculum iniquitatis. Quæ verba pertractans beatus Gregorius parte prima Pastoralis cap. ij. ait: Nemo quippe amplius in ecclesia nocet, quàm qui peruerse agens, nomen, vel ordinem sanctitatis habet. Delinquentem namque hunc nemo redarguere præsu

Galat. 2

Act. 1

Chryso.

Exe. 44

Greg.

**A** præsumit, & in exemplum culpa vehementer extenditur, quando pro reuerentia ordinis peccator honoratur. Hæc Gregorius. Causa autem huius inde provenit, quod qui publice peccat, alios ad idem faciendum suo exemplo hortatur, & ob hanc causam scandalizare dicitur: quia suo exemplo aliis offendiculum ad ruinam parat. Propter quod Salvator noster huiusmodi scandalizanti acerbè minatur, sic *Matth. 18* inquiens: Qui scandalizaverit vnum de pusillis istis, qui in me credunt, expedit ei, vt suspendatur mola asinaria in collo eius, & demergatur in profundum maris. Qui sic alium scandalizat, non solum de suo: sed etiam de alterius peccato, qui illius exemplo ad peccandum motus est, rationem reddet. Quod non fieret: nisi quia ille peccati alterius causa fuit, suo exemplo illum ad peccatum vehementer impellens. Hæc omnia, quæ diximus, huc tendunt: vt per illa notum omnibus fiat quanta sit exemplorum potentia. Et si tantum valent quorumlibet hominum exempla ad mouendos aliorum hominum affectus: multo magis valebunt exempla illorum, qui aliqua autoritate, & potestate reliquos præcellunt. Et hinc luce clarius constare poterit iustum esse, vt omnis ab hæreticis auferatur prælationis, & dominij potestas. Timetur enim iuste, ne is, qui præest, subditos suos ad eandem hæresim suo exemplo trahat. Filij parentes suos ferè semper imitari nituntur: & ad illorum exemplum vitam suam frequentissime componunt. Est enim à natura insitum filiis, vt parentes suos ament, & inde euenit, vt quæcunque in parentibus viderint, bona esse censeant. At quod quisque bonum existimat: illud appetit, & illud imitari conatur. Præter hunc mutuum parentum, & filiorum amorem, est adhuc alia, & quidem potissima causa, quæ filios ad parentum suorum imitationem vehementissime impellit. Hæc est assidua parentum, & filiorum mutua conuersatio. Parentes enim suos filij vident, cum comedunt, cum bibunt, cum ludunt, cum iocantur, cum irascuntur, cum subsannant. Vident illorum ingluuies, ebrietates, prodigalitates, tenacitates, fornicationes, adulteria, & cætera id genus vitia. Audiunt illos detrahentes, adulantes, mentientes, iurantes, peierantes, blasphemantes, atque alia multa, quæ virum pudicum non decent loquentes. Raròque contingit, vt rem alicuius momenti parentes domi faciant, aut dicant:

quod filios lateat. Quantum autem nocere possint mali hominum mores, his qui perpetuam cum illis habent consuetudinem, sacra scriptura multis in locis nos apertissime docet. Qui cum sapientibus graditur (ait Salomon) sapiens erit; amicus stultorum similis efficietur. Et iterum; Noli esse amicus homini iracundo, neque ambules cum viro furioso; ne forte discas semitas eius, & summas scâdalum animæ tuæ. Et Ecclesiasticus eleganti similitudine hoc ipsum explicat, dicens: Qui tetigerit picem inquinabitur ab ea; & qui communicauerit superbo, induet superbiā. Denique propheta Regius ait: Cum sancto sanctus eris: & cum peruerso peruerteris. Si conuersatio bonorum proficere potest, conuersatio malorum multo magis obesse poterit, quia sumus omnes natura procliuiiores ad malum, quàm ad bonum. Difficillimū est, ut quis inter malos innocenter conuerteretur. Propter hanc duplicem causam parentes suos, filij magis quàm ceteros homines imitantur: quia illos magis diligunt, & longiorem cum illis habent conuersationem. Faciliusque eorum malos imitantur mores, quàm bonos, qui a natura iam per peccatum quodammodo corrupta fortius impellit ad malum, quàm ad bonum. Et hinc euenit, ut raro contingat patri vitioso filius studiosus, Scio quidem aliquando ita cōtingere: sed hoc rarum est, & albo notatum, ego autem de his, quæ frequenter, & quasi semper eueniunt loquor. Pater si est mercator, filios habeat mercationi deditos: si lusor, filios habet lutores: si fornicator, filios nutrit fornicatores: si idololatra, filios docet idololatriam: si denique hæreticus est, eadem hæresi inficit filios. Hoc manifesta experientia in multis comprobatum est, qui filios suos in eandem traxerunt hæresim, in quam ipsi fuerunt lapsi. Testis est Boëmia, quæ postquam sub Vuenceslao illorum Rege, & Sigismundo Romanorum Imperatore, annis ab hinc plus quàm centum & quadraginta à fide catholica defecit, nunquam ad illam hucusque rediit, non ob aliam causam: nisi quia filij illorum eundem à teneris annis imbibunt errorem, quo parentes suos affectos esse vident. Timeo certe, ut (quod Deus pro sua pietate auertere dignetur) idem eueniat Germaniæ, & Angliæ. Quia si filij eadem hæresi Lutherana à parentibus imbuuntur, qui illi nunc sunt infecti, tarde illæ prouinciæ ad fidem catholicam



**A** licam conuertentur. Adolefcens enim (vt ait Salomō) iuxta viam ſuam etiam cum ſenuerit, non recēdet ab ea. Et egregius poēta dixit:

*Quo ſemel eſt imbuta recens ſeruabit odorem*

*Teſta diu.*

*Prou. 22*

*Orati*

Iuſtum igitur fuit, & neceſſarium, à parentibus hæreticis patriam omnem auferre poteſtatem, & filios ſui iuris ſuiq; arbitrij facere, ne parentes ſua authoritate, ſuòque exemplo filios in eandem hæreſim traherent, & filij, iuris authoritate fulſi, poſſint, ſi velint parentibus reſiſtere, tanquam qui iam ſunt ipſo iure ab illorum poteſtate liberati: Propter hanc cauſam multi Theologi, è quorum numero eſt ſanctus Thomas, docent non eſſe licitum infidelium paruulos inuitis parentibus baptizare: quia talis baptizatio (vt aiūt) venteretur poſtea in contumeliam fidei Chriſtianæ: quia parentes nutritent filios in errore ſuo: qui ſic in pueritia nutriti, nunquam poſtea fidem catholicam, quam in baptiſmo ſuſceperunt, perfecte tenerent. Alij tamen theologi, inter quos recenſetur doct̃or ſubtilis Scotus, qui oppoſitam ſententiam tuentur, propter eandem cauſam cenſent, filios infidelium, qui inuitis parentibus fuiſſent ex imperio principis baptizati, eſſe ſtatim poſt baptiſmum à parentum cura, & poteſtate ſemouendos, ne ſi apud illos manerent, à parentibus ſuis in eundem infidelitatis errorem traherentur, quo illi ſunt infecti. Si iuſtum eſt, vt patriæ poteſtatis dominiū à parentibus hæreticis auferatur, ne ipſi filios ſuos eadem hæreſi inficiant, multo iuſtius eſt, vt aliud quodlibet ciuile, & politicum dominiū ſit ipſo iure à dominis hæreticis ablatum. Nam qui hoc tenent dominiū pluribus nocere poſſunt, quàm qui ſolum dominiū gaudent paterno, eo quòd latius eſt dominiū politicum, aut regale, quàm paternum: & pluribus imperat rex, aut dux, aut Marchio, aut quiuis alius dominus, quàm qui ſolum eſt pater. Deinde plus poteſt rex erga ſubditos, quàm pater erga filios, & hinc euenit, vt ſæpe ſubditi magis conentur regem ſuum imitari, quàm filij parentem. Poſſunt quidem reges eo quòd diuitiis pollent, munerà plurimà dare, & quia tam potentes ſunt, vt nullus ſubditorum illis reſiſtere valeat, poſſunt ſubditos ſuos, cum eis libuerit, variis pœnis affligere. Ex primo oritur apud inferiores homines

spes alicuius muneris recipiendi. Ex secundo oritur in sub-  
 ditis metus principis, ne videlicet circa eos quidquid pœ-  
 narum potest, cum libuerit exerceat. Hæc duo videlicet  
 metus, & spes solent animos hominum in adulationem  
 impellere: quidam enim ut ea, quæ anxie cupiunt, assequi  
 possint: alij, verò ne pœnas, quas vehementer metuunt, in-  
 currant, principibus suis omni ex parte placere procurant.  
 Ea faciunt, & dicunt, quæ sperant principi suo grata esse fu-  
 tura, ea dicere, & facere omittunt, quæ principi displicere  
 intelligunt. *Qui* mollibus vestiuntur (inquit saluator noster)  
 in domibus regum sunt. Nam in domibus Principum sunt  
 adulatores & qui hominibus placere student. Optime igitur,  
 & eleganter Claudianus poëta in lib. iij. de Honorij  
 Augusti consulari dixit.

Mat. 23

Cland.

*Componitur orbis*

*Regis ad exemplum, nec sic inflectere sensus*

*Humanos educta valent, quàm vita regentis*

*Mobile mutatur semper cum principe vulgus.*

Et libro primo de laudibus Stiliconis iterum ait:

*Scilicet in vulgus manant exempla regentum,*

*Vtq; ducum lituos, sic mores castra sequuntur.*

D

Ex his igitur omnibus apertissime colligere licet, quan-  
 tum rex hæreticus possit subditis suis in fide nocere. Illius  
 enim exemplum multos à fidei veritate deflectet: quia pars  
 metu, pars amore illius, aut suarum rerum idem quod ille,  
 asseuerabunt, docebunt, prædicabunt. Cum Magi ab orien-  
 te venissent Hierosolymam quærentes regem Iudæorum, tunc  
 recens natum turbatus est Herodes, & omnis Hierosolyma  
 cum illo. Non est mirum, quod Herodes, qui alienigena,  
 & tyrannus erat, turbetur audito nomine regis, & illum per-  
 dere velit. Ita enim se res habet, ut si quis regnante ipso, al-  
 terum appelleret ibidem regem, mille eum periculis exponat  
 atq; in apertum tradat interitum. At quod Hierosolyma au-  
 dito nomine sui regis, tunc nati turbetur, res est admira-  
 tionis digna: quia magis ob eam rem lætari, & exultare  
 debuisset, quàm turbari: quia sciebat Herodem alienige-  
 nam esse, & nihil de regni iure habentem. Quo fit, ut de  
 electione tyranni, & regis aduentu lætari debuisset. Sed si  
 Claudiani sententiam ad memoriam reuocemus, facile in-  
 telligemus ita fieri oportuisse, ut rege turbato omnis Hie-  
 rosolyma

**A** rosolyma simul cum illo turbaretur. Quia (vt Claudianus dixit) mobile mutatur semper cum principe vulgus. Rege ergo hæretico existente necessario eueniet, vt populus in eandem hæresim trahatur. Quod si facere contempsit, multis tormentis, variisq; cruciatibus ad id faciendum compelleretur. Huius rei plura, quàm vellem, extant manifestissimâ exempla, è quibus aliqua producere decreui, vt quæ diximus illorum testimonio comprobemus. Multi fuerunt in populo Israël reges idololatæ, vt Ieroboam; Baasa, Ela, Zambri, Amri, Achab, & Ochoziâs. His autem regnantibus, populus Idolis sacrificare non destitit; eo quod sequebatur perfidiam regum suorum insaniat. In noua lege, & euangelica multi fuerunt reges hæretici, qui ecclesiam catholicam acerrime vexauerunt, adeo vt illorum causa multi à fide catholica defecerint. Iulianus apostata postquam fidem deseruit, ecclesiam catholicam plusquam quilibet alius rex gentilis est persecutus. Multos fidem negare coegit, multos ad martyrium perduxit. Reges Gothorum eo quod Arriana hæresi erant infecti, magnam ob hanc causam christianorum stragem fecerunt in Italia, & Hispania.

**B** De atroci crudelitate, quam in christianos Vándali exercuerunt in Africa, extat historia duobus libris partita, & à Victore episcopo conscripta. Solum vnum ex Gothis, quod in Hispania contigit exemplum proferam: cuius meminit beatus Grego. lib. iij. dialogorum, cap. xxxj. quod satis esse arbitror ad ostendendum, quantum sit rex hæreticus ecclesiæ catholicæ noxijs. Leonigildus Hispaniarum rex, & à Gothis originem trahens Arriana hæresi cum fuisset infectus, eadem hæresi filios suos, regnūq; suum inficere nitebatur. Ermigildus autem primogenitus eiusdem regis filius, ac proinde solus regni hæres, suadente beato Leandro tunc Hispalensi episcopo, hæresim Arrianam deserens, ad fidem catholicam conuersus est. Quem pater arrianus, vt ad eandem reuocaret, primum blanditijs, & præmijs, deinde minis, & terroribus erga illum egit. Quæ omnia cum non possent animum illum constantissimum à fide catholica, vel tantillum deflectere, iratus pater illum prius hæreditario iure regni priuatum in vincula, & carceres coniecit. Adueniente autem paschatis festo, quo ex more, & ecclesiæ vniuersalis decreto, Christiani sacrum domi-

Grego.

Leonig.

Ermigil.

ni corpus sumere soleat, perfidus pater Arrianum episcopum ad filium misit, ut ex manu illius communionem perciperet, ut per hoc illum sibi pater conciliaret. Sed vir Deo plenus Ermigildus hoc facere recusavit, & episcopo venienti exprobrauit, & magna constantia illum à se duris increpationibus repulit. Hoc cum Arrianus pater audiret, infremuit: statimque paternae pietatis oblitus apparitores suos misit, qui filium suum occiderent, quod & fecerunt. Quid quæso hæreticus contra fideles facere destitisset, qui pro tuenda hæresi Arriana proprio filio non pepercit: sed carnificibus tradidit illum? Qui tam atrociter insectatus est proprium filium, putæne æquiori animo ceteros prosequeretur fideles? Sed opus est, ut ex nostro hoc seculo aliqua proferamus exempla: quoniam hæc magis, quam reliqua, quæ iam præterierunt, animos intuentium mouere poterunt. Cum Martinus Lutherus annos ab hinc triginta suos in Saxonia effundere cepisset errores: statim illi acquieuit Fridericus dux Saxonum, cuius exemplo, & autoritate populus motus in eandem lapsus est hæresim. Idem contigit Lantfranco Hesiæ Philippo. Merito igitur decretum est, ut rex, aut quisvis alius secularis dominus factus hæreticus, ne populis fidelibus sibi subiectis nocere possit, ut ipso iure dominio regni, & qualibet alia seculari potestate priuatus.

*De alia hæreticorum poena, quæ est infamia,  
& de cæteris, quæ ex illa sequuntur.*

## CAP. IX.

**I**Nter alias poenas, quibus ecclesia hæreticos merito puniendos fore decreuit, infamia recensetur, quæ tanto cæteris poenis grauior æstimari debet, quanto fama reliquis omnibus merito antepositur transitorijs bonis. Melius est nomen bonum (inquit Salomon) quàm diuitiæ multæ. Hoc autem bono nomine priuatus est, quisquis hæreticus est, siue occultus ille sit, siue manifestus. Hoc tamen interest inter oculum hæreticum, & manifestum, quod occultus hæreticus sola iuris infamia censetur infamis & non infamia facti: quia eius crimen cum nondum sit manifestum, famam illius tollere non valet. Hæreticus autem manifestus, & infamia facti, & infamia iuris iudicatur infamis. Infamiam facti incurrit quisque per criminis sui manifestationem,



**A** nem, & tanto grauiorem incurrit infamiam, quanto grauius est crimen, quod commisit, & tanto maiorem, aut latiore, quanto peccatum est pluribus manifestum. Non est enim eadem mensura metienda infamiae grauitas, & eius latitudo, siue extensio. Nam si Petrus graue aliquod crimen paucis manifestum committat, & Ioannes leue aliud crimen multis scientibus perpetraverit, infamia Petri grauior censetur: Ioannis vero maior, aut latior. Quo fit, ut infamia facti, quam haereticus ex criminis sui manifestatione incurrit grauissima sit censenda: quia haeresis (ut supra libro primo, capitulo secundo docuimus) inter grauissima recensetur peccata. Infamia iuris est illa, ad quam ex iuris decreto aliquis damnatus est. Sunt enim peccata aliqua, quorum quodlibet, si quis committat, iure ipso censetur infamis, ut qui exercet improbum scenus, exigens vsuras vsurarum. Tertia quaestio. vij. §. Porro. Et qui contrahit simul cum duabus, vel qui simul duas habet spon-  
**B** sas. lege, quid ergo. ff. de his qui notantur infamia. & in cap. Nuper à nobis. extra de bigamis. Et qui locauit operas suas, ut pugnaret cum fera. ff. de postulando. lege prima. §. bestias. Et generali eloquutione quisquis per sententiam iudicis damnatus est de crimine publico, ipso iure censetur esse infamis. Hoc autem vltimum solum censetur verum, quando damnatus est per sententiam diffinitiuam, non autem per sententiam interlocutoriam, & quando damnatus est ab ordinario iudice, & non si damnetur ab arbitrio. l. qui l. ergo. §. Ex compromisso. ff. de his qui notantur infamia. Haeresis autem vtroque iure, & ciuili, & canonico publicum censetur crimen: quia illud iure ciuili publicum dicitur crimen: cuius denunciatio, vel accusatio non solum personae, quae ex crimine illo aliquam passà est iacturam: sed cuilibet ex populo competere potest. Sunt enim aliqua peccata à iure signata, quae propter illorum grauitatem ab omnibus accusari possunt: ne maneant impunita, ut sunt homicidia, parricidia, adulteria, crimen laesae maiestatis. Atque ideo publica dicuntur crimina: quia ad publicam spectat utilitatem, ut talia puniantur: quoniam nisi id fieret, plurima inde reipublicae euenirent incommoda. Nullum est autem haeresis crimine nocentius, & quod  
 2. *Timo. 2*

Paulus de hæreticis loquens, dixit: Sermo eorum, vt cancer  
 serpit. Merito igitur quilibet ex plebe de crimine hæresis **C**  
 accusare potest: ne licentiosa impunitate amplius grassetur,  
 & totam suo veneno inficiat rempublicam. Ea enim,  
 quæ in religionum diuinam committuntur, omnium respi-  
 ciunt iniuriam. l. Manichæos. C. de hæreticis. Quæ autem  
 omnibus inferunt iniuriam: ab omnibus accusari possunt.  
 Quo fit, vt crimen hæresis ab omnibus possit accusari, &  
 inde sequitur, vt iuxta iuris ciuilis regulas, & præcepta, inter  
 publica crimina sit recensendum. Iure autem canonico id  
 multo apertius ostenditur: quia secundum ius canonicum,  
 omne crimē dicitur publicum: quoniam ad publicam spe-  
 ctat vtilitatem, vt nullum crimen sit impunitum, vt pater-  
 per c. crimina. de collus. dete. iuncta glossa. Vnde consequens  
 est, vt quisquis ab ecclesiastico iudice de crimine aliquo est  
 damnatus, sit eo ipso infamis, ac si damnaretur de crimine  
 publico. Quod vt notat Angelus de Aretio. Instit. de sus-  
 pect. tut. §. suspectus, eo solo casu est verum, quando talis  
 damnaretur propter dolum, non propter culpam. Quisquis  
 ergo de hæresi damnatus est, vtroque iure censetur infam-  
 is, & tanto magis quanto hæresis cæteris peccatis est pe- **D**  
 ius. Sed dubium est, an hæreticus antequam de crimine  
 hæresis à iudice damnetur, sit ipso iure infamis, an requi-  
 ratur, quod sit prius de crimine hæresis damnatus, ad hoc,  
 vt infamiam iuris incurrat. Et forte alicui videbitur hæ-  
 reticum ante damnationem non esse dicendum infamem:  
 quia regulare esse dicitur in criminibus publicis, quod  
 nunquam in illis incurritur iuris infamia: nisi post iudicis  
 ordinarij sententiam diffinitiuam. l. prima. ff. de his qui  
 notantur infamia. & notat Dinus in regula, infamibus. &  
 Panor. in cap. Testamentum. de testibus. & in cap. exceptio-  
 nem. de exceptionibus. Sed his non obstantibus mihi vide-  
 tur dicendum hæreticum ante damnationem esse ipso iure  
 infamem. Ad quod dicendum aliquibus persuadeor ratio-  
 nibus. Primo quidem inde moueor, quod credentes hære-  
 ticorum, & eorum receptatores, qui propter hoc excommu-  
 nicati, satisfactionem congruam infra annum reddere ne-  
 glexerunt, velut hæretici reputantur, vt patet in capitulo  
 Contumaciam. de hæreticis. libro vj. Inter cæteras autem  
 pœnas, quibus huiusmodi credentes, & receptatores hære-  
 tiorum

**A** tiorum à iure puniuntur: vna est, quòd ipso iure sunt infames, vt patet in cap. Excommunicamus. §. credētes. extra de hæretic. Quibus verbis aperte insinuat hæreticum omnem esse ipso iure infamem. Præterea, propter vnum quodq; tale (vt ait Aristoteles) & illud magis: ergo si credentes, & receptatores hæreticorum sunt propter hæreticos ipso iure infames, oportet, vt hæretici ipsi, propter quos est illis hæc pœna inflicta, sint etiā ipso iure infames. Rursum omnia, quæ conueniunt his qui sunt ipso iure infames (vt ex sequentibus patebit conueniunt etiam hæreticis. Consequens est igitur, vt hæretici censeantur ipso iure infames. Nec opus est declaratione aliqua, aut criminis condemnatione: sed eo ipso, quòd facti sunt hæretici, iuris infamiam incurrunt. Quemadmodum supra diximus de dominio bonorum omnium, quod à die commissi criminis absque aliqua alia damnatione, aut declaratione, hæreticum amisisse ostendimus. Et iustum quidem erat, vt talem infamiam ipso iure incurrerent hæretici: quoniam hæresis crimen multo grauius est omnibus illis, quæ supra recensuimus, propter quorū quodlibet ipso iure incurritur infamia:

**B** ergo multo iustius erat, vt propter hæresim iuris infamia incurreretur, quàm propter reliqua omnia. Quod autem dicitur regulare esse in criminibus publicis, vt nunquam propter illa incurratur infamia: nisi post iudicis ordinarij sententiam: quanquam veritatem habeat in reliquis omnibus criminibus, fallit tamen in illis, quæ sunt à iure notata, quæ si quis commiserit, est ipso iure infamis. Ex istorum numero (vt diximus) est crimen hæresis. Quo fit, vt hæreticos etiam ante condemnationem sit ipso iure infamis. Hæc pœna non solum ipsos hæreticos: sed etiam illorum filios punit, ita vt parentū hæreticorum filij quamuis fideles ipso iure censeantur infames. Et merito quidem hanc pœnam ad filios vsque extendendam esse definitum est. Quia sicut gloria, & nobilitate parentum gaudent filij, ita iustum erat, vt econtrario parentum ignobilitatem, dedecus, & infamiam in se ipsis sentirent. Gloria filiorum (inquit Salomon) parentes eorum. Nam qui à parentibus bonis genitus est, naturalem quandam inclinationem ad bonum, vt in plurimum ab ipsis parentibus suscipit. Quoniam ab illis corporis complexionem deducit, quæ si bo

- si bona est: non paruum est ad virtutem adiutorium, & incitamentum. Vnde Aristoteles libro primo Politicorum, capitu. iij. ait: Vt ex hominibus hominem, ex bestiis bestiam: sic ex bonis bonum generari: sed natura quidem hoc vult, attamen plerunque non potest. Hæc Aristoteles. Præter illam inclinationem, quam à parentibus suscipiunt filij, inest etiam ipsis filiis naturalis quædam parentum suorum imitatio, quæ multis magnum est, semperque fuit virtutis adiumentum. Nam iuvenes, qui aliquid indolis habent, ne degenerare videantur: solent maiorum suorum dignitatem æmulari, & ad paternarum laudum aspirare felicitatem. Sic Philippi nomen Alexandrum, sic maioris Africani gloria minorem Scipionem: sic Iulij Cæsaris fama Octavianum excitauit. Sic denique fuit Pyrrhus Archilleides animosus imagine patris. Hinc suspitio oritur de filiis, vt tales illi sint, aut saltem futuri sint, quales parentes eorum fuere. Et hæc est illa filiorum gloria, quæ ex parentum nobilitate, & virtute oritur, vt bonus, & studiosus ille credatur: quia bonorum est filius. Pro hac sententia est, quod Aristoteles loco præfato ait: Helenam apud Theodectum in sui laudem dixisse. Ex diis (inquit illa) ab vtraque stirpe progeneratam, quisquam appellabit seruam? D
- Rom. 11* Et beatus Paulus in ea, quæ est ad Romanos epistola ait: Si radix sancta, & Rami: Sic ex Abraham ortus est Isaac, & ab hoc genitus est Iacob, ex Thobia Seniore prodiit Thobia Senior: prodiit Thobias Iunior æque bonus, & sanctus, ac pater. Ad eundem modum de malis sentiendum est: quoniam ex prauis parentibus procedunt ferme semper filij peruersi, paternæ iniquitatis imitatores, quemadmodum ex Cicutâ oritur fructus virulentus, aut ex sentina aliqua defluit aqua putrida, & sordida. Et hoc ipsum
- Sapient. 4* Salominis testimonio comprobatur, qui in libro sapientiæ ait: Ex iniquis enim omnes filij, qui nascuntur, testes sunt nequitie aduersus patres in interrogatione sua. Tam
- Adag.* vera semper reputata est hæc sententia, vt veteri adagio celebretur, quod ait: Mali corui malum ouum. Non sunt tamen hæc omnia tam constanti, & inuariata lege firmata, vt contrarium euenire non possit. Nam aliquando accidit, vt ex bonis parentibus mali procedant filij, tanquam pestilens fructus ex arbore bona, aut aqua amarulenta de dulci.



**A** dulci fonte profluens. Sic ex Adam ortus est Caim: Ex Noe Cham: Ex Isaac natus est Esau. Et (vt ad prophanas veniamus historias) Scipionis Aphricani filius (vt de illo refert Valerius Maximus) vecors, & ignauus fuit. Quinti Fabij Maximi Imperatoris clarissimi filius tam perditam luxuria vitam (eodem Valerio referente) egit, vt bonis omnibus paternis sit illi ab Urbano Prætorè interdictum. Econtrario ex malis parentibus etiam aliquando oriuntur boni, & virtutis studiosi filij, quemadmodum Rosæ de spinis. Nam ex Achaz pessimo Rege & idololatra (vt Regum narrat historia) natus est fidelis, & sanctus Rex Ezechias. Et Iosias ille Rex sanctus, qui tulit abominaciones impietatis, cuius memoria (vt inquit Ecclesiastic.) quasi mel indulcabitur, filius fuit impij, & idololatræ Regis Amon. Sed hæc rara sunt exempla, quod vero frequenter, & quasi semper euenit, est malos ex malis parentibus generari, & bonos ex bonis. Huius rei tam multa, & tam aperta sunt exempla, vt non sit opus recensere. Causam vero huius si quis nosse cupit, illi libenter offerimus. Certum est varias animorum inclinationes, ex variis

**B** corporis complexionibus oriri. Nam qui cholera abundat, facile irascitur, facileque remittit. In quo pituita viget somnolentiam, & pigritiam patitur. Qui sanguine pollet, lætis gaudet, & ad omnes carnis delicias est facile procliuius. Qui bilem atram, aut melancholiam plus satis habet, tarde irascitur, tardèque remittit, læta ferè omnia fugit, tristibus delectatur, solitudines quærit, frequentias hominum deserit. Corporis complexionibus, & qualitates tam variæ, ex variis parentum complexionibus ferè semper oriuntur. Quoniam ex semine à parentibus in actu generationis decisso, filij corpus coagulatur, & coalescit, & deinde ex sanguine matris paulatim formatur, & nutritur, & sic simul cum corpore, corporis inclinationes à parentibus recipit. Hanc sententiam duobus versiculis eleganter complexus est Baptista Mantuanus, sic inquit:

*Qui viret in folijs, venit à radicibus humor,  
Et patrum in natos abeunt cum semine mores.*

Et hæc est infamia, quam filij à parentibus iure cōtrahunt. Præsumit enim ius, & merito, filios tales esse futuros, quales eorum parentes fuisse experientia compertum est. Nam

4 Reg. 16

Eccl. 49

Baptist.  
Mantu.

in

in cap. si quis. vj. quæst. j. dicitur quòd in filiis paterni, hoc C  
 est, hæreditarij criminis exempla metuuntur. Iuste igitur  
 hæreticorum filij censentur infames: quia merito de illis  
 suspicandum est, vt (nisi aliunde adiuuentur) in eum, quo  
 parentes infecti fuere, labantur errorem. Hanc tamen iuris  
 infamiam non sustinebunt filij eorum hæreticorum, qui ab  
 hæresi resipiscentes, ad fidem catholicam redierūt, & eccle-  
 siæ vnitati adhæserunt cap. statutum. ij. de hæret. lib. vj. Ex  
 hac iuris infamia, veluti ex radice quadā, aliæ poenæ oriun-  
 tur. Hæreticus non potest esse testis, vt patet in cap. j. extra  
 de hæreticis. & capit. ipsa pietas. xxij. quæst. iij. Et merito  
 repellitur hæreticus à testimonio perhibendo: quia inter  
 multa, quæ in teste requiruntur, est fama, cap. testamētum.  
 extra de test. & attest. & cap. præterea, de testibus cogendis.  
*Isidorus.* Et Isidorus in lib. Etymologiarum de testis qualitate lo-  
 quens, ait: Si vita bona defuerit, fide carebit. Non enim po-  
 test iustitia cum scelerato homine habere commercium.  
 Hæc ille. Et habētur hæc verba in cap. Forus. extra de verb.  
 significa. Deinde (vt dicitur de regulis iuris. lib. vj.) semel  
 malus semper præsumitur malus: præsertim eodem genere  
 mali. Hæreticus igitur, qui falsum dedit de fide catholica D  
 testamentum: iuste præsumitur de qualibet alia re falsum  
 daturus testimonium. ij. quæst. vij. cap. Non potest. Præter-  
*Eccl. 34* ea sapiens Ecclesiasticus ait: A mendace quid verum dice-  
 tur? Quibus verbis satis aperte sapiens docet non esse red-  
 dendam homini mendaci finem. Non est ergo præbenda  
 fides hæretico: quia semel in graui, perniciosoque menda-  
 cio est deprehensus, & inde consequens est, vt non sit acci-  
 piendus in testem. Hoc tamen non absolute, & vniuersali-  
 ter accipiendum est: quia inde excipienda est causa hæresis,  
 in qua hæreticus contra hæreticum potest reddere testimo-  
 nium. cap. in fidei fauorem. de hæreticis. libro vj. & secunda  
 quæstione septima, capite, si hæreticus. Nam regula illa, qua  
 docetur socios criminis nō esse in testes admittendos, sicut  
 fallit in crimine læsæ maiestatis, & simoniæ: ita etiam fal-  
 lit in crimine hæresis. Hæreticus igitur contra hæreticum  
 testificari potest: non tamen contra fidelem. Ex quo infe-  
 ro, quod hæretico semiplenè probanti contra catholicum  
 Christianum non deferetur iuramentum in supplementum  
 semiplenæ probationis: quamuis oppositum sit lege statu-  
 tum.

**A** tum. Nam lege præcipitur, vt semiplene probanti deferatur iuramentum necessarium in supplementum probationis. l. Admonendi. ff. de iureiurando. l. in bonæ fidei. C. de rebus creditis. & cap. super eod. extra de his, quæ vi, metûsue causâ fiunt. Tale autem iuramentû non est concedendum hæretico semiplene probanti cõtra Christianû: quia tale iuramentum supplet locum cuiusdam testimonij. Hæreticus autem cum à testimonio reddendo sit iure repulsus, cõsequens est, vt iuramentum non sit illi deferendum ad supplementum semiplenæ probationis. Præterea antequam iuramentû alicui deferatur ad supplendam semiplenâ probationē, inspicienda prius est personæ qualitas, & anxie examinanda, vt scilicet vir bonus ille sit verax, fidelis, timens Deû, qui pro magno aliquo pretio peierare nõ auderet. Quæ omnia cum longe absint ab hæretico, consequens est, vt non sit illi deferendum iuramentû ad supplementum semiplenæ probationis. Eadem etiâ ratione hæreticus catholicum accusare non potest. ij. quæst. vij. cap. alieni. & capit. Pagani. Qui alterius crimina iuste accusare, aut reprehendere voluerit, oportet, vt ab eisdem criminibus ipse sit alienus. iij. quæst. vij. capit. qui sine. & capi. Postulatus. Et hoc ipsum egregius poeta eleganter docuit, sic inquires:

*Loripedem rectus derideat Aethiopem albus.*

*Iuuen.*

Altera est adhuc hæreticorum pœna, quæ etiam ex prædicta iuris infamia deducitur, & est priuatio cuiuscunque dignitatis, & officij publici, & cuiuscunque beneficij ecclesiastici, & indignitas, & inhabilitas, ad aliquid horum in posterum suscipiendum. Circa hæc tamen oportet admonere lectorem, quòd hæc duo videlicet, priuatio susceptorum, & indignitas ad suscipienda, non sunt æqua lance pensanda. Nam priuationem officij, aut beneficij suscepti, non incurrunt ipso iure hæretici: sed solum postquam ad illam priuationem fuerint à iudice condemnati. Nam verba, quæ habentur in cap. ad abolendam. §. præsent. extra de hæreticis. non exprimunt sententiam à iure latam: sed sententiam à iudice ferendam, sic enim ibidem dicitur. Totius ecclesiastici ordinis prærogatiua nudetur, si dixisset, sit ipso facto, aut ipso iure nudatus, sententiam expressisset latam. Dicens autem: Totius ecclesiastici ordinis prærogatiua nudetur, aperte expressit sententiâ à iudice ferendam. Et in cap.

Excomm

Excommunicamus. §. credentes. verba eiusdem notæ ponuntur, quæ ferendam exprimunt sententiâ. & non latam. C  
 Quo fit, vt hæreticus presbyter antequam per ecclesiasticum iudicem sit ecclesiastici ordinis prærogatiua nudatus, & per Episcopum degradatus, non possit propter crimen hæresis, aut propter quoduis aliud crimē à seculari potestate puniri. Et si quis iudex secularis ante huiusmodi prærogatiuæ denudationem in talem presbyterum hæreticum per se, aut per alium manus iniiceret violentas, incideret in sententiam canonis, si quis suadente diabolo. Quia ille talis quamuis hæreticus, gaudet ecclesiastici ordinis priuilegiis, quousque per sententiam competentis iudicis ecclesiastici sit illis priuatus. Sequitur etiâ inde hæreticum, qui aliquod officium publicum habet, antequam officio spoliatur, facere fructus, qui ex tali officio proueniunt suos, qui statim in ius, & potestatem fisci succedunt. Huius corollarij pars prima inde est manifesta, quod hæreticus ille adhuc retinet officium, & habet in illo veram, & plenam possessionem, & per consequens habet etiam ius ad fructus percipiendos. Tale enim ius ad fructus recipiendos oritur ex possessione officij, ergo cum nullo alio iure sit impeditus, D  
 ne tales fructus percipere possit. Sequitur inde necessario, vt officio retento, retineat etiam fructuum receptionem quæ ex tali officij possessione oritur. Nam concessio principali, conceditur quidquid ex illo pendet: nisi sit aliunde sublatum. Hoc autem non eueniret, si hæreticus esset ipso iure omni officio priuatus. Tunc enim fructus officij acquirere non posset: quia nullum ius ad illos fructus percipiendos haberet. Alteram corollarij partem probō, quia hæreticus ipso iure priuatus est dominio omnium bonorum suorum, & in eius locum subrogatus est fiscus, cap. cum secundum leges. de hæret. lib. vj. Et inde sequitur, vt fructus, quos hæreticus acquirit, eo ipso quod sunt ab eo acquisiti, transeant in ius, & potestatem fisci. Potest etiam aliter dici, quod hæreticus licet non sit ipso iure officio & dignitate priuatus, est tamen ipso iure priuatus iure percipiendi fructus, qui ex tali officio proueniunt, & ius illud succedit fisco, sicut cætera bona. Et iuxta hunc modum dicendi, hæreticus quamuis officium retineat, non faceret fructus suos: sed fiscus ratione iuris, quod sibi propter hæreticū competit,



**A** tit, eos acquireret sibi. Et forte hoc vltimum est magis iuri consonum, propterea quòd in cap. *fin.* extra de hæreticis. dicitur esse absolutos ab omni debito domini, fidelitatis, & obsequij, qui hæreticis erant quomodolibet obligati. Et inde consequens est, vt qui hæretico ratione alicuius officij publici, aut dignitatis aliquos redditus debebat, sit absolutus à tali debito reddendo, & ita hæreticus non habebit ius ad tales redditus exigendos, & per consequens nunquam faciet fructus suos: quamuis officium, aut dignitatem retineat. Hæreticus igitur licet non sit ipso iure priuatus officio, aut dignitate: est tamen ipso iure priuatus, iure exigendi fructus, aut redditus, qui sibi ratione officij, aut dignitatis competere poterāt, & ius illius succedit fisco, donec hæreticus sit officio illo, aut dignitate priuatus. Alia pœna, quæ est indignitas, aut inhabilitas ad officia publica, aut ecclesiastica beneficia recipienda, duriore, & acerbior constringitur lege. Nam vt hanc pœnam incurrat hæreticus, non est opus aliqua iudicis sententia, quæ illum censeat indignum, aut inhabilem: sed postquam factus est hæreticus ipso iure censetur inhabilis, & indignus ad talia officia publica, aut ecclesiastica beneficia recipienda. Hoc apertissime docetur in cap. *Quicumque.* §. *hæretici.* de hæreticis, lib. vj. Ibi enim decernit Papa, vt si secus actum fuerit, sit irritum & inane, Nec solum ille indignus & inhabilis est: sed etiam omnis vir ecclesiasticus, qui ad preces hæretici, vel fautoris dignitatès, personatus, & quæcunque alia ecclesiastica beneficia est adeptus, est illis omnibus ipso iure priuatus & indignus, & inhabilis factus ad alia in posterum recipienda. Quæ pœna solos illos respicit, qui sciuerunt talia beneficia ad hæretici preces sibi conferri. Nam qui ignorauit beneficium sibi ad preces hæretici esse collatum, licet sit ipso iure tali beneficio priuatus, non tamen ad alia in posterum recipienda censetur inhabilis. Quæ omnia aperte docentur in cap. *quicumque.* §. *ad hæc.* de hæreticis, lib. vj. Hæc pœna indignitatis, & inhabilitatis non in solis parentibus sistit: sed ad filios vsque protenditur, & aliquando latius euagata etiam in nepotes grassatur. Quæ diuersitas ex solo parentum discrimine oritur: quia si pater est hæreticus, indignitatem, & inhabilitatem suam ad filios suos, & ad nepotes vsque mittit. Si vero sola mater

est hæretica solis filiis, & non nepotibus inhabilitatem impingit. Et si pater aut mater postquam alter eorum fuit factus hæreticus, deinde poenituit, & hæresim deserens ecclesiæ vnitati se firmiter coniunxit, neque nepotes, neque filij vlllo pacto censentur ad ecclesiastica beneficia indigni, aut inhabiles. Hæc omnia habentur in capite statutum ij. de hæreticis, lib. vj.

*An iniustum sit, vt propter hæresim patris filius Catholicus puniatur.* C A P. X.

**M**ulti sunt qui iniustum, & plus satis acerbum esse putant, vt hæreticorum filij catholici, propter suorum parentum hæresim, eisdem quibus illorum parentes poenis puniantur, ita vt sint infames quemadmodum illi inhabiles ad officia, aut beneficia recipienda perinde ac illi, bonis omnibus paternis quæ sibi hæreditario iure conuerire poterât, priuati vt illi. Vidi enim ego multos in Flandria, cum illic ante annos decem versarer, qui licet iustum esse censabant hæreticos puniri, male tamen illos habebat parentum hæreticorum poenas ad filios eorum esse protensas, accusabantque eam hæreticorum punitionem, quæ canonico & ciuili iure præcipitur: & Hispaniam impetebât, propterea quòd audierant omnia iura, quæ à summis Pontificibus, aut à Cæsaribus sunt contra hæreticos statuta, ad vnum vsque in Hispania obseruari, & in me tanquam in iuris propugnatorē vehementer inuehebant. Dicebant enim indignum esse, vt quis sine culpa puniatur, cum Deus (vt aiebant) neminem poena aliqua citra culpam afficiat. Et hoc ipsum testimonio confirmabant Augustini dicentis: Non prius Deus est ultor, quàm aliquis sit peccator. Deinde ad suæ sententiæ robur addebant illud, quod Deus per Ezechielem prophetam loquutus est, sic dicens: Anima, quæ peccauerit, ipsa morietur, filius non portabit iniquitatem patris: & pater non portabit iniquitatem filij: iustitia iusti super eum erit, & impietas impij super eum. Quibus verbis aperte (vt dicebant) nos docet Deus neminem pro peccato alieno puniendum: sed vnumquemque pro suo. His ergo rationibus, quæ sibi videbantur tanquam nodus Herculeus indissolubiles illi moti dicebant, iniustum esse, vt hæreti

*August.*

*Exe. 18*

**A** hæreticorum filij pro parentum iniquitate puniantur. Sed certe illi, & quotquot alij ita sentiunt, tota aberrant via, & suam magis, quàm catholicæ fidei causam agere videntur. Istorum error inde conuincitur, quod sic sentiētes non solum iura & decreta humana: sed etiam Deum accusare, & criminari videntur, qui sæpe filios pro peccatis parentum punit, ipsomet testante, qui ait: Ego sum Dominus *Exo. 20* Deus tuus fortis zelotes, visitans iniquitatem patrum in filios in tertiam & quartam generationem eorum qui oderunt me. Visitans dixit: pro eo quod est, puniens, aut verberans, aut castigans. Nam cum aliquot horum erga nos in hac vita existentes pro nostris peccatis Dominus facit: tūc nostras visitare dicitur iniquitates. Sic enim ipsemet per David prophetam ait: Si iustitias meas prophanauerint, *Psal. 88* & mandata mea non custodierint, visitabo in virga iniquitates eorum, & in verberibus peccata eorum. Iuxta hūc modum visitare se dicit Dominus iniquitatem patrum in filios in tertiam & quartam generationem: quia pro iniquitate parentum, Deus punit filios vsque ad tertiam & quartam generationem. Filij enim res quædam sunt ad parentes spectantes, & quæ inter omnes res externas magis ipsos parentes contingunt, & propius ad ipsos accedunt. Et hic euenit, vt illorum morbos ægre ferant, perinde ac suos, de illorum aduersitate doleant, vt de sua, de illorum morte vehementius lugeant, quàm de cuiuslibet suppellectilis amissione. Deinde filij sunt sub dominio, & potestate parentum constituti, & sunt quasi quædam parentum possessio. Vnde sequitur, vt quemadmodum infirmitas, & mors serui cedit in damnum domini, cuius est seruus: ita etiam afflictio filij in damnum cedat ipsius patris: potest enim pater operis filij vri, & illas locare, quemadmodum serui. Et inde necessario sequitur, vt filio, aut mortuo, aut ægrotante damnum patitur pater, & sic in morte, aut ægritudine filij pater puniatur, perinde ac puniretur in morbo, aut morte serui. Cum ergo Deus filiis morbos, vulnera, famem, iniurias, aut quoduis aliud aduersum immittit, non tam illos, quàm illorum parentes in ipsis punit. Sic punitus est David in morte filij ex adulterio nati, *1. Reg. 12* vt in illo dolorem, & pœnam sentiret, quem ex illicito coitu, & damnato genuerat. Puer enim non est punitus: sed



potius Deo miserante ante vsum rationis raptus est, ne malitia mutaret animam illius. Mors ergo pueri quatenus ipsum respicit puerum, non punitio fuit: sed opus misericordiae; quatenus vero ad ipsum David illius parentē spectat, opus fuit punitiois, & vindictae, per quam in eo, quod *Genes. 19* peccauerat, ille punitus est. Sic etiam paruulos Sodomae sine vilo peccato proprio simul cum parentibus suis igne *Num. 17* consumptos, & paruulos cum Dathan & Abiron sine proprio peccato viuos à terra deglutitos dominus non puniuit: sed potius illorum misertus est, cum illos innocentes ex hac vita migrare compulit: ne si in illa diutius perstitissent, paternarum iniquitatum fuissent imitatores effecti, & sic grauiores postea poenas sustinerent. Aliquādo etiam filios prouectae ætatis Deus pro parentum peccatis affligit, per quam afflictionem non filios: sed ipsos parentes punit. Filiis quidem talis afflictio cedit in bonum: quia per illam cautiōres fiunt ad futura peccata cauenda, & eorum virtus, & meritum per illam si patienter feratur, crescit. Quo fit, vt licet talis afflictio sit illis grauis, & acerba, nunquam tamen respectu illorum poena dicetur, neque punitio, secundum quod poena, aut punitio dicit ordinē, & respectum ad culpam. Parentibus tamen comparata talis filiorum afflictio poena dicetur: quoniam pro ipsorum parentum peccato est filiis inflicta, in quibus simul etiam parentes affliguntur. Hinc est, quod peccante Cham peccato irreuerentiae in patrem, filio ipsius Cham videlicet Chanaan maledixit Noë sic dicens, maledictus Chanaā seruus seruorum erit fratribus suis, Chanaam puero filio Cham maledixit Noë, vt per illam maledictionem grauius affligeret, & puniret Cham, cum ille videret non solum se: sed etiā filium suum à patre maledici. Et iuxta hunc modum non solum filios: sed etiam nepotes, & deinceps vsque ad quartam generationem domipus pro peccatis parentum affligit, vt in illis puniat auum illorum, siue proauum, siue tritauum. *Exo. 20* Visitans (inquit Deus) iniquitatem patrum in filios vsque in tertiam & quartam generationem. Non dixit vltra quartam generationem: quia vita parentum raro adeo protenditur, vt post quartam, aliam ex se illi videant generationem, per cuius afflictionem possint ipsi puniri. Nam quia afflictio filiorum pro peccatis parentum, infer-



**A**tur à Deo ad ipsorum parentum punitionem : ideo congruum est, & necessarium, vt in solis illis filiis, sine generationibus fiat, quas videre potest ipse peccans. Nicolaus I. yranus super Exodum hanc diuinæ ultionis sententiam interpretans, datâ prius hac, quàm nunc retulimus expositione, aliam postea subiungit, sic inquit: Alio modo intelligitur de pœnâ æterna, quæ insigitur filio pro iniquitatē patris, in quantum est imitator paterni sceleris: ideo subditur, Vsq̃ue ad tertiam & quartam generationem. Quia sicut dictum est, aliquando mali homines vident filios suos vsq̃ue ad tot generationes, & sic informant eos suis malis exemplis; vel illi imitantur, quod vident in patribus. Hæc ille. Et eandem sententiam videtur innuere sanctus Thomas in Secunda secundæ quæstio. cxiij. articuli. iij. in responsione ad primum principale argumentum, vbi enumerans rationes, propter quas vnus pro peccato alterius potest temporaliter puniri, sic ait: Alio modo in quantum peccatum vnus deriuatur in alterum, vel per imitationē, sicut filij imitantur peccata parentum, & serui peccata dominorum, vt audacius peccent. Vel per modum meriti: sicut peccata subditorum merentur peccatorem prælatum, secundum illud Iob xxxiiij. Qui regnare facit hominem hypoëritam propter peccata populi, Vnde & pro peccato Dauid populum numerantis populus Israël punitus est, vt habetur ij. Regum vlt. Siue etiam per aliqualem conserisum, seu dissimulationem: sicut etiam interdum boni simul puniuntur in temporalibus: quia eorum peccata non redarguerunt, vt August. dicit in primo de Ciuitate Dei. Hactenus sanctus Thomas loco supra citato. Sed salua reuerentiâ, quæ tantis viris debetur, mihi illorum sententiâ non placet, nec placere poterit alicui rem bene consideranti: nisi forte ille affectu potius, quàm ratione ducatur. Filius siquidem paternæ iniquitatis imitator, si pro hac imitatione punitur à Deo, non pro peccato patris punitur, sed pro suo: quia talis imitatio peccatum proprium est filij. Hoc autem filij peccatum quamuis non fuisset ad patris imitationem factum, nihilominus puniretur à Deo in ipso filio illius perpetratore: ergo quâdo fuerit ad patris exemplum commissum, etiâ erit puniendû in ipso filio. Per hoc enim, quod filius patris exemplo facinus aliquod perpetravit,

*Nicol. de  
Lyra*

non tollitur ab eo tota facinoris culpa : quamvis quodam **C**  
modo minuatur. Consequens igitur est , vt si Deus filium  
aliquem propter paternæ iniquitatis imitationem puniat,  
pro peccato proprio illum punire dicatur , & non pro pa-  
terno : quia talis imitatio ( vt diximus ) proprium est filij  
peccatum. Non conuenit ergo talis interpretatio literæ  
textus ex lib. Exodi supra citati, quæ ait: Visitans iniquita-  
tem patrū in filios, in tertiam, & quartam generationem.  
Tunc enim (vt ostensum est) non visitat Deus iniquitatem  
patrum : sed iniquitatem filiorum in ipsismet filiis. Præter  
ea si iuxta illum modum Deus punit peccata parentum in  
filiis, non solum vsque ad tertiam , & quartam generatio-  
nem debet punire : sed in mille : quia quotquot patris ini-  
quitate fuerint imitati punientur à Deo, etiam si vsq; ad  
mille generationes illa paternæ iniquitatis imitatio pro-  
grederetur. Constat enim quòd sæpe vltra quartā & quin-  
tam generationem filij sunt paternarum iniquitatum imi-  
tatores : quia sola fama, & aliorum relatu sciunt parentes  
suos , & auos , proauos , & tritauos , & alios superiores ita  
fecisse. Pater quidem aut verbo , aut malo exemplo male  
instruit filium suum, & iste hanc malam, quam à patre ac- **D**  
cepit doctrinam , ad eundem modum tradit filio suo , &  
iste alteri , & sic deinceps vsque ad multas generationes.  
Peccata autem ista semper vocari solent peccata illius pri-  
mi, qui talia egit , vt facile est videre in tertio , & quarto  
libro Regum , quibus locis cum describuntur gesta Re-  
gum Israël, de multis malis Regibus idololatriæ dicitur.  
Et nō declinauit à vita Ieroboam filij Nabath patris sui,  
qui peccare fecit Israël. Qui successionis ordo vltra deci-  
mam Ieroboam generationem , nedum vltra quartam  
protenusus est. Forte aliquis cupiens Nicolao Lyrano pa-  
trocinari : dicet terminum punitionis filiorum pro pecca-  
to parentum, non esse à Deo limitatum vsque ad quartam  
generationē: sic vt vltra nunquam progrediatur talis puni-  
tio: quia ibidem non est dictum, quòd visitet Deus iniqui-  
tatem patrum in filios in tertiam, & quartam generatio-  
nem præcise. Quo fit, vt licet vltra decimam, & vigesimam  
generationem extendatur imitatio paternæ iniquitatis,  
possit omnis talis (iuxta Dei sententiā) pro peccato patris  
puniri. Hanc expositionem aperte expugnant ea quæ in ea-  
dem

**A** dem litera textus continuo sequuntur. Nā quòd postquam dixit: Ego sum dominus Deus tuus fortis zelotes, visitans iniquitatem patrum in filios, in tertiam, & quartam generationem eorum qui oderunt me, statim subdit: Et faciens misericordiam in milia, his qui diligunt me, & custodiunt praecepta mea. Per quæ verba aperte satis docuit latissimā esse differentiam inter punitionem malorum, & præmium bonorum. Quia peccata parentum punit in filiis vsque in tertiam, & quartam generationem. Virtutes autē patrum & bona illorū gesta remunerat in filiis vsque in mille generationes, hoc est, in valde multas. Hoc enim significauit per illa verba. Et faciens misericordiam in milia his, qui diligunt me, & custodiunt praecepta mea. Deus siquidē, quia promior est ad parcendum, quā ad puniendū, ideo breuiorem facit punitionem malorum parentum: quia filios pro paterna iniquitate non vltra quartam generationē punit. Bonis vero parentum operibus, multo longiora præbet munera: quia filios pro parentum virtutibus post multas generationes beat, & muneribus variis donat. At si Deus visitat iniquitatem patrum in filios, non solum in tertiam, & quartam generationem: sed etiam in mille, nulla iam esset differentia inter punitionem malorum, & remunerationem bonorū, cum etiam illa (iuxta Lyræ expositionem) debeat in mille, & innumeras extendi generationes sicut ista. Rursum sicut lege diuina docemur neminē pro bono alterius esse saluandum, ita etiā instruimur neminem pro peccato alterius esse perpetuo damnandū. Nam Paulus de omnium siue malorū, siue bonorū retributione loquens ait: Reddet unicuique secundum opera eius. Non ergo secundum opera parentum. Et iterum: Vnusquisque nostrum pro se rationem reddet Deo. Vide quid dicit pro se. Filius ergo non reddet rationem Deo pro parentibus suis. Et sapiens ait: Per quæ peccat quis, per hæc & torquetur. Vnde sequitur, ut filius non sit torquendus in æternum per ea, quæ parentes eorum peccauerunt. Hæc igitur Nicolai Lyrani sententia: qua dicit pœnam æternam infligi filio pro iniquitate patris, in quantum ille est paterni sceleris imitator, nō est vlllo pacto toleranda: sed quæ male, aut saltem minus caute super Exodum locutus fuerat, correxit super decimum octauum caput Ezechielis prophetæ, dicens filium puniri.

Roma. 2

Roma. 14

Sap. 11

Nicol.  
de Lyr.

pœna spiritali, & æterna pro peccato patris occasionaliter  
quia peccatum patris præbuit filio occasionem peccati, pro  
quo filius tandem punitus. Nam in illo loco Nicolaus Ly-  
ranus hæc, quæ sequuntur ait: Sciendum tamen quod filij  
parentum malorum frequenter imitatores sunt paternorū  
scelerum, eo quod sunt inter eos nutriti, & facta parentum  
habent in auctoritate maiori, & sic frequenter puniuntur  
etiam corporaliter, & spiritaliter pro peccato parentum,  
occasionaliter tamen in quantum accipiunt ab eis exem-  
plum: sed pro peccatis propriis simpliciter. Hæc ille. In qui-  
bus verbis, aut quod super Exodū male dixerat, correxit,  
aut quod illis obscuri dixerat, hic clare exposuit. Beatus  
Thomas cautius locutus est: & ideo verba illius non tanta  
indigēt excusatione, aut interpretatione. Nam vir sanctus  
loco supracitato aperte fatetur neminem pro peccato alte-  
rius esse pœna spiritali puniendum. De hoc tamen inter  
illum & Nicolaum Lyranum conuenit, quod ille etiam  
docet filium esse pro peccato patris temporali pœna pu-  
niendum, quando peccatum patris deriuatur in filium per  
imitationem, hoc est, quando filius est paterni sceleris imi-  
tator. Sed quia (vt diximus) illa paternæ iniquitatis imita-  
tio proprium est filij peccatum: quamuis illius occasionem  
præbuit pater: ideo consequens est, vt tunc etiam tempo-  
raliter filius pro peccato suo, & non pro paterno puniatur.  
Et eodem modo dicendum est de peccato alicuius, quod  
deriuatur in alterum ratione consensus, vel dissimulatio-  
nis, ob quam causam (vt dicit sanctus Thomas) aliquando  
boni puniuntur cum malis: quia illorum peccata non re-  
darguerunt. Qui in peccatum alterius consentit, proprium  
committit peccatum: & ideo propriam exigit pœnam &  
similem illi, quam meretur is, qui scelus perpetravit. Ideo  
Paulus de peccatoribus loquens, ait: Qui talia agunt, di-  
gni sunt morte, non solum qui ea faciunt: sed etiam qui  
consentiunt facientibus. Proprium etiam committit pecca-  
tum, qui alterius peccatum dissimulat, & non corripit, aut  
arguit, cū arguere teneretur: quia is pro consentiente apud  
Deum, & homines æstimatur. Nam Glossa ordinaria su-  
per illum Pauli locum, quem nunc proxime citauimus,  
ait: Consentire est silere, cum possis arguere. Et Leo Pa-  
pa Epistola lxxj. capi. xv. Qui alios cum potest ab errore  
non

Roma. I



**A** non reuocat, se ipsum errare demonstrat. Quæ verba habentur extra de hæreticis. cap. Qui alios. Si consentientes, & dissimulantes proprio peccato consentiunt, & dissimulant, conuincitur inde, vt si cum aliis criminum perpetratoribus simul puniuntur, pro peccatis propriis puniantur & non pro alienis. Potest tamen hæc beati Thomæ sententia etiam excusari, & optime exponi, vt qui illū tueri velit, facile possit, dicens beatum Thomam non negare filium paterni sceleris imitatorē esse pro peccato proprio puniendum. Sed vltra dicit esse etiam pro peccato patris puniendum, ita vt filius, qui patrem in scelere imitatur simul pro suo, & pro paterno puniatur peccato. Et huic sententiæ fauet Augustinus in prima expositione (duas enim fecit) super Psalimum cviij. in versu: Fiant nati eius in interitū sic dicens: Quemadmodum bonorum imitatio facit, vt etiam propria peccata deleatur, sic malorū imitatio facit, vt non solum sua: sed etiam eorum, quos imitati sunt merita fortiantur. Hæc Augustinus. Qui quamuis loquatur de imitatore solo, qui tamen beato Thomæ patrocinari cupit, oportet, vt idem dicat de consentiente, & dissimulante, ita vt siue consentiens siue dissimulans: non solum puniatur pro suis peccatis: sed etiam pro illis, quibus consensit, aut quæ dissimulauit. Sed iuxta hanc expositionem difficilis adhuc manebit quæstio de filio paternā iniquitatem imitantem, quare nō punitur pro peccato alterius, quem imitatur, sicut punitur pro peccato paterno? Si quis vero concedat etiā hominem puniri pro peccato aliorū, quos imitatur: sicut pro peccato paterno, causam suscipiet difficillime sustinendam. Quoniam hoc dato, oportebit etiam concedere, vt si mille homines quis in aliquo scelere imitetur, non solum pro suo peccato: sed etiam pro peccatis omnium illorum, quos in eodem scelere imitatur, sit puniendus. Quod si quis concedere velit, duram certe, & nimis acerbam faciet iustitiam diuinam. Ideo vt ab omnibus his angustiis liberemur, melius dicendum esse putamus, filium innocentem pro peccato patris puniri ob eam solam causam: quia filius est res quædā patris ad illum spectans: & quædā illius possessio, in cuius afflictione punitur pater tanquā in re sua, & tanto magis quanto filium pater magis diligit, quā reliquas omnes temporales possessiones. Certū enim est patrem

acrius puniri, quādo scit filium suum priuatum esse successione bonorum suorū, quāmihi sciret bona illa, quibus ipse priuatus est, trāitura in dominiū, & possessionē filij. Nam licet pater acerbe doleat, propterea quod priuatur dominio, & possessione omniū bonorum suorū, aliquod tamen suscipit solatiū, quando scit filium suū successurū in dominium omniū bonorum suorū, taliq; solatio vecūq; lenit doloris sui acerbitatē. Vnus enim ex doloribus, qui parentes moriētes acriter pungūt, est cum prāsciunt inopiā, aut iniuriam, aut quamlibet aliā calamitatem, quam post mortem suā passuri sunt filij sui. Si vero filios suos incolumes & rebus omnibus tēporalibus affluentes relinquunt, leuius mortē ipsam ferūt. Licet igitur hæreticorum filij affligantur, per priuationem paternorum bonorum, & infamiam, & aliās limiles pēnas: quia tamen parentes per huiusmodi filiorū afflictionem torquentur: i. leo per illam parētes pro suorum criminū meritis puniuntur. Nullo itaque alio modo admittendum est, vt filius innocens pro peccato patris puniatur, siue (vt rectius loquar) affligatur: nisi quia talem filiorum afflictionē pater grauiter ferens, in illa affligitur & punitur. Forte contra hanc sentētiā aliquis mihi obieciēt, definitionem ecclesiæ datam in cap. accusatus. §. in eo vero casu. de hæretic. lib. vj. Illo enim loco Papa decernit heredes cuiuscunq; hæretici: cuius hæretis ante mortē non fuit declarata, debere post mortem: si tunc de hēresi defuncti constiterit, tota hæreditate, quā ab hēretico habuerunt, priuari. Si filius, iuxta hoc decretum, post mortem patris, bonis paternis priuetur, non est dubium ipsum tunc pro peccato patris torqueri: nec tamen per illam filij torturam, pater punitur, cum iam ille defunctus seculo sit, & pēnas filiorum quas in hac vita patiuntur, iam sentire nō possit. Falsum est igitur, quod nunquam filius innocens pro peccato patris affligitur: nisi quia per talem afflictionem pater punitur. Hanc tamen obiectionē nos multis modis facile reiicimus. Primo quidem non est vsquequaque certum, parētes defunctos, aut alios cognatos, qui in purgatorio, aut in inferno sunt nō sentire eas pēnas, quas sui propinqui in hoc seculo patiūtur. Nā beatus Augustinus super Psalmum cvij. de hac re disserens, non est ausus aliquid definire: sed hanc rem dubiam, & incertam reliquit, sic inquiēns

*August.*

- A** inquires: Etiamne hoc ad poenam Iudæ pertinere credendum est, quod post eius mortem ad mendicitatem vxor eius, & filij eius peruenerunt, & translati sunt, & eiekti de habitationibus suis, scrutante fœneratore omnem substantiam eius, & diripientibus alienis omnes labores eius, nemine adiuuante, nec miserante pupillos eius, & quod cito sunt sine posteris mortui? Nunquid etiam de his, quæ in suis post mortem cuiusque contingunt, vllus mortuos tangit dolor? Aut hæc saltem scire putandi sunt, quorum sensus alibi est pro meritis, seu bene, seu male? Cui respondeo magnam quidem esse quæstionem: nec in præsentia differendam, quod sit operis prolixioris, vtrum, vel quatenus, vel quomodo ea, quæ circa nos aguntur, nouerint spiritus mortuorum. Et aliquibus interiectis subdit. Quapropter quod Iuda tam infeliciter mortuo, ita vxor eius vidua, & filij eius orphani remanserunt, vt fœneratore scrutante omnem substantiam eius, & diripientibus alienis omnes labores eius, de suis habitatoribus eiiceretur: nec aliquem pupilli eius miserantem inuenirent, & in vna generatione sine posteris interirent. Si hæc sentiunt mortui, cumulus malorum est: si hæc non sentiunt, formido viuorum est. Hucusque Augustinus. Qui definire non est ausus, an mortui sciant infortunia suorum charorum viuentium. Si hæreticus defunctus noscit miseras, & calamitates, quæ filiis suis ob suam hæresim accidunt, non est dubium illum per illas miseras torqueri. Deinde & si defunctos lateret, quid circa propinquos viuētes agatur, nulla tamen ex parte nostræ sententiæ refragatur, quod adducitur ex cap. Accusatus. §. in eo vero casu. Nam hæreticus (vt iam superius docuimus) non à solo tempore damnationis: sed ab hora commissi criminis, amittit dominium bonorum suorum, & ab eadem hora filius etiam priuatus est iure succedendi in bonis paternis. Vnde necessario consequitur, vt hæreticus occultus, cuius hæresis post mortem declarata est, sit dicendus fuisse ante mortem à iure punitus in se, & filiis suis: quamuis non fuerit ante mortem hanc punitionem expertus. Indignum quippe fuisset filium hæretici iam defuncti nullis suis hoc exigentibus demeritis, paterna hæreditate priuare: si illius verum dominiū per mortem patris acquisiuisset. Sicut etiam iniustum esset filium ob patris hæresim

sim priuare alijs bonis, quæ nullo hæreditario iure accepē-  
 rat: sed proprio labore conquiſierat. Filius autem hæretici  
 defuncti, postquam declaratum est patrē fuisse hæreticum,  
 iuste priuatur possessione bonorum paternorum: quia nul-  
 lum in illis habebat dominium, sed fiscus: quoniam à die  
 commissi criminis pater (vt diximus) fuerat omnibus bo-  
 nis illis priuatus, & fiscus in eius locum subrogatus. Et cer-  
 te ex hoc loco fortissimum (mea sententia) potest sumi ar-  
 gumentum ad confirmandum nostram opinionem, quam  
 supra proposuimus contra Archidiaconum dicentem, hære-  
 ticum non statim post delictum esse priuatum dominio bo-  
 norum suorum: sed necessarium esse iudicis sententiā, quæ  
 declarat illum esse hæreticum. Si hoc verum esset, sequeretur  
 inde hæreticum in hæresi occulta decedentem habuisse  
 dominium bonorum suorum vsq; ad instans mortis suæ  
 cum ante illud tempus nunquam fuerit de hæresi damna-  
 tus. Hoc cōcesso, sequitur inde necessario, hæredem, qui tali  
 hæretico successit, habere post mortem illius verum domi-  
 nium bonorum illorum, quorum erat dominus hæreticus  
 moriens. Et inde vltra sequitur, vt quāuis mortuus declare-  
 tur fuisse hæreticus hæres non sit sine culpa sua priuandus  
 bonis illis, quorum iam fuerat factus dominus: sicut nō pri-  
 uatur bonis alijs, quæ ipse proprio labore conquiſierat. Sed  
 cum hæres iure priuetur bonis, quæ possederat hæreticus  
 defunctus postquam declaratū est illum fuisse hæreticum,  
 & non priuetur bonis, quæ ipse hæres ante possidebat, con-  
 uincitur inde hæredem hæretici nunquam illorum bono-  
 rum habuisse dominium sicut aliorum, & hoc nō ob aliam  
 causam: nisi quia hæreticus, cui ille successit, tale dominiū  
 amisit à die, & hora commissi criminis.

*Respondetur obiectionibus, quas in principio præce-  
 dentis cap. pro parte contraria propoſita sunt.*

CAP. XI.

**S**Vperest iam, vt illis rationibus, & argumentis respon-  
 deamus, quibus (vt in principio huius c. diximus) innitū-  
 tur hi, qui oppositā tuentur partem. Primo quidem probāt  
 iniustum esse, vt filius pro peccato parentis puniatur: quia  
 Deus (vt dicunt) neminem pro aliena culpa punit: sed  
 pro sua. Quales, quantosque hæc argumentatio habeat  
 neruos,



**A** neruos, ex his, quæ diximus facile cuique constare poterit: quia manifestis scripturæ testimoniis ostendimus Deum visitare iniquitatem patrum in filios. Quapropter hanc argumentationem in illos facile retorquere poterimus, ut suo ipsorum gladio illos transfigamus, sic dicentes: Iustum est, ut filius pro patris peccato puniatur: quia Deus, qui iustissimus est, & errare non potest, sæpe in hac vita filios pro peccatis parentum punit. Sed hanc tuam sententiam illi confirmant testimonio Augustini dicentis: *August.* Non prius Deus est ultor quàm aliquis sit peccator: Sed hoc Augustinus dictum nihil nos mouet. quia si bene aduertantur illius verba nihil contra nos agunt, Nam licet Deus nunquam se de aliquo vindicet, quin prius ille sit peccator, sæpe tamen Deus multos absque aliqua illorum culpa affligit, & torquet, Non enim sunt prorsus idem vindicta, siue punitio, & afflictio. Vindicta siquidem habet quandam respectum ad iniuriam præcedentem, siue qua nulla pœna vindicta, aut ultio dici potest. Punitio etiam siue castigatio, si iuxta veram, & propriam illarum vocum significationem, quælibet illarum sumatur, respectum dicit ad culpam, siue qua nullus proprie puniri dicitur, siue castigari: quamuis acerbissime torqueatur: afflictio vero siue tortura, nullum horum dixit respectum. Nam si quomodolibet quis tribulationem patiatur, siue propter culpam, siue sine illa, semper affligi dicetur. Iusti enim quibus Deus tribulationes varias in hac vita ad eorum meritum augendum dat, affliguntur quidem, & torquentur: sed non puniuntur, neque castigantur: quia non est in eis culpa quæ debeat puniri, aut castigari, & si aliqua erat, non tanta indigebat castigatione. Neq; Deus de illis vindictam sumit, aut ultionem; quia non inuenit in illis offensam, quam debeat vlcisci. Optime ergo locutus est Augustinus, cum dixit: Non prius Deus est ultor quàm aliquis sit peccator: quia Deus non vlciscitur, nisi peccatum, quod est quædam illius offensa; neque vindictam sumit Deus: nisi de peccatore, qui illi iniuriam per peccatum irrogauit. Sæpe tamen punitio capi solet non iuxta propriam illius vocis significationem: sed ut latius se extendit, pro omni afflictione, siue illa sit propter peccatum inflictæ, siue absque peccato. Et hoc modo capitur  
nomus

nomen punitiōis in cap. Vergentis. §. Nec huiusmodi. ex- C  
 tra de hæreticis. Ibi enim dicitur, quod in multis aliis ca-  
 bus etiam secundum diuinum iudicium, filij pro parenti-  
 bus temporaliter puniuntur. Quo loco apertissime constat  
 nomen punitiōis positum esse pro afflictione. Filij enim  
 qui non peccauerunt, non proprie puniri dicuntur: sed affli-  
 gi: patres autem qui peccauerunt per filiorum afflictionem  
 puniuntur. Dixit igitur, puniuntur, pro eo, quod est affli-  
 guntur. Quamuis autem Deus neminem sine culpa puniat,  
 aut castiget: sæpe tamen sine culpa affligit, aut torquet: sed  
 hoc nunquam facit sine multiplici causa, & quidem iustis-  
 sima, licet illarum afflictionum causa frequenter homines  
 lateat, sic etiam leges humanæ sæpe hominibus pœnas ali-  
 quas sine culpa infligunt, nunquā tamē, si iustæ leges sunt,  
 eas infligunt sine causa. Multiplex enim potest causa suf-  
 fragari, vt propter illam possit aliquis merito affici aliqua  
 pœna tēporali. Primo quidem potest aliquis sine culpa sua  
 per aliquod accidens effici ineptus, & indignus ad aliquod  
 bonū habendum, vel consequendum. Possunt enim multa  
 deesse alicui sine culpa sua, quæ iure exiguntur ad aliquod  
 officium assequendum, aut rectè exercendum. Ad sacerdo- D  
 tium, & ad Episcopatum requiritur ætas debita, sufficiens.  
 literarum notitia, aliquorum corporis membrorum sani-  
 tas, quibus omnibus quisque potest sine culpa sua carere, &  
 ita sine culpa sua iuste ab Episcopatu, & à sacerdotio repel-  
 latur. Ita leprosus sine culpa sua repellitur ab administra-  
 tione ecclesiæ. Et propter bigamiā, aut iudicium sanguinis  
 sine culpa sua remouetur à susceptione ordinis sacri, & im-  
 peditur, ne exerceat iam susceptū. Propter hanc causam fi-  
 lius hæretici sine culpa sua repellitur ab officio, & benefi-  
 cio: quia ipso iure est infamis, etiam sine sua culpa. Ad offi-  
 cium vero, aut beneficium iuste assequendum, fama bona est  
 potissimum necessaria. Secunda causa esse potest: quia bo-  
 num quo quis priuatur nō est bonum proprium: sed com-  
 mune, & iustum est, vt quis propter bonum cōmune asse-  
 quendum, vel cōseruandum patiat in se detrimentū ali-  
 quod. Quod ciuitas aliqua habeat Episcopalem sedem: non  
 solum ad clericos spectat: nec solum est bonū illorum: sed  
 bonū totius ciuitatis, & propter inopiā ciuitatis iuste pos-  
 set ab illa sedes Episcopalis auferri: & quāuis esset diues, si  
 popul

**A** populus, clero etiam repugnante, & contradicente interfecisset Episcopum suum, tota ciuitas priuanda esset dignitate Episcopatus. Quo facto clerus totus afficietur pœna, & patietur damnum sine culpa sua: nō tamen sine causa: quia bonum quo tunc clerus priuatur, non erat proprium: sed commune bonum totius ciuitatis. Punita autem ciuitate, & priuata tali bono, consequenter affligitur clerus, & priuatur tali bono: quia pars est corporis illius. Non est enim iustum, nec rationi consentaneum, vt pars ciuitatis Episcopum habeat: reliqua parte eadem dignitate carente. Ob hanc etiam causam hæretico: um filij sine culpa sua non admittuntur ad officium publicum: neque ad beneficium, neque ad electionem faciendam: neque ad testimonium dicendum: quia quodlibet istorum non particulare: sed commune totius ciuitatis est bonum. Quoniam ad totam rempublicam spectat, vt officia publica, & beneficia habeantur à personis bonis, & omni prorsus mali suspicione carentibus. Tertiam adhuc beatus Thomas assignat causam, propter quam iuste potest aliquis sine culpa sua puniri, vel (vt rectius loquar) affligi, siue torqueri: quia scilicet bonum vnius dependet ex bono alterius, & dat exemplum in crimine læsæ maiestatis, vbi filius sine culpa sua amittit hæreditatem pro peccato patris, & posset idem dici de crimine hæresis, in quo etiam filius (vt diximus) amittit hæreditatem pro peccato patris. Nam quia pater propter huiusmodi crimina omnibus suis bonis priuatur, quæ ipso iure sunt fisco applicata: ideo consequens est, vt filius amittat hæreditatem, quam ex bonis patris habiturus erat. Non enim poterat filius esse hæres eius, qui moriens nihil prorsus habebat. Secundo contra hanc nostram sententiam arguunt hæretici, obicientes nobis illud quod Dominus per Ezechielem prophetam ait: Anima, quæ peccauerit ipsa morietur: filius non portabit iniquitatem patris, & pater non portabit iniquitatem filij. Quæ Dei verba velut ex diametro cum nostra sententia: imò cum aliis ipsius Dei verbis pugnare videntur, quibus dixit se visitare iniquitatem patrum in filios in tertiam & quartam generationem. Hoc argumentum difficiles certe videtur habere nexus, & circa illorum dissolutionem, à multis doctissimis viris anxie satis laboratum est. Nam aliqui (vt Hieronymus,

Ezech. 18

Exod. 20



ronymus refert) dixerunt verba illa Exodi, quibus Domi-  
 nus ait se visitare iniquitatē patrum in filios in tertiam &  
 quartam generationem, nō esse iuxta literam: sed paraboli-  
 ce intelligēda, ita vt aliud in sensu teneant, quā in ver-  
 bis sonant. Sed constat non esse parabolam, vel ex eo solo,  
 quod tunc Dominus legē ferebat, cum illa dixit, & trāsgre-  
 dienti legē pœnam comminabatur, per quam illos ad legis  
 obseruantia perurgeret. In legibus autem ferendis nullus  
 debet esse parabolis locus: sed nudæ, & apertæ debent esse  
 leges, vt possint ab omnibus intelligi. Et beatus Hiero. di-  
 cit nūquam sibi persuasisse, vt illa verba parabolica esse pu-  
 taret. Veruntamen (vt ingenue loquar) nec ipse sufficiētem  
 illorum verborum præbet expositionem. Nam illa verbo-  
 rum diuinorū facialis dissonantia adeo vehemēter beatum  
 Hierony. torfit: vt illum coegerit dicere, nunquā filios pro  
 parentum iniquitatibus puniri: nisi quia sunt paternarum  
 iniquitatum imitatores. Exponens siquidem xvij. cap. Eze-  
 chielis prophetæ postquam dixerat ea, quæ in Ezechiele  
 habētur, in faciem pugnare cum his, quæ citata sunt ex lib.  
 Exodi: hæc quæ sequuntur, ait; Et nos vsque in præsentem  
 diem putamus, duo testimonia Exodi, quæ supra posuimus  
 non esse parabolam, sed simplicem explicare sententiā. Et  
 quamquā non auderemus quippiā dicere, nec vas fictile lo-  
 qui contra figulum: quare ita, vel ita me fecisti, tamen scan-  
 dalum patiebamur occultum, quod iniustitia videretur  
 Dei, alium peccare, & alium luere peccata. Si enim reddit  
 peccata patrum super filios in tertiam, & quartam genera-  
 tionem: iniustum videtur, vt alius peccet: & alius puniatur;  
 sed ex eo, quod sequitur. His qui oderunt me, cōminatio-  
 nis siue præcepti scandalum soluitur. Non enim ideo pu-  
 niuntur in tertia, & in quarta generatione; quia deliquerūt  
 patres eorum, cum patres potius, qui fuerunt peccatores,  
 puniri debuerint: sed quia patrum extiterunt æmulatores,  
 & oderunt Deum hæreditario malo, & impietate in ra-  
 mos quoque de radice crescente. Hactenus beatus Hiero-  
 nymus. De hac tamen expositione ille non adeo securus &  
 quietus mansit, vt per illam satis sibi, aut aliis fecisse credi-  
 derit: sed scrupulus aliquis de hac re illū semper pupugisse  
 videtur. Quoniam postquā præfatam dixerat expositionē,  
 & multa verba circa hanc rem expenderat: tandem hæc,  
 quæ



**A** quæ sequuntur subiecit. Hoc interim inquit ille de prouerbio, siue parabola dixisse sufficiat, quod lex, & prophetæ: Exodus, & Ezechiel: imò & ipse Deus, qui & hic, & ibi loquutus est nequaquam in sententiis discrepare videatur, aut hic corrigere, quod ibi maledixerit. Si quis autem vel meliorem, vel alterum sensum potuerit reperire, qui contrariorum inter se testimoniorum scandalum tollat, illius magis acquiescendum sententiæ est. Hæc Hieronymus. Vide quàm parum sibi Hieronymus de præfata expositione fidebat, qui coactus fuerit aliam multo peiorem sub disunctione præbere, dicens, aut Deum hic corrigere, quod in Exodo maledixerit. Absit enim longissime à viro Christiano, ut Deum aliquando male aliquid dixisse credat. Et tandem velut qui nulla illarum expositionum erat cōtētus, dixit acquiescendum esse illi, qui meliorem sensum reperisset. Quo fit, ut iuxta ipsius sententiam, magis aliis posterioribus doctoribus, quàm Hieronymo in hac parte credere cogamur, qui multo rectius, quàm ille verum illius literæ sensum penetrarunt, & nullam esse inter illa duo testimonia contradictionem apertissime declararunt. Nec mirum, quoniam

**B** (ut est in prouerbio) quandoque bonus dormitat Homerus. Et non omnia possumus omnes. Nam quæ beatus Hieronymus in hac præfata expositione retulit (absit precor verbo inuidia) nec vera sunt, nec literæ Exodi vllō pacto conueniunt. Tam aperta sunt in sacris literis testimonia, quæ filios pro peccatis parentum fuisse à Deo punitos asserunt, *Gen. 9* ut nulla possint tergiuersatione celari. Cham siquidem peccauit in patrem suum Noe, verenda illius denudata aliis manifestans, pro quo peccato filius eius Chanaan maledictus est à patre suo. Quæ maledictio ex Dei sententia, & decreto processisse conuincitur per hoc, quod illius maledictionis executionem Deus postea in eodem Chanaan, & filiis eius opere compleuit: sed quia aliqui sentiunt Chanaan non pro solo peccato patris fuisse maledictum: sed etiam pro suo: propterea quod ille prius vidit, & patri nuntiavit, ideo opus est, ut aliud multo clarius, & fortius proferam testimonium. Paruuli infantes, qui erant in Sodomis simul cum suis parentibus sunt igne combusti: non tamen pro suis peccatis, quæ nulla adhuc fecerant: sed pro peccatis parentum hoc illis euenisse constat. Filium quoque Dauid,

- qui illi ex adulterio natus est, fuisse pro peccato patris morte interemptum: verba, quæ illi Nathan propheta dixit, apertissime conuincunt. Nam postquam David peccatum suum confessus est dicens: Peccaui Domino. Statim propheta Nathan dixit ad illum: Dominus quoq; transulit peccatum tuum: non morieris: Verumtamen quoniam blasphemare fecisti inimicos nomen Domini: propter verbum hoc, C
- Iosue 6* filius qui natus est tibi morte morietur. Filij, & filix Achâ, qui furatus est de anathemate ciuitatis Hiericho cōtra præceptum Domini, simul cum ipso Achan eorum patre, ex mandato Iosue interfecti sunt. Quo facto placatus est Dominus, qui de peccato Achan iratus fuerat. Filij Ghiezi pueri Helisei prophete percussi sunt lepra, propter peccatum patris, qui contra voluntatem Helisei à Naaman leproso ob collatam illi sanitatem, munera accepit. Ex his ergo testimoniis apertissime conuincitur falsum esse, quod beatus Hieronymus ait: nunquam filios puniri à Deo in tertiam & quartam generationem: quia deliquerunt patres eorum: sed quia patrum fuerunt imitatores. Præterea si nunquam filij pro peccatis parentum punirentur: sed solum quia patres in scelere imitantur, falsum esset quod Dominus ait in Exo. se visitare peccata patrum in filios: quia tunc D
- Exod. 20* non peccata parentum, sed peccata sola ipsorum filiorum visitaret, cum illos pro suis solis peccatis puniret, & non pro paternis. Deinde ex ipso literæ decursu constat, beatum Hieronymum male intellexisse locum illum Exodi, & non bene illam literam ordinasse. Nam illa verba, his qui oderunt me: Hieronymus dicit esse ad filios referenda, ita ut filij sint, qui oderunt Deum, & ob hoc à Deo puniuntur. Ut autem clare ostendamus verba illa non ad filios; sed ad eorum parentes esse referenda, opus est, ut verba Exo. citemus: quæ multo clariora sunt, quàm illa, quæ beatus Hieronymus, Exo. v. Deutero. cap. citat. Vtrobique enim Deus eandem, verbis tamen aliquantulum diuersis protulit sententiam. Litera Exodi sic se habet, Ego sum Dominus Deus tuus fortis zelotes, visitans iniquitatem patrum in filios in tertiam & quartam generationem, eorum qui oderunt me. Constat enim illud relatiuum, qui, debere referri ad patres, & non ad filios: quoniam tale relatiuum ad idem prorsus est referendum, ad quod refertur ille genitiuus eorum. Illud autem relati

- A** relatiuum in genitiuo positum, nullo modo ad aliud, quàm ad parentes (vt apertissime constat) referri potest: quoniam tertia & quarta generatio, quæ ibi exprimitur, non est generatio filiorum, sed parentum. Ipsi ergo parentes, quorum est tertia illa, & quarta generatio, quam propter peccata parentum visitat Deus, sunt qui oderunt Deum, non filij. Ex quibus colligimus, vt etiam in litera Deuteronomij, quam beatus Hieronymus citat, illud pronomen demonstratiuum, his, non filios, sed parentes demonstrat: ita vt parentes sint, qui Deum oderunt, mandata illius non custodientes: ob quam causam Deus non solum ipsos parentes: sed etiam & quartam illorum generationem punit. Hæc autem comminationem Deus faciens in Exodo, hæc verba præmisit: Ego sum dominus Deus tuus fortis zelotes. Quæ verba ideo dicta esse intelligere debemus, vt per illa ostenderet nobis se tantæ esse potentia, vt non solum ipsos patres peccantes sed etiam filios pro parentibus affligere possit. Hæc ad beati Hieron. sententiam conuincendam dicta sufficiat. Superest vt iam verum illius literæ sensum proferamus, & Ezech. ab Exo. minime discrepare ostendamus. Primo igitur dico verba illa, quæ per Ezech. prophetam Dominus ait: *Ezech. 18*  
**B** Anima, quæ peccauerit, ipsa morietur, & filius nō portabit iniquitatem patris, esse intelligenda de pœna æterna, quæ post hanc vitam peccatores manet. Et certe si de illa sola pœna intelligantur præfata Ezechielis verba, verissima est illorum verborum sententia. Quoniam neminem, nisi pro peccato proprio Deus æternaliter damnat. Non enim dixit, anima quæ peccauerit, ipsa punietur: sed dixit ipsa morietur. Ex quibus patet, nō de qualibet pœna sed de sola morte Deum fuisse locutum. Mors autem, quæ ex lege pro omni mortali peccato datur æterna est, & nō temporalis. Possunt etiam verba illa Ezech. intelligi non solum de pœna æterna: sed etiam de pœna tēporali, & spiritali, cuiusmodi est priuatio gratiæ Dei, amissio iuris ad gloriam suscipiendam. Nam istis pœnis nullus etiam nisi pro suo peccato plectetur. Et certe si ea, quæ Ezechielis prophetæ verba circūstāt, plene considerentur, facile quisque, vel mediocriter doctus agnoscat de sola pœna spiritali, siue æterna, siue temporalis illa esse intelligenda. Quod autem in Exodo Dominus ait: se visitare iniquitatem patrum in filios in tertiam & quartā



generationem, de pœna corporali, & temporalij intelligendum est. Punit ergo Deus pœna corporali in hac vita filios pro peccatis parentũ: sed pœna æterna, & qualibet alia spirituali pœna quamvis temporalij, nunquã filiũ pro peccato patris punit: sed anima, quæ peccauerit, ipsa punietur. Vnde

*August.*

Aug. super librum Iosue. q. viij. pertractas quare pro peccato Achan, filij eius fuerint puniti, sic ait: Nec tamen credendũ est etiã pœnis, quæ post mortem irrogantur, alium pro alio posse damnari: sed in his tantum rebus hanc irrogari pœnã quæ finem fuerant habituræ, etiã si non eo modo finiretur. Hæc Aug. Qui post prædicta verba, aliquibus aliis interpositis, rationem reddit: quare Deus pœnis corporalibus huius vitæ vnum pro alio puniat, & non pœnis alterius vitæ, sic in quibusvis: Visibiles igitur afflictiones hominum, siue mortes, quoniã his quibus ingeruntur, & obesse, & prodesse possunt, nouit Dominus in occulto prouidentia suã, quemadmodũ iuste quibusq; dispeser, etiã cum aliorum peccata in aliis videtur vlcisci. Pœnas vero inuisibiles, quæ nocent, & prodesse non possunt, ita nullus Deo iudice pro alienis peccatis luit, sicut homine iudice luere nullus: nisi pro sua culpa istas visibiles debet. Hactenus Aug. In quibus verbis plenissimã, atq; sufficientissimã reddidit causam, quare filium pro peccato patris Deus in hac vita corporaliter puniat: quia scilicet talis filij pœna, & patri nocet, & filio ad salutem animæ suæ prodest. Nã propter eiusdem animæ salutẽ augendã, sæpe iustos absq; illorũ culpa Deus in hac vita corporaliter affligit. Non igitur mirũ si iustos filios malorũ parentũ Deus corporalibus pœnis, & transitoriis cruciet, cũ per illas simul & patrum peccata puniat, & salutẽ filiorũ spiritualem procuret. Aliã potest adhuc dari expositio illorum verborũ diuinorum, quæ citata sunt ex lib. Exo. & ex Ezech. propheta, quæ etiã ex beato Aug. loco præfato colligitur. Verba Ezechielis prophetae ad iudiciũ humanum referenda sunt, ita vt iudici humano non liceat filium pro peccato patris punire, aut patrem pro peccato filij: sed quẽq; pro suo. Quæ autem in Exodo dicuntur, ad solã pertinet diuinã potentia, qui solus potest peccata patrũ visitare in filios in terciã & quartã generationem. Nam in loco præfato beatus Aug. huic quæstioni cũ dubitatione respõdens, sic ait: An aliud iudiciũ hominibus est præceptum, ne quenquã pro altero puniat: &

Dei



- A** Dei iudicia non sunt eiusmodi, qui alto, & inuisibili cōsilio suo nouit quatenus extendat etiam temporalem hominum pœnam salubremq; terrorem? Et aliquibus interpositis subdit: At vero si Achan ab aliquo inuentus, atq; comprehensus, & illius criminis reus ad iudicium Iosue fuisset adductus, nequaquā putandum est hominem iudicem, vel pro illo, vel cum illo quēquā alium, qui societate facti eius minime teneretur, fuisse puniturum. Neq; enim ei mandatum legis licebat excedere, quod datū est hominibus, ne iudicio suo, quod in hominem homini iussum, siuē permissum est; alterum pro alterius peccato arbitretur esse plectendum: Longe autem secretiore iustitia iudicat Deus qui potens est etiam post mortem, quod homo nō potest liberare, vel perdere. Et post pauca iterum subdit: Hoc enim p̄cepit homini iudici Deus, in his, quæ ad humanum iudicium pertinent iudicanda, quod in suo iudicio facit ipse, quo potestas non aspirat humana. Hactenus August. Ex eius verbis, illud, quod dixit, iudicem humanum nō posse vnum pro peccato alterius punire, non generaliter est accipiendum; & de omni pœna intelligendum: sed solum de pœna mortis: Quoniam de hac sola pœna inuenio in lege diuina iudices esse prohibitos, ne vnum pro alio puniant. Hæc enim sunt verba legis, quam Deus de hac re in Deuteronomio statuit: *Deut. 14*  
Non occiduntur (inquit) patres pro filiis, nec filij pro patribus: sed vnusquisque pro peccato suo morietur. Cum hic occisionem prohibuisset, nullam p̄forus alterius pœnæ fecit mentionem. Vt hanc domini legem seruaret Amasias filius Iosias regis Iuda, quamuis eos, qui patrem suum occiderant interfecit: filios tamen eorum occidere noluit, vt in quarto libro Regum narratur. Propter quod ego non possum non mirari quo pacto Imperatores Honorius; & Arcadius in I. quisquis cum militibus. C: ad legem Iuliam Majest. non sint veriti dicere, se ex Imperatoria lenitate vitam concedere filiis eorum, qui regiam læserunt maiestatem, tãquam si hac imperatoria lenitate seclusa, iuste potuissent filios pro peccatis parentum interficere. Lege siquidem diuina, quā supra citauimus, erat illis interdictū, ne patres pro filiis, aut filios pro patribus interficerent. Ratio autē, quam in eadē lege afferūt, vt filios etiā iuste occidere possent, nullius prorsus est momenti. Paterno enim (inquiunt Impē-

ratores illi) deberent perire supplicio, in quibus paterni, hoc est, hæreditarij criminis exempla metuuntur. O vanissimum argumentum. Erit igitur iudici licitum interficere Petrum: quia iuste metuit illum fore latronem, aut homicidam, aut aliquid aliud simile. Nunquam enim debet pœna præuenire crimina: sed sequi. Iustum quidem est hoc in filiis metuere, quod scitur patres eorum cōmississe. Iustum etiā est huic metui mederi, ita vt aliquo iusto remedio adhibito impediatur ne id, quod timebatur, eueniat. Iniustum tamen est, & iniustissimū, vt propter metū futuri criminis quia puniatur eadē pœna, qua puniretur: si iam illud crimen commisisset. Non ergo ex sola misericordia, aut ex Imperatoria lenitate (vt illi loquuntur) sed ex iusta iustitia conceditur vita filiis eorum, qui criminis læsæ maiestatis sunt rei. Et idem prorsus dicendum est de catholicis filiis hæreticorum: qui etsi pro hæresi parentum suorum iuste aliis possunt pœnis feriri, nunquā tamen pœna mortis pro illis punientur. Quia (vt diuina lex ait) quisq; pro peccato suo morietur. Quod autem dicit Papa in cap. vergentis. extra de hæreticis. filiis eorum, qui læsæ maiestatis sunt rei, vitam ex sola misericordia esse conuersatam. Papa Innocentius, cuius est textus ille: nō dixit definiendo, aut approbando illud: sed solum retulit, quid Imperatorum leges de reis læsæ maiestatis decreuerint: & inde tanquam à minori ad maius arguit de bonorum confiscatione simile esse circa hæreticos faciendum, quod circa reos læsæ maiestatis, Imperatorum leges decreuerunt. Sit igitur hæc certissima, & infallibilis sententia, vt nulli humano iudici liceat vquam vnum hominem pro peccato alterius occidere. Quæ regula non ad solam mortem: sed etiam ad alia corporis flagella, & vulnera, & reliquos corporis cruciatus est extendenda, ita vt etiam intelligatur esse iudici humano interdictum, ne vnum pro peccato alterius flagellet, aut vulneret, aut alia quauis simili corporis pœna puniat. Ita enim sentiunt illustres theologi, videlicet Alexander de Ales, tertia parte quæstio. xlj. membro iij. articulo. j. & post illum beatus Thomas Secunda Secundæ quæst. cvij. articulo. iij. Et merito quidem diuinam illam legem sic extendendam esse putarunt: quia sicut per præceptum illud, Non occides, non solum prohibetur mors, sed quælibet alia corporis

Dent. 24

Alex. de  
Ales.  
Thom.

C

D

ris

**A**ris percussio: ita etiam consequens est, vt per præceptum illud, non occidentur patres pro filiis, aut filij pro patribus, sit etiam flagellatio, aut quælibet alia corporis percussio iudici interdicta, ita vt neminem pro peccato alterius possit, aut flagellare, aut fustibus cedere. De hac igitur pœna, quæ mortem, & alios corporis cruciatus comprehendit, quam Alexander de Ales, & beatus Thomas vocant pœnam flagelli, intelligit Augustinus (vt ex toto suæ literæ decursu facillimum est colligere) cum dixit non licere iudici humano alterum pro alterius peccato punire. Pœnam etiam spirituales, & inuisibilem qualis est excommunicatio, dicit nunquam esse à iudice humano: nisi pro peccato proprio inferendam: sicut Deus spirituali, & inuisibili pœna nunquam alterum pro alterius peccato punit. Reliquas autem pœnas, quæ neque spirituales sunt, neque ad corporis mortem tendunt, bene potest iudex humanus alicui, cum iusta subest causa, pro peccato alterius infligere. Nec solum pro peccato alterius: sed etiam absque vlllo peccato, nunquam tamen sine iusta causa licite potest iudex huiusmodi pœnas aliis inferre. Nam filius ex fornicatione **B**natus, propter solum patris peccatum, non admittitur ad sacerdotium, Deo ita fieri præcipiente. Non ingreditur (inquit Dominus in Deuteronomio) mamzer, id est, de scorto natus in ecclesiam Domini, vsque in decimam generationem. Iudex etiam propter sententiam sanguinis iustissime latam, & executioni mandatam, punitur irregularitate. Duo igitur sunt modi (vt ex prædictis patet) per quos ostendimus ea, quæ in Exodo habentur, optime conuenire cum his, quæ per Ezechielem prophetam dicta sunt, & nullam esse inter illa duos contradictionem.

Dent. 23

*Quod hæretici sunt mortis supplicio puniendis  
sive talis mors gladio, aut igne, aut alio  
quouis modo illis inferatur.*

## CAP. XII.

**V**ltima se iam offert corporis pœna: mors scilicet quæ hæreticos, nisi tempestiue resipiscant, iuste puniendos esse apertissime Deo fauente demonstrabimus. Et vt apertius rem agamus, primo ante omnia percontari volo eos,

qui contra sentiunt, an licitum sit ob aliquam iustam causam hominem aliquem occidere? Forte dicent, prout Val-  
 C  
 denses hæretici olim docuerunt, nullam esse tam iustam  
 causam, ut propter illam merito, & iuste possit aliquis oc-  
 cidere, etiam si id fiat ex iudicis præcepto. Et certe (si suspi-  
 cionibus, aut cōiecturis aliquis dandus est locus) ego suspi-  
 cor aliquos ex Lutheranis ita sentire. Nam Otho Brunfel-  
 sius in quarto lib. Pandectarum sacrae scripturae, volens per-  
 suadere hæreticos non esse occidendos, inter alia, quæ pro

*Esa. 65* se adducit, effert Esaïam dicentem: Non nocebunt, neque  
 occident, in vniuerso monte sancto meo. Quæ verba non  
 magis de hæreticis, quàm de quibuscumque aliis loquuntur,  
 ut illi magis, quàm alij prohibeantur occidi. Quapropter  
 ego ex hoc loco coniicio, & merito, illum sentisse nemi-  
 nem nulla etiam ex causa esse occidendum. Si ita sentiunt,  
 in alium multo pestilentiorum incident errorem. Talis  
 enim error præter hoc, quod sacris repugnat literis, hu-  
 manum tollit conuictum, pacem totius reipublice per-  
 turbat, & omnem prorsus honestam peruertit politiam.  
 Nam & si in lege veteri fuisset datum præceptum de non  
 occidendo, multæ tamen fuerunt aliæ innumeræ leges,  
 quæ ob aliqua particularia scelera homines morte punire  
 iubebant. Qui declinauerat ad Magos, & ariolos, interfici  
 iubebatur. Qui male dixisset patri aut matri, mortis reus  
 censebatur. Sunt alia huius generis multa quæ non est opus  
 nunc recensere. Dmissa lege veteri, quæ circa iudicia, &  
 cærimonias, iam per Christi mortem abrogata est. Venia-

*Leuit. 24*  
*Ibidem.*

*Act. 5* mus ad legis Euangelicæ tempus. Beatus Petrus apostolus  
 Ananiam, & Saphiram morte puniuit, propterea quod ven-  
 dito agro fraudauerant de pretio, sibi ipsis aliquid inde  
 seruantes, & nõ totum pretium (ut facere ex voto teneban-  
 tur) coram apostolis portantes. Præterea ipsemet veritatis  
 magister, eum hominem, qui alium propria autoritate  
 occidisset, iuste occidendum esse docuit, sic inquit: Omnis,  
 qui occiderit gladio, gladio peribit. Quibus verbis Sal-  
 uator aperte docuit morte plectendum esse illum, qui alium  
 occiderit. Rursum ex hac sententia alius adhuc apertissime  
 deducitur error. Nam si propter nullam iustam causam li-  
 cet occidere hominem, necessario consequens est, ut propter  
 nullam causam bellum gerere liceat: quoniam ferè im-  
 possibile

*Mat. 26*



- A** possibile est, ut bella gerantur absque hominis alicuius occisione. Quantum vero hæc sententia à veritate fidei catholice sit aliena, non est opus nunc ostendere: quoniam nos iam olim in eo opere, quod aduersus omnes hæreses edidimus, in tit. de bello, apertissimis argumentis illā expugnauimus. Deinde si propter nullam causam licet hominem quamlibet sceleratū occidere, nulla poterit respublica salua consistere: quoniam nisi sceleratissimi occidatur, nulla erit in populo quies, nulla pax permanebit in illo. Mali homines quoscunq; iustos tanto licentiosius affligent quāto certius nouerint se propter nullum scelus posse occidi. Et mortem, quam sceleratissimis inferre, secundū hanc sententiam iudici non licet, ipsismet sceleratissimis in iustos quosq; inferre impune licebit. Si nunquā liceret iudici rempublicam moderanti hominem aliquē occidere, terra esset plena furibus, & raptoribus, mare piratis, nullæq; res essent tutæ: sed essent homines, iuxta dictum Abacuc propheta, ut pisces maris, quorum maiores sæpe deuorant minores. Propter quod nulla vnquam (quod sciam) exstitit tam barbara, aut inculta respublica quæ ob aliqua certa crimina mortem
- B** maleficis infligendam non decerneret. Ut igitur debita sit in populo quies, & tranquillitas, expedit, ut sceleratissimi quique homines, præsertim de quibus nulla est emendationis spes, occidantur, ne propter illorum causam tota respublica collabatur. Si quis autem nobis obiiciat præceptum diuinum, quod ait. Non occides. Respondemus per illud præceptum solam illam prohiberi occisionem, quæ à persona exercetur priuata: non autem illam quæ à iudice ob aliquam iustam causam decernitur infligenda. In cuius rei testamentum beatus Hieronymus super xxij. cap. Hieremix ita ait. Homicidas, & sacrilegos, & venenarios punire, non est effusio sanguinis: sed legum ministerium. Hæc ille. Beatus Augustinus libro j. de ciuitate Dei, cap. xxj. ab illo præcepto, Non occides, aliquos dicit esse exceptos: quos iuste occidi posse asseuerat. Quibus enumeratis tandem, quæ sequuntur ait: His igitur exceptis (inquit ille) quos vel lex iuxta generaliter, vel ipse fons iustitiæ Deus specialiter occidi iubet, quisquis hominem, vel seipsum, vel quemlibet alium occiderit, homicidij crimine innectitur. Hæc Augustinus. Forte his rationibus (ut par est) con-

*Abac. 8**Hierony.**Augusti.*

uicti, hi qui haereticos non debere occidi contendunt, dicent licitum esse, & iustum ob aliquam iustam causam hominem occidere, negabunt tamen, & vt certo scimus, negant haeresim esse causam iustam, propter quam homo haereticus sit occidendus, etiam si pertinacissimus ille sit. Vt autem nos apertissime ostendamus eos perniciosissime errare, inuestigare oportet, & diligenter perscrutari, quæ sint iustæ causæ propter quas aliquis potest iuste ad mortem damnari. Nolo impræsentiarum omnes huius rei causas sigillatim, aut speciatim enumerare: sed solum causarum genera. *Galenus* vir, præter medicinæ scientiam, in omni genere philosophiæ clarissimus, in illo opusculo, cui titulus est: Quod animi mores corporis temperaturam sequuntur, aliquas reddit causas, propter quas aliqui merito morte plectuntur, sic inquit: Deplo-  
 ratos, & facinorosos treis ob causas rationis consentaneas è vita tollimus, ne videlicet superstites contumeliam nobis inferant; eiusdem notæ homines in terrorem perducant, tanquam pari supplicio excipiendos, si præter ius, quid patrauerint. Tertia est, quod illis ipsis mori præstet, eo malitiæ profectis, vt nullus animi medicinæ faciendæ locus sit, aut qui ne à multis ipsis quidem corrigi, aut à Socrate, aut Pythagora meliores reddi queant. Hæc ille insignis philosophus. Sed quia fortasse *Galenus* velut Gentilis hominis, & minime Christiani sententiam multi contemnere non formidabunt, opus est, vt omnes tres occisionis causas ab illo assignatas ex naturali ratione, & sacre scripturæ testimoniis, iustas esse comprobemus, & deinde ob easdem treis causas iustam esse hæretici incorrigibilis necem ostendamus. Primam causam esse dixit, ne videlicet scelerati, & pessimi homines viuentes, aliis contumeliam inferant: iustum quippe est, vt innocentes semper seruentur indemnes, neque vilo pacto permittente debet is, cui gubernandæ reipublicæ cura incumbit, vt quis alteri contumeliam, aut iniuriam inferat. Quo fit, vt si quis nocentissimus vir à iudice semel, & iterum admonitus, ne alteri noceat, noluerit à sua mala vita resipiscere: sed semper in sua malitia persistens multis quoti-  
 die noceat, iudex illum è vita tollere cogatur, ne aliis amplius nocere possit. Tenetur enim reipublicæ gubernator,  
 magis

- A** magis toti prouidere reipublicæ, quàm vni, aut alteri ciui magis totum conseruare corpus, quàm alterū membrum. Hæc tamen intelligenda sunt, si nocumentum esset magnum: quia non pro quolibet leui nocumento licet interficere: etiam si esset in illo pertinax. Præstat igitur, vt quiuis sceleratus homo occidatur, quàm quòd tota respublica pereat. Periret autem, si quamlibet mali homines viuere finerentur. Nam (vt ait Salomon) Homines pestilentes *Prov. 29* dissipant ciuitatem, sapientes vero auertunt furorem. Furorem quidem auertunt sapientes: cum ipsos pestilentes homines è vita tollunt, ne ciuitatem illi dissipare valeant. Hæc causa est, quæ iustificat leges, quæ præcipiunt occidi fures, piratas, sicarios, homicidas, & alios eiusdem notæ homines. Si hæc iusta est causa, vt homo sceleratus è vita tollatur, consequens est, vt iustum etiam sit hæreticum incorrigibilem è vita tollere: quia si superstes esset, aliis catholicis vehementer nocere poterit. Quantum enim nocere possit hæreticus, satis aperte expressit Paulus dicēs: *2. Ti. 2* Prophana autem, & vaniloquia deuota, multum enim proficiunt ad impietatem, & sermo eorum, vt cancer serpit.
- B** Super quod Theophilactus ait: Violentum (inquit Paulus) *Theop.* hoc malum est, quippe cui neque mederi quoque pacto potest. Quidam enim vniuersa deuastant, nec corrigi possunt. Cancer siquidem morbus est, qui & circumiecta depascitur. Hæc Theophilactus. Et quia tam apertum est nocumentum, quod hæretici catholicis conferunt: ideo Paulus *Gal. 5* Galatis scribens de falsis prophetis, qui illos seduxerāt, ait: *Hierony.* Utinam abscindantur, qui vos conturbant. Et beatus Hieronymus ait: Resecandæ sunt putridæ carnes, & scabiosa ouis à caulis repellenda, ne tota domus, massa, corpus, & pecora ardeant, corrumpantur, putrescant, intereant. Arius in Alexandria vna scintilla fuit: sed quoniam non statim oppressus est, per totum orbem eius flamma populata est. Hæc Hieronymus, & habetur in cap. Resecandæ. xxiii. quæst. iij. Huic sententiæ consonat, quod Egregius ille poeta dixit: Immedicabile vulnus ense rescindendum est, ne pars *Ouid.* syncera trahatur. Altera inferendæ mortis causa, quam docet Galenus, est, vt alij similis poenæ timore deterreantur à similibus criminibus perpetrandis. Prior causa respicit ciuium inter se pacificum conuictum, & totius reipublicæ conseru

conseruationem, per hoc, quòd nemo alterum lædat. Hæc C  
 vero, causa secunda prospicit bonis ipsorum ciuium mori-  
 bus, vt videlicet nemo atrociora crimina, etiã si per illa nul-  
 lus lædatur proximus, committere audeat. Multi enim sunt  
 ad crimina aliqua proni, atque procliues: sed metu mortis,  
 quam maxime horrent, & quam aliis ob similia patrata  
 scelera illatam esse sciunt, ab illis criminibus deterrentur,  
 & illa perpetrare reformidant. Sapiens nanque Salomon  
 in prouerbiis ait: Pestilente flagellato stultus sapientior  
erit. Ob hanc causam iusti (vt ait propheta Regius) de pu-  
 nitione malorum lætantur: quia agnoscunt se ex tali puni-  
 tione non parum ad virtutem profecisse, aut sperant se in  
 posterum profecturos. Lætabitur iustus (inquit propheta)  
 cum viderit vindictam: manus suas lauabit in sanguine pec-  
 catoris. Super quo Cassiodorus ait: Quid est hoc, quòd ille  
 qui præcepit orare pro inimicis, in peccatorum sanguine  
 priorum manus asserit abluendas? Sed hoc si diligentius in-  
 tuemur, correctionis potius quàm sæuitiæ præstabit exem-  
 plum. Nam cum sanguis peccatoris effunditur manus, id  
 est, actus iustissimi corriguntur. Impio enim pereunte,  
 commoneretur innoxius, cautius se, & diligentius tractare. D  
 Ita fit, vt manus iusti non crudeliter, sed pie sanguis pecca-  
 toris emundet: sicut Salomon dicit: Stulto pereunte sapiens  
 astutior fit. Hæc Cassiodorus. Ex hac radice oritur tam  
 numerosa legum multitudo præcipientium homines occi-  
 dere propter crimina, quæ nulli alteri nisi ipsimet illorum  
 patratori nocent. Qui declinauerat ad magos, & ariolos,  
 lege Mosayca interfici iubebatur. Eadem lege decretum  
 erat, vt blasphemus lapidaretur. Quamuis per hæc crimi-  
 na nullus præter ipsum illorum perpetratorem lædatur, ad  
 illorum tamen criminū horrorem alijs incutiendum, mor-  
 tis pœna talis criminibus est à lege decreta, vt videlicet cæ-  
 teri intelligant quàm graua sint illa crimina, pro quibus  
 tam acerba infligitur pœna, & vt ceteri similis pœnæ hor-  
 rore, & timore à similibus sceleribus perpetrandis deter-  
 reantur. Nam hæc est causa, propter quam in lege veteri  
 Deus præcepit rebellem sacerdoti occidi. Qui superbierit  
 (inquit lex) nolens obedire sacerdotis imperio qui eo tem-  
 pore ministrat domino Deo tuo, ex decreto iudicis morie-  
 tur homo ille, & auferes malum de Israël, cunctusq; popu-  
 lus

Prou. 19

Psal. 57

Cassiod.

Leu. 20

Leu. 24

Deut. 17



- A** lus audiens timebit , vt nullus deinceps intumescat superbia. In quibus verbis hanc solam, quam nunc pertractamus, expresit Deus occisionis causam. Hinc iam clarissime patere potest iustissimum , nedum iustum esse, morte punire hæreticum incorrigibilem: quia (vt in principio huius operis diximus) grauissimum peccatum est hæresis. Quo fit, vt ad tanti criminis horrorem, & odium aliis in generandum, iustum sit hæretico incorrigibili mortis pœnam inferre, vt vel inde cæteri agnoscant , quàm graue crimen sit hæresis, pro quo tam tristis est dicta sententia , & vt cæteri similis pœnæ timore, & horrore hæreticos esse reformident. Si iustum est per vnus punitionem, aliis alicuius criminis horrorem incutere, quanto crimen fuerit grauius , & atrocius, tanto iustius erit per maiorem, & acerbiores punitionem, aliis maiorem eiusdem criminis horrorem incutere. At nullum est ( vt supra libro primo docuimus ) grauius hæresi peccatum , nullum est ergo crimen , cuius odium sit christiano viro magis incutiendum, & inde per consequens sequitur, vt nullum sit crimen pro quo iustius aliquis possit occidi , quàm pro hæresi fixa, & insanabili. Si Martinus Lutherus cum primum cœpit effundere venenū suum, & legitime admonitus noluit resipiscere , fuisse ( vt decebat ) capitis animaduersione punitus: cæteri timorem habuissent, & non prorupissent tot tàmque pestiferæ hæreticorum factiones, quales, proh dolor, hodie Germania sustinet. Sed quia impunis euasit Lutherus, ausi sunt prodire in publicum, & suas effutire hæreses Oecolampadius, Zuinglius, Carolstadius, & omnium hæreticorum pessimi Anabaptistæ. Et hinc patet responsio cuiusdam argumenti, quo se tueri, & nos expugnare putant hi qui hæreticos quamlibet insanabiles ob crimen hæreseos occidi posse negant. Dicunt enim inanem, & stultam esse punitionem, & delinquentis correptionem, per quam nequit emendari delinqueus. At post mortem nequit hæreticus emendari, intustum est ergo illum occidere. O' bellum argumentum. Si hoc argumentum alicuius esset momenti: etiam probaret nunquam esse licitum ob aliud quamlibet graue crimen aliquem occidere, non furem, non adulterum, non homicidam, non sacrilegum. Nullus enim istorum post mortem emendari potest: sicut nec hæ-
- reticus

reticus. Eſſet igitur iuxta iſtorum ſententiam neceſſarium, C  
vt nullus illorum iuſte occidi poſſet. Reſpondemus igitur  
non omnem punitionem eſſe ad ſolam delinquentis emen-  
dationem: ſed etiam ad aliorum cautelam, vt videlicet alij

*Auguſti.*

Auguſtinus ſuper Ioannem ait: Nullus noſtrum vult hære-  
ticum perire: ſed aliter non meruit habere pacem domus  
Dauid: niſi Abſalon filius eius in bello eſſet extinctus: ſic  
eccleſia, ſi aliquorum perditione cæteros colligit, dolorem  
materni ſanat cordis tantorum liberatione populorū. Hæc  
Auguſtinus. Tertia cauſa propter quam (vt dixit Galenus)  
iuſtum eſt ſcleratum hominem occidere, eſt ipſemet ma-  
lus homo: quia deſperatur, & quidem merito (vt ex illius  
vitæ decurſu coniici poteſt) de illius emendatione, & time-  
tur ne ſi ſuperſtes ſit, quotidie peior euadat. Ne igitur ultra  
ad grauiffima quæque flagitia progrediatur, iuſtum eſt, vt  
morte illata præcludatur illi peccandi libertas. Duæ pri-  
mæ cauſæ totius reipublicæ vtilitatem reſpiciunt, hæc ve-  
ro tertia cauſa ipſius delinquentis commodis proſpicit.

*Rem. 2*

Præſtat enim mori, quàm male viuere, & præſtat etiam D  
ſcleſtum hominem mori, quàm in dies peiorem fieri. Sic  
enim progrediens, ſecundum duritiâ ſuam (vt ait Paulus)  
& impœnitens cor theſaurizat ſibi iram in die iræ, & reue-  
lationis iuſti iudicij Dei, qui reddit vnique ſecundum  
opera eius. Ob hanc cauſam Deus, qui diues eſt in miſeri-  
cordia, & longanimitis in patientia, multos in pueritia, aut  
adoleſcentia ex hac vita præripit, ne crimina, à quibus tunc  
liberi ſunt, poſtea viuentes committant, ſic enim dicit Sa-

*Sapien. 4*

lomon: Placens Deo factus dilectus, & viuens inter pecca-  
tores, tranſlatus eſt, raptus eſt, ne malitia mutaret intelle-  
ctum eius. Et poſt pauca: Placita enim erat Deo anima il-  
lius, propter hoc properauit educere illum de medio ini-  
quitatum. Si hæc vnquam iuſta poteſt eſſe cauſa, vt propter  
illam quis poſſit occidi, nõ eſt vbi iuſtior poſſit eſſe, quàm  
occidendo incorrigibilem hæreticum, ne viuere permiſſus  
quotidie magis infaniam, & peior fiat. Eſt enim proprius  
hæreticorum genius, vt niſi fuerint prohibiti, quotidie ma-  
litiâ ſuam augeant, nouos ſemper ſuſcitando errores. De

*2. Ti. 3*

his enim loquebatur Paulus cum dixit: Mali homines, &  
ſeduciores proficient in peius, errantes, & in errorem mir-  
rentes.

**A** rentes. Huius rei, etsi multa possint dari exempla, pro omnibus tamen illis satis erit vnus Martini Lutheri exemplum, cuius gesta: quia nostro hoc tempore contigerunt, & contingunt, & multa ex illis toti ferè orbi Christiano sunt notissima: multo fortius valebunt prestare pro nostra sententia testimonium: quam quilibet veterum hæreticorum, quos non vidimus exempla. Magis quidem mouet exempla visa, quàm audita. Hic enim Martinus Lutherus parua habuit suorum errorum initia, à quibus in tot, tamque pestiferos (vt nunc videmus) progressus est errores. Principio quidem solù circa indulgentias, quæ per Bullas Summorum Pontificum peccatoribus ad pœnæ remissionem concedi solent, errauit: neque quidquam amplius tunc insaniuit. Tunc siquidem bene de sacramentis ecclesiæ sentiebat, omnem ecclesiasticæ Hierarchiæ ordinem fatebatur Papam, hoc est, Romanum Episcopum reliquis omnibus Episcopis superiorem, & toti orbi Christiano prælatum agnoscebat. Nam in epistola quadam ad Leonem decimum huius nominis, tunc summum Pontificem, hæc, quæ sequuntur, scripsit: Quare prostratum me pedibus beatitudinis tuæ offero, cum omnibus quæ sum, & habeo, viuifica, occide, voca, reuoca, approba, reproba, vt placuerit, vocem tuam vocem Christi in te præsentis, & loquentis agnoscam. Hæc ille. Post hæc paulatim progrediens negauit satisfactionem vllam pro peccatis esse necessariam: sed dimissa culpa, omnem prorsus dixit dimitti pœnam. Inde coactus negauit purgatorium, quod tamen in principio sui erroris apertissime, & publice in disputatione Lypsiæ habita confessus fuerat. De his erroribus cum fuisset à summo Pontifice Leone decimo admonitus: nec palinodiam (vt tenebatur) cantare voluisset: Leo decimus illum declarauit hæreticum, & velut talem publice excommunicauit. Videns tandem Lutherus se hæreticum declaratum, & damnatum, in tot, talesque hæreses prorupit: quot qualèsq; ante illum nullus vnquam hæreticus docuit. Circa errores hæreticorum omnium inquirendos (vt ex opere illo, quod aduersus omnes hæreses edidi, facile conici potest) tantam adhibuit diligentiam (absit verbo iactantia) quantam quilibet alius circa hanc rem vnquam adhibuit. Nullum tamen inter tot, etsi multi illi fuerint,

fuerint, reperi, qui tot simul, tamque pestíferas hæreses docuerit. Melius igitur illi fuisset, vt statim à principio cum legitime admonitus obedire contempsit, gladio, aut igne puniretur, quàm viuens in tot hæreses laberetur: per quas diuinam in se quotidie auget iram, illamque thesaurizatam seruaret in die iusti iudicij Dei, vt ibi tunc acerbius puniretur. Mea quidem sententia nullus esse potuit crudelior hostis Martino Luthero, quàm qui potens iuste ab illo vitam auferre, tandiu illum viuere permisit. Nisi forte bono zelo quamuis indisereto ductus, diuinam hac in re voluit imitari misericordiam quæ peccatoribus sæpe (vt ait Iob) dat tempus ad pœnitentiam, quamuis illi abutuntur tempore sibi concessio, & pœnitentiam agere nolunt. Sed hæc sunt secretæ quædam diuinæ bonitatis dispensationes, quarum causas cum ignorent homines, non est opus in illis Deum imitari. Quid dicam de Anabaptistis, qui sub ouium pelle, hoc est, sub nomine Euangelij, & fraternæ charitatis, quæ omnia semper ore tenus habent, lupi, nam induunt personam omni scelere, & impietate repletam? Hi siquidem cum primum insanire cœperunt, in nulla alia re (quod sciam) errabant, nisi circa sacramentum baptismi, dicentes paruulis non prodesse baptismum, ac proinde eos, qui in infamia baptizati fuerant: dicebant fore, cum ad annos discretionis peruenerint, rebaptizandos. Quia tamen non fuerunt de hoc errore (vt decebat) coerciti, atque puniti, licentiosa quadam feritate ad pessima progredientes, in pestilentissimas hæreses præcipientes se dederunt. Præstitisset igitur ipsismet Anabaptistis fuisse iorerfectos, quàm ad tantas hæresum pestilentissimas fæces ebibendas, aut deglutiendas fuisse seruatos. Ecce vidisti iam candide lector tres causas, propter quas hæreticus incorrigibilis iuste prodest occidi. Prima, ne viuens aliis noceat illos suo errore decipiens. Altera, vt illius periculo alij cautiore reddantur, & tantæ pœnæ timore ab hæresi deterreantur. Tertia, ne superstites peiores in dies fiant, & maiorem in se diuinam concitent iram. Ex quibus tribus causis apertissime colligimus, vt si aliquis homo iuste potest occidi, nullus maiori causa sit occidendus, quàm hæreticus obstinatus, & insanibilis. Lege diuina olim præceptum fuit blasphemum hominem extra castra educi, & ab vniuerso

Iob 24

Lm. 24



**A** uerso populo lapidari. Multo magis ergo hæreticus est iuste occidendus, cum hæresis (vt lib. j. docuimus) sit multo grauius blasphemia peccatum. Præterea in Deuteronomio præcepit Deus prophetam falsum, & somniorum inuentorem interfici. Nam postquam præmonuit vt talem prophetam non audirent, hæc subdit: Propheta autem ille, aut fictor somniorum interficietur: quia locutus est, vt vos auerteret à domino Deo vestro, qui eduxit vos de terra Aegypti, & redemit vos de domo seruitutis. Qui autem verius propheta falsus, & qui magis auertat populum à Deo, censendus est, quàm hæreticus qui auertit à fide, sine qua impossibile est placere Deo. Ille ergo merito iuxta legē Dei interficietur, vt populum amplius à Deo auertere nō possit. Rursum, scriptura referente nouimus, quòd Semei sententiam mortis accepit: quia contra prohibitionem Regis Salomonis egressus est de ciuitate Hierusalem. Multo iustius ergo esset hæreticum occidere, qui contra præceptum Dei egreditur ab ecclesiā, intra quam perpetuo se continere debuisset. Deinde Iosias ille Rex, cui nec ante eum, nec postea fuit similis rex in Iuda, sacerdotes omnes, qui contra legem Domini immolabant idolis hōstias, occidit super altaria, in quibus illi sacrificabant. Mathatias etiam ille sacerdos illustis legis, & fidei propugnator, illum qui ad aram sacrificaturus accesserat, zelo Dei seruens, trucidauit super aram. Quid putās hic Mathatias, aut Iosias ille hæreticis faceret, si illorum alter superstes nunc esset? Non dubito quin vterque illorum pro honore Dei, & pro fide ecclesiæ suæ zelans: hæreticos omnes ad vnum vsque capitis animaduersione puniret, vt tolleret malum de ecclesia. Iuste igitur imperatores legibus suis sanxerunt hæreticos obstinatos esse occidendos. l. Arriani. C. de hæreticis. iuncta l. vltimum supplicium. ff. de pœnis. Ostendimus iam satis (vt opinor) aperte iustum esse, vt hæreticus occidatur, quo autem genere mortis sit occidendus parum ad rem facit, Nam quocunque modo occidatur, semper consulitur ecclesiā: quia semper tollitur nocumentum, quod viuens aliis præstare posset, & aliis incurritur timor, ne similia docere aut quomodolibet dicere audeant. Propter quod apud diuersas nationes, diuerso & vario genere mortis hæretici occiduntur: quia nullum est genus mortis ciuili, & inipe-

Deute. 13

Hebr. 11

3. Reg. 2

4. Re. 23

1. Mat. 2

riali lege sancitum. In Flandria, & aliis inferioris Germaniæ partibus, cum ego illic ante annos decem versarer, vidi hæreticos capitis obruncatione puniri. In Geldria tamen hæretici manibus & pedibus ligati iussu Caroli tunc Geldriæ ducis in flumen aliquod mittebantur viui, vt à flumine absorberentur. Eodem genere mortis (vt à multis qui viderunt, audiui) punitus est Antuerpiæ quidam insignis Lutheranus iussu dominæ Margaritæ Caroli Cæsaris Amicæ, quæ tunc ob Cæsaris absentiam, patriam illam gubernabat. Audiui etiam Brugis in Flandria à multis fide dignis oculatis testibus consuetum esse in illa ciuitate, hæreticos viuos mitti in oleum feruens, vt ab eo citissime comburerentur: sed tunc cum ego aderam, sola capitis obruncatione peribant. In cæteris christiani orbis regnis, aut prouincijs, quæ noui perpetua & inuiolabilis est consuetudo hæreticos igne comburere. Sic vidi fieri in Francia, præsertim Lutetiæ. Sic in Hispania, & credo sic factum fuisse semper in Italia. Nam beatus Gregor. lib. j. dialog. cap. iij. narrat Basilium quendam Magum Romæ combustum esse, & rem gestam laudat. Et (vt antiquiora reuoluamus) Dioscorus Alexandrinæ vrbs episcopus, qui Gregorium per aliquot secula præcessit, in Chalcedonensi concilio actione prima, cum de erroribus Eutychetis ageretur ibidem, dixit: Si Eutyches præter dogmata ecclesiæ sapit, non solum pœna dignus est: sed & igne. Hæc ille. Ex quibus verbis apertissime constat non esse recentem inuentionem: sed antiquissimam sapientum christianorum sententiam hæreticos esse igne cremandos, Panormitanus in cap. ad abolendam, de hæreticis. refert Hostiensem & Ioannem Andr. in eodem cap. dicere hæreticos debere igne cremari. Ad quod persuadendum adducunt illud, quod Saluator noster apud Ioannem dixit: Si quis in me non manserit, mittetur foras, sicut palmes, & arefcet, & colligent eum, & in ignem mittent, & ardet. Quorum sententiæ videtur fauere idem Panormitanus loco præfato, & in cap. Excommunicamus, vltimo, de hæret. Sed hi omnes quamuis doctissimi viri multipliciter errant. Primo, quia etli hæretici sint occidendi, non tamen est necessarium illos comburere: quia hoc (vt diximus) nullâ lege præcipitur. Deinde & si esset aliqua lex, quæ hæreticos igne comburi præciperet: nihil tamen ad legem

- A** legem illam persuadendam agerent verba illa saluatoris ex Euangelio Ioan. citata. Non enim ibi locutus est saluator de huius seculi igne, quem his corporis oculis nunc videmus: sed locutus est de igne inferni, quo ardebunt perpetuo peccatores. Nec sermo illius ad solos illos dirigitur, qui per errorem fidei separantur à Christo, vt sunt hæretici: sed loquitur ibi Christus de omnibus peccatoribus, qui propter defectum charitatis separantur à Christo, & non manent in eo, & hos omnes perpetuo inferni igne: nisi poeniteant, dicit arduos. Si quis ergo quærat quare comburantur hæretici: respōdeo hoc non esse vlla lege firmatum, sed sola consuetudine. Quam consuetudinem, si quis iustam esse persuadere voluerit: per hoc melius probabit, quod conueniens est legi diuinæ olim per Mosē datæ, & punitio-  
*Num. 16*  
**B** nibus, quibus Deus olim similes peccatores puniuit. In seditione quam suscitauerunt Chore, Dathan, & Abiron, ducenti quinquaginta viri ex proceribus Israël, qui illis adhæserunt, igne desuper à Deo misso consumpti sunt: quia schismatici fuerunt, & sacerdotale officium contra ius, & fas usurpare tentarunt. Omnis autem hæreticus, schismaticus censetur, & merito: quia separat se ab vnitate fidei, quam tota tenet ecclesia sanctorum. Deinde cum ob præfatam punitio-  
*Ibidem*  
 nem à Deo factam, omnis multitudo filiorum Israël murmuraret contra Moysen, & Aaron: dicens quod illi interfecissent populum Domini, ortaque seditione tumultus adeo incretueret, vt Moyses, & Aaron pro vita saluanda ad tabernaculum fœderis fugerent: Deus desuper incendium super populum misit, quod magnam in populo fecit stragem. Fuerunt enim qui incendio illo perierunt (vt sacra refert scriptura) quatuordecim millia hominum & septingenti: absque his, qui perierant in seditione Chore. Si Deus nunc, Deus ultionum esset, vt olim igne desuper misso Lutheranos combureret: quia seditionem mouerunt, & quotidie mouent contra principes Christianos, dicuntque illos esse tyrannos, propterea quod hæreticos incendio perire faciunt. Non abs re igitur schismatici hæretici comburantur, cum Deus tot schismaticos incendio deleuerit. Nam ob hanc causam iusta dicitur esse lex, quæ in aliquibus re-  
 gnis, vt puta in Hispania, decernit eos qui præpostera vtuntur libidine, igne fore comburendos: quia simili pœna Deus

*Leuit. 21* olim Sodomam & Gomorrhā propter idem peccatum C  
 puniuit. Inter cæteras leges à Deo per Moſem datas, vna  
 erat, qua præcipiebatur, vt filia ſacerdotis ſi deprehenſa fuiſ-  
 ſet in ſtupro, & violaffet nomen patris ſui, ſtammis exure-  
retur. Anima cuiuſlibet chriſtiani filia cenſetur illius ſum-  
 mi ſacerdotis, de quo regius propheta dixit: Tu es ſacer-  
 dos in æternum ſecundum ordinem Melchizedech. Rege-  
 nerata ſiquidem eſt per gratiam, quæ illi in baptiſmo per  
 merita paſſionis Chriſti donata eſt. Sed hæc in ſtupro de-  
 prehenditur, quando eam fidei integritatem, quam in ba-  
 ptiſmo ſuſcepit, per hæreſim amittit. Eſt enim hæreſis quæ-  
 dam fornicatio ſpiritualis. Stupro huiuſmodi perpetrato,  
nomen patris ſui violaffe dicitur: quia cū à Chriſto no-  
 men per baptiſmum ſuſcepiſſet, vt chriſtianus homo ille  
 diceretur: poſtquam in hæreſim lapſus eſt, non iam chriſtia-  
 nus dici meretur: ſed Arrianus, & Neſtorianus, aut Luthere-  
 ranus, aut alio quouis nomine cenſebitur. Hic talis iuxta  
 legem merito ſtammis exurendus tradetur. Hanc legem  
 per allegoriam expoſuimus, non quidem vt per illam con-  
 uincere credamus hæreticum eſſe neceſſario comburendū.  
 Non ſum enim adeo ignorans, vt hoc putarem: quia certo  
 ſcio iuxta doctrinam Auguſt. non eſſe ſumendum argu-  
 mentum ex myſtico ſenſu ſacræ ſcripturæ ad doctrinam D  
 aliquam confirmandam: ſed ſolum ex ſenſu literali. Hac  
 igitur ſola de cauſa hic per allegoriam parumper ludere  
 placuit, vt oſtenderem hanc hæreticorum punitionem per  
 incendium habere aliquod in ſacræ ſcripturæ exemplar cui  
 ſe poſſit vtunque confirmare. Poſſe adhuc hæc conſuetu-  
 do delendi hæreticos per incendium alia viâ perſuaderi,  
 quòd ſit iuſta: quia videlicet genus illud mortis vehemen-  
 ter animos videntium terret. Quo ſit vt videntibus, & au-  
 dientibus terribilem incutiat timorem, & inde conſequens  
 eſt, vt per tale genus mortis cæteri magis ab hæreſibus de-  
 terreantur. Vt igitur quæ tam late dixi, breuibus conclu-  
 dam: dico, & firmiſſime teneo iuſtum eſſe, vt hæreticus in-  
 corrigibilis occidatur. Quo autem genere mortis ſit occi-  
 dendus hoc, an illo, parum intereſſe cenſeo: ſed liberum  
 erit cuique regno aut prouinciæ, quo genere mortis volue-  
 rit hæreticum interficere, cum nullum ſit genus mortis  
 vniuerſali lege præfixum.

Reſpon



**A** *Respondetur obiectionibus eorum, qui dicunt hæreticos non esse morte plectendos.*

## CAP. XIII.

**O**stenſa iam & firmiſſimis (vt exiſtimo) rationibus fundata, noſtra, & catholica ſententia de hæretici incorrigibilis occiſione, vt clarius illius veritas omnibus innotefcat, & firmitior illa conſiſtat, neceſſarium fore exiſtimaui reſpondere hiſ quæ contra nos obiiciunt aduerſarij, & illa nullius prorsus roboris eſſe oſtendere. Orho quidam Brunſellius ex familia Lutheranorum in quodam opere, quod vocauit Pandectas ſacræ ſcripturæ, libro quarto, in loco de hæreticis non comburendis: multa hinc inde citat ſcripturæ ſacræ teſtimonia: quibus probare nititur hæreticos non eſſe occidendos: ſed rationibus conuincendos. Quorū aliqua neque in cute, neque intus conſiderata, vllō pacto illorum fauent ſententiæ. Alia vero, & ſi ſola facie illis ſic patrocinari oſtendant, intus tamen inſpecta, & diligenti (vt decet) examinatione diſcuſſa, aperte declarabūt ſe nullum pro illorum ſententia dicere teſtamentum. Primo igitur **B** (vt à veteri exordiar teſtamēto) nobis obiiciunt illud Eſa. prophetæ: Conſtabunt gladios ſuos in vomeres, & lanceas ſuas in falces. Quæ verba ego non video quo pacto poſſint ad hæreticorum punitionem adaptari. Siue enim ſenſum literalem, qui ſolus ad doctrinam aliquam ſtabiliſcendam eſt efficax, in verbis illis ſpectes. Siue etiam ſenſum myſticum ſub litera latentem conſideres, nihil quod ad præſens negotium attinet, inuenies. Nam iuxta verum illius literæ ſenſum, propheta promittit pacem, quæ Chriſto incarnato, & ex vtero Virginis nato futura erat in mundo, in quo tam multa, atque frequentia bella præceſſerant, vt vix hominibus pateret aditus, de vna prouincia ad alteram tranſire volentibus. Feruebant quidem ante Chriſti incarnationem vbique bella, digladiabantur inter ſe gentes, & aduerſus populum Iſraël ſæpe felici, & proſpero ſucceſſu bella gesserunt. At Chriſto ex virginis vtero nato, qui veram pacem hominibus verbo, & opere docere veniebat, pax toti orbi tunc reddita eſt. Propter quod (vt Beda in libro de ratione temporum refert) Romæ templum pacis, quod ha-

Eſa. 2

Stenus semper fuerat clausum, eo temporis articulo, Deo C  
 ira disponente: ad tantæ rei nouitatem designandam, fuit  
 sua sponte apertum. Quod autem hæc Esaiæ verba ad tem-  
 pus Christi nati sint referenda, ea quæ præcedunt apertissi-  
 me conuincunt. Et erit in nouissimis diebus (inquit Esaias)  
 præparatus mons domus Domini in vertice montium, &  
 eleuabitur super omnes colles, & fluent ad eum omnes gen-  
 tes, & ibunt populi multi, & dicent: Venite, ascendamus ad  
 montem Domini, & ad domum Dei Iacob, & docebit nos  
 vias suas, & ambulabimus in semitis eius, quia de Sion exi-  
 bit lex, & verbû Domini de Hierusalem. Et iudicabit gen-  
 tes, & iudicabit populos multos. Quæ verba ad tempus sub  
 Christo nato (vt constat) sunt referenda. Et post præfata  
 verba: statim Esaias subiungit. Et conflagrant gladios suos  
 in vomeres, & lanceas suas in falces. Quæ verba tunc adim-  
 plenda erant, quando venisset ille, qui iudicaturus erat gen-  
 tes, & populos multos. Si quis autem verba illa ad totum  
 tempus futurum post Christum natum referenda esse con-  
 tendat: nihil moror, dummodo sic intelligat, quòd Chri-  
 stus ipse saluator noster, doctrina sua non solum nobis pa-  
 cem commendauit: sed omnem belli occasionem à nobis D  
 abstulit. Nam præcepit, vt diligamus inimicos nostros, &  
 beneficiamus his, qui oderunt nos, oremus pro his, qui nos  
 persequuntur, & calumniam nobis inferre conantur. De-  
 inde, vt perfectiorem confirmaret inter nos ipsos pacem,  
 consuluit, vt iniuriæ reparationem nemo peteret, nec pro  
 realiqua in iudicio cum proximo contenderet: quia hæc  
 duo sunt quæ sæpe inter proximos pacem turbare solent.

*Ibidem* Audistis (inquit ipse Rex pacificus, & pacis magister Chri-  
 stus Saluator noster) quia dictum est: Oculum pro oculo,  
 & dentem pro dente. Ego autem dico vobis non resiste-  
 re malo: sed si quis perculserit te in dexteram maxillam  
 tuam: præbe illi & alteram. Et ei qui vult tecum in iudi-  
 cio contendere, & tunicam tuam tollere: dimitte ei &  
 pallium. Et quicumque te angariauerit mille passus: vade  
 cum illo alia duo. Quæ omnia & si non præcepta, sed con-  
 silia ab omnibus catholicis censeantur: omnem tamen belli  
 tollunt occasionem his, qui illa recte seruauerint. Hi igitur  
 qui integram Christi legem tam in consiliis, quàm in præ-  
 ceptis seruauerint, perfectam pacem amantes, conflagrant  
 gladios

A gladios suos in vomeres, & lanceas suas in falces. Nihil igitur in illis verbis, quod ad hereticorum punitionem spectet, dicitur. Nisi forte per illa verba Otho Brunfeliſius, aut quiuſ alius Lutheranus, dicat prohiberi omnem vindictam, aut punitionem quacunque authoritate factam. Quod ſi forte pro ſua effrenata, & impudenti loquendi licentia dicere non erubescat, audiat, obsecro, Paulum illius ſententiam damnantem, qui de publica poteſtate loquens, ait: Si malum feceris, time: non enim ſine cauſa gladium portat. Dei enim miniſter eſt: vindex in iram, ei qui malum agit. Per illa ergo Eſaię verba, & ſi forte (quod non puto verum cum nihil de hac re loquantur) prohibeatur bellum authoritate priuata factum, aut vindicta, ſue punitione, quę à priuata fieret authoritate: nullum tamen horum inhiſceretur: ſi à publica poteſtate ob iuſtam aliquam cauſam fieret. Et nos etiam fatemur hæreticum hominem quemlibet peſtilentem non poſſe à quouis homine occidi: niſi authoritate publicę poteſtatis illi fuerit commiſſum. De myſtico autem illorum verborum Eſaię intellectu, qui multiplex dari poſſet, nihil moror: quoniam ille (iuxta omnium ſacrorum doctrinam) parũ efficax eſt ad doctrinam aliquam comprobãdam. Secundo pro ſe affert idem Otho aliud teſtamentum ex eodem Eſaiã propheta ſic dicente: Eſa. 11 Non occident, & non nocebunt in vniuerſo monte ſancto meo. Et certe (vt ingenue fatear) ego nõ poſſum intelligere quomodo ex illis verbis poſſit ille Otho colligere hereticos non eſſe occidendos, cum non in particulari de ſolis hereticis: ſed elocutione vniuerſali de omnibus Eſaiã propheta dicat: Non occident, & non nocebunt in vniuerſo monte ſancto meo. Niſi forte Otho ille contendat Deum per illa Eſaiã verba prohibere omnem cuiuſuiſ hominis occiſionem, ac proinde eiſdem etiã verbis prohibuiſſe ne hæretici occidantur. Sed hoc faſum eſſe, & à fide catholica alienum, in proxime præcedenti capi. oſtendimus. Præterea, ſi Otho dicit Deũ per illa verba prohibere hominem aliquem intra catholicam eccleſiam occidi, cõſequens eſt, vt etiam fateatur Deum prohibere, ne poſt datum Euangelium poteſtas aliqua inferat aliquod homini nocumentum. Nam ſicut in illis verbis dixit Deus, Non occident, ita etiam dixit: Non nocebunt. Itaque iuxta iſtam ſenten-

tiam : nec Rex, nec Imperator, neque alia quævis potestas C  
 posset hominem sceleratissimum ob quantacunque gra-  
 tissima crimina occidere, neque flagellare, neque fusti-  
 bus cedere, neque pecunia mulctare, neque à populo, aut  
 regno relegare, neque aliud denique quaecunque nocu-  
 metum illi inferre, propterea quod Deus per Esaiam pro-  
 phetam ait : Non occident, & non nocebunt in vniverso  
 monte sancto meo. Hoc autem fateri non solum est er-  
 ror, & hæresis : sed maxima dementia, & bestialitas, quæ  
 cum indigna sit, vt rationibus contra illam agatur, igne  
 & morte de medio tolenda esset. Sed opus est, vt verum,  
 & germanum illorum verborum Esaiæ sensum ostenda-  
 mus, & inde apertius euadet, quàm longe verba illa Esaiæ  
 à scopo præsentis disputationis absint. Illa Esaiæ verba  
 nullum præceptum, nullamque prohibitionem continent:  
 sed promissiones quædam sunt illorum bonorum, quæ  
 post Christi in carnem aduentum, Deus suæ daturus erat  
 ecclesiæ. Et vt quod dicimus apertius ostendamus verba  
 quæ præcedunt repetere oportet : quoniam circumstantia  
 scripturarum est, quæ maximæ solet verum illarum ma-  
 nifestare sensum. Quæ autem proxime præcedunt hæc D  
 sunt. Et egredietur virga de radice Iesse, & flos de radice  
 eius ascendet, & requiescet super eum spiritus Domini, spi-  
 ritus sapientiæ, & intellectus, spiritus consilij, & forti-  
 tudinis, spiritus scientiæ, & pietatis, & replebit eum spi-  
 ritus timoris Domini. Non secundum visionem oculo-  
 rum iudicabit, neque secundum auditum aurium arguet:  
 sed iudicabit in iustitia pauperes, & arguet in æquitate  
 pro mansuetis terræ. Et percutiet terram virga oris sui, &  
 spiritu labiorum suorum interficiet impium, & erit iusti-  
 tia cingulum lumborum eius, & fides cinctorium renum  
 eius. Hæc omnia Esaiæ verba: nemo est catholicus, qui non  
 interpretetur illa de Christo saluatore nostro: quoniã om-  
 nes sacri Doctores illa tribuunt Christo redemptori nostro.  
 Et Paulus istorum verborum partem in secunda ad Thes-  
 salonicenses Epistola de eodem interpretatur. Post hæc au-  
 tem verba statim Esaias propheta subiungit multa bona,  
 quæ nobis per Christum donanda erant, sic inquit : Ha-  
 bitabit lupus cum agno, & pardus cum hœdo accubabit.  
 Vitulus, & leo, & ouis simul morabuntur, & puer paru-



**A** lus minabit eos. Virulus, & vrsus pascuntur, simul requiescent catuli eorum. Et leo quasi bos comedet paleas. Et delectabitur infans ab ubere super foramina aspidis, & in cauerna Reguli, qui ablatus fuerit manum suam mittet. Non occident, & non nocebunt in vniuerso monte sancto meo, quia repleta est terra scientiam Domini, sicut aquæ maris operientes. Hactenus Esa. Quæ illius verba constat esse promissiones eorum bonorum, quæ per Christum redemptorem nostrum generi humano donanda erant, & non præcepta. Sicut enim per illa verba non præcipitur nobis, vt habitare faciamus lupum cum agno, & pardum cum hædo: ita etiam per illa verba non præcipitur nobis, vt non occidamus, aut non noceamus. Nam eiusdem conditionis sunt omnia illa, quæ eodem contextu sunt in illa præfata litera connexa, ita vt omnia illa promissiones dicantur, aut præcepta. Cum autem dicit: Non occidēt, & non nocebūt in vniuerso Monte sancto meo, nō de hominibus: sed de venenosis illis serpentibus videlicet aspide, & regulo, quos proxime nominauerat loquitur. De regulo siquidē, & aspide promittit, quod non occidēt, & non nocebunt in vniuerso monte sancto suo. Quæ verba nequaquam iuxta solā litteræ superficiem: sed iuxta spiritualē sensum sunt accipienda. si quis vero mihi in hac parte non fidit, audiat beatum Hieronymum, qui in commentariis super Esaiam prophetam præfatas omnes Esaiæ promissiones interpretans, sic ait: Hæc quoque Iudæi, & nostri Iudaizantes iuxta literam futura contendunt, vt in claritate Christi, quem putant in fine mundi esse venturum, omnes bestię redigantur in mansuetudinē, & pristina feritate deposita, lupus & agnus pascantur simul, & cætera cum cæteris, quæ nunc videmus sibi esse contraria. Et post pauca subdit: Sed & hoc eos interrogemus quid dignum sit Domini maiestate, vt lupus, & agnus pascantur simul, & pardus cum hædo habitet, & leo paleas comodat, puer paruulus mittat manum suam in foramine aspidum. Nisi forte iuxta fabulas poetarum, aureum nobis Saturni seculum restituent, in quo lupi, & agni pascuntur simul, & mulso vino plena current flumina, & de foliis arborum stillabunt mella dulcissima, lacteisque fontibus omnia complebuntur. Et aliquibus interiectis, subiungit: Hæc breuiter diximus, vt lu-

*Hierony.*

Luc. 10

Matt. 5

Mat. 18

daizantes nostros grauissimò somno stertere conuincamus. Cæterum iuxta viuificantem spiritum facilis intelligentia. Et tandem spiritualement reddens intelligentiam, hæc ait: Qui autem ablactatus est, & nequaquam lacte nutritur infantiæ: sed iam solido vescitur cibo, iste in reguli cauernam mittet manum, hoc est, in ipsius Satanæ habitaculum: & inde eum extrahit. Vnde & apostolis potestas data est, vt calcarent super serpentes, & scorpiones, & super omnem fortitudinem inimici. Nocere autem, & occidere nequaquam poterunt venenata prius animalia, eos qui habitauerint in monte sancto Dei, quod interpretatur ecclesia, de quo in Euangelio dicitur: Non potest ciuitas abscondi supra montem posita. Hactenus Hieronymus. Ex cuius verbis apertissime constat, illa Esaïæ verba, quæ nobis obiicit ille Lutheranus Otho, nihil prorsus continere, quod ad hereticorum punitionem, vel ex longinquo pertineat. Obsecro te nunc lector, vt consideres qualibus scripturæ testimoniis hæretici Lutherani suas hereses probare nitantur. His etenim & aliis eiusdem notæ testimonii plebem indoctam decipiunt, & in pestilentissimos trahunt errores. Tertio nobis obiicitur illud, quod saluator noster de fratre in nos peccate, qui semel & iterum admonitus emendationem negligit, apud Mattheum ait: Si ecclesiam non audierit, ait tibi sicut ethnicus, & publicanus. Quibus verbis excommunicandi potestatem dedit ecclesiæ, non occidendi: iniuste ergo (ait ille Otho) occiduntur hæretici. O bellum argumentum, quod non semel tantum: sed iterum pluries peccat. Primo quidem notissimum est omnibus, qui vel parum aliquid dialecticam gustarunt: ineptum esse modum argumentandi per locum ab autoritate, negando, veluti si quis argumentetur hoc modo. Christus saluator noster non dixit, Feria secunda ieiunandum esse aut orandum, aut studendum sacre scripturæ: ergo nullum istorum illo die agere licet. Nam si collectio istius argumentationis valida esset, & efficax, eodem modo ex opposito colligere liceret: sic argumentando: Christus redemptor noster non dixit, Feria secunda non esse ieiunandum, aut non orandum, aut non studendum sacre scripturæ: ergo nullum istorum illo die omittere licet. Itaque eodem argumentationis loco: duo contradictoria probabuntur. Quia sicut Christus saluator

- A** uator noster vnum non præcepit, ita neque præcepit alterum. Talis est præsens argumentatio, qua Otho arguit hæreticum non esse occidendum: quia Christus non præcepit occidere: sed excommunicare. Hæc est Lutheranorum dialectica, qua sæpissime vtuntur, credentes huiusmodi fallaciis totum decipere mundum: sed frustra mittunt rete ante oculos pennatorum. Eodem modo etiam peccant, quando ex dictis Pauli ad Titum, sic arguunt: Paulus dicit, vt hæreticum hominem post vnam, & alteram correptionem deuitemus: nõ autem vt occidamus. Fateor. hoc non dixit Paulus: sed nec etiam prohibuit, vt non occiderentur: ac propterea inde nec vnum, nec alterum colligere licet. Eandem fallaciam committunt in aliis multis argumētationibus, quas pro hac re faciunt, præsertim cum ex illo saluatoris verbo arguunt, quo ait: Cauete à fermēto Phariseorum. Non dixit: Occidite hæreticos phariseos: sed solum dixit, vt caueremus ab illis. Quibus ego respondeo: quod si non dixit: Occidite, neque etiā dixit: Non occidite. Deinde adhuc iterum peccatur in præfato argumēto: quia etsi illa collectio esset bona ab autoritate negatiue: nihil inde plus colligi posset, quā quod ecclesiastica potestas hæreticū occidere nõ posset. Quia illa sola est, & non potestas laica, cui tūc Christus loquebatur, & cui dedit excommunicandi potestatem. Per hoc ergo quod dans potestatem excōmunicandi, subticuit potestatem occidendi: solū colligi potest (si tamē collectio esset bona) eam potestatem, quæ potest excōmunicare, nõ posse occidere. Quod licet multi catholici negare contendant, qui utrūq; gladium tribuunt ecclesiæ, ipsa tamen ecclesia opere ostendit se vnū tantum habere gladiū. Quia solū gladium exercet spiritualē, reliquū in vaginā recludens. Nam ecclesiastici iudices non occidūt hæreticos: sed laica potestas, quæ gladium corporalē, iuxta dictum Pauli non sine causā portat, illos iubet occidi. Neque vllū est in toto iure Pontificio decretum quod hæreticos iubeat occidi: sed tantū iubet illos potestati seculari tradi, ab illa pro suo arbitrio iudicandos. Verū hic occurrūt nobis Lutherani dicentes: Episcopi, & alij hæreticorū inquisitores similes sunt sacerdotibus iudeorum, qui cum mortis Christi saluatoris nostri re vera essent authores: Pilato tamen iudeæ præsidi dicebant: Nobis non licet interficere quēquam. Tales per omnia (vt Lu-  
thera

Timo. 3

Rom. 13

Mat. 16

Ioan. 18

therani dicunt) se exhibent hæreticis iudices Ecclesiastici. C  
 Hi enim (vt Lutherani calumniantur) authores sunt mortis hæreticorum, & tamen dicunt illis nō licere interficere hæreticos, ac propterea tradunt illos potestati seculari, ab illa ad mortem cōdemnandos. Sed re vera hic, sicut alibi sæpe falluntur, & affectu maligno obcæcati miserrime errāt.  
 Vt autem omnibus notum faciam, quā inuidiose illi contra inquisitores, & alios iudices ecclesiasticos loquantur, opus est, vt apertissime ostendam latissimū esse discrimen, ac proinde ineptam esse similitudinem, inter ecclesiasticos hæreticorum iudices, & iudæorum sacerdotes. Pharisæi, & alij iudæorum sacerdotes, quamuis manibus nō occiderunt Christum saluatorem nostrum, tamen occiderūt eum lingua multis, variisque modis illius mortem procurantes. Nam primo ( vt Ioannes Euangelista testatur ) collegerunt Pontifices, & Pharisei consilium dicentes : Quid facimus? quia hic homo multa signa facit? Et tandem dato per Cayphan anni illius Pontificem consilio, quod expediret Christum mori, ne tota gens periret, illius consilio acquieuerunt ceteri, & ab illo die cogitauerunt interficere Christum omnium redemptorem. Deinde tradiderunt illum Pilato, & coram illo ad mortem Christum accusarunt: & quia veris hoc agere testibus non poterant, falsos induxerunt testes, qui contra Christum falsum dicerēt testimonium. Pilatus insuper cum causam Christi examinasset, vellētque illum dimittere: quia nullam inueniebat in eo mortis causam, dixit populo: Quē vultis dimittam vobis Barrabam, an Iesum, qui dicitur Christus? His auditis, Princeps sacerdotum, & seniores (vt Matthæus refert) persuaserunt populo, vt peterent Barrabā: Iesum vero perderent. Rursum cum Pilatus flagellatum Christum, & coronam spineam in capite portantem, vestēque purpurea indurum populo ostenderet, vt vel sic populum ad illius misericordiam prouocaret, Pontifices, & ministri ( vt beatus Ioannes Euangelista narrat ) clamauerunt dicentes: Crucifige, crucifige eum. Post hæc, Pilato dicenti sacerdotibus & populo, vt ipsi Christum acciperēt, & crucifigerent, responderunt Iudæi: Nos legem habemus, & secundum legem debet mori: quia filium Dei se fecit. Deinde, cum Pilatus quæreret Christum liberum dimittere, Iudæi clamarunt

Ioan. 11

Mat. 27

Ioan. 19



**A** runt dicentes. Si hunc dimittis non es amicus Cæsaris: Omnis enim qui se Regem facit, contradicit Cæsari. Denique, sedente Pilato pro tribunali, cum ille Christum populo ostenderet, dicerétque: Ecce Rex vester, Iudæi (inter quos sine dubio fuerunt sacerdotes) clamabant. Tolle, tolle, crucifige eum. Et cum diceret eis Pilatus: Regem vestrum crucifigam? Responderunt Pontifices, non habemus Regem nisi Cæsarem. Videte obsecro, & diligenter attendite; quoties sacerdotes Christi mortem coram iudice petierunt, nec tamen leuiter, sed importune nimis iudicem vrgentes, populúmque ad idem ipsum postulandum variis mendacijs seducentes. Propter quæ omnia merito illi Christum saluatorem nostrum crucifixisse censentur: quia etsi manibus non crucifixerunt, hoc tamen consilio suo fecerunt. Et hoc modo beatus Augustinus concordat dissonantiam, quæ videtur esse inter Euangelistas, quorum alter dicit Christum crucifixum esse hora tertia, alter hora sexta. Nam Iudæi (vt Augustinus ait) occiderunt Christum hora tertia, tot talibusque verbis (vt diximus) mortem illius procurando: milites vero occiderunt manibus hora sexta. Videamus nunc an aliquid horum faciant cum hæreticis inquisitores, aut alij iudices Ecclesiastici: Quod certissimum est, & experientia docente scimus: iudices ecclesiastici postquam aliquem de hæresi damnauerunt, & illum obstinatum hæreticum esse censuerunt: statim declarant illum ad suum ius, & ditionem non pertinere, traduntque illum seculari potestati, tanquam hominem, qui propter hæresis obstinationem ab ecclesia exiuit, & sub sola potestate laica se ipsum constituit. Cum autem illum iudices ecclesiastici potestati seculari tradunt, non petunt ab illa, vt occidat hæreticum, neque illum quouis modo reum mortis esse dicunt. Etsi potestas secularis hæreticum occidere noluerit: iudices ecclesiastici non cogunt, neque vlllo modo sollicitant illam, vt hæreticum occidat: neque consilium vllum de morte hæretico inferenda vnquam donant: imò e contrario ipsam secularem potestatem semper rogant, vt pœnam mortis, aut aliam sanguinis pœnam non irrogent illi, tantum abest, vt mortem illius quouis modo procurent. Quæ omnia cum sint certissima, & toti (vt existimo) populo

Christ

Christiano notissima, miror tãtam esse Lutheranorũ impudentiam, tãque effrãnatam maledicentiam, vt non vereantur dicere, hæreticorum inquisitores similes esse sacerdotibus Iudæorum, qui Christum occiderunt, cum latissimum sit (vt re ipsa constat) inter hos, & illos discrimen. Certe multo rectius, & appositius ego dicere possem, Lutherum illiusque allēclas similes esse illis sacerdotibus Iudæorum. Quoniam illi falsos quæsierũt testes cum veros habere non possent, vt Christum morti traderet: Lutherani vero falsa perquirunt scripturæ sacræ testimonia, cum vera non habeant, vt corpus Christi, quod est ecclesia prorsus occidat. Multa dicũt Christum fecisse, & docuisse, quæ nec per somnium vnquam cogitauit. Multa Apostolis tribuunt, à quibus illi longissime absuerunt. Millēq; alia fingũt commenta, non ob aliam causam: nisi, vt ecclesiam, quæ Christi corpus est, interire faciant & aliã nobis donent ecclesiam malignantium, quam propheta Regius se odiſse prædixit.

*Psalm. 25*

Quarto nobis obiiciunt Lutherani, & qui illis in hac parte fauent, parabolam illam detritico, super quod inimicus homo seminauit zizania, quæ videntes serui patris familias dixerunt ei: Vis imus & colligimus ea? Quibus respondit idem paterfamilias: Non, ne forte colligentes zizania eradicetis simul & triticum, sinite vtraque crescere vsq; ad messem. Si Deus prohibet eradicare zizania, ergo iniuste, & contra Dei præceptum (vt Lutheranis videtur) faciunt, qui hæreticos per zizania significatos, de agro huius mundi per mortem eradicant. Hoc est Lutheranorum fortissimum argumentum, cui magis illi innituntur, & per quod se de nobis triumphare existimant. Sed nos Deo duce facillimum esse ostendemus: quod ex falsa literæ intelligentia procedit. Primo quidem non est opus personas, aut res alias in parabola positas explicare, cum ipsemet veritatis magister Apostolis petentibus illorum omnium interpretationem reddiderit, sic inquit. Qui seminat bonum semen est filius hominis. Ager autem est mundus. Bonum vero semen hi sunt filij regni. Zizania autem, filij sunt nequam. Inimicus autem, qui seminauit ea, est diabolus. Ex qua interpretatione cõstat, zizaniorum nomen melius ipsiſ hæreticis, quàm illorũ hæresibus adaptari. Quod dixi propter aliquos, qui in dubium vertunt,

*Mat. 13*

**A**n hæc parabola hærelibus, an hæreticis conueniat. Zizania (inquit Christus) filij sunt nequam. Sed opus est, vt reliqua diligenter perscrutemur. Cum serui patrisfamilias vellent zizania colligere, prohibuit illis, ne id facerent paterfamilias sic inquit: Non, ne forte colligentes zizania, eradicetis simul & triticum. In quibus verbis id maxime annotandum est, quod non absolute, & generaliter, & absque vlla causa prohibuit talium zizaniorum collectionem: sed statim causam reddidit, propter quam hoc fieri prohibebat. Ne forte (inquit paterfamilias) colligentes zizania, eradicetis simul & triticum. Metus igitur eradicandi triticum, est causa, vt tolerentur zizania crescere cū tritico. Ex opposito igitur colligere oportet, quod quādo nulla est sic metuendi ratio, vt puta quia apertum est, & optime noscitur inter triticum & zizania discrimen: & vnum alteri non est adeo coniunctum, aut connexum, vt nō possit facillime vnum sine altero eradicari: tunc paterfamilias non prohibet fieri zizaniorum eradicationem. Si nullam expressisset in prohibitione causam: sed absolute locutus fuisset, quamuis aliquæ re vera essent prohibitionis cause: & illæ omnes abessent, fateor, semper extaret integra prohibitionis virtus. Si tamē causam principalem motiuam, & finalem legislator exprimit: propter quam se aliquid præcipere, aut prohibere testatur. Consequens est, vt cessante illa causa, cesset etiam præceptum, aut prohibitio. Talem enim causam exprimens legislator, aperte declarat, quod si illa causa non subesset, nihil tale præcepisset, aut prohibuisset. Nam si illa seclusa nihilominus præcepisset, aut prohibuisset, consequens est, vt illa non fuerit unica, & sola præcepti aut prohibitionis causa. Per illa ergo præfata verba, sicut paterfamilias seruis prohibuit, vt stante metu eradicationis tritici non colligerentur zizania: ita ex opposito eisdem seruis concessit, vt nulla existente iusta metus causa possent zizania colligere. Ad hunc prorsus modum (vt parabolam nostro proposito accommodemus) in hæreticorum punitione exereenda faciendum esse censeo. Si de homine aliquo dubitatur, hæreticus ne sit ille, an secus: propterea quod non plene constat illum talem hæreticam assertionem dixisse, aut non constat illum esse pertinacem, aut si constat illum talem ali-

quam

quam propositionem pertinaciter docuisse, non tamen con- C  
stat illam propositionem esse hæreticam: tunc certe nimis  
iniuste agerent inquisitores, si illum hæreticum declara-  
rent, & iniuste, atque crudeliter ageret laica potestas, si il-  
lum occidi iuberet. Tunc enim illi dicit Deus: Non colli-  
gatis zizania, ne forte simul eradicetis & triticum. Si ve-  
ro certissime noscitur aliquem hominem esse hæreticum:  
quia assertio, quam tuetur, ex diametro pugnat cum ca-  
tholica fide, & ille semel, & pluries legitime admonitus  
non vult resipiscere: tunc licite occidendus est: quia non  
timetur vt catholicus pro infideli occidatur. Hunc autem

*Hierony.*

tus Hieronymus, qui in commentariis super Matthæum  
præfatam parabolam interpretans ait: Quod autem dici-  
tur: Ne fortè colligentes zizania eradicetis simul & fru-  
mentum, datur locus pœnitentiæ, & monemur, ne cito am-  
putemus fratrem. Quia fieri potest, vt ille, qui noxio de-  
prauatus est dogmate, cras resipiscat, & defendere inci-  
piat veritatem. Illud quoque, quod sequitur. Sinite vtraque  
crescere ad messem, videtur illi præcepto esse contrarium:

*1. Corin. 5*

Auferte malum de medio vestrum, & nequaquam societa- D  
tem habendam cum his, qui fratres nominantur: & sunt  
adulteri, & fornicatores. Si enim prohibetur eradicatio, &  
vsque ad messem tenenda est patientia, quomodo eiiciendi  
sunt quidam de medio vestrum? Inter triticum, & zizania,  
quod nos appellamus lolium, quandiu herba est, & non-  
dum culmus venit ad spicam, grandis similitudo est: & in  
discernendo, aut nulla, aut perdifficilis est distantia. Præ-  
monet ergo dominus, ne vbi ambiguum est, cito senten-  
tiam proferamus, vt cum dies iudicij venerit, illum non  
suspicio criminis: sed manifestum reatum de sanctorum  
cœtu eiiciat. Hæc Hierony. Qui tam apertè nostram con-  
firmat sententiam: vt nihil apertius pro illius assertionem di-  
ci possit. Eidem sententiæ subscribit Aug. qui lib. iij. con-  
tra epistolam Parmeniani, cap. ij. sic ait: Ipse dominus cum  
seruis volentibus zizania colligere, dixit: Sinite vtraque  
crescere vsque ad messem, præmisit causam dicens: Ne for-  
te cum vultis colligere zizania, eradicetis simul & triticum.  
vbi satis ostendit, cum metus iste non subest: sed omnino  
de frumentorum certa stabilitate certa securitas manet,  
id est

*August.*



**A** id est, quando ita cuiusque crimen notum est omnibus, & omnibus execrabile apparet: ut vel nullos prorsus, vel non tales habeat defensores, per quos possit schisma contingere, non dormiat seueritas disciplina, in qua tanto est efficacior emendatio prauitatis, quanto diligentior confirmatio charitatis. Hæc Augustinus. Qui apertissime nostræ fauet sententiæ.

*An liceat hæreticos bello oppugnare, postquam de illorum pertinacia, atque rebellionē plene constiterit.*

CAP. XIII.

**E**O tempore quo opus hoc de iusta hæreticorum punitione scribebam, Tridenti aderam, ubi hortante, atque solitante Carolo Cæsare semper Augusto huius nominis Quinto, Hispaniarumque Rege eiusdem nominis primo, Paulus tertius summus huius nominis Pontifex, generale tunc conuocauerat concilium, ad quod ex mandato serenissimi Philippi Hispaniarum Principis, qui tunc Hispanias propter Caroli patris absentiam moderabatur, perueneram. Per id tempus idem Carolus Cæsar, contra quosdam Germaniæ principes ob multas, easque iustissimas causas bellum mouere decreuit. Progrediente igitur bello, cum illud Italia iam haberet initia, ut magnam victoriæ præberent spem, ego propter morbum, qui diu, atque acerbè me ibidem vexabat, hortatu medicorum, qui meæ salutis consulebant, è Tridento in Hispaniam, meumque natale solum redire coactus sum. Quò cum redirem, multos, variósque homines, qui se fideles catholicos iactabant, in via audiui, qui bellum quod Cæsar gerebat ob solam Christianæ religionis causam ab illo motum esse interpretantes, eundem Cæsarem ob eandem causam improbe, atque irreligiose accusabant, dicentes rem minime Christianam esse, hæreticos bello oppugnare: quia illi (ut dicebant) non armis: sed rationibus vincendi erant. Hac igitur occasione ego motus, decreui hanc controuersiam huic operi, quod iam ad umbilicum perduxeram, inferere, ut ostenderem toto (ut dicitur) errare cælo eos, qui ita sentiunt. Ut autem hoc apertius ostendere valeamus, illud ante omnia statuere oportet non omne

A

bellum esse malum, & lege diuina damnatum, vt Manichæi, & alij hæretici sentiunt: sed aliquod esse bellum lege diuina non solum permissum: verum etiam laudatum, illud scilicet cui omnia adsunt, quæ ad iustū bellum exiguntur.

*Luc. 3* Nam Ioannes ille præcursor domini, quo nullus inter natos mulierum maior surrexit, militibus interrogantibus eum quid facerent, vt vitam assequerentur æternam: non præcepit arma abiicere, militiam deferere, neminem percutere, neminem in bello occidere, aut vulnerare: sed solum hoc præcepit, vt neminem concuterent, neque calūniam facerent, & contenti essent stipendiis suis. Si autem omne bellum esset damnatione dignum, non hoc solo contentus esse debuisset Ioannes Baptista: sed oportebat, vt omne bellum illis prohiberet. Cum ergo nihil tale illis dixerit, eo ipso visus est sentire aliquod esse bellum laude dignum.

*Matt. 22* Deinde ipse veritatis Magister Christus saluator noster monet tributa Cæsari reddi, quæ ob eam causam (iuxta Pauli sententiā) reddi iubentur, vt inde militi ad pacis conseruationē necessario stipendiū soluatur. Nam de obedientia principi præstanda Paulus differens, ait: Ideoque necessitati subditi estote, non solum propter iram: sed etiam propter

*Rom. 13* consciētiam. Ideo enim & tributa præstatis. Ministri enim Dei sunt in hoc ipsum seruientes. Ex quibus omnibus apertissime constat aliquod esse posse iustum bellum. Quæ autem sunt necessaria, & sufficiētia, vt iustum aliquod sit bellum, nūc explicare oportet, vt inde constare possit, an iustum sit hæreticos bello oppugnare. Vt bellum sit iustum, iustitia illa, quæ solum excludit obligationem restitutionis eorum, quæ in bello sunt capta, sola duo sunt necessaria: videlicet autoritas, & potestas ad bellum faciendum, & causa necessaria. Si tamen bellum debet esse iustum, iustitia illa, quæ excludit peccatum, hoc est, vt sine peccato fiat: duo insuper aliā sunt necessaria. Horum primum est, vt bono animo, & bona intentione bellum inferatur. Alterum, vt persona, quæ in bello pugnare debet, sit ad bellum legitima, id est, talis cui non sit lege prohibitum in bello pugnare. Tertium, aliqui addunt videlicet rem, pro qua bellum geritur, ita vt bellum fiat pro rebus recuperandis, aut pro patriæ defensione. Sed hoc tertium (vt ego censeo) superfluit: quia continetur sub altero ex duobus primis, videli

**A** videlicet sub iusta causa. Oportet igitur, vt omnia hæc quatuor, quæ diximus esse requisita sigillatim discutiamus, & inde aperte constabit iustum posse esse bellum, quod contra hæreticos fieri continget. Primum igitur necessarium ad bellum iustum est autoritas bellum facientis. Non enim quilibet pro suo arbitrio potest bellum mouere: sed solus ille, qui non habet superiorem, à quo iniuria, aut damni sibi illati recompensationem petere possit. Nam qui superiorem habet, ad quem possit confugere pro recompensatione, aut vindicta impetranda, non potest bellum mouere. Nam dominus hoc illi aperte prohibuit dicens: Mihi vindictam, & ego retribuam. At qui à superiore, qui loco Dei præest, vindictam petit, à Deo petit, qui illum ad hoc constituit suum ministrum, vt illos, quorum curam habet, tueatur, & protegat ab omnibus, qui illis nocere voluerint, siue subditi illius sint inuasores, siue extranei. De subditis enim loquebatur Paulus, cum ad Romanos scribens, dicit: Si malum feceris, time: non enim sine causa gladium portat. Dei enim minister est, vindex in iram ei, qui malum agit. Ad hoc enim censet Paulus, datum esse à Deo principibus gladium, hoc est puniendi potestatem, vt subditos malefactores punire possit, & sic læsorum iniurias vindicare. Circa extraneos vero intelligendum est id, quod Regius propheta ait: Eripite pauperem, & egenum de manu peccatoris liberate. Eisdem etiam loquitur Hieremias propheta dicens. Facite iudicium, & iustitiam: & liberate vi oppressum de manu calumniatoris. Inferior ergo, qui superiorem habet, ad quem pro recompensatione damni, aut pro vindicta impetranda, confugere potest, iniuste ager, si pro aliquo horum propria auctoritate bellum mouerit: quia sic agens Dei præceptum transgredietur, qui vindictam prohibuit. Princeps autem, qui nullum superiorem in civilibus rebus agnoscit, sicut pro regno, aut republica, quam regendam, aut protegendam suscepit, iuste potest bellum mouere, ita etiam pro seipso quatenus persona est communis, & publica: quia non habet superiorem, ad quem pro vindicta impetranda confugere debeat. Hoc enim aperte docet Augustinus contra Faustum lib. xxij. cap. lxxv. sic inquit: Ordo naturalis mortalium paci accommodatus hoc poscit,

*Deut. 32**Rom. 13**Psal. 81**Hiero. 22**August.*

vt suscipiendi belli authoritas, atque consilium penes principes sit exequendi autem iussa bellica ministerium milites debeant paci salutiq; communi. Hæc ille. Principis autem nomine hic intelligo non solum Imperatorem, & Reges illos, qui Imperatori nequaquam subduntur: sed omnes illos dominos, qui in causis subditorum suorum definiendis plenam habent iurisdictionem, plenúmque dominium, ita vt illorum sententia audita, neminem alium superiorem iudicem subditi illorum appellare possint. Tales sunt hodie aliqui domini in Italia. Vt sunt Dux Florentiæ, Dux Ferrariæ, Dux Mantuæ, Marchio Montis Ferrari. Nam hi omnes ex consuetudine antiqua hanc habent in suos subditos iurisdictionem, & potestatem, vt ab illorum ciuili sententia ad nullum alium superiorem, illorum subditi appellent. Et nescio an aliquibus Germaniæ Ducibus, aut Marchionibus hæc authoritas, & potestas belli mouendi hodie competat. Cuius dubitationis causa inde mihi oritur, quòd eorum qui libet propriam cudit monetam: quod soli superiori Principi iure competit. Sed hoc non obstante ego censeo hanc potestatem belli mouendi esse illis iure negatam, propterea quòd omnes illi subduntur Imperatori: à quo puniri potest quicumque illorum alteri iniuriam irrogauerit, aut damnum dederit. Cuius rei apertissimum præbet testamentum Senatus publicus, qui est in Germania Imperatoris autoritate suffultus, ad quem ex omnibus Germaniæ oppidis confugiunt, quotquot ab aliis dominis se iniuste damnatos esse arbitrantur. Cum igitur omnes illi Imperatorem agnoscant, à quo quicumque illorum potest iniuriæ, aut damni recompensationem petere, consequens inde est, vt nullus illorum possit iuste sine Imperatoris autoritate aduersus aliquem alium bellum mouere. Quia bellum non nisi necessitate cogente mouendum est, ac proinde bellum semper cõsendum est iniustum, quando rei pro qua bellum geritur, aliter quàm per bellum potest commode prouideri. De reliquis autem Ducibus, aut Marchionibus, aut reliquis dominis etiam si Principis nomine censeantur, in regno Hispaniæ, aut Franciæ, aut Neapolis, aut alio quouis regno, sub Regis potestate dominium tenentibus, non est cur aliquis dubitare debeat, an bellum sine Regis, cui subduntur autoritate, & per-

missione



**A** missionem mouere possint. Nam etsi illi suis subditis iura dare possint, & leges, in illis tamen ferendis, Regi sic subduntur, vt nihil contra leges à Rege statutas, decernere possint. Et inde constat eos non esse verè capita prouinciarum, aut oppidorum, quibus præsunt, & imperant: ac proinde iniuriam facerent Regibus, quibus subsunt: si illorum auctoritatem bellum mouendo, sibi usurparent: ac si ipsi vera, & suprema capita in suis dominiis essent. Nomine etià Principis in litera Augustini supra citata, intelligendæ sunt illæ respublicæ, quæ ex antiqua consuetudine plenam habent in terris sibi subiectis iurisdictionem: ita vt nullum alium superiorem agnoscant. Nam tales respublicas credentem æque habere belli indicendi auctoritatem ac Reges: quia in illis etiam est (vt Aristoteles docet) principatus, quamuis ab eodem Aristotele non æque laudatus, vt Regalis. Hoc tamen, quod de rebus publicis nunc dicimus, & proxime supra de quibusdam Ducibus, & Marchionibus Italiae diximus, hac conditione intelligendum esse censeo, & recte Thomas de Vio Cardinalis, Caietanus vulgò nominatus, si illi bona fide in pacifica possessione talis auctoritatis belli indicendi fuerunt, & sunt: Nam si illam usurpauerunt ex magnitudine potentia, ob quam tam audacter suis superioribus rebellauerunt, vt ab illis non potuerint, nec modo possint coerceri, ille censeat nullam illos auctoritatem iusti belli indicendi habere. Cuius sententiæ ego libentissime subscribo. Quoniam indecens est, vt quod malæ fidei initium habuit postea sine alia iusta causa succedente, iusta possessione firmetur. Nam (vt regula iuris in vj. docet) possessor malæ fidei nunquam perscribit. Secundum quod ad iustum bellum diximus esse necessarium, est causa iusta. Causæ belli iusti multæ, & variæ esse possunt, quas omnes generali quadam elocutione Augustinus comprehendit dicens iustam belli causam esse iniuriam illatam, cuius vindictam: cum aliter quam per bellum, Princeps, aut is, penes quem est belli mouendi auctoritas habere non potest, iuste poterit bello petere. Nam in quæstionibus super librum Iosue quæst. x. bellum iustum definiens ait: Iusta bella solent definire, quæ vlciscuntur iniurias: sic gens, vel ciuitas plectenda est, quæ vel vindicare neglexerit: quod à suis improbe factum est, vel reddere, quod

*Super secundam secundam. q. 40. arg. 1*

*August.*

per iniuriam ablatum est. Hæc Augustinus. Et citantur à Gratiano in cap. dominus. xxij. quæst. ij. Sed quia dubium esse potest, quid nomine iniuriæ intelligatur, & inde necessario oportebit, ut sententia de iustitia belli, quæ ab iniuriæ cognitione pender, sit etiam dubia: ideo ut omnis dubitationis causa hinc tollatur: decrevi omnes belli iusti causas hic recensere, easque omnes sacræ scripturæ testimonio comprobare, ut nullus de alijs illarum iuste dubitare possit, iusta sit, an non. Quibus enumeratis inter illas reperiemus eam, de qua nunc disputamus, & inde aperte conuincemus, iustum esse hæreticos rebelles bello oppugnare.

*Deute. 12.* Prima igitur belli causa est idololatria, à qua qui recedere noluerint, iuste ob hoc debellari possunt. Nam ob hanc causam Deus præcepit filiis Israel, ut gentes plurimas subuerterent, & dissiparēt, sic in Deuteronomio inquit: Subuertite omnia loca, in quibus coluerunt gentes, quas possessuri estis, deos suos super montes excelsos, & colles, & super omne lignum frondosum. Dissipate aras earum, & confringite statuas, lucos igne comburite & idola comminuite, disperdite nomina illorum de locis illis. Quæ omnia Nicolaus Lyranus ideo præcepta esse censet, ne ex phanias, seu templis idolorum remanentibus, occasio idololatriæ ludæis daretur, & ut memoria idololatriæ prorsus tolleretur, & sic tanta Dei iniuria in populo suo vitaretur. Et testimonio huius præcepti diuini fretus, ego sentio iustum esse bellum, quod catholici Hispaniarum Reges contra barbaras gentes, & idololatrias, quæ Deum ignorabant, versus Occident, & Austrum inuentas, ante aliquod annos gesserunt, & nunc etiam gerunt. Hactamen conditione bellum illud iustum esse censeo, si antequam Reges contra illos bellum moueant, procurent diligenter, & fideliter illos monere, ut falsorum deorum cultum desistant, & verum Deum, qui est cunctorum creator, & rector adorent. Quam monitionem si illi receperint, quamuis baptismum suscipere nolint: non crederem iuste posse bellum contra illos moueri. Si autem tali monitioni obtemperare noluerint: sed obstinati in suo errore persisterint: præsertim si verbi Dei prædicationem impendant, tunc iustum erit, quod ob hanc causam contra illos geratur bellum. Quia omnes illæ gentes (ut experientia compert

**A** compertum est) idololatriam exercent, & multa alia contra legem naturæ nefandâ vitia committunt. Nam quemadmodum Deus olim filiis Israël contra Iebusæum, & alias idololatrias gentes fieri præcepit, ita nunc etiam contra has gentes similibus vitis, & criminibus infectas fieri expedit.

Secunda iusti belli causa est, recessus à vero Dei cultu, ita ut si populus aliquis verum Deum agnoscens, & illum (ut decet) colens hunc talem Dei cultum defereret, & alteri, tui non debetur, tribueret: iuste ob hoc possit bello oppugnari ab eo qui belli mouendi auctoritatem habet. Nam Deus olim filiis Israël præcepit, ut ciuitatem, quæ in hoc incidisset crimen, bello deleteret, sic in Deuteronomio

*Deut. 13*

Inquiens: Si audieris in vna urbium tuarum, quas dominus Deus tuus dabit tibi ad habitandû, dicentes aliquos: Egredi sunt filij Belial de medio tui, & auerterunt habitatores urbis suæ, atque dixerunt: Eamus, & seruiamus diis alienis, quos ignoratis, quare solícite, & diligenter rei veritate perspecta, si inueneris certum esse, quod dicitur, & abominationem hanc opere perpetratam: statim percuties habitatores urbis illius in ore gladij, & delebis ea omnia, quæ

**B** in ea sunt usque ad pecora. Quidquid etiam supellectilis fuerit, congregabis in medio plateatum eius, & cum ipsa ciuitate succendes, ita ut vniuersa consumas domino Deo tuo, & sit tumultus sempiternus. Non ædificabitur amplius, & non adhærebit de illo anathemate quidquam in manu sua, ut auertatur dominus ab ira furoris sui, & misereatur tui. Hactenus dominus Deus in Deuteronomio. In quibus verbis, præter cætera id annotandum est, quod ultimo dixit: Ut auertatur Dominus ab ira furoris sui, & misereatur tui. Nam per illa verba docemur crimen illud tam graue esse coram Deo, ut propter vnâ solam ciuitatem illo crimine infectam: sæpe ira Dei prouocetur contra totum regnum: præsertim si negligatur puniri tale peccatum. Propter hanc causam omnes filij Israël conuenerunt in Sylo, ut pugnarent contra tribum Ruben, & tribum Gad, & dimidiam tribum Manasse. Audierant enim filij Israël illos ædificasse altare in terra Chanaan iuxta Iordanem: putaueruntque illos ad hunc finem ædificasse altare, ut in illo diis gentium hostias, & victimas offerrent. Ut autem à nunciis, quos ad illas tribus ob hanc rem mis-

*Ios. 22*

rant, plene edocti fuerunt, aliter se rem habere, quàm C  
ipsi putauerant, abstinerunt à bello quod contra illas tri-  
bus facere decreuerant.

*Lucan.* Tertia iusti belli causa est, cum quis alium impedit, ne  
*lib. 1.* id quod sibi iure debetur, assequatur. Ideo Iulius Cæsar  
apud Lucanum optime mihi dixisse videtur.

*Arma tenenti*

*Omnia dat, qui iusta negat.*

Quæ verba ideo Cæsarem dixisse constat, vt belli, quod  
contra Romanam rempublicam mouebat, iustam osteu-  
deret causam: propterea quòd aditum ad Romam, qui sibi  
tanquàm vero ciui, & bene de repub. merito iure debebatur,  
senatus, populùsque Romanus, illi impedire moliebatur.  
Sed prophanis exemplis prætermisiss, sacrum exemplum,  
quod multo maioris est roboris proferamus. Filij Israël

*Num. 21.* (vt liber Numerorum testatur) pugnauerunt contra Seon,  
& Og Reges Amorrhæorum, propterea quòd illis permit-  
tere uoluerunt, vt per terram illorù transirent, quamuis filij  
Israël eisdem Amorrhæis fide iuebant se non declinatos  
in agros, aut vineas eorum, nec bibituros aquas ex puteis  
eorum: sed via Regia incessuros, donec transirent termi-  
*Augusli.* nos eorum. Quam historiam pertractans Augustinus in  
quæstionibus super librum Numerorum q. xxxiiij. ait: No-  
tandum est sanè quemadmodum iusta bella gerantur. In-  
noxius enim transitus negabatur, qui iure humanæ socie-  
tatis æquisimo patere debebat. Hæc ille.

Quarta belli iusti causa est, cum propria res petitur, quæ  
per vim, & violentiam ab hoste detinetur, nec aliter quàm  
*2. Reg. 2* per bellum recuperari potest. Propter hanc enim causam  
mortuo Saule David bellum gessit contra Isboseth filium  
Saulis, qui occupare nitebatur regnum Israël, quod per Sa-  
muelen prophetam Deus iam Dauidi concesserat.

Quinta iusti belli causa esse potest sui ipsius, aut subdito-  
rum Principis defensio. Nam sicut sui ipsius defensio iure  
cuiq; concessa est, ita etiam defensio eorum, qui Principi  
subduntur, iure conceditur Principi, propterea quòd sicut  
quisq; sui, ita Princeps suorum omnium curam gerit. Et si  
illi ab hoste vexantur, iuste potest Princeps pro illorum tu-  
tela bellum contra hostem mouere, vt illum à vexatione  
subditorum suorum abstinere cogat. Nam (vt iura testan-  
tur)



**A** tur) vim vi repellere licet. Hæc eum præcipua est causa, propter quam Dauidem tot bella contra Philisthæos gessisse sacra perhibet historia. Propter hanc etiam causam, & propter proximè præcedentem: filij Israëli Ducibus Machabæis sæpe contra Antiochum, & Demetrium Reges feliciter pugnauerunt. 1. reg. 2  
1. Mac. 2

Sexta iusti belli causa est, contra eum qui hosti iniuste persequenti fauet. Nam sicut hostem iniuste persequentem propulsare licet: ita etiam illum, per quem hostis potentia augetur deprimere licet, ut illo depresso, & humiliato, hostis potentia minuatur. Ob hanc causam Dauid Rex percussit Syriam Damasci, eo quod auxilium præbebat Adarezer Regi Soba. 2. reg. 8

Septima iusti belli causa esse potest, si publicam iniuriam quisquam Principi intulerit, & ille, aut qui illi præest, dignam recompensationem reddere noluerit. Hæc sola fuit causa, propter quam Dauid Rex bellum mouit aduersus Hanon Ammonitarum Regem. Nam ille publica iniuria affecerat Dauid Regem, cum ille mediam partem barbæ nunciorum, quos Dauid Rex ad illum miserat, radi, & vestes illorum medias usque ad nates præscidi iussit. Hæc enim iniuria non solum ipsis nunciis, qui passi sunt: sed etiam Regi, à quo missi fuerant, illata est. Regi igitur, qui iniuriam passus est, eiusdem iniuriæ compensationem per se ipsum sumere licet: quia superiorem, à quo illam petat, non habet. Sed cum hanc petere tentat, hoc præ oculis illum habere oportet, ne occasione vindictæ, ut iram suam expleat: sed communi utilitati consulens, id faciat. Ut videlicet iustitia publica seruetur, & quisque sibi ipsi deinceps caueat, ne altari iniuriam inferat. 2. reg. 10

Octaua iusti belli causa esse potest, rebellio subditorum, qui contra principem suum insurgunt, & ab illo admoniti illi obedire contemnunt. Nam Princeps sic contemptus iuste potest contra subditos rebelles bellum mouere. Cuius rei testimonium fidele præbet nobis Dauid Rex qui bellum mouit aduersus Seba filium Bochri: propterea quod populum sollicitauit, ut à Dauide Rege ad episcopum deficeret. Ideo Augustin. lib. xxj. contra Faustū cap. lxxiiij. ait: Aduersus violentiam resistentium siue Deo, siue aliquo legitimo Imperio iubente: gerenda ipsa bella suscipiuntur. 2. reg. 10  
Augusti.

à bonis, cum in eo rerum humanarum ordine inueniantur, ubi eos, vel iubere tale aliquid, vel in talibus obedire iuste ordo ipse constringit: Hæc Augustinus: Sed qui has causas breuiori numero comprehendere voluerit: poterit hanc octauam causam ad quartam referre. Quoniam qui aduersus rebelles bellum gerit, propriam rem, hoc est, obedientiam petit, quæ iniuste à subditis illi substracta est.

Nona iusti belli causa est, si quis scelestum hominem, qui iure puniendus est, defendat ne iustas persoluat poenas. Nam Princeps ad quem spectat scelestum hominem punire, iuste potest contra iniustum illius defensorem bellum mouere. De qua re apertum nobis profert testimonium liber Iudicum, qui refert vndecim tribus Israël (quorum Dux ex mandato Domini fuit Iudas) mouisse bellum contra ciuitatem Gabaan, & totam tribum Benjamin, eo quod homines de Gabaa, qui uxorem viri Leuitæ incredibili furore libidinis vexantes occiderunt, reddere ad supplicium noluerunt: sed tanquam rem iustam egissent, defenderunt. Ob quam causam omnes vndecim tribus sic ex animo contra tribum Benjamin pugnauerunt, vt parum abfuerit, quin ipsam tribum Benjamin prorsus delerent.

Decima belli iusti causa est, violatio pacti, & fœderis initi. Nam ob hanc causam, is, qui ex talis fœderis violatione læsus est, potest iuste contra fœderis violatorem bellum mouere. Ob hanc causam Ioram Rex Israël adiuuante illum Iosaphat Rege Iuda, bellum mouit contra Mesam Regem Moab, eo quod tributa agnorum, & arietum: quæ ille Regi Achab patri Ioram ex fœdere antiquo quotannis soluere tenebatur, reddere noluit. Si quis autem hoc bellum accusare voluerit: propterea quod à Ioram Rege pessimo gestum est, facile hæc accusatio tollitur, per id quod Iosaphat Rex Iuda iustus huic bello suppetias tulit, quas dare noluit nisi prius Dominum per prophetam consulere-tur, an mouere deberet bellum an non. Eliseus igitur propheta qui etsi Ioram Regem ob illius nequitiam dedignatus est, ob reuerentiam tamen Iosaphat Regis iusti, inspirante Deo responsa dedit, constantes illos & fortes ad bellum faciens per certam victoriæ promissionem.

Ecce omnes belli iusti causas, quas ego ex sacris literis colligere potui, præter quas nullam aliam reperiri posse existimo,

**A** existimo, quæ ad aliquam harum reduci non possit. De hoc tamen Lectorem admonere decreui, vt intelligat easdem causas iusti belli habere illum, qui primum iusti belli motorem iuuat, quas ipse primus belli motor habet. Quo fit, vt quisquis iuste bellum gerenti, bellando fauet, iustam belli causam habere dicatur: nisi aliud obftet quod iustitiam belli impediatur. Iusta enim belli causa est fauere iustitiæ, propter cuius defensionē iustum censetur bellum. Iuste enim pugnavit Abraham contra quatuor Reges, qui Loth *Gen. 14* filium fratris sui captivum ducebant, & eripuit illum de manu illorum. Si iustam belli causam habuisset Loth contra illos Reges pugnando, & illis resistendo ne ab illis caperetur: iustam etiam belli causam habuit Abraham ipsi Loth suppetias ferendo, vt ipsum ab hostibus eriperet, qui illum iniuste rapuerant. Iuste etiam Iosaphat Rex Iuda *4. Re. 9* bellum contra Regem Moab gessit, pro Rege Ioram, quia ipse Ioram Rex, cui ille adiutorium præbebat, iustam (vt diximus) belli causam habebat.

Quatuor esse diximus ad iustum bellum necessaria, ex quibus duo, quæ diximus esse præcipua hucusque declarauimus, videlicet auctoritatem, & causam, superest, vt alia duo exponamus. Bona intentio in bello requiritur, vt iustum illud dici possit. Hoc docet Augustin. lib. xxij. contra Faustum, capit. lxxiiij. sic inquit. Nocendi cupiditas, vlciscendi crudelitas, impacatus, atq; implacabilis animus, feritas rebellandi, libido dominandi, & si qua similia. Hæc sunt, quæ in bellis iure culpantur, quæ plerunque ita culpantur, vt iure etiam puniantur. Hæc ille. Sed hæc bona intentio non est propria iusti belli conditio: sed communis ad omne opus bonum. Nullum enim opus bonū dici potest, si illud praua intentione fiat. Hæc tamē operis malitia, nō ab opere ipso oritur: sed ab ipso operante, qui id, quod bonum est, male operatur. Quo fit, vt cum de iustitia alicuius belli inquiritur, id solum sit inuestigandū: quod est ipsi bello intimum, & connaturale: non autē id, quod est illi aduēritium. Vltimū, quod in bello iusto dicitur esse requisitū, est, vt persona quæ bellū gerit, non sit bellare prohibita. Nam qui sic prohibitus pugnaret, eo ipso peccaret, cōtra prohibitionem faciens, & sic bellum alioqui iustum ipse iniustum faceret. Ecclesiasticis personis publico decreto est bellum interdictum.

ctum. Nam concilium Toletanum tale de hac re statuit decrevū. Clerici, qui in quacunq; factione arma volentes sum-  
pserint, reperti amisso ordinis sui gradu, in monasterio  
perenniter tradantur. Hæc concilium Toletanum. Et con-  
cilium Meldense, à Gratiano citatum. xxij. q. viij. sic ait:  
Quicunq; ex clero videtur esse, arma militaria non sumāt:  
nec armati incedant: sed professionis suę vocabulum reli-  
giosis moribus, & religioso habitu præbeant. Quod si con-  
tempserint, tanquam sacrorum canonum contemptores,  
& ecclesiasticæ authoritatis prophanatores, proprii gradus  
amissione mulcentur: quia non possunt simul Deo, & se-  
culo ministrare. Hæc ex concilio Meldensi. Sed hic admo-  
nere oportet Lectorem; vt non putet i leo bellum personis  
ecclesiasticis esse interdictum: quia illud in se malum sit,  
sed ob hoc solum, quia bellum talibus personis non con-  
gruit, propterea quia illæ ad aliud melius exercitium de-  
putatæ sunt, cui bellum aperte repugnat. Sunt enim ali-  
qua bona simpliciter, & absolute, quæ tamen aliquibus  
bona non sunt. Bonum siquidem est contrahere matrimo-  
nium: his tamen, qui castitatem voverunt, bonum non est.  
Verum licet personis ecclesiasticis sit prohibitum bellare, **D**  
non est tamen illis interdictum bellis iustis interesse, vt  
iuste pugnantibus spiritualiter subueniant, pro eis orando  
eos ad virtutem exhortando, & suorum peccatorum con-  
fessiones audiendo. Nam in lege veteri mandauit Deus  
*Iosue* 6 Iosue, vt in bello contra Iericho, sacerdotes sacris bucci-  
nis clangerent. Est hic insuper annotandum, quòd hæc  
belli iusti conditio si desit in persona aliqua particulari,  
quæ bello miscetur publico, & communi, licet valeat  
reddere bellum iniustum quo ad ipsam personam particu-  
larem, non tamen ob hoc, bellum ipsum publicum dice-  
tur iniustum. Quoniam à pluribus, & non à paucioribus  
sumendum est belli nomen: nisi forte ipse, cuius autori-  
tate bellum indictum est personas, quibus est bellum à  
iure prohibitum, citra communem necessitatem ad bel-  
lum ire coegerit, aut sciens permiserit. Tunc enim ipse,  
qui bellum mouet, peccat, & hac ratione bellum iniu-  
stum facit, non quidem propter iniustitiam, quam hosti  
inferat: sed quam reddit ecclesiæ, contra illius prohibi-  
tionem personam ecclesiasticam ad bellum mittendo.

Ecce



**A** Ecce iam declarauimus omnia, quæ ad bellum iustum censentur esse requisita: quæ omnia nō solum de bello publico, & communi: sed etiam de bello priuato sunt intelligenda. Ita ut illa omnia etiam in bello priuato sint exigenda, ut iustum illud dici valeat, quæ diximus esse requisita ad belli publici iustitiam. Lectorem tamen hoc loco admonere decreui, ut intelligat nos hic non loqui de bello defensiuo, quo quis se ab alio iniusto inuasore defendit: sed de bello illo, quod quis primo contra alium mouet. Nam in bello defensiuo, siue publicum illud sit, siue priuatum non est expectanda authoritas: quia hæc omnibus à natura concessa est, ut se ab iniusto inuasore defendant. Quia ut dicitur in capit. Significasti. extra de homic. volunt, vel causa, vim vi repellere omnia iura concedunt. Et hinc apparet, quàm iniuste Syluester de Prierio in sua summa, in titulo: Bellum. j. quæst. j. reprehendat Summam Angelicam, propterea quòd dixerit eadem esse requisita ad bellum iustum priuatum, quæ requiruntur ad bellum iustum publicum. Nam quod ille arguit clericum iniuste inuasum se defendere, & priuatum hominem iniuste inuasum sine superioris licentia posse se defendere, hoc idem argui potest de ciuitate iniuste inuasa quæ sine Principis autoritate potest mouere bellum, ad hoc solum, ut se ab iniusto inuasore defendat. Quo fit, ut sicut priuata persona non teneretur expectare Principis autoritatem, ut se iuste defendere possit, ita etiam quæuis respublica nō teneretur expectare Principis autoritatem, ut ab iniusto inuasore se iuste defendere possit: præsertim si ex tali expectatione imminet reipublicæ periculum. Et ideo, ut hæc inconuenientia vitaremus, diximus ea, quæ ad bellum iustum requiruntur, non esse intelligenda de bello defensiuo, sed de bello, quo quis alium aggreditur.

His ergo omnibus iam declaratis, opus est, ut principali quæstioni respondeamus, & ostendamus licitum esse hæreticos bello oppugnare postquam de illorum pertinacia, & rebellionē cōstiterit. Quod facile efficiemus, si ostendamus ea omnia in huiusmodi bello adesse, quæ ad iustum bellum diximus esse requisita. De duobus vltimis non est opus disserere: quoniam illa duo (ut diximus) sunt aduentitia, & extrinseca ipsi bello. Quo fit, ut malitia, quam ob  
illorum

illorum defectum bellum habuerit, non sit ex natura, & proprietate ipsius belli: sed ex sola pugnantis malitia, utputa, quia malam ille habuit intentionem: aut quia est illi pugnare interdictum. Et si quis de his duabus belli conditionibus contendere voluerit, supponamus eas in hoc bello esse, quæ in omni bello possunt adesse, & abesse. Nam bellum contra hæreticos bona intentione mouere, quis vetat? Bona siquidem est intentio velle hæreticos ad fidem conuertere, & eos cogere, ut fidem, quam semel in baptismo susceperunt, tueri cogantur: quod multos timore maiorum, quæ per bella inferuntur fecisse cognoscimus. Bona intentio est velle fidem catholicam exaltare, & dilatare, quam hæretici sua pertinaci rebellione facile coangustabunt: nisi bello coerciti à suis pestilentibus erroribus resipiscant. Bona intentio est velle rebelles, & inobedientes cogere, ut debitam cui tenentur obedientiam reddant. Hanc autem, aut aliam æque bonam fuisse in prædicto bello Caroli Caesaris intentionem, ipse belli exitus tam aperte ostendit, ut quisquis recte illum considerare voluerit: nisi fuerit edaci liuere corruptus, apertissime cognoscere valeat. Nam postquam Caesar Deo fauente est victoria potitus, non exarsit in vindictam hostium. Tantam post victoriam adeptam ostendit hostibus lenitatem, & mansuetudinem, ut Ioannem Federicum Saxonix ducem, & Philippum Lantsgrauium Hessiæ, qui multis Germaniæ populis contra ipsum Casarem rebellare persuaserunt, & exercitum immensum congregantes, audaci temeritate eundem Casarem aggressi sunt, in castra illius tormenta bellica sæpe iacientes: poena capitis quam iuxta leges pati merebantur, punire noluit: sed vitam, qua erant indigni, illis misericorditer concessit. Cum multæ ex Germaniæ ciuitatibus his ducibus coniunctæ contra Casarem vexilla leuassent, nullam tamē illarum Caesar in direptionem dedit. Nulli earum, quæ culpam agnoscens veniam petiit, hucusque nocuit: sed omnibus illis clementissimus Imperator indulgentiam cōcessit. Si fuissent in Casare ea, quæ (ut August. ait) vitare solent iustam belli intencionem, videlicet nocendi cupiditas, vleiscendi crudelitas, animus implacabilis, his qui suam maiestatem grauissime læserant, postquam illos in sua potestate receperat, non tam facile,

**A** cile, & cito pepercisset. De altero, quod ad belli iustitiam exigitur, non est, quod iuste quis contendere possit, cum sit res toti orbi notissima, Cæsarem non ecclesiasticas personas, sed laicas ex multis, & variis prouinciis, videlicet, ex Germania, Hispania, & Italia congregasse, vt Germanos ecclesiæ catholicæ, & sibi rebelles debellaret. Restant alia duo discutienda, quæ potissimum ad belli iustitiam exiguntur, videlicet, autoritas, & causa. De autoritate nullus, nisi prorsus ignarus, & mentis inops, dubitare potest. Quoniam si belli indicendi autoritas, apud hominem aliquem est, nullus est, qui illam certiore, & maiorem habeat, quàm Imperator, qui solus verè nescit in huiusmodi temporalibus superiorem. Hic enim est (vt Innoc. Papa ait) *luminare minus quod præest nocti.* Superest igitur, vt de causa inuestigemus, quam si ostēderimus iustam: *In cap. s. lita. de maior. & obedi.* inde aperte conuincemus, iustum esse, vt hæretici pertinaces bello oppugnentur, pessimèque sentire eos, qui Carolum Cæsarem propter huiusmodi bellum accusabāt. Si aliquas ex iustis belli causis, quas supra recensuimus, ad memoriam reuocare volumus, multas inueniemus quæ hoc bellum iustum esse aperte demonstrant. Iustam belli causam secundo loco supra collocauimus recessum à vero Dei cultu. At hæretici, qui de Deo, aut sponsa illius ecclesiæ non credunt, quæ credenda sunt, Deum vere, & vt oportet, non colunt. Iusta igitur belli causa est hæresis, quam qui deserere noluerint, iuste debellari possunt. Altera iusti belli causa, quam octauo loco recēsuimus, est, si quis rebellet aduersus superiorem, cui reuerentiam integrā præstare tenetur. Et certe ex hac etiā ratione apertissime conuincitur, iustum esse bellum, quod aduersus pertinaces hæreticos geritur. Nam hæretici omnes sunt aperte rebelles ecclesiæ sanctæ catholicæ, cuius doctrinā omnes fideles suscipere tenentur. Hæretici autem superbia excæcati propriā sententiam præferunt doctrinæ sanctæ matris ecclesiæ, & ideo vt suam sententiā tueantur, non dubitāt doctrinæ ecclesiæ catholicæ contradicere, & illius præcepta contemnere. Ideo Iob de hæreticis loquens, sic ait: Rebelles fuerunt lumini, nescierunt vias eius: nec reuersi sunt per semitas eius. Quæ *Iob 24* verba beatus Greg. in Moralibus, de hæreticis intelligenda esse censet. Præterea hæretici pertinaces (vt supra libri

istius,

istius capit. iij. aperte probauimus) iuste puniendi sunt. Et C  
 cap. xij. eiusdem libri ostendimus, mortis supplicio illos si  
 relapsi nescire nolint, esse puniendos. Et inde apertissime sequi-  
 tur, ut si illi huic iustæ punctioni resistere velint: Princeps  
 cuius ditioni subduntur, iuste ob hoc possit bellum aduer-  
 sus illos mouere. Nam qui pœnā iustam ex Principis man-  
 dato decretam subire recusat, & ne illam patiatur Principi  
 resistit, rebellis est. Quam rebellionem, iustam esse cau-  
 sam belli, iam supra ex sacræ scripturæ testimonio, & ex  
*Augusti.* beati August. sententia aperte ostendimus. Rursum, si hæ-  
 reticus pertinax, iuste est ad mortem damnandus, nec refert  
 (ut capit. xij. libri huius ostendimus) qua morte, gladio vi-  
 delicet, aut igne, aut aqua, aut quouis alio modo mors illi  
 inferatur: consequens est, ut iustum sit, hæreticos pertinaces  
 & rebelles bello oppugnare, ut pereant, & sic illos, ut erant  
 meriti, Princeps morte mulctare possit. Nam hac ratione  
 bella per Moysen gesta, quæ omnia Faustus Manichæus  
 accusabat, beatus August. defendit: propterea quod per  
 illa mortem, his, qui alias erant meriti, Deo iubente iusti-  
 gebat. Sic enim lib. xxij. contra Faustum Manichæum cap.  
 xliij. loquens ait: Nec bella per Moysen gesta miretur, aut D  
 horreat, quia & in illis diuina secutus Imperia, nō sœuiens,  
 sed obediens fuit: nec Deus cum iubebat ista, sœuiebat,  
 sed digna dignis retribuebat, dignosque terrebat. Hæc il-  
 le. Simili igitur modo Cæsar, aut quiuis alius Princeps,  
 cum bellum aduersus hæreticos pertinaces, qui iure sibi  
 subduntur, mouet: non est dicendus sœuire: sed digna di-  
 gnis retribuere, dignosque terrere. Denique postquam Prin-  
 cipum colla se Christo subdiderunt: sæpe Pontifices san-  
 cti, & docti ipsos Principes hortati sunt, ut bellum contra  
 pertinaces, & rebelles hæreticos mouerent, & sic illorum  
 obstinatam nocendi libidinem comprimerent. Nec solis  
 exhortationibus ad bellum fuerunt contenti summi Pont.  
 sed omnibus, qui cruce signati ad bellum contra hæreticos  
 procederent, pœnarum, quæ pro peccatis debebantur, sæpe  
 indulgentiam concesserunt: ut vel tam magno præmio mi-  
 lites allekti libentius ad bella processissent. *Beatus Gregor.*  
 Gregorius libro primo Epistolarum suarum, Epistola lxxij.  
 Gennadio Patritio, & Exarcho Africæ scribens, ad bel-  
 lum contra Donatistas hæreticos hortatur, sic inquit:  
 Sicut



**A** Sicut excellētiā vestram hostilibus bellis in hac vita dominus victoriarum fecit luce fulgere : ita oportet eam inimicis ecclesię eius, omni viuacitate mentis, & corporis obuiare: quatenus eius ex utroque triumpho magis, ac magis enitescat opinio, cum & forensibus bellis aduersariis catholicę ecclesię vehemēter obsistitis, & ecclesiastica pręlia sicut bellatores Domini, fortiter dimicatis. Notū est enim hęreticę religionis viros, si eis (quod absit) suppetit nocendi licentia, contra catholicam fidem vehemēter insurgere: quatenus hęreseos suę venena ad tabefacienda ( si valuerint) Christiani corporis membra transfundant. Cognito uinvis enim eos contra catholicam ecclesiam domino eis aduersante colla suberigere, & fidem velle Christiani nominis inclinare. Sed eminentia vestra conatus eorum comprimat, & superbas eorum ceruices, iugo rectitudinis premat. Hęc Gregorius, qui aliquibus interpositis post ea Deum orat, ut ad huiusmodi bellum gerendum ille Genadius sit fortis, sic inquit: Perfoluentes pręterea paternę charitatis affectum, dominium petimus, quo brachium vestrum ad comprimendos hostes forte efficiat, &

**B** mentem vestram zelo fidei, velut mucronem gladij vibrantis exacuat. Hęc ille. Deinde cum Albigenium hęresis, in Francia propę Tolosam oriretur: Innocentius tertius huius nominis summus Pontifex, vir moribus, & doctrina clarissimus postquam illos per rationes & argumenta, quę illis multa offerebantur, à suo errore discedere nolle intellexit, armis contra illos (ut Platina refert) agendum esse decreuit. Huic successit in Pontificatu Honorius tertius huius nominis summus Pontifex, qui videns hanc Albigenium sectam adhuc in suo errore obstinatam, indulgentias, & peccatorum condonationes (ut beatus Antoninus refert) his, qui cruce signati contra huiusmodi hęreticos ad bellum processissent, concessit. Deum cum in Bohemia Hufitarum hęresis peruagaretur, nec illius defensores possent argumentis & rationibus ab illa reuocari, adhortante legato Sedis apostolicę Cardinalē sancti Angeli, datis ob hoc peccatorum indulgentiis (ut Aeneas Syluius in libro de origine Bohemorum refert) ad bellum contra eosdem hęreticos processum est. Si bellum contra hęreticos non esset sumendum, Deus qui ecclesiam

suam regit, non toties permisisset summos Pontifices, qui C  
 illi praelunt promissis ob hoc peccatorum indulgentiis fideles contra haereticos ad bellum adhortari. Ex his ergo omnibus iam apertissime constat iustum esse, vt haeretici pertinaces, & rebelles bello oppugnentur, vt bello petiti dignam sui criminis ultionem accipiant. De hoc tamen monere Principes oportet, ne putent hanc belli contra haereticos gerendi potestatem illos ita habere, vt quoties illis placuerit, possint bellum contra haereticos mouere. Non enim licet illis hoc agere: nisi postquam per ecclesiasticum iudicem fuerit declaratum illos esse haereticos. Non enim est aequum, vt poena inferatur alicui, antequam constet illum culpam habere, quae talem exigat poenam. Haeretici autem crimen constare non potest: nisi post iudicis ecclesiastici declarationem, cui soli iura concedunt, de errore, & de pertinacia in illo diffinitiuam proferre sententiam. Nam Bonifacius Papa octauus in cap. Vt inquisitionis. de haereticis. lib. vj. prohibet, ne quauis laica potestas de hoc crimine iudicare audeat: quia crimen hoc (vt ait) est mere ecclesiasticum. Deinde in cap. cum secundum leges. in §. confiscationis. eodem titulo, & lib. Papa prohibet, ne bona haereticorum per Principes seculares occupentur, antequam per ecclesiasticum iudicem, cui hoc à iure competit, sententia sit super crimen haeresis promulgata. Et idem per omnia dicendum est de morte, quam nullatenus potest Princeps haeretico ob crimen haeresis infligere: nisi postquam ecclesiasticus iudex, ad quem spectat, declarauerit illum esse pertinacem. Et inde (vt ex dictis constat) sequitur, vt Princeps, non possit aduersus haereticos ob solam haeresis causam bellum mouere: nisi postquam iudex ecclesiasticus, cui hoc ex iure conuenit publica sententia declarauerit illos esse haereticos. Superest vt aduersariorum obiectionibus respondeamus, qui illas tam fortes esse credunt, vt nemo illis resistere valeat. Sed illas nullius roboris esse nos, Deo duce facile ostendemus, & inde firmiorem nostram sententiam efficiemus. Primo igitur nobis obijciunt haereticos rationibus, & non armis esse conuincendos, quia fidem oportet esse liberam, & non coactam. Pro qua re & si nullum illi mihi proferebant testimonium, ego tamen, ne nihil sit, cui respondere debeam, beatum Bernardum

- A** dum pro illis offero, qui sermone lxiiij. super Cantica, ex- *Bern.*  
 ponens verba illa, Capite nobis vulpes paruulas, quæ de-  
 moluntur vineas, hæc ait: Si iuxta allegoriam ecclesiæ vi-  
 neas, vulpes hæreses, vel potius hæreticos ipsos intelliga-  
 mus, simplex est sensus, vt hæretici capiantur potius, quam  
 effugentur. Capiantur, dico, non armis: sed argumentis,  
 quibus refellantur errores eorum, ipsi vero si fieri potest,  
 reconcilientur catholicæ ecclesiæ, reuocentur ad veram fi-  
 dem. Hæc est enim voluntas eius, qui vult omnes homines *1. Timo. 4*  
 saluos fieri, & ad agnitionem veritatis venire. Hoc deniq;  
 velle se perhibet, qui non simpliciter capite vulpes, sed ca-  
 pite (inquit) nobis vulpes paruulas. Sibi ergo & spōsæ suæ,  
 id est catholicæ ecclesiæ iubet acquiri has vulpes, cum ait:  
 Capite eas nobis. Hæc Bernardus. Huic obiectioni respon-  
 deo, verum esse quod aiunt, hominem libere, & non coacte  
 ad fidem catholicam prouocandum esse. Hoc tamen non  
 est vniuersaliter verum: sed in illis veritatem habet, qui  
 nunquam fidem catholicam in baptismo susceperunt, qui  
 nequaquam sunt ad fidem cogendi. Illi autem qui semel  
 Christum in baptismo induerunt (vt supra capitulo quar-  
 to libri huius ostendimus) cogendi sunt, vt fidem, quam  
 semel susceperunt teneant. Quod autem Bernardus ait hæ-  
 reticos non armis, sed rationibus, quibus, refellantur erro-  
 res eorum capiendos esse, de illis solis hæreticis intelligen-  
 dum esse constat, qui nondum fuerunt legitime de suis er-  
 roribus admoniti, & quibus nondum sunt oblata argu-  
 menta, quibus eorum errores aperte conuincuntur: ac pro-  
 inde non constat illos esse pertinaces. De his enim ego fa-  
 teor non esse illos armis oppugnandos, antequam sint de  
 suis erroribus legitime admoniti. Hac tamen legitima  
 admonitione illis exhibita, si in suis erroribus obstinati  
 catholicam fidem suscipere contempserint, iuste poterunt  
 debellari, vt mortem, quæ suo crimini debetur, & quam  
 per potentiam fugere nituntur, vel inuiti sustinere cogan-  
 tur. Et hoc ipsum etiam beatus Bernardus docet, qui post  
 prædicta verba hæc, quæ sequuntur ibidem adiunxit: Ita-  
 que homo de ecclesia exercitatus & doctus, si cum hæreti-  
 co homine disputare aggreditur, illo intentionem suam  
 dirigere debet, quatenus ita errantem conuincat, vt & con-  
 uertat, cogitans illud apostoli Iacobi: qui conuerti fecerit *Iaco. 5*

*Tit. 3*

peccatorem ab errore viae suae, saluabit animam eius à morte, & operit multitudinem peccatorum. Quod si reuer-  
 ti noluerit, nec conuictus post primam iam, & secundam  
 admonitionem (utpote qui omnino subuersus est) erit se-  
 cundum Apostolum deuitandus. Ex hoc iam melius (ut  
 quidem ego arbitror) effugatur, aut etiam religatur, quam  
 finitur vineas demoliri. Hæc Bernardus, qui aperte nostram  
 confirmat sententiam, tantum abest, ut contrariae fauere  
 possit. Secundo nobis obiiciunt, quod parcendum est  
 multitudini, & mitius cum illa est agendum etiam si tota  
 illa, aut maxima illius pars in crimen aliquod incidisset.  
 Pro qua re licet nullum etiam (ut prius dixi) mihi protu-  
 lerunt testimonium, ego tamen aliqua, quæ illis in faciem  
 fatere videntur, proferam testimonia, ut illis plene decla-  
 ratis, inde constet illos, qui contra sentiunt nimium in hac  
 parte hallucinatos fuisse. Augustinus in quadam epistola  
 ad Bonifacium ait: Vbi per graues dissensionum scissuras  
 non huius, aut illius hominis periculum: sed populorum  
 plurimorum strages iacet, detrahendum est aliquid seueri-  
 tati, ut maioribus sanandis malis, claritas sincera subue-  
 niat. Hæc Augustinus. Et citantur à Gratiano in cap. ut con-  
 stitueretur. 50. distinctione. Idem etiam in quodam parti-  
 culari casu fieri præcepit Alexander tertius in cap. Latores.  
 extra de cleri. excommu. vel de po. ministrante. Et idem  
 innuit Honorius tertius in cap. fin. de transactionibus. Et  
 alterius Innocentij dictum citat Gratianus in capie. Quo-  
 ties. j. quæst. vij. sic dicens: Quoties à populis, aut à turba  
 peccatur: quia in omnes propter multitudinem vindicari  
 non potest, inultum solet transire. Hæc ibi. Et beatus Au-  
 gustinus in quadam epistola ad Aurelium episcopum ite-  
 rum ait: Non aspere (quantum ego existimo) non duriter,  
 non modo imperioso ista tolluntur: sed magis docendo,  
 quam iubendo: magis monendo, quam minando. Sic enim  
 agendum est cum multitudine peccantium: seueritas au-  
 tem exercenda est in peccata paucorum. Hæc Augustinus.  
 Et citantur à Gratiano, in cap. Comessationes. quadrage-  
 sima quarta distinctione. Hæc omnia istorum sacrorum do-  
 ctorum testimonia in faciem probare videntur semper par-  
 cendum esse multitudini, & inde forte hi, qui nobis in hac  
 parte aduersantur, se conuincere putabunt, non esse iustum,  
 ut con

*August.**August.*



- A** vt contra hæreticos quantumlibet pertinaces, & rebelles bellum exercentur. Fateor quidem multitudini peccanti parcendum esse, & mitius cum illa agendum: hoc tamen non semper ita fieri oportet: sed solum quando talis multitudo peccatum suum agnoscit, & parata est de illo corrigi, & bona de illius correctione habetur spes. Alioqui si multitudo ipsa peccans, peccatū suum non agnoscit: imò potius ipsum tanquam rem bene gestam vult pertinaciter defendere: tūc seuera punitione est coercenda, vt à suo errore discedat: ne nimia indulgentia obstinationis ansam illi præbeat: præsertim si ipsa multitudo in potentia sua confidens: inde ad peccatum audacior fiat. Hoc expresse docet Augustinus in libro de vera & falsa pœnitentia: sic inquit: Cum enim *Augst.* rot sunt qui labuntur, vt pristinam dignitatem ex auctoritate defendant, & quasi vsum peccandi sibi faciant: rescindenda est spes ista. Hæc August. Et citantur à Gratiano in c. Qui vult. de pœnit. dist. vj. Et certe etiam si Augustinus non doceret, ratio ipsa aperte ostendit: multitudinem peccantem, quæ peccatum suum agnoscere renuit, grauius esse puniendam. Quoniam si multorum peccatum in obstinatione permanentium relinquatur impunitum, ipsum peccatum erit aliis in exemplum, vt putent quoties libuerit licitum esse illis aliud simile perpetrare. Ob hanc causam iurisconsultus in l. Aut facta. §. fin. ff. de pœnis. ait: Nonnunquam euenit, vt aliquorum maleficiorum supplicia exacerbentur: quoties nimium multis personis grassantibus, exemplo opus sit. Hæc ibi. Quam sententiam ego tunc intelligendam esse existimo, quando multitudo peccans renuit peccatum suum agnoscere, & ab illo discedere. Nam alioqui si multitudo ipsa peccatum suum agnoscens illud deserat: faciendum esse censeo, quod dicitur in cap. Comellationes, & in aliis capitulis supra citatis.

*Quod hæreticorum libri sunt comburendi.*

C A P. X V.

**N**on satis bene christianæ reipublicæ consultum esse mihi videtur, si hæreticis è vita sublati, eorūq; bonis proscriptis, libri illorum adhuc superstites maneant, quibus adhuc mortui toti Christianæ reipublicæ vehementer nocere possunt. Paulus Timotheo viro quidem sancto, &

2. Ti. 2

doſto ſcribens admonet, vt à colloquio hæreticorum abſtineat, ne illorū verbis, quæ ſciebat eſſe ad malum potentiſſima, inſiceretur. Prophana autem (inquit Paulus) & vaniloquia deſuita, multum enim proficiunt ad impietatem: & ſermo eorum, vt cācer ſerpit. Si verba hæreticorum adeo nocere poſſunt, vt propterea cancro comparentur, multo magis haud dubie nocebunt ſcripturæ. Nam & ſi viua vox (vt poſt Plinium Hieronymus dixit) habeat aliquid latentis energiæ: ſæpe tamē ob multas cauſas magis mouet ſcriptura, quàm vox. Multi enim ſunt, qui nihil prorsus mouerent loquentes: propterea quòd carent dentibus, qui ad rectam pronounciationem ſunt in primis neceſſarij carent voce ſonora, & placida: quæ audientium animos nimium tenet attentos, aut ſi hæc omnia habent tam malam, & horribilem forte habent actionem, vt auditores à concione potius repellant, quàm alliciant. At ſcriptura ſine his omnibus mouere poteſt: quia nullo iſtorum illa indiget, vt affectus legentis excitare, & fouere poſſit. Deinde ea, quæ ſcribuntur, diligentius cogitantur: & multo accuratius digeruntur antequam in publicum prodeant, quàm ea, quæ in communi colloquio tractamus, quæ ſæpe, vt menti ſe offerunt, abſque multo examine proferuntur. Et inde neceſſario conſequens eſt, vt fortiores neruos, & ſubtiliores aculeos habeat ſæpe ratio ſcripta, quàm ex tempore dicta, quibus animus legētis tranſfixus: tam potenter detinetur, vt etiam volens diſcedere non valeat: Ipi etiam qui legunt vehementius, vt in plurimum inſiſtunt circa ſcripturam, & multo attentius, & cum longiori examinatione illam legunt, quàm audiant verba loquentis. Habet adhuc aliquid peculiare ſcriptura, per quod multo latius nocere poteſt, quàm oratio prolata, quamuis illa ſit tam anxie præcogitata, vt in qualibet illius iunctura, millies orator caput ſcalpſerit, totòſque derolerit vngues. Nam verbum ſemel ore prolatum, irreuocabile volat. Quo fit, vt nulla in poſterum ſit poteſtas illius: quia vt ſemel ab ore fuerit emiſſum, nemini præter illos, qui tunc audierunt, ſe ſolo prodeſſe, aut obſſe poterit. Ea vero, quæ ſcripta ſunt, per multa ſecula ſeruantur, & à diuerſis viris per multa ſecula leguntur. Vnde euenit, vt per multa ſecula proficere, aut nocere poſſint ſcripturæ per multa ſecula ſeruatæ. Conſequens

**A** sequens igitur est, vt hereticorū libri, errores contra fidem catholicam in se continentes, censendi sint veluti perennes quidam fontes perpetuum virus euomētes, aut tanquā profundæ quædam radices perpetuum quoddam venenū ex se producentes, quod incautos facile perimere potest. Necesse est igitur, vt omnes hæreticorum libri comburātur, ne pestilens aliqua maneat radix, quæ nouos quotidie valeat ex se gignere hæreticos. Hieremias propheta constitutus est à Domino non solum, vt abscindat ramos: sed vt euellat radices, & disperdat, & dissipet eas. Nam radice seruata, facile rami ex illa nascentur. Hæretici siquidem suas hæreses ideo libris editis illas scriptas relinquere procurant, vt per libros illos suas hæreses nō solum ad illos, qui apud exterarum nationes tunc viuunt: sed etiam ad posteros transmittant. Duplici igitur nomine, hæreticorum libros nocentissimos esse constat. Nam per illos tanquam per canales quosdam, hæreses de populo in populum, & de regno in regnum, & de prouincia in prouinciā transeunt, quas omnes nec per propriam vocē, neque per vocales ministros hæretici illarum auctores tam facile in tam remotas prouincias transmittere possent. Deinde sparsis iam per multas nationes hæresibus, aliud adhuc ex libris hæreticorum multo grauius oritur incommodum, quod nullo vnquam æui senio hæreses moriūtur, nullaque est tam noxia doctrina, quæ aut temporibus obruatur, aut obliuione sepeliatur. Quoniam hæreses tandiu perseverare erit necesse, quandiu libri, qui pro illarū defensione editi sunt, persistierint. Hæc omnia tam manifesta experiētia comprobata sunt, vt plura quàm vellemus ad illorum confirmationem habeamus exempla. Nec opus est antiqua exempla, quorum multus est numerus repetere: cum sitis, superque sit hoc, quod totus ferè, proh dolor Christianus orbis nunc experientia docente agnoscit. Cum primum Lutherus à vera fide catholica deficiens, insanire cœpit, ad sui erroris tutelam libros aliquot edidit, quibus suas hæreses aliis etiā si posset persuadere conatus est. Legerunt hos multi, & illis perlectis sic à veritate in mendaciū translati sunt, vt multo peiores, multoque pestilentiores Luthero statim in Germania surrexerint hæretici, qui libris etiam editis suas hæreses confirmare curarunt. His igitur mediis intra paucos annos tota se-

*Hier. 1*



re Germania iam periit, quæ bona erat olim Christiani orbis pars. Nec intra solam Germaniam hæc pestis se continuit, quod sine gemitu, & lachrymis dicendum non erat: sed per totam ferè Europam vagatur, atque grassatur. Rara siquidem est in toto Christiano orbe prouincia, in qua non sint aliqui Lutherani, aut publici, aut occulti. Quod non aliunde euenisse certissime constat: nisi quod libri Lutheri & aliorum eiusdem classis hominum per omnes ferè prouincias impune deportati sunt, & cuicumque legere volenti sunt exhibiti. Et inde pestis hæc tantas vires eundo acquisiuit, ut nisi Deus sua benignitate, & clementia huic morbo tam late grassanti mederi dignetur, nulla sit iam reliqua spes. Si tamen à principio ea, qua decebat diligentia, tales libri fuissent prohibiti, & illorum portatores, venditores, lectores, detentores fuissent acerba seueritate puniri, non tantum hæc pestis inualuisset. Sic enim faciendum esse quidam egregius poëta præcepit, dicens:

*Ouid.*

*Principi obsta: sero medicina paratur,*

*Cum mala per longas inualuere moras.*

*Tren. 4*

Quisquis igitur diligenter perspexerit, quàm graue nocumentum recentes hæretici libris suis Christianæ reipublicæ intulerint, merito cum Hieremia propheta plorabit, & dicet: Lamia nudauerunt mammam, lactauerunt catulos suos. Nam hæc verba de hæreticorum nimium atroci crudelitate, quàm illi per scripturas suas cum fidelibus catholicis exercent, interpretatur beatus Hieronymus in commentariis super Trenos Hieremiæ sic inquires: Lamia humanam faciem habet: sed corpus bestialem. Et aliquibus interpositis subdit: Possunt in lamia hæretici accipi, qui humanam quidem faciem: sed belluina per impietatem corda gestant. Hi tunc māmam nudāt, quando errorem suum libere prædicant. Tunc catulos lactant, quando male sequaces paruulorum animas, dum peruersa insinuant, ad impietatem nutriendo confirmant. Hæc Hieronymus. Cum igitur euidentissimis rationibus, certissimæque rerum experientia constet, hæreticorum libros nimium Christianæ reipublicæ nocere, inde necessario consequens est tales libros esse comburēdos, aut alio quouis modo ex orbe delendos, ut à nemine legi possint. Si puteus aliquis, aut fons publicus, ex quo populus aquam

ad



- A** ad potum haurire solet, inficeretur veneno, is qui populi regimen tenet, deberet puteum obstruere, ne quis forte ex illo incautus bibens periret. Etsi rector populi nollet obstruere puteum: sed vellet omnibus esse patentem, eo ipso totius populi certissimus hostis merito censendus esset. Nihil secius de hæreticorum libris dicendum esse apertissime constat. Nam illorū libri quasi putei publici facti sunt, postquam in publicum prodierunt: qui cum sint hæreseos veneno infecti, necessarium erit illos ab orbe toto relegare, ne quis forte ad illos accedens hæreseos venenum ab illis hauriat, quo inficiatur, & pereat. Quisquis igitur illos cum prohibere possit, permiserit, is totius reipublicæ christianæ apertus hostis iuste censetur. Quia, omnes quos potuerit fideles, vult perdere, & in pestiferos errores trahere, cum ab illis non remoueat hæreticorum libros, qui magnam offerunt hæresum occasionem. Nam (vt optime Symmachus Papa dixit) non grandis est differentia an *Symma. papa.* lethum inferas, vel admittas, mortem enim languentibus probatur infligere, qui hanc cum possit, non excludit. Et certe (vt aperte loquar) omnis Rex, aut Prorex, aut ciuitatis rector, aut quæuis alia potestas ex industria permittens in terris suæ ditioni subiectis libros hæreticorū vendi, præter hoc, quod grauissime peccat, vehementem ob hoc solum præbet contra se hæresis suspicionē. Quod apertissimo testimonio beati Innocentij Papæ huius nominis *Innocen. primus* primi probari potest, qui in epistola quadam hæc ait: Negligere quippe, cum possit perturbare peruersos, nihil est aliud, quàm fouere. Nec caret scrupulo societatis occultæ qui manifesto facinori desinit obuiare. Hæc innocentius ille. Quæ verba citantur à Gratiano in c. Error. lxxxij. distin. Nulla certe est via qua magis possit occurri hæresibus, ne in populo oriantur, & ne exortæ ultra grassentur, quàm si hæreticorum libri, ex quibus hæresis venenum facile quis incautus bibere potest, prohibeantur. Quo fit, vt iuxta Innocentij sententiam, nō careat scrupulo societatis occultæ Rex aut quæcunque alia potestas, quæ hæresibus per librorum combustionem desinit obuiare. Nec solum est de hæresi suspectus, qui hæreticorum libros eum prohibere possit, vendere permittit: sed reus coram Deo prius omnium hæresum, in quas illorum librorum lectores, oc-

*Roma. I**Dama.**Exo. 21.**Mat. 18*

casione ab illis capta, fuerint lapsi. Nam de talibus Pau- **C**  
 lus loquens, ait: Qui talia agunt digni sunt morte: non so-  
 lum qui faciunt ea: sed etiam, qui consentiunt facientibus.  
 Quem locum Glossa ordinaria interpretans, ait: Consenti-  
 re est tacere, cū possis redarguere. Et beatus Damasus Pa-  
 pa: Qui potest obuiare, & perturbare peruersos, & non fa-  
 cit: nihil aliud est, quā fauere impietati eorū. Hæc ille. Si  
 hæretici libris suis (vt diximus) fidelibus nocent, necessa-  
 rio consequens est, vt eiusdem nocumenti sit particeps om-  
 nis ille dominus, qui cum posset, non vult tale nocumen-  
 tum vitare, præsertim si dominus fuit admonitus de nocu-  
 mento, quod ex lectione talium librorum oriri poterat.  
 Cuius sententiæ vmbra in veteri lege perfectissime deli-  
 niatā inuenimus: vbi de domino bouis cornupetæ, qui ad-  
 monitus illum recludere noluisse. Deus hanc condidit le-  
 gem: Si bos cornupetæ fuerit ab heri, & nudius tertius, &  
 contestati sunt dominū eius, nec reclusit dominus eum, oc-  
 cideritq; virum, aut mulierem, & bos lapidibus obruetur,  
 & dominū illius occidēt. Non ob aliam causam Deus tunc  
 iussit dominum bouis cornupetæ occidi: nisi quia censuit  
 illum homicidam, quamuis ille manu sua neminem occi- **D**  
 disset. Quia tamen dominus noluit bouem recludere, & sic  
 mortem hominis, quæ à boue prouenire potuisset, vitare  
 contempsit, imputabatur illi mors, ac si ipsemet propria  
 manu illum interemisset. Iustum quippe est, vt ille damno  
 illato habeatur reus, propter cuius culpam, & negligētiam  
 damnum illud euenisse constat. Simili pœna constringen-  
 dum esse constat, dominū illum, qui admonitus libros ali-  
 quos esse perniciosos & fidei catholicæ incommodos illos  
 non vult prohibere. Nam si postea aliqui ex lectione il-  
 lorum bonorum mortem animæ incurrerint, illorū mors  
 domino imputabitur, qui cum posset, noluit mortis occa-  
 sionem auferre. Ideo saluator noster ait. Qui scandalizau-  
 rit vnum de pusillis istis, qui in me credūt: expedit ei, vt su-  
 spendatur mola asinaria in collo eius, & demergatur in  
 profundum maris. Is haud dubie credentes in Christum  
 scandalizat, qui illis præbet occasionem discedendi à fide,  
 quam Christus, & apostoli eius docuerunt. Qui librum in  
 fauorē alicuius hæresis scribit, is aperte credentes in Chri-  
 stum scandalizat: quia aliis præbet occasionem, vt à vera  
 fide

**A** fide discedant. At qui huiusmodi libros, cum possit, prohibere negligit, eandem culpam habet, ac si ille librum scripsisset. Faciantis quippe culpam habet, qui quod potest, negligit emendare. Consequens igitur est, ut ille etiam credentes in Christum scandalizare dicatur, qui libros hereticorum negligit prohibere. Expediret ergo huic (iuxta dictum saluatoris) ut suspenderetur molla asinaria in collo eius, & demergeretur in profundum maris. Propter has omnes urgentissimas rationes non solum Pontifices summi, quibus hoc potissimum incumbit negotium: sed etiam Imperatores, & Reges, qui aliquam fidei catholicæ rationem habere voluerunt, hæreticorum libros esse comburendos legibus, & decretis ante multa secula statuerunt. Nam Constantinus ille, qui primus Imperij maiestatem Christi humilitati subiecit, Arianorum libros omnes iussit cõburi, mortis supplicium minatus omnibus, qui tales libros seruassent. Et quo maior verbis meis adhibeatur fides Epistolam eiusdem Constantini, quam ille Episcopis, & populo de hac re scripsit, hic inferere decreui, quæ talis est.

**B** *Victor Constantinus Maximus Augustus,  
Episcopis, & populo.*

Malignos, & impios Arrius imitatus, dignum est, ut illorum quoque suscipiat ultionem. Sicut ergo Porphyrius diuinæ pietatis inimicus, iniqua volumina contra religionem proferens, dignam promeruit inuenire mercedem, & talem, per quam in posterum esset opprobrium, & plurima compleretur infamia: & nunc placuit Arrium, & sectatores eius vocari Porphyrianos, ut quorum mores imitati sunt, eorum vocabulo perfruatur. Super hæc autem, si qua conscriptio ab Arrio facta reperitur, igni tradatur, ut non solum praua eius doctrina depereat: sed neque vlla eius possint remanere commenta. Hoc etiam precipio, si quis conscriptiones Arrij celasse comperitur, & non repente proferens igne consumpserit, mortis supplicio subiacebit. Mox enim ut in hoc fuerit captus, capitalem suscipiat ultionem: Deus vos custodiat. Hactenus epistola Constantini, quæ habetur libro ij. Historiæ tripartitæ cap. xv. Post Constantinum magnum elapsis annis plurquam centum & quinquaginta Valentinianus, & Martianus

*Constant.  
Imperat.*

*Valent.  
& Mar.*

Augusti contra Eutychetis, & Apollinaris sectatores va- C  
 rias statuit pœnas, & deinde contra eos, qui libros istorum  
 dogmata continentes seruassent: legem statuerunt hæc  
 verba continentem: Nulli etiam cōtra venerabilem Chal-  
 cedonensem synodum liceat, vel aliquid dictare, vel scri-  
 bere, vel edere, atque emittere, aut aliorum dicta, vel scri-  
 pta super eadem re proferre, nemo huiusmodi habere li-  
 bros, & sacrilega scripturarum audeat monumēta seruare.  
 Quod si qui in his criminibus fuerint deprehensi, perpetua  
 deportatione damnentur. Eos vero, qui discēdi studio adi-  
 cerint, de infausta hæresi disputantes, decem librarum au-  
 ri, quæ fisco nostro inferendæ sunt, iubemus subire dispen-  
 dium. Ultimo etiam supplicio coërceantur, qui illicita do-  
 cere tentauerint. Omnes vero huiusmodi chardi, chartæ,  
 ac libri, qui Funestum Eutychetis, & Apollinaris comple-  
 xi fuerint dogma, incendio concrementur, vt facinorose  
 peruersitatis vestigia flammis combusta depereant. Aequū  
 nanque est, vt immanissima sacrilegia par pœnæ magni-  
 tudo percellat. Scientibus moderatoribus prouinciarum,  
 eorūque apparitoribus, defensoribus etiam ciuitatum,  
 quod si ea, quæ legis huius religiosissima sanctione custo- D  
 dire decreuimus, aut neglexerint, aut aliqua permiserint  
 temeritate violari, denarum librarum auri multam fisco  
 nostro inferre cogantur: insuper etiam existimationis suæ  
 periculum sustinebunt. Hæc Imperatores Valentinianus,  
 & Martianus: & habentur in l. Quicumque. C. de hæreticis.  
 Idem etiam statuerunt Imperatores Theodosius, & Va-  
 lentinianus, vt constat ex l. damnato. in eo. Codicis titu.  
 Ecce vides sanctam Imperatorum diligentiam circa pro-  
 hibitionem librorum hæreticorum, & religiosam acerb-  
 tatem in illorū combustione. Sed nunquid Pontifices sum-  
 mi, & sancti hoc agnoscetes damnauerunt istarum legum  
 seueritatem? Nequaquā, imò potius verbis, & opere illam  
 commendauerūt, idem ipsi facientes, & suis decretis idem  
 aliis facere præcipientes. Nam Leo primus, huius nominis  
 Pontifex in epistola quadam ad Toribium Astorigensem  
 episcopum. c. xv. sic ait: Curandum est, & sacerdotali dili-  
 gentia maxime prouidendum, vt falsati codices, & à synce-  
 ra veritate discordes, in nullo vsu lectionis habeantur. Apo-  
 cryphæ autem scripturæ, quæ sub nominibus Apostolorū  
 multarum

*Leo papa  
primus.*



- A** multarum habent seminarium falsitatum, nō solum interdiciendæ: sed etiam penitus auferendæ sunt, atque ignibus concremandæ. Quamuis enim sunt in illis quædam, quæ videantur speciem habere pietatis: nunquam tamen vacua sunt venenis: sed per fabularum illecebras hoc latenter operantur, ut mirabilium narratione seductos, laqueis cuiuscunque erroris inuoluant. Vnde si quis episcoporum, vel apocrypha haberi per domos non prohibuerit, vel sub canonorum nomine eos codices in ecclesia permiserit legi, qui Priscilliani adulterina sunt emendatione corrupti, hæreticum se nouerit iudicandum: quoniam qui alium ab errore non renocat, se ipsum errare demonstrat. Hæc Leo Papa vir sanctus iuxta, ac doctus. Quid autem Gelasius Papa de hæreticorum libris censuerit faciendum, liber Pōtificialis declarat, qui vitam huius Gelasij describens, hæc inter alia refert. Huius temporibus inuenti sunt Manichæi in vrbe Roma, quos in exilio deportari præcepit, quorum quoque codices ante fores Basilicæ sanctæ Mariæ incendio concremauit. Hæc in libro Pontificali de Gelasio dicuntur. Præterea libros Ioannis Vuiclef comburi duo archiepiscopi
- B** Apostolicæ sedis legati primo præceperunt: deinde ecclesia vniuersalis in duobus generalibus conciliis Romano, & Constantiensi congregata idem fieri præcepit: prout apertissime constat ex gestis concilij Constantiensis, sessione octaua, vbi postquam dicitur, libros præfati Ioannis Vuiclef fuisse in cōcilio Romano ad ignem damnatos, ipsiusmet Constantiensis concilij insuper additur definitio, his verbis, quæ proxime sequuntur expressa: In nomine domini nostri Iesu Christi hæc sancta synodus sententiæ prædictorum archiepiscoporum, ac concilij Romani ratificans, & approbans, prædictos articulos, & eorum quemlibet libros eiusdem dialogum, & trialogum per eundem Ioannem Vuiclef nominatos, & alios eiusdem authoris libros, volumina, tractatus, & opuscula, quocunque nomine censeantur, quos hic haberi vult pro sufficienter expressis: hoc perpetuo decreto reprobatur, & condemnat. Et eorundem librorum, & cuiuslibet ipsorum lectionem, doctrinam, expositionem, & allegationem nisi ad eorum reprobationem, omnibus Christi fidelibus prohibendo inhibemus omnibus, & singulis catholicis sub anathematis

*Cōcilium  
Constantiense.*

tis interminatione: & ne de cætero dictos articulos, vel  
 ipsorum aliquem audeant publicare, prædicare, dogmati-  
 zare, tenere, vel quomodolibet allegare: nisi ad eorum re-  
 probationem, vt dictum est, videns illos libros, & tracta-  
 tus, volumina, & opuscula prælibata publicè concrema-  
 ri, prout decretum fuerat in synodo Romana, sicut su-  
 perius est expressum. Super quibus exequendis, & debite  
 obseruandis, mandat præfata sancta synodus ordinariis  
 locorum vigilanter intendere, prout ad quemlibet spectat  
 secundum iura, & canonicas sanctiones. Hactenus con-  
 cilium Constantiense. Et quanquam hæc, quæ protulimus  
 testimonia satis esse possent ad nostræ sententiæ confir-  
 mationem: tamen vt illam firmiorem relinquamus, anti-  
 quiora, & vetustiora exempla repetere volo, & actus apo-  
 stolicos reuoluere: in quibus apertissimum pro hac re in-  
 uenimus testimonium. Nam de mirabilibus apud Ephe-  
 sum Pauli gestis, historia illa differens hæc ait: Multi cre-  
 dentium veniebant confitentes, & annunciantes actus suos.  
 Multi autem ex eis, qui fuerant curiosa sectati, contri-  
 lerunt libros, & combusserunt eos coram omnibus, &  
 computatis pretiis illorum, inuenerunt pecuniam quin-  
 quaginta millia. Ita fortiter crescebat verbum Dei, & con-  
 firmabatur. Hæc Lucas in actibus Apostolorum. Si libri  
 curiosi ex præcepto Pauli tunc comburebantur: multo ma-  
 gis comburerentur hæreticorum libri, qui multo magis  
 legentibus nocere potuissent. Sed non est absque annota-  
 tione prætereundum id, quod ad exaggerandam illam li-  
 brorum combustionem Lucas addidit, sic dicens: Ita for-  
 titer crescebat verbum Dei, & confirmabatur. Nam illis  
 verbis apertè docet nos Lucas, talium librorum combu-  
 stionem esse testimonium locupletissimum augmenta-  
 tionis, & confirmationis verbi Dei in illis. Quo fit, vt  
 etiam econtrario colligere liceat, validum testimonium  
 diminutionis, & ruinæ fidei esse in illis, qui libros hære-  
 ticorum, cum possint, comburere nolunt. Deinde, post  
 apostolorum tempora hoc fuisse in tota ecclesia seruatum,  
 testatur Origenes, qui Homilia nona super numeros ait:  
 Si apud homines hodie iudicaretur hæc causa: & apud ec-  
 clesiarum principes haberetur examen de his (verbi cau-  
 sa) qui diuersa ab ecclesiis docentes, diuinæ vindictæ per-  
 tulerint

Act. 19

Origenes.

**A** rulerint ultionem, nonne iudicarent, ut si quid locuti sunt, si quid docuerunt, si quid etiam scriptum reliquerunt, vniuersa pariter cum ipsorum cineribus deperirent? Hæc Origenes. Ex cuius verbis constat hanc esse suo tempore totius ecclesiæ sententiam, libros hæreticorum esse comburendos. Accedit ad hæc omnia, quod Eusebius Cæsariensis in lib. de temporibus refert libros Protagoræ sophistæ fuisse ab Atheniensibus combustos. Cuius combustionis quanquam Eusebius eo loco causam non explicet: aliam tamen non fuisse credendum est, quàm ut suæ reipublicæ prospicerent, & damnum vitarent, quod tales libri legentibus possent inferre. Si homines gentiles tãtam suæ reipublicæ, quam regendam susceperant, rationem habuerunt, multo iustius est, ut Principes Christiani maiorem catholicæ ecclesiæ, pro qua filius Dei mortem subire dignatus est, curam suscipiant, & libros hæreticorum, qui multo plusquam Protagoræ sophistæ ecclesiæ nocere possunt vtricibus flammis tradant. Non est enim æquum, ut christiani principes in recta populi gubernatione principibus gentium cedant. Quod si, ut faciendum esse probauimus, hæreticorum libri comburantur, dabitur per hoc, aut dubie cuique authori hæretico digna suo crimine pœna: quoniam iuxta sapientis dictum, in quo peccauerat in eo punietur. Peccant enim omnes hæretici quadam inanis gloriæ cupiditate, ex qua pestilente radice sicut multa alia oriuntur scelera, ita etiam hæresis, quæ est omnium aliorum grauissimum malum. Nam qui nimio affectu popularem captat gloriam: nihil pro illa assequenda intentatum relinquet, ad illam tanquam ad quendam scopum omnes suos actus diriget. Cum loquitur, cum scribit, cum disputat, aut cum aliud quoduis opus agit, semper populi gloriam præ oculis habebit, quoniam hæc est summa omnium votorum suorum. Quod si hanc quam ardentissime cupit gloriam, alia via se posse assequi desperauerit: tunc nouam cõfingere doctrinam conatur, ut rei nouitate alios in sui admirationem trahat. Ex ipso deinde impotenti gloriæ popularis desiderio oritur pertinacia tã inflexibilis, ut quauis in certamine omnium iudicio succumbat, nunquã cedere velit. Mauult enim in errore persistere quã se victũ fateri, ne hac occasione, vel minimã gloriæ partẽ, quam

*Euseb.**Sapient. 6*



*Genes. 11* quam immodice cupit, amittat. Sūt enim hæretici optime C  
 figurati in viris illis superbissimis, qui dixerunt: Venite, fa-  
 ciamus nobis ciuitatem, & turrim: cuius culmen pertingat  
 vsque ad cœlum: & celebremus nomen nostrum. Hæretici  
 siquidem nomina sua volūt celebrare in terris, & ob hanc  
 causam turres superbæ vanitatis construunt, & libros hære-  
 sibus plenos cōponunt. Tā insita est omnibus hereticis ina-  
 nis gloriæ cupiditas, vt per illā, tanquam per proximā cau-  
 sam hæretici diffinitionē Augu. dare decreuerit, sic dicens:  
*August. 1* Hæreticus est, qui pro alicuius temporalis cōmodi, & ma-  
 xime gloriæ, principatúsq; sui gratia, falsas, ac nouas opi-  
 niones gignit, vel sequitur. Hæc Augustinus in libro de  
 vtilitate credendi. Ob hanc causam Paulus volens fidei  
 vnitatem Philippenſibus persuadere, admonet eos ab  
 omni inani gloria abstinere, quod hanc plurimum fidei  
*Philip. 2* vnitati nocere posse intelligebat. Vnanimis (inquit ille)  
 idipsum sentientes, nihil per contentionem, neque per  
 inanem gloriam. Iustum igitur est, vt quam per librorum  
 conscriptionem hæreticus procurauit popularem glo-  
 riam, hanc libris eius combustis non assequatur, & hoc  
 modo punietur in eo, in quo peccauerat. Olim quidam sce-  
 leratus homo ( vt Strabo refert ) templum Dianæ Ephesi-  
 næ admirabili opificio constructum, igne succendit, & sic  
 paruo tempore destruxit, quod multo tempore, multisque  
 expensis fuerat ædificatum. Deprehensus est homo ille, &  
 interrogatus cur tam graue, atque tam sacrilegum scelus  
 ausisset, respondit se optasse posteris memoriam sui relin-  
 quere, quam quia rebus clarissimis à se gestis assequi non  
 poterat, hoc pessimo facinore se assequuturum sperauit.  
 Hoc iudices intelligentes, edicto publico inhibuerunt,  
 ne scriptor vllus, qui sacrilegum illud facinus scripſisset,  
 illius patratorem nomine proprio exprimere auderet, vt  
 nomine illius suppresso, memoria, quam tam impotenter,  
 atque effrænate optauit ad posteros transmittere, citissi-  
 me deleteretur. Quisquis rem bene circumspexerit, facile  
 intelliget nullum ouum esse alteri ouo similis, quàm qui-  
 libet hæreticus homo, est illi nomini scelerato. Subuertit  
 illa atque destruxit templum Dianæ: & hæreticus nititur  
 scindere, & euertere, atque perturbare ecclesiam Dei, quæ  
 est templum illius. Scelestus ille homo ab impotēti inani  
 gloriæ



**A** gloriæ defyderio motus est ad impium illud facinus perpetrandum, & hæreticus ab eiusdem inanis gloriæ arde rificissimo amore ducitur, vt nouam constringat doctrinam, & sic ab ecclesiæ vnitæte discedat. Par igitur est, vt similis hæreticum pœna constringat, vt videlicet eam, quam per librorum editionem tam anxie concupit gloriæ, libris eius omnibus prorsus ex orbe deletis, non assequatur. Huic etiam simile est, quod Iudas Machabæus cum Nicanore duce exercitus Antiochi Regis fecit. Nam postquam ille fuit in bello occisus: iussit Iudas linguam Nicanoris abscindi, & auibis dari. Cur ita? Nunquid putandum est Iudam Machabæum illud abs re iussisse? Minime. Fuerat quidem Nicanor in Deum omnipotentem blasphemus, & sibi ipsi adeo arrogans, vt sibi magis quàm Deo patendum esse non fuerit veritus dicere. Ob hanc causam linguam illius etiam post mortem abscindi Iudas præcepit, vt in eo membro, quo tam impie peccauerat, illum puniret. Hæretici omnes blasphemus sunt: quoniam ecclesiæ, quæ à Deo semper edocetur, non dubitant dicere mendacem, aut saltem deceptam. Sunt etiam arrogantes adeo, vt suo magis tribuant iudicio, quàm omnium doctorum sacrorum sententiis, parum dixi: nisi etiam plusquam totius ecclesiæ definitionibus sibi ipsis tribuerent. Hi per libros tanquam per quasdam linguas adhuc mortui loquuntur, & per illos in Deum & ecclesiæ eius, suas effundunt blasphemias. Has igitur linguas, hoc est, eorum libros oportet abscindere, & non solum auibis discerpandos: sed flammis comburendos tradi, vt nullum illorum possit superesse vestigium. Hæreticorum cuilibet hand dubie convenit illud, quod ex mandato Dei Hieremias propheta ad Edou locutus est, sic inquit: Arrogantia tua decepit te, & superbia cordis tui, qui habitas in cauernis petra. Cum exaltaueris quasi aquila nidum tuum, inde detrahā te, dicit Dominus. Et erit Idumæa deserta. Omnis, qui transibit per eam stupebit, & sibilabit super omnes plagas eius. Sicut subuersa est Sodoma, & Gommorha, & vicinæ eius, ait Dominus. Hæreticorum congregatio quantumlibet sit aliquando multa, & frequens, tandem Deo illam dispergente, erit aliquando deserta: quoniam recta fide reuelata, & plene intellecta, hæresis illorum ab omnibus deseretur, neque erit, qui illi adhæreat.

2. Ma. 15

Hier. 49

C

Frequentissima fuit olim, & per multas prouincias exten- C  
 sa hæresis Arrij: sed nunc iam velut Idumæa facta est de-  
 ferta: quoniam omnes spreuerunt illam, & recesserunt ab  
 ea. Adeo deserta est hæresis illa, vt non solum iam non sint  
 Arriani: sed nec Arrianorum libri: qui illam hæresim doceant,  
 & tueantur. Frequentissima, & multis populis plena  
 est hodie hæresis Lutheri, qui sicut aquila exaltauit nidum  
 suum, tanta superbia, & arrogantia deceptus, vt non vereatur  
 in cælum ponere os suum, & dicere Ecclesiam fuisse in  
 tenebris vsque ad prædicationem suam, sed confido in Do-  
 mino, quòd tandem erit tanquam Idumæa deserta. Sed quo-  
 modo erit deserta hæreticorum congregatio? Sicut subuer-  
 sa est Sodomæ & Gomorrhæ, & vicinæ eius, ait Dominus.

*Gene. 19* Hæ autem ciuitates (vt historia sacra refert) igne subuersæ  
 sunt, & incendio perierunt. Igne ergo succendere oportet  
 non solum hæreticos: sed etiam libros eorum, vt si hære-  
 sis omnis velut Idumæa deserta, & nemo sit qui habitet in

*Iosue 15* ea. Iericho ciuitas non solum fuit à filiis Israel destructa,  
 sed igne succensa, & funditus deleta, vt fundamento sublato  
 nulla maneret reedificationis occasio. Quantumlibet sit  
 hæresis aliqua destructa, rationibus conuicta, & ab orbe D  
 Christiano prorsus deleta: si tamen superstites sunt libri,  
 qui illam doceant, atque tueantur, fundamenta illius mane-  
 re videntur, super quæ facile poterit hæresis illa reedificari.  
 Quisquis igitur Christianæ reipublicæ bene consultum esse  
 optat, omnes hæreticorum libros, si potest, comburere  
 faciat, ne fortis fidelis aliquis in illis legens, ab illis læda-  
 tur, & pereat. Si hæreticorum colloquia, iuxta Pauli præ-  
 ceptum sunt deuitanda, ne illorum communionem ledamur:  
 & magis (vt præfati sumus) nocere possunt hæreticorum  
 scripturæ, quàm verba, consequens est, vt maiori cura sint  
 euitandi libri, quàm verba, & multo diligentius sit circa  
 illorum prohibitionem innigilandum. Et quod diximus  
 de libris hæreticorum, idem prorsus faciendum esse cense-  
 mus de libris Iudæorum, & aliorum infidelium, quos inter  
 Christianos, & sub Christianorum domicilio viuere conti-  
 gerit. Est tamen aliqua inter Iudæorum libros differentia  
 consideranda, quia non omnes in eodem sunt gradu, & ideo  
 nec eadem lege iudicandi. Quidam enim sunt absolute boni,  
 vt sunt libri omnes veteris Testamenti, & alij qui veras  
 illorum

**A** illorum librorum continent expositiones, & hi permittendi sunt Iudæis, quemadmodum permittitur illis, vt legis Mosaicæ ritus, & ceremonias seruent. Quia in illis omnibus habetur quoddam testimonium fidei catholicæ, quæ in illis repræsentatur, tanquam veritas in figura, & corpus in vmbra. Sunt alij libri à doctoribus Iudæorum compositi, pleni mendaciis, & somniis, & fabulis, & (quod multo peius est) multis in Christum, & legem suam blasphemis. Per hos libros seducuntur simplices eorum, & in sua perfidia nutriuntur & fouentur, & detinentur, ne ad fidem Christi conuertantur. Hi tales libri merito deberent comburi: quia sicut sunt compellendi, ne fidem Christi malis persuasionibus impendant, ita iustum est, vt compellantur, ne libris editis impendant, quominus eorum aliqui ad fidem Euangelij conuertantur. Et sicut compellendi sunt, ne Christum, & sanctam eius legem verbis blasphement, ita etiam ne blasphement scriptis. Hæc autem omnia tollentur, si tales libri comburantur, quod Christiani Principes legitime facere possunt, cum Iudæi in pœnam peccati, quod commiserunt in morte Christi, facti sint serui.

**B** *Respondetur aliquibus rationibus, quibus  
aliqui probare nituntur hæreticorum  
libros esse permittendos.*

## CAP. XVI.

**E**T si vrgentissimis, euidentissimisque rationibus probaui hæreticorum libros non esse permittendos: sed esse comburendos, aut alio modo abolendos, non desunt tamen etiam ex his, qui se Christianos iactant, qui huic catholicæ veritati repugnare non vereantur. Nam cum olim ante aliquot iam elapsos annos in Flandria versarer, frequens de hære mihi disputatio fuit cum quodam viro docto, & catholico, vt exteriora ostendebant, hæretico tamen, vt ego suspicabar. Et aliquos postea eiusdem classis homines Parisiis, & alibi inueni, qui cum se Christianos videri optarent, hæreticorum tamen libros non esse comburendos, pertinacissime tuebantur. Sunt enim nunc multi passim tales: quales Christus Saluator noster venturos esse prædixit, vestimenta ouium portantes, qui tamen intrinsecus sunt lupi rapaces. Illorum omnium communes

Matt. 7

rationes hic referam, & cum illas facillime reiecerō, ostendam eos debilissimō, & minus quā arundineo baculo inniti. Primo quidem dicunt multa vere catholica, & bene tractata esse in libris hæreticorum, multos scripturæ sacræ nodos optime explicatos, multa obscura eleganter illustrata, quæ apud viros catholicos prorsus non habentur, aut non sunt tam bene explicata, atq; digesta. Iniustum autem esse dicunt catholicam ecclesiam his omnibus priuare, & inde colligunt, vt iniustum etiam sit tales hæreticorum libros comburere, ex quorum combustionē tam graue incommodum Christianæ reipublicæ aperte oritur. Hæc argumentatio, quam illi vrgentissimam putant, vtroque claudicat pede: quia ambæ antecedentis partes, quibus illa ad conclusionem procedere nititur, sunt falsæ. Nam quod primo assumpsit, multa in hæreticorum libris inueniri bona, & bene tractata, quæ apud viros catholicos minime reperiri possunt, falsum est, & diuinæ prouidentię aperte iniuriosum. Fateor quidem aliqua esse in hæreticorum libris vera, & catholica & pulchre explicata, aliàs nullus illis fidem præbere velle, si omnia plena mendacijs essent. Quod autem ea vera, & catholica, quæ ab hæreticis bene tractata sunt, minime apud catholicos doctores inueniri possint, hoc est, quod constantissime nego. Nam & si aliquando Deus malis hominibus, & infidelibus prophetandi munus concessit: ea tamen, quæ illi prophetando prædixerunt, non per illos solos prædicta esse voluit: sed per aliorum bonorum prophetarum ora multo melius, & expressius illa eadem mundo manifestari decreuit. Prophetauit Balaam ille malus de aduentu Messię: sed multo melius, atque apertius quā ille prædixerunt hoc alij prophetæ. Cayphas ille, qui Pontifex erat anni illius, quo passus est Christus saluator noster prophetauit, quod Iesus pro omnium salute moriturus erat. Hanc tamen generis humani salutem per Christi mortem habendam, David, Elaias, & alij plurimi sancti prophetæ, multo latius, & apertius prædixerunt. Cum primum veritatem aliquam ad salutem animæ necessariam Deus mundo reuelare voluit, nunquam nisi per iustos, & sanctos viros id fecit. Dedit Deus olim veterem legem: sed per manus sanctissimi viri Moysei tradidit illam populo Israel. Instituit longo post tempore legem Euangelicam,

Num. 24

Ioan. 11



**A** tam primos tamen illius prædicatores non voluit esse fures, sicarios, homicidas, adulteros: sed solos sanctissimos viros, apostolos videlicet suos, quos ille ad hoc opus elegerat. Præcepit illis Christus saluator noster, ut euntes *Mat. vi.* in mundum vniuersum prædicarent Euangelium omni creaturæ: hoc tamen noluit eos statim facere: præcepit enim illis ab Hierosolymis ne discederent: sed expectarent promissionem patris, & acciperent prius virtutem *Act. i.* spiritus sancti superuenientis in illos. Cur ita? Nempe ut per aduentum spiritus sancti illos faceret dignos Euangelij præcones, sine quo indigni essent ad tam sublimem legem mundo annunciandam. Nam quia hanc spiritus sancti gratiam Paulus intellexerat esse necessariam ad digne annunciandum Euangelij veritatem, ideo de se, & aliis Apostolis dixit: Sufficientia nostra ex Deo est, *2. Corin. 3.* qui & idoneos nos fecit ministros noui Testamenti. Non est igitur credendum, ut Deus, qui alias Euangelij veritatem non nisi per viros spiritu sancto plenos mundo reuelare voluit, nunc aliquam Euangelij partem ante incognitam per schismaticos hæreticos mundo notam facere velit. Neque est etiam credendum, ecclesiam, quæ vbertime est olim à Christo edocta, & nunc quotidie ab illo abunde edocetur, aliquid ex his, quæ sunt necessario credenda, ignoret. Alioqui non satis promissioni suæ fecisset Christus, qua fidem suam obstringens dixit: Paracletus autem spiritus sanctus, quem mittet pater in nomine meo, ille vos docebit omnia, & suggeret vobis omnia quæcunque dixerò vobis. Si Christus omnia necessario credenda docuit, & spiritus sanctus omnium illorum intelligentiam dedit, consequens est, ut ecclesia nihil illorum ignoret. Nunquid celare potero Abraham, ait *Genes. 18.* Deus, quæ facturum sum? Si Deus Abraham celare noluit propter amicitiam, quæ facturum erat, credere par est, illum multo minus celasse ecclesiæ illa, quæ ad suam sunt necessaria salutem. Quoniam illam, eo quod sponsa eius est, inulto ardentiori amore complectitur. Et hoc ipsum docet nos Deus per Amos prophetam sic inquires: Non faciet Dominus Deus verbum: nisi reuelauerit secretum suum ad seruos suos prophetas. Non dixit ad qualescunque prophetas: sed ad solos seruos suos.

*Irenæus.*

A viris igitur fidelibus ex quibus ecclesia catholica constat, discere debemus : si quid scire cupimus , non ab hæreticis. Quoniam ecclesia in his, quæ ad pietatem , & religionem spectant, est multo vberius edocta ab illo , qui nec fallere, nec falli nouit. Et hoc ipsum docet Irenæus martyr libro tertio aduersus hæreses cap. iij. sic dicens : Tantæ igitur ostensionis cum sint hæc, non oportet adhuc quærere apud alios veritatem : quam facile est ab ecclesia sumere. Cum Apostoli quasi in depositarium diues plenissime in eam contulerint omnia, quæ sunt veritatis , vt omnis quicumque velit ,umat ex ea potum vitæ. Hæc est enim vitæ introitus, omnes autem reliqui fures sunt, & latrones. Propter quod oportet deuicare quidem illos. Quæ autem sunt ecclesiæ, cum magna diligentia diligere, & apprehendere veritatis traditione. Quid enim ? Et si quando de aliqua modica quæstione disceptatio esset, nõne oportet in antiquissimas recurrere ecclesias, in quibus apostoli cõuersati sunt, & ab eis de præsentis quæstione sumere, quod certum, & rei liquidum est? Quid autem si neq; apostoli quidem scripturas reliquissent nobis , nõne oportebat ordinem sequi traditionis , quem tradiderunt his , quibus committebant ecclesias ? Hactenus Irenæus martyr , & Polycarpi martyris discipulus. Ex cuius verbis euidenter constat ecclesiam esse omni veritatis doctrina plenissimam , nulliusque hæreticorum doctrinæ indigentem. Deinde , licet ecclesia aliquid ad fidem spectans ignoraret, non est credendum, neq; verisimile hæreticis illud esse à Deo reuelatum. Confiteor tibi pater (ait Christus Saluator noster) quia abscondisti hæc à sapientibus , & prudentibus, & reuelasti ea paruulis. Paruulis inquam, reuelat Deus, quæ sapientibus, & prudentibus absconderat, non superbis, non his, qui sua existimatione tam magni sunt, vt suam sententiam non dubitent omnium aliorum sententiæ præponere. Paruulis, inquam, reuelat Deus, id est, humilibus, qui minima de se putant, qui suæ nunquam volunt inniti prudentiæ, qui captiuare nõ dubitant intellectum suum in obsequium Christi. Huiusmodi paruulis Deus sæpe reuelat mysteria, quæ abscondit à sapientibus, & prudentibus, non hæreticis, qui sua existimatione tam magni sunt, vt reliquos omnes sua sapientia excedere putent, & suo iudicio plus quam

*Mat. II*

**A** quàm totius ecclesiæ definitionibus tribuere non vereantur. Præterea, quanquam daremus aliqua esse in hæreticorum libris catholicæ, & fideliter tractata, quæ in catholicorum libris non reperirentur, illa tamen nõ essent ab hæreticis sumenda. Quia hæretici simul cum illis veris multa alia falsa admiscunt, & timendum est ne dulcedine veritatis affecti lectores, venenum falsitatis incauti deglutiant. Præstat igitur cibo quamlibet bono carere, quàm illum exitiali veneno permixtum comedere. Et inde constat falsum esse illud, quod secundo loco in præfata argumentatione assumptum est ubi dicitur, iniustum esse priuare ecclesiam illis veris, & bene digestis, quæ in libris hæreticorum inueniuntur. Non est certe iniustum: imò est e contrario iustissimum, atq; sanctissimum, & perinde ac necessarium, vt à matre nostra ecclesia, in qua per baptismum geniti sumus, & à fratribus nostris fidelibus auferamus cibos quamlibet bonos, si illos veneno mortifero permixtos esse cognoscimus. Talis per omnia est hæreticorum doctrina, quæ semper veris habet falsa permixta: quo fit, vt sit ab omnibus deuitanda. Hoc autem ita esse apertissime docet

**B** Gregorius libro v. Moralium sic ait: Habent quippe hoc hæretici proprium, vt malis bona permisceant quatenus facile sensui audientis illudant. Si enim semper praua dicerent, citius in sua prauitate cogniti, quod vellent minime persuaderent. Rursum si semper recta sentirent, profecto hæretici non fuissent. Sed dum fallendi arte ad vtraq; deseruiunt, & ex malis bona inficiunt, & ex bonis mala, vt recipiantur, abscondunt: sicut qui veneni poculum porrigit, ora poculi dulcedine mellis tangit: dumq; hoc quod dulce est, primo tactu delibatur, etiam illud quod est mortiferum, indubitanter absorbetur. Itaque hæretici permiscunt recta peruersis, vt ostendendo bona auditores ad se trahant, & exhibendo mala latanti eos peste corrumpant. Hactenus Grego. Ecce vides apertissimo Gregorij testimonio probari, semper hæreticorum doctrinam esse veluti quoddam venenatum poculum. Et inde necessario consequitur, vt quisquis Christianæ reipub. aliquam teneatur habere rationem, teneatur etiam tale poculum perdere ne eidem reipub. Christianæ vnquam nocere valeat. Præstat enim ecclesiæ tali poculo carere, quàm venenatum

*Gregori.*

*Leo papa  
primus.*

*Luc. 4*

*Beda.*

*Esa. 49*

*Eccle. 13*

bibere. Eandem sententiam docet Leo Papa huius nominis primus, qui (vt supra proxime præcedenci cap. ostendimus) in epistola ad Toribium Astorigensem Episcopum cap. xv. præcipiens, vt libri Priscillianistarum, & aliæ scripturæ apochryphæ vitentur, & comburantur id, quod huic sententiæ obici poterat, reicit sic inquit: Quamuis enim sunt in illis quædã, quæ videantur speciem habere pietatis, nunquam tamen vacua sunt venenis: sed per fabularum illecebras hoc latenter operantur, vt mirabilium narratione seductos, laqueis cuiuscunq; erroris inuoluât. Hæc Leo Papa huius nominis primus. Ob hanc causam Christus Saluator noster dæmonia clamantia, & dicentia illum esse filium Dei, increpauit prohibens ne talia loquerentur. Verissimæ erant, & sunt, quæ dicebant, attamen loqui prohibuit, nec tamen gratis: sed ob iustissimam causam illum fecisse credendum est. Nempe vt populo occasionem tolleret credendi dæmonibus iterum falsa dicentibus. Hanc enim esse illius prohibitionis causam, testatur Beda in commentariis super Lucam, sic inquit: Quare autem dæmonia Dominus se loqui prohibet, Psalmista manifestat, qui ait: Peccatori autem dixit Deus, quare tu enarras iustitias meas per os tuum? Ne quis dum prædicantem audit, sequatur errorem. Improbis enim magister est diabolus, qui falsa veris sæpe permiscet, vt specie veritatis testimonium fraudis obtexat. Hæc Beda. Si Christus Saluator noster propter illam causam prohibuit dæmones clamantes, iustum est, vt ecclesia, quæ illi, veluti corpus capiti se conformare debet, hæreticos, qui sunt dæmonum progenies, prohibeat scribes, ne suis scripturis populo nocere possint, vt dæmones poterant nocere verbis. Prudenter igitur Ecclesia facit, cum hæreticorum libros prohibet, & illos comburendos esse decernit: quia iuste timet ne id eueniat, quod Sapiens ait: Qui tetigerit picem inquinabitur ab ea. Secundo adhuc mihi obiciebant hi, qui hæreticorum libros permittendos esse mecum contendebant, sic dicentes: Esto, hæreticorum libri aliqua falsa contineant, quod negare non possumus: quia alias hæretici non essent, alia tamen via abs illorum combustionem potest obuiari incommodo, quod tales libri possent Christianæ reipub. inferre. Nam si libri illi ab omnibus repurgentur erroribus, tunc permanebunt reliqua



**A** reliqua omnia munda, & poterunt tunc bona quæ habent, absq; vlllo veneni periculo legentibus offerri. Malum est ergo libros hæreticorum comburere: quia per talem combustionem ecclesia priuatur his, quæ in libris hæreticorum bene, & catholice tractata sunt, quæ sine vlllo suo periculo posset habere. Huic obiectioni facile responderi potest per ea, quæ in responsione ad priorem argumentationem dicta sunt. Ibi enim ostendimus tum rationibus ex sacris literis desumptis, tum testimonio sancti Irenæi, nihil esse in hæreticorum libris verum, & catholicum, quod non sit in libris catholicorum multo melius, & purius pertractatum. Ex quo euidentissime colligitur, ecclesiam nullius catholicæ veritatis cognitione priuari, etiam si omnes hæreticorum libri comburerentur. Sunt adhuc alia duo, per quæ huiusmodi obiectionem facile reicere possumus. Nam licet daremus aliqua esse in hæreticorum libris vera, & catholicæ discussa, quæ in libris catholicorum non inueniuntur, ea tamen duplici ex causa ab hæreticis petere non expediret, etiam si eorum libri ad amulsum corrigerentur, & essent ab omni errore defæcati. Primo quidem considerare oportet scripturæ sacræ dignitatem tantam esse, vt non cuilibet eas contrectare liceat, & multo minus eas interpretari, & de illarum intelligentia contendere: sed illis solis hoc licere credendum est, qui verè fideles sunt, & scripturam sacram ea, qua decet reuerentia luscipiunt. Hoc autem facile quisq; intelliget, si prius animaduernerit, quo nomine sacra scriptura censeatur. Paulus apostolus qui nouit arcana Dei, sacram scripturam appellat testamentum diuinum, ita vt legem veterem vetus appellet testamentum: legem vero Euangelicam testamentum dicat nouum: Nam in epistola ad Hebræos loquens de excellētia legis Euangelicæ supra legem veterem, quæ peccatoribus gratiam reddere non valebat, sic ait: Et ideo noui testamenti mediator est, vt mor-  
**B** te intercedente in redemptionem earum præuaricationum, quæ erant sub priori testamento, repromissionem accipiant qui vocati sunt æternæ hæreditatis. In quibus verbis Paulus veterem legem prius testamentum, & legem Euangelicam nouum testamentum appellauit. Quæ nomina adeo apud omnes catholicos inualuerunt, vt illæ duæ leges non aliter, quàm noui, & veteris testamenti nominibus.

Heb. 9

iam ab omnibus appellentur. In hoc testamento Deus nullam diuitiarum suarum partem hæreticis mandauit, neque illos suorum bonorum hæredes instituit. Si non decebat, vt filius ancillæ simul cum filio liberæ hæres institueretur, multo minus decet vt alienigena qualis est hæreticus simul cum filio liberæ hereditatem capiat. Si ancilla, hoc est synagoga (vt ait Paulus) eiicienda erat, multo iustius est vt eiiciatur extranea, & inimica, hoc est, ecclesia malignantium cum filiis suis hæreticis. Quoniam hæc non seruit, neque aliquid vtilitatis affert ecclesiæ, quemadmodum olim ancilla synagoga: sed tanquam inimica, & rebellis semper illam hostili persequitur animo. Abdicatis igitur hæreticis tanquam pessimis filiis, necessario consequens est, vt nullum illi habeant ius inspiciendi testamentum paternum, quod est sacra scriptura. Si inspicere non possunt, qui fit, vt possint interpretari? Nullo igitur modo decet scripturæ sacræ interpretationem petere ab hæretico, cum illi non liceat illam interpretari.

*Gal. 4.* Hanc sententiam docet aperte Tertullianus in libro de præscriptionibus hæreticorum, sic dicens: Non Christiani nullum ius capiunt Christianarum literarum, ad quos merito dicendum est. Qui estis, quando, & vnde venistis? Quid in meo agitis non mei? Quo denique Marcion iure syluam meam cædis? Qua licentia Valentine fontes meos transuertis? Qua potestate Apelles limites meos commoues? Quid hic cæteri ad voluntarem vestram seminatis, & pascitis? Mea est possessio, olim possideo, habeo origines firmas, & ipsis authoribus quorum fuit res. Ego sum hæres apostolorum, sicut cauerunt testamento suo, sicut fidei commiserunt, sicut adiurauerunt, ita teneo. Vos certe exhæredauerunt semper, & abdicauerunt, vt extraneos, & inimicos. Vnde autem extranei, & inimici Apostolis hæretici: nisi ex diuersitate doctrinæ, quam vnusquisque de suo arbitrio aduersus Apostolos, aut protulit aut recepit? Illic igitur, & scripturarum, & expositionum adulteratio deputanda est, vbi diuersitas inuenitur doctrinæ. Hactenus Tertullianus. Nec pro hac re opus est testimonio hominum, pro qua Deus ipse, qui per ora prophetarum suorum loquutus est, apertum reddit testimonium. Nam patientissimus ille Iob, de hæreticorum furto,

- A** furto, & violentia loquens, ait: Agrum non suum demetunt; & vineam eius, quam vi oppresserant, vindemiant. Quæ verba beatus Gregorius in Moralibus de hæreticis intelligenda esse censet, sic inquires: Potest agri nomine scripturæ sacræ latitudo designari, quam hæretici non suam demetunt: quia ex ea sententias longe à suis sensibus diuersas tollunt. Quæ vineæ quoque appellatione exprimitur: quia per veritatis sententias botros virtutum profert. Cuius vineæ Dominum, id est scripturæ sanctæ conditorem, quasi vi opprimunt: quia eius sensum in verbis sacri eloquij inflectere violentè conantur, qui dicit, seruire me fecisti in peccatis tuis: præbuiisti mihi laborem in iniquitatibus tuis. Et eandem vineam vindemiant: quia ex ea sententiarum botros, pro suæ intelligentiæ intentione coaccernant. Hæc Gregorius. In quibus verbis id potissimum est annotandum, quod ait sacram scripturam esse agrum è possessione hæreticorum alienum, ac proinde hæreticos in illo, nec seminare, nec metere posse. Sed multo apertiora sunt, quæ Deus, teste David, locutus est. Nam (vt David ait) peccatori dixit Deus: Quare tu enarras iustitias meas, & assumis testamentum meum per os tuum? Quæ verba interpretans Cassiodorus in commentariis super psal. sic ait: Testamentum vero vetus, & nouum significat, quia dum vnum suspense dicitur, vtraq; memoratur. Potest hoc & de hæreticis doctoribus dici, qui legē Dei docere præsumunt. Assumere enim præsumptionem significat indeuoti. Nam lectionē credentibus non videtur interdicerè, in qua peccatores maxime dignatus est cōmonere. Hæc Cassiodorus. Qui verba illa Dei ad peccatores in genere dicta, de solis hæreticis interpretanda esse censet. Et si quis contendat illa de omibus peccatoribus esse intelligenda, ego facile cedā: quia hic sensus non obstat nostræ priori sententiæ: sed valde iuuabit illam. Nam si Deus succēset peccatori, quod audeat ille enarrare iustitias eius, & assumere testamentū illius per os suū, multo magis ob eandem causam succensēbit heretico, cum sit ille omnium peccatorū pessimus. Est adhuc alia causa, & non minor: sed forte vrgentior, propter quam non expedit: imò nec licet, præsertim idiotis, scripturæ sacræ interpretationem ab hæreticorum libris petere: etiam si illi sint

Iob 24  
Grego.

Esa. 43

Psal. 49

Cassiod.



ab errorum facibus repurgati. Nam ea, quæ credere tene-  
mur, semper sunt constanti animo, & minime hæsitanti sus-  
cipienda. Alioqui si talis adesset dubitatio, quæ suspensum  
& nutantem teneret animum, hæc (vt supra lib. j. capit. vij.  
docuimus) satis esset ad hæreticum hominem efficiendum.  
Ea, quæ ab hæretico homine dicuntur, aut scribuntur, sem-  
per oportet esse homini christiano suspecta: quia à tali viro  
dicta: nisi illorum certam veritatem iam aliunde cognoue-  
rit. Diogenes Laertius in lib. de vitis philosophorum, cum  
de Aristotele disserit, refert illum cuidam interroganti,  
quam mercedem haberet mendax, sic respondisse. Vt cum  
vera dicat, nulla illi adhibeatur fides. Præsumitur enim &  
iuste, illum semper mentiri. Nam (vt regula iuris ait) se-  
mel malus semper præsumitur malus. Quam regulam de  
eodem genere malitiæ intelligendam esse iurisperiti do-  
cent, & bene. Iniustum enim esset, vt quia vnus aliquis in  
crimine adulterij, aut alio quouis crimine deprehensus est,  
ob id solum reliqua omnia crimina de illo liceat suspicari.  
De illo tamen, qui in vno aliquo crimine semel deprehen-  
sus est, merito suspicari licet illum in tali crimine versari,  
quousque de illius emendatione plene constiterit. Constat  
autem hæreticum errasse, & vel semel mendacem fuisse, D  
alioqui non esset hæreticus. Iuste igitur quisque suspicari  
poterit, illum in omnibus, quæ loquitur, aut scribit errare,  
& mentiri nisi alium de illorum veritas plenè constiterit.  
Quo fit, vt nunquam illi ob personæ suæ meritum sit ad-  
hibenda firma fides: sed omnia, quæ aliunde non sunt pro-  
bata, erunt semper suspecta ob id solum, quod sunt ab illo  
dicta. Et hoc mihi sensisse videtur Sapiens, cum dixit: A  
Eccl. 34 mendace quid verum dicetur? Non quòd illum necessario  
mentiri, aut veritatem dicere non posse doceat: sed quòd  
semper est de mendacio suspectus, qui fuerit semel in men-  
dacio deprehensus. Ob hanc causam beatus August. in epi-  
stola ad beatum Hieron. non permittit, vt ad sacras literas,  
vel minimum admittatur mendacium: quoniã illud solum  
(vt ait) reliquis omnibus detraheret fidẽ, & authoritatem.  
Ex his omnibus aperte, atque euidenter colligitur non esse  
homini illi credendum, quem constat errasse, & hæreticum  
esse: nisi quæ loquitur, aut scribit aliorum certiori testimo-  
nio sint comprobata. Non est igitur æquum, vt scripturæ  
sacræ



**A** sacrae expositionem ab hereticis petamus, cum illi sint aliàs deprehenſi eandem ſcripturam deprauaſſe, aut in alienum à fide catholica ſenſum illam detorſiſſe. Nullus cibum corporeum (ſi tamen vllam ſuae vitæ ille rationem habet) ex illius manu ſumere auderet, quem ſciret, vel ſemel alicui venenum propinaſſe. Multo ergo iuſtius eſt, vt quiſque ſalutis & vitæ animæ ſuae rationem habere volens, doctrinam fidei ab hereticis accipere reformidet, quos inconfeſſo eſt pluries in ſuis ſcriptis venenosa dogmata miſcuïſſe. Vir ille euangelicus, qui ob inopinatum amici aduentum *Luc. 11* panes accommodaſtos petebat ſolam vicini ianuam pulſat. A ſolo Chriſtiano panem veræ doctrinae petere debemus. quoniam Chriſtianus vir cuilibet alteri Chriſtiano vicinus eſt, ambo intra vnā eandemque ciuitatem, nempe eccleſiam, commorantes. Ab hereticis autem tanquam extraneis, qui ab eccleſiæ incolatu receſſerunt, nihil petendum. Iniuriam certe faceret eccleſiæ matri ſuae catholicus filius eius, ſi panem doctrinae peteret ab hereticis, quos illa deſpectiſſimos habet, prout ipſamet apud Iob de eiſdem hereticis loquens, ait: quorum non dignabar patres ponere

**B** cum canibus gregis mei. Quæ verba interpretans beatus *Iob 30* Gregor. in Moribus ait: Quid eſt grex ſanctæ eccleſiæ, niſi *Gregor.* multitudo fidelium? Vel qui alij huius gregis canes vocantur, niſi doctores ſancti, qui eorundem fidelium cuſtodes extiterunt? Qui dum pro domino ſuo diurnis, nocturniſq; vigiliis clamauerunt, magnos, vt ita dixerim, latratus prædicationis dederunt. De quibus eidem eccleſiæ per *Pſal. 67* Pſalmiſtam dicitur: Lingua canum tuorum ex inimicis ab ipſo. Nonnulli quippe ab idolorum cultibus reuocati, facti ſunt prædicatores Dei. Et paucis interpoſitis ſubdit: patres vero hereticorum dicimus, eos videlicet quos hæreſiarchas vocamus, de quorum peruerſa prædicatione locutionis ſemine ſequentes ſunt populi in errore generati. Sancta ergo eccleſia cum canibus gregis ſui hereticorum patres ponere dedignatur: quia inuēntores errorum diiudicando reſpuit, eoſque inter veros patres numerare contemnit. Qui & ſi quosdam niſi ſunt à gentilitatis errore reuocaſſe, quorundam mores ad honeſta agenda docuiſſe, pro eo tamen, quòd de domino recta non ſenſerunt, eos cum canibus gregis ſui non ponit, quia cum rectis prædicatoribus non aſcribit.

*Ezech. 13**Hierony.*

ascribit. Hæc Grego. Et idem mihi videtur sensisse propheta Ezechiel, cum ex mandato domini ad falsos prophetas Israël loquitur, sic dicens: Væ prophetis insipientibus, qui sequuntur spiritum suum, & nihil vident. Quæ verba beatus Hierony. declarans in commentariis super Ezech. prophetam, sic ait: Cum prophetarum nomen secundum regulam scripturarum bonis, malisq; commune sit, in eo differunt, quod boni prophetæ esse dicuntur sapientes: mali autem stulti, & insipientes. Quorum alterū refertur ad ecclesiasticos viros: alterū ad omnes hæreticos, qui Dei spiritum relinquentes, sequuntur spiritum suum: quia nequaquam diuino instinctu: sed proprio corde vaticinantur: vnde & nihil vident. Hæc Hiero. Sed quare istis prophetis insipientibus, hoc est, hæreticis, propheta dixerit Væ, verba quæ sequuntur, aperte expriment. Vident vana (inquit Ezech.) & diuinant mendacium, dicentes, ait dominus, cum dominus non miserit eos, & perseuerauerūt confirmare sermonem. Ecce causam propter quam dixerit hæreticis, Væ. Causa igitur comminationis manifestata, quid tandem cum illis Deus agere decernat, propheta exprimit, sic dicens: Propterea hæc dicit dominus Deus: Quia locuti estis vana, & vidistis mendacium: ideo ecce ego ad vos, ait dominus Deus. Et erit manus mea super prophetas, qui vident vana, & diuinant mendacium. In concilio populi mei non erunt, & in scriptura domus Israël non scribentur, nec in terram Israël ingredientur. Quæ verba, licet beatus Hierony. referat ad ultimum iudicii diem, in quo Deus extra concilium populi sui constituet hæreticos: nihil tamen obstat, quin etiam de hac præsentī vita intelligantur, in qua hæretici iam sunt à concilio populi Dei separati: quia sunt extra ecclesiam, quæ sola est populus Dei. Sed quia prophetarum verba obscuriora sunt, nec semper iuxta literæ superficiem: sed sæpe iuxta mysticum illorum sensum sunt accipienda, qui parum efficax esse solet ad doctrinæ alicuius confirmationem: ideo aliud ex sapiente ecclesiastico apertissimum proferam testimonium, quod apertissime testetur, sacræ scripturæ expositionem non esse ab hæreticis accipiendam. Sine mendacio (inquit ille) consummabitur verbum legis, & sapientia in ore fidelis cō, lanabitur. Nihil certe potuit dici apertius pro nostra, quam tuemur, sententia. Si sapientia in ore fidelis

*Eccle. 34*

**A** fidelis complanabitur: ergo ab hæretico, qui non fidelis, sed infidelis est, non complanabitur: sed mille asperitatibus replebitur. Si verbum legis consummabitur sine mendacio, necessario consequens est, ut verbum legis non sit apud hæreticos consummatum, apud quos tam multa reperitur mendacia.

*An liceat alicui, cum hæreticorum libros  
habere potuerit, illos legere.*

## CAPVT XVII.

**N**on semper hæreticorū libri (ut necessario faciendum esse in præcedenti capite docuimus) comburuntur: imò aliquādo, propter iudiciū, ad quos spectat, negligentia, aliquando propter negociatorū pessimam avaritiam, passim omni emere volenti venales exhibentur, ut quisquis voluerit, eos legere possit. Ob hanc causam à multis catholicis viris dubitatur, an quisquis voluerit hæreticorū libros legere, licite illud, & sine peccato facere possit. De hac re (prout ego existimo) non potest certa aliqua, & generalis dari definitio: sed varias oportet facere considerationes,

**B** iuxta quas varia oportet dare responsa. Prius quidem considerandum est, an sit aliqua superioris hominis potestatem ad hoc habentis prohibitio, qua sit omnibus interdictum libros hereticorum legere. Si talis est prohibitio lege statuta, quæ omnibus sine vllō discrimine lectionem librorum hereticorum interdicit, absque vlla dubitatione credo omnem illum peccare, qui in talibus libris lege prohibitis legerit. Inobedientia si quidem, qua præcepta superioris implere recusat, illum apertissime reum peccati efficit. Qui *Luc. 10*  
vos spernit (ait Prælati, & superioribus Saluator noster) *Matt. 23*  
me spernit. Et iterum: Super cathedram Moysi sederunt Scribæ, & Pharisei, quæcunque dixerint vobis, facite. Cum dixit, quæcunque dixerint vobis, non absolute capiendum est: ut omnia, quæ illi pro libito suo subditis iniungere voluerint, subditos ad omnia illa facienda coactos esse docuerit Christus. Sed dictio illa quæcunque, ad omnia, & sola illa referenda est, quæ ad Cathedram, in qua sedent, spectant. Omnia enim spectantia ad cathedram, & non alia, quæ prælati subditis præceperint, subditi facere tenentur. At nihil potest magis ad sacerdotalem  
cathed



cathedram pertinere, quàm subditos, vt in vera fide perman-  
 eant admonere, omnem erroris occasionem ab illis pro-  
 cul semouere: nihil ergo iustius subditis præcipere potest  
 Prælati, quàm si inhibeat illis lectionem librorum hæ-  
 reticorum: ex qua maximum illis incommodum oriri pos-  
 sit. Nec aliquid interesse puto, an lex, qua cauetur hæreti-  
 corum libros legi, sit à potestate ecclesiastica, an à potestate  
 laica sancita: quoniam huic etiam sicut illi obedire tene-  
 mur, Paulo ita docente, qui de omni potestate absque vlllo  
 discrimine loquens ait: Omnis anima potestatibus subli-  
 mioribus subdita sit. Non est enim potestas nisi à Deo.  
 Quæ autem sunt, à Deo ordinata sunt. Itaque qui resistit  
 potestati, Dei ordinationi resistit. Qui autem resistunt, ipsi  
 sibi damnationem acquirunt. Et paucis interpositis subdit:  
 Ideoq; necessitate subditi estote, non solum propter iram:  
 sed etiam propter consciëntiam. Ex quibus Pauli verbis bea-  
 tus Thomas colligit humanas leges non solum Pontifici-  
 cias: sed etiam Cæsareas, & Regales obligare subdito-  
 rum conscientias ad illarum obseruationem. Et certe huic  
 beati Thomæ sententiæ fauere videtur Theophylactus, qui  
 prædicta Pauli verba interpretans, sic ait: Necessè est, vt sub-  
 eas iugum, vt non modo, vel Dei, vel Principum iram nil  
 prorsus pericliteris, vt contumax, nec intolerabili afficia-  
 ris supplicio: sed etiam ne conscientia carere appareas. Hæc  
 ille. Hoc tamen non est vsquequaque de omni lege intel-  
 ligendum: sed oportet considerare legis materiam, hoc  
 est, rem ipsam, circa quam ordinata est lex. Si res est le-  
 uis, & quæ parum conducere potest reipublicæ, non est  
 credendum talis legis conditorem velle per talem legem  
 subditos suos ad culpam aliquam obligare, & si hoc forte  
 voluit, & per legem suam expressit, non credo illum hoc  
 facere posse. Nam (vt ait Paulus) non est data superiori-  
 bus potestas in destructionem: sed in ædificationem. Ma-  
 xime autem esset animarum destructio, & periculosissi-  
 mus illarum laqueus: si pro leuissima quaque re possent su-  
 periores legem statuere, pro cuius transgressione subditi  
 incurrerent culpam aliquam, vel peccatum præsertim mor-  
 tale. Si res est magni momenti, ex qua magnum aliquod  
 commodum, aut incommodum possit reipublicæ oriri:  
 non dubito superiorem potestatem quacunque illa sit, siue  
 ecclesiast

Rom. 13

S. Thom.

Theop.

2. Cor. 10



**A** ecclesiastica, siue ciuilis, posse condere legem, quæ subditos illius transgressores obliget ad culpam etiam mortalem. De talibus quidem rebus credo Paulum locutū fuisse cum dixit: Ideoque necessitate subditi estote, non solum propter iram, sed etiam propter conscientiam. At cum res sit magni momenti, lectio librorum hæreticorum, ex qua grauissimum (vt præcedenti capit. ostendimus) Christiana respublica potest suscipere dispendium, conuincitur inde, vt non solum Pontifices: sed etiam Reges, & quælibet aliæ potestates laicæ, possint concedere legem prohibentem lectionem librorum hæreticorum, cuius legis transgressores, lethali sese obligent culpa. An autem de huiusmodi hæreticorum libris non legendis aliqua generalis prohibitio, aut à summo Pontifice, aut à Cæsare sit lege statuta, mihi hucusque non constat. Quidam forte dicent talem prohibitionem esse datam in cap. Fraternitatis. extra de hæreticis. vbi dicitur: Celestini, & Pelagij, hæreticorum capitula non esse recipienda: quia damnato authore necesse est, vt libri etiam sint damnati. Sed ille textus nihil (vt ego censeo) quod ad præsens negotium spectet.

**B** dicit. Nam ex hoc, quod damnatus est liber, non est necessario consequens, vt eius lectio sit prohibita. Hoc autem vel ex eo conuincitur, quod in cap. Excommunicamus. §. credentes. eodem titulo dicitur, vt instrumenta confecta à tabellione, qui sit credens, aut receptator, aut defensor, aut fautor hæreticorum cum authore damnato damnentur. Certum est Papam per talem damnationem instrumentorum non prohibere eorundem instrumentorum lectionem: sed hoc solum efficere, vt nullum habeant pro testimonio reddendo robur, nullūque in iudicio habeant vigorem. Ad eundem modum intelligendum est de hæreticorum libris, qui damnatis illorum authoribus statim damnati censentur. Damnati, inquam, non vt à nemine legi possint: sed vt nemo illorum testimonio possit uti ad alicuius sententiæ confirmationem, nemo illorum iudicio fretus suam possit stabilire sententiam. Per illum igitur textum non probatur esse iure canonico prohibitam lectionem librorum hæreticorum: neque alium textum scio, qui hanc aperte exprimat sententiam. Et certe iustum esset, vt generale aliquod in iure canonico statueretur de-

cretum quo sub pœna excommunicationis ipso facto incur-  
 rēdæ, & sub aliis grauibz pœnis prohiberetur, ne alicuius  
 publice damnati hæretici libros quis vendere, aut sine spe-  
 ciali Sedis apostolicæ, aut inquisitoris hæreticorum in il-  
 la patria, auctoritatem habentis licentia, illos legere, aut  
 domi tenere audeat. Scio particulares de hac re in diuer-  
 sis prouinciis datas esse prohibitiones. In Hispania mul-  
 tos hæreticorum libros speciatim nominatos prohibue-  
 runt inquisitores hæreticorum, qui diligentem circa hanc  
 rem adhibent inquisitionem, & mea opera aliquando vñ  
 sunt ad perscrutandas vniuersitatis Salmanticensis publi-  
 cas bibliothecas. Et ob hanc causam inter alias, tam re-  
 purgata persistit ab hæreticis Hispania. Vbi talis prohibi-  
 tio habetur, non dubito illum qui absque licentia superio-  
 ris, qui illam concedere posset, tales hæreticorum libros  
 prohibitos legere tentauerit, mortalis peccati esse reum.  
 Si autem nulla talis adsit prohibitio, tunc oportet consi-  
 derare varias personarum qualitates & condiciones: quo-  
 niam iuxta illarum varietatem variæ sunt de hac re dan-  
 dæ censuræ. Sunt enim aliqui prorsus idiotæ, qui nihil præ-  
 ter idioma illud, in quo scriptus est liber ab hæretico, sciunt,  
 vt puta, idioma Latinum, aut Græcum, aut Hispani-  
 cum, aut Italicum, aut Germanicum. In quolibet enim  
 idiomate hæreses scribi possunt, & in quolibet istorum,  
 quæ modo enarrauimus, scriptas esse hæreses, experientia  
 docente cognouimus. Sunt alij scioli, qui præter idioma  
 parum aliquid intelligunt: non tamen adeo sapiunt, vt  
 possint inter lepram, & lepram discernere, nesciunt sepa-  
 rare speciosum à vili, aut inter sanctum, & prophanum  
 ponere distantiam. De his omnibus talem profero, firmo,  
 & indubitato animo censuram. Quicumque istorum siue  
 idiotæ, siue sciolus legerit ex intentione, & industria in ali-  
 quo libro hominis hæretici ab ecclesiâ dñati, peccat mor-  
 taliter: nisi forte lectio sit tam parua, vt ex se nocere non  
 possit: quia tunc propter imperfectionem materiæ excu-  
 sabitur à peccato. Hæc assertio, vel ex eo apertissime pro-  
 batur esse vera: quia quilibet istorum legens in talibus li-  
 bris offert se manifesto periculo peccati mortalis & qui-  
 dem grauissimi, quod est hæresis. Omnis autem, qui se  
 exponit periculo peccati mortalis (vt omnium Theologo-  
 rum

**A** rum concors sententia testatur) peccat mortaliter. Qui amat periculum (inquit Sapiens) peribit in illo. Et ipse supremus veritatis magister aperte præcepit nobis, vt omnē peccati occasionem vitaremus, sic inquit: Si oculus tuus dexter scandalizat te, erue eum, & proiice abs te. Expedi enim tibi, vt pereat vnum membrorum tuorum, quàm totum corpus tuum mittatur in gehennam. Et si dextera tua manus scandalizat te, abscinde eam, & proiice abs te. Per quæ verba, iuxta omnes sacros eorum interpretes, Saluator noster docuit nos, omnem peccati occasionem esse necessario vitandam, si à gehenna ignis volumus liberari. Peccant ergo mortaliter illi, qui tam grauis peccati, vt est hæresis, manifestam accipiunt occasionem, legentes in libris hæreticorum, quos sciunt ab ecclesia damnatos. Sed quia aliquis forte proteruus effronti temeritate negabit idiotam, aut sciolum talem, qualem supra diximus, exponere se periculo hæresis cum ex industria legit in libris hæreticorum: ideo hoc vrgentissimis rationibus nunc probandum est. Primo quidem certum & indubitatum est, peccare mortaliter illum, qui ex industria conuersatur cum hominibus, quorum mores nouit esse vitiosos, atque peruersos. Quod non ob aliam causam euenit, nisi propter periculum, cui se exponit cum talibus malis hominibus conuersando. Rarus quippe est, qui diu tutus esse possit, periculo proximus. Rarus est, qui recte viuens possit dicere: Frater fui draconum, socius struthionum. Panci, quos æquus amauit Iuppiter, aut ardens euexit ad æthera virtus, sunt qui inter sceleratos commorati, ipsi iusti & innocentes vixerint. Ideo Sapiens ait: Qui tetigerit picem, inquinabitur ab ea, & qui communicauerit superbo induet superbiam. Ex mutua siquidem hominum inter se conuersatione, facillime alterutrum mores inter se commodantur. Vnde Seneca Epistola nonagesima quinta ait: Minuta quædam (vt ait Phædon) animalia cum mordent non sentiuntur, adeo tenuis illis, & fallens in periculum vis est, tumor indicat morsum, & in ipso tumore nullum vulnus apparet. Idem tibi in conuersatione Sapientium eueniet: non deprehendens quemadmodum, aut quando tibi proffit, profuisse deprehendes. Hac ille. Et quod Seneca dixit de profectu, qui habetur ex conuersatione bonorum, idem

*Eccle. 3**Matt. 5**Iob 30**Eccle. 13**Seneca*

Psal. 17

1. Reg. 10

prorsus, & sub eadem similitudine dicendum est de incom-  
modo, quod oritur ex conuersatione malorum, & multo  
melius: quia cum prouiores sint homines ad malum, for-  
tius alliciunt, & trahunt eos ad se in ali, quàm boni. Cum  
sancto (ait propheta Regius) sanctus eris, & cum peruer-  
so peruerteris. Quam potens sit bonorum, aut malorū con-  
uersatio, apertissimo Saulis Regis exemplo demonstratur,  
qui ut Regum narrat historia) cum prophetis propheta-  
bat, & cum iniquis insaniebat. Ob hanc causam beatus  
Thomas in Secunda Secundæ quæst. 10. artic. 9. censet eos,  
qui simplices sunt, & infirmi in fide de quorum subuersio-  
ne iuste timeri potest prohibendos esse à ludæorum, & a-  
liorum infidelium communione, præcipue ne magnam fa-  
miliaritatem cum eis habeant, vel absque necessitate eis  
communicent. Si hominum conuersatio tam potens est,  
ut hominum mores vertere possit ex bono in malum, & à  
virtute prosternere ad vitium, multo magis id efficere po-  
terit librorum lectio. Quoniam cum librum aliquem le-  
gimus, tunc cum authore illius conuersamur, qui nobis per  
scripturam suos aperit conceptus, suos ostendit affectus, &  
sæpe magis mouet lectorem per scripturam (ut capite pro-  
xime superiori diximus) quàm auditorem per vocem. Præ-  
terea certissimum est libros pietate plenos multum posse  
proficere legentibus. Eadem igitur ratione libri impio-  
rum poterunt obesse legentibus præsertim iis, qui non tan-  
ta scientia, & doctrina pollent, ut possint venenum hære-  
sis in illis sapissime latens agnoscere, & ab illo cauere. Ta-  
les sæpe homines euadunt, quales sunt libri, quos legunt.  
Sunt alij homines docti in theologia, & in illa satis in-  
structi, qui optime intelligunt sacros doctores, quos le-  
gunt, & horum etiam est varia conditio. Sunt enim aliqui  
natura sua nouarum rerum amatores, instabiles, qui in  
nulla re, cui semel adhæserunt persistere sciunt: sed omni  
vento mobiliore, modo hac, modo illac debili impulsu  
vertuntur. Nunc amant, & ad horam quæ prius amaue-  
rant, oderunt: viri quidem (ut dicitur) non multarum ho-  
rarum: sed vix vnius horæ. De his idem prorsus dicendum  
esse censeo, quod de superioribus dixi. Quoniam isti etiam  
sicut illi offerunt se manifesto periculo hæresis, cum legunt  
libros hæreticorū. Nam sicut is, qui se tam fragilem agno-  
uit, ut



**A** uit, vt leuissima quaque occasione oblata, non possit se-  
 ipsum à fornicatione cohibere, peccat mortaliter quoties-  
 cunque alicui tali occasione seipsum spontanee offert: ita  
 simili ratione, qui se tam leuem, atque animo inconstan-  
 tem expertus est, vt cuicumque, vel mediocri persuasioni fa-  
 cillime cedat, aut nouis quacunque illa sint, semper dele-  
 ctetur, & illis applaudit oportet, vt mortaliter etiam pec-  
 cet, si libros hæreticorum legerit, à quorum fallacibus  
 suasionibus facillime pro sui ingenij leuitate poterit per-  
 suaderi. Si Ioannes Hus libros Ioannis Vuiclef nunquam  
 legisset, non in tot, tamque pestiferas hæreses fuisset la-  
 psus. Nam de illo refert Aeneas Siluius lib. de Origine  
 Bohemorum cap. xxv. quòd erat nouarum rerum ama-  
 tor, atque ideo libros Ioannis Vuiclef tanquam rem no-  
 uam in Bohemiam delatam, legens facillime bibit incau-  
 tus venenum omnium hæresum, quas Ioannes Vuiclef in  
 suis libris reliquerat. Idem contigit Martino Luthero, qui  
 legens libros eiusdem Ioannis Hus, omnes illius libenter  
 suscepit errores. Sunt rursus alij viri docti scientes discer-  
 nere inter bonum & malum, qui sunt constantes, & firmi  
**B** in fide: sed assiduus vrgentur temptationibus circa infideli-  
 tatem, & continuis hæresum punctionibus non sine ma-  
 gno, & graui illorum mœrore stimulantur. Hi si aliqua iu-  
 sta causa cogente, aut nimis vrgente libros hæreticorum  
 legant, non credo illos peccare. Quia cum se stabiles, &  
 firmos in fide multis experimentis cognouerint, non est di-  
 cendum illos periculo hæresis se offerre, cum libros hære-  
 ticorum legunt: quia in Domino cōfidentes, & non de suis  
 viribus præsumentes, vt occurrenti necessitati subueniant,  
 id faciunt. Vt gratia exempli. Si quis vir doctus præsertim  
 curam animarum tenens inter hæreticos, vel prope illos  
 versaretur, qui plebi suæ timens libros hæreticorum lege-  
 ret, vt eorum simulatas cautelas deprehenderet: eorum fal-  
 lacibus argumentis responderet, & sic plebem sibi commis-  
 sam ob omni hæresi custodiret, hic talis quantumlibet hæ-  
 resum temptationibus alias pungeretur: non solum non pec-  
 cabit: imo potius mereretur. Quia sic faciens non se offert  
 periculo hæresis: sed necessitate vrgente diuine se commen-  
 dat misericordix, de qua cōfidit, quòd propter plebem sibi  
 commissam, pro qua solum libros tales legit, nō permittet

1. Cor. 10

illum à libris hæreticorum decipi. Si vero nullo iusta cau- C  
 sa vrgente: sed pro sola sua libidine libros hæreticorum le-  
 gerit, non credo esse liberum à peccato mortali. Quia  
 cum ipse sit aliàs plurimis infidelitatis tentationibus sti-  
 mulatus, legens hæreticorum libros addet (vt dicitur)  
 oleum camino, & sic pluribus, atque vrgentioribus infi-  
 delitatis tentationibus oppugnabitur, quo fiet, vt necessa-  
 rio aliquando vincatur. Nam quia hoc timebat Paulus:  
 ideo huiusmodi homines admonet, sic inquit: Qui stat,  
 videat, ne cadat. Sunt denique alij viri docti abunde instru-  
 cti in theologia, & in qualibet alia disciplina ad illam ne-  
 cessaria, firmi, & constantes in fide, nullis aut debilis-  
 simis infidelitatis tentationibus vexati. De his non dubi-  
 to illos seclusa omni superioris prohibitione, posse citra  
 omne peccatum libros hæreticorum legere. Et si recta (vt  
 decet) intentione id fecerint, vt puta: quia volunt illorum  
 hæreses oppugnare, aut illorum fallacibus argumentis  
 respondere, non solum non peccabunt sic legentes: sed mag-  
 nam pro hac re mercedem recipient. Hoc enim facien-  
 tes ponunt se pro muto domus Israël, & militant contra  
 hostes Dei, & ecclesiæ suæ, quapropter iustum est, vt sti- D  
 pendium sui laboris à Deo, cui seruiunt, recipiant. Ideo  
 concilium Carthaginense quartum concedit Episcopis, vt  
 hæreticorum libros legere possint. Nam capi. xvj. suorum  
 • Decretorum præfatum concilium hæc ait: Episcopus gen-  
 • tilium libros non legat, hæreticorum autem pro neces-  
 sitate, & tempore. Hæc ibi. Gentilium libros prohibens, hæ-  
 reticorum libros concessit, & merito: quia lectio librorum  
 hæreticorum sæpe est necessaria, vt possint hæreticorum  
 astutiæ agnosci, & ideo Episcopis conceditur: quia curâ ani-  
 marum illi habent, & merito præsumendum est illos esse  
 doctos, & in fide cōstantes. Nam ob similem causam bea-  
 tus Thomas in Secunda Secundæ, q. x. art. ix. de communio-  
 ne cum Iudæis, & aliis infidelibus habenda loquens, hæc  
 dicit. Si enim aliqui fuerint firmi in fide, ita quod ex com-  
 munionem eorum cum infidelibus, conuersio infidelium ma-  
 gis sperari possit, quàm fidelium à fide auersio, non sunt pro-  
 hibendi infidelibus excommunicare, qui fidem non susce-  
 perunt, scilicet Paganis, vel Iudæis, & maxime si necessitas  
 vrgeat. Hæc ille. Si communicatio cum Iudæis licet his, qui  
 firmi

S. Tho.

**A** firmi sunt fide, quando aliqua ex tali cōmunicatione speratur utilitas: eadem etiam ratione licebit illis legere libros hæreticorū quādo necessitas vrget, & utilitas, speratur præsertim si nulla adsit superioris prohibitio, quæ id facere veteret. Hęc sentētia et si manifesta sit cuicunq; , vel mediocriter docto, ad illius tamen maiore cōfirmationem exemplum quoddam grauisimum, dignum relatu hic inferere decreui: quod narrat Eusebius Cæsariensis. Is enim de Dionysio Alexandrino differens, postquā miris laudibus illius doctrinam, sanctitatem, & in tormentis pro Christo constantiam lib. vj. historiæ ecclesiasticæ ad cœlū vsque extulerat, tādē lib. vj. cap. v. & vj. hęc, quæ sequuntur de illo Dionysio Alexandrino refert. Sed & in tertio libro de baptismo (inquit Eusebius) quem scribit ad Philemonē presbyterū vrbis Romæ, etiam hæc cōmemorat: Ego (inquit Dionysius) & tractatus hæreticorum lego, & traditiones eorum perscrutor, etiam si videar ad horā verbis illorum pollui. Sed multum mihi confert hoc ipsum, quod ex ipsorum verbis arguere eos possum. Denique cum aliquis ex fratribus, & comprehyteris prohiberet me, ne hæretica lectione tanquā cœni alicuius fœtore pollueret, visio mihi quādā à Deo ostenditur, quæ me confirmaret, & sermo ad me factus est, hęc mihi euidenter proloquens: Lege omnia quæcunq; in manus tuas venerint: quia probare singula quæque, & discernere potes: quandoquidem ex initio hæc tibi causa fuit credendi. Amplexus sum visionem: quia & Apostolicæ sententiæ concordabat, dicenti: Omnia probate, quæ bona sunt tene. Hęc Dionysij Alexandrini verba citat Eusebius loco præfato. In quibus verbis admoneo lectorem, vt annotet causam, propter quam diuinum illud oraculum permisit Dionysio libros hæreticorum legere. Quia (inquit) probare singula quæque, & discernere potes. Ex quibus verbis apertissime conuincitur verum esse id, quod supra de idiotis, & sciolis hominibus diximus, eos non posse absq; peccato lectioni librorum hæreticorum insistere: quia probare singula quæque legerint & discernere non possunt. Si tamen fuerit semel data de hac re prohibitio, peccare cenfeo illum, qui hæreticorum libros legerit quātumlibet doctus ille sit, si absque licentia id fecerit. Quisquis igitur Lutheranæ hæresis libros sine licentia Sedis apostolicæ legerit,

*Euseb.**Cesa.**Diony.**Alexan.**1. Thes. 5*



peccabit mortaliter, eritq; eo ipso excommunicatus: quoniam in Bulla cœnæ Domini à Paulo III. emanata excommunicantur omnes, qui libros Martini Lutheri, aut aliorum eiusdem sectæ legerit sine licentia Sedis apostolicæ. Quæ tamen excommunicatio non extenditur ad illos, qui aliorum hæreticorum libros legerint: quoniam hi soli in Bulla exprimuntur.

*De spiritualibus hæreticorum pœnis, & primo de excommunicatione, ex qua oritur altera, quæ est priuatio sepultura.*

CAP. XVIII.

**H**Aftenus de corporalibus pœnis, quæ iura hæreticis decernunt, disputauimus, illasq; iuste, & merito decretas esse probauimus: superest, vt de spiritualibus pœnis disseramus, & illas nihil minus, quàm corporales dignas hæreticis esse probemus. Peccauerunt quidem illi animo, perperam de fide catholica sentiendo, & corpore, contra illam scribendo, aut prædicando, aut aliàs quomodolibet docendo, aut quiduis aliud contra fidei decreta exercendo, ac proinde iustum est vt corpore simul & anima puniantur, eo saltem modo, quo anima in hoc seculo puniri potest. Prima, quæ animam respicit pœna hæreticorum, est excommunicatio, per quam illi tanquam oues infectæ, ab ouili ecclesiæ abiguntur, ne reliquas cōuersione sua inficiant oues, per quam etiam aliis catholicis interdicitur, habere cum illis conuersionem aliquam, ne forte cum illis conuersatæ inficiantur ab illis. Hæc pœna describitur in cap. Excommunicamus. primo, & secundo, extra de hæreticis. Hanc pœnam sustinet quicūq; hæreticus, eo ipso, quod hæreticus est etiam si nunquam fuerit de hæresi à iudice aliquo damnatus: siue sit relapsus, siue tunc prima vice sit hæreticus factus, dummodo suæ heresi assentiat, vt hæreticus id est, vt pertinax quamuis postea resipiscat. Si tamen aliquis citra omnem pertinaciam alicui heresi assentiret, paratus suscipere, & tenere eam fidem, quam catholica tenet ecclesia, sicut non est hæreticus dicendus: ita nec excommunicatus. Nam Decretales illæ nunc proxime citatæ non feriunt excommuni-  
catio



**A** cationis sententia omnes qui fuerint in aliquam hæresim lapsi: sed solos hæreticos. Quot etsi re ipsa sit clarissimum: tamen propter multos, qui trepidant timore ubi timor non est, non omittendum existimaui. Neque omnes etiam hæretici sententiæ excommunicationis subiacent: sed soli illi, qui hæresim, quam mente conceperunt, foris quomodolibet manifestant, ut si aliquis esset tunc præsens, posset cognoscere illum in talē hæresim fuisse lapsum. Si quis (gratia exempli) apud semet ipsum aliquam pertractaret hæresim: quam pertinaciter credit, & illam nemine etiam audiente, verbis explicaret: sicut facere solent hi, qui populum publica lectione docere, aut concione aliqua exhortari debent, qui (ut expeditiores postea sint in pronuntiatione) prius apud semet ipsos soli loquuntur, quæ publice coram populo postea dicturi sunt: talis absque vlla dubitatione censebitur excommunicatus. Quoniam hæresis illius iam est ex natura sua manifesta, & iudicio hominum obiecta, quamvis ex defectu testiū sit per accidens occulta. Qui autē hæresim mente concepit, & illam nunquam foris verbo, aut signo aliquo prodidit, talis non est excōmunicatus: imò nec vllum ecclesiā potest excōmunicare. Quomodo potest ecclesiā excōmunicare illū cuius peccatū propter quod infligenda est excōmunicatio, agnoscere non potest? Necessarium quippe est, ut qui alium iuste punire debet, prius sciat optime crimen, propter quod merito sit puniendus. Qui quod nouit, loquitur (inquit Salomon) index iustitiæ est. At Papa nec tota ecclesiā militans potest agnoscere hæresim in corde hæretici latētem, quia solus Deus est cordium scrutator. Deus enim (ut dicitur in lib. j. Regum) intruetur cor, homines autem vident, quæ foris patent. Ecclesiā ergo, quæ nō potest hæresim in corde latentē agnoscere, non potest etiā propter illā solam pœna excōmunicationis aliquē ferire. Et hanc sententiā cōfirmat, quod dicitur in ea. cogitationis pœnā. de pœnitentia dist. j. Cogitationis pœnā (inquit textus) nemo patiatur, & in ea. cogitatio. eadem distinctione. Cogitatio non meretur pœnam. Et hoc est quod cōmunis Theologorum sentētia dicit, ecclesiā non posse obligare ad actus interiores. Glossa tamē in clementina prima de hæreticis. §. Verum. docet oppositum, decēpta ex quodam dicto illius Clementinē male ab ipsa Glos-

Pro. 12

1. Reg. 16

sa intellecto. Illa siquidem clementina ipso iure commun-  
 nicat inquisitores hæreticorum, qui odio, aut amore ali-  
 quid fecerint contra hæreticos non faciendum, aut aliquid  
 omiserint, quod facere debuissent. Ex quo loco glossa illa  
 deducit iam nullam esse causam dubitandi id, quod archi-  
 diaconus dixerat esse rem dubiam, an videlicet hæreticus  
 occultus sit ipso iure excommunicatus: quoniam ex textu  
 istius Clementinæ (vt ait glossa) apertissime constat eccle-  
 siam posse punire actus animæ interiores, & inde clarissi-  
 me conuincitur hæreticum quamlibet occultum esse ipso  
 iure excommunicatum. Et vt suam corroboret sententiam  
 multos hincinde citat ex iure textus, qui ne tantillum suo  
 proposito fauent. Et (vt ingenue loquar) nō bene illius Cle-  
 mentinæ literam intellexit, nec bene illius sensum consi-  
 derauit. Illa enim Clementina non punit solos actus ani-  
 mæ interiores, in quos nullum (vt diximus) ecclesia habet  
 forensem iurisdictionem: sed punit actus exteriores, qui  
 ab illis interioribus procedunt. Non enim excommunicat  
 ibi Pontifex inquisitores, qui solū habent odium, aut amo-  
 rem: quoniā propter solum odiū in corde latens non pote-  
 rat aliquem excommunicare, etiā si odium esset ardentissi-  
 mum: sed excommunicat ibi Pōtēx inquisitores, qui pro-  
 pter odiū, aut amorem aliquid in iudicio inquisitionis con-  
 tra rationem fecerint. Quibus verbis diligenter considera-  
 tis, constat apertissime, vbi nō puniri odium, aut amorem:  
 sed puniri opus exterius, aut omisio operis exterioris ab  
 odio, aut amore procedens. Valde quidem diuersa sunt  
 odiū, aut amor, & opus ab odio, aut amore procedens. Pri-  
 ma illa duo sunt actus animæ interiores: hoc autē est actus  
 exterior. Prima illa ecclesia non punit, nec punire potest.  
 Nam apostolus istorum iudicium prohibet, sic inquit: Noli-  
 te ante tēpus iudicare quoadusq; veniat dominus, qui  
 manifestabit consilia cordium, & illuminabit abscondita  
 tenebrarum. Hoc autem vltimū videlicet opus exterius ab  
 odio, aut amore, ortum ecclesia iuste punire potest, etiam  
 si ob defectum testium sit occultum: quoniam ex natura  
 sua, mox vt ex latebris cordis prodierit, est manifestum,  
 aut saltē manifestabile. Omnes igitur textus, quos glossa  
 citat, imponunt pœnam actibus exterioribus, & nullum  
 n iure vnquam reperietur decretum, quod pœnā aliquam  
 decet

1. Cor. 4

**A** decernat alicui propter solum actum animæ interiorē, ut puta odium, aut amorem. Ex ista pœna excommunicationis oritur alia, velut riuus ex fonte, priuatio videlicet ecclesiasticæ sepulture. Nullus enim in excommunicatione decedens potest in loco sacro sepeliri, ut constat ex Clementina j. de sepulturis. Sed ne quis forte parū eruditus de hac re dubitaret. Visum est ecclesiæ dignum esse, ut speciale de hac re conderetur decretum, quod omnibus hæreticis ecclesiasticam interdiceret sepulturam. Et habetur in cap. Quicumque. De hæreticis, lib. vj. Et merito quidem sic statutum est. Quoniam is, pro quo orare non licet, indignus est, qui in loco sacro sepeliatur. Non enim ob aliā causam corpora in locis sacris sepeliuntur (ut Augusti. ait) nisi, ut qui loca sacra ingrediuntur, pro illis, qui sunt ibidem sepulti Deum precentur. Et ob hanc causam (ut Augusti. in lib. de cura pro mortuis agēda ait) sepulchra defunctorum dicuntur monumenta: quia monent viuorum mentes, ut defunctorum recordentur. At cum nulla possit memoria hæreticis defunctis prodesse, consequens est, ut nec possit illis prodesse sepultura. Hanc pœnam sicut nunc eam declarauimus, hoc est, excommunicationis sententiam ipso iure hæreticis inflictam aliqui non infimæ sortis theologi tam iustam eam putant, ut nō solum à iure humano: sed etiam à iure diuino illam hæreticis inflictam esse censeant. Nam Iodocus Clitoueus in assertione veritatum definitarum in concilio Senonensi hanc tenet sententiam. Iacobus Latomus in assertione determinationis datæ ab vniuersitate Louaniensi contra Lutherum, eidem sententiæ aperte subscribit. Ioannes Echius in Enchiridio locorum cōmunium contra Lutheranos, cap. de hæreticis comburendis, idem videtur sentire. Hi omnes tres illustres theologi concorditer sentiunt pœnam excommunicationis esse ex diuino iure hæreticis inflictam: tantum abest, ut illam iniustā esse putent. Neq; absq; causa, & sine vlla ratione: sed multis sacræ scripturæ testimoniis moti id asserunt. Paulus siquidem ad Titum scribens ait: Hæreticū hominē post vnā, & secundam correptionē deuita, sciens quia subuersus est, qui eiusmodi est, & delinquit, cum sit proprio iudicio condemnatus. Et beatus Ioā. in sua 2. Canonica epistola inquit: Si quis venit ad vos, & hanc doctrinam nō affert, nolite recipere eum in domum

Titum,

2. Ioan.

domum, nec aue ei dixeritis. Qui enim dicit illi aue: cōmunicat operibus eius malignis. Alij tamen theologi, & si facientur iustā esse hanc excōmunicationis sententiā contra hæreticos à iure prolatā, negant tamen illā iuris diuini robur tenere: quoniam (vt aiunt) Paulus, & Ioannes hæc loquentes non dixerunt tale aliquid esse à Deo mandatum, sicut aliās Paulus cum simile aliquid pertractat, dicere solet. Præcipio (inquit ille) nō ego: sed dominus. Et iterum: Non dominus: sed ego præcipio. At Paulus non poterat (vt dicunt) sua ipsius autoritate talem excōmunicationis sententiam in omnes hæreticos ferre. Sed certe responsionem istam nullius esse momenti, aliquis conuincere putabit per id, quod Paulus Thessalonicensibus scribens ait: Denunciatus autem vobis fratres (inquit Paulus) in nomine domini nostri Iesu Christi, vt subtrahatis vos ab omni fratre ambulante inordinate, & non secundum traditionē, quam acceperunt à nobis. Ecce Paulus interdicat conuersationem cum illis, qui non ambulant secundum traditionem, quam ab eo acceperunt, neque hoc nomine suo: sed nomine domini nostri Iesu Christi se id præcipere dicit. Quæ verba declarans Theophylactus ait: Sæpe aliās diximus denunciationem, austeram quandam præferre doctrinam. Nunc igitur tremendam magis hanc faciens, inquit. Non enim nos id ipsum iniungimus, sed Christus ipse. Hic nanque profatur, quæ ipse ad vos loquor. Hæc Theophylactus. Quæ istarum opinionum sit verior, ego nolo definire, cum satis pro præsentī disputatione mihi sit, quòd hi, qui negāt excōmunicationis pœnam esse iure diuino inflictam, negare non poterunt esse iuri diuino admodum conforme, pertinaces hæreticos excōmunicare. Nam illum, qui fratrum semel & iterum admonentem de peccato contemnit, & ecclesiam insuper non vult audire, Christus saluator noster præcepit habendum esse tāquam Ethnicum, & publicanū. Quibus verbis concordi omnium catholicorum sententiā, Saluator noster prælati ecclesiæ dedit potestātē excōmunicandi illum, qui tertio admonitus negligit emēdari. Idem enim est dicere, sit tibi sicut ethnicus, & publicanus, ac si dixisset: nullam prorsus cum eo habeto cōmunionem. Sicut enim populo Israel fuit olim interdicta cum gentibus conuersatio: ita etiam nūc populo christiano interdicat Saluator,

1. Cor. 7

2. The. 3

Theop.

Mat. 18



**A**tor, aut potestatem dedit prælatis interdicendi cōmunica-  
tionem cū eo, qui ecclesiam audire contemnit, dicēs: Sit tibi  
sicut ethnicus, & publicanus. Nam beatus Chrysost. hæc *Chrysost.*  
Matth. verba interpretans, ait: Vide qualiter duplicibus  
colligauit necessitatibus, & pœna, quæ hic est, scilicet pro-  
iectione ab ecclesia. Sit tibi sicut ethnicus, & publicanus, &  
supplicio futuro, quod est esse ligatum in cœlo. Hæc  
Chrysostomus. Vt autem sententiam prælati excommu-  
nicantis nullus contemnere auderet: sed firmam, & ratam  
esse omnes censerent, addidit: Amen dico vobis: Quæ-  
cunque alligaueritis super terram, erunt ligata & in cœ-  
lis, & quæcunque solueritis super terram, erunt soluta &  
in cœlis. Quæ verba declarans beatus Hieronymus in com- *Hieronym.*  
mentariis super Matthæum ait: Quia dixerat, si autem  
ecclesiam non audierit, sit tibi sicut ethnicus, & publica-  
nus, & poterat contemptoris fratris hæc occulta esse re-  
sponsio, vel tacita cogitatio, si me despicias, & ego te despi-  
cio: Si tu me condemnas, & mea sententia condemnabe-  
ris, potestatem tribuit apostolis, vt sciant, qui à talibus con-  
demoantur, humanam sententiam diuina sententia ro-  
borari, & quodcunque ligatum fuerit in terra, ligari pa-  
riter in cœlo. Hæc Hieronymus. Ex quibus verbis aper-  
tissime constat, quàm rata sit, & à Deo confirmata ex-  
communicatio, quæ fertur in illum, qui secundo admoni-  
tus, ecclesiam postea audire contemnit. Quis autem minus  
ecclesiam audit, quàm hæreticus, qui suam sententiam de-  
finitioni totius ecclesiæ præponit, & ab ea fide, quam scit  
totam ecclesiam tenere, proprio iudicio recedit? Nullus er-  
go iustius potest iuxta diuina decreta excommunicari, quàm  
hæreticus, qui propriæ innitens prudentiæ ecclesiam docen-  
tem, atque admonentem audire contemnit. Et fortè hoc  
ipsum intellexerunt præfati illi tres doctissimi viri dicen-  
tes, excommunicationis pœnam iure diuino esse hæreticis  
illatam: quia iuri diuino innititur ius humanū, quod illam  
hæreticis inflixit. Rursum, iustum esse hanc hæreticorum  
excommunicationē, ostenditur per id, quod dominus Deus *Deutr. 7*  
olim populo Israel præcipiens, vt deleret lebustū, Chana-  
næum, & reliquas quinq; generationes addidit: Non ini-  
bis cum eis fœdus, nec misereberis earum, neque socia-  
bis cum eis coniugia. Filiam tuam non dabis filio eius, nec  
filiam

filiam ipsius sociabis filio tuo: quia seducet filium tuum, ne sequatur me: & ut magis seruiat diis alienis. Attende, obsecro, causam, propter quam prohibuit cum gentibus illis contrahere matrimonia. Quia seducet (inquit) filiū tuum, ne sequatur me. Nonne simile periculum est in conuersatione hæreticorū, quorum sermo (iuxta Pauli sententiam) ut cancei serpit? Propter eandem igitur causam iustum est, ut sit omnibus Christianis interdicta hæreticorum conuersatio, ne fallaciis suis seducant corda eorum, cum quibus conuersantur. Ideo Paulus ait: *Quæ* pars fidei cum infideli? Tam potens est hæc causa, ut propter illam solam cēserit Paulus uxorem fideliem coniunctam viro infideli, qui nō permittit illā in fide sua manere: sed quotidie sollicitat, & vrget ad infidelitatem, posse à viro suo separari. Sic enim ait Paulus: Quod si infidelis discedit, discedat: nō est enim seruituti subiectus frater, aut soror in huiusmodi. In pace autem vocauit nos Deus. *Quæ* verba declarans Theophilactus in cōmentariis super epistolas Pauli ita ait: Hoc est, si vir infidelis uxori fidei iniungat, secum ut sentiat, & particeps suæ fiat infidelitatis, dirimat potius matrimonium mulier, & à viro abscedat. Satiū enim est connubiū ipsum dissoluere, quā pietatem, & Dei cultum amittere. Si tecū ille eo iurgatur, quod suæ infidelitatis participare nil toleres, confestim secedito. Non enim es huiusmodi seruituti subiecta, hoc est, nil cogeris viri in rebus huiusmodi perpeti. Melius est enim secedere, quā altercari. Neque enim diuinæ illud est voluntatis, quippe qui nos in pace vocarit. Itaque si litiget, & iurgiis vrgeat, præbuit ille diuortij causam. Hactenus Theophil. Deinde id, quod Deus olim cum leproso lege Mosayca fieri præcepit, manifestum est exemplar nobis propositum, ut illo bene inspecto discamus inde quid in lege Euangelica circa hæreticum fieri debeat. Omnia enim (ut ait Paulus) in figura contingebant illis. Inter multa alia, quæ in lege Mosayca circa leprosos necessario facienda præcipiebantur, hoc vnum erat, ut leprosus extra castra eiiceretur. Omni tempore (inquit lex) quo leprosus est, & immundus, solus habitabit extra castra. Leprosus autem illic descriptus manifestam tenet hæreticorum figuram. Nam beatus Augustinus exponens Euangelium illud de decem leprosis ait: *Quæ*rendum est igitur quid

2. Tim. 2

2. Cor. 6

1. Cor. 7

Theoph.

1. Cor. 10

Leu. 13

Luc. 17  
August.

**A** quid ipsa lepra significet. Non enim sanati : sed mūdati dicuntur, qui ea caruerunt. Coloris quippe vitium est, non valetudinis, aut integritatis sensuum, atq; membrorum. Leprosi ergo non absurde intelligūtur, qui scientiam veræ fidei non habentes, varias doctrinas profitentur erroris. Nulla porro falsa doctrina est, quæ non aliqua vera intermisceat. Vera ergo falsis inordinate permixta in vna disputatione, vel narratione hominis, tanquam in vnius corporis colore apparentia, significant lepram, tanquam veris, falsiq; colorum locis humana corpora variantem, atque maculantem. Hæc Augustinus. Quibus verbis subscribit Beda super Lucam, & in homilia quadam super illud Evangelium, quod iuxta vsum Romanæ ecclesiæ legitur in missa Dominica xiiij. post Pentecostem. Sunt adhuc multa alia in leproso considerata, ex quibus apertius colligi potest illum veram hæretici figuram fuisse. Nam leprosus suo contactu alios inficiebat, & hæreticus sua conuersatione fidelibus nocet. Leprosi anhelitus noxius erat, & ob hanc causam os illius veste contectum esse iuebatur. Et hæreticorum sermo, Paulo testante, velut cancer serpit, & ob hanc causam prædicatio est illi interdicta. Quoniam (vt ait Salomon) qui imponit stulto silentium, iras mitigat. Cum ergo leprosus, ne sua conuersatione aliis nocere possit, extra castra, & omnium hominum conuersationē eiici, sit lege Mosayca præceptum, hoc exemplari, & sub huius figuræ velamine nobis ostensum est, iustum esse: imò necessarium, vt hæreticos excommunicetur, & sic extra ecclesiæ castra eiiciatur, ne catholicis cōmunicans eis sua cōmunicatione nocere valeat. Accedit ad hæc, quod hæretici semper sunt cōtentiosi, nec pacem, quam Deus viuēs, & moriēs tam obnixè nobis cōmendauit, vnquam amplecti volunt: sed nouorum dogmatum inuentores, aut fautores effecti, rixas & cōtentiones perquirunt, & iurgia, & dissidia intra ecclesiam suscitant. Ideo iustum, & necessariū est hæreticos ab ecclesiæ cōmunionē eiicere, vt vel sic pax reddatur ecclesiæ. Nam Salomon in prouerbiis ait: Eiice derisorē, & exiit cum eo iurgium. Quæ verba exponens Beda in commentariis super Prouerbia ait: Eiice hæreticum, quem corrigere non potes de ecclesiā: & cum illi prædicandi libertatem abstuleris, catholicæ paci auxilium præstas.

2. Tim. 2  
Prou. 26

Prou. 22  
Beda.

Hæc

Hæc ille. Demum semper ab ipsis ecclesiæ primordiis veri catholici fugerunt cōsortia hæreticorum, & ab eorum conuersatione procul recesserunt, nec colloquium vllum: nisi forte causa correctionis, cum illis habere voluerunt, adeo, vt domum, in qua hæreticus esset, intrare noluissent. In cuius rei certissimum, & irrefragabile testimonium, vnum solum exemplum afferam, quod refert beatus Irenæus. Is enim verus Christi martyr lib. iij. aduersus hæreses cap. iij. de Polycarpo Episcopo, & martyre Ioannis Apostoli discipulo loquens, hæc ait: Et sunt adhuc etiam nunc, qui audierunt ab ipso, quod Ioannes Apostolus discipulus Domini, apud Ephesum cum Balneas lauandi gratia fuisset ingressus, & vidisset ibi Cerinthum, exiluerit continuo, & discessit non lotus, dicens: Fugiamus hinc, ne & balneæ ipsæ corruant, in quibus Cerinthus lauatur veritatis inimicus. Idem etiam ipse Polycarpus Marcioni aliquando cum occurrisset, dicenti sibi: Agnosce nos. Respondit: Agnosco primogenitum Sathanæ. Tanta tunc Apostoli, atque eorum discipuli in religione cautela vtebantur, vt ne verbi quidem communionem, cum aliquo eorum: qui à veritate deuiuerant, habere paterentur. Sicut & Paulus dicit. Hæreticum hominem post vnā correctionem deuita. Hæc Irenæus. Et eadem ferè verba citantur sub nomine Bedæ, in cap. omn. xxiiij. q. j. Cum igitur tam multis, vrgentissimisque rationibus ostenderimus iustam esse hæreticorum excommunicationē, opus est, vt quicumque se fidelem catholicum esse, & existimari optat, vitet consortia, & colloquia cuiuscunque manifestè hæretici, ne contrarium faciens iustam aliis præbeat suspicandi occasionem, se etiam eodem crimine hæresis esse iunctum quo ille, cum quo conuersatur.

*An hæreticus possit post mortem excommunicari.*

CAP. XIX.

**H**ominem mortuum non posse excommunicari, cuiuscunque theologo, vel mediocriter sacræ scripturæ intelligenti est apertissimum, quoniam potestas iurisdictionis, quæ ad excommunicandum aliquem est à Christo saluatore nostro prælati ecclesiæ concessa, ad solos viuos, & super terrā existentes concessa est, non autē mortuos, qui aut supra terrā, aut subter terrā locati sunt. Nā potestatem hanc



**A** hanc excommunicandi incorrigibilem, aut contumacem (vt proxime præcedenti cap. sacrorum doctorum testimonio docuimus) Christus saluator noster concessit per hæc verba, sic dicens: Si ecclesiam non audierit, sit tibi sicut ethnicus, & publicanus. Illa autem verba, vt ex ipsius Euangelij litera facillime constat, ad eos solos referuntur, qui semel, & iterum à fratre, & tertio à prælato correpti, emendari recusant tanquam cōtumaces, & rebelles. Ex quo Euangelij processu, theologi omnes concordī sententia colligūt, non pro quolibet peccato etiam mortali posse dari sententiam excommunicationis: sed oportet esse annexam contumaciam, sine qua sententia excommunicationis ferri non posset. At mortuus cum non possit semel admōneri, aut à fratre, aut ab ecclesia nunquā post mortem poterit dici contumax, aut rebellis, quo fit, vt nec excōmunicari possit post mortem. Forte quis dicet mortuum non excommunicari propter contumaciam, quam post mortem habuerit: quia huiusmodi talis illi contingere non potest: sed propter contumaciam, quam habuit ante mortem, quæ quia ipso viuente non innotuit: sed post mortem, ideo mortuus excommunicatur. Sed hoc fieri non posse, verba, quæ Christus saluator noster statim post præcedentia, ad excommunicationis confirmationem dixit, apertissime conuincunt. Nam post illa verba, sit tibi sicut ethnicus, & publicanus, statim subdidit: Quodcūq; solueris super terram, erit solutum & in cœlo, & quodcūq; ligaueris super terram, erit ligatum & in cœlo. Per quæ verba (vt proxime præcedenti capitulo ex Hieronymi testimonio ostendimus) Saluator noster ipsam excommunicandi potestatem ecclesiæ concessam, amplius declarauit, & ratam, & firmam esse ostendit. Si quis tamen in hac re soli Hieronymo non fudit, nec solo illius testimonio est contentus, plures alios possem ex sacris doctoribus ad huius rei testimonium afferre. Ne tamen nimia prolixitate in re tam clara grauem Lectorem, solos duos alios probatissimos testes, omnique (vt dicitur) exceptione maiores proferam, qui per præfata Saluatoris nostri verba conuincere nituntur potestatem excommunicandi datam esse ecclesiæ. Primus est Urbanus Papa & martyr in epistola de comuni vita, & oblatione fidelium, qui postquam inhibuit ne ecclesiæ facultates caperentur in alios vsus conuertenda, &

cuicumque diripienti illas excommunicationē minatus est, ne talē excommunicationē aliquis cōtemnere auderet, ipsam excommunicationē potestatem, per illa Saluatoris verba probat, quibus ait: Quodcunq; ligaueris super terram, erit ligatū & in cōelo. Gelasius Papa in c. legatur. & in ca. Nec quisq; per illa eadē verba probat potestātē excommunicandi datam esse ecclesiā. Illa autem Saluatoris nostri verba, de solis illis loquuntur, qui sunt super terram, hoc est, de illis, qui vitam in hoc mundo degunt, nō autē de mortuis qui aut supra terrā, aut subter terram sunt. Solos ergo vivos ecclesia ligare, aut soluere potest, non autē mortuos. Et hanc sententiā tuentur nō solum theologi omnes: sed etiā iuris canonici periti. Aliqui tamen canonistę ab hac lege excipiunt hęreticū hominem, qui licet defunctus huic seculo sit, propter criminis tamen grauitatē dicunt illū posse etiā post mortem excommunicari. Nam Glossator Decretalium in c. si quis Episcopus. de hęret. in verbo, post mortē, postquā ad suā sententiā confirmationē citauit c. sane. xxiiij. q. ij. deinde sibi ipsi obicit, & respondet per hęc verba. Contra, quia crimina morte extinguuntur. xxij. dist. quorundā. xxiiij. q. ij. c. j. & crimē cū pœna sit extinctū. C. si reus, vel accu. mor. fue. l. ij. Hoc tamē speciale est in crimine hęresis in criminis detestationem, vt post mortē possit accusari, & excommunicari. Hęc glossator Decretaliū. Abbas in expositione præfati c. si quis Episcopus. eidem subscribit sententiā, dicens etiā hoc esse speciale hęretico, vt post mortē possit excommunicari. Sed re vera (vt ingenue loquar) misere errauit vterq; quoniam nec Pōtificū in hac re potestātē intellexit, nec virtutē excommunicationis considerauit, nec verba Gratiani, & quę ille ex aliis authoribus ibidē citat, interius penetrauit. Post mortē quidē dānari potest aliquis de hęresi, hoc est, dari sententiā, per quā declaratur illū fuisse hęreticum, & in hęresi ex hoc seculo decessisse: quia nulla pœnitentię signa ante mortem ostēdit. Non tamen cū damnatur hęreticus defunctus, tunc excommunicatur, sed declaratur illum tunc fuisse excommunicatum, cum primo factus est hęreticus. Nam (vt præcedenti c. diximus) hęreticus etiā ante iudicis declarationē, est ipso iure excommunicatus. Quoniā & si quis adeo occultus fuerit hęreticus, vt nūquā ad noticiā iudicis peruenerit, si tamē hęresim suā exterius utcūq; prodiderit, & nō in solo corde

- A** corde celauerit, nō tamen propter hoc ab excōmunicatione liberabitur, cū talis excōmunicatio nō ab homine pendeat, vt vim suā habere possit: sed sit ab ipso iure inflicta. Qui ergo post mortē de hæreſi dānatur, non tunc excōmunicatur: sed declaratur fuisse ante mortē excōmunicatus, & in excōmunicatione defunctus, vt deinceps iā non pro illo sicut pro aliis, alicui orare liceat, & omnes intelligant illum, qui pro hæretico damnatus est, non habere partem in orationibus, quas ecclesia facit pro defunctis. Neq; aliud dici posse, auctoritate, & ratione vrgentissima id conuincere volo. Leo Papa in epistola ad Rusticum Narbonensem Episcopū, quæ est. lx. in ordine epistolarum suarum, sic ait: De communione priuatis, & ita defunctis horū causa iudicio Dei referenda est, in cuius manibus fuit, vt talium obitus non vsque ad cōmunionis remediū differretur. Nos autem quibus viuētibz nō cōmunicamus, mortuis cōmunicare nō possumus. Hæc Leo Papa, & habentur in volum. Decret. xxiiij. q. ij. De communione. Ex quibus verbis constat Leonis Papæ sententiam esse, neminē post mortem ab excōmunicatione, in qua decessit, posse post mortem absolui. Et inde deducitur, vt eodem modo nemo, qui sine excōmunicatione decessit, possit post mortē excōmunicari. Hæc autē collectio probatur esse bona testimonio Vrbanī Papæ in epistola ad Guillelmundum Episcopū, qui ex illis beati Leonis verbis eandem format consequentiam, sic inquit: Inter ceteros quippe nostræ fidei patres beatus Leo Papa doctor egregius. Quibus viuīs (inquit) non cōmunicamus, nec mortuis cōmunicare debemus. Constat ergo quibus viuīs (vt ex opposito loquamur) cōmunicamus, mortuis quoq; cōmunicare possumus. Hæc Urbanus Papa, & habentur in cap. Sanè quod super. xxiiij. q. ij. Gelasius Papa in cap. legatur. eadē causa & quæſtione, dicit apertissime nullum post mortem posse ab excōmunicatione in qua decessit, absolui, & in suæ sententiæ confirmationem adducit illa sæpe iam repetita verba, quæ Saluator noster dixit beato Petro. Quodcunque solueris super terram, erit solutum & in cœlis, & quodcunque ligaueris super terram, erit ligatum & in cœlis. Quæ verba doctissime annotans Gelasius ait: Super terram (inquit) nam in ligatione defunctum, nunquam dixit esse absoluedum. Hæc Gelasius. Ex quibus verbis apertissime

Leo Pa.  
pa pri-  
mus.

Vrb. Pa.

Matt. 16

Gel. Pap.

Ecd. 11

constat Gelasium Papam hac ratione moueri, vt dicat de-  
 functum non posse ligari, aut absolui: quia videlicet non  
 est super terram. Hæc autem ratio æque vrget circa hæreti-  
 cum defunctum, sicut circa omnes alios defunctos: quoniam  
 hæreticus defunctus non magis est super terram, quàm cæ-  
 teri mortui. Cum ergo eadem ratio sit circa hæreticum de-  
 functum, quæ circa alios mortuos, oportet, vt eadem lege  
 iudicentur hæretici defuncti, qua circa excommunicatio-  
 nem alij defuncti iudicantur. Quoniam aut ratio illa à Ge-  
 lasio data nõ bene de alijs defunctis probat, quod solui, aut  
 ligari non possunt, aut etiam de hæretico sicut de alijs con-  
 cludit. Præterea Salomon ait: si ceciderit lignum ad Austrum,  
 aut ad Aquilonem, in quocunque loco ceciderit, ibi erit. Li-  
 gnum de quo loco isto Salomon loquitur, tunc cadere dici-  
 tur (vt Hieronym. ibidem interpretatur) quando homo  
 moritur. Sed in quocunque loco ceciderit, ibi erit: quia  
 sicut eum mors occupauit, ita post modum reperietur. Ex  
 qua Salomonis sententia conuincitur, vt qui non est in  
 morte excommunicatus, nec possit etiam post mortem, ex-  
 communicari. Hanc nostram argumentationem confirmat  
 id, quod Gelasius Papa ait in cap. Nec quisquam. xxiii. q. ij.  
 vbi differens de mortuo an possit ab excommunicatione  
 absolui, aut ab ea ligari, hæc ait: Cæterum de eo, qui in di-  
 uino iudicio est constitutus, nobis fas non est aliud decer-  
 nere præter id, in quo eum dies supremus inuenit, Hæc Ge-  
 lasius. Quæ verba cum illis, quæ ex Salomone citauimus,  
 manifestissime consonant. Rursum eodem modo potest  
 Papa aut quiuis alius Episcopus hæreticum defunctum ex-  
 communicare, sicut potest iniuste de hæresi damnatum ab-  
 soluere, prout definitum est in actione prima quintæ syno-  
 di, quam Gratianus citat in cap. sane quod fertur. xxiii. q.  
 ij. At cum absoluit illum, qui iniuste de hæresi damnatus  
 fuerat, non absoluit ab excommunicatione: quia constat  
 nullam fuisse, neque in illam incidisse: sed solum declarat  
 illum non fuisse excommunicatum: ergo cum post mortem  
 damnat hæreticum, aut excommunicat, solum declarat il-  
 lum fuisse hæreticum, & propter hæresim fuisse excommu-  
 nicatum, ac proinde non esse pro illo deinceps orandum.  
 Deinde quod dicunt hoc esse speciale hæreticis, vt propter  
 criminis grauitatem possint post mortem excommunica-  
 ri, ap



A ri, apertissime ostendit eos ignorare, ad quos se extendit potestas excommunicandi ecclesię concessa. Nam si hoc bene introspexisse, nunquam hoc dixissent. Quis vnquam diceret pratorē alicuius ciuitatis posse punire maleficos in alia ciuitate commorantes, in qua nullam prorsus habet iurisdictionem, etiam si illi grauissime peccarent? Aperta quidem est regula iuris in vj. quę talem sententiam, & punitionem damnat & irritat. Sententia (inquit regula) non a suo iudice lata, nulla est. Si tamen Rex propter criminis grauitatem, quod in alia committitur ciuitate, nouam quādam pratori alterius ciuitatis concederet potestatem, vt maleficos, sceleratissimōsq; homines, quos in ciuitate suę iurisdictioni aliās non subiecta, nouerit, punire possit, tunc noua illi concessa potestate poterit in illos sententiam firmam dicere, contra quos antea nihil prorsus efficere valebat. Potestas excommunicandi, quam ex Euangelio didicimus ecclesię datam esse ad solos viuos se extendit, vt clarissime constat ex verbis Euangelij, & ex interpretationibus sacrorum doctorum, quos supra citauimus. Si ergo aliquis Episcopus mortuum excommunicare tentauerit, in eum, qui sibi subditus non est, sententiam dicet, siēq; necessario, vt sententia illa: quia non a suo iudice lata, iuxta regulam iuris, sit nulla censenda. Si Deus vltra illam generalem potestatem supra viuos datam, specialem aliquam aliam concessit ecclesię potestatem, vt hereticos propter grauissimū heresis vitium, possit etiam post mortem excommunicare, tunc cedam. Cum tamen nullam possint specialem aliam, & latiorē potestatem ostendere supra hereticos fuisse a Deo concessam, nescio qua fronte dicere audent, hoc esse speciale in heretico, vt propter criminis grauitatem possit post mortem excommunicari. Est enim speciale aliquid in crimine illo, per quod reliqua vitia superat in malitia: sed nō est speciale aliquid in potestate excommunicandi a Christo ecclesię concessa, ita vt latiorē supra hereticos, quā supra alios illi cōcesserit potestatem. Hęc autem potestatem oportebat illos magis, quā criminis grauitatē inspicere, vt recte de hac quęstione definire potuissent: qm̄ excommunicatio ipsa, vt firma sit, magis ex pte sibi collata, quā ex criminis grauitate pēdet. His igitur vrgentissimis rōnibus motus, dico hereticū hominē posse danari post mortē, hoc est, per sententiā declarā-

ri fuisse hæreticum, & in hæresi vsq; ad mortem perseue-  
 rasse, & per consequens fuisse in excommunicatione defun-  
 ctum, nego tamen illum post mortem posse tunc primo ex-  
 communicari, cum per mortem sit iam extra hominum  
 iudiciū constitutus. Neq; aliud dicit Gratianus in xliij.  
 quæst. ij. parte ij. quoniam illic dicit hominem posse de cri-  
 mine hæreseos accusari, & damnari post mortem, quod &  
 nos fatemur, nunquam autē dicit illum, aut aliquem alium  
 post mortem posse excommunicari, si quæras cur possit  
 quis post mortem de hæresi damnari, non autē excommu-  
 nicari, respondeo hanc esse causam, quod sentētia damnans  
 hæreticum mortuum, est velut declaratoria operum præ-  
 teritorum, declarās illum hanc aut illam hæresim pertinaci  
 animo fuisse amplexatum, & per consequens fuisse eo ipsi  
 excommunicatum: quod (vt clarissima constat) etiam post  
 mortem fieri potest. Excōmunicatio vero non tam est sen-  
 tentia, quā sententiæ executio. Sicut enim aliud est furem  
 suspendio dignum censere, & aliud furem suspendere, ita  
 etiam aliud est decernere aliquem esse excommunicatione  
 dignum, aut illam iam fuisse excommunicatum, & longe  
 aliud est illum actu excōmunicare. Primus quidem dicitur  
 sententia: secundus vero non est sentētia: sed executio sen-  
 tentiæ iam pridem latæ. Esto, excōmunicatio sententia di-  
 cenda sit: non tamen solū illa erit præteriti operis declara-  
 toria, sed præsentis pœnæ inflictiva. Per excōmunicationem  
 si quidem non solū declaratur illum cui infertur excommu-  
 nicatio, aliquod lethale crimē cōmisisse, propter quod solū  
 inferenda est excōmunicatio: sed vltra hoc infligitur pœna,  
 qua excluditur excōmunicatus à participatione, & excōmu-  
 nicatione fidelium. Hæc autē pœna non potest infligi defun-  
 ctis, cum sint iam extra humanum iudiciū constituti. Cum  
 autem quis de hæresi damnatur, & hæreticus iudicatur, nul-  
 la illi spiritualis infligitur pœna: sed solum de opere iam  
 olim dum viueret, factō, declaratoria quædam profertur sen-  
 tentia, quæ declarat illum fuisse hæreticum, & in hæresim  
 fuisse defunctum. Quæ sententia nō parui est momenti, nec  
 frustra & inutiliter datur: sed ad multa, quæ inde iure facien-  
 da occurrunt, valde conducit: ad omnes, scilicet pœnas cor-  
 porales, quæ corpus hæretici contingere possunt: quoniam  
 hoc, & quæ illud contingunt, in terra sunt, & hominum po-  
 testati

- A** • testati subiecta. Primo quidem valet ad confiscationem bonorum ipsius hæretici faciendam. Nam bona illius, qui vivens in hæresi latuit, si post mortem constat illum fuisse hæreticum, eo ipso sunt confiscata, ut decernitur in capit. Accusatus. §. in eo. De hæreticis. libro vj. Valet etiam talis sententia, ad filiorum infamiā aliis innotescendam. Erant quidem filij parentis hæretici (ut supra docuimus) ipso iure infames: sed quia paternum crimen vnde ad filios infamia deriuatur, latebat: ideo aliis erat ignota filiorum infamia. Ut autem defunctus damnatur de hæresi, eo ipso omnibus hanc damnationem sciētibus filiorum infamia innotescit.
- Deinde damnatio hæretici defuncti hoc tertium efficit, manifestare videlicet aliis corpus illius indignum esse ecclesiastica sepultura, in qua reconditum est. Nam (ut præcedenti cap. ostendimus) hæreticus à iure priuatur ecclesiastica sepultura. Quo fit, ut postquam de illius hæresi post mortem constiterit, corpus illius si ab aliis fidelium corporibus possit discerni, sit ab ipsa sepultura tanquam à re iniuste possessa separandum, & extra ecclesiam eiiciendum. Sic enim concilium Constantiense de corpore Ioannis
- B** Vuiclef hæretici iam tunc defuncti, censuit esse faciendum. Nam sess. viij. postquam idem concilium declarauit illum fuisse hæreticum, nec vnquam de illius pœnitentiā constituisse, hæc addit verba: Decernitque, & ordinat hæc sancta synodus, corpus eius, & ossa (si ab aliis fidelium corporibus discerni possunt) exhumari, & procul ab ecclesiæ sepultura iactari, secundum canonicas, & legitimas sanctiones. Hæc concilium. Denique valet hæc sententia, qua aliquis post mortem de hæresi damnatur, ut omnes, vel ex eo intelligant nefas esse, & impium pro illo, tanquam pro homine excommunicato, & in excommunicatione defuncto Deum orare. Ad hæc omnia valet sententia, qua aliquis post mortem damnatur de hæresi: non tamen valet ad excommunicationem illi inferendam.

*Concilium  
Constant:*

*Respondetur obiectionibus, quæ pro Abbatis;*

*& Glossæ opinione afferri possunt.*

C A P. X X.

**H**ic tamen fortasse aliquis Abbatis, aut Glossæ in hac parte patronus mihi obiiciet, hæreticos multos post

mortem fuisse ab ecclesia anathematizatos. Nam cōcilium Constantiense sess. viij. anathematizavit Ioannem Vuiclef iam tunc defunctum. Et in quinta synodo actione prima, anathematizati sunt Dioscorus, & Eutyches, & alij multi hæretici, qui iamdiu ante annos multos fuerant mortui. In sexta synodo actione vltima, anathematizati sunt Theodorus Faranita, Sergius, Pyrrhus, & Paulus, & Honorius, & multi alij hæretici, qui omnes iam erant mortui. Et in cap. si quis Episcopus, extra de hæreticis, præcipitur, vt anathema dicatur post mortem Episcopo, qui hæredes instituerit hæreticos, aut paganos. Fateor quidem post mortem posse aliquem anathematizari, non tamè excommunicari. Non sunt enim idem prorsus anathematizare, & excommunicare, aut anathema, & excommunicatio. Hoc aut emita esse, vel ex eo constare potest quòd multi sunt, qui hæreses & hæreticos anathematizant, qui nullam prorsus habent excommunicandi potestatem. Nam omnis, qui hæresim, quam prius tenebat, deferit, cum ad ecclesiæ communionem recipitur (vt supra docuimus) cogitur prius abiurare, & anathematizare hæresim, qua maculatus fuerat: sicut patet in cap. Ego Berengarius, quod habetur, de consecr. dist. ij. Non tamen omnis talis hæreticus resipiscens, potestatem excommunicandi habet. Præterea sæpe ecclesia in suis sententiis, post verbum excommunicationis addit verbū anathematis, dicens: Excommunicamus, & anathematizamus, prout patet in cap. Excommunicamus. primo, & secundo, extra de hæreticis. Et in cap. cum non ab homine. extra de iudiciis. Primo præcipi, vt clericus incorrigibilis excommunicetur, ac deinde, vt anathematis mucrone feriat. Ex quibus omnibus apertissime constat non esse idem prorsus excommunicatio, & anathema: sed aliquid addere anathema supra excommunicationem, præsertim quòd perpetuo, vbi ista duo coniunguntur, verbū anathematis semper ponitur post verbū excommunicationis, & nunquam ante illud collocatur. Rursum cum Petrus in atrio Principis sacerdotum se calefaceret, & tertio negaret se Christi discipulū esse, dicit Marcus Euangelista de illo, quòd cœpit anathematizare, & iurare: quia nescio hominem istum. Certum autē est, Petrum tunc nullum excommunicasse, quamuis anathematizauerit. Ex his omnibus luce clarius constat, aliquod esse discrimen inter  
has

Mat. 14



- A** has duas voces, anathematizare, & excommunicare. Oportet igitur harum vocum significationes explicare: quoniam inde tota huius quæstionis summa pendet, & ex illarum ignorantia multi occasionem erroris sumplerunt, putantes eandem prorsus vtriusq; vocis significationem, cum tamen sit valde diuersa. Anathema Græca vox est, & significat donaria, quæ Deo, aut sanctis eius offeruntur, & in templis honoris gratia suspenduntur. Et iuxta hanc nudam vocis significationem, sæpissime in sacris literis præsertim in veteri testamento reperitur. Nam (vt alia omittam) illud est manifestissimum, quod in libro Iosue de expugnatione ciuitatis Iericho legitur, vbi hæc habentur: Cúmque septimo circuitu clangerent buccinis sacerdotes, dixit Iosue ad omnem Israël. Vociferamini: tradidit enim vobis Dominus ciuitatem: sitque ciuitas hæc anathema: & omnia, quæ in ea sunt Domino. Ciuitatem, & omnia quæ in illa erant, præcepit esse anathema Domino: quia omnia, quæ in illa erant, volebat Domino seruari, & illi in sacrificium offerri: ita vt ex illis nihil sibi ipsi aliquis seruare auderet. Cum autem de spoliis ciuitatis tulisset ac sibi seruasset
- B** Acham filius Charmi, iratus est Dominus, & dixit filiis Israël: Anathema in medio tui Israël: non poteris stare coram hostibus tuis, donec deleatur ex te, qui hoc contaminatus est scelere. Anathema vocauit hoc loco spolia, quæ sibi seruauerat Acham filius Charmi: quoniam illa ad hoc destinata erant, vt Deo dicarentur. Sicut autem nefas est contingere ea, quæ Deo sunt oblata, ita etiam nefas est conuersari cum his, qui ab ecclesia per excommunicationem sunt præcisi. Et ob hanc causam similitudine per contrarium ducta is, qui excommunicatus est, vocatur anathema. Sic accepit Paulus, cùm in epistola ad Galatas ait: Si quis vobis Euangelizauerit, præter id quod accepistis, anathema sit, hoc est, excommunicatus, & à Deo separatus. Hæc omnia testimonio beati Chrysostomi comprobantur, qui homilia sextadecima super epistolam ad Romanos ita inquit: Quemadmodum anathema, donumque; id quod Deo oblatum dedicatur, nemo est, qui temere manibus contingere audeat, neque ad id propius accedere: sic & eum, qui ab ecclesia separatur, ab omnibus abscindens, ac tanquam longissime abducens, hoc nomine à contrario, scilicet ap-

Iosue. 6

Gal. 1

Chrysost.

pellat, magno cum terrore omnibus interminatus, ab eo, G  
 vt separarentur, ac pedem referant. Anathemati enim honoris gratia appropinquare nemo audebat: ab eo autem, qui ab ecclesia abscissus erat, ex opposito omnes sententia separabantur. Quapropter separatio quidem tum hæc, tum illa: ex æquo à vulgo alienatio erat. Separationis vero modus non vnus: sed illi contrarius. Ab illo enim abstinabant, tanquam Deo dicato: ab hoc autem decedebant, tanquam à Deo alienato, & ab ecclesia abscisso. Hæstenus Chrysostomus. Et eadem post illum dicit Theophylactus interpretans illud Pauli ex epistola ad Romanos. Optabam ego anathema esse à Christo pro fratribus meis: Et hoc idem asserit quinta synodus, cuius testimonium citatur à Gratiano in cap. Certum. xxiiij. quæstione iij. in quo hæc habentur verba. Nihil enim aliud significat anathema, nisi à Deo separationem. Quod intelligendum est, secundum illam significationem, secundum quam anathema applicatur excommunicationi, & de illa sola loquebatur quinta synodus, vt patet ex literæ circumstantiis, quæ semper solent verum, & germanum literæ sensum aperire. Alias quidem, iuxta plenariam illius vocis significationem, D  
 multo plura significat quàm separationem à Deo, prout aperte constat ex testimoniis sacræ scripturæ & sanctorum virorum, quæ supra citauimus. Iuxta hunc modum accipitur anathema, quoties in conciliorum definitionibus aut Pontificum decretis dicitur. Si quis hoc, aut illud dixerit, aut fecerit, anathema sit: hoc est maledictus, & ab ecclesiæ consortio alienus. Nam anathematis vox, vt per similitudinem ad excommunicationem applicatur, non solam minorem excommunicationem exprimit, sed etiam maiorem, per quã excommunicatus ab ecclesia abscinditur atque separatur. Sic enim docetur expresse in capite, Engertudã, iij. q. iij. Ab hoc nomine anathema, deriuatur verbum anathematizo, quod significat maledicere, detestari, deuouere. In cuius rei testimoniũ (vt prophanos omittam authores)  
Augusti. solum beatum August. profero, qui in quæstionibus super librum Numerorum quæstio. xliij. hæc ait: Hinc dictum est anathema, quod detestabile aliquid, & abominabile videatur. Vt enim nihil inde victor in vsus suos auferret, sed totam in pœnam luendam voueret, hoc erat anathema,

mare,

**A** mare, quod vulgo dicitur deuotare. Origo autē huius verbi est in Græca lingua, ab his rebus, quæ votæ & persolutæ, hoc est, promissæ & redditæ, sursum ponebantur in tēplis: à vocibus Græcis, *ἀνατίθεσθαι*: hoc est, sursum ponere, vel fingendo vel suspendendo. Hæc Augustin. Anathema ergo iuxta Augustinum, est idem quod abominabile & detestabile. Anathematizare autem, vel (vt ille ait) anathemare, est abominari, maledicere, detestari. Et iuxta hanc significationem capitur hæc vox, anathema, apud Marcū euangelistam loco superius citato, cum dixit, quod Petrus cœpit anathematizare & iurare: quia non noui hominem istum. Iurauit enim tunc Petrus iuramento per execrationē, quod (vt August. super Psal. vij. docet) est omnium grauissimum iuramentum. Iurans Petrus maledicebat sibi ipsi, & maledictiones imprecabatur, vt maior suo iuramento adhiberetur fides: ac si dixisset: Maledictus ego sim à Deo, & talia aut talia addat mihi Deus, hæc, aut illa super me veniat, si noui hominem istum. Hoc certe est iurare & anathematizare. Et hoc aut aliquod aliud simile credendū est Petrum negantem dixisse, propter quod dictus est anathematizare

**B** & iurare. Nam iurans non alium, sed se ipsum anathematizauit. Ex quibus omnibus iam apertissime constat, aliquam esse differentiā inter anathematizare, & excommunicare, eam scilicet quæ est inter maledicere aut detestari, & excommunicare. Habent enim illa duo talem ordinē inter se ipsa, quod nec semper ab inuicem separātur, nec semper se necessario consequuntur, vt eidē semper conueniant. Nam quāuis idem possit excommunicari & anathematizari, non tamen consequens est, vt omnis quem anathematizatus aut maledicimus, sit eo ipso excommunicatus: neque e contrario consequens est, vt omnis excommunicatus, sit eo ipso anathematizatus, aut maledictus. Et propter hanc causam ecclesia postquam aliquem publice & nominatim excommunicauit, anathematizare cōsuevit. Tunc anathematizat, quando maledictionis verba & imprecationes quasdā contra excommunicatum profert, vt puta dicendo Psalmum cvij. maledictionibus plenum, qui in aliquibus ecclesiis tunc legi solet. In aliis ecclesiis quædam ceremoniæ horroris plenæ, post datam excommunicationem, fieri solent. Candelæ accensæ, aqua desuper infusa, coram populo à

Mar. 14

sacerd

sacerdote extinguuntur, qui tunc hæc dicit verba. Sicut hæc C  
candela extinguitur in hac aqua, ita anima huius excōmuni-  
cati pereat in inferno. Deinde in signum tristitiæ pro ani-  
ma sic pereunte, signum crucis eleuatū velamine nigro te-  
gitur. Cum hæc aut alia similia ecclesia contra excōmunica-  
tum facit, tunc illum anathematizat. Et hoc aut aliud simi-  
le quidquam fieri præcipit Pontifex cum clerico incorrigi-  
bili, quem in cap. Cum ab homine, extra de iudiciis, supra  
citato postquam excōmunicatus fuerit, præcipit si emenda-  
ri noluerit anathematis mucrone feriri. Ex quibus omni-  
bus apertissime constat, in conciliorum aut Pontificum de-  
cretis non frustra & sine causa post verbum excommunicationis,  
additum esse verbum anathematis. Nam potest excommuni-  
cationem ad maiorem horrorem & metum aliis  
incutiendum, placuit superaddere maledictionē, quæ ana-  
thematis nomine significatur. Vnde patet misere errasse  
Syluestrum de Prierio, qui in sua summa, titulo excommuni-  
catis, primo, quæstione vltima, dicit idē prorsus esse ana-  
thema, & maiorem excommunicationem, & diem anathe-  
matizare & excōmunicare maiori excommunicatione. Ad  
cuius sententiæ persuasionem profert illud capit. Engertu- D  
dam. iiij. quæst. iiij. Sed re vera (vt ingente loquar) ille non  
intellexit textū: quoniā si bene intellexisset, nouisset opti-  
me nihil prorsus illius fauere sententiæ. Nam textus ille di-  
cit quòd anathema maiorem explicat excōmunicationem:  
quod intelligendum est, quando iuxta illā significationem  
capitur, iuxta quam applicatur excōmunicationi. Nūquam  
tamen textus ille dicit quòd anathema non significet aliud  
quàm excōmunicationem, aut quod anathematizare non  
significet aliud, quàm excommunicare. Deinde, id quod  
textus ille ait, anathema significare excommunicationem  
maiorem, sic intelligendum est, quòd maledictio quæ ana-  
thematis voce significatur, non datur nisi maiore excōmu-  
nicatione præcedente. Itaq; anathema maiore significat ex-  
communicationem, quia cū anathema dicitur, datur intel-  
ligi maiore iam præcessisse excōmunicationem, postquam  
solam dici solet anathema, id est, maledictio. Omitto quàm  
bellam illius vocis anathema, Syluester reddat etymolo-  
giam. Non quidem miror quòd hæc ille ignorauerit, sed  
miror valde quòd tanta cum autoritate docere non sit ve-  
ritus



- A** ritus quæ prorsus ignorabat. Et certe ista aduersus illū non dixissem, si ille cum aliis fuisset vel parum modestus. Nam Angelum de Clauasio authorem summæ angelicæ, virum quidem, præter doctrinā quam habuit non modicam, multis miraculis clarissimum, sæpe iniuriose tractat: cum tamen multa frequenter nec vno mutato verbo, ab illo furatus sit: prout facile poterit illius tam multa furti deprehendere, quisquis illius summā cum angelica summa conferre voluerit, quamuis ille ad hoc laborasse videtur, vt furti occultaret, quia quæ Angelus sub vna dictione posuerat, ille in aliam dictionem transferre curauit, ne forte qui vtranq; summam in eadem materia legeret, furtum deprehendere posset. Fieri igitur oportuit cum Syluestro, vt cum ille toties male locutus fuerit, male etiam aliquando audiret. Fatemur itaque defunctos non solum hæreticos sed etiam catholicos posse à viuentibus anathematizari, non tamen excommunicari. Nam sæpenumero videmus, vt filij viuentes parentibus suis defunctis maledicant, & illos detestentur, & abominentur, male illis imprecantes, quia forte parentes dum viuerent, fuerunt suarum rerum prodigi, aut
- B** quia male cum illis hæreditatem diuiserunt, aut propter aliam similem causam. Quo sic eueniente, filij parentes suos defunctos anathematizant, non tamen perinde eos excommunicant, quia non omnes id facere possunt, cum excommunicare sit actus potestatis & iurisdictionis, quam non omnes habere, apertissime constat. Ecclesia tamē non consuevit anathematizare, hoc est, maledicere, nisi illum qui prius excommunicatus fuisset. Quamuis igitur anathematis voce (vt diximus) ecclesia aliquando vtatur pro excommunicatione, non tamen hoc semper facit. Concilium ergo Constantiense anathematizauit Ioannem Vuiclef defunctum: quinta synodus plurimos hæresiarchas iam mortuos anathematizauit: sexta synodus anathematizauit alios multos hæreticos, hoc est, maledixit illis, & imprecationes in illos dixit, non tamen illos excommunicauit. Neq; vnquam Concilium in suis definitionibus, aut Pontifex in suis decretis, vsus est verbo excommunicationis contra illos hæreticos, sed solo verbo anathematis. Intelligebant siquidem optime tam concilia quàm Summi Pontifices, se iam super illos potestatem aut iurisdictionem non habere: & sciebant

sciebant non per um esse discrimen inter anathema & ex-  
 communicationem. Illud etiam quod ex concilio Africano  
 citatur in cap. Si quis Episcopus, extra de hæreticis, ad eun-  
 dem modum est interpretandum, ita vt ibi anathema ca-  
 piatur pro maledictione non pro excommunicatione. Nam  
 si pro excommunicatione poneretur, dixisset, sit anathema  
 hoc est sit excommunicatus, & non dixisset, dicatur illi ana-  
 thema: Quoniam tale genus locutionis inusitatum est in  
 ecclesia, vt pro eo quod est excommunicare, ponatur dicere  
 alicui excommunicationem. Iubet igitur conciliū, vt Episco-  
 po qui hæredes instituerit hæreticos aut paganos, dicatur  
 anathema, hoc est, maledicatur ab omnibus, omnes illi im-  
 precentur, omnesque illum maledictum appellent. Esto  
 etiam, illic anathema pro excommunicatione ponatur, nihil  
 tamen nostræ obuiabit sententiæ: quoniam (vt ex ipso ver-  
 borum contextu conuincitur) sententia illa quæ illic cōtra  
 ralem Episcopum profertur, est solum declaratoria pœnæ  
 iam olim illatæ, & nō executio nouæ excommunicationis.  
 Si dixisset concilium, sit anathema, videretur sensisse tunc  
 primum post mortem, excommunicationem esse inferen-  
 dam, quia præcipiens esse anathema aperte innuere videre-  
 tur, ante non fuisse anathema. Cum vero concilium præci-  
 piat vt dicatur anathema, satis clare ostenditur sententiam  
 esse declaratoriā. Quia quod ait, dicatur anathema, tantum  
 valet, ac si dixisset, appelletur excommunicatus, vocetur ma-  
 ledictus. Et hunc esse verum literæ sensum, verba quæ se-  
 quuntur apertissime declarāt. Nam postquam dixerat con-  
 cilium, dicatur ei anathema, statim subdidit: atque eius no-  
 men inter Dei sacerdotes nullo modo recitetur. Erat qui-  
 dem olim consuetudo vt catalogus haberetur in ecclesia o-  
 mnium Episcoporum defunctorum, qui illius fuerāt pasto-  
 res, & talis catalogus publice ante altare legebatur coram  
 populo, vt populus illos domino cōmendaret. Præcipit igitur  
 concilium Africanum vt Episcopus qui hæredes insti-  
 tuit hæreticos aut paganos, non scribatur in catalogo Epi-  
 scoporum, nec nomen illius recitetur inter nomina alio-  
 rum Episcoporum. Hanc fuisse olim ecclesiæ consuetudi-  
 nem, & hanc esse concilij Africani sententiam apertissime  
 conuincitur per id quod beatus Leo Papa ait in quadam  
 epistola ad Anatholium Constantinopolitanum Episco-  
 pum,

**A** pum, quæ est xxxviij. in ordine epistolarum suarum. In illa enim epistola idem beatus Papa respondet ad quasdam quæstiones à præfato Anatholio propositas, & ad tertiam quæstionem respondens, sic ait. De nominibus autem Dioscori, Iuuenalis & Eustachij, ad sacrum altare non recitandis, dilectionem tuam hoc decet custodire, quod nostri ibidem constituti, faciendum esse dixerint: quòdque honorandæ sancti Flauiani memoriæ non repugnet, & à gratia tuâ christianæ plebis animos non auertat. Nam iniustum nimis est atque incongruum, eos qui innocentes & catholicos sua persecutione vexarunt, sanctorum nominibus sine discretionem misceri. Hæc Leo Papa huius nominis primus. Et alius etiam beatus Leo tertius huius nominis Papa, in epistola pro confirmatione sextæ synodi generalis ad Constantinum Imperatorem missa, quæ habetur in vltima actione eiusdem synodi, eandem ostendit consuetudinem, & textum illius capituli, si quis Episcopus, aperte declarat, cum ait. Anathematizamus præterea (inquit Leo tertius) proinde atque execramur omnes hæreses, omnesque earum authores, atque fautores, qui aduersus apostolicam & orthodoxam fidem diabolicis decepti fallacis falsitatis errores in ecclesiam conati sunt introducere, id est Arrium, Sabellium, Macedonium. Et multis hæreticorum nominibus recensitis, tandem subdit. Quos sancta catholica atque Apostolica ecclesia de catalogo fidelium patrum, vrpote zizania de area Dominicæ ecclesiæ gehennæ supplicio abdicanda per ventilabrum diuinæ discretionis abiicit. Hæc Leo tertius. Ex quibus duobus tam fidelissimis testibus aperte constat verus atque germanus sensus illius capituli, si quis Episcopus, præcipit vnanque concilium, vt ille talis Episcopus qui hæreticos aut paganos hæredes instituit, post mortem non appelletur Episcopus aut Dei sacerdos, sed dicatur anathema, hoc est, maledictus, detestabilis, abominabilis, & nomen eius in catalogo Episcoporum defunctorum non recitetur. Secundo potest mihi aliquis obiicere, illud secundum capitulum, quod incipit, à nobis, extra de sententia excommunicationis, vbi Papa Innocentius definit. post mortem posse dari absolutionem defuncto in excommunicatione decedenti, & deinde dicit ecclesiam in certis casibus

*Leo papa  
primus.*

*Leo papa  
tertius.*

casibus posse ligare mortuos & soluere. Hic textus in superficie sola inspectus, nostram videtur prorsus destruere sententiã, sed bene consideratus & acutius examinatus pro nobis sententiã dicet, tantum abest vt vel ex longinquo nos oppugnare velit. Pro cuius clariori intelligentia admoneo lectorem, vt consideret, quòd excommunicatio quæ in vnam aliquam personam fertur ad plures personas suos extendit effectus. Nam excommunicatio nõ solum pertingit ad excommunicatum, sed etiam ad alios: quoniam cum ecclesia aliquem excommunicat, eo ipso alios obligat, ne pro illo publicas & solenes apud Deum effundere preces, aut elemosynas publicas dare, aut sacrificia offerre, aut denique commercium vllum cù illis habere audeant. Ipsummet excommunicatum non vno tantum verbere percutit, sed multis: quorum aliqua ad corpus, aliqua ad animam pertinet. Excommunicatus siquidem tanquam membrum putridum est, à corpore ecclesiæ abscissus & procul separatus: ob quã causam communes Ecclesiæ orationes, & alia illius bona opera, quæ sibi inuicem communicant reliqua membra viuia & capiti coniuncta, nullo modo profunt excommunicato. Et hoc est vulnus aut flagellum quod animæ per excommunicationem infligitur. Et circa hoc nihil prorsus potest ecclesia circa defunctum efficere, quoniam anima quæ hoc flagello percuti debet, iam post separationem à corpore, est omnino à iudicio ecclesiæ separata. Præter hoc animæ flagellum, sunt alia quæ ad corpus pertinent, videlicet priuatio ecclesiasticæ sepulturæ: non posse legitimam & validam in iudicio sententiam dicere, & alia multa à iure contra excommunicatos decreta. De his corporalibus pœnis non dubito quin ecclesia illas possit inferre defuncto, quoniam corpus defuncti, & quæ illud contingere possunt, adhuc sunt ecclesiæ potestati subiecta. Potest igitur ecclesia propter aliquam iustam causam, nõ solum hæreticũ, sed etiam quemlibet alium sceleratum hominem defunctum, ad hũc finem excommunicare, vt corpus illius extra ecclesiam iactetur tanquam ecclesiastica sepultura indignum. Potest etiam iusta causa vrgẽte, aliũ in excommunicatione defunctũ ad hũc finẽ absoluerẽ, vt ecclesiastica illi concedatur sepultura, quia ob excommunicationem priuatus fuerant. Deindẽ, quia ecclesia (vt diximus) cum aliquem excommunicat, alios ligat, ne pro



**A** pro illo Deum publice orare valeant, aut alia quæ diximus pietatis opera pro illo facere. Quo facto quasi indirecte etiam illum lædit, dum illum priuat suffragiis tam corporis quàm animæ quæ illi ab aliis prouenire possint. Et hoc etiam facere posse circa defunctum ego non dubito, quia licet defunctus ille sit extra ecclesiæ iudicium constitutus, tamē alij viuentes, ad quos tale dirigitur ecclesiæ mandatum, ecclesiæ potestati subduntur. Sed quia ex tali mandato nocumentum quoddam infertur defuncto, ideo tunc ecclesia defunctum excommunicare dicitur: cum tamen re vera non defunctus sed viuentes tali excommunicatione ligentur. Et isto modo etiam fatendum est ecclesiam posse absolvere ab excommunicatione defunctū, qui in illa decesserat. Qua absolutione si res bene aduertatur, non tam defunctus, quàm alij viuentes absoluuntur. Viuentes siquidem ligati erant, ne pro illo, qui fuerat in excommunicatione defunctus, possent orare. At cōcesso post modum absolutionis beneficio, absoluūtur viuentes, vt libere possint orare pro defuncto, & alia pietatis opera pro illo exercere. Quia tamē talis libertas viuentibus concessa, in vtilitatem

**B** cedit defuncti, ipse defunctus dicitur absolui. Et iuxta hunc modum ego intelligendum censeo secundum c. quod incipit, à nobis. extra de sententia excommunicationis. vbi Papa decernit ecclesiam posse soluere & ligare defunctos. Nam (vt ex ipsius literæ contextu apertissime cōstat) Papa ibidem de solo illo absolutionis beneficio loquitur, quod dat viuentibus libertatem vt possint impune pro defuncto Deum orare, & alia pietatis opera pro illo exercere. Et hoc ipsum apertius declarauit, cum dixit, aliquem esse apud Deum qui non fallitur absolutum, qui tamen apud ecclesiam est excommunicatus. Quomodo posset esse apud ecclesiam ligatus, qui apud Deum est absolutus, nisi quia ille ob hoc solū ligatus dicitur, quia alij ab ecclesia ligati sunt ne pro illo orare possint, & ob hoc dicitur ille ligatus, quia in illius vertitur damnū talis aliorum ligatio. Nam aliàs illum defunctum qui apud Deum absolutus est, & per consequens illi coniunctus, nō potest ecclesia illum excommunicare, vt à Deo separet & abscindat. Tam longam traxi de hac re disputationem, quia noui optime esse summe necessaria ea omnia quæ dixi, vt hunc errorem radicitus euellere.

re possem, & loco illius firmam plantare veritatem.

C

*An episcopus aut quisvis alius sacerdos factus hereticus amittat illam ecclesiasticam potestatem quæ à Theologis dicitur potestas ordinis.* C A. XXI.

¶ Tho.

**D**vas esse ecclesiasticas potestates, vnam quæ dicitur potestas ordinis siue sacramentalis, alteram quæ dicitur potestas iurisdictionis, vniuersa Theologorū schola docet, & multa sanctorum patrū testimonia confirmant. Potestatem ordinis, siue potestatem sacramentalem, quod idem est, diffinit sanctus Thomas secunda secundæ. q. xxxix. art. iij. sic inquit: Sacramentalis potestas est quæ per aliquam consecrationem confertur. Dicitur autem sacramentalis à fine ad quæ ordinatur: quia omnis talis potestas ordinatur ad concessionem & ordinationem sacramentorum. Posset etiam dici sacramentalis talis potestas, quia semper donatur alicui per collationem alicuius sacramenti, præsertim iuxta illorum opinionem, qui putant Episcopatum esse alium ordinem à sacerdotio distinctum. Nam qui contrariam tuerentur sententiam, dicent Episcopum multas habere sacramentales potestates post consecrationem suam, quæ tamen non sunt illi per collationem alicuius sacramenti collatæ. Hæc potestas dicitur etiam potestas ordinis, quia nemo potest illam habere, nisi sit in aliquo certo gradu & ordine constitutus. Potestatem iurisdictionis dicit sanctus Thomas esse illam quæ ex simplici iniunctione aut cõmissione hominis confertur, vt est potestas excoꝛmunicandi aut absoluendi ab excoꝛmunicatione, potestas definiendi in causis forensibus. Ioannes de Turrecremata lib. j. de summa ecclesiæ. c. xcvi. dicit hæc iurisdictionis potestatem esse duplicem iuxta duplex forum, videlicet conscientie & causarū. Potestas in foro conscientie est illa quam habet omnis pastor animarum, per quam potest absolvere subditos à peccatis. Potestas in foro exteriori est potestas per quam aliquis in negotiis & causis quæ versantur inter homines habet ius definiendi, & sententiam etiam contra inuitum dicendi. Potestates ordinis variæ sunt, sicut etiam varij sunt ordines quibus competunt. Quædam enim potestates ordinis siue sacramentales solis Episcopis conueniunt, vt sunt: posse ordines conferre, cõfirmare, consecrare

D

**A** secrare ecclesias, aut altaria, aut calices, benedicere sacramentalia reliqua, vt sunt vestes sacerdotales, quæ omnia solus Episcopus potest facere. Aliæ sunt potestates ordinis, quæ omnibus sacerdotibus conueniunt. Potestas siquidem consecrandi Corpus Christi, & potestas absoluendi à peccatis, sunt potestates ordinis, quarum quælibet traditur sacerdoti, in consecratione illius, quando illum ordinat episcopus. Potestatem cõsecrandi confert episcopus quãdo tradito calice dicit. Accipe potestatem offerendi sacrificium Deo, missæq; celebrandi tam pro viuis quàm pro defunctis in nomine domini. Potestatem absoluendi tradit episcopus his verbis. Accipe spiritum sanctum, quorum remiseris peccata remittuntur eis: quorum retinueris retenta sunt. Sed quia per hanc potestatem absoluendi, sacerdos non potest operari, nisi aliquam habeat iurisdictionem, ideo iuxta beati Thomæ sententiam necessario consequens est, vt duæ simul potestates ordinis & iurisdictionis in peccatoris absolutione concurrant, quarum si aliqua desit, nihil prorsus effici valet. Alij tamen has duas ecclesiasticas potestates aliter diuidunt, aliterq; diffiniunt. Nam Alfonso Abulensis in illo lib. quem **B** appellauit defensorium, parte ij. c. lxiij. distinguit has duas potestates, non per hoc, quod vna conferatur per consecrationem, & alia sine consecratione: neque per hoc, quod vna donetur à Deo immediate, alia ab homine: sed per diuersitatem rerum, circa quas exercentur, quæ sunt duæ, videlicet corpus Christi verum, & corpus Christi mysticum. Potestatem ordinis dicit esse illam, quæ est supra corpus Christi verum directe, aut indirecte. Ordinem sacerdotalem dicit directe respicere corpus Christi verum: quia primum, ad quod dirigitur talis ordo, est Eucharistiæ consecratio. Ordo diaconatus, & subdiaconatus, & cæteri ordines minores etiam ordinantur ad Eucharistiam: quia omnes in aliqua re subministrant, vel deseruiunt sacerdoti conficienti, vt manifestum esse potest cuilibet consideranti singulorum ordinum actus, quos describit Isidorus, vt habetur in cap. clericos, & clericos. dist. xxj. Quæ potestas à Christo conceditur sacerdoti per ministerium episcopi ordinatis. Potestas iurisdictionis secundum Abulensis sententiam respicit corpus Christi mysticum, quod iuxta Pauli doctrinam, est Catholica fidelium ecclesia. Et hanc potestatem Abulensis etiam duplicem esse

docet, alteram in foro contentiosa, alterā in foro conscientia, prout nunc proxime ex sententia Ioannis de Turre Cremata, eas diuimus, atque diffiniuimus. Hoc tamen est inter illos discriminis, quod Ioannes de Turre Cremata dicit potestatem iurisdictionis in foro conscientia non conferri sacerdoti per virtutem ordinationis, quando ille ordinatur ab Episcopo: sed conferri postea ab homine, quando Papa, aut episcopus dat illi curam animarum. Ex quo ille deducit simplices sacerdotes, qui nullam prorsus curā animarū tenent, non habere vllam iurisdictionis potestatem. Contrariam huic sententiam tueretur Abulensis, qui docet potestatem iurisdictionis in foro conscientia conferri cuilibet sacerdoti in ordinatione sua, quando ordinatus fuit ab Episcopo. Tunc enim dicit, quod ex conditione ordinis, & institutione Christi, competit cuilibet sacerdoti potestas iurisdictionis in foro conscientia super omnes fideles totius orbis: ecclesia tamen, ob iustam causam, ad tollendum schismata & confusiones, quæ inde oriri poterant, arctauit iurisdictionē istam, distinguendo subditos. Quapropter de simplici sacerdote, qui nullam habet animarum curā, dicit illum habere potestatem iurisdictionis super omnes fideles: esse tamen per ecclesiam talem potestatem, non quidem ablatā, sed ligatam. Quando igitur ordinator, vel ecclesia, aut quicumque prælatus, dat alicui ordinato iurisdictionem in foro conscientia, aut in foro cōtentioso, dicit nihil tunc nouum illi concedi: sed tantum remouere ecclesiam impedimentum, aut tollere ligaturā, qua potestatem illius ligauerat. Sed re vera ego hanc Abulensis sententiam nequaquā probare possum: imō aliquibus vrgentissimis rationibus cogor ab illa discedere. Prima est: quia potestas iurisdictionis est quoddam correlatiuum nomen, quod non ad se solum: sed ad alterum respicit, ad illos, videlicet, super quos est talis potestas. Sunt ergo correlatiua ista duo, potestas iurisdictionis, & subditus, sicut superior & inferior. At correlatiuorum natura, iuxta Arist. doctrinam, talis est vt altero ex illis deficiente, alterum necessario intereat. Vt gratia exempli, mortuo filio necessarium est, vt qui illius antepater erat, iam tūc pater non sit, quia non est ad quem iam possit referri. Ex quo apertissime conuincitur, vt simplex sacerdos, qui nullam habet animarum curā, nullam etiam habeat



**A** habeat potestatem iurisdictionis: quia non habet subditum aliquem, in quem illam exercere possit. Secunda ratio est, quod ista potestas absoluendi à peccatis, non cōfertur sacerdoti ab homine: sed à Deo principaliter, quāvis in tali collatione potestatis Episcopus sit Dei minister, per cuius manus Deus tradit illam potestatem sacerdoti. Et hoc ipsum fatetur Abulensis in cap. 63. Ex quo aperte sequitur ecclesiā non posse tollere à sacerdote hanc potestatem iurisdictionis in foro conscientiae, nec arctare, nec minuere, nec ligare. Quia quod à superiore concessum est, inferior non potest tollere, aut minuere. Ex quo vltra sequeretur simplicem sacerdotem vere posse absolvere quemlibet. Qui licet peccaret absoluēdo: alius tamen vere absolutus maneret. Hoc autem fateri, est contra omnium theologorum doctrinam. Quod autē inde sequatur, probatur manifeste ex illius doctrina. Quia in cap. lxij. simili argumēto probat ecclesiam non posse tollere à sacerdote potestatem conficiendi Eucharistiam: quia videlicet talis potestas non est data sacerdoti ab ecclesia: sed à Deo, qui maior est ecclesia. At beatus Thomas, & qui illius sententiam sequuntur, facile ab his inconuenientibus liberantur. Nam simplex sacerdos, qui curam animarū non habet, etsi habeat potestatem illam absoluendi, quae iuxta illorū sententiā, dicitur potestas ordinis: non tamen habet potestatem iurisdictionis, atque ideo neminem absolvere valet. Tertia ratio, quae me nimium vrget, est quia si cuilibet sacerdoti (vt Abulensis ait) ex institutione Christi cōpetit potestas iurisdictionis in foro conscientiae, & potestas iurisdictionis in foro cōtentioso super omnes fideles totius orbis, sequuntur inde duo maxima, & prius intolerabilia inconuenientia. Primū est, quod ex institutione divina omnes sacerdotes erunt pares in potestate iurisdictionis, & ita Papa non esset ceteris omnibus ex iure diuino: sed solum iure humano superior. Hae autem sententiā tanquam erronea, & haeretica est multorum conciliorum auctoritate damnata. Alterum & non minus inconueniens est: quia si ita res se haberet, cōuinceretur inde apertissime Christū male, atq; pessime ordinasse rēpubl. Christianam, cum in illa tot iudices, ex æquo potētes reliquisset, quorum quilibet æquā super omnes fideles potestatem haberet. Nam, tanta iudicum sine vllō ordine multitudo plus posset (vt re

ipsa manifestissimū est) ecclesiæ obesse, quā pdesse. Hoc  
 autē fateri esset hæresis manifesta: quia scriptura sacra adeo  
 ecclesiæ ordinē commēdat, vt propter illius ordinē eximiū  
 dicat illā esse hostibus formidabilē. *Terribilis* (inquit de  
 Cant. 6 illa) vt castrorū acies ordinata. Quarta ratio est. Omnis po-  
 testas, quæ datur sacerdoti in sua ordinatione, est character  
 sacerdotalis, aut illi characteri sic necessario cōnexa, vt se-  
 parari ab illo non possit: sed character sacerdotalis non est  
 potestas iurisdictionis, sed potestas ordinis: ergo sacerdoti  
 in sua ordinatione nō cōfertur vlla potestas iurisdictionis:  
 sed solū potestas ordinis. Maiorē, & consequentiā nō opor-  
 tet probare: quoniā notæ sunt, minorē tamē ex qua tota ar-  
 gumentationis vis pēdet, sic probō. Potestas iurisdictionis  
 est limitabilis, quæ pōt augeri, & minui, & p̄sus tolli. Cha-  
 racter autē nihil horū habere potest: vt manifestum est ex  
 ipsa ratione characteris: ergo character non est potestas iur-  
 isdictionis. Quinta ratio cōtra Abulensem est ista: Omnis  
 potestas, quæ per aliquā ordinationē sacramentalē confer-  
 tur, est potestas ordinis: sed potestas absoluēdi data sacerdo-  
 ti in sua ordinatione est huiusmodi: ergo illa est potestas or-  
 dinis & nō iurisdictionis. Cōsequentiā, & minor sunt per se  
 notæ, maior autē probatur: quia nō ob aliud dicitur pote-  
 stas ordinis: nisi quia per ordinis collationē cōfertur. Præ-  
 terea talis potestas absoluēdi à peccatis, quæ traditur sacer-  
 doti in sua consecratione, ordinatur ad sacramenti admini-  
 strationē: ergo potius dicēda est potestas sacramentalis, quā  
 p̄tās iurisdictionis. Vltima ratio, quæ (mea quidē inīa) vehe-  
 menter Abulēsem cōstringit, est q̄ omniū theologorū con-  
 sensu receptū est, ad absolutionē sacramentalē faciendam  
 requiri potestātē ordinis ita q̄ sola potestas iurisdictionis  
 sine p̄tate ordinis nō sufficeret ad hoc, vt quis posset aliū à  
 peccatis absolvere: sicut manifestū est in illo, qui habet curā  
 animarū, & nō est sacerdos. Ille enim etsi habeat potestātē  
 iurisdictionis: quia tñ caret p̄tate ordinis neminē absolvere  
 pōt. Nulla autē alia p̄tās ordinis requiritur: nisi potestas ab-  
 soluendi: ergo illa nō est dicēda potestas iurisdictionis: sed  
 potestas ordinis. Et (vt hominē fortius cōstringamus) sta-  
 tuamus id euenisse, qđ facillime euenire pōt, vt videlicet  
 ep̄s ordinans in sacerdotē talem curatū, aut episcopū, post-  
 quam illi dedit potestātē supra corpus Christi verū, statim  
 moria

**A** moriatur, antequam tradat eidem sacerdoti potestatem super corpus Christi mysticum. In hoc euentu, nullus sanæ mentis dicet talem sacerdotem posse à peccatis absoluerè. Quid igitur deest? Non quidem potestas iurisdictionis: quia illam habet ratione curæ sibi commissæ: deest ergo potestas ordinis: sed non deest potestas ordinis supra corpus Christi verum: quia illa iam data fuit ab Episcopo, antequam ille interiret: ergo deest potestas ordinis supra corpus Christi mysticum, quæ non est alia nisi potestas absoluerendi à peccatis. Ex quo apertissime colligitur talem potestatem non esse potestatem iurisdictionis: sed ordinis: & inde per consequens sequitur non omnem potestatem, quæ est supra corpus Christi mysticum, esse censendam potestatem iurisdictionis. Propter has rationes, quæ mihi vrgētissimè videntur, censeo has duas ecclesiæ potestates, ordinis videlicet, & iurisdictionis, non esse eo modo distinguendas, neque diffiniendas, sicut Alfonsus Abulensem illas distinxisse diximus. Beatū igitur Thomā in hac parte imitatus, dico has duas potestates distingui per hoc quod potestas ordinis, siue ut (sanctus Tho. ait) sacramentalis cōfertur per collationē alicuius ordinis ecclesiastici, siue illa sit supra corpus Christi verū, siue supra corpus mysticū. Potestas iurisdictionis est illa, quæ supra alios datur per iniunctionē, aut commissionē alicuius hominis. De his igitur potestatibus differere oportet, an qui illas habet: si fiat hæreticus, statim eas amittat. In hoc ca. de sola potestate ordinis differimus: & proximè c. de potestate iurisdictionis inquiremus. Potestates ordinis, iuxta ordinū varietatē, varias esse diximus: quarū aliquæ omnibus cōpetunt sacerdotibus, aliquæ solis episcopis cōueniunt. Primo igitur de potestate sacerdotali, mox vero de episcopali ordinis potestate disputabimus. De sacerdotali ordinis potestate Petrus Lōbardus, qui magister sententiarū dicitur, li. iij. dist. xij. docet illā potestatem, quæ est supra corpus christi verū, non manere in eo, qui factus est hæreticus, neq; in eo, qui est excōmunicatus. Et, ut illius mentē quisq; facilius agnoscat, verba illius citabo, quæ loco præfato de hac re ait. Illi vero (inquit ille) qui excōmunicati sunt, vel de hæresi manifeste notati, non videtur hoc sacramentū posse conficere, licet sacerdotes sint: quia nemo dicit in ipsa consecratione, offero, sed, offerimus, quasi ex

*Petrus  
Lombardus.*

persona ecclesiæ. Et ideo cum alia sacramenta extra eccle- C  
 siam possint celebrari, de hoc nō videtur. Hęc magister sen-  
 tētiarum. Idem etiā mihi videtur sensisse Gratianus. Nam  
 xxiiij. q. j. secūda parte quæstionis, quæ post c. Audiui-  
 mus, incip. ibi. Sinautē ex corde suo nouū hēresim &c. Hęc ver-  
 ba dicit Gratianus. Quicunq; ergo ab vnitāte ecclesię, quæ  
 per Petrum intelligitur, fuerit alienus, execrare potest, con-  
 secrare non valet: excommunicationis, vel reconciliationis  
 potestatem non habet. Hęc ille. Cuius errorem Glossa ibi  
 aperte agnoscens illū corrigere decreuit. Nam in verbo il-  
 lo, non valet. Hęc ait in glossa. cōficit tamen etiā extra ec-  
 clesiam si formam obseruet: quia hoc ordinis est, quem re-  
 tinet recedens ab vnitāte ecclesię j. q. j. quod quidā. Sed non  
 potest excōmunicare: quia hoc iurisdictionis est quā amit-  
 tit, qui recedit, vt j. q. j. remissionē. Hęc in glossa. Sed idem  
 Glossator in ca. Accedens. dist. 50. de sacerdote degradato,  
 sentit oppositum dicens, quod non credit illum conficere:  
 quia (vt ait) perdit omnem potestātē. Et certe miror, quod  
 viri tam docti, & tam boni in tam manifestum inciderint  
 errorem. Sed cōmuni prouerbio dicitur, quādoque bonus  
 dormitat Homerus. Falstas huius doctrinę inde apertissi-  
 me conuincitur, quod potestas consecrandi nō est aliud: ni- D  
 si character sacerdotalis, qui imprimitur sacerdoti à Deo,  
 cum illū ordinat episcopus, & dicit: Accipe potestātē offer-  
 re sacrificiū Deo: Missāque celebrādi tam pro viuīs, quā  
 pro defunctis &c. Quibus verbis finitis, Deus in anima sa-  
 cerdotis imprimit characterem, & sacerdos per illum cha-  
 racterem accipit à Deo potestātē cōsecrādi Eucharistiam:  
 Quo fit, vt tandiu duret in sacerdote potestas conficiendi  
 Eucharistiā, quandiu durauerat in eo sacerdotalis chara-  
 cter. At talis character cum à solo Deo imprimatur, solus  
 Deus illum ab anima delere potest. Consequens igitur  
 est, vt etiam potestas consecrandi, non possit per quoduis  
 crimen quantumlibet graue, tolli à sacerdote, etiam si ille  
 sit degradatus. Nam per talem degradationem, licet eccle-  
 sia auferat à sacerdote ordinis executionem, ita vt non pos-  
 sit sine peccato Eucharistiam conficere, non tamen ab il-  
 lo aufertur, nec auferre potest ordinis potestatem, vt etiam  
 attentans cōficere non possit. Præterea ecclesia non dat sa-  
 cerdoti potestatem consecrandi: sed solus Deus: quoniam  
 pote



**A** potestas illa cum sit tā magna, & tam excellēs vt omnium angelorum nedum hominum potestatem exuperet, nō potest nisi à Deo conferri, quamuis ad illius ordinis collationem episcopus se habeat, vt minister, aliqua circa sacerdotem exercens, sine quibus Deus nunquam talem sacerdoti cōcedit potestatem. Necēssarium igitur est, vt ecclesia non possit auferre à sacerdote potestatem consecrandi, quam constat solum Deum illi dedisse. Inferior siquidem nō potest superioris donationem reuocare, aut irritum facere, quidquid superior fecerit. Rursum si doctrina magistri sententiarum vera esset, sequeretur inde sacerdotē, qui ab hæresi, in quam lapsus fuerat resipiscat, esse iterū ordinandum vt corpus christi in Eucharistia cōficere possit. Hoc autem fateri esset nimis erroneum, & contra vniuersalis ecclesiæ definitionem. Nam conciliū Florentinum, tradens Armenis certissimam fidei regulam, quam tenere deberent, de sacramentis ecclesiæ differens, hæc ait: Inter hæc sacramenta tria sunt baptisumus, confirmatio, & ordo, quæ characterem, id est, spirituale quoddam signum à cæteris distinctiuum, imprimūt in anima indelebile. Vnde in eadem persona non reiterantur. Reliqua vero quatuor characterem non imprimunt, & reiterationem admittunt. Hæc concilium Flor. In quibus verbis duo maxime aduertere oportet. Quæ duo proxime adducta argumenta fortissime confirmant. Primum est, quod ait: Characterem esse indelebilem, & hoc deseruit superiori argumento. Alterū est, cum ait: Sacramentum ordinis esse connumerandum inter illa sacramenta, quæ reiterationē non admittunt. Dicimus ergo iuxta totius catholicæ ecclesiæ sententiam, sacerdotem omnem recte ordinatū, etiam si hæreticus fiat, & degradatus sit, posse Eucharistiam cōficere, quāuis hoc faciēdo peccet. Vnde Au. lib. ij. contra Parmenianum ait: Illi qui intra ecclesiam constituti, receperunt potestatem consecrādi eucharistiam in ordinatione sacerdotis, recte quidem habent potestatem: sed non recte ea vtuntur, si postmodum per hæresim, aut schisma, vel excommunicationē ab ecclesia separentur. Hæc Aug. Forte cōtra ista, quis nobis obiiciet illud cap. Degradatio. quod habetur in ti. de pœnis. lib. vj. In illo enim capi. decernitur, vt episcopus sacerdotem degradans, vtatur hac forma: Authoritate Dei omnipotentis pa-

*Cōcilium  
Florent.*

*Aug.*

tris, ac filij, & spiritus sancti, ac nostra, tibi auferimus habi-  
 tū clericalē, & deponimus, degradamus, spoliamus, & exui-  
 mus te omni ordine, beneficio, & priuilegio clericali. Ex  
 quibus verbis videtur colligi, degradatū nullam habere or-  
 dinis potestatem, & per cōsequens priuatū esse charactere sa-  
 cerdotali. Alioqui forma degradationis salutatem cōtineret,  
 cum dicat: Exuimus te omni ordine. Et glossa in illo ca. di-  
 cit, inde sumi argumentū cōtra eos, qui dicunt degradatum  
 posse conficere. Sed re vera Glossator ille deceptus est, nec  
 vim illorū verborum plene intellexit. Nam per illa verba  
 intelligit Papa degradatū esse priuatū, & spoliatum execu-  
 tione ordinis, non autem potestate ordinis. Quoniam hac  
 priuari non posset, cū sit character indelebilis. Et huic no-  
 strę expositioni fauet Cardinalis, qui in cap. Accedens, dist.  
 50. dicit, quod ubicūq; in iure habetur, quod depositus, seu  
 degradatus amittit, vel nō habet ordinē, intelligēdū est de  
 executione & priuilegio ordinis. Eandē sententiā docet do-  
 minus Adrianus Papa in iiij. sen. in quęstione de confirma-  
 tione arg. iij. Et sic est necessario dicendū, ne dicamus Papā  
 definiēdo errasse. De potestate autem absoluēdi à peccatis,  
 non potest certa aliqua sine distinctione dari sententia: sed  
 iuxta varietatē potestatis, varia etiā dabitur definitio. Nā  
 (vt in principio huius c. diximus) duplex est potestas absol-  
 uēdi à peccatis. Vna dicitur potestas ordinis, & hac est cha-  
 racter sacerdotalis, siue alius à priori, siue ille idē maior ef-  
 fectus, parū refert ad pręsentē disputationē. Et hęc potestas  
 traditur à Deo sacerdoti, quādo episcopus cōferans illū, di-  
 cit: Accipe spiritum sanctū, quorū remiseras peccata, remit-  
 tūtur eis, quorum tetinueris retēta sunt. Altera est potestas  
 absoluēdi à peccatis, quę dicitur potestas iurisdictionis in  
 foro cōscientię. Hęc nō traditur in cōsecratione sacerdotis:  
 sed postea quādo illi datur cura animarum, neq; traditur à  
 Deo immediate: sed ab homine, qui illi cōmittit animarū  
 curā. Harū duarū nulla sine altera potest( vt ante diximus)  
 exercere actū absolutionis peccatorum: sed ambę sunt ne-  
 cessario requisitę. Nā sacerdos qui nullā habet animarum  
 curam, neq; ordinariā, neq; legatam (extremę necessitatis  
 casu excepto) neminem absoluere potest. Eccontrario qui cu-  
 ram animarū habet, & sacerdos non est, neminē etiā absol-  
 uere potest. Sacerdos igitur, qui hęreticus effectus est: pote-  
 statem

**A** statē iurisdictionis amittere potest: quoniā, cum illā (vt dixi-  
mus) ab homine accipiat, etiā homo, qui dedit, aut alius su-  
perior illā tollere poterit. Ad potestatē absoluēdi, quæ dici-  
tur ordinis, aut sacramēntalis, sicut nō dedit sacerdoti homo  
ita nec potest ab illo tollere aliquis homo. Est enim hæc po-  
testas etiā indelebilis ab anima, quemadmodū potestas cō-  
ficiēdi Eucharistiam: quia vtrāq; illarū nihil aliud esse cen-  
setur, quā character sacerdotalis à Deo in anima sacer-  
dotis impressus. Ex quo apertissime colligitur sacerdotem  
hæreticū, si curā animarū, quam ante habebat, ecclesia illi  
non subtraheret, posse subditos suos à peccatis eorū absol-  
uere: quia ad id faciendū, vtrāque retineret potestatē ordi-  
nis, & iurisdictionis. Nunc autē quia ecclesia hæreticos om-  
ni beneficio priuat: ideo licet illi habeāt potestatē ordi-  
nis, postquā tamē sunt priuati, absolvere non possunt: quia  
carēt potestate iurisdictionis. Tota igitur hæc nostra dispu-  
tatio duabus certissimis regulis potest comprehendī. Prima  
regula. Sacerdos hæretic⁹ effectus nō amittit neq; amittere  
potest vllā ordinis potestatē: quia illa est indelebilis, & à  
solo Deo datur. Secūda regula. Sacerdos hæreticus effectus  
amittere potest iurisdictionis potestatē: quia illā non acce-  
pit in cōsecratione: sed postea ex hominis commissione. Et  
quia istarum duarū potestatū differentiā, non bene consy-  
derarūt magister sententiarū & Gratianus, decepti sunt pu-  
tantes idē prorsus de vtrāq; illarum esse dicendū, quod ta-  
men non ita dicendū esse facillime agnoscerūt: si bene con-  
siderassent, latū esse inter illas duas potestates discrimen,  
variāsq; esse illarū duarū potestatum cōditiones. Sed opus  
est iam, vt videamus quid magister sententiarum pro suæ  
sententiæ cōfirmatione afferat. Non enim gratis, & sine vl-  
lā ratione, quamuis fallaci: id tantus vir vnquā dixisse pu-  
tandus est. Sacerdos cōsecrans (inquit ille) in persona eccle-  
siæ hoc agit, & non sua: quia cum hostiam offert non dicit,  
offerro: sed dicit, offerimus. At qui extra ecclesiam est, non  
potest aliquid nomine ecclesiæ facere. Hæreticus igitur, aut  
excommunicatus cum sit ab ecclesia separatus, non pote-  
rit nomine ecclesiæ consecrare. Hæc ratio certe debilis-  
sima est, & quā facillime quivis homo vel mediocriter  
doctus, nedum magister sententiarū reiicere posset, si bene  
considerasset latam esse differentiā inter consecrationem  
Eucha

Eucharistiæ, & orationes, quæ illam in canone missæ præcedunt, aut sequuntur. Orationes illas sacerdos dicit in nomine ecclesiæ, in cuius vnitatem consistit, tanquā membrum illius. In consecratione autem, quando conficit Eucharistiam, nō in persona ecclesiæ: sed in persona Christi loquitur: Cuius vicem gerit per ordinis potestatem. Quod autem in persona Christi loquatur ipse verborum contextus, qui proxime verba consecrationis præcedit apertissime ostendit. Nam sacerdos iam consecrare paratus, de Christo saluatore nostro loquens hæc, quæ sequuntur, ait: Qui pridie quā pateretur accipiens panem in sanctas, ac venerabiles manus suas, & eleuatis oculis in cælum ad te Deum patrem omnipotentem tibi gratias agens, benedixit, fregit, deditque discipulis suis dicens: Accipite, & comedite ex eo omnes. Hoc est enim corpus meum. Ex quo verborum contextu apertissime constat, sacerdotem in sola Christi persona verba consecrationis proferre, & nō in persona propria. Sacerdos igitur excommunicatus, aut hæreticus, aut aliās quomodolibet ab ecclesiæ vnitatem præcisus, si Missam celebret: quia potestatem ordinis indelebilem tenet, vere conficit corpus, & sanguinem domini: quia tamen est ab ecclesiæ vnitatem separatus, orationes eius, quas nomine ecclesiæ offert, nullam prorsus habent virtutem, nullūque meritum, ita vt nec ipsi hæretico, nec illis, pro quibus dicuntur, proficere possint.

*An episcopus factus hæreticus, eo ipso amittat potestatem ordinis Episcopalis.*

CAP. XXII.

**D**iximus in præcedenti c. varias esse ordinis potestates, quarum aliquæ omnibus cōperunt sacerdotibus: & de istis tunc disseruimus, an propter hæresim amitterentur. Aliæ solis Episcopis cōueniunt, & de istis nunc inquirendū est, an Episcopus effectus hæreticus, eo ipso omnes illas amittat, vel amittere possit. Vt autē huius quæstionis difficultatē plene absoluamus, opus est primo aliā quæstionem discutere, ex qua (vt opinor) tota huius quæstionis difficultas penderet. Quærendū igitur est: an Papa, aut generale conciliū possit ab Episcopo auferre eā ordinis potestatem, quæ illi per ordinationem concessa est. Nam si ecclesiā hoc face



**A**re potest, credendum est illam, iam talem potestatem hæreticis abstulisse; quia cum illos summo, & iustissimo persequatur odio, pie credendum est abstulisse ab illis quidquid potuit auferre. Si autem ecclesia nō potest hāc ordinis potestatem auferre ab Episcopo, inde luce clarius cōstare poterit, Episcopum nō amittere talem potestatem, etiam si hæreticus fiat, præsertim cum constet illam non esse iure diuino, propter hæresim ab Episcopo ablatam. Dominus Innocentius in c. Quanto, de consuetudine, dicit fuisse quorundam opinionem dicentium Papam posse hoc Episcopis prohibere, ut non administrent sacramentum ordinis, aut cōfirmationis: qua prohibitione facta, si Episcopus talia sacramenta conficere tentaret, nihil illum facere dicunt. Quia licet Papa nō possit tollere sacramentū baptismi, vel alia necessaria, potest tamē (ut isti dicūt) circa illa disponere, vel dando formam, vel disponēdo de personis, à quibus, & quibus sint cōferenda, ut notatur in c. j. de baptismo. Nam Papæ secundum istos est obediēdum in omnibus spiritualibus, in concernentibus periculum animæ: nisi illa reperiātur expresse interdicta, vel sint contra fidem. Postquam istorum opinionem retulit Innocentius, neq; illam absolutē probat, neq; etiā in vniuersum reprehendit: sed quadam distinctione prius data, dicit quod aut Papa facit legem, per quam tollit hanc potestatem Episcopis, & tunc dicit Episcopum nihil prorsus agere cōferendo tale sacramentū cōtra prohibitionem: aut simpliciter Papa prohibet Episcopis ne faciant, & talis simplex prohibitio (ut ait) non impediret impressionē characteris. Panormit. in eodem c. quanto, refert hanc Innocentij opinionem, & dicit optimam esse illius sententiam, tantum abest, ut illā reprehendat. Alexander de Ales in quarta parte, q. xxxv, membro vj. dicit etiam hanc fuisse aliquorum sententiam, illam tamen alia longē diuersissima nota signauit, asserens illam esse falsam, & erroneam. Nec solus Alexander Alensis: sed omnes scholastici theologi, qui de hac re tractant, illam apertissime damnant. Quorū sententia ego subscribens illam Innocentij, & Panormit. opinionem non solum falsam: sed hæreticam esse censeo. Nec tamen ob hoc existimo illos esse hæreticos dicendos; quia non puto eos tam pertinaci animositate ita sensisse, ut contra catholicæ ecclesiæ doctrinam, suam opinionem tueri voluissent.

luissent: Imò cōtra firmissime credo illos, si fuissent de hac  
 re (vt decebat) admoniti, statim suam sentētiā reuocasse.  
 Deinde res ipsa non est de illis primis fidei principiis, in  
 quibus fas non est Christiano viro aliquid ignorare: neque  
 res est per se tam aperta, vt non possit per ignorantiam ex-  
 cusari, præsertim cum illa magis ad theologorum, quàm  
 ad canonistarum examen pertineat. Vt autem nos certam,  
 & indubitatam de hac re ostendamus sententiam, aliqua  
 prius admonere oportet, quæ ad rei claritatem ostenden-  
 dam multum iuuare possunt. Primum quidem considerare  
 oportet, quòd ( vt Augustinus lib. secundo contra Parme-  
 nianum ait) aliud est aliquid omnino nō habere: aliud au-  
 tem non recte habere: & similiter etiam aliud est nō dare,  
 & aliud non recte dare. Considerare etiā oportet varias esse  
 in Episcopo sui ordinis potestates, quæ omnes nō sunt equa-  
 lance pensandæ. Habet siquidem Episcopus potestatem circa  
 aliquorum sacramentorū collationē, vt sunt ordo, & confir-  
 matio, quæ à solis Episcopis cōferri possunt. Habet etiā po-  
 testatem ex ordine suo ad benedicendū, & consecrandum  
 alia, quæ nō sacramenta: sed sacramēta dicuntur, vt sunt,  
 ecclesiæ, calices, vestimēta, & cætera, quæ à solis Episcopis  
 cōsecrantur, & benedicuntur. Hæc omnia, & alia similia di-  
 cuntur sacramēta: quia omnia illa ordinātur ad alicuius  
 sacramenti consecrationē, vel illius administrationē. Nam  
 consecratio, aut benedictio ecclesiæ, consecratio calicis, be-  
 nedictio vestimentorum, aliāq; id genus multa, ad conse-  
 crationem Eucharistiæ cum debita deuotione, & reueren-  
 tiam faciendam ordinantur. Chrismatis cōsecratio, ad sa-  
 cramentorum baptismi, & confirmationis, & extremæ vn-  
 ctionis collationem diriguntur. Possunt etiā hæc omnia, &  
 alia huiusmodi ob aliā rationē dici sacramentalia: quia vi-  
 delicet aliquam habent cum sacramentis similitudinem.  
 Nam sacramentis omnibus Deus hanc cōtulit potestatem,  
 vt gratiā digne recipientibus conferant. Et omnia illa, quæ  
 sacramēta dicuntur, & si nō tanta sint potestate à Deo do-  
 nata, vt sumētibus illam gratiā conferre valeant, est tamen  
 omnibus illis postquā sunt ab ecclesiā cōsecrata, aut bene-  
 dicta, particularis quædā à Deo virtus concessa, ad aliquid  
 in deuote recipiente efficiendū, quod seclusa benedictione  
 nō effectissent: vt aqua benedicta, aut cineres benedicti, aut  
 cand

**A** candelæ, aut rami, aut campanæ. Quorum omnium benedictio non est (vt impij Valdenses censuerunt) inanis putanda, & velut talis ridenda: sed iuxta totius catholicæ ecclesiæ doctrinam, aliquam rebus illis omnibus Deus propter ecclesiæ benedictiones, particulare concedit virtutem, quam illæ seclusa benedictione non haberent. De qua re olim me dixisse recolo in opere illo quod aduersus omnes hæreses edidi, in titulo, aqua, hæresi secunda, & in titulo, Exorcismus. His igitur habitis considerationibus, aliquas suo ordine proponam conclusiones, ex quibus quidquid ad hanc rem attinet, facillime intelligi potest. Prima conclusio, Papa nō potest tollere ab Episcopo potestatem cōferendi illa sacramenta, quæ sunt Episcopis reseruata, vt sunt confirmatio & ordo, ita vt illorū sacramentorum collationem irritam & inanem, Papa facere possit. Hanc conclusionem plurimis euidentissimisque rationibus probare oportet, vt inde apertissime constet falsam & hæreticam esse Innocentij & Panormitani opinionem. Primo quidem hæc nostra conclusio inde conuincitur esse vera, quod potestas quam circa confirmationis & ordinis sacramentorum collationem Episcopus habet, est illi iure diuino, & à Deo concessa: ex quo euidentissime colligitur, Papam non posse illam ab Episcopo auferre: quoniam inferior non potest ab aliquo tollere, quod illi fuerit à superiore concessum. Assumptum huius argumentationis, ex quo tota illius vis pender, multiplici ratione probare volo. Nam si semel ostenderim potestatem illam esse à Deo Episcopo concessam, non est quod quis deinceps putare possit Papam posse illam ab Episcopo auferre. Hæc enim vna est ex præcipuis rationibus, quibus Theologi conuincunt potestatem consecrandi non posse à sacerdote quamuis degradato, auferri: quia cum illam à Deo & non ab hominibus acceperit, consequens est, vt nullus homo illam à sacerdote tollere possit. Quod autem talis potestas præsertim circa ordinis collationem sit à solo Deo Episcopis concessa, inde primo probatur, quod potestas conficiendi Eucharistiam etiam ministerialiter superat totius Ecclesiæ propriam atque natiuam virtutem, quia nisi Deus hanc dedisset sacerdotibus potestatem, vt tanquam ministri possent Eucharistiam conficere, tota Ecclesiā non posset  
illam



illam alicui tradere sacerdoti. Ex quo apertè conuincitur, C  
 vt potestas quam habet Episcopus ad conferendum sacer-  
 dotibus hanc in illorum ordinationibus potestatem, su-  
 peret etiam totam ecclesiæ virtutem & potestatem. Vnde  
 necessario consequitur, vt talem potestatem Episcopus  
 non ab homine, qui dare non potuit, sed à solo Deo ac-  
 ceperit. Nam alioqui si potestas consecrandi sacerdotem  
 posset ab homine iure diuino secluso, alicui dari, inde  
 apertissime sequeretur, vt potestas conficiendi Eucharis-  
 tiam, quæ per illam priorem potestatem sacerdoti con-  
 fertur, posset etiam secluso iure diuino alicui dari. Cer-  
 tum enim est, quòd si ego virtute humana (non secluso  
 generalem Dei concursum) possum Petrum in aliquo ordi-  
 ne & dignitate constituere, quidquid per illum ordi-  
 nem & dignitatem Petrus fecerit, erit humana virtute  
 factibile. Vulgata siquidem est philosophorum regula,  
 quæ ait. Quidquid est causa causæ, est causa causati. Si  
 vero Petrus per talem ordinem, & dignitatem aliquid  
 fecerit quod humana virtute effici non potest, euidentis-  
 sime inde sequitur, vt nullus humana virtute possit Pe-  
 trum in tali ordine & dignitate constituere. Cum ergo po-  
 testas sacerdotis superet omnem humanam virtutem, ne-  
 cessario consequens est, vt potestas efficiendi sacerdotes  
 quam habet Episcopus, superet etiam omnem humanam  
 virtutem. Quod ergo homo non potest Episcopo dare non  
 potest etiam ab Episcopo auferre. Et sicut Papa non po-  
 test à sacerdote tollere potestatem consecrandi, ita nec ab  
 Episcopo potestatem ordinandi: quia vtrunq; humanam su-  
 perat virtutem. Secundo probatur illud superius assumptum,  
 videlicet, quòd potestas ordinis circa collationem sacramen-  
 torum, quæ est in Episcopis, cõpetat illis iure diuino. Quo-  
 niam nisi hoc ita esset, sequeretur inde Episcopos solo iure  
 humano esse aliis sacerdotibus superiores, quo fieret, vt ex  
 diuina sola institutione, Episcopi nullam maiorem potestatem  
 haberent quàm alij sacerdotes. Nihil enim aliud habet Epi-  
 scopus quod nõ possit habere alius sacerdos, nisi ordinis &  
 cõfirmationis sacramentorum collationem. Sed si hæc potestas  
 solo iure humano & nõ diuino cõpetit Episcopis, euidentis-  
 sime sequitur inde, nihil cõpetere ex iure diuino Episcopis,  
 quod aliis sacerdotibus non conueniat. Hoc autè fateri est  
 hæresis



**A** hæresis Aerij, quam Augustinus in libro de hæresibus, cap. liij. nomine hæresis condemnat. Et beatus Epiphanius in libro octoginta hæresum, hære si septuagesimaquinta de Aerio, disserens hanc inter illius hæreses cōnumerat. Et nos in illo opere quod aduersus omnes hæreses edidimus, in tit. Episcopus, multis, euidentissimisq; rationibus probauimus talem sententiā esse hæreticā. Tertio adhuc probatur antecedens illud superius in prima argumentatione assumptū. Si potestas quam Episcopus habet circa ordinis & confirmationis collationem, non est ex iure diuino, sed ex solo iure humano illi concessa, sequitur quod etiam Papa poterit talem potestatem aliis sacerdotibus conferre. Quoniam si solo iure humano illi concessum est, sicut de Episcopis statuit ecclesia, ita de sacerdotibus statuere posset, vt illi etiam alios in sacerdotes ordinare possent. Verum hoc fateri Pannormitanus nullum putat esse inconueniens, quoniam in loco præfato sponte & nullo argumento coactus, dicit Papam posse delegare hanc potestatem cuilibet sacerdoti, vt ordines conferat. Si de minoribus ordinibus qui sacri non censentur, ille loqueretur, ego illi non contradicerem, vt postea apertius declarabo. Sed quia de omni ordine absolute loquitur, ideo non possum ab illo non discedere cum illius sententia sit manifeste erronea. Nam si hoc ecclesia potest, sequitur inde Ecclesiam posse sacerdotes omnes pares facere Episcopis, quia poterit sacerdotibus dare ordinandi, & per consequens confirmādi potestatem, qua data erunt per omnia pares. Nam beatus Hieronymus in epistola ad Euagriū, ait: Quid facit, excepta ordinatione, Episcopus, quod presbyter non faciat? Hæc ille. Si hoc solo Episcopus reliquos sacerdotes excedit, consequens est, vt data sacerdotibus illa potestate, sint illi Episcopis pares. At sicut nunc proxime diximus, ex catholica fide docemur, Episcopos ex iure diuino esse reliquis sacerdotibus superiores: ergo ex catholica fide credere tenemur Papam non posse sacerdotibus delegare potestatem, ordines, præsertim sacerdotium conferendi. Præterea, Paulus in ea quæ ad Hebræos est epistola, ait: Sine vlla contradictione, quod minus est, à meliore benedicitur. Maior ergo est episcopus qui sacerdotem benedicit & consecrat, quàm sacerdos qui ab illo consecratur. Quo fit vt sacerdos à solo sacerdote effici nō possit, quia illi sunt

*Hier.**Hebr. 7*

inter se pares. Rursum concilium Florentinum reddens Armenis certissimam fidei regulam, quam illos sequi oportebat, cum de sacramento ordinis differit, dicit verum illius ministrum esse episcopum, ergo ecclesia non potest alium ministrum instituere, & per consequens non poterit Papa hoc alij sacerdoti delegare. Quia sicut non potest aliam materiam aut formam ab illa quam Christus instituit in sacramentis instituere, ita nec potest alium ministrum instituere quam Christus instituit. Potestas ergo quam episcopus circa sacramentorum collationem habet, est illi & non alteri iure diuino concessa, & ita nec ab illo per ecclesiam auferibilis nec alicui alteri donabilis. Ex quo deducitur aperta responsio ad id, quod fuerat in hoc cap. primo, quaesitum, videlicet, an episcopus haereticus effectus amittat potestatem ordinis episcopalis. Cui questioni nos respondemus, episcopum, quamuis haereticus sit, aut degradatus, nunquam talem amittere potestatem. Quoniam talis potestas datur illi à Deo & non ab homine: datur etiam per suam consecrationem, quando ille consecratur. Omnis autem potestas ordinis siue sacramentalis (vt supra ex beato Thoma docuimus) quoniam datur per consecrationem, est indelebilis sicut & ipsa consecratio est indelebilis. Præterea ecclesia non consuevit episcopos haereticos si resipiscant iterum consecrare: sed semper illos in sua dignitate recepit, vt patet ex actis septimæ synodi, quæ fuit secunda Nicæna, in qua multi episcopi, qui ab ecclesia propter hæresim decesserant, postquam resipuerunt, misericordiam petentes fuerunt in suis gradibus & honoribus sine noua ordinatione recepti, sicut habetur in cap. conuenientibus. j. quæst. vij. Si tamen episcopalem ordinem per hæresim amitterent, oporteret eos cum ad ecclesiam redirent, iterum consecrare. Rursum, ordinatos ab episcopis haereticis qui veram ecclesiæ formam in ordinatione seruauerant, ecclesia præcipit vt non iterum ordinarentur, sed in suis persisterent gradibus: vt clarissime habetur in cap. ordinationes. ix. q. j. Et expressius hoc definitum fuit in septima generali synodo, cuius definitio habetur in cap. conuenientibus. j. q. vij. Non enim hoc censeret ecclesia, nisi illa sensisset episcopum quamuis obstinatissimus fiat hereticus, suam semper retinere ordinis potestatem. Quia licet ritus ille consecrationis quo episcopus consecratur, sit

iure

**A** iure humano institutus, tamen potestas quę episcopo in illa consecratione datur, à Deo solo & non ab homine illi donatur. Demũ, hoc probatur testimonio beati August. qui lib. ij. contra Parmenianum de hac re disputans, sic ait. Nam si ex ipsa parte venientes, etiam prępositi qui pro bono pacis, correcto schismaticorum errore, suscepti sunt, etsi visum est opus esse vt eadem officia gererent quę agebant, non sunt tamen rursus ordinandi: sed sicut baptismus in eis, ita ordinatio mansit integra: quia in præcisione fuerat vitiũ, quod vnitate pacis est correctum: non in sacramentis quę vbicunque sunt, vera sunt: & cum ipsi expedire videtur ecclesię, vt prępositi earum venientes ad catholicam societatem, honores suos ibi non administrent, non eis tamen ipsa ordinationis sacramenta detrahuntur, sed manent etiam super eos: Ideoq; non eis in populo manus imponitur, ne nõ homini, sed ipsi sacramento fiat iniuria. Hęc Augustinus. Et citantur à Gratiano in cap. Quod quiddam. j. q. j. Forte contra ista quis mihi obiiciet capitulum illud, Daibertum, quod habetur. j. q. vij. in quo Vrbanus Papa dicit, Daibertum à Nezelone hæretico episcopo ordinatum, nihil recepisse, sed esse iterum ordinatum. Et rationem reddens idem Papa ait. Quia qui nihil habuit, nihil dare potuit ei cui manus imposuit. Hęc Vrbanus. Vnde aperte sequitur quod episcopus ille Nezelon factus hæreticus, amiserat episcopalis ordinis potestatem. Huic argumento responder ibi glossa in principio capituli, hoc ideo Papam decreuisse, quia Daibertus ille non fuerat in forma ecclesię baptizatus, & ideo merito censuit illum nihil recepisse, esseq; iterum ordinandum. Per hanc responsionem licet glossa satisfacere videatur pro reiteratione ordinationis, non tamen satisfacit verbis illis, in quibus Papa reddit rationem illius reiterationis, sic inquit. Quia qui nihil habuit, nihil dare potuit ei cui manus imposuit. Ex quibus verbis cõstat Papam sentire Nezelonem episcopum hæreticum non habere potestatem conferendi ordines. Quapropter dico Nezelonem illum hæreticum nunquam fuisse episcopum, quia ab alio episcopo hæretico extra formam ecclesię fuerat cõsecratus. Et ita rē cõtigisse, narrat quisquis ille fuit, qui eatum illius capituli ante verba glossatoris descripsit. Quo euentu, cõstat Nezelonem illum nihil ab alio episcopo recepisse: ac proinde nihil habere quod Daiberto

August.

conferre potuisset. Secunda conclusio. Papa potest prohibere episcopis executionem ordinis episcopalis circa sacramenta: siue hoc faciat particulari prohibitione, siue generali lege omnibus episcopis prohibens, ne ordines faciant, aut confirmationis sacramentum administrent. Qua facta prohibitione episcopus contra illam prohibitionem ordinans aut confirmans, peccaret sic faciendo, quamuis ea quæ fecerit, sint pro ratis habenda, nec oporteat illa iterum facere. Ad huius cõclusionis probationem valere potest ratio illa, quam supra ex Innocentio & Panormitano adduximus pro suæ opinionis confirmatione, quæ huic proposito valde seruire potest, cum tamen pro alio nihil efficiat. Papæ obediendum est in omnibus quæ non sunt contra fidem & legem Dei: episcopo esse interdictam executionem ordinis episcopalis, non est contra fidem, neque contra Dei leges. Quia licet de iure diuino sit (vt diximus) quod episcopus recte ordinatus, habeat semper illam ordinis episcopalis potestatem, non tamen est de iure diuino quod illam potestatem semper exerceat. Quo fit vt possit illi per superiorem prohiberi, ne illam exequatur. Ad probationem opinionis Innocentij & Panormitani, non potest hæc argumentatio vlllo modo iuuare. Quia episcopum conseruare potestatem ordinis semel acceptam, est fide catholica tenendum, cum sit illi à Deo concessum: quapropter præceptum Papæ nihil in ea re efficere valet. Exercere autem semper potestatem illam, non est diuino iure mandatum, & ideo circa illud, quidquid voluerit Papa efficere poterit. Deinde, non est in potestate episcopi situm, habere vel non habere potestatem ordinis episcopalis: quia hoc à voluntate Dei pendet, qui sicut ille solus hanc potestatem dedit ita solus auferre potest. Nihil ergo agit ad hanc rem episcopi obedientia: quia sicut Papa non potest episcopo præcipere quod non est in illius arbitrio situm, ita nec episcopus tenetur obedire in his quæ suæ voluntatis Imperio nõ subsunt. At episcopalem ordinis potestatem exercere vel non exercere in voluntate episcopi situm est: quia cū vult potest exercere, & cū vult potest omittere. Et inde consequens est, vt Papa possit hoc prohibere episcopo, & episcopus teneatur Papæ prohibenti obedire. In hoc tamen laudandus est Innocentius quod (vt de illo Panormitanus in præfato capitulo refert) dicit non esse



**A** esse tolerandam talem prohibitionem, si Papa sine magna causa legem vniuersalem facere vellet, qua omnibus episcopis prohiberet sacramentorum ordinis & confirmationis executionem. Quia talis prohibitio esset incommoda tota Christianæ reipublicæ, & totum illius statū turbaret, & in talibus quæ vniuersalem ecclesiæ statum perturbāt, dicit Innocentius Papam non esse audiendū, sed resistendum esse illi per vniuersalem ecclesiā. Ex hac secunda conclusione deducitur hæreticum episcopum non posse recte exequi episcopalis ordinis potestatem circa administrationē ordinis aut cōfirmationis, quia est illi per ecclesiā interdictum, vt patet in c. Dicimus, & c. Pudenda. xiiij. quæst. j. Si autem contra ecclesiæ prohibitionem, seruata tamē debita forma & recta adhibita intentione aliquem aut cōfirmaret, aut sacerdotio consecraret, quāuis rata esset ordinatio aut cōfirmatio per illum facta, ipse tamen peccaret & quidē grauissime talia sacramenta ministrando. Tertia principalis conclusio. Papa potest tollere ab episcopis eam potestatem ordinis quā habent circa sacramentalia, vt puta, consecrationes altarium consecrationes calicum, benedictiones vestimentorum necessariorum ad missæ celebrationem. Hæc omnia facere quamuis omnibus & solis episcopis sit concessum, non tamen hoc illis iure diuino competit, sed humano. Nihil enim horum Christus instituit, sed successu temporis sunt paulatim ab ecclesia instituta. Quod autem solo iure humano solidatur, ab hominibus qui ius ipsum condiderunt, aut ab illis qui in illorum locū & potestatem successerunt, poterit tolli. Constat autem Papam, qui nunc est, non minorem in ecclesia habere potestatem, quā alij summi Pontifices qui illum præcesserunt. Ergo sicut Pontifices prædecessores, illa omnia ab episcopis facienda esse decreuerunt, ita posteriores Pontifices poterunt decernere vt nihil illorum episcopi facere possint. Præterea, sicut ecclesia illas omnes consecrationes & benedictiones olim statuit, ita etiam nunc illas omnes posset in vniuersum abrogare, ita vt sine omnibus illis missa celebraretur. Quibus abrogatis, constat simul esse episcoporum potestatem hāc in re prorsus abrogatam. Quoniam tunc nihil magis efficeret episcopus, quā quiuis alius sacerdos, si vterque eadem super altare, aut calicem faceret & diceret.

Nam episcopus nunc consecrando aut benedicendo illa, hoc C  
solum efficit circa illa, quod facit illa esse apta instar ad ali  
quod opus efficiendum per illa, sine qua consecratione aut  
benedictione illa non essent apta ad illud. Sed abrogatis il  
lis consecrationibus & benedictionibus per ecclesiam, illa  
instrumenta seclusis omnibus illis, essent ad illud opus effi  
ciendū apta. Non plus ergo tunc faceret episcopus illa con  
secrando aut benedicendo quā quis alius sacerdos. Ex hac  
eadem ratione conuincitur Papam posse hanc potestatem cir  
ca sacramentalia quæ nunc solis episcopis reservatur, omni  
bus aliis sacerdotibus concedere: ita vt ex concessione Papæ  
possint consecrare ecclesias, altaria, aras, calices, patenas &  
reliqua huiusmodi quæ sunt solis episcopis reservata. Quia  
cum omnia illa ex solo iure humano pendeant, Papa qui su  
pra totum ecclesiæ ius plenam habet potestatem, poterit il  
lud pro libito cui placuerit dispensare, quamuis male age  
ret, si tant inueteratam ecclesiæ consuetudinem prorsus tol  
lere vellet. Ex eadē ratione etiam deducitur, vt (iuxta opi  
nionem eorum qui dicunt minores ordines non esse sacra  
menta nec diuino iure instituta) Papa possit illorū ordinum D  
collationē & ab episcopis auferre, & aliis sacerdotibus con  
cedere. De hæreticis episcopis quid sit in hac parte sentien  
dum ex dictis facillime constare potest. Certum quidem est  
ecclesiam posse ab illis hanc potestatem auferre: & iuxta po  
testatem quam habet, illam fecisse constat ex cap. Ecclesiis,  
& duobus sequentibus capitulis, de consec. dist. j. Ibi enim  
præcipitur, ab Arrianis consecratas ecclesias iterum conse  
crari. Attamen glossa ibi in cap. Ecclesias, dicit hoc esse in  
telligendum, si formam ecclesiæ non seruassent, quoniam  
si illam seruassent, dicit non esse iterum consecrandas. Sed  
re vera fallitur glossa, quia in c. ecclesiis, aperte dicit textus  
esse iterum consecrandam ecclesiam, quæ consecrata esset  
ab eo qui non habet fidem Trinitatis. Credo certe glossam  
inde fuisse deceptam, quod putauit idem prorsus cōsistendum  
esse de sacramentalibus, quod de sacramentis, cum tamē lata  
sit inter illa differentia. Quia consecrationes sacramentorū  
pendent ex iure diuino: & inde euenit vt potestas quam sa  
cerdotes aut episcopi super illas habēt, nō possit ab illis au  
ferri. Potestas autē super sacramentalia ex solo pēdet huma  
no iure: & ideo ecclesia quæ hoc ius statuit, poterit illam po  
testatem

**A** testatem ab episcopis auferre ita vt consecrantes nihil efficiant: præsertim ob tam graue crimen quale est hæresis. Et idem mihi videtur de aliis consecrationibus & benedictionibus aliorum sacramentalium esse dicendum, vt sunt consecratio calicis, benedictiones ornamentorum & vestimentorum. Nam de similibus idem est iudicium. Neque huic sententiæ obstat quod dicitur in cap. A nobis, de sacramentis non iterandis. Illic enim Papa ideo decernit altaria non esse iterum consecranda, aut vestimenta iterum benedicenda, in quibus aut cum quibus presbyteri degradati celebrarunt, quia omnia illa verè consecrata aut benedicta erant, & ideo noluit vt iterum consecrarentur aut benedicerentur: At quod ab hæreticis circa illa sacramentalia factum est, ecclesia censet nullius esse roboris & momenti: & ideo necessarium est vt fiant ab eo, qui illa omnia exercere valeat. Sed tunc merito inquirere quis posset quo nomine sit censenda hæc episcoporum potestas, quæ episcopi habent circa sacramentalium consecrationem aut benedictionem. Non est certe dicenda potestas iurisdictionis: quia per illam nec aliquem punire, nec sententiâ aliquam dicere potest. Si potestas ordinis dicitur, erit necessario fatendum, esse aliquam ordinis potestatem, quæ sit auferibilis per ecclesiam. Quod ergo beatus Thomas dicit in secunda secundæ, quæst. xxxix. art. iij. Potestatem ordinis esse indelebilem, est interpretandum de sola potestate ordinis quæ est circa sacramenta; de qua solum in illa quæstione tractabat.

*An episcopus effectus hæreticus sit eo ipso priuatus omni potestate iurisdictionis, etiam si sit Papa:*

C A P. X X I I I.

**D**E potestate ecclesiastica inquirere & disputare cœpi-  
mus; an omnis talis sit per hæresim eo ipso ab hære-  
tico ablata, & de potestate ordinis iâ satis per duo capitula  
differuimus. Nunc superest de potestate iurisdictionis per-  
tractare, an illam ipso iure amittat episcopus aut Papa si  
fuerit hæreticus. Quæ quidem quæstio, vnū præsupponit &  
aliud quærit. Præsupponit quidē episcopum & Papam posse  
effici hæreticū. De episcopo nullus vnquam dubitauit, quo-  
niam multa & certissima experientia cōpertum est, pluri-

mos episcopos fuisse hieresiarchas, nedum haereticos. De Papa vero an possit esse haeticus, quaestio est inter theologos controuersa, & pars quæq; catholicos & doctissimos habet patronos. Quam quaestionem ego nunc pertractare nolo, neq; volo, de illa aliquid definire, præter id quod supra lib. j. cap. vj. dixi Papam videlicet vt publica & cõmunis est persona in dandis toti populo christiano fidei decretis non posse errare, vt tamen singularis & priuata est persona, posse in fide errare & effici hæreticum. Nam (vt cæteros omittamus) de Honorio huius nominis primo non potest ambigi illum fuisse hæreticū, cum fauerit in sexta generali synodo de hæresi manifesta damnatus, & hæreticus proclamatus. Ob quā causam eadem sexta synodus in qua legati Summi Pontificis aderant Theodorus & Georgius presbyteri, Ioannes Diaconus, pluries dixit illi anathema, vt constat ex vltima actione eiusdem sextæ synodi. Quam quidem sententiam Leo tertius huius nominis Pontifex ratam habuit, vt apertissime constat per epistolam eius quam de hac re rescripsit ad Constantinum Imperatorē, in qua non semel appellat eum hæreticum. Hanc qui legere volet, reperiet in secundo Tomoconciliorū generalium, statim post vltimam sextæ synodi actionem. Scio tamen esse aliquos, qui Honorij causam suscipientes illum excusare nituntur. Inter quos vnus, & præcipuus est Albertus Piglius Campensis, in suo illo magno prolixissimōq; opere, de ecclesiastica Hierarchia, & in quadam disputatione quam fecit de actis sextæ synodi. Doctus certe vir, non hoc solum nostro, sed omni seculo venerandus: verum (vt ingenue loquar) nihil aliud in defensionem Honorij agit, quā littus arare, aut laterem lauare. Supponamus igitur Papam posse in hæresim labi & hæreticum esse. Tunc iam merito quaestio se offert diligenti examinatione digna, An Papa aut quis alius episcopus effectus hæreticus, amittat omnem potestatem iurisdictionis, ica vt iam nō sit Papa nec episcopus censendus. Quæ quidem quaestio aliter definienda est secundum ius diuinum & aliter secundum ius humanū. Si iuxta humanum ius, quaestio hæc est pertractanda, aliter de Papa, & aliter de aliis episcopis respondendum erit. Nam Papa non est eadem lege & mensura, quæ cæteri episcopi, metiendus. Quoniam cæteri omnes episcopi iuri humano subd



**A** subduntur, & pœnas ab humano iure ob crimina aliqua decretas, si in illa inciderint crimina, perferre coguntur. Ex quo apertissime colligitur, omnem episcopum postquam effectus fuerit hæreticus, esse excommunicatum. Et inde etiam colligeretur illum priuatum esse eo ipso suo episcopatu, si ecclesia hanc pœnam hæretico episcopo, decreto perpetuo irrogasset. Hoc tamen decretum nunquam (quod sciam) ecclesia hucusque statuit. Nam licet multi sint sancti viri, quorum testimonia inferius citabo, qui dicant nihil honoris aut dignitatis hæreticos habere, hoc tamen non dixerunt, tanquam legem statuentes. Quoniam cum illi non fuerint Summi Pontifices, certum est eos non potuisset leges præfigere, quæ vniuersos ligarent episcopos. At Papa cum sit totius ecclesiæ caput, quod in reliqua omnia membra influit, illis omnibus sensum ministrans, sicut omnes iudicare potest, ita à nemine iudicari valet, vt habetur in cap. Si Papa, distin. xl. & in cap. Nemo. ix. quæst. iij. & in cap. Oues. ij. quæst. vij. Ex qua ratione deducitur Papam non esse præceptis aliquibus humanis ligatum, quia non habet superiorem in terris à quo ligari possit. **B** Ab inferiori autem aut à pari certum est neminem ligari posse: quia (vt commune est iuris peritorum proverbium) par in parem non habet imperium. Et hinc nostri theologi colligunt Papam non esse obligatum ad suorum peccatorum auricularem confessionē annuatim faciendam. Quoniam cum talis confessio annua solo sit iure humano præcepta, per illud videlicet cap. Omnis vtriusq; sexus, de pœnit. & remissi. Conuincitur, apertissime Papam qui supra omne ius canonicum habet plenam potestatem, non esse ad illam obligatum. Ex eadem radice oritur, vt Papa non possit incidere in alicuius ecclesiastici canonis censuram, aut pœnam: vt sunt excommunicatio, interdictum, suspensio, irregularitas. Nam omnes istæ censuræ, cum sint solo humano iure decrete, non possunt Papam ligare, quem certum est vel parem esse his à quibus fuerunt illi canones statuti. Ex quibus omnibus necessario sequitur vt Papa effectus hæreticus non sit ipso iure excommunicatus, ea excommunicationis specie quæ dicitur censura ecclesiastica. Dixi ex industria, de excommunicatione quæ est ecclesiastica censura, quoniam est quædam alia latior & benignior ex-

communicatio contra hæreticos, quæ iuxta multorum opi- C  
 nionem (vt supra cap. xvij. Huius secūdi libri diximus) est  
 iure diuino inflicta. Verum hæc non est nisi quædam sepa-  
 ratio ab exteriori fidelium conuersatione: ita vt fidelibus  
 omnibus sit diuino iure interdictū: ne cum hæreticis con-  
 uersentur, iuxta illud Pauli. Hæreticum hominē post vnam  
 & secundam correptionem deulta. Cui consonat Ioannes in  
 sua secunda canonica epistola, sic inquit. Si quis venit ad  
 vos & hanc doctrinā non affert, nolite recipere eum in do-  
 mum, nec, Ave, ei dixeritis. Et hac excommunicatione Papa  
 sicut quilibet alius christianus, si hæreticus fiat erit statim  
 eo ipso excommunicatus. Quia postquam de illius hæresi  
 constiterit, omnes christiani tenebuntur ab illius conuersa-  
 tione abstinere. Est tamē alia multo acerbior excōmunica-  
 tio, quæ non solum ab exteriori separat conuersatione, sed  
 etiam à spiritualium bonorū participatione sequestrat, &  
 multa alia incommoda infert, quæ nunc non est animus re-  
 censere. De hac igitur excommunicatione, quæ est ecclesia-  
 stica censura, & ab ecclesia inflicta, censeo Summum Ponti-  
 ficem, etiam si fiat hæreticus, non esse hac excōmunicatione  
 ipso iure excōmunicatum, nisi aliunde quā ex iure humano D  
 constaret illum eo ipso quòd factus est hæreticus, esse digni-  
 tate Papali depositum. Quoniam talis excōmunicatio cum  
 sit à iure humano inflicta, nō potest ligare Papam qui extra  
 omnem controuersiam est supra omne ius humanum. Quæ  
 quidem sententia vsq; adeo videtur vera Sancto Thome, vt  
 in iij. senten. dist. xix. ar. iij. dicat, Papam non posse hanc po-  
 testatem alicui delegare, vt ipsum Papam possit excōmuni-  
 care. Et idem docent Sanctus Bonauētura, & Albertus ma-  
 gnus, vt de illis refert Ioannes de Turre cremata, qui istor-  
 um omnium sententiā comprobat. Male ergo opinantur  
 illi qui docent, omnia iura quæ de hæreticis aliquid decer-  
 nunt, etiam Papam ligare si ille fiat hæreticus. Nam dum  
 Papa est, subiicitur depositioni, vt videlicet propter hæresim  
 deponi possit, non tamen alicui alteri iuris censuræ. Post-  
 quam vero depositus fuerit, tunc iam erit omnibus ecclesia-  
 sticis pœnis, sicut reliqui omnes, subiectus. Et hinc est quòd  
 Papa effectus hæreticus, nisi ex iure diuino impediatur, ad-  
 huc antequam deponatur, omnem suam dignitatem & iur-  
 isdictionem conseruare poterit. Quia cum ille ligatus ex-  
 commu

- A** communicatione nō sit, nullum aliud ius humanum obstat quominus ille alios ligare & soluere possit. Contra ea quæ diximus forte quis mihi obiiciet, quandam glossam super cap. Acharius. xxiii. quæst. j. quæ talia refert. Hic est casus in quo Papa Papam ligare potest, in quo Papa in canonem latæ sententiæ incidit. Neque huic obuiat regula: per parem soluere, vel ligare non potest: quia si Papa hæreticus est, in eo, quod hæreticus est, minor est quolibet catholico. Hæc in illo capite, Glossa. Hanc objectionem ego facillime reijicio, ingenue dicens non esse tantæ autoritatis Glossatorem illum, ut me sua autoritate premere valeat, præsertim cum aliàs tam multa doceat euidentissime falsa, & erronea: ut omnem merito propter illa amiserit autoritatem. Deinde verba ipsa, quæ nunc refert, si diligenter discutiamus, apertissime ostendent, quàm parum solidæ doctrinæ in se contineant. Dicit enim quod si Papa hæreticus est, minor est quolibet catholico. Si Papa hereticus minor est quolibet catholico: ergo quilibet catholicus maior est Papa hæretico. Collectio ista ex eo redditur manifesta, quod maior, & minor sunt correlatiua. Videamus ergo quomodo
- B** hic maior, & ille minor censendi sunt. Et certum est eodem modo alterum dicendum esse maiorem, quo alter dicetur minor: quia aliàs non erunt comparatiua, nec relatiue opposita. Si de maiori, & minori iurisdictionis loquatur Glossa, constat verba illius esse falsa. Nam apertissime constat esse falsum, omnem catholicum esse maiorem in iurisdictione Papa hæretico. Quia multi sunt catholici, qui nullam prorsus iurisdictionem habent supra Papam hæreticum, prout sunt omnes ferè laici, ad quos non spectat Papæ hæresim examinare, neque de illa censere, neque illum ob hoc punire. Si vero de maiori, & minori in meritis, aut in gratia, aut charitate loquatur, etsi ita, ut ille ait, sit, nihil tamen inde colligere valebit, quod suo proposito fauere possit. Nam iuxta illum sensum minoris, & maioris, etiam dicetur. Papam peccatorem in peccato mortali existentem esse minorem quolibet viro catholico, & iusto. Sed nunquid ideo sequitur, ut propterea par parè ligare, aut soluere possit, aut quod Papa in canonem latæ sententiæ incidere debeat? Quia ut quis ligare, aut soluere possit, non maioritas sanctitatis requiritur: sed

sed iurisdictionis. Male ergo responderetur ad obiectionem regulæ, quæ ait: Par parem solvere, aut ligare non potest, dicendo, quod Papa hæreticus minor est quodlibet catholico. Dico ergo quod omni iure diuino de hac re secluso, si secundum solum ius humanum hæc quæstio definienda est, Papa effectus hæreticus licet sit merito ob hoc deponendus, non tamen est eo ipso depositus, nec eo ipso excommunicatus. Quia quamdiu est Papa, excommunicari non potest, neque alia quauis censura ecclesiastica ligari: cum sit supra omne ius humanum, à quo censuræ illæ suam habent firmitatem suamque vigorem. Erit autem ille (ex solo iure humano loquendo) tamdiu Papa, quādiu fuerit ab ecclesia toleratus, Ecclesia vero haud dubie illum tolerabit, quousque sibi constet illum iure diuino esse depositum, aut merito deponendum. Quoniam Paulus tertius, qui nunc est, licet ab hominum electione habeat, quod sit Papa, postquam tamen electus est, non ab hominibus: sed à Deo habet plenam supra totam ecclesiam potestatem. Et inde euidentissime colligitur illum non posse ob qualecunque crimen ab ecclesia deponi: nisi constet ex eodem iure diuino, ecclesiam propter tale crimen Papam deponere posse. Dimisso ergo iure humano, à quo nihil certum in hac quæstione discere possumus, ad ius diuinum, tanquam ad totius veritatis fontem recurramus, ut inde vbertim doceri valeamus. Perscrutemur igitur diuinas scripturas, & per illas inquiramus ea, quæ ad esse Papam sunt necessaria, & inde facile intelligemus, an Papa, si hæreticus fiat, sit statim dignitate Papali priuatus, an non. Nam certissima ratione philosophica scimus, tunc aliquid necessario perire, quando illi defunt ea, quæ ad suum esse sunt necessaria. Si autem omnia, quæ ad alicuius rei existentiam sunt necessaria, adsunt, si res naturaliter, & non libere causatur, illam deesse non est possibile. Quia enim sanguis est necessarius ad hominis vitam: ideo sanguine deficiente homo viuere non potest. Alioquin si sanguine secluso viueret homo, hoc vno argumento euidentissime probaretur sanguinem ad illius vitam non esse necessarium. Calor est necessarius ad esse ignem, & inde consequens est, ut calore prorsus destructo, pereat etiam ignis. Hoc igitur semel præfixo fundamento, opus est, ut ex ipsis scripturis diuinis diligenter inquiramus ea, quæ ad esse Papam sunt necessaria



- A** necessaria. Omitto hic alia quæ extra ipsum papam sunt, ut puta, voluntaria electio ipsorum electorum, & habilitas in ipsis eligentibus, ut videlicet illi habiles sint ad eligendum. Istis & aliis huiusmodi omisis: si de illis, quæ in ipso eligendo, aut electo sunt, loquamur, distinguere oportet. Quoniam quædam sunt necessaria ad simpliciter esse, alia sunt necessaria solum ad bene esse. Quæ solum ad bene esse exiguntur, talia sunt, ut illis seclusis papa esse possit: sed non bonus papa: & hæc sunt scientia rerum diuinarum, prudentia rerum gerendarum, charitas feruentissima, & alia id genus aliqua, sine quibus, & si aliquis papa esse possit, non tamen bonus erit papa. Quæ autem sunt necessaria ad simpliciter esse papam, sunt duo: Quorum alterum est solum necessarium ad fieri, & non post factum esse: & hoc est voluntas ipsius electi, per qua consentit electioni de se factæ. Hæc enim est necessaria ad hoc, ut quis fiat papa: quia ipso inuito non potest fieri papa. Postquam tamē iam semel consentit electioni, & factus est Papa, iam illius voluntas non est necessaria ad esse papam: quia & si illum poeniteat voluntatis præteritæ, & nolit esse papa, & renūciat papatui, nihilominus adhuc est papa, quousque ab his, quibus competit, sit eius renunciatio acceptata, ut patet in capit. j. De renunciatione, libro sexto. Rationem horum si quis requirat, eam nunc libenter offerimus, quæ talis est. Quilibet potest renunciare iuri suo, non tamen iuri alterius. Ecclesia eligens Paulum in papam, nullum adhuc ius propter hoc habet in Paulo quousque consentiat. Postquam autem consensit electioni de se factæ, sicut ipse acquisiuit ius supra ecclesiam ad regendum eam, ita illa acquisiuit ius supra ipsum, ut ab illo petere possit doctrinam, & reliqua, quæ ille ex officio papali tenetur tribuere ecclesiæ. Est enim mutuus quidam contractus inter electores, & electum initus, quo mutuo se inuicem obligarunt. Electus quidem ad reddendum ecclesiæ debitum pastoris officium ad quod solum ecclesia illum elegit. Ecclesia vero, quæ illum in prælatum elegit, hoc ipso se ad debitam obedientiam illi exhibendam obligauit. Et hinc euenit, ut cum primo electus est possit renunciare electioni de se factæ: quia tunc solum renunciarer iuri suo. Cum autem iam semel consensit electioni, & effectus est papa, tunc iam non potest sine consensu ecclesiæ renunc

renunciare papatui: quia si hoc faceret, non solum iuri suo: sed iuri ecclesiae renuncieret, quod facere non potest. Ex quibus apertissime constat, quod voluntas electi in papam licet sit necessaria ad fieri papam, non tamen est necessaria ad conseruationem papatus: quia (vt dixi) inuitus potest esse papa. Alterum est necessarium adesse papam in fieri, & in facto esse, & hoc est fides. Neque hic loquor de fide formata, de qua dicit Paulus, quod per dilectionem operatur. Quoniam haec non est necessaria adesse papam, cum possit papa in peccato mortali existens, in papam eligi, & in papatu perseverare. Alioqui esset incidere in errorem Valdensium, & Ioannis Hus dicentium omnem ecclesiasticam dignitatem amitti per quodlibet peccatum mortale. Qui error damnatus est in concilio Constantiensi, sess. xv. Fides ergo, quam dico esse necessariam adesse papam, est fides habitualis à spe, & charitate distincta, quae datur in baptismo, & de qua Paulus dicit, quod sine illa impossibile est placere Deo. Haec, inquam, fides est necessaria adesse papam, ita quod sine illa non potest fieri papa, nec in papatu conseruari. Et quia hoc est praecipuum fundamentum, super quod ferè tota huius nostrae doctrinae fabrica consistit, ideo pro illius firma stabilitate elaborandum est, & multis rationibus illud probandum. Pro qua re maxime conducit diligenter, perscrutari totum processum, quo Christus peruenit ad dandum papatum Petro. Non enim statim, & sine vllis mediis illi hanc concessit potestatem: sed primo illam promisit, ad aliud tempus hanc differens donationem. Deinde, antequam daret, monuit de dignitate sibi promissa, vt intelligeret, quid sibi per illam iniungeretur. Demum cum promissam potestatem Christus Petro concessit, tunc vim dignitatis, & quae ad illam necessario exigebatur apertius expressit. Quae omnia si quis diligenter considerare velit, vel eo clarissime discet, quam necessariam ad papatum voluit esse fidem Christus saluator noster. Singula igitur studiose perscrutemur. Primo quidem Christus saluator noster promisit hanc potestatem Petro, sic dicens: Tibi dabo claves regni caelorum, & quodcunque ligaueris super terram, erit ligatum & in caelis, & quodcunque solueris super terram, erit solutum & in caelis. Quo in loco Origenes more suo philosophatus, dicit Christum his verbis maiorem Petro promississe ligandi, & soluendi potestatem,

Galat. 5

Matt. 16

- A** statem, quam postea reliquis apostolis, aut dedit, aut promiserit. Nam cum aliis omnibus apostolis ligandi, & soluendi potestatem tribuit, in cœlo tantum singulari numero explicans, dixit fore soluta, aut ligata, quæ illi soluerent, aut ligarent. Sit enim dixit: Quæcunque alligaueritis super terram, erunt ligata & in cœlo, & quæcunque solueritis super terram, erunt soluta & in cœlo. At cum Petro claues commisit, nō vsus est singulari numero cœli: sed plurali numero significauit in cœlis fore soluta, aut ligata, quæ ille in terris solueret, aut ligaret, vt vel hoc verborum discrimine nos doceret, aliquid maius Petro, quàm reliquis apostolis fore concedendum. Sed iam videamus quid illam promissionem præcederet. Antequam Christus hoc Petro promitteret, interrogauit omnes apostolos, quid de illo sentirent, & quam de illo haberent existimationē. Cui interrogationi (vt Matth. refert) Petrus solus respondens, dixit: Tu es Christus filius Dei viui. Quo loco Theoph. annotat verba illa ad maiorem Petri fidem exprimendam, cum articulo emphasim quandam significantē, esse pronūcianda, sic enim ait Theoph. Non dixit: Tu es Christus filius Dei viuētis, *Matth. 18*
- B** absq; articulo: sed cum articulo, ille filius, hoc est, ille ipse, qui solus, & vnicus, non gratia filius: sed qui ex ipsa patris substantia genitus. Quia & multi Christi erant sacerdotes, & Reges omnes: sed Christus cum articulo, vnus est. Hæc Theophilactus. Hac confessione fidei per Petrum facta, statim Christus dixit illi: Beatus es Simō Bariona: quia caro & sanguis nō reuelauit tibi: sed pater meus, qui in cœlis est. Et ego dico tibi: quia tu es Petrus, & super hanc petram ædificabo ecclesiam meam, & portæ inferi non præualebunt aduersus eam. Et tibi dabo claues regni cœlorum &c. Quæ verba remunerationem quandam Petro pro suæ fidei confessione exhibitam, aperte ostendunt. Quod clarissime docet Theophilactus sic inquires: Remunerat Petrum Dominus, mercedem illi dans magnam, quod super eum ædificabit ecclesiam. Quia enim cōfessus erat eum Dei filium Petrus dixit, quod hæc cōfessio, quam confessus est, fundamentum erit futurum credentium, ita vt omnis homo extructurus fidei domum hoc iacturus sit fundamentum. Nam licet innumeras condamus virtutes, non habeamus autem fundamentum rectam confessionem, inuti- *Theoph.*
- liter

liter ædificamus. Hæc ille. In quibus verbis multa sunt C  
 noranda. Primum est, quòd per verba Christi, & non ex suo  
 cerebro, nos docet, fidem esse fundamentū totius ecclesi-  
 asticæ structuræ. At vbi fundamentum deest, nihil superædi-  
 ficari potest, & si quid ædificatum super illud fuerat, necesse  
 est, vt illo fundamento sublato, ruat. Consequens igitur est,  
 vt deficiente in aliquo fide catholica, quæ est totius eccle-  
 siasticæ structuræ fundamentum, non possit in eo Papalis  
 dignitas fundari, quæ primus est in illa structura lapis, post  
 fidem. Imò nulla alia ecclesiastica dignitas à Christo insti-  
 tuta, qualis est Episcopalis potestas poterit in illo, qui fidē  
 catholicā non habet fundari. Quoniam hæc cum sit à Chri-  
 sto instituta, & in structura ecclesiæ ab eodē collocata, non  
 poterit aliud fundamentū habere, quàm illud, quod ab ipso  
 Christo positum est, videlicet fides. Et inde etiam sequitur,  
 vt hoc fidei fundamento sublato, ab eo, qui Papa, aut Epi-  
 scopus erat, eo ipso Papalis, aut Episcopalis dignitas, quæ  
 ante in illo erat, cadat ab illo. Forte aliquis huius argumen-  
 tationis potentiam effugere volens, dicet characterem bap-  
 tismalem, qui dicitur sacramentū fidei, satis esse, vt in ali-  
 quo, qui fidem non tenet, possit Papalis dignitas collocari, D  
 & conseruari: sed hæc meræ nugæ sunt, vt facile patere po-  
 test, vel mediocriter rem consideranti. Nam Theoph. ver-  
 ba Christi declarans, non dicit characterem baptismalem  
 esse fundamentum: sed solam fidei confessionem. Quod  
 etsi Theoph. non interpretaretur, ex ipsis Christi verbis, &  
 illorum circumstantiis apertissime constare poterat. Nulla  
 enim ibi erat mentio de baptismo, nec de baptismali cha-  
 ractere, nec in illo poterat esse meritum, vt propter illud  
 tanta mercede Petrum Christus donaret. At in confessio-  
 ne fidei, quam Petrus fecit, multum adfuit meriti, atque  
 ideo illa digna habita est à Christo, cui tantam promitte-  
 ret mercedem, quantam nulli alteri, nisi Petro, quem to-  
 tius ecclesiæ caput instituit, donare decreuit. Et quod  
 fides sit fundamentum totius religionis, & totius eccle-  
 siasticæ structuræ, ex aliis adhuc sacræ scripturæ locis,  
 aperte conuinci potest. Nam Paulus Corinthiis scribens,  
 ait: Fundamentum aliud nemo potest ponere: præter id,  
 quod positum est, quod est Christus Iesus. Quæ verba  
 interpretans Augustinus in libro de fide, & operibus,  
 cap.

1. Cor. 3

Augusti.



**A** cap. xvj. ait: Si Christus est fundamentum, proculdubio & fides Christi. Per fidem quippe habitat in cordibus nostris sicut idem Paulus dicit. Hæc August. Et ad Colossenses Paulus scribens, iterum ait: Reconciliauit vos Christus in corpore carnis suæ per mortem, vt exhiberet vos sanctos, & immaculatos, & irreprehensibiles coram ipso, si tamen permanetis in fide fundati. In quibus verbis Paulus apertissime dixit fidem esse fundamentum, & inde colligitur, vt fide sublata reliquum totum corruat ædificium. Et certe (vt aperte loquar) hæc argumentatio, quæ nunc ex ratione fundamenti facta est, me multum vrget, vt existimem Papam, si hæreticus fiat, eo ipso esse iure diuino priuatum dignitate Papali. Nam alia, quam aliqui faciunt ex ratione membrorum, quæ inuicem per fidem connectuntur, non est adeo efficax, vt per illam rationem quis conuincere possit Papam, si fiat hæreticus, iam non esse totius ecclesiæ caput: quia videlicet iam non est ecclesiæ membrum, cum careat fide. Hanc enim argumentationem facile soluit Thomas de Vio Cajetanus Cardinalis in opusculo de autoritate Papæ, & concilij, capitu. xxij. dicens quòd Papa etiam si hæreticus fiat, adhuc est membrum ecclesiæ. Quia licet careat fide, habeat tamen characterem baptismalem, per quem etiam sicut per fidem, quisque effici potest membrum Christi, vt expresse docet Innocentius tertius in capite, Veniens. De presbytero non baptizato, cuius hæc sunt verba. Non solum per sacramentum fidei: sed per fidem etiam sacramenti quis efficitur proculdubio membrum Christi. Hæc Innocentius. Forte quis mihi etiam ex verbis eiusdem capituli respondebit, dicens in eodem capitulo, baptismum etiam dici fundamentum. Fateor quidem in illo loco baptismum appellari fundamentum: sed diligenter inspiciendum est, respectu cuius dicatur fundamentum, & inuenietur dici fundamentum respectu aliorum sacramentorum. Nam quæstio illius cap. erat de presbytero non baptizato, an suscepisset ordinem sacerdotij, & vt persuaderet illum non suscepisse sacerdotium, dicit quòd deficiente baptismo, qui est fundamentum, aliorum vtrique sacramentorum nullum aliud sacramentum superædificari poterat. Quanquam hæc non definiendo: sed disputando Pontifex dixit, vt literam inspicienti facile constare potest. A

quòd baptisimus sit fundamentum Papalis dignitatis, Pontifex ibi non dixit, nec de illa erat tunc sermo. Esto etiam hoc dixisset, non tamen diceret baptismum esse sufficiens fundamentum, ita vt fides non esset etiam fundamentum necessarium. Quia hoc esset aperte repugnare Christo, qui dixit se super fidei confessionem fundaturum ecclesiam suam, & qui propter illam fidei confessionem promisit se daturum Petro in præmium clauces regni cœlorum. Et hoc est alterum, quod in verbis Theophilacti vltimo citatis annotandum erat, cum dixit, Christum remunerasse confessionem Petri, quando promisit illi se super illam confessionem ædificaturum ecclesiam suam, & propter illam eandem daturum illi clauces regni cœlorum. Nam quia aliis omnibus apostolis tacentibus solus Petrus confessus est Christum esse filium Dei, ideo illi soli clauces regni cœlorum, & ligandi, atq; soluendi potestatem supra omnes promisit. Si propter fidei confessionem tãquam propter quoddam meritum, Christus Pontificiam super omnes dignitatem Petro promisit, hoc ipso declarauit eum, qui fidem nō haberet, indignum esse, qui cæteris præmineret. Quis ergo tam demens erit, vt alicui sine fidei merito papatum tribuere velit, quem Christus Petro sine fidei confessione nec promittere voluit, ac proinde multo minus daret? Nec placet mihi illorum sententia, qui dicunt Petrum tunc pro omnibus respondisse, & sic suam, aliorumque fidem expressisse. Non enim alij Apostoli Petro hanc prouinciam delegauerunt, vt pro omnibus responderet. Neque Petrus tam arrogans erat, vt pro omnibus, non mandatus responderet, præsertim quòd tunc non solum data non erat super cæteros Apostolos potestas: sed nec erat adhuc promissa. Si quis autem dicat hoc Petrum, facere potuisse: quia cæteris Apostolis senior erat, is attendat, obsecro, Andræam in apostolatu seniore esse Petro, quod multo magis æstimandum erat, quàm quilibet ætatis excessus. Deinde suis ipse verbis Petrus testatur se non pro omnibus: sed pro se solo respondere. Non enim plurali numero (vt oportebat) sed singulari numero locutus est, sic inquit: Ego dico, quia tu es Christus &c. Si pro omnibus loqui voluisset, plurali numero loqui debuisset his verbis: Nos dicimus &c. Nam aliàs postquam iam supra omnes illum Christus instituerat prælatum,

**A** tum, cum in die pentecostes omnes Apostoli, eo quod recepto iam cœlitus spiritu omnibus loquerentur linguis, de ebrietate falsò apud populum accusarentur. Petrus se omnium curam habere intelligens, ac proinde omnium causam suscipere volens, non singulari: sed plurali numero loquutus est, sic dicens: Viri Iudæi, & qui habitatis Hierusalem vniuersi, hoc vobis notum sit, & auribus percipite verba mea. Non enim sicut vos æstimatis, hi ebrij sunt, cum sit hora diei tertia. Si pro se solo respondere voluisset, dixisset: Ego ebrius non sum. Sed quia tunc iam omnium curam gerebat, pro omnibus respondere decreuit, dicens: Hi ebrij non sunt. Non ergo pro omnibus: sed pro se solo respondit, cum dixit: Ego dico, quia tu es Christus filius Dei viui. Ille solus respondit quamuis omnes fuissent interrogati: quia feruentior, quàm in corde retinebat fides, non potuit se intra cordis latebras retinere, quemadmodum cæterorum Apostolorum fides, quæ quoniam tepidior erat non prorupit in publicam confessionem. Sed de hoc, quia forte iam plus satis diximus, opus est, vt ad reliquum Petri processum inuestigandum pergamus. Christus saluator noster iam passioni proximus, præuidens Apostolorum animos post suum discessum fore turbandos, Petro iniungit, vt illos in fide confirmet, sic dicens: Simon, ecce Sathanas expetiuit vos, vt cribraret sicut triticum: ego autem rogavi pro te, vt non deficiat fides tua: & tu aliquando conuersus confirma fratres tuos. Ecce primum papæ officiũ, quod Deus tunc Petro commisit, hoc est, confirmare reliquos omnes in fide, non est possibile, vt reliquos in eadem fide confirmet. Quo fit, vt papa si hæreticus fiat, papa amplius esse non possit: quia ad id, quod sibi primo ex officio suo competit, videlicet reliquos in fide confirmare, est prorsus ineptus. Nemo, quando Christus dignitatẽ papalem iam ante promissam, Petro concessit, sic dixit: Pascere oues meas. Quibus verbis cõcordi omnium catholicorum doctorum sententia, omnes Christianos oues, & Petrum illarum omnium dixit esse pastorem, vt ipso officij nomine apertissime declararet, quid Petro, & cuilibet summo pontifici Petri successori facere ex officio incumbit, nempe pascere gregem sibi cõmissum spirituali quodam pabulo, doctrina videlicet catholica fidei. Qui fidem catholicam tenet, si est

Act. 2

Matt. 16

Luc. 22

Ioan. 21



idiota, aut malis moribus vitiatus quamuis non suum bene exerceat officium, adhuc tamen papa est: quia nihil habet papatui repugnans, At qui hæreticus est, habet hæresim, quæ prorsus papatui repugnat. Non enim potest, qui hæreticus est, veram alijs præstare fidei doctrinam: & inde consequens est, vt qui hæreticus est, ecclesiæ pastor esse non possit. In cuius confirmationem est, quod August. ait in sermone de pastoribus, vbi exponit illud Canticorum, Pasce hædos tuos, sic inquires: Iam non oues: Manenti Petro dicitur: Pasce oues meas, exeuntis hæretico dicitur: Pasce hædos tuos. Et iterum in epistola ad Vincentium Donatistâ, pertractans eadem verba ait: Pasce hædos tuos, non sicut Petrus, cui dicitur: Pasce oues meas in tabernaculis pastorum, non in tabernaculis pastoris, vbi est vnus grex, & vnus pastor. Hæc August. In quibus verbis apertissime docet August. eum, qui pastor est ouium Christi, si fiat hæreticus, iam non esse pastorem ouium Christi, sed suorum hædorum. Sunt adhuc aliæ multæ argumentationes procedentes ab his conditionibus & qualitatibus, quæ necessario competunt hæreticis, ex quibus non minus euidenter conuincitur papam, si hæreticus fiat, esse statim iure diuino priuatum dignitate papali. Nam omnis hæreticus est ab ecclesiæ corpore separatus, atque præscissus: quoniam à fide, quam tota tenet ecclesia se diuidit, mallens suæ inniti prudentiæ, quam totius catholicæ ecclesiæ subesse iudicio. Qui autem à fide ecclesiæ separatur, consequens est, vt etiam à corpore ipsius ecclesiæ sit separatus, quoniam sicut iuxta dictum Pauli, vna est fides; ita vna est ecclesia, & vnitas ecclesiæ ex vnitate fidei pendet, dicente Hugone de sancto Victore, Per fidem accipimus vnionem, per charitatem viuificationem. At quicumque est ab ecclesiæ corpore separatus iam non est caput eiusdem corporis, quia repugnat, vt quod à corpore separatum est, sit caput illius. Ex quibus necessario inferitur, vt Papa si fiat hæreticus, iam non sit Papa: cum per hæresim sit à corpore ecclesiæ iure diuino separatus. Aliæ quæcunque peccata quâcumlibet graua inficiunt papam, & illum tanquam caput languidum reddunt. Solum autem peccatum hæresis caput à corpore abscindit, & per consequens solum illud papam iure diuino sua papali dignitate priuat, Præterea hæretici vocantur lupi à Salvatore nostro, qui

*Contic. 1.  
August.*

*Ephes. 4  
Hugon.*



**A** qui monens nos, vt ab hæreticis caueremus, dicit illos tanquam lupos esse fugiendos; sic inquit: Attendite à falsis prophetis, qui veniunt ad vos in vèstimentis ouium: intrinsecus autem sunt lupi rapaces. Ecce vides hæreticos, qui falsi sunt prophætæ, non à quouis alio: sed à Christo ipso veritatis magistro, appellari lupos. Ne igitur lupo sit ouium pàstor necesse est, vt papà, & quiuis alius episcopus factus hæreticus, statim desinat esse pastor: vnde necessario sequitur, vt nec sit papà, nec episcopus. Nec credibile est, vt Christus hæreticum hominem, quem certius certo sciebat esse lupo, suatum ouium voluerit esse pastorem, ne oues lupo (quod extremæ dementiæ reputatur indicium) commisisse dicatur. Prælati igitur si ex pastore fiat lupo, necessario est etiam, vt eo ipso desinat esse prælatus, & pastor ne vel in paruo temporis momento, oues lupo commissas esse dicatur. Rursum, Omnis hæreticus, iure diuino est ab hominibus vitandus, prout iam supra, cum de excommunicatione disseruimus, multis sacræ scripturæ testimoniis probauimus. Non est autem possibile, vt quis sit prælatus illorum, qui iure diuino tenentur se ab illo separare, illum fugere, cum illo minime conuersari, illum in domum suam non recipere; neque illum salutare. Quoniam verò prælato etiam alioqui malo omnia istorum contraria tenentur subditi etiam cum reuerentia impendere. Nam Pàulus docet obedientiam esse exhibendam præpositis, non tantum modestis: sed etiam discipulis. Demum plurima sunt sanctorum doctorum testimonia, quæ asserunt hominem hæreticum nullam prorsus habere in ecclesia potestatem iurisdictionis. Primum quidem beatum Thomam offero, tanquam recentiorum, qui in sua secunda secundæ quæstione xxxix. articu. iij. dicit potestatem iurisdictionis non esse in hæreticis, & inde deducit, quod non possunt à peccatis absolvere, nec alios excommunicare, nec indulgentias dare. Hæc ille. Et Gratianus huic astipulatur sententiæ, qui xxiiij. quæstione prima parte ij. quæ incipit in §. Sin autem ex corde suo, & ponitur statim post cap. Audiuius. sic in fine capit. ait: Quia sicut ille, qui benedicit, maior est eo, qui benedicitur: ita qui ex officio maledicit maior est eo, cui maledicitur. Liqueo constât eum, qui ab integritate catholicæ fidei re-

*Matt. 7**Heb. 11**Gratia*

cedit, maledicendi, vel benedicendi potestatem minime habere. Catholicum namque, utpote se superiorem maledicere non valet, in alienum à fide, tanquam in sibi æqualem, sententiam dare non potest. Hæc Gratianus. Et Beda super Matthæum ait: Quicumque ab unitate fidei, vel societatis Petri apostoli quomodolibet se ipsos segregant, tales nec à vinculis peccatorum absolventur, nec iam in regni cælestis ingredi. Beatus Ambrosius ait: Dominus par ius, & soluendi esse voluit, & ligandi, qui utrumque pari conditione permittit: ergo qui soluendi ius non habet, nec ligandi habet. Et infra. Certum est, quod ecclesie utrumque licet, hæresis utrumque non habet. Hæc Amb. & habentur in ca. Verbum Dei. de pœnit. dist. j. Et beatus Au. super Ioan. dicit quod claves ligandi, atque soluendi sunt datæ ecclesie in Petro, sic dicens. Petrus quando claves accepit, ecclesiam significavit. Ex quibus apertissime colligitur eum qui extra ecclesiam est, nullam habere ligandi, aut soluendi potestatem. Cyprianus in quadam epistola ait: Qui nec unitatem spiritus, nec conjunctionem pacis observat, & se ab ecclesie vinculo, & sacerdotum collegio separat, episcopi nec potestatem potest habere, nec honorem, qui episcopatus, nec unitatem voluit habere, nec pacem. Hæc ille. Et habetur in ca. Novatianus. sexta q. j. Et in alia epistola, quæ est ad Magnū iterū sic ait, Dicimus omnes omnino hæreticos, & schismaticos nil habere potestatis, & iuris. Hæc ille. Et habetur in capite, Didicimus. xxiii. q. j. Accedit ad hæc omnia, quod nullū hucusque ecclesia condidit decretum, per quod expresse statuerit papam hæreticum esse ipso iure depositū, aut per quod præceperit esse deponendum. Quod certe non evenisset: nisi quia papam, qui hæreticus fieret, iure diuino priuatum esse intellexit: & ideo noluit actum agere. Non est certe credendum ecclesiam, quæ tam sollicita semper fuit de separatione hæreticorum facienda, ne sua communione aliis nocere possit, nihil hucusque de papa hæretico faciendum decrevisse: cum ille tanto plus quam ceteri omnes hæretici ecclesie nocere potest, quanto ille maiorem haberet potentiam ad nocendum, & quanto ceteri catholici minus illum reformidarēt quippe quem debēt habere fidei magistrum. Si quis mihi obiiciat capit. illud. Si papa, dist. xl. facillime respondebo, quod textus illius capituli & si sint sancti viri

- A** & martyris, non est tamen hominis, qui leges toti ecclesiæ præscribere potuisset. Quo fit, ut verba illius licet sint velut quoddam hominis sancti consilium accipienda, non sunt tamen pro decreto obligatorio tenenda. Nec verba illa obligationem aliquam habere putandum est, quia sunt in corpore decreti inserta: nisi forte quis ostendat totū Gratiani decretum esse per sedem apostolicā approbatum, & omnia quæ in illo continentur, sint obseruari mandata. Quod tamen nūquam factum est. Cum ergo ex his omnibus tam euidentissimis rationibus cōstet papam effectum hæreticum esse iure diuino priuatum dignitate papali, inde etiam constat illum, qui depositus est, esse subiectum omni ecclesiasticæ censuræ quæ contra hæreticos est à iure lata, sicut quilibet alius hæreticus. Non tamen ob hoc falsum regulam iuris quæ dicit, Par parem ligare nō potest. Non quidem propterea quod papa hæreticus sit minor quolibet catholico, ut supra retulimus glos. dicere, in cap. Achatius. xxiiij. q. j. Sed inde hoc euenit quia effectus hæreticus iam desinit esse papa, ac proinde excommunicari potest, & alias pœnas subire cogetur, quæ sunt à iure hæreticis decrete. Si tamen papa maneret, illis nō esset subiectus. Propter quod merito supra diximus huius causæ definitionem esse à iure diuino, & non ab humano petendam.
- B**

*Respondetur rationibus quæ obijciuntur ab his  
qui contrariam tuentur opinionem.*

## CAP. XXIIII.

**Q**uamuis euidentibus (ut existimo) argumentis probauerim in præcedenti capitulo, papam si hæreticus fiat, eo ipso esse dignitate papali iure diuino priuatum, necessarium tamen existimaui respondere argumentis eorum qui contrariam tuentur sententiam, ut illorum debilitate clarissime ostensa, vel inde nostræ sententiæ veritas firmitus roboretur, clariúsque intelligatur. Et primum omnium argumentorum, velut totius aciei Antesignanum proponam, illud quod aduersarij putant esse tam validum atque forte, ut nemo illi obistere valeat. Sic enim argumentantur. Episcopus si hæreticus fiat, non est eo ipso ex iure diuino sua dignitate priuatus, ergo papa quamuis hæreticus sit, non est eo ipso ex iure diuino dignitate papali

H 4



*Leo papa  
primus*

priuatus. Consequentiam dicunt esse notam, quia (vt dicunt) papa non est peioris conditionis quam quiuis alius episcopus. Antecedens probant de episcopo qui in mente sua habet haeresim cui pertinaciter adhæret, & nunquam illam exterius manifestauit. Hic enim (vt asserunt) vere & proprie est haereticus, & tamen non est eo ipso priuatus episcopatu. Quia illam episcopalem potestatem (vt inquirunt) episcopus habet ex sola humana aut ecclesiastica commissione. Et hoc dicunt esse certissimum ex consensu omnium catholicorum doctorum, iuxta illud beatissimi Leonis papæ, in capitulo. Ita dominus, decima nona distinctione. Ita Dominus huius muneris sacramentum, ad omnium Apostolorum officium pertinere voluit, vt in beatissimo Petro omnium Apostolorum summo principaliter collocaret, vt ab ipso quali à quodam capite, dona sua velut in corpus omne diffunderet. Hæc ille. Et inde quia si ex certissimo quodam assumpto colligunt Episcopum qui in haeresim mentalem pertinaciter lapsus est, non esse priuatum Episcopatu: quia ecclesia non potest actibus animæ interioribus poenam aliquam infligere. Thomas de Vio Caietanus cardinalis in suo illo opusculo de autoritate Papæ & concilij capit. xix. multis prolixisque verbis hanc facit argumentationem, quam ille tanti facit, vt dicat intellectum suum per illam fuisse victum ad censendum papam si labatur pertinaciter in haeresim non esse ipso iure diuino priuatum dignitate papali. Sed miror certe quod homo tantus, & qui multo fortioribus argumentis aliquin cedere non soleat, nunc à tam debili argumento cuius multa refellere posset, fateatur se victum. Crederent ego potius intellectum suum ab affectu magis quam ab hac argumentatione fuisse deuietum. Nam consequentia illa est mala qua probat papam haereticum non esse iure diuino priuatum dignitate papali, per hoc quod Episcopus haereticus non est iure diuino priuatus Episcopatu. Potuit quidem fieri vt Deus de papa hoc statueret, & non de cæteris Episcopis, præsertim quod causa tanti discriminis est notissima: quia videlicet papa plus toti reipublice christianæ nocere poterat, quam quiuis alius Episcopus, si vterque illorum esset haereticus. Ob quam causam recte potuisset Deus papam haereticum priuare, alio quouis Episcopo

*har*



A hæretico non priuato. Neque ob hoc censenda esset papalis dignitas peioris conditionis, imò multo melioris: quoniam nō permetteret secum hæresim sicut dignitas episcopalis. Deinde assumptū in illa cōsequētia falsum est, videlicet quòd Episcopus hæreticus nō sit iure diuino priuatus dignitate Episcopali: quoniā idē de Episcopo cēseo dicendū esse quòd de papa. Vt autē hoc suum assumptū probet, aliud assumit, quod certum esse putat, & ex omnium sacrorum doctorū sentētia procedere dicit Episcopālē, videlicet potestatē aut iurisdictionē esse ex hominis aut ecclesiæ cōmissione, & non à Deo: sed hoc antecedens ab illo assumptū falsum est, & ipsamet falsitate falsius, & cōtrā omnium doctorum sacrorum sententiam, & cōtrā verba illa Leonis quæ ex distinc. xix. citat. Quoniam & si ritus cōsecrationis Episcopi sit ab ecclesia statutus, potestas tamē Episcopalis iurisdictionis nō ab homine sed à Deo est illis cōcessa. Omnes enim sacri doctores docēt Episcopos succedere apostolis, pro qua re plurima potuissē afferre testimonia, quæ prudens omitto, ne prolixitate nimia grauarem lectorem. Si quis tamē ea videre desiderat, reperiet in opere illo quod aduersus omnes hæreses edidi, in titulo, Episcopus, quo loco multa pro hac re sanctorū doctorum testimonia coarceruauī, & ideo nolui hic repetere, ne actū agerē. Vnū tamen ex cōcilio Florentino hic citare non prætermittam, quod illic nescio quo casu fuit à me relictū. Concilium Florentinum certam fidei regulā Armenis describens, cum de sacramento confirmationis disserit, hæc verba ait. Ordinarius minister est Episcopus. Et cum ceteras vnctiones simplex sacerdos valeat exhibere, hanc non nisi Episcopus debet conferre: quia de solis apostolis legitur (quorum vicem tenent Episcopi) quod per manus impositionē spiritū sanctum dabant. Hæc conciliū Florentinum. Apostoli autem (vt apertissimum est) à Deo & nō ab homine vllō, fuerunt ordinati apostoli & episcopi, vt ex multis scripturæ sacræ locis cōstat. Sicut misit me pater (inquit Christus) & ego mitto vos. Et Matt. ix. & Marc. iij. & Luc. vj. Expresse docetur Christū illis tribuisse apostolatus officium. Et hoc ipsum post mortē iterum cōfirmavit, quando illis præcepit vt euntes in mundū vniuersum prædicarēt euangeliū omni creaturæ. Deinde potestatē iurisdictionis omnibus apostolis cō-

*Cōcilium  
Florenti.*

*Ioan. 20*

*Mat. 18* cessit, quando omnibus illis simul iunctis dixit. Quæcunq;  
alligaueritis super terram, erunt ligata in cœlis, & quæ-  
cunq; solueritis super terram, erunt soluta & in cœlis. Nam  
per illa verba (vt omnes sacri doctores fatentur) Christus  
cōcessit apostolis potestatem excōmunicandi, quæ iure aliqua  
iurisdictione esse nō potest. Si Christus apostolis dedit po-  
testatem prædicandi Euangelium, & potestatem ligandi & soluen-  
di, & Episcopi successerūt in locū apostolorum, consequens  
est vt Episcopi etiam habeant à Deo & nō ab homine has  
omnes potestates. Nam hac sola, & efficacissima ratione  
probamus cōtra hereticos episcopū Romanum esse cæteris  
omnibus episcopis superiorem, quia Petrus apostolus fuit re-  
liquis Apostolis superior, cuius Romanus episcopus succes-  
sor esse comprobatur. Quo fit, vt necessariū sit Romanū  
Pōtificem eadem autoritate super cæteros episcopos pol-  
lere, qua Petrus supra reliquos polluit apostolos. Eadē igitur  
consequentia colligere oportet eandem potestatem,  
quamuis non tam latam, ex iure diuino competere episco-  
pis quæ fuit apostolis data: quia illi sunt istorū successores.  
Præterea episcopis iure diuino competit ecclesiæ regimen.  
Nam Paulus Mileti existens, conuocatis ad se ex epheso  
*Act. 20* episcopis, dixit. Attendite vobis & vniuerso gregi, in quo  
vos spiritus sanctus posuit episcopos regere ecclesiam Dei,  
quam acquisiuit sanguine suo. Ecce vides Episcopos ad re-  
gimen ecclesiæ datos, non ab homine sed à spiritu sancto.  
At regere nō valet qui nullam habet potestatem iurisdictionis.  
Ergo episcopi qui à Deo ad regimen ecclesiæ sunt insti-  
tuti, ab illo etiam habent iurisdictionis potestatem. Fateor  
quidem hanc Episcopatum diuisionē, qua quisq; episcopus  
suos habet peculiare subditos, iure humano introductam  
esse: & merito ad euitandam confusionem, & euitandas  
etiam dissensiones, quæ facile oriri poterant nisi talis diui-  
sio facta fuisset, quas suas quisque posset agnoscere oues, &  
ab alienis abstinere. At quod Episcopus potestatem iurisdic-  
tionis habeat, ex solo diuino pendet iure, non humano. Ex  
iure diuino hanc habet potestatem factus Episcopus. sed iu-  
re humano fit illi hæc potestas determinata circa has aut  
illas oues tibi commissas, quæ aliquando est latior aliquan-  
do breuior, penes hoc solū quod plures aut pauciores sub-  
diti illi tribuuntur. Et si contingat ob aliquod crimen epi-  
scopum

**A** scopum à papa priuari episcopatu suo, quod ille ob multa crimina recte facere posset, tunc episcopus erit priuatus subditis, in quos iurisdictionis potestatem exercere possit, sed non erit priuatus ea iurisdictionis potestate quam in sua consecratione accepit. Quemadmodum diceremus de sacerdote habente beneficium, si priuaretur beneficio, qui absolvere non potest, non propter defectum potestatis, sed quia non habet subditum, supra quem illam exerceat. **Accedit ad** hæc omnia, quod quando Episcopi eliguntur & confirmantur, nulla sit illis ab ecclesia commissio iurisdictionis: quod quidem non omisisset ecclesia facere, si hanc ab illa iurisdictionem episcopos habere putaret. Verum quia pro constante habet ecclesia Episcopos postquam electi & confirmati fuerint, ex iure diuino habere iurisdictionem super populum illis commissum, ideo nunquam hoc illis committere curauit. Demum, verba Leonis papæ quæ pro se Caietanus citauit, discutiamus, & ex illis patebit clare, beatum Leonem nostram confirmare sententiam, tantum abest ut Caietano illius verba fauere possint. Sed ut clarius verus illorum verborum sensus pateat, capituli illius initium repetere oportet, cuius hæc sunt verba. Ita dominus noster Iesus Christus humani generis saluator instituit, ut veritas quæ antea legis & prophetarum præconio continebatur, per apostolicam tubam in salutem vniuersitatis exiret, sicut scriptum est. In omnem terram exiuit sonus eorum, & in fines orbis terre verba eorum. Sed huius muneris sacramentum, ita dominus ad omnium apostolorum officium, pertinere voluit, ut in beatissimo Petro omnium apostolorum summo principaliter collocaret, ut ab ipso quasi à quodam capite dona sua velut in corpus omne diffunderet, ut exortem intelligeret se diuini ministerij esse, qui ausus fuisset à Petri soliditate recedere. Hæc Leo papa. In quibus verbis id potissimum annotandum est, quod ait dominum voluisse, ut illa dona ad omnium apostolorum officium pertinerent. Si ex domini voluntate habens, non ergo ex sola Petri commissione. Deinde ait dominum Iesum Christum, & non Petrum, hæc ministerij dona in totum ecclesiæ corpus diffundere: sed ordine quodam, ita ut ab ipso Petro quasi à quodam capite faceret initium. Quod ideo beatus Leo dixit, quia prius Christus saluator noster hæc dona

Psal. 18

dona Petro, & postea aliis Apostolis concessit. Nam Petro C  
 facta concessio describitur, Matt. xvj. capite: quæ autem  
 aliis Apostolis data est, ab eodē Euangelista refertur xvij.  
 cap. Ex quo ordine colligere vult beatus Leo aliorum Apo-  
 stolorum auctoritatem quamvis datam à Christo, esse ta-  
 men subiectam Petro, & tandiu illos habere auctoritatem  
 illam, quandiu vniuntur illi capiti suo, & quandiu illi ec-  
 clesiastici ædificij fundamento innituntur, à quo si sepa-  
 rentur, sicut non pertinent ad Christi ecclesiam quæ super  
 illud fundamentum ædificata est, ita eo ipso amittunt om-  
 nem quam habebant ecclesiasticam iurisdictionem.  
 Ioannes de Turre cremata licet in principali huius dispu-  
 tationis capite nobiscum sentiat dicens papam effectum  
 hæreticum esse ipso iure diuino priuatum dignitate papa-  
 li, tamen in hac disputatione præsentibus uobis repugnat di-  
 cens Apostolos non à Christo, sed à Petro esse Episcopos  
 ordinatos. Pro qua re in lib. ij. suæ summæ de ecclesia, cap.  
 xxxij. multos citat ex iure canonico textus, qui nec tantil-  
 lum suam possunt confirmare sententiam, ideo prolixita-  
 tem vitare cupiens illos omittere decreui, præsertim quod D  
 res hæc non est hic à nobis primo intentata, sed obiter obla-  
 ta. Sed opus est iam ut alias partes illius primæ & præci-  
 pue argumentationis à Caietano factæ, discutiamus & exa-  
 minemus quid veritatis illæ contineant. Dicit eum qui hæ-  
 resim mente cōcepit, & illi pertinaciter adhæsit, quam nul-  
 lo actu exteriori manifestauit, esse verum hæreticum. Hoc  
 illi negare contendit Albertus Pighius lib. vj. Ecclesiasticæ  
 Hierarchiæ cap. xvj. Iniuste tamen id facit, quoniā & si hæ-  
 resis ab electione voluntatis (ut ille dicit) procedat, non est  
 ideo necessario consequens ut exterior oris prolatio requi-  
 ratur ad perfectum hæreticum efficiendum. Nam in aliis  
 peccatis quæ magis à voluntate pendent quàm hæresis,  
 quæ in intellectu collocatur, sola voluntatis electio sine vl-  
 la exteriori operatione sufficit ad perfectam peccati ratio-  
 nem efficiendam. Quo fit, ut idem prorsus de hæresi & hæ-  
 retico sit necessario dicendū: quia non cōstat quod hoc po-  
 tius ad hæresim quàm ad alia peccata requiratur. Propter  
 quod illi qui dicunt papā si in hæresim labatur, esse iure di-  
 uino priuatum dignitate papali, hoc idem dicendū putāt, si in  
 hæresim mentalem labatur, quia illum nō minus hæreticum  
 esse



**A** esse putant quàm aliū. Nec ideo nos dubios futuros esse dicunt & incertos circa ea quæ à Papa fiunt, quoniam & si illius fides interior non sit nobis nota, tamen quandiu illius infidelitas nobis nō patet, semper illum tenemur reputare fidelem. Quia (vt ait regula iuris) quilibet præsumendus est bonus donec probetur cōtrariū. Negant etiā confusionem totius ecclesiæ inde gigni turbando totum ordinem ecclesiasticū, reputando episcopos aut presbyteros qui nō essent: quoniam Deus qui ecclesiæ velut sponsæ suæ curam habet, illi prouideret de remedio. Sicut si aliquis non baptizatus ordinaretur presbyter, sicut aliquādo contigisse cōstat ex titulo, qui de hac re inscribitur in decretalibus, & ille postea efficeretur episcopus, & tandem papa, & multos consecraret episcopos, & ordinaret sacerdotes, tunc ille sicut non esset sacerdos, ita nec episcopus, nec papa, quamuis vt talis reputaretur. Quo euentu necessaria esset confusio ordinum ecclesiasticorum. Credendum tamen est (vt beatus Thomas in iij, sen. d. xxiij. docet) Deum tunc subuenturum ecclesiæ, datum ūmq; illi conueniens remedium. Sicut olim quando mulier sexum mēita masculinum, in papam electa & pro tali per aliquot annos reputata est. Ita etiam nihil ob stare putant, vt papa in hæresim mentalem lapsus, sit dignitate papali priuatus, quamuis oporteret illum tunc velut papam venerari. Quoniam ne ecclesia in huiusmodi Labyrinthos incideret, Deus illi de remedio prouideret. Ita respondet Turre cremata libro iij. suæ summæ, parte ij. capite xx. Posset tamen dici, & forte melius fatendo illum, qui in hæresim mentalem lapsus est, esse hæreticum, sed non talem, vt propterea iure diuino sit eo ipso priuatus dignitate papali. Dicitur enim fidem interiorem non esse necessario requisitam ad dignitatem papalem, sed satis esse exteriorem fidei confessionem: quam qui habuerit, quamuis fide interiori careat, poterit dignitatem Pontificiam quam habebat conseruare. Et huic sententiæ fauere videtur Glossa super illa verba, super hanc petram ædificabo ecclesiam meam. quæ illam vocem, petram, exponit non per fidem, sed per fidei confessionem. Quibus verbis innuere videtur pontificiam Petri & successorum eius dignitatem, super solam fidei confessionem fundatam esse. Et si res ita se habet, oportebit necessario dicere.

re, solum hæreticum exteriorem siue manifestum esse ex C  
iure diuino priuatum pontificia dignitate, & non hæreti-  
cum occultum qui intra cordis sui latebras hæresim suam  
recludit. Et huius discriminis posset dari causa: quia hanc  
pontificiam dignitatem, non ad ipsorum pontificum ho-  
norem, sed ad plebis vtilitatem Deus instituit. Et inde  
euenire necesse est, vt quanto quisque magis reipublicæ  
Christianæ nocere potest, tanto magis sit ille censendus  
indignus: & eo magis e contrario sit tolerandus, quo mi-  
nus poterit ecclesiæ incommodare. Cum igitur ille qui hæ-  
resim in corde suo retinet, & nullo exteriori signo mani-  
festauit, nihil per illam solam possit ecclesiæ nocere, Deus  
illum sua dignitate nō priuat. Illum vero qui publice suam  
hæresim loquitur, quia per illam multum catholicæ ec-  
clesiæ nocere posset, Deus voluit vt eo ipso esset sua di-  
gnitate priuatus, ne sermo illius, qui, teste Paulo vt can-  
cer serpit, à dignitate robur accipiens potentius grassa-  
retur. Sed pergamus adhuc vltra, & aliam partem illius ar-  
gumentationis à Caietano factæ examinemus. Dicit enim  
quòd propter actum purè interiorem animæ, nunquam ho-  
mo potest humanæ iurisdictioni subesse: quia Deus so-  
lus est qui intuetur cor, homines autem ea sola quæ foris D  
parent, atque ideo de solis illis iudicare illi possunt, & per  
consequens illa sola punire. Hanc propositionem assump-  
tam etiam illi negat Albertus Pighius, qui cum Adriano  
docet, & pro constanti tenet actus animæ interiores sub-  
esse iudicio humano. Ego tamen Alberti aut Adriani opi-  
nionem amplecti nolo, sed hoc mihi cum Caietano con-  
uenit, vt supra cum de excommunicatione differentem, a  
parte expressi. Ex his igitur omnibus partibus iam exami-  
natis & plenè discussis, pessimam concinnauit Caietanus  
argumentationem. Nam etsi omnes illas propositiones,  
quarum aliquas negauimus, illi gratis donemus, solum ex  
eis colligere licet cæteros episcopos propter solam men-  
talem hæresim, non esse eo ipso priuatos iurisdictionis po-  
testate. Sed inde non sequitur Romanum Pōtificem etiam  
non esse eo ipso priuatum sua dignitate papali. Nam de  
cæteris episcopis, etiam si omnia in argumentatione assump-  
pta darentur, nihil probatum esset, nisi quòd illi ex iure hu-  
mano ob solam hæresim mentalem nō sunt priuati digni-  
tate

**A** tate sua. Vt autem inde colligere valeret, Romanum Pontificem etiam propter solam hæresim mentalem non esse priuatum potestate papali, oporteret probare, Romanum pontificem etiam habere suam potestatem ex commissio-  
ne humana & non à Deo. Tunc enim bene colligeretur, vt idem de illo esset cõsendum quod de aliis, quia illius actus interior etiam non subiceretur iudicio humano, à quo potestatem acceperat. Aut oporteret addere in argumentatione Romanum Pontificem non esse subiectum iudicio diuino secundum actus interiores, quemadmodum alij Episcopi non subduntur iudicio humano penes eosdem. Tunc etiam collectio illa esset bona. Quia sicut ceteri episcopi per solam hæresim mentalem iure humano non priuantur iurisdictionis potestate eo quod per illam non subduntur iuri humano: ita etiam oporteret Romanum pontificem per solam hæresim mentalem non esse iure diuino priuatum potestate papali, si ille per talem hæresim non esset subiectus iudicio diuino. Alioquin si hæc duo subtrahantur ex illa argumentatione, sicut necessario sunt subtrahenda: quoniam fide credere tenemur Romani pontificis potestatem esse non ab hominibus, sed à Deo, & illum per actus interiores diuino iudicio subditum esse, argumentatio illa nullus prorsus erit roboris aut inuolenti. Nam ex hoc quod ceteri episcopi ob solam hæresim mentalem non sunt priuati ex iure humano cui subesse non possunt, inferre quod Romanus Pontifex ob solam etiam hæresim mentalem non sit priuatus ex iure diuino, cui est vere subiectus, tam mala est collectio, vt nemo sit qui non intelligat. Tam exactam feci de Caietani argumentatione examinationem, vt planè ostenderem quàm debilis fuerit argumentatio, à qua intellectum suum deuietum fuisse fatetur. Hac igitur argumentatione, quam aduersarij præ omnibus astimant, prorsus enervata, reliquas quoniam debiliores sunt facile proster-nemus. Secundo sic argumentantur, Rex aut Imperator si fiat hæreticus non est eo ipso ex iure diuino priuatus regno aut Imperio: quia constat multos in lege veteri fuisse Reges idololatrias, & multos etiam fidelibus impe-rasse Reges infideles, de quibus ipsemet Deus ait. Ipsi regnauerunt & non ex me. Et iterum, dabo tibi Regem in futuro meo: ergo eodem modo papa aut quicuis alius episco-  
pus,



pus, quāuis hæreticus fiat, poterit fidelibus catholicis præ  
 esse. Respondco, nō esse eandem omnium illorū rationem,  
 neque Imperatores aut Reges aut alios dominos seculares  
 esse eadem lege qua prælati ecclesiastici regendos. Quoniā  
 temporale dominū aut secularis potestas nō habet pro fun-  
 damento suo cui innititur fidem: & ob hanc causam etiā si  
 fides desit, possunt illorū dominia & potestates subsistere,  
 siue fidelibus siue infidelibus dominantur. Nihil enim ob-  
 stat, vt infidelis homo in rebus pure secularibus possit fide-  
 libus præesse & illis dominari. Et idem dicendum puto de  
 sacerdotio veteris legis, quod licet circa spiritualia versa-  
 retur, quia tamē nō erat illi data fides pro fundamento, illa  
 seclusa cōsistere illud valebat, ita vt quāuis hereticus fieret,  
 nō esse eo ipso sacerdotio priuatus. At longē aliter se habet  
 potestas ecclesiastica in lege Euangelica: quoniā hæc fun-  
 data est super firmam petram, hoc est, catholicam fidem,  
 Hac igitur euerfa, necesse est, vt tota ecclesiastica potestas,  
 quæ illi innitebatur, corruat. Quo fit, vt licet in temporalibus  
 & corporalibus infidelis fidelibus præesse possit & do-  
 minari, in spiritualibus tamen infidelis supra fidelem nul-  
 lam potest habere iurisdictionis potestatem. Tertio cōtra nos  
 argumentantur ex facto Marcellini, qui in horribili illa  
 sub Diocletiano feruente persecutione, carnificum violen-  
 tia ad impia sacrificia pertractatus succubuit, & Thura ido-  
 lis adoleuit, arisque iniecit: nec tamen ob hoc à papatu de-  
 iectus est sed in eo vsque ad mortem perseuerauerit. Huic  
 argumentationi facillime responderetur, negando Marcelli-  
 num papam fuisse hæreticum, quia licet in cōfessione fidei  
 aduersus parata & iam intentata tormenta satis constans  
 non fuit, tamen fidem quam mente tenebat, non amisit. At  
 opus exterius (vt supra cap. j. huius operis diximus) non est  
 hæresis, sed solus mentis assensus vel dissensus, quamuis ex  
 ipso opere vehemens aliquando oriatur hæresis suspicio, vt  
 ita illum mente credidisse merito putetur, sicut suum opus  
 exterius demonstrat. Verum hæ suspiciones hominū sunt,  
 qui de occultis certam nō possunt dicere sententiam. Quod  
 vero Marcellinus veram nō amisit fidem, satis apertē cō-  
 uincitur per id quod habetur in cap. Nunc autem, dist. xxj.  
 Ibi enim dicitur, quod cōpulsus à paganis grana thuris su-  
 per prunas imposuit. Si compulsus, ergo nō ex libera hoc  
 fecit



**A** fecit voluntate, sed vt tormenta vitaret. Tormenta autem satis vitabat per solum opus exterius, sine errore intellectus: quia gentiles quibus solis tunc placere curauit, non interiorem mentis fidem, sed opus exterius cernere poterant. Deinde, etsi gratis daremus illum tunc perdidisse fidem, non tamen ideo censendus est hæreticus: quoniam defuit illi pertinacia, quæ summe necessaria est, vt quis merito dicatur hæreticus, vt habetur ex c. Dixit Apostolus. xxiij. q. iij. Marcellinus siquidem ad cor reuersus, & sui delicti acerbissime pœnitens, in publico episcoporum concilio suâ inconstantiam confessus est, & libens iudicio se subdidit sacerdotum, qui humilem illius aspiciētes cōfessionem, nullam in illum ausi sunt dicere sententiam. Quarto loco contra nostram sententiam argumentantur aduersarij, per illud quod dicitur in cap. Cum ex iniuncto, de hæreticis, ad quem pertinet institutio alicuius, ad eundem spectat destitutio eiusdem. Ex quibus verbis colligere volunt Papam, si fiat hæreticus, esse ab hominibus deponendum, & non esse ex iure diuino depositum: quia cum ab hominibus eligatur, oportet vt etiam ab illis deponatur. Hoc argumentum est tam debile, vt indignum sit cui debeat dari vlla responsio. Nam regulam illam, quæ ad coërcendos temerarios hominum ausus à iure statuta est, ad diuinam potentiam accommodare volunt, tanquam si illa aliquid quod non liceret, tentaret, & ob id certis limitibus ab humano iudicio statutis, esset cohibenda. Quis quæso homo catholicus est, qui hanc non irrideat consequentiâ? Papa eligitur ab homine, ergo non potest deponi à Deo. Et multo magis ridendus erit qui illam probare pergat per illam regulam iuris, ad quem pertinet institutio, pertinet destitutio. Deinde, etsi gratis illis demus regulam esse vbique veram, non tamen eo sensu quo ab illis accipitur. Nam regula illa (vt ex decursu illius capituli facile constare potest) in hunc sensum data est, quod nullus inferior potest destituere illum qui à superiore institutus est: & inde argumentatur Papa quod presbyter si malus fuerit, non est à plebe quæ supra illum nihil penitus habet potestatis, sed ab episcopo qui illum instituit deponendus. Et ita concederem ego Papam, qui à Cardinalibus electus est, non posse ab alia potestate ipsis Cardinalibus inferiore deponi. Sed nunquid ex illa regula

colligere licet, vt institutus ab aliquo non possit à superiore destitui? Minime. Nam sacerdos ab episcopo ad curam animarum institutus, potest per papam ab eadem cura deponi: imò etiam ab Archiepiscopo Metropolitano, si causa propter quam merito deponendus est, sit ad Archiepiscopum deuoluta. Cum igitur regula illa concedat institutori alicuius, potestatem deponendi illum, eo ipso eandem potestatem concessisse videtur cuiusq; habenti plenam super institutorem potestatem. Et inde sequitur (volo quidem iuxta præfatam regulam loqui) vt Deus qui Cardinalibus & tota ecclesia superior est, possit voluntate sua & iure à se edito destituere papam qui à Cardinalibus fuerit electus. Destituit autem ille hæreticum à papatu, quando firmissimo decreto statuit ecclesiam suam fundari supra fidem, aut supra apertam fidel confessionem. Quinto argumentantur aduersarij cōtra nos, per hoc quod episcopi in hæresim pertinaciter lapsi, si ad fidem redeunt, ad suas restituantur dignitates: signum est ergo quod non fuerāt illis priuati, alioqui oportet nouam facere electionem. Antecedens probant per ca. Maximum. j. q. vij. Et inde arguunt vt idem de papa hæretico dicendum sit, quia si ille ad fidem rediret, non reeligeretur, sed in pristina dignitate conseruaretur. Et hanc etiam argumentationem magni æstimet Caietanus, quæ tamen (vt verum loquar) nihil me mouet. Fateor quidem hæreticos episcopos quando ad ecclesiæ vnitatem redeunt, solere recipi ad sedes suas: quanquam hoc male probat Caietanus per illud ca. Maximum. j. q. vij. Quoniam Maximus ille, de quo ibi est sermo, postquam ab hæresi Donatistarum ad ecclesiam redierat, ordinatus fuit episcopus: in quo gradu existens non fuit lapsus in hæresim. Sed quia male, & contra ecclesiasticos canones, ex laico sine vlllo temporis intervallo in minoribus ordinibus seruato, ordinatus fuerat episcopus: ideo dubium erat, an in Episcopali dignitate manere deberet. Cui quæstioni papa Leo responder, quod licet reprehensibiliter ordinatus, ab episcopali tamē dignitate non repellatur, dummodo libellum ad papam mittat, quo catholicum se esse testetur. Itaq; cap. illud. nullo pacto nostro seruit proposito. Quod facile constare poterit legenti epistolam Leonis lxxxv. ex cūlus cap. iij. Sumptum est illud ca. Maximum, & cap. Donatum. Multum certe interest, an ipsas

**A** ipsas origines legas, an centones illarum male dilaceratos. Hoc quod Caietanus probare vult, multo melius probasset per cap.conuenientibus.j.q.vij.quod ex actis septimæ synodi,quæ fuit secunda Nicæna,sumptum est.Illic enim decretum est,vt episcopi, qui à fide catholica defecerant, resipiscentes in suis sedibus tunc reciperentur. Sed hoc non ex necessitate iuris: sed ex quadam misericordiæ dispensatione factum est,vt apertissime constat per cap. si quis hæreticæ.j.quæst.j.Nam & si episcopi hæretici sint iure diuino sua episcopali dignitate priuati, ecclesia tamen ex rationabili causa dispensat aliquando, vt reuersis ad fidem dignitates pristina restituantur. Et talis restitutio pro noua electione,aut noua prouisione habenda est. Nec mirari quisquam de hoc debet: quoniam idem in aliis multis necessario dicendum est.Clericus enim homicida eo ipso,quod commisit homicidium,incurrit irregularitatem, & est priuatus beneficio, quod habebat, si tamen ex quadam misericordia per papam cum illo dispensetur,& beneficium illi restituitur, talis restitutio pro noua collatione æstimanda est. Sexto nobis obiiciunt c.audiuimus.xxiiij.q.j. vbi de episcopo hæc dicuntur.Si autem in corde nouam hæresim confinxit, ex quo talia prædicare cœpit, neminem damnare potuit. Ex quibus verbis inferre volunt, quod antequam episcopus hæreticus prædicet, aut doceat,excommunicare, & damnare potest, & inde euidentissime colligitur, vt non eo ipso quo factus est hæreticus, sit sua dignitate priuatus. Hic argumentandi modus est debilissimus: quia per hoc, quod vnum negatur, non est necessarium, vt dicamus aliud concedi. Deinde verba illa modo citata non sunt Alexandri secundi, cuius est illius cap.initium. Nam ab illo loco: Sin autem ex corde suo, &c. verba sunt Gratiani, & inde exorditur secundam partem illius quæstionis. Autoritas Gratiani non est tanti ponderis,vt me premere valeat, & à sententia mea discedere me cogat: præsertim cum tam multa ille alibi doceat,in quibus est ille ab omnibus necessario deferendus. Si tamen præfata Gratiani verba gratis recipere volumus, superiori illi sententiæ fauere poterunt, qua probabiliter diximus mentalem hæreticum non esse iure diuino depositum:quia (vt in responsione primæ argumentationis probabile esse diximus) fundamentum su-

per quod ecclesiastica potestas fundatur, non est sola fides interior: sed exterior fidei confessio. Sed quia per hoc oportet dicere, illum, qui exteriori fidei confessione caret, esse ipso iure priuatum, quod nos aperte negauimus cum de facto Marcellini Papæ disseruimus. Ideo melior mihi videtur sententia, mentalem hæreticum esse etiam ipso iure priuatum. Si cui tamen magis probetur alia sententia, dicere poterit Marcellinum quamuis fidem mente retinuerit, propter exteriorem infidelitatem eo ipso fuisse ex iure diuino sua dignitate priuatum: cum tamen à toto concilio, coram quo suam culpam confessus est, toleratus fuit, eo ipso tacitis suffragiis fuit iterum in Pontificem summum electus. Hæc sunt omnia, quæ ab aduersariis contra præfatam nostram opinionem obiici solent: sunt tamen quædam alia per me excogitata, quæ paulo magis vrgere mihi videntur: quibus respondere etiam decreui, vt inde nostræ sententiæ veritas clarius omnibus innotescat. Prima, quæ mihi se offert argumentatio, oritur ab æstimatione duarum potestatum ordinis, & iurisdictionis inter se comparatarum. Multo enim præstantior, atque nobilior est potestas ordinis, quam potestas iurisdictionis: sed potestas ordinis non habet fidem pro fundamento, nec illam exigit ad sui consistentiam: ergo potestas iurisdictionis, quæ minor est, non habet etiam fidem pro fundamento, neque illam ad sui consistentiam necessario requirit. Et inde euidenter colligitur illam per hæresim minime perdi. Ex quo aperte sequitur nec papam, nec episcopum, eo ipso, quod factus sit hæreticus, suam amittere dignitatem. Consequentia huius argumentationis videtur nota per locum à maiori ad minus negatiue. Minor etiam est manifesta ex his, quæ supra diximus, cap. xxj. huius lib. quia potestas ordinis non fundatur: nisi in charactere sacerdotali, & inde deducitur, quod sacerdos etiam si fiat hæreticus, nunquam potest illam amittere. Maiorem istius argumentationis, quæ forte alicui magis neganda videbitur, probō: quia potestas ordinis est supra corpus Christi verum, potestas autem iurisdictionis non est nisi supra corpus Christi mysticum. Præterea potestas ordinis: quia tanta est, non nisi à Deo dari potest, cum tamen potestas iurisdictionis sæpe ex hominum pendeat voluntate. Et hinc alia oritur excellentia in potestate ordinis supra potestatem iurisdictionis:



**A** ctionis: quia potestas ordinis est indelebilis, & minime amissibilis, potestas vero iurisdictionis sæpe deperditur. Accedit ad hæc, quod si quis non sacerdos habeat beneficium, cui est annexa animarum cura, eo ipso habet potestatem iurisdictionis, qua tamen non obstante, ille dignitate minor censendus est, quã quiuvis alius sacerdos curã animarum non habens. Quod nõ aliunde euenire potest: nisi quia ordinis potestas præstãtior est, quã iurisdictionis. Respondendo fatendo potestatem ordinis absolute nobiliorem, & digniorem esse potestate iurisdictionis: quia circa multo præstantius obiectũ versatur, quã illa: quia (vt recte dictum est in argumentatione) hæc circa corpus Christi verum: illa vero circa solum corpus Christi mysticum versatur. Si tamẽ duæ illæ potestates ad populũ, propter quẽ solũ à Deo institutæ sunt referantur, multo maior cognoscetur esse potestas iurisdictionis, quã ordinis: quia per illã multis de causis magis prouidetur populo, quã per aliã. Nã per illã docetur populus in fide, & moribus. Ab illa, qui ignorans est doctrinã petere debet: prout dominus per Malachiã prophetã testatur, sic inquit: Labia sacerdotis custodiunt scientiam, & legem requirẽt de ore eius: quia angelus domini exercituum est. Per potestatem iurisdictionis cõseruatur pax in populo; iustitia retinetur, suum cuiq; ius datur, vitia coërcentur, mali populi mores corriguntur: quidquid deniq; boni in ecclesiastica rep. est sine hac potestate facile laberetur, & si quid mali est, sine illa facilius augeretur. Nihil horum ad ordinis potestatem spectat. Quo fit, vt per potestatem iurisdictionis magis prouideri possit, qui illam habet, si sit bonus: & magis obesse si sit malus. Ob hanc igitur causam Christus saluator noster potestatem iurisdictionis statuit supra fundamẽtum fidei, ne fide careret, cui ex officio incumbere debet, alios fidem docere, & errantes ad fidem reuocare. Potestatem verò ordinis: quia nulla illi ex necessitate iniungitur populi doctrinã, aut disciplina, noluit idem saluator noster supra fidem fundare, neque fidem ad illius consistentiam exigere. Quia quod per istam faciendum est, etiã fide seclusa, citra yllũ aliorum incommodũ fieri potest. Secunda argumẽtatio, quæ mihi (vt ingenue loquar) non paruum facessit negotium est, quia hæreticus, & si per hæresim perdat fidem, non tamen eo ipso est prorsus ab ecclesia separatus.

Mal. i

2. Cor. 5  
Rom. 2

tus : sed adhuc est pars illius corporis , & membrum eius : C  
ergo adhuc stante hæresi poterit in se dignitatem papalem  
conseruare. Quia cum non sit eo ipso ab ecclesia præcissus,  
videtur quòd non sit etiam eo ipso potestate iurisdictionis  
priuatus, siue episcopalis illa sit , siue papalis. Quod autem  
hæreticus non sit eo ipso prorsus ab ecclesia præcissus : sed  
sit adhuc pars , & membrum illius , inde apertissime con-  
uincitur , quòd adhuc subest iudicio ecclesiæ : quia ab illa  
punitur, & variis ab illa affligitur pœnis. Hoc autem eccle-  
sia non faceret : nisi intelligeret hæreticum esse intra illius  
gremium, essetq; aliquam illiusquamuis putridam partem.  
Nam Paulus ait : Quid mihi de his , quæ foris sunt iudi-  
care ? Et iterum alibi : Tu quis es, qui iudicas seruum alie-  
num ? Fateor quidem, & (meo quidem iudicio) negari non  
potest hæreticum esse partem ecclesiæ, & membrum illius,  
& non esse omnino ab illa separatum : quia & si fidem non  
habeat , habet tamen characterem baptismalem per quem  
primo factus est membrum ecclesiæ , quo durante semper  
erit membrum illius , vt habetur in cap. veniens. De pres-  
bytero non baptizato. Sed licet sit membrum ecclesiæ, non  
tamen potest esse caput : quia cum caput sit principalius to-  
tius corporis membrum , multo plura ad caput , quàm ad  
cætera membra requiruntur. Papa igitur si hæreticus fiat,  
iam (vt ante) caput erit : sed pes, aut si quod est aliud infe-  
rius, aut vilius membrum. Cæterum de punitione, qua ec-  
clesia hæreticum punit , paululum discernere oportet , &  
causam illius inuestigare. Et certe oportet fateri hæreti-  
cum intra ecclesiam esse, ne dicamus istam de his, qui foris  
sunt, iudicare. Nec tamen ob id solum illam hæreticos pu-  
niri dicendum est : quia illi characterem baptismalem re-  
tinent. Nam hac ratione oportet dicere hæreticum non  
posse, vita durante, esse extra iudicium ecclesiæ , cum sem-  
per habeat in se characterem baptismalem. Quo concessio,  
necessario etiam fatendum erit , vt postquam ecclesia ho-  
minem hæreticum tradidit seculari potestati ab illa pu-  
niendum , si potestas secularis illum punire nolit, & illum  
liberum dimittat, ecclesia nihilominus adhuc illum hære-  
ticum punire possit , & idem esse dicendum de presbytero  
degradato. Hoc tamen non est dicendum : quia ecclesia per  
talem hæretici traditionem, & per degradationem, videtur  
iuri

- A** iuri suo renunciare , vt ex verbis ipsius degradationis colligi potest , quæ habentur in capite, Degradatio. de poenis. libro sexto. Vt autem causam huius punitionis ego aperte explicem , admonéo lectorem , vt consideret , quod cum aliquis baptizatur tunc intrat ecclesiam , sicut nouus aliquis colonus , qui recipitur in ciuitate. Quando autem aliquis sic in aliqua republica admittitur , ex ipsa natura receptionis initur quidam contractus inter ipsum colonum admissum, & rempublicam , ita vt colonus obligetur seruare leges , & statuta respUBLICÆ , illi obedire , illi periclitanti subuenire ; illius iudicio stare , & respUBLICA tenetur illum in ea illæsum seruare ; & à calumniatoribus protegere. Vt autem hic contractus rescindatur , non satis est alterius illorum voluntas : sed vtraque requiritur : quia licet quilibet possit iuri suo renunciare, non tamen iuri alterius, præsertim iuri iam acquisito. Si tamen respub. & colonus concordî voluntate postea conuenirent , posset colonus intra ciuitatem manere sine aliqua mutua inter illos obligatione, ita vt nec colonus obligaretur reipub. nec respub. colonus. Inter baptizatum , & ecclesiam , à die baptismi est
- B** initus talis contractus : quia baptizatus ab illo die tenetur mores, leges , & statuta ecclesiæ seruare , illi obedire, illius si deliquerit subire iudicium : & ecclesia tenetur illum docere , sacramentis pascere , illum pro sua potentia protegere. Hæreticus se ab ecclesiæ vnione segregans , licet hoc ipso visus sit iuri suo renunciare : non tamen potest ecclesiam, cui in baptismo se subdidit, iure suo priuare. Et ob hanc causam illum punire potest : quia obtinet ius quod super illum per illius baptismum suscepit. Cum ecclesia aliquem degradat, aut hæreticum potestati seculari tradit, tunc iuri suo renunciat. Quo fit, vt si potestas secularis illum non puniret, ecclesia iam illum amplius punire non possit, quamuis sit intra ecclesiam & membrum illius ratione baptismalis characteris: Et si ille auxilium ecclesiæ post hoc imploraret, ecclesia hoc illi dare non teneretur : quia ille suo iuri renunciauit, & quis non renunciaffet , potest ecclesia illum propter peccatum suo iure priuare.



*An testis qui nouit aliquem esse in haeresim lapsum  
teneatur, quamuis non sit requisitus, illum  
iudici manifestare, etiam ante fratres  
nam illius correptionem.*

## CAP. XXV.

**D**E pœnis, quæ contra hæreticos iure canonico, & civili decretæ sunt, per multa ca. hucusque disseruimus. Sed quia illarum aliquas iudex licet id anxie optet, non potest hæretico infligere, propterea quod illum esse hæreticum nescit: ideo opus est, vt testis, qui hæretici crimen nouit, illud iudici prodar, vt ille de crimine certior factus, possit malum de medio tollere: & sic totam rempub. seruare illæsam. Alioqui peccatum semper maneret impunitum: nisi esset testis, qui illud iudici reuelaret. Nam licet iudex per se ipsum optime sciat alterius delictum, vt puta, quia ipso vidente ille commisit, non potest tamen iuste illum punire: nisi testis adsit, cuius testimonio illius peccatum constare possit. Quoniam iudex ipse non potest duarum diuersarum personarum officio fungi, ita vt simul sit iudex, & testis. Verum licet iudex peccatum, quod solus vidit, punire non possit, potest tamen inquirere an alius forte hoc idem sciat, quod ipse vidit: vt si alios esse, qui illud optime sciunt inuenerit, tunc illorum testimonio adiutus poterit illum punire. Sunt igitur ad iustitiæ executionem testes necessarii. Nam de ordine iudicij Deus loquens ait: Non stabit testis vnus contra aliquem quidquid illud peccati, & facinoris fuerit: sed in ore duorum, aut trium testium stabit omne verbum. Quam legem Saluator noster apud Ioan. approbasse videtur. Ex quibus verbis aperte colligitur verbum illud firmum in iudicio stare non posse, quod & si verissimum sit: duorum tamen testimonio caret. Cum igitur testes ad iudicium recte ferendum sint nō minus necessarii, quàm iudices: sequitur inde testes pari necessitate teneri ad testimonium præbendum, vt iudices ad iudicium ferendum: peccaret quidem iudex si requisitus in aliqua causa iudicium, & iustitiam facere cōtemneret, & peccaret etiā testis qui requisitus, aut à iudice, aut à quouis alio, cui suo testimonio prodesse posset, testimoniū dicere recusaret: præsert

Deut. 19

Ioan. 8



**A** fertim de re minime occulta, & quam non ille solus nouit. Nec solum peccat: sed si sua taciturnitate proximo nocet, tenetur ad recompensationem damni, quod suo silentio intulit proximo faciendam. Nam eum, qui per taciturnitatem latronē occultat, Salomon in Prouerbiis reum furti esse censer, sic inquires, Qui cum fure participat, odit animam suam, adiurantem audit, & non indicat. Quæ verba interpretans beatus Hier. in commentariis super proueria ait: Non fur solum: sed ille reus furti tenetur, qui furti conscius querente possessore non indicat. Hæc ille. Sed dubium est an testis non requisitus ab aliquo teneatur peccatum alterius, quod nouit iudici reuelare, aut testificādo, aut denunciando? De hac re non potest certa aliqua, & vniuersalis dari sententia: sed considerāda prius est criminis qualitas. Nam si crimen tale est, quod reipub. facile nocere potest, tenetur illud vel per se, vel per alium iudici reuelare, siue illud publice nouerit, siue in secreto fuerit illi commissum: bonum enim commune præferendum est bono particulari, & inde euenit, vt potius quisq; prospicere debeat populi incolumitati, quā vnius hominis famæ. Et de huiusmodi crimine intelligendum est, id quod Aug. ait: Qui veritatem occultat, & qui prodit mendacium, vterq; reus est: ille quia prodesse non vult, iste quia nocere desiderat. Hæc ille. Et hanc meam sententiam confirmo testimonio beati Tho. qui in Secunda Secundæ, quæst. lxx. art. j. in responsione ad secundum principale arg. sic ait: Circa ea, quæ aliter quā per confessionem homini sub secreto commituntur, distinguendum est. Quandoq; enim sunt talia, quod statim cum ad notitiam venerint, homo ea manifestare tenetur, puta, si pertinent ad correptionem multitudinis spiritua-lem, vel corporalem, vel in graue damnum alicuius personæ, vel si quid aliud est huiusmodi, quod quis propalare tenetur, vel testificando, vel denunciando, & cōtra hoc debitum obligari non potest per secreti commissum. Hæc sanctus Tho. Alia autem crimina, quæ nec multitudini nocent, nec graue incommodum particulari personæ inferunt, non tenetur aliquis reuelare præsertim, si illa in secreto fuerant illi commissa. Ex his omnibus apertissime colligitur eum, qui nouit aliquem esse hæreticum, teneri ad reuelandum illius crimen iudici competenti, etiam si de hoc non sit

*Prov. 29**Hiero.**Augusti.**S. Tho.*

specialiter requisitus, & quamuis in secreto fuerit sibi alterius hæresis reuelata. Nam hæresis pestilentissimum est venenum, quod citò, & facile maximam quanque potest inficere multitudinem. Propter hanc enim causam Paulus de hæreticis loquens dixit: Sermo illorum, vt cancer serpit. Potest etiam ad huius sententiæ confirmationem non incongrue adduci id quod Dominus olim de homine seductore, & ad idololatriam persuadente fieri præcepit sic in-

**2. Tim. 2.** **Dent. 13** quiens: Si tibi voluerit persuadere frater tuus filius matris tuæ, aut filius tuus, vel filia, siue vxor, quæ est in sinu tuo, aut amicus, quem diligis vt animam tuam, clam dicens: Eamus, & seruiamus diis alienis, quos ignoras tu, & patres tui cunctarum in circuitu gentium, quæ iuxta, vel procul sunt ab initio vsque ad finem terræ, non acquiescas ei, neque audias, neque parcat ei oculus tuus, vt miserearis, & occultes eum. In quibus verbis id maxime annotandum est, quod & si talia seductionis verba clam, & secreto dicerentur à seductore, Dominus tamen præcepit non esse illi seruandum secretum: sed illius crimen esse reuelandum, vt postea à populo lapidibus obrueretur. Cum igitur tanta necessitate, & obligatione constringatur testis ad reuelandum hæreticum, quamuis in secreto sibi notum: si illum quis magis silentio suo tegere, quam reuelare voluerit, præsertim si de testimonio dicendo fuerat, aut per singulare mandatum, aut per generale edictum requisitus, merito erit ob hoc solum de hæresi adeo suspectus, vt iure illi possit canonica purgatio indici, in qua & si bene se gerat, panietur quidem, non vt hæreticus: sed vt negligens in reuelando id, quod reuelare tenebatur. Si vero in purgatione defecerit: ego censerem illum tanquam hæreticum puniendum, quemadmodum si ob aliquam aliam causam fuisset violenta suspitione de hæresi notatus, & in purgatione illi à radice, & iure indicta defecisset. Nā si is, qui latronem silentio occultat censetur furti reus, multo iustius est, vt qui hæreticum silentio tegit, censeatur de hæresi violenter suspectus. Error enim (vt beatus Leo papa ait) cui non contradicitur, approbatur. Et beatus Paulus ait, non solum eos dignos esse morte, qui malum faciunt: sed qui faciētibus consentiunt. Quem locum Glossa, quæ dicitur ordinaria, interpretans dicit. Consentire est tacere, cum possis arguere. Et

super

- A** super illa verba Leuit. 20. Succidam omnes qui consenserunt ei, vt fornicaretur, ait Glossa consentientes, qui possunt accusare, arguere, vel monere, & non faciunt, non effugiunt iudicium. Hæc Glossa. Vna tamen non parui momenti quaestio de hac re superest discutienda, quæ talis est. An testis, qui nouit aliquem hæreticum teneatur illum fraterna, & secreta correptione admonere, antequam illius crimen iudici manifestet. Aliqua enim sunt, quæ vrgere videntur, vt dicamus testem sub præcepto obligari ad hæreticum admonendum, antequam illis crimen iudici denunciet. Primo quidem: quia Saluator noster talem ordinem circa omnes sine vilo discrimine seruandum esse præcepit, dicēs: Si peccauerit in te frater tuus, vade, & corripe eum inter te, *Mat. 18* & ipsum solum: si te audierit, lucratus eris fratrem tuum. Si autem te non audierit, adhibe tecum adhuc vnum, vel duos, vt in ore duorum, vel trium testium stet omne verbum. Quod si non audierit eos, dic ecclesiæ. Præterea Paul. *Tit. 3* iubet hæreticum hominem post vnam, & secundam correptionem esse deuitandum. Quibus verbis aperte docuit hæreticum hominem esse bis admonendum, & inde colligitur, vt ante talem admonitionem nemini liceat illum iudici reuelare. Rursum, talis admonitio hæretici est opus charitatis, & misericordiae: ergo testis cognoscens miseriam hæretici, frantis tenetur illius miseriam per suam correptionem subuenire. Collectio ista inde constat esse bona, quia (vt ait Sapiens) cuilibet mandauit Deus de proximo suo. Et certe, qui contrarium licere putat, præsertim in casu magnæ necessitatis, similis est Caim, qui interrogatus à Domino vbi esset frater eius Abel, respondit: Nunquid custos ego sum fratris mei? Antecedens autem illius consequentiæ probatur testimonio beati Iacobi dicentis: Fratres mei si quis errauerit à veritate, & conuerterit, & quis eum scire debet, quod qui conueriti fecerit peccatorem ab errore viæ suæ, saluabit animam suam à morte, & operit multitudinem peccatorum. Et inter tria eleemosynarum genera, quæ numerantur in cap. Tria. xlv. dist. vnum est delinquentes corrigere, & errantes in viâ veritatis reducere. Sunt etiâ ex opposito rationes aliquot non minus vrgentes, quæ contrariæ fauent sententiæ. Et primo quidem probatur non esse necessariam testi, qui optime nouit aliquem esse hæreticum,



ticum, illum secretò ante denunciationem admonere. Quia inter alia, quæ sacri doctores docent esse necessaria, vt quis teneatur fratrem peccantem corripere, vnum est spes emendæ ipsius peccatoris. Nam ad hunc finē dirigitur totus ille ordo correctionis fraternæ à Christo saluatore nostro in Euangelio assignatus, vt scilicet per illum ordinē fratrem per peccatū perditum lucrari possim. Si te audierit (inquit ille) lucratus eris fratrem tuum. Ob hanc igitur causam ille corripri præcipitur, vt per correptionem ille emendetur. Et inde sequitur, vt cum aliquis merito desperat de emendatione peccatoris non teneatur illum secretò corripere, aut fraterne admonere. Vana enim & inutilis est correptio, & admonitio, de qua nullus merito potest sperari fructus. Ad vana autem, & inutilia nullus obligatur: quoniam qui arat

**1. Corin. 9** (vt ait Paul.) debet in spe arare, & qui triturat in spe fructus percipiendi. De nullius autem peccatoris hominis emendatione, iustius desperare licet, quàm de emendatione hæretici: quoniā hereticus habet pertinaciam crimini adiunctam, sine qua nullus dici potest hæreticus. Qui autem pertinax est, non est corrigi paratus: imò potius est paratus contradicere arguenti, & corripienti. Eum igitur, quem aperte quis noscit esse hæreticum, nō tenetur secretò corripere, aut fraterne admonere: quia hic talis (vt ait Paul.) subuersus est, & suo ipsius iudicio damnatus. Tanta siquidem est multorum hæreticorum pertinacia, vt quo magis corripiuntur, eo peiores fiant: & quo magis de suo errore admonentur, eo tenacius suum errorem tueri procurent. Quo fit, vt propter ipsius hæretici commodum, etiā si nulla esset alia ratio, sit ab illius correptione, & admonitione cessandum, ne videlicet correptus & admonitus deterior fiat. Et hanc sententiā confirmo testimonio August. qui lib. j. de ciuit. Dei, cap. ix. sic ait: Si propterea quis obiurgandis, & increpandis male agentibus parcat: quia eisdem ipsis metuit, ne deteriores ex hoc efficiantur, consilium est charitatis. Hæc ille. Et iuxta hunc sensum intelligenda sunt verba illa Salomonis cum ait: Noli arguere derisorem, ne oderit te. Nam Glossa, quæ dicitur ordinaria verba illa exponens ait: Non est timendum, ne tibi derisor cum arguitur, contumelias inferat: sed hoc potius prouidendum, ne tractus ad odium inde peior fiat. Hæc in Glossa. Præterea, Ordo ille correctionis, aut fraterne

**Tit. 3**

**Prover. 9**



**A**ternæ admonitionis à saluatore nostro præfixus ( vt omnes theologi simul & canonistæ concorditer docent ) non est seruandus circa peccatores illos , qui in perniciem reipubl. peccant. Quorum omnium sententia inde aperte constabit esse vera, si consyderetur causa propter quam ille correptionis ordo seruari præcipitur. Causa enim propter quâ illum correptionis ordinē seruare oportet, est vt primo fama proximi, si possibile est, seruetur. Deinde si illa seruata, illius conscientia sanari non potest, præstat illius famam minui, quàm conscientiam illius manere læsam, aut agram : quia bonum spirituale præferendum est bono corporali. Sed tūc quando illius famam propter illius conscientiam minuere est necesse, paulatim procedere oportet , & tentare , vt si fieri possit, cum parua famæ diminutione illius conscientia consulatur. Et ideo in secundo gradu vnū, vel duo iubentur testes adhiberi, vt coram illis, qui peccatū ignorabāt peccator corripiatur, & sic illorū præsentia confusus , forte ad resipiscentiam redeat. Si vero nec sic emendetur, tunc iam nulla est famæ habenda ratio, vt cōscientiæ succurratur, quæ multo præstantior est, quàm fama. Et ob hanc causam in tertio gradu, fama proximi post habita, peccatū illius iubetur ecclesiæ, hoc est prælate reuelari. Cum igitur bonum reipu. sit maius, & præstantius , quàm fama vnus hominis particularis , sequitur inde famā proximi esse postponendam propter bonum commune seruandum, & inde cōuincitur peccatorem, qui in reipubl. perniciem peccat non esse ante denunciationem corripiendum , aut fraterne admonendum. Nam (vt supra diximus) etiam si illud esset alicui sub obligatione secreti cōmissum, teneretur illud iudici reuelare, vt sic damnum reipubl. euitaret. Nullum autem est crimen, quod grauius, & citius reipub. nocere possit, quàm hæresis: quia nocet in religione, quæ cunctis rebus corporalibus est multo præstantior. Et quia operationes animæ multo velocius, & citius fiunt, quàm quæuis corporis actiones: ideo celerius etiā hoc crimen, quàm quoduis aliud corporale malum nocere potest. Ex quibus omnibus apertissime constat eum , qui secretò nouit aliquem hæreticum, non teneri ad seruandum ordinem illum correptionis fraternæ à Christo saluatore nostro præfixum. De hac quæstione, vt certā proferamus sententiam oportet prius consyderare latum esse discrimen

discrimen inter hæc duo, videlicet, hominem labi in hære- C  
 sim, & hominē esse hæreticū. Non enim omnis, qui labitur  
 in hæresim eo ipso est hæreticus: sed oportet, vt habeat ad-  
 iunctam pertinaciā, quæ si desit (vt supra lib. j. capit. vij. do-  
 cuimus) hæreticus dici non potest. Hoc igitur discrimine  
 bene considerato, iuxta illorum duorum diuersitatē, duas  
 ponam diuersas, certas tamē conclusiones, per quas integre  
 respondetur ad quæstionē propositā. Prima cōclusio. Testis,  
 qui nouit secreto aliquē esse perfectē hæreticū, vt puta quia  
 scit illius pertinaciā, & scit illum non ex ignorantia catho-  
 licæ fidei: sed ex propria malitia errare: quia videlicet scit  
 illum suam sententiā præferre totius ecclesiæ sententiæ: te-  
 netur illius crimen denunciare antequam illum corripiat,  
 aut fraterne admoneat. Hæc cōclusio probatur per illa duo  
 argumēta, quæ nunc proxime proposuimus, quorū primum  
 est de spe emendationis necessario requisita, vt quis sit ne-  
 cessario admonendus. Alterū est de bono cōmuni, quod est  
 necessario præferendum bono particulari. Hoc tamē, quod  
 diximus de damno cōmuni vitando per denunciationē cri-  
 minis particularis, beatus Thom. temperat in secunda se- D  
 cundæ, quæst. xxxvij. artic. vij. per hæc verba sic dicens: Nisi  
 forte quis firmiter æstimaret, quòd statim per secretam ad-  
 monitionē posset huiusmodi mala impedire. Quæ quidem  
 limitatio prudentissime est addita, & oportet vt lector ne  
 ex illa decipiatur, singulas illius partes diligenter circun-  
 spiciat. Nam quia rarissime contingere potest, vt priuatus  
 homo possit huiusmodi malis mederi: ideo non assertiue:  
 sed sub conditione dixit: Nisi forte. Et quia non sufficit le-  
 uis æstimatio, quòd illū corrigere possit: ideo dixit, firmi-  
 ter æstimaret. Et quia non sufficit firma æstimatio, quòd  
 longo temporis progressu illum ad resipiscentiam adducet:  
 quia in illa longa expectatione posset respubl. damnū pati:  
 ideo prudenter dixit S. Thom. quòd statim per secretam ad-  
 monitionem possit illum à malo auertere. Et ideo nullus  
 debet soli correptioni fraternæ secretæ, & priuatæ fidere,  
 vt propter illam desinat hæreticū reuelare: nisi forte certo  
 sciret se tantæ autoritatis, & potentiaē esse apud hæreti-  
 cum illum, vt per solam suam monitionē possit illum ab  
 errore reuocare. Sed quia hæc rarissime hæreticis contin-  
 gunt, ideo securius esse censeo, vt in crimine hæresis statim  
 sine

**A** sine vlla admonitione procedatur ad denunciationem, præsertim si hæreticus non est quiuis homo plebeius, & idiota: sed doctor, qui ea, quæ sentit, alios docere procurat. Nam is nisi statim per publicam denunciationē reprimatur, citissime hæresis suæ veneno multos clanculo, & latenter inficiet. Sunt enim multi, qui quoniā reprehendi, & de sua doctrina accusari timent, in publicum prodire non audent, & quoniam male agunt, lucem oderunt, & nolunt super testā iuxta præceptum saluatoris: sed in angulis prædicare. Ne igitur tam potentes in tenebris sint, opus est, vt statim illorum crimē publice denuncietur, & sic respublica illa seruetur. Potest adhuc hæc nostra prima conclusio aliter probari ex ipsis verbis Saluatoris nostri, quibus nobis ordinē correctionis fraternæ præfixit. Nam fratrem peccantem, qui ecclesiam non audierit, Saluator noster nō iubet amplius corripī, aut admoneri: sed haberi illum tanquam ethnicum, & publicanum. Hæreticus autem ecclesiam non audit: quia illius sententiā recipere contemnit, & suo tantum vult inniti iudicio. Alioqui si ecclesiam audiret, nequaquam hæreticus esset. Ex quo apertissime conuincitur hæreticum hominem non esse necessario secrete admonendum antequam publice denuncietur. Nam cum primum ille factus est hæreticus, transiit totum ordinem correctionis fraternæ à Christo saluatore nostro institutum, & constituit se in vltimo illius ordinis gradu quando tam pertinaciter suam vult hæresim tueri, vt propter illam totius catholice ecclesie sententiam reiicere non vereatur. Præterea ille ordo correctionis à Christo saluatore nostro institutus, circa solos fratres seruari præcipitur, ob quam causam ordo correctionis fraternæ ab omnibus appellari solet. Si pecca-

Matt. 18

**B**uerit in te frater tuus (inquit Saluator noster) corripe eum inter te & ipsum solum. Quibus verbis (vt apertissimum est) non omnem peccantem in nos sed solum fratrem corripere nobis præcepit. Hæretici autem non censentur fidelibus Christianis fratres sed extranei, quia suo arbitrio à domo Dei quæ est ecclesia recedentes iam non filij Dei, quemadmodum Christiani, dicuntur & sunt: sed filij diaboli, qui pater mendacij ab ipsa summa veritate appellatur. Et certe qui bene Euangelia & apostolorum epistolas circūspexerit, aperte intelliget solos Christianos vocari

Ioann. 8

inter



1. Cor. 5

Theoph.

inter se fratres, quippe qui eundem patrē habent, videlicet Deum quem colunt, & eandem matrē, hoc est sanctā ecclesiam in qua per baptismū renati sunt. Et (vt alia multa testimonia omittam) illud est apertissimum quod in priore ad Corinthios epistola Paulus ait. Si quis frater nominatur, inquit ille, fornicator aut avarus, aut idolis seruiens, aut maledicus, aut ebriosus, aut rapax cū huiusmodi nec cibum sumere. Post quæ verba statim subiunxit. Quid mihi de his qui foris sunt iudicare? Quibus verbis omnes non Christianos expresit: quia omnes illi foris sunt extra ecclesiam. Et inde ex opposito sequitur illum solos Christianos dixisse fratres: quoniā ad distinctionem fratrum quos prius nominauerat, vt diceret eos qui Christiani non sunt, non esse inter Christianos recensendos, addidit. Quid mihi de his qui foris sunt iudicare? Vnde Theophilactus prædicta Pauli verba interpretans ait. Recte autem dixit. Qui frater vocatur: Quippe cui fratris duntaxat nomen sit reliquum, nec in veritate est frater qui hisce sit malis obnoxius. Quid enim mihi de his qui foris sunt iudicare? Qui foris sunt gentiles dixit, & idolis deditos: qui vero interius Christianos, perinde ac si dicat. Neminem equidem nunc eorum qui exteriores sunt alloquor: id enim leges meas excederet. Superuacaneum igitur Christi præcepta illis iniungere qui extra Christi aulam diuagantur. Quæcunque enim lex disferit, his qui sub lege sunt disferit. Hæc ille. Cum igitur soli Christiani sint ipsis Christianis fratres, conuincitur inde vt ordo ille correptionis fraternæ quem circa fratrem in nos peccantem Saluator noster seruari præcepit, non sit necessario circa hæreticum hominem seruandus. Quoniam cum ille non sit Christiani hominis frater, non est necesse Christianū hominem illi hanc impendere misericordiam, quam Saluator noster fratribus peccantibus exhiberi præcepit. Nolo equidem dicere Christianū hominē non teneri ad correptionē vllam Iudæo aut gentili, aut hæretico præstandam. Quoniā correptio peccatoris absolute & sine vlla circumstantia sumpta, est de lege naturæ, & inde necesse est vt omnes obliget, & circa omnes siue Christianos siue infideles. Nam sicut Christianus tenetur si potest infidelē à periculo corporalis mortis eripere, ita etiā tenetur illū si potest à periculo mortis spiritualis liberare. Omnes enim siue

Christ



- A** Christiani siue gentiles sumus (vt ex parabola Samaritani coniicitur) proximi inuicem censemur : & inde sequitur vt *Luc. 10* omnes se inuicem iuuare teneantur : quia vnique mandauit Deus de proximo suo. Verum etsi ista correptio absolute sumpta omnes obliget, quando magna vrget necessitas & spes profectus habetur: illum tamen correptionis ordinem quem saluator noster in Euangelio expressit, non obligatur Christianus homo erga infideles seruare, quoniam illi fratres non sunt. Sed ne hæc ex meo tantum cerebro me dixisse quis putet, testimonia aliquorum sacrorum doctorum non contemnendæ authoritatis proferam, qui hanc sententiam docuerunt. Theophilaetus enim verba illa Christi saluatoris nostri quibus apud Matth. ordinem illum fraternæ correptionis expressit, interpretans ait. *Theophil.* Sermonem contra offendiculum dantes valde extenderat, nunc & eos qui offenduntur corrigit. Vt enim tu qui offenderis non omnino cadas, quia offendentem ve, habiturum dixit, volo & te qui offenderis, arguere eos qui te iniuria afficiunt, si fuerint Christiani. Etenim si quis non baptizatus iniuria afficiat, tunc ab eo te subducas. Si autem frater, argue eum.
- B** Hæc Theophilaetus : Quibus verbis aperte dixit infideles non esse Christianorum fratres, ac proinde non esse illo fraternæ correptionis ordine admonendos. Tertullianus in libro de præscriptionibus hæreticorum ait. Fides nostra obsequium apostolo debet, prohibenti quæstiones inire, nouis vocibus aures accommodare, hæreticum post vnâ correptionem conuenire, non post disputationem. A deo interdixit disputationem, correptionem designans causa hæretici conueniendi. Et hoc vnâ, scilicet, quia non est Christianus. Ne more Christiani semel & iterum, & sub duobus aut tribus testibus castigandus videretur, cum ob hoc sit castigandus, propter quod non sit cum illo disputandum. Hæc Tertullianus. Et Augustinus sermone xvj. de verbis Domini, interpretans illa verba Saluatoris, si ecclesiam non audierit, sit tibi sicut ethnicus & publicanus ait. Noli illum deputare iam in numero fratrum tuorum, nec ideo tamen salus eius negligenda est. Nam & ipsos ethnicos, id est gentiles & paganos in numero quidem fratrum non deputamus, sed tamen eorum salutem inquirimus. Hæc Augusti. Si ethnici (vt Augustinus censet) non computantur inter

fratres, opus est vt nec hæretici inter fratres deputentur: C  
quia hi etiam sunt extra ecclesiam sicut illi. Et inde necessa-  
rio sequitur, vt ille correptionis ordo non sit circa hæreti-  
cos seruandus, quæ circa solos fratres Christus seruari præ-  
cepit. Secunda conclusio. Testis qui secretò nouit aliquem  
lapsum esse in hæresim, & nescit an sit hæreticus, vt puta  
quia nescit an ex ignorantia an ex malitia errauerit, ne-  
scit etiam an sit in errore suo pertinax aut forte si admo-  
neatur errorem suum deferet, tenetur illum secretò corri-  
pere antequam illum iudici denunciet. Hæc conclusio pro-  
batur. Si testi constaret illum ex ignorantia & non ex ma-  
litia errasse, teneretur illum secretò corripere & admone-  
re antequam denunciaret: quia nullus debet iudici denun-  
ciare illum ratione aut nomine criminis quem certo scit  
in opere non peccasse, aut de cuius peccato dubitat, donec  
certior fiat de illo, nisi forte suspicio esset violenta, & ex ta-  
curnitate posset imminere aliquod reipub. damnum. Tunc  
enim posset iudici denunciare suspicionem suam, & cau-  
sas illius, vt ille re bene circumspecta possit reipubl. utilita-  
ti prospicere. Si tamen talis timor non est, iniuste ageret  
qui illum quem certo scit, in opere non peccasse aut de cu-  
ius peccato dubitat, coram iudice velut reum manifestaret. D  
Oportet enim esse certum de crimine illius qui accusandus  
aut denunciandus est. Nam sapiens ait. Priusquam interro-  
ges ne vituperes quenquam. Ex quo aperte colligitur iniu-  
ste agere qui d' nunciat iudici lapsum in hæresim, si certo  
scit illum ex pura ignorantia & non ex malitia errasse, sed  
tenetur illum docere, vt ab errore illum auertat. Et inde vl-  
terius sequitur vt idem prorsus facere teneatur testis quan-  
do prorsus ignorat an ex ignorantia an ex malitia errau-  
erit. Nam regula christiana & regula iuris docet nos, vt de  
quolibet proximo bonum semper & non malum præsu-  
mamus, donec nobis constet contrarium. Ille igitur qui la-  
psus est in hæresim præsertim si homo est idiota aut parum  
doctus, præsumendus est per ignorantiam errasse, & ideo  
secretò corripiendus & fraterne admonendus. Si correptio-  
nem admiserit, & se palam correxerit & errorem statim  
reuocauerit fatens priorem suam ignorantiam, lucratus  
erit testis animâ illius quem ab errore auertit. Si vero cor-  
reptionem neglexerit, & noluerit admonitioni obtempe-  
rare,

Ecl. 13

**A** rare, tunc iam manifesta erit testi illius pertinacia & malitia, præsertim si hæresis est manifesta & admonitio fuit sufficiens, iuxta ea quæ superius lib. j. c. x. diximus, ubi de legitima admonitione tractauimus. Cum igitur post admonitionem suam testis talem illum esse intellexerit, non opus est ut testis ad secundum gradum fraternæ correptionis procedat, adhibens vnum aut duos testes, sed statim illum iudici denunciabit. Quia cum pertinacem esse constet, simul etiam constare debet illum non esse paratum ecclesiæ obedire & inde sequitur ut deinceps non iam tanquā fratrem, sed tanquam ethnicum, & publicanum illum habere debeat. Probatur adhuc prædicta secunda conclusio. Omnia quæ ex communi theologorum sententia sunt ex parte corripientis requisita, ut correptio fraterna sit illi obligatoria, conueniunt huiusmodi testi, ergo testis ille tenetur secretò corripere illum quem scit lapsum esse in hæresim, nesciens an ex malitia errauerit. Tria sunt quæ omnes theologi docent esse requisita ex parte corripientis, ut correptio fraterna sit illi obligatoria, videlicet cognitio peccati, spes emendæ, & temporis opportunitas. Hæc omnia conueniunt illi testi.

**B** Primum patet, quia cognitio peccati quæ requiritur & sufficit, est ut sciat illum esse in peccato aut in periculo peccati, & aliqui dicunt satis esse ut dubitet de peccato illius. Qualitercunque se res habeat, talem cognitionem habet testis qui scit fratrem lapsum esse in hæresim. Alterum quod est spes emendationis, certum est inesse testi: quia cum ille alterius pertinaciam ignoret, non est cur de illius emendatione desperet. Tertium denique quod est opportunitas, in ipsius testis arbitrio repositum est: quia si ipse corripere optat, facile poterit corripiendi opportunitatem captare. Ex quibus omnibus aperte conuincitur, ut testis ille qui secretò nouit aliquem lapsum esse in hæresim nesciens an ex ignorantia an ex malitia errauerit, teneatur illum secretò corripere & admonere ante quàm illum iudici denunciet. Sed hæc correptio & admonitio non est diu proroganda, sed quàm citius commode potuerit facienda, ne si diu prorogetur damnum forte inde eueniat reipubl. ut puta si ille de quo testis ignorat verus esset hæreticus & occulte & latenter (ut sæpe illi facere solent) suas in populo effunderet hæreses.

*An filius accusans aliquem parentum suorum de hæresi, sit ob hoc liberandus ab his pœnis quæ propter parentis hæresim sunt illi à iure inflictæ.*

C A P. X X V I.

**P**ostquam totum hoc opus, de iusta hæreticorum punitione, absolueram, iuuenem quendam in sacramentali confessione peccata sua mihi referentem audire contigit, quem cum de rebus ad fidem & christianam religionē spectantibus interrogarem, inuenissēmque rectam illum & catholicam fidem tenere: quæsiui deinde ab illo an hæreticum aliquem latentem agnosceret, & an cum aliquo huiusmodi conuersationem aliquam habuisset. Cui quæstioni respondens, aperte dixit se scire patrem suum esse hæreticum, propterea quòd illum in fide adeo pertinaciter errare viderat, vt sæpe ab eo admonitus, nunquam ille voluerit errorem suum deferere: imò potius contra pater nitebatur eundem filium in errorem suum trahere. Hoc ego audiens, hortabar filium, vt patris crimen quamlibet occultum, inquisitoribus reuelaret, & quamuis id necessario esse faciendum multis eudentibus rationibus conuincerem, nunquam tamen vt id facere vellet, illi persuadere potui. Nam hoc scuto se tuebatur, quòd non erat decens neque ratio naturalis patiebatur, vt filius patrem ad mortem duceret. Deinde sibi ipsi nocere dicebat si patris crimen reuelasset, quia non poterat (vt dicebat) patris crimen reuelare quin sibi ipsi iniuriam inferret, & sic suo se gladio transfoderet. Omnia siquidem patris bona à fisco apprehendenda, & sic paterna hæreditate se priuandum fore censebat. Infamiam quæ ex paterno crimine contrahenda erat, non in solo patre constituendam, sed vsque ad se ipsum & filios & nepotes suos deducendam metuebat. Dicebat itaque libenti animo se patris hæresim reuelaturum, nisi hac viam graue incommodum sibi ipsi pararet. Ob hanc igitur causam, patris hæresim silentio suo tegere, se velle dicebat, vt suo honori prospiceret. Ego tamen contra nitebar, dicens, non esse vero simile, vt filius qui zelo fidei christianæ accensus patrem de crimine hæresis coram iudice accusaret, eisdem plectatur pœnis, quibus si nullum suæ



- A** suæ fidei testimonium dedisset, plecteretur. Verum ille dictis meis minime fidens, in sua perstitit sententia dicens, se nūquam patris hæresim reuelaturum, nisi prius sibi constaret, se ob hanc causam ab omni infamia & ab omni incommodo liberandum. Occasione igitur accepta, ex tunc apud memetipsum statui, speciale huic operi addere capitulum, in quo de hac re, iuxta id quod possum, dissererem. Nam & si res hæc à iurisperitis, quibus plusquam theologis conuenit, discutienda foret, nil tamen obstat, ut ego homo theologus experiar quid in hac parte ex illorum lectione præstare possim. Circa quam rem, duo (ut censeo) dubia discutienda videntur. Primum est, an talis pater sic à filio iudici oblatus, sit eadem pœna puniendus, quæ, si à quolibet alio fuisset accusatus, puniretur. Alterum est, an filius hic patrem de hæresi accusans & conuincens, sit ob hoc absolendus ab omnibus pœnis, quæ filiis hæreticorum sunt à iure inflictæ. Circa primi dubij responsionem, hoc ante omnia iaciendum est fundamentum, lege sancitum esse, ut filius qui ad mortem damnandus esset, si à patre offeratur iudici, non sit morte sed alia mitiori pœna puniendus. Nam hoc colligunt iurisperiti, ex illo quod Martianus imperator ait, in l. Milites agrum. §. desertorem. ff. de re milita. sic inquit: Desertorem qui à patre suo fuerit oblatus, in deteriore militiam diuus Pius dari iussit, ne videatur (inquit) pater ad supplicium filium obtulisse. Hæc ille. Et idem dicitur in l. Qui cum vno. §. Qui filium. ff. eodem titulo. Constat autem eum qui militiam tempore belli deserit, esse capitali sententia puniendum: ut sancitum est in l. Non omnes. §. Desertor. eod. titu. Ex quibus omnibus colligunt iurisperiti, ut quoties filius ob crimen aliquod esset morte plectendus, si à patre iudici offeratur, non sit morte, sed alia mitiori pœna puniendus, etiam si crimen quod filius commisisset, fuisset crimen læsæ maiestatis. Ita enim docet Salic. in l. Propter insidias. C. qui accusare non possunt. Et Felinus in cap. accusasti. extra de accusatio. dicit quod si pater accusat filium de crimine læsæ maiestatis, princeps debet ei parcere. Quod Felini dictum est modeste interpretandum ita ut princeps debeat illi parcere, mitiorem illi infligendo pœnam: non autem vniuersam ab illo pœnam auferendo. Ideo cautius (ut ego censeo)

Salicetus locutus est, dicens filium mitius esse puniendum. C  
 Eandem sententiam confirmat Bartholomæus Capola in  
 suis cautelis, cautela j. Eidem sententiæ subscribit Hippo-  
 lytus de Marsiliis, in l. j. §. Ad quæst. ff. de quæstion. Et hi  
 duo vltimi citant Raimundum de Forliuio, & Paul. de  
 Castr. in dicta l. Propter insidias, eandem sententiam do-  
 cere, & in diuersis casibus ita fieri oportere, illos consu-  
 luisse. Eandem sententiam docet Alciatus in tractatu de  
 præsumptionibus, præsumptione quarta. Hoc igitur iacto  
 fundamento, ex eo (vt ego sentio) colligere oportet, vt  
 idem etiam sit faciendum cum patre læsæ maiestatis reo,  
 quem filius iudici offerret, ita vt pater sic à filio oblatu-  
 s, non sit morte plectendus, sed alia mitiori pœna punien-  
 dus. Hæc autem consequentia inde est manifesta, quod  
 eadem est ratio hic & ibi. Causa enim quæ redditur in  
 illo §. Desertorem, vt sit filio parcendum, est ista: ne vi-  
 deatur pater ad supplicium filium obtulisse. At æque iu-  
 sta imò iustior ratio est, vt filius non videatur patrem ad  
 supplicium obtulisse. Nam multo grauius est & durius vt  
 filius patrem ad supplicium offerat, quàm pater filium.  
 Filius quidem à patre recepit esse, & ob hanc causam tene-  
 tur patrem tanquam principium suæ existentie diligere:  
 & illi cum indigerit subuenire. Pater autem nihil quod  
 ad sui consistentiam pertineat, à filio recepit. Ob hanc cau-  
 sam filius tenetur obedire patri, pater autē nō tenetur obe-  
 dire filio. Fateor quidem parētes ex quadam naturali incli-  
 natione, quæ à sensualitate & nō à naturali ratione proce-  
 dit, magis diligere filios suos, quàm parentes proprios, imò  
 magis quàm se ipsos: quia inclinatio naturalis cuiuscunq;  
 rei, est magis ad cōseruationem speciei quàm ad cōserua-  
 tionem alterius indiuidui. Magis autem cōseruatur spe-  
 cis humana per vitam filiorum, qui sunt magis apti ad ge-  
 nerationem & lōgius viuere & generare possunt: quàm per  
 vitam parentū, qui iuxta cōmunem vitæ decursum breuiore  
 sunt habituri vitam. Et hinc euenit, vt semper paren-  
 tes longiorem optent vitam filiis quàm parentibus suis,  
 imò sepe quā sibi ipsis. Et hoc est quod dici solet, amorem  
 magis descendere, quàm ascendere. Et ob hanc causam pa-  
 ter (vt Paulus ait) thesaurizat filiis, quia diutius illi viuere  
 præsumuntur, & vt si forte illis paruulis existētibus patrem  
 mori

**A** mori contingat, relinquat illis vnde alimenta habere possint. Filius autē non thesaurizat patri, quia non præsuntur illum longiorem vitā quā filius habiturū, cui viuente semper filius subuenire tenebitur. Quamuis autem quisque magis inclinetur ad filij quā ad parētis dilectionem, hoc tamen non obstat, quin filius magis teneatur subuenire patri suo extremam necessitatē patiēti, quā filio proprio qui eandem pateretur necessitatem. Nam et si maior sit inclinatio ad filium: maior tamen est obligatio ad patrem. Quia obligationes praeceptorum non mensurantur per inclinationes naturales ad res quae praecipuntur, ita ut ad rem illam sit quisque magis obligatus ad quam magis à natura inclinatur, praesertim si est inclinatio à sensualitate & non à ratione procedens. Multa enim sunt ad quae natura integra & non per peccatum vitiata nos inclinat, quae tamen nulla obligatione facere tenemur, imo multo melius & beatius erit illa omittere. Nam (ut alia omittam) natura integra & non vitiata inclinat ad coitum propter conseruationem speciei humanae, quae naturaliter conseruari non potest, nisi mares cum feminis coeuntes generēt alios homines. Ad hunc tamen coitum nō omnes obligantur, sed illi soli qui se in matrimonio iungentes sibi inuicem ad hunc actum fidem dederunt. Inclinatione etiam naturalis est, ut quisque suo proximo patienti compatiatur, & egenti subueniat. Nā (ut sapiens Ecclesiasticus ait) omne animal diligit sibi simile. Nullus tamen tenetur cuicumque patienti compati, aut cuicumque egenti subuenire, nisi extremam aut saltem grauem proximus patiatur miseriam, quae alios merito cogat, ut, si possint illi subueniant, et si non possint, saltem compatiantur. Merito igitur beatus Thomas in secunda secunda, q. xxvj, art. ix. Et si dicat patrem ob aliquas iustas causas magis diligere filium, quā patrē proprium, tamen ob aliam multo maiorem causam censet quēque magis teneri ad dilectionem patris quā ad dilectionem filij, & magis obligari propter beneficia à patre recepta ad subuentionem eiusdem patris, quā ad subuentionem filij, si vterque necessitatem patiatur. Propter quod non possum non mirari, quod Bartolus ut alioqui vtriusque iuris peritissimus, in tam grauem fuerit lapsus errorē, ut dixerit filium non teneri ex iure naturali ad educationem pa-

Eccle. ix

*Bartol.*

rentum. Nam quia in l. Si quis à liberis. §. Parens. ff. de lib. agnos. Vlpianus iurisconsultus censuit, filium ratione naturali debere alere parentem, Bartolus hanc iurisconsulti sententiam explicans, distinguit rationem naturalem à iure naturali, & dicit filium non teneri ex iure naturali ad præstandum alimenta parèti, sed solùm ex ratione naturali, hoc est, ex iure gentium: vt ille interpretatur. Ad hoc autem dicendum inde mouetur, quod ratio (vt ille ait) nō est in aliis animalibus. Per quæ verba aperte innuit illum sentire ius naturale nō esse naturalem rationem quæ solis hominibus competit, sed ius cōmune, quod cæteris etiam animalibus conueniat, quasi possit aliquod esse sine ratione ius, aut penes bruta animalia possit aliquod esse ius sicut penes homines. Ius enim ideo dicitur naturale, quia ex instinctu naturalis rationis procedit. Et in l. Non quemadmodum. ff. eodem titulo, eandem sententiam repetit, & confirmat, addens quod si quis egens habuerit patrem & filium diuites, potius à patre quàm à filio alimēta petere debet. Quia (vt ait) quod pater alit filium est de iure naturali, non autem vt filius præstet alimēta patri. Quàm longe à veritate hæc omnia distent, facile quisque intelliget, si diligenter attendat quartum decalogi præceptum, quod est de honore parentum: cuius vim & obligationem de subuentione parentum, potissimum intelligendam esse, beatus Hieronymus super decimum quintum Matthæi capi. docet. Cuius subuentionis obligationem, Christus saluator noster contra Phariseos contrarium docentes, tantam esse declarauit, vt cum necessitas patris vrgeret, pro illius subuentione sit omnis oblatio, quam filius Deo libere offerre voluisset, necessario prætermittenda. Præcepta autem decalogi, & si non omnia sint velut principia iuris naturalis notissima, omnia tamen sunt (vt concorditer omnes theologo docet) de iure naturali, quorum aliquæ sunt tanquam conclusiones iuris naturalis, ex primis illius principiis deriuatæ. Et inde aperte deducitur, vt filius qui ex præcepto decalogi teneretur subuenire patri egenti, sit ad illud faciendum ex iure naturali obligatus. Argumētum autem quod pro suæ sententiæ confirmatione facit Bartolus, nullius est roboris. Nam ex eo quod in illa prædicta l. Si quis à lib. §. parens. ff. de lib. agnos. dicitur ex naturali æquitate descen

*Mat. 15*



**A** descendere, vt filij parentes alere teneantur; arguit, vt ex eo non teneantur ex iure naturali. Si lex diceret illud ex sola naturali æquitate procedere, forte argumētatio illius aliquid valeret ad probandum illud non esse ex iure naturali. Cum tamen dicat ex æquitate naturali & non ex sola illa procedere, constat argumentum illius non valere. Quia æquitas & ius non adeo distinguuntur, vt genere differantur, sicut disparata quæ eidem competere non possunt. Et forte inde Bartolus fuit deceptus, putans tantam esse inter ius & æquitatem differentiam, vt ex altero oppositum alterius inferre liceret. De qua re, quoniam longiore discussione indiget, & à nostro themate est valde aliena, nihil impræsentiarum differere volo. Lectorem tamen admo-  
**B** neo, vt legat de hac re annotationes Gulielmi Budæi in Pandectas capite primo, vbi hanc rem diffuse & eleganter tractat. Deinde quod ait Bartolus, maiore obligatione teneri hominem ad subuentionem filij, quàm ad subuentionem patris, si nulla alia ratione intelligeret esse falsum, vel ex ea aperte cognoscere potuisset, quod pater ad vitæ sustentationem cōsequendam, potest vendere filium suum, vt habetur in l. ij. C. de pat. qui fil. suos distra. Filio autē, quacunque etiam neccsitate vrgente, nullatenus licet vendere patrem suum. Quæ diuersitas non aliunde oriri constat, nisi quod maiore obligatione tenetur filius alere patrē, quàm pater filiū. Et hinc aperte cōuincitur, falsum esse etiā illud quod in prædicta l. Non quemadmodum Bartolus dixit, hominem egenū potius à parente diuite quàm à filio diuite alimenta petere posse. Nam quisq; ab eo potius alimenta petere debet, qui magis tenetur illi subuenire. Omnis autem homo (vt diximus) magis tenetur patrē egentem alere quàm filium æque egentē. Omnis ergo homo egens plus à filio quàm à patre alimēta petere debet, si vterque illorum habeat vnde illi subuenire possit. Hæc omnia per occasionem obiter diximus, vt inde constaret multo iustius esse, vt filius non videatur patrem ad suppliciū tradidisse, quàm vt pater non videatur filium ad idem supplicium obtulisse. Quia magis tenetur filius patrem, à quo id quod est receperat: quàm pater filium diligere. Nam præceptum diuinum, à quo potius quàm ab inclinatione naturali sumenda est vis obligationis, magis filium quàm patrem obli-

*Exo. 21**Deut. 21**Gene. 18**Gene. 19**Exod. 32**Act. 17*

gat. Quod vel ex eo facile constare potest, quod grauius C  
 punitur à Deo filius, qui ab obediētia aut pietate patri debita defecerit: quàm pater qui nimium durus aut seuerus fuerit erga filium. Qui maledixerit patri suo aut matri (inquit dominus) morte moriatur. Quæ maledictio non solum in verbis, sed etiā in operibus ( vt Hieronymus ait) consideranda est. Filius etiam proteruus & contumax, qui monita patris audire contempnisset, lapidibus obrui lege Mosayca iuebatur. Pater autem, & si filio maledixisset, aut nimium seuerē & auitere illum tractasset, nō tam acriter ob hoc à Deo punitur. Multo ergo grauius peccabit filius patrem occidens, quàm pater filiū. Et inde aperte consequitur, vt si remittēda sit pœna mortis filio lēsæ maiestatis reo, quem pater iudici obtulit, ne videatur pater filium ad supplicium obtulisse vt dicitur in præfato §. Desertorem: eadem ratione sit etiam remittenda pœna mortis patri lēsæ maiestatis reo, quem filius iudici obtulerit. Quoniam (vt diximus) multo iustius est, vt filius non videatur obtulisse patrem quàm pater filium ad supplicium. Occurrit mihi alia ratio præter istam quæ assignatur in illo §. Desertorem, quæ me multo fortius mouet, vt credā iustum D  
 esse, vt tam filio quàm patri lēsæ maiestatis reo, pœna mortis remittatur, si alter alterum iudici offerat. Iustum quippe est, vt egregium cuiusque hominis meritum, non solum illi qui bonū operatus est, sed etiā alteri pro quo illud obtulerit, opituletur. Nam Deus ipse totius iustitiæ fons & origo, sæpe propter vnus meritum multis nedum vni parcat mortem, quam meriti erant, illis remittens. Nam propter decem viros qui fuissent in Sodoma boni, Deus pepercisset illi, vt nō prorsus deleteret eam. Deinde cum subuerteret dominus ciuitatis regionis illius recordatus est Abrahæ, & liberauit Lot de subuersione vrbiū, in quibus habitauerat. Rursum ad preces Moyſi pepercit Deus populo Israël, vt non perderet illum, aut mortem quam propter Idololatrię peccatum meritis erat, illi inferret. Paulus apostolus refert ducentas septuaginta sex animas fuisse à Deo sibi in nauī condonatas, quæ omnes à sæua maris tempestate absorptæ fuissent, & propter meritum Pauli saluatæ sunt. Nec ad solam corporis vitam, sed ad vitam etiam animæ, quæ multo maioris est pretij, alteri impetrandam alterius hominis meri

- A** meritū apud Deū valet. Nam illi qui nō ex malitia sed ex infirmitate quadam in peccato permanſit, præſertim ſi ab illo diſcedere optat, & pro fragilitate ſua ſe ad virtutem diſponit, Deus ſæpe ob alterius preces & merita parciť, & gratiā qua vitā poſſit aſſequi ſempiternā præſtat. Quod apertē probatur, per id quod de quodam paralytico quem alij Chriſto ſaluatori noſtro obtulerunt, Matthæus ait. *Matt. 9*
- Videns autem Ieſus fidem illorum dixit paralytico, Conſide fili, remittuntur tibi peccata tua. Ecce vides paralytici peccata remiſſa propter offerentium fidem. An autem ſola offerentium fides, an etiam ipſius paralytici fides fuerit in merito, ego nunc diſcutere nolo, quoniam ſatis eſt, ad id quod intendo comprobandum, quod propter offerentium fidem Deus condonauerit paralytico peccatum. Deinde, Auguſtinus refert, Paulum Apoſtolum fuiſſe ad fidem conuerſum propter preces, & merita beati Stephani pro illo Deum orantis. Et de beato Auguſtino tunc hæretico Manichæo, pro quo, vt ad fidem catholicam conuerteretur, mater eius aſiduas faciebat orationes, & innumerabiles fundebat lachrymas, beatus Ambroſius dixiſſe fertur. Impoſſibile eſt, vt filius tantarum lachrymarum pereat. *Ser. I. Co 4. de ſan. Stepha.*
- B** Ad preces Chananæ Deus filiam illius à dæmonio, à quo male vexabatur, liberauit, & perfectæ ſanitati reddidit. Centurionis ſeruum, qui in domo iacebat paralyticus & male torquebatur, ob domini preces & meritum, Chriſtus Saluator noſter priſtinæ incolumitati reſtituit. Qui omnes (vt ſacri doctores ſentiunt) nō ſolum corpore ſed anima à Chriſto ſanati ſunt ipſomet Saluatore teſtante qui dixit. Totum hominem ſanum feci in ſabato. Si vnus hominis meritum valet apud Deum ad impetrandum veniam pro alio, iuſtum eſt vt etiam valeat apud homines, præſertim apud eos qui loco Dei populis præſunt. Et ſi cuiuſque hominis meritum pro alio qui culpam ſuam agnoſcit valere poteſt, æquum eſt vt meritum patris filio, & meritum filij patri prodeſſe poſſit ad veniam, cum illorum alter crimen læſæ maiestatis commiſerit. Nam Deus ipſe cuius exemplo nunc agimus, ſæpe ob parentum merita, non ſolum mercedes plurimas filiis confert: ſed mortem & alias plurimas quas merebantur pœnas remittit. Quod vel inde apertiſſime probatur.
- Matt. 15*  
*Matt. 8*  
*Ioan. 7*  
*Exod. 20*

batur, quod Deus qui dicit se visitaturum, iniquitatem patrum in filios in tertiam & quartam generationē, ipsemet ait, propter parentum merita, se misericordiam facturum in mille his qui diligunt eum. At nullus merito inficiari poterit, præclarum esse patris in principem meritū, cum proprium filium qui ob eiusdem principis maiestatem læsam morte dignus erat, eidem principi offert ut pro arbitrio suo & illius merito si voluerit puniat. Talis enim pater re ipsa ostēdit se magis erga principem quàm erga proprium filium esse affectum, & tanto zelo iustitiæ feruere, ut maluerit proprium filium ad punitionem tradere, quàm ut iustitia, quæ sceleratos homines puniendos esse censet, aliqua ex parte pereat. Pater enim qui hoc agere audet, parum abest, ut Bruto libertatis Romanæ conditori æquetur, qui filios suos Tarquini dominationem à se expulsam reducere tentantes comprehensos, ac pro tribunali virgis caesos, & ad palum religatos, summum Imperium obtinens securi percuti iussit. Qua in re (ut eleganter de illo Valerius

**C**

Maximus ait) exiit patrem ut consulem ageret, orbūque vivere quàm publicæ vindictæ deesse maluit. Qui tã præclarum facinus pro rege aut republica est aggressus, ut patris pietate postposita filium læsæ maiestatis reum iudici offerre non dubitauerit, ab illo pro suo arbitrio puniendum, dignus certe est, ut pro filio intercedens exaudiat, & vitam saltem impetret filio, qui pro suo crimine mortem meritus erat. Et si iustum est, ut pater filium offerens, vitam filio impetret: multo iustius est ut filius ob eandem causam patrem offerens, vitam patris mereatur.

**D**

Quoniam (ut ex dictis constat) multo præclarius est facinus multoque maioris meriti, si filius zelo iustitiæ, aut regalis maiestatis affectu motus, patrem offerat, quàm si pater filium. Hanc autem sententiã de filio offerente patrem docet Angel. in l. adulterium cum incestu. §. liberto. ff. de adulteriis. sed illam solum probat per rationem datam in illo sæpe dicto §. Desertorem. Albericus tamen in præfacto §. Desertorem, dicit quod licet hæc sit communis opinio omnium doctorum, ipse tamen dubius est an sic iudicaret. Quid igitur de necessitate & iuris ciuilis rigore agendum sit, ego homo theologus diffinire non audeo nec volo, sed ipsis iuris peritis diffiniendum relinquo. Hoc tamen

constan

Valerius  
Maxi.  
libr. 5. c. 7



**A** constanter assero, æquum & rationi consentaneum esse, vt filio quem pater, aut patri quem filius ob crimen læsæ maiestatis offert, sit indulgentia mortis concedenda, & vita misericorditer condonanda. Posset circa hoc moueri quæstio, an idem esset dicendum, si maritus vxorem aut vxor maritum, ob idem læsæ maiestatis crimen iudici offerret. Cuius dubitationis causa inde oritur, quòd maritus & vxor pro vna carne cēsentur, ac proinde dubium est, an vterque eorum alterum magis diligere debeat, quàm patrem aut filium. Si quis dixerit, maritum magis teneri ad vxoris quàm ad patris aut filij dilectionem, oportet, vt etiam fateatur grauius esse peccatum, si quis vxorem, quàm si patrem aut filium occidat. Et inde apertè sequeretur, vt vxori quam maritus ob crimen læsæ maiestatis iudici obtulerit, sit mors quam illa merebatur remittenda. Quia iustius esset, iuxta hanc sententiam, ne maritus videatur vxorem ad supplicium obtulisse, quàm pater filium aut filius patrem. De qua quæstione ego nihil in præsentiarum diffinio, sed aliis disputandam relinquo.

**B** Ad id igitur quod primo inquirebam, nostram disputationem reducens, dico æquum esse & iustum, vt pater hæreticus quem filius ob crimen hæresis, in quod ille relapsus fuerat iudici obtulit, sit mitius puniendus, quàm si ab alio fuisset accusatus: & sit per consequens indulgentia mortis illi concedenda, si ille veræ contritionis signa dederit. Quidam iurisperitus vir certe doctus, cum quo rem hanc conferebam mihi obiecit, dicens nimiam esse iustitiæ remissionem, vt sententia illius prædicti §. Desertorem, extendatur etiam ad crimen hæresis, sicut ad crimen læsæ maiestatis. Quia multo grauius est diuinam quàm humanam lædere maiestatem, vt dicitur in cap. Vergentis, extra de hæreticis. & in cap. Sicut qui ecclesiam. xviij. q. iij. Deinde, quia licet ius canonicum & ciuile mutuo se iuuent, & sæpe vnum alteri suffragetur, vt dicitur in c. j. extra, de noui operis nunciatione, tamen ecclesia nō acceptauit leges Imperatorum, vt per illas causæ ecclesiasticæ definire debeāt, & inde sequitur, vt crimen hæresis quod ecclesiasticum esse constar, per ecclesiasticas sanctiones & non per leges Imperatorum decerni debeat. Respondeo concedens multo grauius esse diuinam, quàm humanam lædere maiestatem,

iura tamē non grauius, imō saepe leuius puniunt eos qui diuinam, quā qui humanam lædunt maiestatem: neque grauius puniunt hæreticos, quā eos qui humanam maiestatem læserunt. Quod autem obiicitur, crimen hæresis quia est ecclesiasticum, nō esse per leges Imperatorum, sed per ecclesiasticas sanctiones decernendum, ex praua rerum intelligentia procedit. Constat enim in crimine hæresis, duo esse consideranda. Primum est ipsum crimen hæresis, alterum est pœna quæ illi crimini debetur. De primo non est dubium, rem esse omnino ecclesiasticam, ac proinde (vt decernitur in cap. Vt inquisitionis, de hæreticis. lib. vj.) nullus nisi iudex ecclesiasticus potest de illo crimine censere. Nullus iudex præter ecclesiasticum potest aliquam assertionem diffinitiuā sententia pronunciare hæreticam, & pertinacem illius defensores iudicare hæreticum. De altero, hoc est, de pœna crimini imponenda, varios constat esse iudices, iuxta varietatem pœnarum, quæ hæreticis infliguntur. Sunt enim (vt supra per multa huius libri capitula ostendimus) quædam spirituales pœnæ hæreticis decretæ, vt puta excommunicatio, priuatio ecclesiasticæ sepulture: indignitas ad ecclesiastica beneficia. Et de his aut aliis similibus, quoniam per solas ecclesiasticas sanctiones sunt decretæ, solus ecclesiasticus iudex censere potest. Sunt aliæ pœnæ corporales, è quibus aliquæ, tam à potestate laica quā ecclesiastica infligi possunt, vt sunt, infamia, bonorū temporalium confiscatio. De talibus enim vtraq; potestas tam laica, quā ecclesiastica potest lege statuere: & illas contra hæreticos: postquam de illorum pertinacia constiterit, executioni mandare. In his & similibus pœnis infligendis, ius canonicum & ciuile mutuo se innuant, & alterū alteri suffragatur, & supplet quod alteri deesse contingit. Est rursus alia pœna de qua nihil prorsus ecclesia hucusq; statuit, quia per ecclesiasticas sanctiones illam statui non conueniebat. Talis est mors, quæ nunquam per ecclesiasticas sanctiones alicui inferre mandatur, propterea quod viros sanguinum Deus ab altari suo repellit. Nam Dauidem virum alioqui sanctissimum, quia sanguinem humanum fuderat, prohibuit, ne templum sibi ædificaret. Et ob hanc causam viri ecclesiastici, non solum à sententia mortis pronuntianda, vel scribenda, sed etiam ne illius executioni

**A** tioni interfint prohibentur, vt dicitur in cap. sentētiā, extra ne clerici vel monachi. Et si fortē alicubi in iure canonico, mors alicui crimini imponitur. Abbas in cap. j. de homicid. dicit illam esse intelligendam de morte spiritali, hoc est de excommunicatione, aut de morte ciuili, aut depositione. Ex quibus omnibus constat, mortem quæ hæretico ob crimen hæresis infertur, rem esse prorsus ciuilem & laicam & nullo modo esse dicendam rem ecclesiasticam: quamuis ipsum crimen hæresis pro quo mors infertur, res ecclesiastica dicatur. Et ipsimet ecclesiastici iudices opere, quod dicimus fatentur. Quia postquam aliquem hæreticum pertinacem esse censuerunt, tradunt eum curiæ seculari, tanquam qui nihil amplius habent, quod de illo iudicare possint, & rogāt iudicem, vt misericorditer illum tractet, & sententiam mortis contra illum non pronūciat. Et inde apertissimē conuincitur, vt in sentētiā mortis contra hæreticos dicenda, inspiciendus sit etiam ille prædictus §. Desertorem, sicut iuxta iurisperitorum sententiam inspiciatur in criminibus læsæ maiestatis. Quia sententia mortis quæ contra hæreticum dicitur, non à iudice ecclesiastico sed à laico pronuntiatur. Præterea etsi in illa sentētiā mortis res esset mixta, vt pote quæ tam ad ecclesiasticā quàm ad laicā spectaret potestatem, necessario inspiciendus esset ille §. Desertorem, & iuxta illius decretū esset sententia ferenda. Quia ubi ad causam aliquā definiendam, ecclesiastici canonones deficiunt, legibus Imperialibus vti licet, & aliquando oportet, vt expressè decernitur in illo cap. j. extra de noui operis nuncia. Et hæc de j. ar. dixisse sufficiat.

Supereſt, vt de secundo articulo, hoc est de filio accusante patrem an sit eximendus ab omnibus pœnis, quæ aduersus filios hæreticorum iura decernunt, & an sint etiam bona paterna illi reddenda. De qua re, quid ego sentiam, duabus conclusionibus explicabo.

Prima conclusio sit hæc. Filius qui patrem ob crimē læsæ maiestatis aut hæresis, coram iudice accusauit, liberandus est ab infamia & aliis pœnis contentis in l. quisquis. §. filij. C. ad l. Iuliam maiest. & in cap. Si quis cum militibus. vj. q. j. Quoniam cessante ratione legis, necesse est vt mandatum & dispositio ipsius legis etiam cesset. Nam (vt dicit Abbas in cap. si. de rescriptis) nihil aliud est lex, quàm  
ratio



ratio legis quæ est velut mens illius. Et citat Abb. ad huius sententiæ confirmationem, Baldum in l. non dubium. C. de legibus. Et inde infert legis dispositionem esse extendendam ad illa omnia, in quibus ipsius legis ratio inuenitur. Et inde etiam necessario consequens est, vt legis ratione cessante, cesset etiam legis dispositio, præsertim cum lex ipsa exprimit rationem cui ipsa innititur. Nam vbi lex nullam sui mandati aut prohibitionis rationem exprimit, etsi ea quam nos putamus esse legis rationem, in aliquo casu deficiat, non statim censere debemus legis dispositionem non valere. Quia fortè alia, quàm non putamus ratione fuit motus legislator, vt talem conderet legem. Aut vbi ea quam legislator exprimit, ratio deest, ibi etiam illius legis dispositionem deesse censendum est. Quia si alia legis latorem ratio mouisset, eam sicut aliam in ipsa lege expressisset: Ratio propter quam Imperatores Honorius & Archadius, in illa prædicta l. quisquis, censet filios eorum qui regiam maiestatem læserunt, dignos esse infamia & aliis pœnis quæ ibi numerantur, est ista. Quia in illis paterni, hoc est, hæreditarij criminis exempla metuuntur. At in filio qui patrem propter crimen læsæ maiestatis, aut propter crimen hæresis, coram iudice accusat, nõ est cur paterni criminis exempla metuantur: quia ille patrē accusans, apertissimo testimonio, & argumento euidentissimo probat & conuincit, se à paterno crimine longissime distare. Et inde apertissime consequitur, vt in tali filio dispositio illius l. quisquis, nou sit exercenda, in quo ratio eiusdem legis deesse manifeste probatur. Forte hic aliquis respondet, verum esse quòd cessante ratione legis cesset etiam eiusdem legis dispositio, sed hoc tunc solum ita fieri oportere dicet, quando effectus legis non est iam consummatus. Nam aliàs, si lex iam suum obtinuit effectū, etiam si ratio legis cesset, legis tamen dispositio cessare non debet, vt notat Philippus Decius in c. cum cessante, de appellatio. In hoc autem casu, antequam filius patrem de crimine accuset, iam illa prædicta l. quisquis, suum obtinuit effectum. Quia omnes illæ pœnæ in illa lege decretæ, sola morte excepta, vt ex discursu literæ constat, sunt ipso iure infligendæ, & inde sequitur, vt à die quo pater crimen commisit, antequam filius illum accusaret, pœnæ illæ suum fuerint sortitæ



- A** citæ effectum. Et inde vltcrius sequitur, vt quamuis per filij accusationem ratio illius legis. Quisquis cessare videatur, illius tamen legis dispositio cessare nõ debeat: quia effectus illius erat iam executioni mandatus. Sed hæc responsio non valet, quia id quod dicitur quod effectu legis consummato, non debet cessare legis dispositio etiam si ratio legis cesset, tunc solum verum erit, quando lex ex manifesta rei cognitione procedit ad executionem: non autem quando ex sola suspitione procedit. Tunc enim si constaret suspitionem esse falsam, & ex falsa suspitione fuisse processum ad legis effectum, necessario erit præceptum legis reuocandum, & sic cessante ratione necessario debet cessare lex. In patre, qui manifeste probatur regiam læsisse maiestatem, etiam si postea sui sceleris aperte pœniteret, & manifestis argumentis suam fidelitatem probaret, nunquam ob hoc erit liber ab infamia & aliis pœnis, quas ipso iure iam incurrerat. Quia & si tunc ratio legis cesset, ipsa tamen lex cessare non debet: propterea quod per apertam sceleris cognitionem lex illa suum obtinuit effectum. At, non sic in filio, qui, etsi à die quo pater crimen commisit, incidit in pœnas illas,
- B** non tamen ob manifestam sui criminis cognitionem, sed ob solam iuris suspitionem omnes illas passus est. Oportet igitur vt postquam ille patrem suum de eodem crimine accusans, manifesto argumento probauit ius in tali suspitione fuisse deceptum, declaretur esse ab illis pœnis immunis in quas propter solam suspitionem fuerat damnatus.

De hac tamen re volui in hac parte admonere lectorem, vt non putet, idem prorsus ybique dicendum esse de infamia & aliis pœnis quæ filio propter crimen patris infliguntur. Nam in filiis illius qui regiam læsit maiestatem, est hoc discrimen, quod is qui ante delictum patris commissum natus est, nullam ex crimine paterno trahit infamiam, nec aliquam ob illud à iure suscipit pœnam: sed omnes illæ pœnæ à iure decretæ eos solum filios concernunt, qui post delictum commissum nati sunt, vt notatur in Lij. C. de libertis & eorum filiis. Nam ex illo loco Baldus colligit legem generalem, vt delictum patris nunquam noceat filio, qui ante illius delictum natus est, sed illi soli qui postea nascetur. Quia hic solus (vt ille ait) contrahit maculam ex radice patris iam infecta, alius autem non, sed à radice

sana. Eadem sententia apertius (vt ego censeo colligi potest, ex l. emancipato. §. fin. ff. de senatoribus. Et de hac re est in Hispania in regno Castellæ lex specialis. Nam in libro septem partitionum, qui vulgo dicitur, *libro delas siete partiidas*, in secunda partitione, tit. xxvij. l. vj. circa finem, dicitur. *Però no se entiende*, &c, Quæ litera (vt ego existimo) aut ex vitio scriptorum, aut errore impressorum, est aperte corrupta, quia prout illic habetur, nullum protinus verum sensum reddit. Sed apertus & verus illius sensus colligitur ex gloss. Montalui, illic in lingua Latina adiuncta, quæ postquam de pœnis regis proditori infligendis, dixerat, continuo post de illius filiis loquens ait. Et eius descendentes ex filiis postea procreatis perpetuo exulent, filij autem ante habiti, ob hoc vel aliud paternum delictum non puniuntur. Hæc Montalius. Ex qua glossa ego conicio literam illius legis supra citatæ, quam corruptam esse constat, esse ad hunc modum corrigendam.

Montal.  
pus.

Lex re-  
gni castel  
la.

*Però no se entiende delos fijos que cuiessem fecho ante que errassen. Mas de los que desuues fixiessen, siendo ellos tan de mala ventura que viuos fincassen. Ca los de rechos que fallaron los antiguos de España en todas las cosas alli do pusieron pena alos fijos por raxon de sus padres, siempre guardaren esto que no ouiessem pena los que sus padres auian engendrado, ante que el fecho malo fixiessen.* Et quòd sic corrigenda sit litera, aperte conuinci potest per alteram legem quæ habetur in eodem libro, partitione vij. titul. xxxj. l. vltima, vbi postquam lex præcepit mulierem prægnantem, & si pœnam mortis mereatur, non occidi quousque pepererit, rationem reddens, hæc verba subiungit. *Casi el fijo que es nacido no deue recebir pena por el yerro del padre, mucho menos la mercede el que esta enel vientre por el yerro dela madre.*

D

Hæc ibi. Ex quibus omnibus constat latum esse discrimen inter filios eorum qui crimine læsæ maiestatis sunt maculati: ita vt illi soli qui post crimen commissum geniti sunt, infamiam & alias iuris pœnas incurrant, aliis, qui ante geniti fuerant, ab his omnibus pœnis exemptis. An autem idem etiam in filiis hæreticorum sit dicendum, ego dubito. Calderinus in consiliis suis, titulo de hæreticis consilio iij. mouet hanc quæstionem & post multa hinc inde allegata, tandem dicit, catholicos filios hæreticorum, qui ante quam

Calderin.

**A** quàm pater laberetur in hæresim, nati sunt, non esse puniendos illis pœnis quæ à iure contra filios hæreticorum statutæ sunt. Sed non obstantibus omnibus illis, quæ pro hac sententia Calderinus affert, ego magis in hanc sententiam propensus sum, vt credam nullum inter filios hæreticorum habendum esse discrimen, per hoc quòd ante hæresim patris, aut postea geniti sunt. Quia ius canonicum, quod filiis hæreticorum infamiam & alias irrogat pœnas, nullum prorsus inter eos ponit discrimen, vt aperte constat per cap. Statutum. §. Hoc sanè. & per cap. Filij, de hæretic. lib. vj. Nam in illis duobus locis, papa de filiis hæreticorum loquens nullam ponit inter illos distinctionē, per hoc quòd ante aut post nati sunt: sed solum per hoc quòd patres illorum fuerunt vsq; ad mortem in sua hæresi pertinaces, aut ante mortem de suo errore correcti sunt, & vnitati ecclesiæ incorporati. Sed ad hoc argumentum respondet Calderinus dicens, quòd licet ius canonicum indistincte loquatur de filiis hæreticorum, quia tamen non est eadem ratio particularium contentorū sub illa vniuersali sententiā, distinguendi sunt filij ante nati ab illis qui postea nati sunt. Rationē

**B** autē diuersitatis ille dicit esse hæc. Quia qui postea nascuntur, descendunt à sanguine reprobato: & ideo merito suspicandum est, tales illos fore, quales parentes eorum fuere. Filij vero qui ante nati sunt, quia non descendunt à sanguine infecto, ideo non est iustum vt in illis paterni, hoc est, hæreditarij criminis exempla metuantur. Sed hæc responsio nullius prorsus est roboris. Primo, quia vbi lex non distinguit, nec nos distinguere debemus, vt dicitur in c. Quod si dormierit. xxxj. q. j. & in c. Solitæ. §. nobis autem. extra de maiorit. & obed. & in l. Imperator. ff. de postul. & in l. iij. ff. de offic. præsidis. Et ideo licet in crimine læsæ maiestatis sit ponendū illud discrimen, non tamen in crimine hæresis. Quia leges Imperiales ad quas spectat de crimine illo censere, aliquod ponunt discrimen inter filios patris qui regiam aut Imperialem læsit maiestatem. Ius autem canonicum circa pœnas quas filiis hæreticorum irrogandas esse censuit, nullum posuit inter ipsos filios hæreticorum discrimen, per hoc quòd ante, aut post crimen à patre commissum nati fuissent. Et per hoc aperte conuincitur, omnes illas leges, quas pro suæ sententiæ confirmatione Calderinus citat, nihil

illi suffragari posse. Quoniam etsi in aliis criminibus, ita C  
faciendum esse ius ciuile aperte decernat, in crimine tamen  
hæresis, ius canonicum, ad quod res hæc spectat, nihil tale  
fieri præcepit. Præterea, ratio diuersitatis, quam inter filios  
hæreticorum, qui ante, aut post crimen à patre commissum  
nati sunt, Calderinus assignat, nulla est. Quia & si sanguis  
patris infectus possit utcumque filiis nocere, ut inde ad ali-  
qua peccata committenda illi inclinationem & quandam  
proneitatem habeant, hoc tamen verum non est in peccatis  
illis quæ pure spiritualia censentur, & nullum habent cum  
carne commercium, neque ullam à carne originem trahunt,  
ut sunt omnes inuidiæ, multæ superbiæ species, videlicet  
de suis meritis confidentia, suæ tantum prudentiæ inniti,  
alios omnes ad sui comparisonem despicere. Hæ omnes  
superbiæ species, inter peccata spiritualia censentur, quæ  
nullam à carne trahunt originem. Hæresis autem etsi à  
carnalibus vitijs aliquando oriatur, præcipua tamen illius  
causa (ut libro sequenti dicemus) est superbia. Quoniam  
hæc est vera omnium hæresum parens, à qua potissimum  
omnes hæreses generantur. Quo fit, ut licet aliquæ sint hæ-  
reses, quæ à carnis concupiscentia quodammodo oriuntur, D  
multæ tamen sint aliæ quæ nihil commune cum carne ha-  
bent, nec ad illas carnis concupiscentias sollicitat, sed omnis  
illarum error à sola voluntatis malitia procedit. Circa has  
igitur hæreses sanguis patris quamlibet infectus, nihil po-  
test nocere filio, ut in illo paternæ hæreseos exempla me-  
tuantur: cum tales non à carnis concupiscentia (ut cætera  
crimina) sed ab ipsius animæ superbia oriuntur. Et inde  
apertissime conuincitur, nullum posse dari certum discri-  
men inter filios hæreticorum, per hoc solum quod ante aut  
post crimen à patre commissum, nati sunt. Sed forte quis  
mihi obiiciet per ea quæ supra cap. ix. huius libri, cum de  
infamia loqueremur, diximus. Eo enim loco de infamia  
hæreticorum, quæ ad filios etiam catholicos deriuatur tra-  
ctantes probauimus, iuste illam infamiam ad filios deduci,  
quia complexionem corporis, & inclinationes corporales  
sæpe filij à parentibus trahunt: & inde suspicio oritur, ut fi-  
lij in eisdem labantur errores: in quos patres eorum lapsi  
fuerunt. Fateor in multis hæresibus, videlicet in illis quæ  
à carnis concupiscentia ortum habent, hanc esse iustam  
suspi



- A** suspitionis causam, quamuis non solam, aut præcipuam. Si pater hæreticus credit, non esse ieiunandum certis diebus, vt Acrius docuit, aut ieiunia nullius esse virtutis, vt censet Lutherus, aut virginitatem non esse præstantiorem matrimonio, vt Iouinianus dixit, aut in aliam similem hæresim de carnis deliciis tractantem lapsus est, filius illius iuste ob hoc metuitur in similes errores qui à carne oriuntur; aliquando fore lapsurum. Si tamen pater in hæresim Arrij, aut Sabellij, aut Nestorij, aut Dioscori & Eutychetis lapsus est, propter solam hanc causam, quod patris complexionem suscepit, non iuste metuitur, quod filius in eandem labatur hæresim, in quam lapsus est pater. Quia hæreses istæ, non à carnis concupiscentia, vt alia, sed à sola mentis superbia ortæ sunt. Filij autem, non animam rationalem, sed solam carnem à parentibus suscipiunt. Et ob hanc causam ego capite nono huius libri, cum de infamia hæreticorum; quæ usque ad filios eorum deriuatur, tractatam, non dixi hanc solam esse causam quod illa usque ad filios deducatur, quia illi corporis complexionem, ac proinde inclinationes ad vitia à parentibus trahunt, sed aliam addidi rationem, quæ mihi potior videtur. Quia videlicet ex amore quo erga parentes suos afficiuntur, ferè semper procurant esse parentum suorum imitatores; & sæpe ad eorum imitationem nituntur vitam suam componere. Et ob hanc causam, cap. viij. huius libri probaui patriam potestatem, quam parentes in filiis suis habent, iuste ab hæreticis parentibus ablatam esse, ne filij ex amore quo erga parentes afficiuntur, & ex longa conuersatione cum parentibus habita criminis paterni fiant imitatores. Hæc autem parentum imitatio, non distinguitur in filiis per hoc quod ante aut post nati sunt, & inde conuincitur, vt in crimine hæresis quod non semper à carne oritur, non sit ponendum discrimen inter filios hæreticorum, per hoc quod ante aut post crimen à patre commissum nati sunt, præsertim cum ius canonicum ad quod hæres spectat, nullum inter filios hæreticorum posuerit discrimen, sicut ius ciuile posuerat inter filios eorum qui regiam aut Imperialem læserunt maiestatem. Deinde constat, vltionem parentum sæpe in filios deriuari, propter solam sceleris grauitatem, ad incusiendum aliis terrorem.

ut in filio bastardo, qui absq; culpa sua, non tamen sine causa à ministerio altaris prohibetur. Et hanc puto esse potior-  
 rem causam propter quam filiis hæreticorum quamuis catholicis, tot poenæ sunt à iure inflictæ: ad sceleris videlicet gravitatem denotandam, & aliis per hoc timorem incut-  
 iendum. Quæ ratio cum in omnibus hæreticorum filiis æque militet, convincitur inde etiam nullum esse inter il-  
 los ponendum discrimen. Secunda conclusio. Filius qui patris hæresim iudici revelavit, illius perfidiam aperte de-  
 monstrans, dignus est ut bona quæ ex patre iure hæreditario illi competere poterant, nō auferantur ab eo, sed omnia in mercedem suæ virtutis illi reddantur. An autem ex iuris scripti rigore & necessitate ita, ut hæc conclusio dicit, faciendum sit, mihi non constat, & ideo de sola congruentia & quadam naturali æquitate loquor: ut æquum sit & rationi naturali congruum, sic fieri quemadmodum in nostra conclusione dicitur. Aliquos iuris peritos legi qui ita faciendum esse docent, nullus tamen illorum quos videre licuit, citat textum per quem illa conclusio aperte ex iure probari possit. Doctor Palacios ruuios in repetitione capit. Per vestras, extra de donatio. inter virum & vxor. dicit bona patris esse reddenda filio, qui patris delictum revelavit, etiam si pater damnetur per l. Quisquis. C. ad l. iul. Maiest. Pro huius tamen sententiæ probatione, neque vllam legem ex iure civili, neque canonem ex iure canonico citat: sed solam quandam constitutionem Federici Imperatoris. Repertorium inquisitionis eandem sententiam docet, in verbo Filij. §. Sed circa supradicta. Et ad suæ sententiæ confirmationem, solum etiam citat illam Federici constitutionem: In qua, postquam varias contra hæreticos & eorum filios poenas statuit, hæc tandem quæ sequuntur, adiungit. Nec quidem à misericordiæ finibus duximus excludendum, ut si qui paternæ hæresis non sequaces, latentem patrum perfidiam revelauerint, quacunque reatus illorum animaduersione plectantur, prædictæ punitioni non subiaceat innocentia filiorum. Hæc sunt verba constitutionis Federici. Quæ constitutio, si aliquid vigoris habet, in illis tantum terris quæ Imperatori subduntur, vim suam habebit. Quod autem repertorium dicit, illam Federici constitutionem confirmatam esse per ecclesiam in capit.

**A** Vt inquisitionis, de hæreticis. libro vj. fallitur. Quoniam et si constitutio illa ibidem laudetur, & confirmetur, non tamen absolute & vniuersaliter, sed cum limitatione confirmatur per hæc verba. Quatenus (inquit Papa Bonifacius) Dei & ecclesiæ sanctæ suæ honorem promouent, & hæreticorum exterminium prosequuntur, & statutis canonicis non obstant. Ecce vides quā limitatione summus Pontifex illas Federici constitutiones confirmauit. Igitur vbi ea in constitutione Federici decernuntur, quæ aliis sacris canonibus sunt contraria, conuincitur ea non esse per Papam ibidem approbata. Filij autem hæreticorum, etiam si ipsi sint catholici, absque vllō discrimine sunt iure canonico ab hæreditate paternorum bonorum exclusi: vt patet in cap. Vergentis, extra de hæreticis. Quo fit, vt constitutio Federici pro ea parte qua iubet, bona paterna reddi filio, qui hæresim patris latenter reuelauit, non sit per Papam confirmata: quia repugnat id quod dicitur in cap. Vergentis, vbi sine vlla limitatione, filij hæreticorum excluduntur ab hæreditate paterna. Cum itaque ex iuris rigore & necessitate, non constet bona patris hæretici esse reddenda filio catholico, qui patris hæresim latentem reuelauit, ego solum huius rei æquitatem volo ostendere, & probare æquum & rationi congruum esse vt ita fieri præcipiatur. Nam æquum & iustum est, vt bene studiose agenti, præmium reddatur, præsertim si in opere quod studiose agit, principi, aut reipublicæ seruit. Alioqui, pauci essent, qui ad virtutis opera mouerentur, si omnis spes præmij ab operibus bonis rolleretur. Quoniam & si multo melius sit, solo virtutis amore, quàm per spem præmij, opera studiosa exercere, multo tamen plures sunt, qui per spem præmij, quàm qui solo virtutis amore, mouentur ad bonum. Ideo Paulus talem hominum conditionem agnoscens, vt rarissimi sint, qui omni præmio secluso moueantur ad virtutem, dixit: Credere oportet accedentem ad Deum; quia est; & quod inquirentibus se remunerator sit. Hoc ideo Paulum dixisse constat: quia nisi homines crederent Deum præstare mercedem his, qui seruiunt illi, nulli, aut quàm rarissimi essent, qui gratis vellent illi seruire. Nam David ille prophetarum eximius, inclinauit cor suum ad faciendas iustificationes Dei, propter retributionem. Et Moyses ille,

Hebr. xi

Psal. 118



Hebr. 11

Greg.

quem ob eximias illius virtutes Deus Israëliti populi ductorem, & legislatorem instituit, & cum quo Deus quasi amicus cum amico loquebatur, aspiciebat (vt Paulus de illo refert) in remunerationem, vt magis eligeret affligi cum populo Dei, quàm temporalis peccati habere iocunditatem. Si isti tales, ac tanti viri Deo seruientes aspiciant in retributione, quam suis meritis dandam sperabant, quis iam tantus erit, vt omni spe remunerationis seclusa, Deo seruire, & illi per omnia obedire velit? Et inde apertissime conuincitur nullum Principem, nullamque rempublicam, hoc sibi iuste arrogare posse, vt velit subditos suos sine vlla pramij spe de se bene meritos esse: sed oportet eos iuxta meritorum diuersitatem, bene merentibus diuersa polliceri pramia, vt quisque ad tanto maius seruitium Principi exhibendum anhelet, quanto maius inde sperat pramium. Vnde beatus Gregorius Maximiano Episcopo Syracusano scribens, ait: iustum nanq; est, vt illi consequantur stipendium, qui pro tempore suum commendare reperiuntur obsequium. Hæc Gregorius. Et citantur à Gratiano in capit. Charitatē. xij. q. ij. Et hoc ipsum agnouerunt Honorius, & Archadius Imperatores in illa l. Quisquis. §. Sane. C. ad l. lul. maie. vbi illum, qui in iuram factionem prodiderit, pramio ab illis, & honore decorandum esse promittunt. Si is, qui alium hominem, nullo sanguinis vinculo sibi coniunctum accusat, probans eum læsæ maiestatis reum, dignus est, vt pramio, & honore decoretur, multo certe dignior erit pramio & honore, qui zelo virtutis accensus proprium patrem de eodem crimine accusare non reformidat. Is enim desit esse filius, vt fidelem subditum ageret, & orphanus viueret, quàm Principis incolumitati deesse maluit. Præterea si is, qui studio veræ laudis accensus (vt illi Imperatores aiunt) proditorem reuelat, vt Regiam maiestatem seruet illasam, pramio, & honore dignus est, multo iustius est, vt qui studio fidei catholicæ accensus, hæreticum prodit: pramio, & honore decoretur, propterea quod ecclesiam catholicam, quæ cunctis Imperatoribus est maior, & melior, vult seruire illasam, vt exclusa ab ea omni hæreticorum veneno, nullum ex his membris, quæ sibi per fidem vniuntur, ab ea per hæresim abscindatur. Sicut enim multo grauius est diuinam,



**A** uinam, quàm humanam lædere maiestatem, vt dicitur in capit. Vergentis. extra de hæretic. Ita è contrario, multo melius est diuinæ, quàm humanæ seruire maiestati, & diuinæ, quàm humanæ maiestatis honorem zelare. Rursum is, qui reuelat coniurationem contra Romanum Pontificem initam, etiam si sit particeps criminis, non solum purgatus à culpa: sed etiam remuneratione, quæ non sit indigna subleuari præcipitur in capit. Si quis Papa. lxxvij. distinctione. Et hinc apertissime colligitur multo iustius esse, vt filius catholicus patris hæresim reuelans præmio donetur, cum hic non sit particeps criminis paterni, sicut ille. Si quis forte dicat maius, & grauius esse hæresis crimen, quàm coniuratio contra papam: ac proinde non esse æque iustum, vt hic præmio donetur, sicut ille: is certe sic dicens potius ex suo dicto nostram colliget sententiam, quàm suam. Nam sicut grauius peccatum est hæresis, quàm coniuratio, aut quoduis aliud crimen læsæ maiestatis: ita ex opposito maius bonum facit, qui resistit hæresi, quàm qui resistit coniurationi: & ita maiori præmio est dignus. Forte quis dicet, fatendo dignum esse, vt talis filius præmio donetur: sed satis magno præmio illum donatum esse dicet, per hoc quòd à pœnis, quæ illi ob patris delictum erant à iure inflictæ, sit liberatus, nec opus esse, vt bona paterna illi pro præmio reddantur. Sed qui sic dixerit, nimium à veritate errabit, & ostendet se non intelligere, quanta sit differentia inter declinare à malo, & facere bonum. Sunt enim hæc duo valde diuersa, & à se inuicem separabilia, quibus alia duo etiam valde diuersa respondent: quæ sunt liberari à pœna, & donari præmio. Huic boni initio, quod est declinare à malo, respondet alterum, quod est, liberari à pœna. Non enim per hoc solum, quis liberatur à pœna, quòd bene agit: sed per hoc, quòd declinat à malo. Nam alioqui, is qui nec bene, nec male agit: sicut est dormiens, non liberaretur à pœna. Soli igitur bonæ operationi respondet præmium. Et inde constat aperte filium, qui patrem de hæresi accusat, per hoc solum liberari à pœnis, quæ alioqui fuissent sibi infligendæ, quòd constat eum non esse paterni criminis imitorem, nec iuste in illa paternæ iniquitatis exempla esse

metuenda. Sed quia non solum est liber à culpa paterna, verum etiam præclarum insuper facinus addidit patris hæresim reuelando: ideo opus est, vt non solum liber à pœna: sed præmio dignus censeatur. Et sic dignus esse conuincitur, vt illi bona paterna reddantur. Accedit ad hæc omnia, id quod concordī sententia omnes theologi docent, iustum omnē in quouis bono opere, quod pro altero egerit, prius sibi, quàm alteri mereri, nec alteri mereri posse, qui sibi ipsi non meretur. Et inde theologi colligunt eum, qui in peccato mortali, & cum voluntate peccandi persistit, quamuis instantissime, & feruentissime pro alio peccatore Deum oret, nihil illi ad animæ salutem mereri, propterea quod sic existens: nihil sibi ipsi mereri potest. Filius, qui patris crimen reuelauit (vt supra in j. artic. huius quæstionis ostendimus) meretur, vt pater ab eo oblatu mitius puniatur, quàm si ab alio proderetur: ergo iustum est, vt sibi ipsi aliquid mereatur: cum multo facilius sit sibi ipsi, quàm alteri mereri, & certum sit, vt prius sibi quisque, quàm alteri mereatur. Hæc sunt, quæ de hac re pro æquitate, & congruentia præfatæ secundæ conclusionis dici posse mihi videntur: quamuis illa (vt dixi) nullo modo ex iuris rigore, & necessitate probari possit. Et inde infero, vt filius quantumlibet sit catholicus, & quamuis patrem de hæresi conuicerit, non sit tutus in conscientia, bona patris, quæ illi iure hæreditario competere poterant sibi ipsi capiendo, & retinendo. Quia cum hoc non sit illi à iure concessum, oportet illum iudicis sententiam expectare à quo hæreditas patris, aut similis alia res, pro suæ virtutis præmio concedatur, prout in alio casu fieri decernitur. in l. prim. C. quibus ex causis serui præmio libertatem accipiunt. Ante iudicis ergo concessionem male ageret filius, qui patris crimen reuelauerat, bona patris retinendo.

Multa alia ad hæreticorum pœnas pertinentia potuissem in hoc secundo libro pertractare, quæ omnia multiplex ratione motus prætermisi. Nam eorum aliqua adeo sunt aperta, vt vel mediocriter doctum latere non possent. Deinde si quæ forte difficilia, & recondita sunt, de quibus nihil in hoc secundo libro disserui, ea non ad pœnas (vt ego

**A** ego arbitror) spectant: sed ad solos processus per quos iudex ad sententiam dicendam progreditur, spectare puto. Quæ cum sint ab eo, quod à principio operis dicere statui, longe diuersa necessario sunt à me omissa, ne longe ab scopo me diuertisse à multis accusaret. Accedit ad hæc illarum rerum qualitas, & conditio. Nam ea, quæ omisimus talia sunt, vt melius de illis iurisperiti, quàm theologi differere possint, & ob eam potissimam causam illis necessario relinquenda esse censui.

F. ALFONSI A<sup>c</sup>  
 CASTRO ZAMORENSIS.  
 ORDINIS MINORVM  
 DE IVSTA HAERE-  
 TICORVM PVNI-  
 TIONE,  
 LIBER TERTIVS.

PRAEFATIO.



**Q**VISQVIS populi regēdi curam ha-  
 bet, si iuste & sancte suum cupit exequi  
 ministerium, id pra omnibus optare, &  
 pro illo assequendo nihil intentatum re-  
 linquere debet, ut nulla perpetrentur scelera, quae **D**  
 nisi remissus, & prorsus negligens haberi velit, sit  
 necessario puniturus. Nam qui flagitia, quae puni-  
 re valeat in subditis suis optat, & quarit, is non Rex:  
 sed tyrannus, non pastor: sed lupus, non iudex, sed  
 carnifex merito censendus erit. Nec satis est Regi,  
 aut Episcopo, aut cuius alteri regiminis curam ha-  
 bent, quod crimina, aut scelera nulla committi  
 optet: sed opus est, ut diligenter procuret, & totos  
 huic rei nervos impendat, ut hoc ipsum, quod optat,  
 eueniat. Nam si ob illius negligentiam aliquod ho-  
 rum contigerit, id omne illi erit merito imputan-  
 dum, & de omni tali illum Deus rationem exactis-  
 simam reddere oportebit. Oportet enim ut omnes  
 mundi rectores quocunque nomine illi censcantur,  
 intelligant se non in hoc seculum à Deo positos esse,



**A** ut crimina puniant : sed potius , ut id primum procurent , ne vlla scelera perpetrentur. Rector enim & populi gubernator bonum , & pium medicum , in hac parte imitari debet , qui si tuenda alicuius hominis salutis curam suscepit , non solum nititur illum postquam agrotaverit , pristina restituere salutis : sed ne in morbum aliquem incidat omnem adhibet diligentiam. Si medicum imitari dedignantur Principes , aut Episcopi , aut quivis alij orbis rectores , vel Deum ipsum , qui totius mundi sapientissimus est gubernator , & rector , non est cur imitari dedignentur. Inspiciant ergo illum omnes Christiani orbis rectores : etsi recte , quæ illis commissæ sunt administrare cupiunt , faciant iuxta diuinum exemplar , quod illis sacra ostendit scriptura. Deus siquidem ( ut sacra nos docent literæ ) neminem perire cupit : sed vult omnes nos saluos fieri , & ad agnitionem veritatis venire. Neminem certe perire voluit , aut à recta iustitia linea , vel latum pilum discedere : qui ne vllus unquam ( nisi vltroncus & lubens ) errare posset , certissimam omnibus , qua vitam possent assequi sempiternam viam ostendit , paratus præterea semper iuuare omnes , qui suo destituti auxilio frustra illam assequi conarentur. Docet Deus bonum , 1. Tit. 2  
hortatur ad illud , promissis allicit , flagellis premuntibus urget , incipientes iuuat , progredientes comitatur , & fouet. De quouis peccato ne incauti in illud incidamus sapissime admonet. Si nos peccato proximos videt , acerbissimis pœnarum minis nos ab illo deterret. Si iam collabentes conspicit , supponit manum suam , ut non collidamur. Quia hostes nos circunstant ,

cunstant, qui nos ad peccatum semper impellere **C**  
 conantur, amicos, ne dicam pedagogos, nobis angelos contulit, qui nos contra hostes iuuarent, & qua possent parte ab illis tuerentur. Tam feruentem denique voluntatem conseruandi nos in bonitate, & à malitia auertendi Deus habet, ut pro hac re nihil illum pratermisisse videatur. Fateamur ergo omnes eum propheta, atque ut acceptum Deo feramus, necesse est: quòd nisi Dominus adiuuisset nos, paulominus in omne peccatum lapsi fuissetmus. Hanc igitur immensam Dei misericordiam, & vigilatissimam, quam nostri perpetuam ille curam habeat, vel aliqua ex parte imitari deberent quotquot Dei loco praesunt, quos ille ad sui populi gubernationem varios instituit ministros, ut qui admodum illum in pralatione imitantur, ita etiam imitentur in cura & diligentia, ut omnes, quas potuerint exerceant **D**  
 vires, ut subditos suos in virtute custodiant, & à vitijs auertant. Quod si tam exactam circa reliqua omnia scelera oportet rectores adhibere diligentiam, ut illis ne oriantur, occurrant: tanto iustius est, ut eam ipsam diligentiam ne haereses nouae oriantur, aut veteres renocentur, adhibeant: quanto haeresis reliquis omnibus peccatis noscitur esse peior, atque pestilentior. Si diligenter vigilare debent rectores, ne furta, homicidia, adulteria, aliisque id genus crimina in populo fiant, multò iustius est, ut diligenter attendant, ne haereses in populo oriantur, quae multò plus nocumendi possunt toti populo inferre. Haeresis enim sola est quae tutius Christiana religionis fundamentum, quod fides est, impetit, atque prorsus euer-

tit,

**A** tit, quo sublato reliqua omnia, si qua aderant bona, statim corrumpere est necesse. Cum igitur tanta necessitate Christiani orbis rectores non solum hæreses extinguere, sed illas ne insurgant impedire cogantur, ne solam nudam monitionem eisdem rectoribus præbuisse videar, decreui in hoc tertio libro viam certam illis ostendere, qua, si volunt, facile possunt hæresibus, ne oriantur, occurrere.

*Multas esse vias docetur, quibus commode possunt hæreses impediri, ne oriantur, & de una illarum specialiter differitur in hoc.*

## CAPVT I.



**B** VONIAM necessarium est principibus, & aliis omnibus totius reipublicæ Christianæ rectoribus quocumq; nomine illi censeantur, vt diligenter omnes iuxta suæ prælationis obligationē, & potentiā inuigilent, atq; laborent, vt nullæ vnquam oriantur hæreses: ideo operæpretiū me facturum existimaui, si vias aliquas, quibus hoc cōmode fieri possit, illis ostendero. Vias autem ad id faciendum, etsi multas alij forte possent docere: ego tamē vnā latissimā, & certissimā viam ostendā, quæ tamē postea in varias diuiditur vias. Oportet enim omnes auferre occasiones, quæ possunt ansam hæresibus præbere, euellere omnes radices, ex quibus perspicuum est hæreses facile posse nasci. Hæc mihi vera visa est certissima, & rectissima via, qua commode possunt hæreses, ne oriantur, impediri. Nam sublata causa necesse est etiā tolli effectus, qui ab illa prodire debuissent. Nec melius res aliqua impediri potest, ne oriatur, quàm si causas omnes, quæ illā gignere possent sustuleris. Hoc igitur cum sit adeo notissimū, vt nemo possit inficiari, superest hæresum radices ostendere, vt illis aperte ostensis, ad illas euellendas principes omnes accingātur, & sic ne hæreses nascantur, efficiant. Radices, & causæ hæresum variæ sunt, & duplici nomine censentur. Quasdam dicere possumus intrinsecas eas videlicet, quæ latent, & fixæ sunt in animabus eorum,

Sapient. 4

eorum, qui hæreses tenent. Aliæ causæ, & radices dicuntur **C**  
extrinsecæ, aut si maius externæ, & sunt illæ, quæ foris  
sunt, & extra personam illam, quæ est in hæresim lapsa. De  
causis intrinsecis hoc solo cap. differemus: quoniam istarum  
ablatio magis ad singulas quasque personas, quàm ad prin-  
cipes, aut rectores spectat. De aliis vero extrinsecis causis,  
quæ multæ, & variæ sunt, & facilius à principibus possunt  
auferri, per multa cap. pertractabimus. A causis igitur in-  
trinsecis incipiens, dico certissimam, & indubitatâ, atque  
præcipuam hæresum causam esse propriû hominis peccat-  
tum. Et hoc aperte declaravit Salomon, qui de puero an-  
te tempus ex hac vita sublato loquens, ait: Raptus est, ne  
malitia mutaret intellectum eius. Quibus verbis nos docet  
malitiam esse tam potentem, vt intellectum hominis  
ex vno iudicio vero in aliud falsum, atque peruersum mu-  
tare valeat. Nam voluntas (vt experientia nos docet) sæpe  
trahit ad se iudicium rationis, ita vt intellectus ea iudicet  
bona, quæ videt voluntatem amare, & illa dicat esse ma-  
la, quæ scit voluntatem odisse. Propterea Aristoteles in  
Ethicor. censet omnem malum esse ignorantem. Quod  
non ideo illum dixisse putandum est, quod existimauerit **D**  
omnem malitiam voluntatis ab ignorantia oriri: sed po-  
tius econtrario: quia ex omni voluntatis malitia aliqua  
oritur ignorantia, quæ iuxta mensuram affectionis ipsius  
voluntatis crescit, aut minuitur. Licet voluntas (vt Augu-  
stinus ait) non possit velle, aut nolle, nisi id, quod est ab  
intellectu præcognitum, non tamen opus est, vt antequam  
voluntas velit aliquid, aut nolit, intellectus illud iudicet  
esse bonum, aut malum: sed satis est, vt simplici cogni-  
tione illud præcognouerit, nulla prorsus bonitatis, aut  
malitiæ habita ratione: prout quotidie contingit in his,  
qui sine consilio, & deliberatione operantur, non confide-  
rantes, an bonum sit an malum id, quod facere decernunt.  
Post hanc voluntatis electionem, in intellectus sæpe iudi-  
cat iuxta voluntatis imperium, & inde oritur, vt ho-  
mo sic iudicans peccet. Nam licet in intellectu non pos-  
sit esse peccatum, propterea quod ille non libere ope-  
ratur: est tamen peccatum in voluntate à cuius imperio,  
& affectione mouetur intellectus, vt hoc aut illud iudicet.  
Impotens siquidem, & effrænata affectio voluntatis prorsus



**C**us evertit iudicium rationis. Et hoc est, quod ait Iob: Animæ esurienti etiam amara dulcia esse videntur. Et hæc est illa cæcitas animæ, quæ à malitia voluntatis causatur. Nam de Iudæis, qui odio, & invidia mori Christum saluatorem nostrum occiderunt, Salomon loquens ait: Malitia eorum **excacavit** eos. In principio quidem ex scripturis sacris, & temporum coniecturis, & ex mirabilibus per eum factis bene intellexerunt Christum saluatorem nostrum esse verum Messiam in lege promissum, cum videlicet (iuxta parabolam Saluatoris) dicebant: Hic est hæres, venite, occidamus eum. Sed postea quia illorum malos mores arguebat & increpabat, irreconciliabili odio illum persequerantur: & quia populum illi nimium affectum, atque credulum videbant invidia in illum exarserunt. Quæ adeo illorum mentes occupavit, ut illos profus excacauerit, ne vera de illo iudicare possent, aut bene aliquid de illo sentire. Et iuxta hoc tempus accipiendum est, quod Paulus ait: Si cognovissent, nunquam dominum gloriæ crucifixissent. Cognoverunt enim illum (ut dixi) sed quando crucifixerunt, iam non cognoscebant: quia malitia illorum (ut dixit Sapiens) excacavit eos. Et hoc mihi significasse videntur philosophi, & poëtæ: cum amorem pingere volentes cæcum illum pinxerunt. Quia pictura nos docere voluerunt affectus nostros causam esse apertissimam, quod sæpe in iudiciis nostris erramus, & cæcui-mus. Ex qua mentis cæcitate facillime hæreses oriuntur. Ideo Anselmus exponens illud Pauli ex epistola ad Ephesios: Ut non circumferamur omni vento doctrinæ in nequitia hominum, ait: In nequitia hominum dixit: quia hæresis non est, nisi in anima subdita peccatis: quia peccata commissa sunt causæ, ut Deus permittat eos errare in barathrum hæresis. Hæc ille. Ob hanc causam dæmones generi humani acerbissimi hostes volentes in varios errores, & hæreses homines protendere, prius illorum voluntates ad peccata sollicitant, ut illæ ardentem affectum, intellectus suos postea in eandem sententiam venire faciant. Hoc enim optime intellexerat David, cum dæmones ipsos alloquens dicebat: declinate à me maligni, & scrutabor mandata Dei mei. Timebat quidem in scrutinio mandatorum Dei errare, si malignorum spirituum

*Iob 6**Sapien. 2**Matth. 27**1. Cor. 2**Ephes. 3  
Ansel.**Psal. 118*

- tentationes voluntatem suam in peccatum impulissent. C  
 Quod etiam in Palæstinis illis figura tum esse cognosce-  
 mus, qui (vt sacra refert historia) puteos, quos Isaac fode-  
 rat, terræ congerie replebant, ne vllam ex illis Isaac cla-  
 ram posset haurire aquam: Putei illi profunda secreta sa-  
 cræ scripturæ, aut mysteriorum diuinorum mihi figu-  
 rasse videntur, propterea quòd Salomon ait: Aqua pre-  
 funda, sapientia in corde viri. Ille ergo cum Isaac puteos  
 fodit, qui reconditos sacra scripturæ sensus, & Dei pro-  
 funda mysteria inquirat. Sed hos puteos occulte terra re-  
 plent Palæstini: quia nobis diuina mysteria inquiringentibus  
 dæmones terrenas ingerunt cogitationes, quibus nos ad  
 peccata, si possint, aut allicere, aut impellere valeant, vt  
 amore terrenarum rerum repleti veræ doctrinæ aquam  
 haurire non possimus. Cum igitur ex supradictis iam ma-  
 nifestum euadat, errorem intellectus ex peccato, & ex  
 malitia voluntatis oriri: fit inde, vt quemadmodum va-  
 ria sunt in hominibus vitia & peccata, ita etiam variæ  
 sint in eisdem radices variæque semina, ex quibus variæ  
 etiam possunt hæreses oriri. Aliquando hæreses oriuntur  
 ex superbia, & ambitione, aliquando ab auaritia, aliquan-  
 do à carnis illecebris. De superbia non oportebat longam  
 protendere disputationem, vt illam ostendamus esse hæ-  
 resum radicem, cum aperte dixerit Sapiens illam esse om-  
 nis peccati initium. Sed licet superbia sit omnium pec-  
 catorum parens, & origo: speciali tamen quadam ratio-  
 ne dici potest magis esse hæresum mater quàm cætero-  
 rum omnium peccatorum, propterea quòd hæreses omnes  
 proximius oriuntur à superbia, quàm reliqua omnia vi-  
 tia. Nam superbia efficit, vt plura, quàm par est homo  
 de se sentiat, plura se scire putet, quàm re vera scit, plu-  
 ra se posse existimet, quàm potest; & inde euenit, vt suis  
 viribus, suæque prudentiæ nimium fidens facillime er-  
 ret, putans se suis viribus difficillima quæque posse in-  
 telligere, & occulta sacra scripturæ mysteria propria vir-  
 tute posse penetrare. Contra tamen Dauid sentiebat, qui  
 ait: Da mihi intellectum, & scrutabor legem tuam. Et  
 iterum: Reuela oculos meos, & considerabo mirabilia  
 de lege tua. Ideo viri illi, qui turrim Babel ædificantes  
 cælum conscendere voluerunt aliquibus sacris doctori-  
 bus

Genes. 29

Prou. 18

Eccl. 20

Psal. 118

Gene. 11

**A** bus hæreticos significasse sunt visi : qui cœlum etiam vt illi conscendere nituntur , quando proprio ingenio freti secreta cœlestia se posse rimari contendunt. Eucherius enim libro secundo super Genesim , capite septimo , iuxta hunc sensum illam historiam interpretatur. Magna quidem superbia est ambulare in magnis , & in mirabilibus super se : aliorum omnium iudicia , & sententias contemnere , suo iudicio tantum tribuere , vt illi soli plus quàm cæteris omnibus fidat. In pœnam tantæ superbiæ Deus illos ignorantiae cæcitate percutit , vt non intelligant multa : sed pessime errent in illis , quæ si humiliter de se sentirent , facillime intelligere valerent. Nam de huiusmodi superbis , qui multa de se opinantur Paulus ait: Obscuratum est insipiens cor eorum , dicentes enim se esse sapientes stulti facti sunt. Et Salomon in Prouerbiis ait: Vbi humilitas , ibi erit & sapientia. Quibus verbis ignorantiam , & errorem videtur ex opposito tribuisse superbiæ. Et beatus Gregorius ait : Lumen veritatis elatis mentibus absconditur. Ideo hæreticis elatis , qui iudicium suum rorius ecclesiæ iudicio præponere non verentur , Deus per

**B** Ezechielem prophetam minatur sic inquit: Væ prophetis insipientibus , qui sequuntur spiritum suum , & nihil vident. Prophetas insipientes hic dixit hæreticos , quibus eo , quod spiritum suum , & non Dei sequuntur , datur cæcitas in pœnam , vt nihil videant. Nam beatus Hieronymus in commentariis super Ezechielem , præfata verba Ezechielis censet de hæreticis esse intelligenda sic inquit: Cum prophetarum nomen secundum regulam scripturarum bonis , malisque commune sit , in eo differunt: quod boni prophetæ dicuntur esse sapientes : mali autem stulti , & insipientes. Quorum alterum refertur ad ecclesiasticos viros : alterum ad omnes hæreticos , qui Dei spiritum relinquentes sequuntur spiritum suum : quia nequaquam diuino instinctu : sed proprio corde vaticinantur : vnde & nihil vident. Hæc Hieronymus. Ex quibus verbis apertissimè constat , inde hæreticorum omnium hæreses oriri : quia illi superbi elati spiritum suum sequi volunt. Nam si spiritum ecclesiæ qui vtique est spiritus Dei , sequi voluissent , nunquam aberrassent à recta fidei catholicæ regula. Sed hæc de superbia in genere dicta sunt. Quapro-

*Rom. x**Prou. x**Gregor.**Exsc 13**Hierony.*



pter de quadam illius specie, quæ ambitio, seu immoderatus honoris appetitus dicitur, aliquid addere oportet, ut in specie ostendamus illam esse apertam hæresum causam. Omnes ferme hæretici præsertim hieresiarchæ honores huius mundi appetunt, volunt ab omnibus æstimari, & in pretio magno apud omnes haberi: quod cum alia via se assequi non sperent, hæreses novas confingere procurant, ut per illas magistri dicantur, & populi duces. Præterea notissimum est ambitionem fuisse plurimorum schismatum causam: quia volentes multi præesse aliis, & nolentes subiici, discesserunt ab obedientia illorum, quibus subesse debebant, & sic schisma fecerunt. At nullum est schisma (ut Hieronymi verbis utar) quod non sibi aliquam hæresim confingat, ut recte ab ecclesia recessisse videatur. Hæc Hieronymus super epistolam ad Titum. Ex primo igitur ad ultimum gradatim progredientes euidenter colligemus ex ambitione sæpe hæreses nasci, quoniam ex ambitione oritur schisma, & ex schismate hæresis. Primam quæ post Christi in cælos ascensionem, orta est hæresis, ambitio peperit. Nam Simon ille Magus, cuius in actibus apostolorum Lucas meminit, fuit (ut Eusebius Cæsariensis refert) primæ hæresis inuentor, tam furiosa ambitione vexatus, ut conatus fuerit pro Deo à populo haberi, & ut talis adorari, quod postea dæmone sollicitante, & Deo permittente assecutus est. Nam Iustinus martyr in Apologetico quem pro fide nostra ad Imperatorem Antoninum scripsit, refert illum sub Claudio Cæsare fuisse Romæ declaratum Deum, & velut talem simulacri honore donatum. Quod simulacrum (ut Iustinus ait) fuit in flumine Tyberis inter duos pontes collocatum habens titulum latinis literis scriptum. Simoni Deo Sancto. Quem omnes Samaritanos, & nonnullos ex cæteris gentibus tanquam summum Deum adorasse idem Iustinus refert. Ex hac tam effrænata atque Luciferina Simonis ambitione orta est voluntas illa emendi (ut Lucas in actibus ait) donum Dei pecunia, & ex voluntate error intellectus, quo credidit id licite fieri posse. Ob hoc solum, potestatem communicandi spiritum sanctum Simon hic emere voluit, ut vel hac occasione certatim ad illum pro Dei dono ab illo impetrando populi confluerent, & sic visa

tantæ

Act. 8

Iustinus



**A** tantæ rei nouitate illum populi tanquam Deum venerantur, quod ardentissime affectabat. Ex hac etiam radice orta est hæresis Aerij dicentis simplicem sacerdotem esse prorsus æqualem episcopo, nec aliquod esse inter illos discrimen. Nam Epiphanius in libro octoginta hæresum de hoc Aerio disserens, ait: quòd videns Eustachium quendam condiscipulum suum ad Episcopatum peruenisse, quem ipse assequi non potuerat, cœpit inde perturbare omnia & dicere episcopum, non esse simplici sacerdoti superiorem, vt vel hac via parem se episcopis faceret. Idem contigit Ioanni Vuiclef, qui (vt de illo refert Thomas Vualden.) ambiuit in Anglia episcopatum Virgoniensem, quem quia obtinere non potuit, in eundem Aerij errorem lapsus est, dicens nullum prorsus esse discrimen inter episcopum & quenque alium sacerdotem. Idem prorsus credo euenisse hoc nostro seculo Luthero, & aliis multis qui post illum surrexerunt hieresiarchis, qui licet in aliis multis dogmatibus sint inter se diuisi, omnes tamen concorditer cum Aerio & Vuiclef sentiunt sacerdotes omnes esse pares, nullumque episcopum imò nec papam agnoscunt potestate & ordine superiorem. Vellent quidem omnes illi se esse episcopos imò & summos Pontifices, quod si assequerentur non contemnerent, nec se adeo submitterent, vt inferioris ordinis sacerdotes sibiipsis pares facerent. Quia tamen id se posse assequi desperant, ne illis quos irreconciliabilis odio prosequuntur, subiici videantur, in hanc pestilentissimam hæresim proruperunt, dicentes nec papam cæteris episcopis, nec episcopos aliis sacerdotibus esse superiores. Hos omnes hæreticos figurasse mihi videntur Dathan & Abiron, qui sacerdotium quod illis lege competere non poterat, ambierunt: & ob hoc contra Moysen & Aaron eleuati sunt, & schisma in populo fecerunt. Ad hunc modum Lutherani & alij recentes hæretici, sanctæ ecclesiæ corpus disiungere nituntur, dum caput quod Deus huic corpori dedit, hoc est, Summum Pontificem lacerare, dedecorare impiis maledictis non cessant, & (quod omnium pessimum est) à corpore tollere conantur. Neque aliud ab istis hæreticis in papam nunc fit quàm à Dathan & Abiron, tunc in Moysen tentatum est. Iustus tamen Deus, qui sicut illos tunc horren-

Num. 16

da & insueta morte puniuit, ita etiam istos omnes miserrima morte de hac vita tollet, apertaque terra in infernum coniciet, perpetua obliuione sepeliendos. Altera hæresum radix est auaritia, prout apertissime docuit Paulus in priorē ad Timotheum epistola, sic dicens: Qui volunt diuites fieri incidunt in tentationem & in laqueum diaboli, & desideria multa & nociua quæ mergunt hominem in interitum & perditionem. Radix enim omnium malorum cupiditas, quam quidam appetentes errauerunt à fide, & inseruerunt se doloribus multis. In medio illius amphoræ, quam Zacharias propheta vidit egredientem, mulier sedebat, quæ dicebatur impietas. Quod amphora illa auaritiā significet, Angelus, qui loquebatur prophetæ ex nomine, quo amphoram appellauit, apertissime demonstrauit. Hic est (inquit Angelus ad Zachariam) oculus eorum in vniuersa terra. Nihil autem est, quod magis homines aspiciant, quàm auaritiā. A maximo vsque ad minimum (ait Hieremias propheta) omnes auaritiæ student. In medio igitur amphoræ sedere impietatem, idem nobis significat, ac si apertius dixisset, quòd in ipsis auaritiæ visceribus sedet defectus religionis & fidei. Nam sicut pietas ad religionem pertinet, ita ex opposito impietas defectum religionis significat. Ex hac pessima radice videlicet auaritia nata est illa pharisæorum hæresis, qua docebant iudæos, melius esse aliquid in templo offerre, quàm parentibus egentibus distribuere. Ex eadem pestilente radice orta est etiam hæresis Græcorum, qui (vt Guido Carmelita de illis refert) dixerunt vsuras esse licitas. Inde oritur etiam hæresis eorum qui putant simoniam esse licitam. Neque hoc solo contenta est auaritia quòd hæreses generat: sed tanquam bona mater illas nutrit & fouet, ne ob defectum nutrimenti necessario perire cogantur. Nam beatus Iob inter multa quæ subtiliter, figuratiua quadam (vt solet) locutione de hæreticis disserit, hoc vnum admiscet, quòd radix iuniperorum sit cibus eorum. Quæ verba interpretans beatus Gregorius in moralibus, ait: Quid per radicem iuniperi nisi auaritia designatur, ex qua peccatorum omnium spinæ producuntur? De qua per Paulum dicitur. Radix omnium malorum est cupiditas. Ipsa quippe latèter oritur in mente, sed punctiones peccatorum

omniuna

**A** omnium patenter producit in opere. Quas videlicet punctiones ab hac radice surgentes statim prædicator egregius insinuat, cum subdit. Quam quidam appetentes errauerunt à fide, & inseruerunt se doloribus multis. Qui enim multos dolores dixit, quasi nascentes innotuit ex hac radice punctiones. In iuniperis ergo peccata, in radice vero iuniperorum, quid aliud quam avaritiam, id est, materiam intelligimus peccatorum? Quia igitur plerumque hæretici sola in verbis suis exteriora lucra sectantur, nec ignorant, quia peruersa astruunt, sed erroris prædicamenta non deserunt, dum sumptus percipere quasi doctorum volunt, bene de eis sancti viri nunc voce dicitur. Et radix iuniperorum erat cibus eorum. Quia dum totis mentis suæ sensibus avaritiam cogitant, quasi eo alimento vescuntur de quo nasci proculdubio peccatorum sequentium punctiones solent. Qui si quando in facto eloquio quædam quasi prudenter inueniunt, quæ dem non intelligunt, pro suis esse assertionibus suspicantur, mox miseris auditoribus suis quorum non animas: sed substantias appetunt, hæc vociferantes aspergunt. Hactenus Gregorius. Et certe ut ex multis coiecturis suspicari licet, ego opinor multo ex istis recentibus hieresiarchis, qui modo in Germania versantur, à sola avaritia detineri ne resipiscant. Nam (ut audio) omnibus illis sunt stipendia publica, & non parua in ciuitatibus variis assignata. Et de aliquibus eorum legi hac sola ratione esse nimium ditatos, qui tamen antea nec ad victus sufficientiam habebant. Ne igitur has, quas nimium appetunt, diuitias amittant, ab hæresibus discedere nolunt, quamuis se errasse intus agnoscant. Et de hac radice non est mihi mens plura nunc dicere: quoniam supra cum de pœnis hæreticorum disserui, longior rem de hac re sermonem feci.

Tertia demum hæresum parens & origo est carnis voluptas, quæ leni quadam, & suavi violentia intellectum ad affectum voluntatis trahit, quamuis ante ille vehementer repugnauerit voluntati. Solent enim esse multo potentiores in hac re carnis illecebræ, quam honores & diuitiæ. Quod carnis voluptas attenuet intellectus aciem, & illum sæpe obtenebrer, ne secreta fidei mysteria carnalis homo intelligere valeat, aperte docet Esaias propheta, sic

- Esa. 28* iniquiens, Quem intelligere faciet auditum? Huic autē quæ-  
 stioni ipsemet propheta respōdens, ait: Ablactatos à lacte,  
 auullos ab vberibus, hoc est, à carnis deliciis separatos. Si  
 hos solos Deus intelligere facit mysteria fidei, quæ illis  
 dicuntur, necessario consequens est, vt qui nō sunt ablac-  
 tati à carnis illecebris, non intelligant, quæ audierint: quo-  
 niam ipse illecebræ hebetant intellectum, & aliquando  
 illum prorsus obscurant. Fascinatio nugacitatis (inquit Sa-  
 lomō) obscurat bona: & incōstantia concupiscentiæ tranf-  
 uertit sensum sine malicia. Hinc igitur euenit vt qui carnis  
 delicias nimium diligit, & post illas effrænatus currit, il-  
 las bonas esse dicat, & licitas esse putet, & sic in hæresim  
 labatur. Ideo Paulus Romanis scribens ait: Rogo autem  
 vos fratres vt obseruetis eos, qui dissensiones & offendi-  
 cula præter doctrinam quam vos didicistis, faciunt: & de-  
 clinant ab illis. Huiusmodi enim Christo domino non ser-  
 uiunt, sed suo ventri. Quæ verba Theophilaëtus interpre-  
 tans in commentariis super epistolas Pauli, ait: Ex hac igi-  
 tur vëtris ingluuie & vitiorum seruitute, omnes eruperunt  
 hæreses. Hæc ille. Et iterum in epistola ad Ephesios hoc  
 ipsum iam non rogat Paulus sed præcipit, sic iniquiens: Hoc  
 igitur dico & testificor in domino: vt iam nō ambuletis si-  
 cut & gētes ambulāt, in vanitate sensus sui, tenebris obscu-  
 ratum habentes intellectu, alienati à vita Dei per ignoran-  
 tiā quæ est in illis propter cæcitātē cordis ipsorū, qui despe-  
 rantes semetipfos tradiderūt impudiciæ, in operationem  
 immūditie omnis. Ecce vides Paulū dicētem ab impudici-  
 tia & immūditia euenisse gētibz ignorantiam, obscuritatē,  
 tenebras, denique cæcitātē cordis. Ob quam causam Ephe-  
 sios admonet & contestatur in domino, vt ab illis vitiis ab-  
 stineant, ne in similes tenebras & cordis cæcitātē incidant.  
 Præterea, inter plurimas luxuriæ species quas enumerat  
 beatus Gregorius libro vigesimo primo moralium, vna est  
 cæcitas mentis. Quod non fecisset nisi certo sciuisset mētis  
 cæcitatem à carnis libidine tanquam ex certissima matre  
 generari. Scelestissimi illi senes qui exarserunt in concu-  
 piscentiam Susannę (vt sacra docet historia) euerterunt sen-  
 sum suum, & declinauerunt oculos suos, vt non viderent  
 cælum, neque recordarentur iudiciorum istorum. Samson  
 ille omnium hominum fortissimus nūquam fuisse à Phi-  
 listhæis



**A** listhxis excæcatus, nisi prius in brachijs Dalilæ suam amississet fortitudinem. Sic etiam anima nostra, quæ per voluntatis arbitrium tam fortis à Deo effecta est, ut à nullo cogi possit, & nulli rei nisi volens succumbat, quia prius ad carnis delicias declinans, mollescit, & vires suas nativas non exerit, ideo excæcatur ne vera à falsis discernere possit: sed illas carnis delicias non solum licitas: sed summe bonas esse putet. De hac re cum tam multa sint exempla, opus est aliqua in medium proferre, ut vel inde lectori persuademus verum esse quod dicimus. Ex hac nempe radice prodiiit Basilides, qui obscenas quasque libidines licitas esse docuit. Erat enim (ut de illo Epiphanius refert) homo libidinosus & omnem carnis turpitudinē amans. Inde etiam nata est Cherinthi hæresis, qui docuit carnis delicias in promissa beatitudine futuras, ex hac radice Adamitarum conuenticula prodierunt. Inde etiam Anabaptistæ hoc nostro seculo, qui cum alijs vetustioribus hæreticis promissum vagumque concubitum omnibus permittunt. Hinc illa Aerij hæresis ieiuniorum obligationem, virtutem & meritum prorsus reiiciens. Ab eadem radice prodiiit Iovinianus matrimonium æquans virginitati. Ex eadem nata est Begardorum & Beguinarum hæresis docens omnem coitum vrente carnis libidine esse licitum. Inde etiam, ut omnibus notum esse potest, orta est maior pars hæresum, quæ hodie extant in Germania. Est enim ferè tota illa provincia compotationibus, voracitatibus, cæterisque carnis voluptatibus nimium dedita. Et ideo Martinus Lutherus falsus illorum propheta, ab antiquo generis humani hoste suusus, illa prædicare & docere decrevit, quæ noquit illis esse amica, & ideo libentius ab illis suscipienda. Ecce iam ostendimus tres radices, à quibus sicut reliqua omnia peccata (ut ait Ioannes) ita etiam hæreses oriuntur. *1. Ioan. 2*

**B** Hæ sunt honores, diuitiæ, & deliciae. Adde quod hæc peccata non solum sunt causæ, quod ipsi peccatores illorum perpetratores errent: sed etiam ut errent doctores alioqui boni à quibus illi edoceri debent. Nam sicut propter peccata populi Deus malos rectores: ita etiam falsos doctores permittit. De malis rectoribus dicitur in lib. Iob, Regnare facit hominē hypocritā propter peccata populi. Quem locum interpretans beatus Gregorius in moralibus ait. *Iob 34* *Gregor.*

- Pro qualitatibus subditorum disponuntur acta regentium, C  
 vt sæpe pro malo gregis, etiã vere boni delinquat vita Pa-  
 storis. Ille enim Deo attestante laudatus, ille supernorum  
 mysteriorum conscius Dauid propheta, tumore repenti-  
 næ elationis inflatus populum numerando peccauit: & ta-  
 men vindictam populus Dauid peccãte, suscepit. Cur hoc?  
 Quia videlicet secundum meritum plebeium disponuntur  
 corda rectorũ. Iustus vero iudex peccantis vitium ex ipso-  
 rum animaduersione corripuit, ex quorum causa peccauit.
- 2. Reg. 24* Hæc Gregorius: De malis doctoribus & falsis prophetis,  
 quod propter peccata populi illi mittatur à Deo, aperte sa-  
 tis docet Paulus in posteriore ad Thessalonicenses epistola  
 sic dicens. Pro eo quod charitatem veritatis non recepe-  
 runt, vt salui fierent: Ideo mittet illis Deus operationem  
 erroris, vt credant mendacio. Nec solos malos doctores  
 Deus populo propter illius peccata mittit, sed quod magis  
 mirandum est, doctores alioqui bonos & veros propter ini-  
 quitatem populi aut particularis hominis doctrinam quæ-  
 rentis, errare permittit. De qua re ipsemet Deus testimo-  
 nium præbet per Ezechielem prophetam, sic dicens: Qui  
 posuerit immunditias suas in corde suo, & scandalum D  
 iniquitatis suæ statuerit contra faciem suam, & vene-  
 rit ad prophetam interrogans per eum me, ego Domi-  
 nus respondebo ei in multitudine immunditiarũ suarum.  
 Et post pauca addit. Et propheta cum errauerit, & locu-  
 tus fuerit verbum, ego dominus decepi prophetam illum.  
 Ex extendam manum meam super illum, & delebo eum  
 de medio populi mei Israël, & portabit iniquitatem suam.  
 Iuxta iniquitatem interrogantis, iniquitas prophetae  
 erit. Hæc sunt verba Dei per Ezechielem prophetam. Et  
 sicut voce comminatus est Deus, ita etiam re ipsa illum  
 comprobasse sacræ testantur literæ. Nam cum Achab Rex  
 Israël periit à quadringentis circiter prophetis an ire de-  
 beret ad oppugnandum Ramoth Galaad, deinde consu-  
 luit Michæam prophetam Domini de eadem re, qui dixit
- 3. Reg. 22* Regi: Vidi Dominum sedentem super solum suum, &  
 omnem exercitum cœli astantem ei à dextris & à sini-  
 stris: Et ait Dominus: Quis decipiet Achab regem Israël,  
 vt ascendant in Ramoth Galaad? Et dixit vnus verba huius-  
 cemodi, & alius aliter. Egressus est autem spiritus & stetit  
 coram

- A** coram Domino & ait: Ego decipiam illum : cui locutus est dominus: In quo? Et ille ait: Egrediar & ero spiritus mendax in ore omnium prophetarum eius. Et dixit dominus: Decipies & præualebis: Egredere & fac ita. Hastenus sacra Regum historia. Non potuit apertius & certius testimonium pro confirmatione eorum quæ diximus afferri. Erat quippe Achab Rex malus, & ideo iuxta illius iniquitatem similes illi prophetas qui illū deciperent Deus dedit. Quapropter ego censeo, Deum propter multa Germaniæ peccata siue publica siue occulta, quæ omnia ille optime novit, tam multos hieresiarchas illi provinciæ dedisse, qui illam tam peruersè docerent & in tam execrâdos errores perducerent. Neque mihi aliud persuadere possum nisi quod iuxta iniquitatem illius (vt per Ezechielem prophetâ minatus fuerat iniquos & fallaces doctores dedit. Ex omnibus istis tam apertis scripturæ sacre testimoniis euidentissimum esse constat præcipuam & certissimam omnium hæresum causam esse peccatum. Hanc tamen hæresum causam Christiani orbis rectores siue ecclesiastici illi sint siue seculares, prorsus tollere non possunt. Quoniam peccatum cuiusque hominis cum à voluntate illius pendeat vt peccatum dici possit, non potest princeps aliquis quisquis ille sit & quamlibet potens, illud prorsus impedire, ne ab alio committatur: quia non potest alterius voluntatem cōgere vt bonum prosequatur aut à malo discedat. Potest quidem ad bonum vocibus, & præmiis hortari, & malum rationibus multis dissuadere, & nimis ab illo auocare: ad nihil tamen horum voluntatem cogere potest. Potest etiam cogere ne multa peccata exterius opere exercent homines, vt tamen illa exercere interius non appetunt, id nullus princeps quamlibet potens efficere valet. Ipsi ergo homines omnes, quoniâ sui arbitrij potestatem habent, hanc hæresum causam in seipsis cum Dei adiutorio tollere possunt. Quisquis igitur ab hæresibus se illesum seruare cupit, à vitiis primum cauere conetur, ne peccatis excæcatus per deuos quosque vagetur errores, & pedibus offendens in hæresum foueam prolabatur. Quod si semel iam excæcatus est, & in hæresim lapsus, nulla illi alia patet ad visum recuperandam via, nisi vt cum cæco secus viam sedente, clamet ad dominum & dicat. Iesu fili Dauid miserere

Luc. 18

mei

mei. Illum autem sic clamantem non deerunt hæretici qui increpent ut taceat, & dicant non esse illi opus oratione, quippe qui rectam teneat fidem, & in illa debere persistere. Sed illis sic increpantibus, ille multo magis (ut cæcus ille secus viam sedens faciebat) clamare ad dominum debet, & misericordiam illius supplex & importunus implorare. Ut autem ille à Deo exaudiat, opus est ut vitia omnia præterita deserat, ambitionem fugiat, avariciam deuitet, carnis voluptates tanquam præsentaneum quoddam venenum procul à se abiiciat. Pro peccatis præteritis defleat, & per singulas noctes, regium prophetam imitatus, lectum suum lauet, & lachrymis suis stratum riget. Deinde, vitam pristinam in meliorem aliam committet, ut deinceps diuina mandata ad vnum vsque custodire nitatur. Quod si fecerit, benignus est Deus qui illum in cæcitate non dimittet, sed illuminabit oculos eius, ut agnoscat suum pristinum errorem, & illo deserto, ad fidem catholicam à qua ante discesserat, velocissime recurat. Hoc enim Paulus docet, sic inquit. Surge qui dormis, & exurge à mortuis, & illuminabit te Christus. Prius ut surgat, à peccatore exigit: & deinde illuminationem promittit. Hinc est quod data lege filiis Israel, illisque non intelligentibus miracula quæ Deus pro illis fecerat & quotidie faciebat, dixit Moyses. Custodite verba pacti huius, & implete ea, ut intelligatis vniuersa quæ facitis. Quibus verbis satis aperte docuit Moyses transgressionem mandatorum Dei potissimum esse causam quod Iudæi non intelligerent, nec viderent quanta fecisset illis Deus. Propter quod à transgressionem ad impletionem mandatorum Dei illos reuocat, ut remota cæcitatæ & ignorantie causa, ea quæ oportebat, intelligere possent. Hieremias propheta eruditum se dicit, non proprio ingenio, sed igne de super à Deo misso in ossibus eius. Ignem inquam illo, quem dominus Iesus Christus venit in terram mittere. Et Ioannes Euangelista testatur vñctionem spiritus esse, quæ de omnibus ad salutem necessariis nos edocet. Et Christus saluator noster, ut duobus illis discipulis in Emaus oppidum contendentibus scripturas aperiret, prius illorum corda inflammavit. De qua re ipsimet testimonium perhibebant, cum dicebāt. Nonne cor nostrum ardens erat, cum aperiret nobis scrip-  
pturas

*Ephes. 5*

*Deut. 29*

*Tren. 1*

*1. Ioan. 2*

*Luce. 24*



**A**pturas? Ardētem certe oportet esse & diuino amore inflammatum, qui diuinas scripturas penetrare cupit. Qui sit igitur ut peccatores multis vitiis irretiti, qui frigidam fecerunt malitiam suam sicut cisterna aquam, possint sine vlla diuini amoris scintilla, profunda sacræ scripturæ mysteria penetrare? De Ioanne illo Baptista quo inter natos mulierum nullus vnquam propheta maior surrexit, dicit Ioannes Euangelista, quod erat lucerna ardens & lucens. Prius *Iran. 1* ardens, postea lucens. Ardebat affectu, lucebat intellectu. Sibi & intra se ardebat: aliis & sibi lucebat. Nisi intra se arderet, neque sibi neque aliis lucere potuisset. Vos igitur omnes Germanos qui Luthero & aliis eiusdem classis hominibus nomina dedistis, & in illorum verba iurastis, in visceribus charitatis exhortor, & per vulnera Christi saluatoris nostri adiuro, ut, si aliquam salutis vestrę rationem habetis, poenitentiam agatis ab omnibus iniquitatibus vestris, & rogetis Deū si fortē remittatur vobis hæc cogitatio cordium vestrorum. In felle enim amaritudinis & obligatione iniquitatis video vos esse. Nam & hoc ipsum nos pro vobis Deum supplices oramus, ut vos tanquam oues errantes dignetur ad ouile suum reducere. Sed nisi vos ipsi vestræ salutis curam habeatis, & pro illa impetranda laboretis, nos soli vestram salutem à Deo impetrare diffidimus. Nam de aliis vobis simillimis Deus per Esaiam prophetam dixit: *Esa. 58*

**B** Me etenim de die in diem quærunť, & scire vias meas volunt, quasi gens quæ iustitiam fecerit, & iudicium Dei sui non dereliquerit. Rogant me iudicia iustitiæ, & appropinquare Deo volunt. Si vos igitur verā fidem à Deo scire vultis, prius vos iustitiam facere oportet, & Dei mandata seruare, & Deo per bonorum operum gressus appropinquare oportet, alioqui subsannabit vos Deus & dicet. Rogant me iudicia iustitiæ, & appropinquare Deo nolunt.

*De prima extrinseca hæresum causa quæ est defectus prædicationis verbi Dei, quæ si tollatur, multis hæresibus ne oriantur occurreretur.*

## CAP. II.

**M**ultæ sunt aliæ, præter cuiusque peccatum, hæresum causæ, quas nos extrinsecas, aut, si mauis, externas dicere

cere possumus, propterea quod nō eisdem personis quibus C  
 insunt, sed aliis hæresis occasionem præbent. Quibus quia  
 principes & pōtiffices facilius & commodius occurrere pos-  
 sunt, ideo de illis sigillatim differere, & longiorem de vna-  
 quaque tractatum facere decreui. Prima ex istis externis  
 hæresum causa, est defectus prædicationis verbi Dei. Est  
 enim summe necessaria verbi Dei prædication, sine qua  
 nullus quamvis baptizatus poterit veram fidem catho-  
 licam assequi, & in illa sine errore perseverare. Ea enim ad  
 quæ credenda Deus nos cogit, tam alta sunt, vt omnem  
 superent intellectus humani potentiam. Nam Paulus fi-  
 dem diffiniens, hoc illi quasi proprium tribuit, vt ab in-  
 tellectu propria eius virtute comprehendere non possint,  
 quæ illa nobis credenda proponit. Sic enim ait: Fides est spe-  
 randarum rerum substantia, argumentum non apperentiū.  
 Theoph. Quæ verba interpretans Theophylactus in commentariis  
 super Epistolas Pauli, ait: Argumentum, id est, demonstra-  
 tio & manifestatio quædam incertarum rerum, nec appa-  
 rentium; hoc est, in conspectum non venientium, sed fides  
 facit vt res eiusmodi mente spectemus tanquam præsen-  
 tes. Si hanc igitur habet vim fides, quid ipsi hæc vultis re-  
 ipsa perspicere, quæ sunt omnino ventura vt excidatis à fi-  
 de? Hæc ille. Præterea, idem Apostolus in priore ad Corin-  
 thios epistola hoc ipsum aliis verbis docet, sic inquit: Sermo meus & prædication mea, non in persuasibilibus hu-  
 manæ sapientiæ verbis: sed in ostensione spiritus & vir-  
 tutis, vt fides vestra non sit in sapientiā hominum: sed  
 in virtute Dei. Si ea, quæ fide credimus, propria & sola  
 intellectus virtute assequi possemus, certe fides nostra in  
 sapientiā hominum esset. Cum ergo Paulus dicat fidem  
 nostram non esse in sapientiā hominum, hoc ipso aperte  
 nos docuit, mysteria nostræ fidei superare omnem intelle-  
 ctus humani virtutem. Virga Moyli deuorauit virgas ma-  
 gorum Aegyptiorum. Quæ in re, hoc nobis per mysterium  
 datur intelligi, quod fides & doctrina Evangelica superat  
 omnium philosophorum scientias. Et hoc est quod Deus  
 per Abdiā prophetā prædixit, sic dicens. Perdam sapien-  
 tes de Idumæa. Ex quibus euidentissime colligitur, vt qui-  
 quis sola naturali intellectus virtute ferens, secreta fidei  
 mysteria penetrare voluerit, necessario erret. Sol enim re-  
 fulgens

Hebr. 11

Theoph.

1. Cor. 2

27.

Exod. 7

Abd. 1

Eccl. 43

**A** fulgens radiis suis (vt ait sapiens) excæcat oculos. Hinc est *Exe. 22*  
 quod lege Mosayca cautum erat, vt nullus leuaret cultum  
 super altare, super quo offerenda erant holocausta Deo.  
 Qua rerum figura (vt sacri doctores interpretantur) signifi-  
 catum est, nos non debere solo ingenij acumine velle pe-  
 netrare mysteria fidei catholicæ, quæ nomine altaris signi-  
 ficata est, vt Gregorius docet, sic dicens. Altare de terra Deo *Greg.*  
 facere est incarnationem Christi sperare. Tunc enim à Deo  
 nostrum munus accipitur, cum in hoc altari nostra humili-  
 tas, id est, super dominicæ incarnationis fidem posuerit  
 quidquid operatur. Hæc ille. Super hoc altare nō est leuan-  
 dum cultum, alioqui pollueretur altare, quia fides Catholi-  
 ca non est solo naturali intellectus acumine perscrutanda,  
 alioqui contaminabitur fides illius qui illam sui ingenij  
 acumine penetrare voluerit. Si tamen fide fuerit adiutus  
 intellectus, facile omnia quamlibet occulta mysteria pene-  
 trabit, quia fides subleuat in sublime intellectum, & lucem  
 illi tribuit qua illa videre & intelligere possit. Vnde bea-  
 tus Basilius, interpretans psal. 115. ait. Fides supra omnium *Basili.*  
 rationem scientiarum disciplinarum v'e animam subli-  
 mem trahit. Fides denique non geometricis aut necessariis  
 vitur probationibus. In nomine domini Iesu Christi Na- *Act. 3*  
 zareni surge; & ambula. Hanc enim vocem continuo per  
 spiritum sanctum subsecutus est statim effectus. Ex prodi-  
 gio nanque diuinitatis vnigeniti, manifestatio necessaria  
 videntibus est orta. Dicquæso quid ad fidem faciendam,  
 veritatēque persuadendam vehementius? An dialecticæ  
 propositiones secum symperasmata consequentia trahen-  
 tes, an potius tale tantūque ostentum ab omnibus clarif-  
 sime visum, omnēque virtutem excēdens? Et aliquibus  
 interpositis, ait. Theologiæ mysterium ex fide minime ra-  
 tionibus probata ædificium quærit. Hæc Basilius. Et bea-  
 tus Augustinus in libro 55. homiliarum, homilia 32. aper- *Aug.*  
 tius eandem docet sententiam, sic dicens. Arcana & secreta  
 regni Dei prius quærunt credentes, quo faciant intelligen-  
 tes. Fides enim gradus est intelligendi, intellectus autem  
 meritorium fidei. Aperte hoc propheta dicit omnibus præ-  
 propere & præpostere intelligentiam requirentibus, &  
 fidem negligentibus. Ait enim. Nisi credideritis non in- *Esa. 7.*  
 telligetis. Habet ergo & fides ipsa quoddam lumē suum in *iu. 70*  
 ser

**A** uerit . Nec solum est necessaria prædicatio verbi Dei adfidentem primo suscipiendam: sed etiam ad illam postquam seniel suscepta fuerit, nutriendam, & conseruandam, præferim in illis, qui sunt rudis ingenij, & nimium obliuiosi. Hi enim assidua prædicatione verbi Dei, aut alia frequenti doctrina indigent, vt bene possint mysteria fidei discere, & quæ semel didicerunt retinere. Alioqui nec perfecte discunt, nec plene retinebunt, & sic fides semel cœpta ob solum prædicationis defectum facile peribit. Hoc autem facile quisque sibi persuadebit: si verbi Dei proprietates, & conditiones intellexerit. Est enim verbum Dei quidam animæ cibus, qui illam in fide, & cæteris virtutibus nutrit, & auget, & perficit. Nam quod verbum Dei sit spiritualis quidam animæ cibus, ipsamet veritas nos docuit, quando Sathanæ tentationem reiciens dixit: *Non in solo pane viuunt homo: Matt. 4* sed in omni verbo, quod procedit ex ore Dei. In quibus verbis Saluator cibos hominis varios esse ostendit iuxta varietatem partium, ex quibus idem homo componitur. Constat enim homo ex anima, & corpore: corporis cibus est panis materialis, & corporeus: animæ vero cibus est verbum Dei. Ob hanc causam plurimi ex sacris doctoribus, verbum *Sapient. 16* Dei figuratum esse censent in manna, quod Deus filiis Israel in deserto esurientibus dedit. Illius enim cibi naturalis, & tantæ virtutis erat, vt omnem suppleret indigentiam, vt omnium satisfaceret appetitui, præbens vnicuique talem, qualem optasset saporem, siue carnes, siue pisces, siue oua, siue fructus concupiuisset. Sic & iam verbum Dei omnium virtutum saporem habet, & omnium subuenit indigentia. Nam superbis, elatis, iracundis, voracibus, epulonibus, libidinosis, auaris, & omnibus aliis peccatoribus quocunque nomine censeantur, verbum Dei necessaria præbet remedia, quibus animas suas illi saluare possint. Erat etiam manna illud suaue, & dulce, & verbum Dei his, qui recte sapiunt dulcissimum videtur. Propheta *Psal. 118* siquidem Regius qui rectum tenebat gustum, dicebat: Quàm dulcia faucibus meis eloquia tua, super mel ori meo. Aliam insuper inter hæc duo similitudinem assignat Origenes homilia tertia super librum Numerorum sic inquiens: Scriptum est de manna: quia secundum tempus illud si quis id ita sumpsisset, nutriretur ex eo: si quis vero



contra præceptum Dei, & contra statutum diuinitus modum voluisset assumere, non frueretur eo, vt vitali cibo: sed vermes ebullirent ex eo. Et ita fiebat, vt vna, atque eadem species mannae aliis vermes, & putredines generaret: aliis vero salubrem cibum conferret, & vitæ necessarium. Igitur & nostrum manna verbum Dei est, & apud nos: ergo sermo Dei aliis efficitur ad salutem, aliis ad pœnam. Hæc Origenes. Plures adhuc alias similitudines inter verbum Dei, & manna ostendit beatus Ambrosius libro octauo epistolarum suarum, epistola lxi. quas omnes prudens omitto, causa prolixitatis vitandæ, satis me fecisse existimans, quod locum indicauerim lectori: vnde illas si velit sumere possit. Nec solum cibi nomine sacra scriptura appellat verbum Dei: sed etiam nomine potus, vt vel his duobus nominibus ostenderet illud esse completum animæ nutrimentum, cum non minus potus, quàm cibus sit ad nutritionem necessarius. Nam quod verbum Dei sit potus, apertissime ostendit Christus saluator noster cum plebi prædicans, & omnes ad doctrinam suam vocans, clamauit dicens: Si quis sitit, veniat ad me, & bibat. Sitire dixit eos, qui Saluatoris doctrinæ cupidi essent, & hos ad potum inuitat, hoc est ad auditionem verbi, quod ipse prædicabat: vnde abunde doceri quisque poterat. Deinde qui Christum audierant prædicantem, postea (vt idem Saluator refert) dicturi sunt illi. Manducauimus, & bibimus coram te. Vt autem exprimerent illi, quem cibum manducassent, & potum bibissent, statim subiungunt: In plateis nos docuisti. Quibus verbis aperte declarant, verbum Dei prædicatum esse animæ cibum, esse etiam & potum. Nec tamen abs re, & frustra: sed ob maximam causam verbum Dei appellatum est animæ cibus, & potus. Nempe, vt inde intelligamus verbi Dei prælicationem esse ad salutem animæ adeo necessariam, quemadmodum cibus, & potus corporeus est necessarius ad corporis vitam seruandam.

*Ioann. 7* Hanc enim causam beatus Chrysostomus expressit, qui homilia xij. super priorem epistolam Pauli ad Timotheum sic ait: Quemadmodum carnales cibos diebus singulis ex necessitate requirimus, ita fidei, pietatisque doctrinam semper accipimus, eaque iugiter enutrimur. Hæc Chrysostomus. Si cibus, & potus animæ censetur esse verbum Dei,

*Luce, 13*

*Chrysosto.*

- A** Dei, consequens est, ut illius prædicatione his, qui aliunde doctrinam sumere non possunt, deficiente: deficiat etiam illis fides catholica, quam (ut Paulus supra dixit) sine verbi Dei prædicatione nullus per se assequi potest. Potest adhuc alia esse verbi Dei consideratio, ex qua etiam facile conuinci potest illius subtractionem esse certissimam hæresum causam. Est enim verbum Dei, lumen quo mediante quisque, quæ agere, & quo gressus dirigere velit, facile videre possit. Lucerna pedibus meis (inquit Regius *Psal. 118*) propheta) verbum tuum, & lumen semitis meis. Et iterum in eodem Psalmo: Declaratio sermonum tuorum illuminat, & intellectum dat paruulis. Si ab illo, qui in tenebris ambulat lucernam, qua illuminabatur, subtraxeris, illa luminis absentia efficiet, ut ambulans tertio quoque gressu offendat: quemadmodum Aristoteles dicit, absentiam nautæ causam esse, quod naui pariatur naufragium, quia ille si præsens fuisset, sua industria potuisset nauem integram seruare. Ad eundem modum dicendum est de verbo Dei, quod si prædicatum fuisset, illuminasset audientes, ne offenderent pedibus, aut errarent à via. Ex quo necessario sequitur, quod prædicatione illius sublata,
- B** facile viatores omnes, qui sunt in hoc mundo à via salutis declinabunt. Ideo Paulus hanc necessitatem prædicationis verbi Dei optime intelligens, Timotheo episcopo, *2. Tim. 4* & discipulo suo scribit, adhortans, & vrgens ad frequentem Dei prædicationem, sic inquit: Testificor coram Deo, & Iesu Christo, qui iudicaturus est viuos, & mortuos, per aduentum ipsius, & regnum eius: prædica verbum. Insta opportune, importune. Cur autem in prædicatione verbi Dei instare, & importune agere præceperit, paucis interpositis expressit, sic inquit: Er it enim tempus, cum sanam doctrinam non sustinebunt: sed ad sua desyderia coaceruabunt sibi magistros prurientes auribus, & à veritate quidem auditum auertent, ad fabulas autem conuertentur. Tu vero vigila, in omnibus labora, opus fac Euangelistæ. Nouerat quippe Paulus multos futuros esse, qui in fide errarent: ideo monet Timotheum, ut à prædicatione non cesset: sed frequentissime Euangelium prædicet, quo melius possent hæreses impediti, ne excitarentur. Idem etiam præcepit Deus

*Esa.* 58 olim Esaia prophetæ, sic dicens: Clama, ne cesses: quasi tu-  
 ba exalta vocem tuam, annūcia populo meo scelera eorum.  
 Sunt enim prædicatores velut quidam Dei canes, qui latra-  
 tu suo gregem Dei, qui est ecclesia, custodire debent. Si ca-  
 nes vehemēter latrant, lupi reformidant inuadere gregem:  
 si vero canes dormiunt, aut silent, lupi tunc ex canum silen-  
 tio audaciores fiunt, & gregem tanto maiori cum fiducia  
 inuadunt, quanto securius se nocere posse existimant. Idem  
 prorsus dicendum censeo de prædicatoribus verbi Dei, qui  
 si iugiter, & ex affectu (vt decet) contra hæreses, & alia vi-  
 tia clamarent, suo latratu non solum hæreticos, & hæreses:  
 sed reliqua omnia vitia, quæ gregem Dominicum deua-  
 stant, facile propellerent: si tamen tacuerint, & prædicare  
 noluerint, sua taciturnitate Dominicis ouibus nocebunt.  
 Nam tunc dæmones, & hæretici illorum ministri audacius  
 illas aggrediūtur, & illi tanto facilius nocere possunt, quan-  
 to magis deest, qui illos exterreat, aut illas de fuga mo-  
 neat, vt vel ipsæ sibi ipsis prouideant. Et hanc fuisse etiam  
 olim potissimam malorum synagogæ causam ipse Deus

*Esa.* 56 apertissime expressit per Esaia prophetam, sic dicens.  
*Hieron.* Vniuersi canes muti non valentes latrare. Quæ verba inter-  
 pretans Hieronymus in commentariis super Esaia, sic  
 ait: Isti, de quibus propheta nunc loquitur, non solum spe-  
 culatores cæci: sed & canes muti appellantur, non valentes  
 latrare. Qui enim gregem Domini custodire debebant,  
 & lupos abigere, & latrare pro Domino, diligunt somnia,  
 & dæmoniis visionibus delectantur. Hæc ille. De hac re,  
 quam credo esse apertissimam, non videtur mihi esse opus  
 multa exempla proferre: quoniam & si res esset dubia, &  
 ab exemplis probanda esset, tam multa suppetere possent,  
 vt nullum sit regnum, quod pro hac re non possit exempla  
 præstare. Nam ego, qui multas, & varias Christiani orbis  
 prouincias peragraui, & longam in aliquibus illarum traxi  
 moram, hoc experientia docente cognoui eos homines, qui  
 montana, & deserta loca incolunt, & rarissime prædicatio-  
 nem verbi Dei audiunt, pluribus erroribus, & superstitioni-  
 bus infectos esse, quàm alios, quibus frequenter Dei ver-  
 bum prædicatur. Ex quo euidentissime colligitur, prædi-  
 cationis verbi Dei defectum, illis potissimam esse causam,  
 quod in tales errores labantur: quia si edocerentur, vt alij,  
 etiam



**A** etiam illis erroribus carerent, quemadmodum carent hi, qui frequentes audiunt verbi Dei conciones. Huic tam manifestæ hæresum causæ, iustum esset, vt Principes vtriusq; ordinis, hoc est, ecclesiastici, & seculares diligentissime subuenirent. Verum hoc magis prælatis ecclesiasticis incumbit, quibus animarum cura est à Deo data: Hi enim sunt, qui populum Dei docere tenentur, & à quibus populus Dei doctrinam iure petere potest, dicente Domino per Malachiam prophetam: Labia sacerdotis custodiunt sciētiam, & legem requirunt de ore eius: quia angelus Domini exercituum est. Et ideo nullus (vt postea in alio huius tertij libri cap. dicam) deberet institui animarum pastor: nisi qui vel mediocri esset literarum notitia instructus, vt populum posset rectam fidem, & bonos mores docere, & ad illos hortari. Verum tanta est huius seculi infelicitas, vt pastores docti ad alios indoctos, & prorsus idiotas relati, sint velut gemmæ ad aliorum vilium lapidum numerum comparati. Et si aliqui sunt pastores docti, qui bene possent gregem sibi commissum in fide, & moribus instituere, magna tamen eorum pars tanta, & tam cæca superbia ducuntur, vt id facere dedignentur, tanquam si prædicationis officium esset vile aliquid, & ignominiosum. Non est quidem aliud, & honestius in ecclesia Dei officium, quàm officium prædicationis, per quod prædicator: si recte illud munus exercet, magis Deum repræsentat. Est enim illud verum Apostolorum officium, quibus Christus saluator noster ex hoc mundo ad patrem ascendens nihil aliud æque mandauit, ac Euangelij prædicationem. Euntes (inquit ille) in mundum vniuersum prædicate Euangelium omni creaturæ: Quod in hac parte ego faciendum censeo, vt tam late grassanti morbo, vel aliqua ex parte occurratur, breuibus exponam. Episcopi cogant animarum pastores si qui docti sunt, vt ipsi per se ipsos gregem sibi commissum pascant, illum de agendis, & credendis doceant, & ad illa semper hortentur, & moneant. Si pastores animarum indocti fuerint, cogant illos, vt ex redditibus suis conducant prædicatores, qui illorum suppleant defectum. Si episcopi in hoc (prout plurimi illorum facere solent) negligentes fuerint, tunc Principes seculares huic tam crassæ episcoporum negligentiae succurrere debent. Debent enim episcopos

*Mala. 1**Mat. 10*



hortari, vt bonos instituant pastores, qui gregem sibi commissum pascere possint, vt prædicatores distribuunt, & cuique populo iuxta necessitatem prouideant: si episcopi hoc facere neglexerint, non vltra progrediendum esse censerent, ne forte si coacti, & non ex affectu id faciant, tales populo exhibeant prædicatores, vt illis carere forte melius esset, quàm illos habere. Non enim quærerent (prout aliis in rebus plurimos eorum facere videmus) doctiores, & meliores, & qui plus populo possent prodesse: sed eos, quos minori mercede conducere possent. Nec tamen propter episcoporum, & aliorum pastorum negligentiam, rem hanc prorsus desperatam esse censeo, & velut talem relinquendam. Tunc enim (vt ego existimo) Principes, & alij Domini seculares huius rei curam sumere deberent, ne hi, quibus imperant, à fide catholica, & Christianis moribus deficiant. Manus enim manum alteram iuuat, & brachium alterum alteri subuenire oportet. Mutuo se iuuare debent membra, cum eorum alterum altero indiget. Si brachium dextrum non posset, aut forte noller, pro corporis vita seruanda orbem cibum porrigere, nonne brachium sinistrum deberet nunc sumere laborem? Deberet certe, ne totum corpus, & simul cum corpore brachium ipsum ob cibi defectum periret. Quasi enim duo corporis brachia sunt, duæ Christiani orbis potestates, altera ecclesiastica, altera secularis, & laica. Si igitur ecclesiastica potestas, prout illi ex officio facere incumbit, cibum verbi Dei populo porrigere neglexerit, tunc seculares Principes, & alij Domini, & populorum rectores tantæ indigentiae ea, qua poterunt parte subuenire debent, ne ob defectum spiritualis cibi animas perire permittant. Bonos, & doctos viros, & si possibile foret, qui gratiam verbi habeant, perquirere faciant, quibus ex publico ciuitatis, aut oppidi ærario, iuxta personæ, & laboris meritum, stipendia statuunt, vt illi populum statutis aliquot anni diebus in fide, & moribus erudiant. Et quod maxime procurandum esse censeo, est vt pueris pædagogi communes ex publico ærario conducti assignentur, qui illos in fide & moribus recte instituant. Nam (vt ait Salomon) adolescens iuxta viam suam etiam cum senuerit, non recedat ab ea. Et egrægius poëta dixit:

A *Quo semel est imbuta recens servabit odorem  
Testa diu.*

*Horat.*

Quæ omnia si potestas secularis exequatur, illud Esaie *Esa. 24*  
prophetæ ecclesiasticæ potestati merito dicere poterit. Erubescet Sidon, ait mare. Erubescendum certe est ecclesiasticæ potestati, si ob illius negligentiam, eam animarum curam seculares Domini suscipiant, quam illa ex iure diuino habere tenebatur. De prælatorum tamen negligentia: quia alio integro capit. differere decreui, ubi ostendam illam esse potissimam hæresum causam: ideo nolo nunc longiorem de hac re facere sermonem. De solo enim prædicationis defectu in præsentiarum tractamus, ostendentes, quod ille sit multarum hæresum causa. In quos autem sit huius defectus culpa reicienda, nunc non inquirimus: sed in aliud capitulum, in quo de prælatorum negligentia; & indignitate agemus, rem istam differimus. Verum circa ea, quæ in hoc capitulo diximus, lectorem admonere decreui, ne putet me defectum prædicationis tanti facere, vt existimem illum esse primam hæresum causam, aut quod tantam, tamque potentem illam esse censeam, vt ipsimet, qui prædicationis verbi Dei indigentiam patiuntur, non possint impedire, ne in seipsis aliquas hæreses gignat. Nam & si ipsi sine prædicatione verbi Dei (vt diximus) non possint veram fidem catholicam adipisci, si tamen ipsi à vitiis omnibus abstinerent, vt vnum Deum (prout naturalis ratio ostendit) adorarent, & illi se totos fiderent, Deus illos non permetteret in hæresim aliquam labi: sed aut Deus ipse interius illos doceret, aut prædicatores, & doctores ad illos mitteret, qui illos in fide catholica, & aliis omnibus ad vitam æternam assequendam necessariis institueret. Pro cuius rei confirmatione satis esse potest *Act. 10.*  
Cornelij Centurionis exemplum, qui cum Gentilis homo esset: quia tamen à vitiis gentium alienus, ob illius elemosynas & orationes exauditus est, & missus est ad illum Petrus apostolus, qui illum erudiret. Si tamen illi sunt peccatis variis immergi, non est mirum, quod Deus illis non det prædicatores, cum sæpe eos, quos habebant, peccatis suis id exigentibus, à populis subtrahat. Nam Ezechielii prophetæ ad populum in transmigratione Babylo-nica positum misso, Dominus verbum prædicationis pro-

pter peccata populi subtrahit, ne illis prædicaret. Hæc enim verba (vt ipsemet propheta testatur) Deus dixit ad eum: Et tu fili hominis, ecce data sunt super te vincula, & ligabunt te in eis, & non egredieris de medio eorum, & linguam adhærere faciam palato tuo, & eris mutus, nec quasi vir obiurgans: quia domus exasperans est. Quæ verba interpretans Hieronymus in commentariis super Ezechielem prophetam, ait: Quod lingua prophetæ palato, vel gutturi cohæret, & mutus effectus auctoritatem non habet increpantis, causa perspicua est: quia inquit, domus exasperans est. Et est sensus. Tantæ sunt amaritudines, & tantæ aduersus Deum contentiones, vt obiurgantem non mereantur audire. Ex quo perspicuum est, vbi multitudo fuerit peccatorum, indignos esse peccatores, qui à Domino corrigantur. Hæc Hieronymus. Ex quibus verbis constat peccatum non solum (vt proxime præcedenti capitulo diximus) esse causam, quod Deus falsos doctores, & peruersos prædicatores populo permittat: sed etiam, quòd bonos, quos populus habet, ab illo subtrahat, ne habeat, qui illos docere possit. Hi igitur, qui prædicatione verbi Dei carent, si illam esuriunt, & edoceri desiderant, à vitiis abstinere, & Deum amare & timere procurent: Et Deus, qui neminem vnquam ad eum confugientem contempsit, non deseret illos: sed mittet illis doctores, à quibus doceri possint, aut ipsemet interius eos docebit: Non vidi iustum derelictum (inquit propheta Regius) nec semen eius quærens panem. Quæ verba non de pane materiali, quo pascitur corpus: sed de spiritali pane, qui est verbum Dei, intelligenda esse. Cassiodorus in commentariis super psalmos optime conuincit, sic dicens: Legimus famis causa Abraham, Isaac, & Iacob mutasse prouincias. Vnde dubium non est eguisse pane, quod propter penuriam loci constat exteras expetisse regiones. Sed redeamus ad interiorem hominem &, vera nobis sententia salutariter apparebit. Semen vniuscuiusque hominis operam esse diximus, quam seminat & metit, siue bonam siue malam. Ergo opera iusti pane non indiget, hoc est verbi Dei, quo faciat, quo reficitur, quo intus re vera viuunt, & pascitur. Hæc Cassiodorus. Et sapiens ecclesiasticus veram sapientiam promittit illi, qui Deum timue-

**A**rit, & iusticiam sectatus fuerit. Qui timet Deum (inquit *Ecccl. 19* ille) faciet bona: & qui continens est iustitiæ apprehendet illam: & obuiabit ei quasi mater honorificata: & quasi mulier à virginitate suscipiet illum. Cibabit illum pane vitæ, & intellectus, & aqua sapientiæ salutaris potabit illum. Ex quibus verbis evidentissime colligitur eos, qui verbi Dei prædicatoribus, à quibus edoceri possent carent, nec iustos esse, nec Deum timentes: quoniam si Deum timerent: tamdiu illos in tenebris, & sine vlllo doctoris lumine permanere Deus non permetteret: sed cibaret illos (vt dixit Sapiens) pane vitæ, & intellectus, & aqua sapientiæ salutaris potaret illos. Nec tamen ista in excusationem Episcoporum, & aliorum pastorum dicimus: quoniam illos nihilominus peccare censeo, propterea quòd verbo Dei non pascunt oves suas: nisi forte specialem de hac re prohibitionem à Deo haberent, quæadmodum Ezechieli prophetæ datam fuisse, supra ostendimus. Deus enim licet, peccatis populi exigentibus permittat, vt pastores animarum non pascant verbo Dei oves suas, non tamen ipsis pastori- bus præcipit, vt à prædicatione verbi Dei abstineant.

*De secunda causa, ex qua hæreses oriuntur, quæ est indifferens prædicatio verbi Dei per quoscunque sine vlllo discrimine, & sine vlla examinatione.*

## CAP. III.

**M**ulta certe est in toto orbe Christiano prædicationis *Mat. 9* verbi Dei penuria: quoniam (vt Saluator noster prædixit) messis quidem multa, operarij autem pauci. Messis multa, vt beatus Hieronymus interpretatur, omnis turba credentium est: Operarij autem pauci, & Apostoli, & imitatores eorum, hoc est, prædicatores, qui mittuntur ad messem. Ex quorum paucitate euenit, vt aliqua pars messis pereat: quia tam multæ messi tam pauci operarij non sufficiunt. Quæ res non paruam doloris ansam præbet his, qui aliquam Christianæ reipublicæ rationem habent. Sed id maxime dolendum, vt istorum paucorum prædicatorum maior pars tam indigna sit ad prædicationis officium exer-



cendum, vt ipsum officium, quod est mire honorificum, C  
 indignitate sua dehonestent, & dedecore afficiant. Nam  
 cum duo sint, omnium sanctorum testimonio, ad munus  
 prædicationis recte obeundum, maxime necessaria: bonitas  
 videlicet, & doctrina. Multi tamen sunt verbi Dei prædica-  
 tores, quibus huiusmodi alterum deest, multi etiam, quibus deest  
 vtrunq; . Est enim maxime necessaria in prædicatore doctri-  
 na, quoniam primus scopus ad quem tendere debet ipsa præ-  
 dicatio, est auditores docere. At qui doctus non est, alios do-  
 cere non potest. Fons qui aqua caret, alios potare non va-  
 let. Corpus quod lucidum non est, alios illuminare nequit.  
 Necesse igitur est, vt prædicator sit doctus, qui aliorum do-  
 cendorum suscipit curam. Nec satis est prædicatori, vt  
 recte sum exequatur officium, ipsum esse doctum: nisi  
 etiam sit bonus, & virtutis amator, vt non solum verbo: sed  
 etiam exemplo prodesse auditoribus possit. Sæpe enim po-  
 tentiora sunt exempla, quàm verba. Plato & Aristoteles,  
 & omnis in diuersum abiens philosophorum turba, plus  
 ex moribus, quàm ex verbis Socratis accepit. Plus etiam  
 apostoli, ceteriq; Christi saluatoris nostri discipuli, ex illius  
 exemplis, quàm ex illius verbis ad virtutem capeffendam D  
 profecerunt. Ob quam causam Christus supremus omnia  
 Magister, qui suorum discipulorum profectum summe  
 cupiebat, primum (vt Lucas refert) studuit, vt faceret,  
 deinde, vt doceret. Ad Christi igitur exemplum, cuius lo-  
 cum in prædicatione tenent, oporteret prædicatores vi-  
 tam suam optime componere, vt opere simul, & verbo  
 prædicare procurarent. Nam qui alios mundare debet,  
 oportet, vt prius ipse sit mundus. Qui alios ardentes, & De  
 amore feruentes efficere optat, necesse est, vt ignem cœle-  
 stem in se habeat, quo auditores inflammare possit. Fieri  
 enim non potest, vt qui frigidus est, aut tepidus, alios ca-  
 lefaciat. Si ad carbones extinctos quis alios eiusdem con-  
 ditionis carbones iunxerit, nunquam accendentur: si ta-  
 men aliis ardentibus carbonibus illos admouerit, facile  
 ardebunt. Sic etiam, qui prædicatorem, quem nouit esse  
 vitiis infectum audit: nisi Deus adsit, qui illum intus ar-  
 dentem faciat, nunquam ab illo prædicatore accendetur.  
 Hinc est, quod de Christo summo prædicatore omniumq;  
 prædicatorum magistro, propheta Regius dixit: ignis a fa-  
 cie

Act. 1

7

**A** cie eius exarsit, carbones succensit sunt ab eo. Eſaias propheta quoniam labia habebat immunda (vt ipſemet dolens, & gemens fatetur) purificari debuit antequam ad prædicandum mitteretur. Ad quam purificationem faciendam miſſus eſt angelus, qui tollens carbonem ignis de medio altaris, tetigit labia illius, & linguam, & ſic purgavit eam, qua purgata ſtatim miſſus eſt ad prædicandum. Quandiu labia immunda habuit, non eſt iniunctum Eſaiæ prædicationis opus, vt autem mundata fuerunt labia, è veſtigio dignus habitus eſt, cui merito poſſet prædicationi demandari. Aſcendens Chriſtus ſaluator noſter ad cœlos: vnde pro nobis deſcenderat: Apôſtolos in mundum vniuerſum mittit, vt prædicarent Euangelium omni creaturæ. Nec tamen eos ſtatim abire, & mandatum adimplere permiſit: ſed præcepit eis (vt Lucas ait) ab Hieroſolymis ne diſcederent: ſed expectarent promiſſionem patris, vt priuſquam abirent induerentur virtute ex alto, & inflammarentur igne ſpiritus ſancti, quo alios in amore Dei feruentes efficere poſſent. Hinc eſt, quòd Dauid, vt vias Dei alios recte docere poſſet, triplicem priuſ

Eſa. 6

Mar. vi.

Act. i

**B** poſtulauit ſibi dari ſpiritum, videlicet rectum, & ſanctum, & principale. Spiritum rectum (inquit ille) in noua in viſceribus meis. Et iterum. Spiritum ſanctum tuum ne auferas à me. Et poſtea: Spiritu principali, ſiue (vt Hieronymus tranſtulit) potenti, confirma me. Et poſtquam hunc triplicem petiit ſpiritum, ſtatim ſubdidit: Docebo iniquos vias tuas: & impij ad te conuerſentur. Quo petitionum ordine oſtendit triplicem illum ſpiritum neceſſarium eſſe, vt quis vias Dei recte docere poſſit. Eſt quidem neceſſarius ſpiritus rectus, vt auditores recta via ad cœleſtem patriam ire doceat: ſpiritus ſanctus, vt auditores ſanctos, & Dei amore feruentes efficere valeat. Spiritus principalis ſiue potens, vt aduerſus omnes tentationum incurſus conſtantiem, & infractum ſemper habeat animum: ita vt nec minis terreatur, nec muneribus flectatur, nec deliciatur aduerſis, nec proſperis erigatur, & inſoleſcat. Sunt enim hæ duæ valiſſimæ machinæ: quibus ſemper oppugnantur prædicatores, & expugnantur sæpe blanditiæ, ſcilicet & terrores. Hi timore concutiunt animum, illæ ſpe inuadunt. Hi dolorum grauitate mentem abſorb

Pſal. 50

absorbent, & in desperationis barathrum sæpe iniiciunt, C  
 illæ falsa quadam dulcedine male securos nos reddunt, quo  
 facilius interficere possint. Aduersus vtranque machinam  
 spiritum potentem adesse oportet, qui prædicatorem do-  
 cens, sic illum in bono confirmet, & constantem reddat: vt  
 nec minis terreatur: nec blanditiis seducatur: sed semper  
 officium prædicationis sibi commissum recte exequatur in-  
 trepidus. Duo igitur ista bonitas, scilicet & doctrina (vt satis  
 ex his, quæ diximus constat) summe necessaria sunt omni  
 prædicatori, vt ille recte suum exequatur officium. Quæ duo  
 in cœlesti illo igne qui in die pentecostes super apostolos  
 descendit, aperte designata sunt. Est enim ignis natura lu-  
 cidus & calidus, & ideo in figura ignis spiritui sancto super  
 apostolos venire placuit, vt hoc ipso nos doceret, illis suo  
 aduentu & lumen doctrinæ & amoris Dei ardorem dedisse.  
 Rari tamen sunt (vt ingenue loquar) qui illa duo habeant,  
 quo fit vt rari sint prædicatores qui prædicationis offi-  
 cium pro illius dignitate & merito tractent. Nam aliqui  
 sunt male morigerati, qui etsi docti sint, suis tamen mo-  
 ribus prædicationis vires impediunt. Alij sunt, saltē in  
 his quæ foris videntur, vere studiosi & virtutis cultores, D  
 sunt tamen adeo indocti vt potius illos doceri, quàm do-  
 cere oporteret. Ob quam rem non paruam præbent ambi-  
 tionis suspicionem, propterea quod onus suscipere non ve-  
 rentur, quod notissimum est vires suas longe superare. Quæ  
 res non paruum, vt ostendemus, fidei catholicæ dispendium  
 efficere solet. Sunt rursum alij tam imprudentes, vt cum  
 nec docti nec boni sint, quadam tamen effroni temeritate  
 prædicare non dubitant. Horum omnium nō est opus pau-  
 cula quædam exempla proferre; quia plura quàm vellemus  
 quotidie & passim omnes videmus. Sunt enim aliqui præ-  
 dicatores tam rudes, vt vix Grammaticam degustauerint,  
 Latini sermonis prorsus nescij, qui nec Euangelij quod in  
 missa legitur solam superficiem intelligere valent. Tales  
 quidem multos, testor Deum, ego noui, qui habentes ali-  
 quos sermones in linguam vulgarem ab alijs translatos,  
 eos tanta cum audacia & maiestate populo referebant, vt  
 qui illos nō cognouisset, putasset eos doctissimos viros esse.  
 Quia tamen aliena lingua more psitacorum loquuntur, sta-  
 tim se produnt, quia eandem sæpe repetunt catilenam, &  
 si de

**A** si de his quæ dixerunt, interrogas, non magis quàm pſitaci respondebunt, Si vero vt de re alia differant, petieris, obmutefcent tanquàm prorsus ignari, aut forte ne coram populo apud quem sapiētes videri volunt, se nescire fateantur, non dubitabunt mille ineptias effutire. Et sic impudenti audacia loquentes suam produnt inscitiam, qui tacentes potuissent docti existimari. Ad hoc genus hominū pertinent ferè omnes quæstuarij indulgentiarum prædicatores, ex quibus vix vnum aut alterum inuenies virum doctum, qui sciat de re, quam prædicat vel mediocrem reddere rationem. Nunquam aut fidem aut mores sua prædicatione docere intendunt, sed is solus prædicationis suæ scopus est, plures ab auditoribus nō solum haurire sed extorquere pecunias. Quod vt assequantur, indulgentias quas populo prædicāt, plus debito exaggerant, quæqua versum se vertunt, plangunt, lamentantur, minantur, rident, nihil deniq; pro pecuniis extorquendis intentatū relinquunt, etiā si cum fidei periculo id faciant. Nam sæpe indulgentias quas prædicant adeo extollere cupiunt, vt pro illarum laude execrandas ex ore suo hereses effundant. Quantum autem nocuentū ex hoc genere hominum fuerit Christianæ reipublicæ illatum, tota Germania potest esse testis. Quoniā hæc prima radix fuit, vnde tota hæc Lutheranorum pestis orta fuit. Nam cum tabulas quosdam indulgentiarum prædicatores Lutherus audisset, qui plura quā par erat, de indulgentiis dixerunt, adeo horrenda illi sunt visa, vt impium, iniquūmq; existimaue- rit tacere, & illis non obuiare, neque impedire. Zelo igitur & non secūdum discretionem motus in publicum prodiit, & contra hos omnes prædicauit nō veram indulgentiarum intelligentiā (vt oportebat) edocens, sed eas prorsus euer- tens, & dicens eas nullius prorsus esse vtilitatis. Cui cum aliqui viri docti repugnarent, suaderētque vt palinodiam cantaret, tantum absuit vt id facere vellet, vt multo peiora quàm prius effundere non dubitauerit. Ab istis igitur quæ- stuariis indulgentiarum prædicatoribus primā ansam hæ- resis suæ Lutherus accepit. Quod nomen in tantam iam abiit infamiam apud probos & cordatos viros, vt nullus, aut rarus sit vir bonus, & doctus, qui indulgentias præ- dicare dignetur, non propter ipsas indulgentias, sed propter illarum prædicatores qui officium prædicationis illarum dehonest



dehonestarunt & reddiderunt infame. Ego quidem indulgentias, si recte dispensentur, sanctas & valde æstimandas esse censeo, illarum tamen prædicatores, ut quædam Christianæ reipublicæ monstra abominor. Consulerem quidem principibus, ut eas non nisi per probos & doctos viros prædicari permitterent, & sic primum religioni, deinde quæstui bene prospicerent. Nam plus (ut existimo) & libentius bonis & doctis viris tribueret populus, quàm his blateronibus, quibus raro aliquis nisi inuitus aliquid pro indulgentia confert, quippe quia semper putat eos esse mendaces. Sunt alij prædicatores non tam ignorantes ut isti, de quibus nunc diximus, sed mediocriter docti, qui si sua sorte vellent esse contenti, possent pro sua mediocritate populo satisfacere, & illum in fide & moribus instituerent. Sed quia supra meritum suum æstimari à populo appetunt, ideo altiores & grauiores sententias, quàm ipsi interpretari valeant populo prædicare contendunt: Quorum prædicatio sæpe nocere populo magis quàm prodesse potest. Nam cum ipsi prædicant quæ non bene intelligunt, necesse est ut peruersè interpretentur, aut obscura sine vlla interpretatione relinquant. Quod cum euenerit, & si multi ex auditoribus propter mysterij reuerentiam ab illius scrutinio intellectum suum auertant, multi tamen qui audaciores sunt, & minus mysteria reuerentur, pro suo arbitratu interpretabuntur & errabunt. Et hunc prædicatorum defectum Hieremias propheta deplorat, dicens: Paruuli petierunt panem, & non erat qui frangeret eis. Non dicit paruulos petiisse lac: sed panem: Quia non solis apertissimis legis præceptis erant contenti: sed velut iam grandiores effecti panem, hoc est, occulta aliqua mysteria illis reuelari petebant. Non dicit, non esse qui panem daret: sed qui frangeret eis. Erant enim qui panem, hoc est, sententias graues porrigerent, sed non erat qui frangeret, hoc est, qui interpretaretur & bene illas declararet. Vnde Hierony. in cōmentariis super lamentationes Hieremiæ, præfata verba interpretans ait: Iuxta allegoriã significat, quod hi qui infirmi adhuc sunt intellectu, & minus validi ad percipiendum fortiorem cibum, qualibus ait apostolus: Lac vobis potum dedi, propter inertiam & desidiam doctorum, spiritualis intelligentiæ carent alimonia. Paruuli, inquit, petierunt

Trec. 4.

Hierony.

I. Corin. 3

**A** petierunt panem & non erat qui frangeret eis : id est, infirmi quique scripturæ sacræ fortiores sententias petierunt sibi exponendo comminui : sed qui exponere studeat , non valet inueniri. Hæc Hieronymus. Sunt iterum alij prædicatores, viri quidem eruditi & vere docti, qui ea quæ populo prædicant quamuis sint sublimia & occulta mysteria, optime interpretantur & exponunt , carent tamen discretione & prudentia, qua iuxta capacitatem auditorum sciant temperare sermones , sed semper etiam coram rudi populo dicere res grandes affectant. Quibus recte dici posset id, quod poëta Saryricus ait.

*Dicere res grandes nostro dat musa poëta.*

*Persius  
Sat. I*

**Q**ua intentione id faciant ego diuinare non possum , quia illorum corda intueri non valeo. Si tamen aliquis hic conceditur suspicioni locus, suspicarer ego eos , res tam sublimes coram populo rudi prædicare , vt à populo pro doctis habeantur, & in magna sint apud illum admiratione. Non Dei gloriam aut populi vtilitatem, sed suam tantum existimationem quærunt , & ideo non vt populum doceant , sed vt ab illo existimentur , prædicant. Nec tamen hoc de omnibus huiusmodi prædicatoribus sentio : sed credo aliquos esse , qui ideo semper de rebus sublimibus prædicantes tractare volunt : quia ingenia sua talis sunt conditionis, vt minima quæque & aperta illis vilescant , & ideo de illis disserere dedignantur. Quacunque illi moueantur causa ego non curo , nec nostra aliquid interesse puto : hoc tamen certò scio, & ideo constanter asseuerare nõ erubescam, eos omnes longe à scopo prædicationis aberrare, & quamuis docti illi sint , officio prædicationis esse indignos , qui iuxta capacitatem audientium nesciunt temperare sermonem. Quis enim non censeat insanum esse eum qui in paruum aliquod vas immensam aquæ aut vini mensuram infundere conaretur? Sic mea quidem sententia indiscretus saltem aut imprudens censendus est prædicator, qui sublimia & occulta fidei mysteria prædicat populo rudi, & tantorum mysteriorum prorsus incapaci. Natura enim ipsa aliter agendum esse docet quæ cuique animali proprium & sibi connaturalem & commensuratum creauit cibum. Aliis cibis vescitur Leo, aliis vrsus, aliis vulpes, aliis denique aues vescuntur. Et homines ipsi non eundem omnes appetunt

appetunt cibum : sed pro sua quisque complexione & corporis ætate & habitudine aptum sibi & competentem viribus suis expetit cibum. Ab his igitur rerum corporalium exemplis, intelligentiã spiritualium sumamus. Omnis natura rationalis propriis & competentibus debet nutriri cibis. Verus autem animæ cibis (vt præcedenti cap. ostendimus) verbum Dei est. Sed sicut in nutrimentis corporis multæ sunt differentiæ : ita & homo cuius anima verbo Dei pascitur, non omnis vno atque eodem verbo nutritur. Nam aliqui solo verbi Dei lacte potantur, hoc est, doctrina simpliciore & clariore, vt de moribus esse solet, quæ præberi consuevit his qui prima rudimenta in diuinis studiis suspiciunt. Alij vero qui fortiores sunt, & in doctrina prouectiores, fortiori indigent cibo quo vescantur, hoc est, declaratione sublimium aliquorum nostræ fidei mysteriorum. Si quis autem prædicator ordinem hunc peruerterit, ita vt paruulis quibus solum lac satis esse debuisset, fortiorrem porrigat cibum, hoc est, mysteria sublimia proposuerit, non solum non poterit eum enutrire: sed nimia cibi potentia illum occidet, quia hoc ipso non paruam erroris ansam illi præbebit. Ne igitur prædicator sua prædicatione noceat, oportet vt iuxta auditorum capacitatem dispenset verbum Dei. Et hoc est quod beatus Iob mystica quadam (vt solet) elocutione de Deo loquens, dixit: *Qui ligat aquas* (inquit) *in nubibus suis*, vt non erumpant pariter deorsum. Quæ verba interpretans beatus Gregorius in moralibus, multa præclara nostro huic proposito conducentia dicit, è quibus aliqua nunc citabo. Vt auditores rudes (inquit Gregorius) non inundatione scientiæ sed moderata prædicationis distillatione foueantur, ligat Deus aquas in nubibus, vt non erumpant pariter deorsum: quia doctorum prædicationem temperat, vt auditorum infirmitas doctorum rore nutrita conualescat. Et aliquibus interpositis subdit. Aqua itaque ligatur in nubibus, quia prædicatorum scientia infirmorum mentibus loquens, quantum sentire valet, docere prohibetur. Nam plerunque si auditorum cor verbi immensitate corrumpitur, lingua docentium indiscretionis pœna mulcatur. Vnde scriptum est: Si quis aperuerit cisternam & foderit, & non operuit eam, cecideritque bos vel asinus in eam, dominus cisternæ reddet

Iob 26

Gregor.

Exod. 21



- A** det precium iumentorum. Quid est enim aperire cisternam, nisi intellectu valido scripturæ sacræ arcana penetrare? Quid autem per bouem & asinum, mundum scilicet & immundum animal, nisi fidelis quisque & infidelis accipitur? Qui ergo cisternam fodit, cooperiat, ne illuc bos vel asinus ruat, id est, qui in sacro eloquio iam alta intelligit, sublimes sensus coram non capientibus per silentium tegat, ne per scandalum mentis aut fidelem paruulum aut infidelem, qui credere potuisset, interimat. Ex morte enim iumentorum debet precium: quia illud, scilicet admisisse conuincitur, vnde ad agendam poenitentiam reus tenetur. Quisquis namque ad alta scientiæ fluente perueniens, cum hæc apud bruta audientium corda non contexerit, poenæ reus addicitur, si per verba eius in scandalum siue munda seu mens immunda capiatur. Operienda est itaque cisterna, quia coram paruulis mentibus tegenda est alta scientia, ne vnde cor docentium ad summa attollitur, inde infirmitas auditorum ad ima dilabatur. Hætenus Gregorius, qui multa alia de hac re ibidem dicit, sed hæc citasse sat est. Diximus hucusque de nocumentis
- B** quæ prædicatores inferunt reipublicæ Christianæ ob defectum doctrinæ, aut propter indiscretam verbi Dei dispensationem, nunc superest disserere de nocumentis quæ inferunt ratione malæ suæ vitæ quam populo venditant. Nam aliqui eorum sunt pessimis moribus imbuti, qui siue vera prædicent siue falsa, sapissime nocere auditoribus solent. Ex mala enim vita eorum oriri potest (vt supra diximus) vt intellectus eorum excæcentur, illa putantes bona, in qua sunt affecti, & illa mala quæ abominantur. Et quemadmodum ipsi sentiunt, ita populum docent: & inde necessarium est euenire quod saluator noster ait: Si cæcus cæco ducatum præstet, ambo in foueam cadunt. Si prædicator qui aliorum est dux excæcatur, mirum erit si populus qui illum audit, non erret: præsertim si populus erga illum afficitur, & in magna habet illum æstimatione. Tunc enim omnia illius dicta velut oracula quædam recipit populus, nec est qui ab illius doctrina vel latum pilum discedere audeat. Hæc res est adeo aperta, vt superuacaneum sit illam velle rationibus comprobare. Quærere enim rationem (vt Aristoteles ait) vbi viget sensus, infirmitas est intellectus. Nec opus est

Matt. 15



paucula quædam exempla proferre, cum tam multa nunc C  
sint toti orbi notissima. Quanta hæresum colluuius sit ex  
prædicatione Lutheri, Zuinglij, Corolstadij, Martini But-  
zeri, cæterorumq; eiusdem classis per totum orbem, Chri-  
stianum effusa, nemo est qui ignoret. Quæ omnes hæreses  
fuisent prorsus sublatae, si vt primum illi insanire cœperūt,  
fuisset illis prorsus inhibita prædicatio. Principum tamen  
negligentia qui illos coercere noluerunt cum possent, illi  
tantam nocendi audaciam dedit, vt certatim inter se con-  
sensisse videantur, quis eorum plus ecclesiæ noceret, & qui  
plus nocuit illustrior apud eos est habitus. Omnis igitur  
princeps qui rempublicam suam ab hæresibus saluam esse  
optat, neminem qui vel minimam dederit hæresis suspicio-  
nem, in illa prædicare permittat. De fide prædicatoris con-  
stare oportet, antequam ille populo prædicare permittatur.  
Damasus papa in vita Euaristi papæ & martyris refert il-  
lum statuisse, vt septem diacones custodirent episcopum  
prædicantem propter styllum veritatis. O sanctum & tali  
martyre dignum statutum. Si hæc diligētia in perscrutan-  
dis verbis prædicatoris, in hunc vsq; diem apud omnes ser-  
uata fuisset, facile itum esset obuiam tātæ hæresum turbæ, D  
quantā nunc (proh dolor) videmus. Et certe timeo ne hæc  
facilis permissio prædicatorum, nisi illi citissime occurrat-  
ur, causa sit, vt tota ferè Christiana respublica cito ruat.  
Nec abs re, sed maxima motus causa & quidem notissima,  
hoc timeo, quippe quòd sciam, multos in variis prouincijs  
prædicatores, qui semel & iterum in prædicationibus suis  
scandalum hæresis non paruum populo dederunt, & tamen  
modica & leui excusatione per eos data, permisi sunt ite-  
rum atque iterum prædicare, & sic aliquos seduxerunt, &  
omnibus quos potuerunt, scandalum dederunt. Quales ta-  
men illi ante fuissent, cum se excusauerunt, ipse rei exitus  
docuit, quoniam tandem se publicos ostendere hæreticos  
non dubitarunt. Nec mirarer si apud solos Principes hære-  
ticos hæc permetterentur: sed hoc valde miror quòd apud  
eos Principes, cæterasque potestates quæ Christiano nomi-  
ne censentur, tam facilis sit prædicatorum suspectorū per-  
missio. Obsecro igitur eos omnes, & per Christi vulnera  
obtestor, vt nullum qui vel leuem dedit hæresis suspicio-  
nem, populo prædicare permittant, donec plenam fecerit  
apud

*Dama.*

**A** apud populum quē scandalizauerat, suspicionis purgationem. Præter hos autem tam reprobos & noxios prædicatores sunt alij, qui etsi mali sunt, eorum tamen non tanta est malicia, vt affectus corrumpat intellectum. Et hi quidem bifariam adhuc contingere solent. Nam sunt aliqui corū, qui optime credunt, & bene de rebus agendis sentiunt, aliter tamen quā sentiunt docēt, aut spe præmij allekti, aut timore pœnæ deterriti. Vtrunque enim horum solet prædicatores & alios doctores à veritatis prædicatione deflectere: præsertim in curijs & aulis principum, qui præmiis allidere, & cruciatibus detertere possunt. Nam quod pœnæ timore multi dicant contra quam sentiunt, testis est Petrus apostolus qui in domo principis sacerdotum ad vocem ancillæ requisitus, negauit se esse Christi saluatoris nostri discipulum. Et certe credo multo plures nunc esse in aulis principum, qui Petrum in hac re imitentur, quā qui posterioris illius vitæ exempla sequantur, audacter dicentes regibus. Obedire oportet Deo magis quā hominibus. *Mat. 26*  
**B** Spe præmij quod vehementer optant, alliciuntur alij, vt aliter quā sentiunt doceant & prædicent. Bene quidem sentiunt: sed vt regibus, aut principibus, aut deniq; populo placeant, ea docent & prædicant, quæ illis placita esse cognoscunt. Tales fuerunt illi quadringenti falsi prophetae, qui consulerunt Regi Achab, vt iret ad oppugnandum ciuitatem Ramot Galaat. Illud quidem respondebant quod magis regi placere intelligebant, cum tamen nec vnum nec alterum plene sciebant. Qua in re licet ipsi prædicatores falsa annunciantes grauiter peccent, maior tamen culpa (vt ego sentio) in ipsos reges & principes reiicienda est, qui nolunt nisi ea quæ sibi placita sunt audire, & si quis bonus & fidelis verbi Dei prædicator vera docuerit, illum odio habēt, & audire recusant. De qua re idem Rex Achab plenum poterit nobis præbere testimonium, qui rogatus à Iosaphat Rege Iuda, vt dimissis illis quadringentis falsis prophetis aliquem verum domini prophetam de bello faciendo consuleret, respondit. Remansit vir vnus per quem possumus interrogare dominum, sed ego odi eum: quia non prophetauit mihi bonum sed malum. Micheas filius Iemla. Hi adulatorum, in fide & moribus vehementer nocere solent: quoniam dicentibus illis malum bonū, & tenebras esse lucem,

*Actu. 5**3. Reg. 22**Ibidem*

Grego.

Tren. 2

Hierony.

Hiere. 6

Exec. 22

alij credunt, & ex hac fide oritur in auditoribus quidam amor, & appetitus illius mali, quod ab adulatore laudatum est. Et si opere fecerit malum illud, tanto minus ab illo recedet, quanto magis credit esse bonum quod facit. Quo fit, vt nunquam ille ad veram animæ salutem peruenire possit. Quoniam (vt beatus Gregorius ait) curari vulnus negligitur, quod dignum laudis præmio inuenitur. Primus gradus ad salutem recuperandam est agnoscere se esse ægrum. Difficillime enim poterit æger ad sanitatem peruenire qui se agrotare nescit: quia nec medicum ad se vocabit: nec si ille sponte se offerat, medicinas ab eo oblatas accipiet: quippe quod firmiter credat se illis minime indigere. Prædicator dicens principi aut cuius alteri malum quod fecit bonum esse, hoc agit sua adulatione, vt princeps se male fecisse nunquam pœniteat, & inde consequens est vt nunquam ad salutem perueniat. Et hæc adulatorum prædicatorum pestis omni tempore fuit noxia. Nam hanc fuisse olim in synagoga multorum errorum causam Hieremias propheta deplorat, sic dicens. Prophetæ tui viderunt tibi falsa & stulta, nec aperiebant iniquitatem tuam, vt te ad pœnitentiam prouocarent. Viderunt autem tibi assumptiones falsas & eiectiones. Quæ verba interpretans beatus Hieronymus ait: Qui enim peccanti & iniquis operibus attendenti promittit impunitatis securitatem, propheticæ maledictioni subiacebit. Hæc Hieronymus. Et ipsemet Deus de istis blandis prædicatoribus, quod valde populo suo nocuerint, conqueritur per eundem Hieremiam prophetam sic inquires: Curabant contritionem filiarum populi mei cum ignominia dicentes: Pax, pax: & non erat pax. Contritionem curat prædicator, qui peccanti & non pœnitenti cito securitatem promittit. Et per Ezechielem prophetam iterum Deus ait: Principes eius in medio illius quasi lupi rapientes prædam ad effundendum sanguinem, & ad perdendas animas, & auare sectando lucra. Prophetæ autem eius lineabant eos absque temperamento, videntes vana, & diuinantes ei mendacium, dicentes: Hæc dicit dominus Deus, cum dominus non sit locutus. Et quæ tunc contigerunt populo Israël, eadem etiam nunc in populo Christiano contingere videmus. Isti enim falsi prophetæ, hoc est, adulatores, prædicatores & doctores, sunt causæ potissimæ vt Reges & Principes



**A** cipes intolerabilia tributa suis subditis imponant, & alia multa mala faciant, quæ nisi ab illis laudarentur, nequaquam facerent. Applaudant enim illis, & dicunt omnia licere quæ velint. Sunt denique alij prædicatores mali qui bene credunt, & optime de moribus sentiunt, & vt sentiunt docent: sed moribus discrepant ab eo quod docent, quia bene docentes male coram populo viuunt. Et horum doctrina etsi vera sit, non solum non prodest populo, sed valde nocet. Nam (vt ait Gregorius) cuius vita despicitur, restat vt eius prædicatio contemnatur. Sua enim mala vita hic talis prædicator multum fidei detrahit doctrinæ quam prædicat. Eadem enim agit quæ damnat: & sic ansam suspicionis non paruam auditoribus præbet, vera non esse quæ ab illo fuerunt edocti. Ad quod credendum, hoc argumento persuadebuntur, quod videlicet non est verisimile aliquem esse suæ salutis adeo immemorem, vt sibiipso male consulat, aliis autem bene. Si bona sunt quæ docet, cur non ea facit? Si bona sunt quæ facit, cur non ea docet? Itaque quocūque se vertat, malus esse conuincitur, aut male docens, aut male viuens.

Grego.

**B** Sed quia magis semper homines oculis quàm auribus credunt, hinc est quòd male viuents doctrina quamlibet bona contemnitur. Deinde iustum est vt credatur quemlibet hominem maiorem suæ salutis quàm aliorum curam habere, & inde necesse est euenire vt quisque magis exemplis, quàm verbis credat. Quàm magnum malum sit, cum vita prædicatoris doctrinæ suæ non consentit, beatus Iob mysticis verbis nos docuit cum ad confirmationem eorum quæ dicebat, execrationis iuramento vtens, hoc malum sibiipso tanquam maximum imprecatur, nisi vera sint quæ dicit. Si in manibus meis (inquit ille) adhæsit macula: seram & alius comedat, & progenies mea eradicetur. Quæ verba interpretans Gregorius in moralibus ait: More sacri eloquij serere dicimus, verba vitæ prædicare. Et aliquibus interpositis subdit. Comedere autem est bonis operibus satiari. Vnde per semetipsam veritas dicit: Meus ci-

Iob 31

Gregor.

Ioan. 3



moribus discrepat, ieiunus serit quod alius manducet, **G**  
quia suo semine ipse non pascitur, quando à verbi sui re-  
ctitudine praua actione vacuatur. Et quia plerunque di-  
scipuli incassum bona audiunt, cum ex magistri vita ope-  
rum exemplo destruuntur, recte subiungitur. Et proge-  
nies mea eradicetur. Doctōris enim progenies eradica-  
tur, quando is, qui per verbum nascitur, per exemplum  
necatur: quia quem lingua vigilans gignit, vitæ negli-  
gentia occidit. Hucusque Gregorius. Nec solis viris est  
docendi & prædicandi munus permissum: sed ipsis etiam  
fœminis, quod est omnium absurdissimum. Multas ego  
in variis Christiani orbis prouinciis vidi & audiui fœmi-  
nas, quæ et si in ecclesia super cathedram non prædicabant,  
in domibus tamen suis & alienis publicos faciebant de  
rebus sublimibus sermones: & quotquot venire & audire  
volebant docere non verebantur. Ex his tamen prædica-  
tionibus multi sunt orti errores, vt exitus docuit. Et  
quia particularia sunt diuersarum nationum exempla,  
& quæ ego vidi punita & correctæ fuere ab his quibus  
incumbebat, ideo nolo nunc ea impræsentiarum prode-  
re. Ego quidem à Paulo edoctus censeo nulli mulieri per-  
mittendum esse vt doceat, sed præcipiendum vt discat. **D**  
Quoniam postquam Eua fuit à serpente seducta, merito sus-  
pecta esse debet omnis doctrina ab ore mulieris prolata,  
amendum est enim ne mulier sit à dæmone decepta, quia  
illa est vas ad deceptionem paratum, quo dæmon alios de-  
cipere solet. Cum igitur prædicatio verbi Dei per viros  
tanto officio indignos ministrata, multorum errorum mul-  
tarumque hæresum (vt ex dictis constat) sit notissima cau-  
sa, oporteret vt nullus populo prædicare permetteretur,  
nisi prius fuisset de fide & moribus plene à suo superiore  
examinatus & approbatus. Nō enim negotium hoc, quod  
tanti est momenti, omnibus sine discrimine committi de-  
bet, sed solis dignis. Nam Paulus Timotheo scribens, de  
hac re, admonet illum, sic dicens: Quæ audiuiisti à me  
per multos testes, hæc commenda fidelibus hominibus qui  
idonei erunt alios docere. Et beatus Franciscus omnium fra-  
trum minorum primus institutor & pater, apostoli Pauli  
vestigia secutus hoc idem in sua regula omnibus fratribus  
præcepit, sic dicens: Nullus fratrum populo penitus au-  
deat

2. Tit. 2

2. Tit. 2

S. Fran.

**A** deat prædicare, nisi à ministro generali huius fraternitatis fuerit examinatus & approbatus, & ab eo officiū sibi prædicationis concessum. Hæc beatus Franciscus, sub cuius instituto ego quamvis indignus milito. Et concilium generale Lateranense sub Innocentio tertio celebratum, speciale de hac re statuit decretum, quo vniuersis Christi fidelibus idem prohibetur, quod sanctus Franciscus fratribus suis prohibuit. Nam in capit. iij. decretorum eiusdem concilij hæc habentur verba. Quia vero nonnulli sub specie pietatis, virtutem eius (iuxta quod apostolus ait) abnegantes, auctoritatem sibi vendicant prædicandi: cum idem apostolus dicat: Quomodo prædicabunt nisi mittantur? Omnes qui prohibiti vel non missi præter auctoritatem ab apostolica sede vel catholico Episcopo loci susceptam, publice vel priuatim prædicationis officium usurpare præsumpserint, excommunicationis vinculo innodentur: & nisi quam citius resipuerint, alia competenti poena plectantur. Hæc concilium Lateranense. Quæ verba habentur in cap. Excommunicamus. §. Quia vero, De hæreticis. Et in alio generali concilio Lateranensi, quod sub Leone X. celebratum est, idem statutum est renouatum, & multo copiosius factum. Nam in sess. xj. eiusdem concilij sequens continetur decretum. Leo Episcopus seruus seruorum Dei ad perpetuam rei memoriam, sacro approbante concilio, supernæ maiestatis præsidio, per cuius ineffabilem prouidentiam cœlestia simul & terrena diriguntur. &c. Et post multa quæ in præmio illius decreti referuntur, hæc tandem subduntur. Sacro approbante concilio statuimus & ordinamus, vt nullus tam clericus secularis quam cuiusunque etiam mendicantium ordinis regularis, aut quiuis alius ad quem facultas prædicandi tam de iure quam de consuetudine, vel priuilegio aut aliâs pertinet, ad huiusmodi officium exercendum admittatur, nisi prius per superiorem suum respectiue diligenter examinatus: in qua re consciētiam ipsius superioris oneramus, ac morum honestate, ætate, doctrina, probitate, prudentia, & vitæ exemplaritate ad illud aptus, & idoneus reperiatur. Et hic quocunque postea prædicaturus accesserit, de huiusmodi examine, & idoneitate sua, per literas authenticas seu alias sui examinatoris approbatorisque, Episcopis &

Conci. la-

teranen.

2. Ti. 3

Rom. 10

Leo 10

aliis locorum ordinariis fidem legitime faciat. Hæc concilium Lateranense sub Leone X. O' vere sanctum decretum, & generali concilio dignum: in quo nihil quod ad hanc rem poterat censeri necessarium, fuit prætermis-  
 sum. Præcepit enim vt prædicatores examinentur, & quales sint approbandi declarat, & testimonium approbationis dari statuit, vt nullus se approbatum esse possit impune mentiri. Vnum tamen solum ab omnibus adhuc desyderatur, & est tam sancti decreti executio. Non enim scio illud, vel semel fuisse executioni mandatum, nec audiui ab aliquo, qui hoc aliquando fieri vidisset. Sed hoc episcoporum negligentia imputandum est, sicut & multa alia illorum delicta tribuuntur, de qua sequenti capitulo differemus, & ibidem ostendemus eorum pessimam negligentiam esse multorum malorum causam.

*De tertia hæresum causa, quæ est negligentia Episcoporum, & aliorum ecclesie pastorum.*

CAP. IIII.

**T**ertiam aggredimur explicare hæresum causam, cuius vim, & potentiam si plene (vt decet) perscrutari fuerimus, dicemus illam esse præcipuam, & omnium primam, ex qua alias omnes oriri constat. Hęc est nimia prælatorum negligentia, quorum multi non magis de suis subditis curant, quàm de rebus nihil ad eos spectantibus, & ita oues sibi commissas deserunt, ac si nullam de illis essent Deo reddituri rationem. Et certe illa omnia, quæ supra per duo cap. digessimus, de penuria verbi Dei, & de malitia prædicatorum, in prælatos reicienda sunt, ad quos spectat illis omnibus prouidere. Sunt aliqui Episcopi, qui possent optime, si vellent, suo respondere officio: sed aliis multis à suo statu, & ordine alienis nimium intēti, id quod debent reddere nolunt. De istorum igitur negligentia dicamus, & postea ostendemus quot, quantasque hæreses illorum negligentia pepererit, & vsque in hodiernum diem pariat. Sed prius necessarium erit ostendere, quæ sint illa, quæ ab Episcopis, & aliis animarum pastoribus diuina exigit lex, & sic lapidem (vt dicitur) ad filium referētes, palam omnibus faciemus multos ex illis esse, qui nūc minimam

**A** nimam partem eorum, quæ iuxta suum officium tenentur, præstant. Quæ autem sint illa, quæ Episcopi præstare tenentur si quis scire defyderat, à nomine officij, quod illis commissum est, facile discet: si illius virtutem, & proprietatem exacte considerauerit. Episcopi enim & cæteri, quibus est animarum cura commissa, pastores animarum dicuntur, & sunt. Nam cum Christus saluator noster Petrum cæteris omnibus *Ioan. 21*

præfecit Christianis, pastorem ouium suarum illum instituit, dicens illi: Pasce oues meas. Quibus verbis Christianos omnes suas esse oues declarauit, & Petrum illarum omnium pastorem constituit, cum pascendarum illarum curam illi dedit. Et ipsemet Christus redemptor noster, ut nobis ostenderet, quo nos diligebat amore, & quanta cum sollicitudine omnium nostrum gerebat curam, pastorem se appellauit dicens: Ego sum pastor bonus. Bonus *Ioan. 10*

**B** pastores ouibus suis pastum præbere, ne fame, & inedia pereant. Et Episcopi, & cæteri omnes, qui animarum curam susceperunt, tenentur pascere animas eorum, quibus præsumt. Quo autem pastu animas pascere debeant, ipsemet Deus, qui illos instituit pastores, aperte expressit per Hieremiam prophetam dicens: Dabo vobis pastores iuxta cor meum, & pascent vos scientia, & doctrina. Tenentur igitur Episcopi, & cæteri animarum pastores docere eos omnes, quorum retinent curam. Hinc est, quod Christus saluator noster mittens apostolos suos in mundum vniuersum dixit illis: Docete omnes gentes. Apostoli siquidem fuerunt pastores illi, quos Deus ante se daturum promiserat, iuxta cor suum, & ideo ut promissioni suæ satisfaceret, præcepit illis, ut omnes gentes pascerent scientia, & doctrina. Ut autem tanto essent muneri idonei, spiritus sanctus *Mat. 28*  
*Actu. 1*

in linguis igneis super eos de cælo descendit. Non in manibus, quibus mundum debellare possent, neque in pedibus, quorum agilitate tyrannorum persecutiones effugerent: sed in linguis, quibus alios ignorantes docerent. Alia corporis organa ad hoc dedit nobis natura, ut illis multa-



rum rerum, quas ignorabamus cognitionem ab ipsis rebus C  
haurire possimus. Lingua tamen nostra nullius rei cogni-  
tionem nobis præbet: sed quæ nos ante cognoscebamus,  
aliis per linguam manifestamus. Itaque lingua non ad dis-  
cendum: sed potius ad docendum nobis donata est. Et ob  
hanc causam spiritus sanctus super apostolos descendens,  
non in oculis, aut auribus, quæ sunt organa ad discendum  
apta: sed in linguis igneis descendit, ut eos ad docendum  
idoneos efficeret, qui iam totius mundi erant instituti ma-  
gistri, & pastores. Ex his igitur discât Episcopi quanta obli-  
gatione populos sibi subditos docere teneantur, & aposto-  
lorum imitentur exempla, quorum ob solam dignitatem  
Episcopalem merito gloriantur se esse successores. Alioqui  
rei apud Deum habebuntur debiti male soluti, & suæ ta-  
curnitatis dignas sustinebunt pœnas. Et hoc mihi signifi-  
casse videntur tintinnabula illa, quæ mista malis puniceis  
olim Deus præcepit poni in veste sacerdotis, quibus sub pœ-  
na mortis sonitum facere tenebatur sacerdos ingrediens.  
Exod. 28 Et vestietur (inquit textus Exodi) Aaron ea in officio mi-  
nisterij, ut audiatur sonitus, quando ingreditur, & egredi-  
tur Sanctuarium in conspectu Domini, & nō moriatur. In D  
2. Cor. 3 quibus verbis non solam literæ superficiem, ut Iudæi fa-  
ciunt, inspicere debemus: quoniam (ut Paulus ait) litera oc-  
cidit: spiritus est, qui viuificat. Opus est igitur ut my-  
sterium sub illo duro literæ cortice latens inquiramus,  
Heb. 10 præsertim cum dicat Paulus omnia in figura contigisse  
Iudæis, & legem habuisse umbram futurorum. Vestis il-  
la sacerdotalis perfectam sacerdotis vitam significabat,  
Psal. 131 propheta Regio id nobis interpretante, qui ait: Sacerdotes  
tui induantur iustitia. Tintinnabula vesti inserta signifi-  
cant prædicationis vocem cum operatione coniunctam.  
Sonitus tintinnabulorum audiri debet, quando ingredi-  
tur, & egreditur sanctuarium, ut non moriatur. Quia mor-  
tem damnationis incurrit Episcopus, si absque vlllo prædi-  
cationis sonitu incedit. Vnde Beda locum illum exponens  
Beda ait: Sacerdos ingrediens, & egrediens moritur, si de eo so-  
nitus non audiatur: quia iram contra se occulti iudicis  
prouocat, si sine prædicationis sonitu incedit. Hæc ille.  
Qualis autem debeat esse sacerdotis prædicatio, innuitur  
per hoc, quod tintinnabulis mala punica misceri præci-  
piunt

- A** piūtur, in quibus fidei vnitas designatur. Nam sicut in malo punico, multa interius grana sub vno exterius cortice continentur, sic innumeros sanctæ ecclesiæ populos vnitas fidei contegit quos intus diuersitas morum tenet. Mala igitur punica tintinnabulis iungi mandantur, vt in omnibus, quæ sacerdos prædicat, & docet: vnitatem fidei causa obseruatione tenere procuret. Ideo Paulus optime intelligens prædicationem verbi Dei esse Episcopo summe necessariam Timotheo, quem Episcopum, & pastorem animarum instituerat, scribit adhortans, & vehementer vrgens illum ad frequentem verbi Dei prædicationem, his verbis. Testificor coram Deo, & Christo Iesu, qui iudicaturus est viuos, & mortuos per aduentum ipsius, & regnum eius: Prædica verbum, instā opportune. Illa terribilia adiurationis verba, quibus Paulus Timotheum adiurauit, indicant ardētissimum illius affectum, quo voluit exprimere Episcopum maxima obligatione teneri ad prædicandum verbum Dei, non vno, aut altero die tantum: sed sæpe. Ideo dixit: Prædica verbum, instā opportune. Quæ verba exponens Theophilactus ait: Quod ipse testificor, vt
- B** verbum prædices, ne gratiam in occulto teneas. Quid vero nobiscum agetur, qui nihil prædicamus? Instā opportune, & importune. Hoc est, instando, & iubendo eloquere. Nec intercisā, sed perpetua vtere oratione, & continenti, ita vt nullum tibi ad prædicandum, præfinitum sit tempus: sed opportune instā, id est in pace, & otio, cum in ecclesia pacifice nullo turbāte versaris. Et importune id est cum in discrimine fueris, vel extra ecclesiam loquere, & Euangelium ipsum edissere. Opportunitatem vero, & importunitatem ad multorum dixit opinionem, existimantium opportunitatem quietem esse, importunitatem tempora periculosa, & intempestiua. Hæc Theophilactus. Qui quia Bulgariæ Episcopus erat, nomine suo omnium Episcoporum deplorauerit negligentiam dicens. Qui nobiscum agetur, qui nihil prædicamus? Demum vt in intelligant Episcopi quantum sit illis necessaria verbi Dei prædicatio, aspiciant illum omnium animarum pastorem Christum saluatorem nostrū, quāta diligētia oues, ad quas solas se missum fuisse testatur, pauerit scientia, & doctrina. Ille enim in exemplum omnibus propositus est, vt quisque ex

2. Ti. 4

Theop.

Matt. 15

factis

factis illius id, quod ad se attinet, discere possit. Nam (vt C  
 Augustinus ait) omnis Christi actio nostra est instructio.  
 De ipso autem Salvatore nostro refert Matthæus, quod  
*Mat. 4.* circumibant totam Galilæam, docens in synagogis eorum,  
 & prædicans euangelium regni, & sanans omnem languo-  
 rem, & omnem infirmitatem in populo. Et iterum idem  
*Mat. 9* Matthæus ait: Et circumibat Iesus omnes ciuitates, & ca-  
 stella, docens in synagogis eorum, & prædicans euange-  
 lium regni, & curans omnem languorem, & omnem infir-  
 mitatem. Hoc attendant episcopi & exemplo Christi cir-  
 cumueant omnia oppida, & castella, siue diœceses docentes  
 in templis eorum, & prædicantes euangelium regni, &  
 procurent curare animarum languores, & infirmitates,  
 quibus populus vbique laborat. Et certe nisi episcopi, & alij  
 animarum pastores populum docere teneantur, cum nul-  
 lus alius sit, cui hoc docendi munus Deus mandauerit, erit  
 per consequens necessario dicendum, male Christum re-  
 demptorem nostrum ecclesiæ suæ prospexisse, si illi de re  
 omnium maxime necessaria qualis est fidei, & morum do-  
 ctrina minime prouidit. Absit tamen à fidelium cordibus  
 tam impia cogitatio. Nam pastores animarum, qui ita D  
 sentirent, dum culpas à se reiicere vellent, Deum iniustum  
 facerent, dicentes illum familiæ suæ de cibo minime pro-  
 uidisse, & oues suas sine vlllo pastu reliquisse. Ipse enim per  
*Esaï. 5* Esaïam prophetam dicit, se nihil potuisse facere vineæ  
 suæ, quod non fecerit. Vnde consequens est, vt dicatur il-  
 lum de pastu ouibus suis prouidisse: quia hoc facillime ille  
 facere potuit. Neque alios ad hoc agendum instituit, quàm  
 sacerdotes, quos animarum pastores instituit, quibus hoc  
 solo nomine præcepisse videtur, vt pascere oues suas  
 scientia, & doctrina. Pauci tamen sunt episcopi, aut ceteri  
 animarum pastores: qui oues suas pascant scientia, & do-  
 ctrina. Nolo dicere nullos esse, cum ego aliquos nouerim,  
 tum ex episcopis, tum ex aliis inferioribus sacerdotibus,  
 qui populos sibi subditos frequenti prædicatione doce-  
 bant. Verum hi omnes tam rari sunt, vt ad aliam innume-  
 ram multitudinem relati sint velut sol, & luna aliis omni-  
 bus stellis comparati. Fateor etiam esse alios animarum  
 pastores, qui etsi ipsi non prædicent, curam tamen diligen-  
 ter suum defectum per alios idoneos prædicatores supple-  
 re,

**A** re, ne oues suæ fame verbi Dei pereant. Et certe si episcopi, aut alij curam animarum habentes prædicare nesciunt, integre (vt ego existimo) suo satisfaciunt officio, si id per alios idoneos prædicatores fieri diligenter procurent. Sed re vera (vt ingenue loquar) paucissimi sunt, qui hæc faciant. Et ideo nisi per monachos hæc pastorum fuisset suppleta negligentia, ob solam verbi Dei penuriam ferè tota iam periisset respub. Christiana. Verum etsi isti pro viribus episcopos, & alios animarum pastores iuuare conentur, non tamen poterunt eorum omnem supplere defectum: quia messis multa est (vt saluator noster ait) operarij autem pauci. Quo fit, vt multa oppida & castella, quibus monachi prædicationibus suis subuenire non possunt, perpetuo careant prædicatione verbi Dei, aut necesse sit illis, propriis expensis conducere prædicatores, à quibus verbum Dei audire possint. Bis itaque pastum doctrinæ oues soluere coguntur. Primum quidem cum decimas suorum fructuum sacerdotibus dederunt, ob quas iure diuino pastum doctrinæ illis debebant. Deinde iterum soluunt, cum aliorum prædicatorum operas suis conducunt expensis. Et (quod peius est) nolūt sæpe episcopi, aut alij pastores permittere aliquos quauis à populo cōductos prædicare: nisi qui illis placuerint. Si hoc episcopi facerent, vt vel sic melius populo consuleretur indignos reiiciendo, & dignos acceptando, non possem hac in parte eorum non laudare diligentiam. Sæpe tamen id non faciunt, vt populo bene consulant: sed vt prædicatori alicui faueant. Ob quam causam sæpe contigisse scio, vt populus indigniorem fuerit coactus propriis expensis conductum suscipere prædicatorem. Hi tales & si verè episcopi sint, indigni tamen sunt, qui hoc nomine censeantur, cum illos non à Deo: sed ab omnibus super familiam Dei positos esse constet. Nam seruus, quem dominus super familiam suam constituit, fidelis est, & prudens, qui reddit familiæ cibum in tempore. Hi igitur, qui super familiam Dei sunt positi episcopi, & cibum verbi Dei familiæ non reddunt, à Domino non sunt super illam constituti. Et quia tam aperta erat pastorum omnium præsertim episcoporum, huius rei negligentia, ideo concilium generale Lateranense sub Innocentio tertio venerabiliter celebratum, speciale de hac re condidit decretum decimo capi-

Matt. 9

Mat. 24

Conci. lateranen.

re



te collocatum, quo præcepit omnibus episcopis, vt viros idoneos ad sanctæ prædicationis officium salubriter exequendum assumat, potentes in opere, & sermone, qui plebes sibi commissas vice ipsorum, cum per se idem nequeunt, verbo ædificent, & exemplo. Habetur autem hoc decretum in capit. inter cætera. de offi. iudi. ordi. Sed huiusmodi decreta multis huius temporis episcopis proferre, est furdo canere fabulam. Quanta autem errorum, & hæresum multitudo oriatu ex hac verbi Dei penuria, quæ propter episcoporum negligentiam contingit, iam proxime præcedenti capit. demonstrauimus. Alterum pastoris officium est custodire oues à lupis, qui sæpe illas inuadunt, & nisi esset pastor qui eos deterreret, & coereret, omnes oues occiderent, & deuorarent, neque vnâ relinquerent saluam. Ne igitur lupi nocere ouibus possint, illarum tutela est pastoribus commissa. Lupi sunt tyranni, qui subditos suos supra debitum spoliant, & plura quàm possint portare, ab illis exigunt tributa, & illis non cum mansuetudine & lenitate: sed austere nimis, & crudeliter imperant. Ideo de malis Iudææ principibus Deus loquens per Ezechielem prophetam ait: Principes eius in medio illius quasi lupi rapientes prædam: ad effundendum sanguinem, & ad perdendas animas, & auare sectâda lucra. Lupi etiam sunt omnes, qui iustos viros persequuntur, quamuis nec Reges, nec Principes illi sint. Hi sunt lupi illi, de quibus Saluator apostolis loquens ait: Ecce ego mitto vos, sicut oues in medio luporum. Non enim inter solos principes, aut Reges suos apostolos misit, nec à solis illis apostoli sustinuerunt persecutiones: sed à multis aliis, quos omnes luporum nomine saluator appellauit. His omnibus crudeliore lupi sunt hæretici: quoniam sub specie pietatis, & religionis, aliorum animas sæpissime occidunt. Isti sunt lupi illi, à quibus, vt caueamus Saluator noster nos omnes admonet, dicens: Attendite à falsis prophetis, qui veniunt ad vos in vestimentis ouium: intrinsecus autem sunt lupi rapaces. Ab his omnibus lupis debent episcopi suas oues tueri, ne ab illis lædantur. A tyrannis, & aliis persecutoribus debent illas defendere, non permittentes illis, vt subditos suos iniuste vexent, aut illis importabilia onera imponant, aut immoderata exigant tributa, aut quascunque iniustas inferant molestias.

Exe. 22

mat. 10

Matt. 7

**A**stias. Et si Reges, aut Principes, aut alij quicunque Domini, horum aliquid facere tentauerint, episcopi illis resistere tenentur, eorum audaciam reprimere, & duris illorum conatibus obsistere debent, arguendo, obsecrando, increpando (vt ait Paulus) in omni patientia, & doctrina. Ab hæreticis etiam defendere debent oues sibi commissas, ne ab illis seductæ in errores, & hæreses varias ducantur. Ob hanc enim causam Paulus docet oportere episcopum esse doctum, vt potens sit exhortari in sana doctrina, & eos, qui contradicunt arguere. Oportet vt populum exhortetur in veritate fidei manere, & hæreticos contradicentes apertis rationibus conuincat. Quotus tamen nunc est episcopus, qui id nunc facere audeat? Tam rarus est quisquis talis est episcopus, vt merito de illo possit illud Satyrici poetæ dici.

*Rara avis in terris, nigroque similissima cygno.*

Reliquis igitur omnibus, qui id facere, aut negligunt, aut timent, dici potest id, quod dominus malis sacerdotibus exprobrauit olim per Ezechielem prophetam dicens: Non ascendistis ex aduerso, neque opposuistis murum pro domo Israel, vt staretis in prælio in die Domini. Quæ verba

**B** interpretans beatus Gregorius libro secundo Pastoralis, capitulo quarto ait. Ex aduerso quippe ascendere, est pro defensione gregis voce libera huius mundi potestatibus contraire. Et in die Domini in prælio stare, est prauis decertantibus ex iustitiæ amore resistere. Pastori enim recta timuisse dicere, quid est aliud, quàm tacendo terga præbuisse? Qui nimirum si pro grege se obicit, murum pro domo Israel hostibus opponit. Hæc ille. Huius temporis prælati non ascendunt ex aduerso, nec se opponunt pro muro domus Israel: quia pro gregis defensione non audent mundi huius potestatibus contradicere. Non audeo dicere nullum esse nunc Episcopum, qui Principes redarguere, & eorū malis conatibus publice resistere audeat, ne forte id mihi Deus dicat, quod olim, cum res erāt nimium desperatæ, Helix prophetæ dixit: Derelinquam mihi in Israel septem milia virorum, quorum genua non sunt incuruata ante Baal. Hoc tamen intrepidus dicam, rarum nunc esse Episcopum similem beato Ambrosio, qui cum esset Mediolanensis Episcopus Theodosium potentissimum Orientis, & Occidentis Imperatorem non est veritus ex-

2. Ti. 4

Tit. 1.

Exe. 13

Grego.

3. Reg. 19

Ambr.  
Theod.

com

Lib. 9  
cap. 30

communicare propter stragem Theſſalonica factam. Nec C  
breuis temporis excommunicatione illum ligauit: ſed octo  
menſium ſpatio (vt hiſtoria Caſſiodori tripartita refert) il-  
lum in excommunicatione continuit. Quo tempore tranſ-  
acto cum Imperator ſe excommunicatum vehementer do-  
leret, & ingemiſceret, Adiit Ambroſium Ruſſinus vir Im-  
peratori gratiſſimus, & rogat illum, vt Imperatorem ab  
excommunicatione abſoluat, & templi fores illi aperiat, &  
illius ingreſſum permittat. Hoc tamen Ambroſius facere  
nolens ipſum Ruſſinum acriter reprehendit quòd talia ab  
eo petere auderet. Cùmque Ruſſinus ſupplicaret, & Impe-  
ratorem diceret eſſe venturum, ſuperno zelo accenſus  
Ambroſius dixit illi: Ego vero Ruſſine prædico tibi, quòd  
eum ingredi ſacra limina prohibebo: Si vero Imperium in  
tyrannidem mutare voluerit, necem ego libenter ſuſci-  
piam. Poſt Ruſſinum aduenit Imperator, & inuenit Am-  
broſium pro foribus templi reſidentem, expectantemque  
Imperatorem. Qui poſt quam acceſſit, ſupplicauit Ambro-  
ſium, vt excommunicationis vinculum ſoluere vellet. Mul-  
tis igitur verbis vltro, citroque dictis, nunquam tamen il-  
lum ſoluere voluit, quouſque plenam ſui delicti dediſſet D  
emendationem. Quæ Ambroſij tam ſeuera increpatio  
adeo Theodoſio Imperatori profuit, vt poſtea Conſtanti-  
nopoli exiſtens Imperator Ambroſium ob hæc, & alia im-  
penſe laudauerit dicens: Vix inueni veritatis magiſtrum.  
Ambroſium nanque ſolum noui digne vocari Pontificem.  
Certe ſi multi nunc eſſent Ambroſio ſimiles Epſcopi, non  
tanta, tamque frequentia eſſent inter Principes Chriſtia-  
nos bella, non tot fierent Chriſtianorum ſtrages, non tan-  
tis tota reſpublica Chriſtiana agigaretur tumultibus, nec  
tot quotidie in ea excitarentur tragædiæ, nec tot in ea or-  
tæ fuiſſent hæreſes, quod nunc videmus. Earum enim ma-  
xima pars ab Epſcoporum negligentia, & timiditate orta  
eſt, qui hæreſum tempeſtate oborta non ſe oppoſuerunt  
pro muro domus Iſrael, vt Regibus, & Principibus aliſ-  
que Dominis, qui huius temporis hieresiarchis fauent, libe-  
ra voce contradicere auderent. Imò quod peſſimum eſt, in  
aliquibus regnis omnes Epſcopi præter vnum, aut alte-  
rum, hæreticæ ſuorum Regum ſubſcribere ſententiæ.  
Quod autem omnes illius regni Epſcopi in eandem ve-  
nerint



**A** nerint, sententiam hæreticam, hoc argumento conuincitur, quod vnus, qui Regi contradixit, publice decollatus est, & *Roffe. epi*  
 verus Dei martyr effectus. Si alij omnes episcopi hunc ve- *scopus.*  
 re martyrem episcopum imitari voluisset, non dubito quin Regem aliqui bonum in fide catholica continuissent. Non enim est verosimile Regem aliqui bonum omnibus episcopis sua prudentia sola contradicere voluisse. Sed quia ab aliquo, aut aliquibus episcopis primo ad hæreses excitatus est, & deinde aliis episcopis tacentibus & permittentibus, hæresis adeo in Rege confirmata est, vt inde ad totum ferè regnum processerit. Cuius tanti mali constat episcoporum negligentiam primam fuisse causam. Aliud etiam audio esse in Germania superiori regnum, quod cum totum ferè sit Lutheri hæresi infectum, nullum tamen episcopum pro fide catholica hucusque mortuum esse intellexi, quod omnes Regiæ iussioni magis, quam Deo obtemperare voluerunt. Et idem aliis Germaniæ Principibus qui Lutheri hæresim susceperunt, & hucusque tuentur, contigisse constat. Quoniam si illis episcopi (vt tenebantur) restitissent, & libera voce pro fide catholica clamassent, verisimile est illos non tam faciles Lutheri hæresibus subscripsisse, & post illum præcipites iuisse. De Hussitarum hæresi olim apud Bohemos orta, Pragensis cuiusdam Archiepiscopi negligentiam fuisse causam, quod illa nõ cito perierit, testatur Aeneas Syluius in lib. de origine Bohemorum, cap. xxxv. Nam cum primo illa oriretur, Subinco Pragensis Archiepiscopus diligentissime contra Ioannem Hus pro negotio fidei egit. Sed illo intempestiue mortuo, Albicus illi sufficitur. vnicum extreme auaritiæ barathrum, de quo inter alia idem Aeneas Syluius hæc refert. Interrogatus aliquando, sonorum omnium, quæ molestus audiret, maxillarum (inquit) ossa frangentium. Idoneus profecto Pontifex, qui surgenti fomentum hæresi daret. Hæc ille. Et tandem dicit ob mortem prioris Archiepiscopi, & desidiam, ignauiamque successoris, Hussitarum hæresim perstitisse. Quæ ab Episcopis exacta esse hactenus diximus, ex sola pastoris ratione collegimus. Est aliud insuper illis inditum in sacris literis nomen, ex cuius ratione alium illis incumbere laborem apertissime constat. Vocantur enim episcopi à Paulo dispensatores. Nam Tito describens

*Regnum  
Geth.*



virtutes, quibus oportet Episcopum præditum esse ait: Oportet episcopum irreprehensibilem esse sicut Dei dispensatorem. Et in priorē ad Corinthios de se, & aliis apostolis, qui omnes episcopi erant, ait: Sic nō existimet homo, ut

*Tit. 1* ministros Christi, & dispensatores mysteriorum Dei. My-

*1. Cor. 4* steria Dei sunt non solum illa, quæ ad doctrinam fidei pertinent; sed sacramenta omnia: quia sub illis rebus, & signis, quæ foris videmus, diuinam aliquam intus latentem continent gratiam, merito dicuntur mysteria. Nam matrimonium quod vnum est ex illis septem sacramentis, quæ catholica celebrat ecclesia, cum illud laudare vellet Paulus,

*Ephes. 5* illud mysterium esse dixit. Nam illo loco ubi nos Latine legimus sacramentum hoc magnum est, litera Græca loco illius vocis sacramentum, habet mysterium, sic dicens: τὸ μυστήριον τοῦ τοῦ μύατος. Latinus autem interpret optime intelligens sacramenta omnia interius aliquid multo maioris momenti continere, quàm sint ea, quæ foris ostendunt, mysteria illa esse merito censuit, ac proinde pro mysterio transtulit sacramentum. Horum omnium mysteriorum solus episcopus est dispensator. Quoniam & si alij inferiores sacerdotes possint aliqua ex sacramentis ministrare, ut sunt Baptismus, Pœnitentia, Eucharistia, Matrimonium, extrema Unctio: alia tamen duo non, nisi per episcopos ministrari possunt, Confirmatio videlicet, & Ordo. Incumbit ergo hic labor episcopis, ut sacramenta illa quæ non nisi per episcopos ministrari possunt, suis subditis pro necessitate, & cuiusque merito dispensent. Hic tamen quaeritur (ut

*1. Cor. 4* Paulus ait) inter dispensatores, ut fidelis quis inueniatur. Multi enim ex illis sunt, qui etsi multo tempore fuerunt episcopi, nunquam tamen aliquod horum sacramentorum suis subditis dispensauerunt, nec per alios episcopos (quod multo peius est) dispensare curarunt. Ob quam causam plurimos prouectæ ætatis viros, & mulieres in multis diœcesibus esse scio, qui nunquam confirmationis sacramentum susceperunt, plurimos etiam, qui sine illo in prouectâ ætate ex hac vita decesserunt. Et re verâ, cum certum sit ex sanctorum testimonio, sacramentum hoc fortitudinem quandam præstare his, qui illud digne suscipiunt, quo fortiores effecti, possint facilius diaboli tentationibus resistere: non est dubitandum multos ob impotentiam, & fragilitatem in vitia

**A** in vitia multa, in super & hæreses fuisse lapsos, qui si confirmationis sacramento fuissent roborati, viriliter restitissent, & fuissent ab his omnibus liberi. Quorum omnium culpam & interitum quisquis bene senserit, in episcoporum negligentiam reiiciet, qui si fideles dispensatores fuissent, eos omnes à morte perpetuo liberassent. De sacramento ordinis, quàm fideliter multi episcopi illud dispensent, non est opus longum facere sermonem, cum ex opposito illud profusissime distribuunt. Confirmationis igitur sunt avari, & ordinis prodigi. Nam omnes sine vlllo discrimine hodie ad sacerdotium promouentur. Nec vidi vnquam, aut audiui vllum tam rudem, & indoctum, pessimisque moribus infectum, qui si sacerdotium ambiret, nõ assequeretur. Quoniã si ab episcopo suo ob indignitatem repellitur, non deest illi (vt est in prouerbio, dignum patella opereculum) alius videlicet episcopus, qui illum ex Papæ dispensatione ad sacerdotium promoueat. Quanta sit hæresum occasio, hæc multorum sacerdotum indignitas, proxime sequenti cap: Deo adiutore ostendemus. Quibus autem sint hæc mala imputanda, non est opus multum inquirere, cum ex Pauli doctrina apertissime constet, ea omnia episcopis, qui indignos promouerunt, esse tribuenda. Nam Timotheum discipulum, & episcopum admonens, vt ecclesiasticos ordines non leuiter conferat, dicit. Manus cito nemini imposueris, neque communicaueris peccatis alienis. Quæ verba exponens Theophilactus in commentariis super Paulum ait: *Hand* quaquam cito, id est temere, vel cum primum quempiam fueris secundòue, aut tertio periclitatus: sed sæpe, vt diligenter omnibus inuestigatis, manus cuiquam imposueris. Neque enim expers periculi ea res est. Quale autem hoc periculum sit, ex his, quæ subsequuntur, intellige. Neque communicaueris peccatis alienis. Es nanq; (inquit) alienis delictis obnoxius, his scilicet, quæ ille in futurum commiserit, cui manus imposuisti. Quo sit, vt virtutum illius particeps sis futurus, si recte vixeris: sic peccatorum non immunis si prauè. Eiusdem & prauis eo obstringeris facinoribus: quia nulla horum habita ratione, tenebras lucem effeceris. Hæc Theophilactus. Ex cuius verbis apertissime constat, peccata indignorum sacerdotum, iuxta Pauli sententiam, in episcopos esse reiicienda, qui illos temere ad

1. Tim. 5

Theophil.

sacerdotium promouerunt. Ex his omnibus præfatis constat tria esse omnibus episcopis summe necessaria, vt recte suum peragant ministerium, quæ omnia suis subditis ministrare tenentur. Hæc sunt, doctrinæ pastus, ouium diligens tutela, dispensatio sacramentorum. Vt autem hæc omnia integre episcopus perficere valeat: opus est, vt ipsas oues cognoscat, & perpetuam cum illis habeat conuersationem, & circa illas semper inuigilet, ne aliquid illis desit ex omnibus, quæ illis præstare tenetur. Oportet primum vt eas cognoscat, vt sciat, quas pascere debeat. Nam si eas non cognouerit, fieri non potest, vt illas opportune pascere, & viriliter tueri possit. Ideo sapiens ait: Diligenter agnosce vultum pecoris tui, & greges tuos consydera. Quæ *Prou. 27* verba interpretans Hieronymus in commentarijs super Prouerbia ait: Pastori dicitur ecclesiæ. Diligenter adhibe curam eis quibus te præesse contigerit, agnosce animos, actusque singulorum, & si quid in eis vitij sordidantis inueneris citius castigare memento. Non enim tu semper oues Dominicas pascendi potestatem habebis, sed æterna est corona, quam percipies si commissum tibi gradum tuo tempore bene ministraueris. Hæc Hierony. Est etiam necessarium vt oues suum agnoscant pastorem, vt illæ sciant, quem sequi debeant, & à quo pastum secure suscipere possint. Hæc duo vno contextu Saluator noster expressit, qui cum dixisset se esse pastorem bonum, ad hoc comprobandum statim boni pastoris qualitates adiecit, dicens: Ego cognosco oues meas, & cognoscunt me meæ. Quibus verbis aperte nos docuit illum non esse bonum pastorem, qui oues suas non cognoscit, & quem oues non agnoscunt. Tenentur etiam episcopi super gregem sibi commissum vigilare, & illius insistere curæ, ne aliquid ad salutem necessarium illi desit. Nam hoc ipsum significat hæc vox episcopus, quæ Græca vox est, & Latine versa, idem dicit, ac superintendens. Ipsum ergo nomen, quo se appellari gaudent, docet illos super subditorum custodiam intendere, & vigilare debere. Ob quam causam Paulus censet subditos teneri ad obedientiam suis præpositis præstandam. Obedite (inquit) præpositis vestris, ipsi enim vigilant pro vobis reddituri rationem. Et hinc est, quod Christo vero, & optimo omnium pastore nascente, pastores erant (vt Lucas refert)

*Prou. 27**Hierony.**Ioann. 10**Hebr. 13**Luc. 2*

**A** fert) vigilantes, & custodiētes vigilias noctis super gregem suum. Tunc enim nascens pastores ecclesiæ instruxit, ut vigilarent, & custodirent vigilias noctis super gregem sibi commissum. Et Sapiens Ecclesiasticus hanc diligentiam commendat omni rectori, tanquam rem illi maxime necessariam, sic dicens: Rectorem te posuerunt, noli extolli: esto in illis quasi vnus ex ipsis. Curam illorum habe, & sic confydera, & omni cura tua explicita recumbe, ut lateris propter illos. Non statim post modicam adhibitam curam: sed omni explicita cura recumbere, & latari permittit. Et re vera si tam diligentem curam ab omni rectore sapiens exegit, multo maiorem certe credendum est episcopis esse necessariam, qui multo plura, quàm alij rectores pro suorum salute populorum facere tenentur. Multi tamen sunt episcopi, qui sui nominis prorsus obliui, ouium sibi commissarum non maiorem curam habere, quasi de illis non essent Deo reddiduri rationem. Ut lac ab illis sugant, & lanam euellant, diligentissime laborant, illis autem prospicere prorsus contemnunt. Non se putant, ad hoc eos esse institutos pastores, ut curam ouium habeant: sed ut fructus ex illis colligere possint. Et ideo hoc diligentissime faciūt, ad illud vero mirum, quàm sint negligētes, & ignaui. Cum per decem, & per viginti, & triginta annos fructus ab ouibus extorserint, multi ex illis non cognoscūt oues suas, nec cognoscuntur ab eis. Nam in curiis Principum versantes, & multis, quæ à suo instituto longissime absunt intendentes, oues suas visitare, & quæ illis debent præstare contemnunt. Huiusmodi Episcopi indigni sunt, qui episcopi dici debeant: quoniam hos tales Christus saluator noster non pastores: sed mercenarios dicit esse appellandos. Mercenarius (inquit ille) & qui non est pastor, cuius non sunt oues propriæ, videt lupum venientem & dimittet oues, & fugit, & lupus rapit, & dispergit oues. Mercenarius autem fugit: quia mercenarius est, & non pertinet ad eum de ouibus. Multis rationibus hic à Christo saluatore nostro assignatis conuincuntur episcopi, & alij animarum rectores, qui extra ouile ouium suarum resident, & perpetuo, aut diu extra suas dioceses morantur, non esse pastores: sed mercenarios dicendos. Dimittunt enim oues, quandiu illarum conuersationem non habent. Fugiunt, quando à cura, &

Eccl. 38

Iohann. 10



- officio, quod præstare tenentur recedunt. Denique putant  
*Iob 39* nihil ad eos pertinere de ouibus. Ideo hi mihi videntur si-  
 miles esse struchionibus, quorum teste Iob, talis est natura,  
 ut derelinquant oua sua in terra, & obliuiscantur, quod pes  
 conculcet ea, aut bestia agri conterat, & durentur ad filios  
 quasi non sint sui. Quid autem ex hac pastoris absentia, &  
 crassissima negligentia sequatur, saluator in verbis supra-  
*Mat. 10* dictis expressit dicens: Lupus rapit, & dispergit oues. Siue  
 lupi nomine tyrannum, siue hæreticum intelligere velis,  
 quisq; illorum tanto audacius oues inuadet, & tanto secu-  
 rius eas occidet, quanto viderit pastorem longius abesse,  
 qui ouibus subuenire possit. Sed germanior mihi videtur  
 literæ sensus, si hoc loco per lupum, hæreticum intellexe-  
 rimus, ob id solum, quod dixit illum dispergere oues. Nul-  
 lus enim est alius, qui æque oues dispergat, ac hæreticus,  
 qui sua falsa doctrina eas decipiens, ab vnico illo ecclesiæ  
 ouili separat, & per errorum deuia vagari cogit. Ex quibus  
 apertissime constat, sæpe Episcoporum & aliorum rectorum  
 absentiam, & nimiam negligentiam, potissimam causam  
 esse, quod aliquæ in populo versentur hæreses, & populus  
 ab hæreticis seducatur. Nam illis absentibus, facile est inde  
 euenire, ut quisq; pro suo libito sentiat, & quæ senserit im-  
 pune doceat. Simile enim ob solum rectoris defectum olim  
*Iud. vi.* contigisse in lib. Iudicum legimus, ubi hæc habentur verba:  
*Mat. 13* In diebus illis non erat Rex in Israël: sed vnusquisq; quod  
 rectum videbatur, hoc faciebat. Huc enim tendit parabola  
 illa hominis seminantis bonum semen in agro suo in quo  
 inimicus homo, occasione accepta, quod homines agri cu-  
 stodes dormirent, super seminavit zizania. Dæmon enim  
 qui totius humani generis apertus est hostis, videns recto-  
 rum negligentiam talem, ut dormire videatur, superse-  
 minat sæpe hæresum zizania in ecclesia Dei, quæ ager est  
 eius, in quo ille prius semē bonum, hoc est, veram fidei do-  
*1. Cor. 10* ctrinam seminauerat. Et cum Paulus dicat omnia patribus  
 in figura contigisse, non erit absurdū, si dicamus, hoc ipsum  
*3. Reg. 3* nobis significasse mulierem illam, de qua in 3. Reg. lib. le-  
 gitur, quod filium suum, quē vigilans lactabat, nocte dor-  
 miens oppressit, & interemit. Nam dum pastores anima-  
 rum vigilans, & curam illarum qua tenentur, habent: tunc  
 subditos suos, quos ut filios diligere debent, vera doctrina  
 lactant,

**A** lactant, & bonis exemplis nutriunt. Si tamen somno negligentia, & torporis dormiunt, sua ignavia & desidia eodem occidunt. Verum ne quis mihi obiiciat, ex sensu parabolico, aut mystico non esse sumendum argumentum ad doctrinam aliquam probandam, & stabiliendam. apertum volo pro hac re scripturæ sacræ testimonium proferre. Vbi non est gubernator (inquit Salomon) populus corruet. Et ipse Deus per Ezechielem prophetam de pastoribus loquens, hoc apertius expressit, sic dicens: Vx pastoribus Israël, qui pascebāt semetipsos. Nōne greges à pastoribus pascuntur? Lac comedebatis, & lanis operiebamini, & quod crassum erat occidebatis; gregem autem meum non pascebatis. Quod infirmum fuit, non consolidastis, & quod ægrotum non sanastis. Quod confractum est non alligastis, & quod abiectum est, non reduxistis, & quod perierat non quæstistis: sed cum austeritate imperabatis eis, & cum potentia. Et dispersæ sunt oues meæ, eo quod non esset pastor, & factæ sunt in deuotionem omnium bestiarum agri, & dispersæ sunt: Cuti ergo ouium dispersio, quæ discensionem à fide significat, ex pastorum negligentia oriatur, constat illarum omnium culpam non solum ipsis ouibus, quæ dispersæ sunt, & errauerunt: sed earum pastoribus ob eorum negligentiam esse imputandam. Nam utrorumq; , populorum scilicet & rectorum dantoum, vno verborum contextu, Hieremias propheta deplorat, sic inquit: Egressus est à filia Sion omnis decor eius: facti sunt Principes eius velut arietes non inuenientes pascua, & abierunt absq; fortitudine in faciem subsequētis. Dicens omnem decorem à filia Sion récessisse, peccata populi indicauit. Dicens vero Principes abiisse absque fortitudine, prælatorum negligentiam, à qua totius populi malum est ortum, expressit. Nam beatus Hieronýmus hæc Hieremię verba in commentariis super Lamentationes exponens ait: Hac sententia arguuntur negligentes rectores ecclesię Dei, ob quorum incuriam perit omnis decor populi Christiani, cum nec meditatione legis diuinæ, nec in cultu pietatis, neque in sacrarum virtutum exercitio laborare conantur: sed in luxu voluptatum per varia scelera, iuxta suggestionem hostis cogentis abducuntur. Cuius periculi malum, illos maxime respicit, qui in loco regiminis con-

Prov. ix

Exec. 34

Tren. i

Hierony.

stituti, potius secularia desideria, quam mandatorum Dei  
sequi vestigia, elegerunt. Unde cœlestis regni gloriam  
cum sanctis doctoribus non merentur accipere: sed cum  
diabolo, & angelis eius, pœnam gehennæ cogentur reci-  
pere. Hæc Hieronymus. Sed apertius hanc nos docet sen-  
tentiam Deus, qui postquam per Ezechielem prophetam  
dixerat oves suas dispersas esse, & in deuorationem bestia-  
rum venisse, pœnam deinde ipsiis pastoribus ob hanc cau-  
sam minatur grauissimam sic per eundem prophetam in-  
quiens: Viuo ego dicit Dominus Deus: quia pro eo quod  
facti sunt greges mei in rapinam, & oves meæ in deuora-  
tionem omnium bestiarum agri, eo quod non esset pa-  
stor &c. Et paucis interpositis subdit. Propterea pastores  
audite verbum Domini. Hæc dixit Dominus Deus: Ecce  
ego ipse super pastores, & requiram gregem meum de  
manu eorum. Et post pauca iterum subdit: Ecce ego ipse  
requiram oves meas, & visitabo eas. Sicut visitat pastor  
gregem suum in die, quando fuerit in medio ouium sua-  
rum dissipatarum, sic omnes visitabo oves meas, & libe-  
rabo eas de omnibus locis in quibus dispersæ fuerant in  
die nubis, & caliginis. Nihil certe durius, & apertius  
contra pastores Deus dicere potuit, quam quod requisi-  
turus erat oves perditas, de manibus eorum, vt pro illis  
rationem reddant, quam cum bonam reddere non valeant,  
necesse erit, vt pro illorum peccato puniantur. Et hoc  
ipsum non solum verbo: sed etiam opere nos docere voluit  
Dominus, vt intelligerent pastores, & rectores non ina-  
nem esse comminationem, quam iam vel semel execu-  
tioni mandatâ esse scirent. Nam cum olim populus Israël  
fornicatus fuisset cum filiabus Moab, & illarum deos ado-  
rasset, iratus Dominus dixit ad Moysen: Tolle cunctos  
Principes populi, & suspende eos contra solē in patibulis,  
vt auferatur furor meus ab Israël. Quæ verba interpre-  
tans Origenes homilia vigesima super librum Numero-  
rum ait: Hæc si cogitarent homines, nunquam cuperent,  
nec ambirent ad populi principatum. Sufficit enim mihi  
pro meis propriis argui delictis, sufficit mihi pro me met-  
ipso, & peccatis meis reddere rationem. Quid mihi ne-  
cesse est etiam pro populi peccatis ostentari? & ostentari  
contra solem, ante quem nihil potest abscondi, nihil  
obscu

Ex. 24

Num. 25

*Origen.*

**A** obscurari? Hæc Origenes. Quisquis igitur curam animarum suscepit, si Deum non vult habere contra se iratum, oportet, vt semper illarum regimini intendat, semper cum illis conuersetur, diligenter consideret, quæ sunt illis necessaria, nunquam nili magna coactus necessitate, à conspectu, & conuersatione ouium suarum discedat: sed cum Esaia propheta dicat: Super speculam Domini ego *Esa. 21* stans iugiter per diem: & super custodiam meam ego stans totis noctibus. Ex his omnibus præfatis, euidentissime constat prælatorum, & aliorum rectorum negligentiam & absentiam, multorum malorum insuper, & hæretum esse causam. Quæ omnia in ipsos rectores reijcienda sunt ex quorum negligentia processerunt. Sunt tamen multi, quorum ora declinauerunt in verba malitiæ ad excusandas excusationes in peccatis. Nam quidam eorum hac excusatione suas absentias ab Episcopatibus, vel parochiis defendere volunt, quod personas alias bonas, & tanto officio idoneas pro se substituunt, per quos omnia, quæ tenentur, faciunt: & hoc satis esse dicunt: quia (vt aiunt) dominus ouium non per se ipsum semper pascit oves: imò aliorum pastorum vitur opera, quibus illas commendat. **B** Et inde colligunt se optime suo officio satisfecisse, cum bonos pro se vicarios substituunt. Sed hæc illorum excusatio nihil illis prodesse potest: imò potius in maius illis cedit peccatum, cum plura, quàm oportet, per illam sibi arrogare videantur. Putant enim se ouium dominos esse, cum tamen non sint. Deus enim illarum est Dominus, qui ait: Omnes animæ meæ sunt. Et ipsæmet oves hoc ipsum fatentur dicentes: Nos autem populus eius, & oves pascuæ eius: Episcopi autem, & alij animarum rectores, pastores sunt, quibus Deus eas commisit, vt illas pascere, & tueri curarent, stipendio laboris pollicito, si id recte egissent. Alioqui si Deus dominos illos esse censeret, nullam ab illis de ouibus rationem peteret, neq; de manu prælatorum oves perditas requireret, prout ipsemet se facturum fore per Ezechielem *Eze. 34* prophetam minatus est. Nullus est autem ouium dominus, qui oves suas alicui pastori commēdet, vt pro se alium substituere possit, niu forte hac conditione, vtile de omnibus teneatur reddere rationem. Nec Deus oves suas Episcopis, aut aliis pastoribus committit, vt illi pro se vicarios subro-

Eze. 18

Psal. 94



garent, quibus oues commendarent. Et si contra Dei voluntatem oues Dei alteri commiserit, nihilominus eas, quæ ob vicarij negligentiam perierint, Deus à pastore cui ipse eas commisit, requireret. Neque suam poterit ille hac ratione defendere culpam, quod ipso nesciente oues perierint: quoniam (vt habetur in capit. Quamuis de regulis iuris) non potest esse excusatio pastoris, si lupus oues comedit, & pastor nescit. Deinde & si gratis daremus pastores animarum esse censendos velut ouium dominos: non tamen sic, vt contra voluntatem Dei, qui est illarum supremus Dominus, aliquid de illis disponere possint. Deus autem non vult, vt rectores animarum illas alijs committant, propterea quod alij non æque illarum curam gerunt, ac si illarum essent Domini. Nam mercenarius (inquit Christus saluator noster) fugit, quia mercenarius est, & non perit in eum de ouibus. Raro alienæ res tam bene curantur, ac propriæ. Laudata est Manlij Torquati sententia apud Titum Liuium, qua dixit, nunquam prospere succedere, quæ oculis quivis egerit alienis. Et ita censeo ego vix unquam bene ouium succedere posse curam, quæ per vicarios exercetur: quoniam illi sæpe non sunt tales, quales oportebat: sed qui plus inuigilent (vt Bernardi verbis utar) subditorum euacuandis malis, quam extirpandis vitiis. Tales sæpe sunt, vt de illorum quolibet dici possit id, quod Virg. Opilio alteri pastori exprobrans dixit:

Virgil.

ag. 3.

100

*Hic alienus ouis custos bis mulget in hora,*

*Et succas pecori, & lac subducitur agnus.*

Deinde ipsi subditi minus reuerentur vicarios, & minus timent illos, quam episcopos: unde consequens est, vt minus possint vicarij illos in virtute continere, & à vitiis detertere. Moyses primus synagogæ prælatus, coactus populum relinquere satis parua moram cum Domino facturum, ne populus Acephalus ipso absente maneret, vicariū pro se substituit virum quidē probum, Aaron videlicet fratrem eius. Hic tamen non potuit populum detertere, quin faceret vitulum aureum, & adoraret: quod tamen nunquam Moyse præsentem facere attentarunt. Populus igitur, qui Moyse præsentem fidelis fuerat, illo absente ad idololatriam defecit. Præterea quamuis optimus vir sit is, quē suo loco vicarium instituit episcopus, multo tamen melius & diligentius ministerium

Exo. 32

**A**sterium suū exequetur episcopo presente, quā illo absente. Et ideo indignū puto, vt restanti momēti, qualis est animarū cura per solos Vicarios peragatur, quoniam in magnum hoc cederet animarū periculum, cum (vt diximus) vix vnquā bene succedunt, quę alienis oculis fiunt. Samaritanus ille (apud Lutam) qui hominē à latronibus vulneratum imposuit in iumentū suum, & duxit ad stabulū, ipse curam illius egit, quamdiu mansit in stabulo. Cum autem illum recedere fuit necesse, commendauit stabulario, quod ipse adesse non posset. Et (vt aliquid apertius dicamus) ipse saluator, & magister noster, nunquam dum super terram vixit, oues suas Petro, aut alteri alicui cōmendauit, ne alicui pastori exemplo suo ansam præberet, vt per alios ouium curam gereret, quam ipse habere tenebatur. Postquam à mortuis resurrexit, & nō ante dixit Petro: Pasce oues meas.

Luc. 10

Quamuis ante mortem promisit se daturum clauēs Petro: eas tamen non nisi post mortem dedit, quando iam propē erat, vt corporali, & visibili forma à nobis ad patrem recessurus esset. Matrem suam nunquam viuens, aut Ioanni, aut alteri commendauit: sed solum propinquus morti, quando illi ministrare, aut suppetias aliquas ferre non poterat. Alioqui dum vixit, & potuit, alteri eam commēdare noluit. Suo igitur exemplo Christus saluator noster docuit episcopos, vt non prorsus vicariis fiderent: sed quod per se præstare possent, aliis non committerent. Sunt adhuc alij animarum rectores, qui hac ratione excusatos se esse putant, quod in suis parochiis non trahant moram, nec cum ouibus suis conuersentur: quia (vt dicunt) dispensationem à summo pontifice obtinuerunt, qua liberam illis concedit pontifex facultatem, vt à suis parochiis quamdiu voluerint, abesse possint, & vbiunque libuerit morari. Sed hæc excusatio adeo futilis est, & inanis, vt non solum à gehennæ incendio: sed nec à tenuissimo flatu, aut leui calore defendere valeat. Nam cum residentiā pastorum inter oues suas, sūt iure diuino pastoribus præcepta, non potest Papa sine urgente necessitate, hoc est, alicuius maioris boni causa, in illa dispensare. Alioqui si absque simili causa id fecerit, non dispensatio: sed dissipatio dicenda erit. Nam etsi ille supremus sit ecclesiæ pastor, est tamen data illi potestas (vt Paulus ait) in ædificationem, non in destructionem.

Ioan. 22

Mat. 16

Ioan. 19

2.co.10. ctionem. Cum igitur apertissimam iam hanc sententiam C  
relinquamus, multa mala insuper, & hæreses ex pastorum  
negligentia oriri, necessarium esset hanc causam tollere, &  
hanc tantorum malorum radicem protinus euellere, ne ra-  
mi pestilentes ex illa oriantur. Cogantur Episcopi in suis  
diocesibus perpetuo morari, ita vt ab illis, nisi magna vr-  
gente necessitate discedere non possint. Alij animarum  
rectores idem facere arctissime constringantur, quod si fa-  
cere neglexerint, suis beneficiis oportebit illos priuare, vt  
saltem pœnæ metus cogat, quos virtutis amor non allicie  
ad bonum. Quæ omnia si recte sine vlla dispensatione pera-  
gantur, spero, vt Deo adiutore multa mala insuper & hæ-  
reses vitentur, quæ istis remediis subtractis iam alias sæ-  
pe orta esse conspiciamus.

*De quarta hæresum causa, quæ est multo-  
rum episcoporum, & aliorum  
sacerdotum indignitas.*

## CAPVT V.

E

Episcopi, & alij animarum rectores non solum sunt ne- D  
gligentes ad pascendum, & tuendum oues sibi com-  
missas, & alia præstanda quæ illis iure debentur: sed multi  
ex illis tam desides sunt, & ignaui, vt nec suarum anima-  
rum curam habere videantur. Quo fit, vt indigni censendi  
sint, quibus tam sublime munus merito debuisset con-  
ferri. Nam (vt ecclesiasticus ait) qui sibi nequam est, cui  
vñquam bonus erit? Non hoc dixit: quia illud impossibi-  
le esse censuerit: sed quia difficile esse, & raro contingens  
existimauit, vt qui sibi est nequâ, aliis bonus sit. Sunt enim  
hæc duo, videlicet sibi, & aliis bonum esse inter se sic diuer-  
sa, vt eorum alterum ab altero separari possit, & ambo ei-  
dem continere non repugnet, imo aliquando sit necessa-  
rium. Ab episcopis enim & aliis inferioris ordinis sacerdo-  
tibus, duo illa exiguntur: quorum si alterum, quod libue-  
rit eis desit, multorum malorum causa esse potest. De ne-  
gligentia pastorum, & aliorum rectorum proxime præce-  
denti cap. disseruimus, vbi apertissime multis rationibus  
ostendimus illam multarum hæresum fuisse causam. Nunc  
superest, vt etiam ostendamus episcoporum, & aliorum sa-  
cerdotum

- A** cerdotum indignitatem, etiam si alias illi circa oves sibi commissas debitam adhibeant curam, apertissimam esse causam, quæ multas hucusque produxerit hæreses, & multo plures, nisi illi tempestive occurratur, producere possit. Vt autem hoc melius efficere valeamus, necessarium est prius ex sacris literis ostendere, quales oporteat esse episcopos, & alios inferioris ordinis sacerdotes, ut digni merito censi debeant, qui tale munus recte possit obire. De qua re non est opus alium, quam Paulum consulere, qui episcopos, & alios sacerdotes, quales oporteat esse, Timotheo, & Tito scribens, optime deliniauit. Oportet, inquit ille, episcopum sine crimine esse sicut Dei dispensatorem: non superbum, non iracundum, non vinolentum, non percussorem, non turpis lucri cupidum: sed hospitalem, benignum, prudentem, sobrium, iustum, sanctum, continentem, amplectentem eum, qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt arguere. Hæc Paulus ad Titum scribit, qui eadem fere scripsit ad Timotheum. Singulas illius oportet breuiter perscrutari partes, & postea inde constabit, quam multos esse sacerdotes, quibus illarum aliquæ, multos etiam, quibus omnes desunt. Primam episcopi partem, quæ reliquas fere omnes in se complectitur, Paulus dicit esse, ut episcopus sit ab omni crimine liber. Non exigit, ut sit sine peccato: quia hoc esset fere homini impossibile, prout Ioannes euangelista docet. Si dixerimus (inquit ille) quia peccatum non habemus: nos ipsos seducimus, & veritas in nobis non est. Dicit igitur Paulus oportere, ut episcopus sit sine crimine quod non qualecunque: sed graue, & mortale est peccatum. Hoc quod nunc Paulus dicit esse episcopo necessarium, olim in figura, & sub velamine quodam Deus mandauit in veteri lege, Aaron sacerdoti dicens: Homo de semine tuo per familias, qui habuerit maculam non offeret panes Deo suo, nec accedet ad ministerium eius. Quæ verba interpretans Glossa, quæ dicitur ordinaria, sic ait: Hæc secundum literam accipere, nimis videtur absurdum esse. Tales maculæ non sunt in hominum potestate, vel voluntate. Per maculas ergo corporum vitia animorum describit. Cum enim causam populi præsul suscipit quasi ad ægrum

Tit. 1.

2. Tit. 3.

2. Ioan. 1.

Leu. 21.

Glo. or.



ægrum medicus accedit. Qui si æger est, qua præsumptio-  
 ne vult mederi? Ille ergo ad exemplum debet pertrahi,  
 qui cunctis passionibus mortuus spiritualiter viuit, cu-  
 ius intentioni corpus, nec omnino per imbecillitatem,  
 nec valde per contumeliam refragatur. Hactenus Glossa  
 ord. Ex cuius verbis constat causa vna, propter quam opor-  
 tet sacerdotem sine crimine, & sine macula esse: quia vide-  
 licet ille est in exemplum propositus populo. Ne igitur po-  
 pulus illum imitari cõtendens in vitia post illum labatur,  
 oportet vt ille sit totus mundus, & crimine carens. Sed alia  
 potest esse illius præcepti nõ minor causa, ne videlicet Epi-  
 scopus minus valeat peccantem subditum redarguere: si  
 ipse sit eodem crimine, de quo alium arguit, infectus. Pro-  
 pter quod Timotheo Paulus scribens dixit: Oportet Epi-  
 scopum irreprehensibilem esse. Quod non sic est intelligē-  
 dum, vt Paulus censeat oportere Episcopum talem esse, vt  
 nihil prorsus habeat reprehensibile. Sed vt non sit alicui  
 publico peccato obnoxius, & addictus, de quo merito pos-  
 sit ab aliis reprehendi, ne dicatur illi. Hypocrita eice pri-  
 mo trabem de oculo tuo, & deinde festucam de oculo alie-  
 no eiiciens. Indignum quippe est, vt quis in alio reprehē-  
 dat, quod ipse aliis scientibus fecit. Hunc enim talem me-  
 rito arguit Paulus dicens: In quo enim iudicas alterum  
 teipsum condemnas. Et iterum: Qui ergo alium doces:  
 teipsum non doces? Qui prædicas non furandum, furaris?  
 Qui dicis non mœchandum, mœcharis? Ob hanc causam  
 Saluator noster Iudæis adulteram mulierem accusanti-  
 bus dixit: Qui sine peccato est vestrum, primus in illam  
 lapidem mittat. Quibus verbis innuere voluit, eum, qui  
 peccatis esset obnoxius, indignum esse, qui alios aut pu-  
 nire aut reprehendere possit. Lapidem enim contra pec-  
 cantem mittit, qui illum pro peccato punit, aut de pecca-  
 to reprehendit. Sed hos lapides nullus, nisi qui est à crimi-  
 ne liber, in alium mittere debet. Explicata iam in genere,  
 & in vniuersali Episcopi perfectione, opus est, vt in specie  
 reliquas Episcopi partes, quas Paulus enumerauit, bre-  
 uiter discutiāmus. Nam postquam Paulus dixit oportere  
 Episcopum sine crimine esse, particularia quædam dein-  
 de explicat crimina, à quibus potissimum illum abstinere  
 oportet, & primo dicit: Non superbum. Superbiæ vitium,  
 et si

**A** et si omnibus sit veritum, multo tamen magis rectori ecclesiastico est interdictum, à quo omnis superbiæ fastus, & omnis imperandi libido longissime debet abesse. Primos enim ecclesiæ Episcopos Christus saluator noster instruens dixit illis: Scitis, quia Principes gentium dominantur eorum, & qui maiores sunt potestatem exercent in eos. Non ita erit inter vos: sed quicumque voluerit inter vos maior fieri, sit vester minister: & qui voluerit inter vos primus esse, erit vester seruus: sicut filius hominis non venit ministrari: sed ministrare. Et beatus Petrus alios Episcopos iuxta id, quod à Christo totius veritatis magistro didicerat, docet idem sic dicens: Pascite, qui in nobis est Gregem Dei, prouidentes non coacte: sed spontanee secundum Deum: neque turpis lucri gratia: sed voluntarie: neque dominantes in clero: sed forma facti gregis ex animo. Deinde addit Paulus: Non iracundum. Iracundus est, non qui semel, aut iterum irascitur: sed qui frequenter ira agitur, & qui leuissima data occasione semper in iram concitatur. Quo vitio nullum peius potest contingere Episcopo, qui alios docere, & regere debet. Nam per iram adeo turbatur aliquando iudicium rationis, vt prorsus nesciat, quid tunc agat, ne postea (vt ebriis contingere solet) eorum, quæ tunc fecerat, recorderetur. Turbatus est, inquit Dauid, à furore oculus meus. Et quidam Sapiens dixit:

*Impedit ira animum, ne possit cernere verum.*

**B** Præterea viri iracundi conuersationem omnes refugiunt. Quod & Salomon omnibus ita faciendum esse consulit sic dicens: Noli esse amicus homini iracundo, neque ambules cum viro furioso, ne forte discas semitas eius, & sumas scandalum animæ tuæ. Non est autem iustum, vt Episcopus id vitium habeat, propter quod sit merito ab omnibus fugiendus. Dicit postea Paulus: Non vinolentum. Vinolentus est (vt de iracundo diximus) non qui modico vino utitur: sed qui nimio indulget vino. Et hoc etiam malum aciem ingenij destruit, & carnis ardores irritat, qui sæpe homines in multa pertrahunt vitia. Vinum, & mulieres (inquit Ecclesiasticus) apostatate faciunt Sapientes. Sequitur deinde in Pauli verbis. Non percussorem, hoc est, ne in obiurgando, & reprehendendo sit tam sæuus, & asper, vt obiurgatio transeat in contumeliam. Nam Græca dictio ibidem posita,

*Mat. 20.*

*1. Pet. 5*

*Psal. 6*

*Cato.*

*Prov. 22*

*Ecc. 19*



μὴ πωλῆται, (vt Hieronymus annotauit) nō significat percussorem manuum: sed linguæ, est igitur idem, ac si dixisset. Non contumeliosum, aut non mordacem. Aut, si ad manus percussione vocem illam extendere velis, prout Theophilaetus extendere videtur, non percussione, id est, qui nec verbis nec verberibus grauitur percutiat, sed cum mansuetudine & lenitate subditos puniat. Non turpis lucri cupidum, oportere episcopum esse dicit Paulus. Quo nomine non solum lucrum illud quod est omnibus illicitum, sed omnem prorsus negotiationem intellexit Paulus, vt illam etiam ab Episcopo abesse velit, quæ alijs est secularibus permessa. Fœda enim est sacerdoti omnis lucri temporalis negotiatio. Enarratis criminibus, quibus oportet Episcopum carere, deinde enarrat virtutes quibus illum præditum esse oportet: quoniam (vt Gregorius ait) minus est mala non agere, nisi etiam quisque studeat bonis operibus insudare. Ait ergo Paulus. Sed hospitalem, hoc est non solum aliena non appetere, quod faciunt hi qui lucris inhiant, sed etiam propria indigentibus elargiri oportet. Ob quam causam doctores sacri dixerūt Episcoporum & aliorū sacerdotum bona, esse bona peregrinorū cæterorūque pauperum, quibus illi necessario subuenire tenentur. Postea dicit benignum, hoc est, non inuidum, sed (vt Theophilaetus ait) modestia præditum: vel (vt Hieronymus interpretatur) bonorum operū amatorem. Deinde addit, prudentem, & merito, quia ipse veritatis magister dixit: Fidelis seruus & prudens quem cōstituit dominus super familiam suam. Et Salomon ait: Dux indigens prudētia multos opprimet per calumniam. Postea subdit Paulus, cōtinentem, quæ vox (iuxta Hieronymi sententiam) non ad solam refertur libidinem, sed ad omnes pertinet affectus, iram, ambitionem, inuidiam, timorem, vt hos omnes vincat Episcopus. Denique ait: Amplectentem eum qui secundum doctrinam est, fidelem sermonem, vt potens sit exhortari in sana doctrina, & eos qui cōtradiciunt arguere. In quibus verbis, proprium Episcopi munus expresit. Nam quæ hætenus recensuit, etiam a subditis exiguntur, vt ab Episcopis. Oportet enim Episcopum & quemlibet alium animarum rectorem esse doctum, vt sciat optime ea quæ ad fidem, & quæ ad mores pertinent. Et istarū rerum eloquutio est fidelis sermo quem

Episc

Mat. 24

Prov. 28

- A** Episcopus amplecti debet. Alioqui si hac necessaria ignorauerit, eueniet necessario quod Salomon ait: Rex insipiens *Eccle. 10* perdet populum suum. Ideo beatus Gregorius libro primo *Gregor.* pastoralis capite primo ait: Ab imperitis pastoribus magisterium pastorale suscipitur in magna temeritate, quoniam ars est artium regimen animarum. Quis autem cogitationum vulnera occultiora esse negat vulneribus viscerum? Et tamen sæpe qui nequaquam spiritualia præcepta cognouerunt, cordis se medicos profiteri non metuunt, dum qui pigmentorum vim nesciunt, videri medici carnis erubescunt. Hæc Gregorius. Hinc est quod dominus in veteri lege eum qui cæcus esset, aut lippus, aut albuginem in oculo habens, non permittebat, vt ad sacerdotale accederet ministerium. Ex hac enim vmbra & rerum imagine veritatem perscrutantes edocemur, nullum prorsus ignorantem aut infime doctum dignum esse, qui episcopale munus suscipiat. Doctrinam autem qua pollere debet episcopus, non dubiam, aut vacillantem, sed firmam & constantem oportet esse, præsertim in rebus fidei in quibus nihil hæsitare licet: sed omnia pro certissimis habere. Et hoc insinuauit
- B** Paulus, cum dixit: Amplectentem eum qui secundum doctrinam est, fidelem sermonem. Non enim omnia quæ vel leuiter apprehendimus, amplecti dicimur: sed ea solum quæ vtraque vlna comprehendimus & fortiter constringimus. Ideo beatus Ambrosius quo maiorem doctrinæ firmitatem & constantiam exprimeret, non transiulit apprehendentem sed tenacem, vt doctrinam fidei firmissime teneat, & nullo pacto ab illa se sinat auelli. Nec satis est Paulo, vt episcopus fidei doctrinam constantissime retineat, nisi talis illa sit ac tanta vt per illam potens sit exhortari, & eos qui contradicunt arguere. Non enim ad hoc solum requiritur ab episcopo doctrina, vt suæ soli personæ consulat, sed vt subditis suis prospiciat, non solum ignorantes docendo: sed etiam afflictos consolando. Et hoc ipsum Græca vox magis significare videtur, vt ex Hieronymi testimonio constare potest, qui pro eo quod nos habemus exhortari, vertit consolari. Nec satis est hoc: sed insuper oportet tantam esse episcopi doctrinam, vt per illam eos qui contradicunt possit arguere. Hoc est, possit hæreticos testimoniis scripturæ sacræ & aliis rationibus

*Leuit. 21*



ad hanc rem pertinentibus convincere, & illorum argutiis resistere. Hi enim ex his qui Christo nomina in baptismo dederunt, soli sunt qui fidei sermoni & sanæ doctrinæ contradicere solent. Et quod de hæreticis intellexerit Paulus, ipse verborum ordo apertissime docet. Nam postquam dixit, oportere ut episcopus potens sit arguere eos qui contradicunt, statim rationem dictorum verborum reddens, subiunxit: Sunt enim multi etiam inobedientes, vaniloqui, & seductores maxime qui de circuncisione sunt, quos oportet redargui, qui vniuersas domos subuertunt, docentes quæ non oportet turpis lucri gratia. Ecce omnia quæ beatus Paulus ab episcopis requirit, quæ omnia aliis etiam inferioris ordinis sacerdotibus esse necessaria, præsertim his qui animarum curam susceperunt, ex dictis Pauli intelligere oportet. Nam de hac re nos aperte admonuit

*Chrysto.* Chrysostomus, qui homilia vndecima super priore Pauli ad Timotheum epistola sic ait: Postquam de episcopis dixit, eosque formauit, quidnam illos habere conueniat, à quo item abstinere necesse sit dictans omisso interim presbyterorum ordine, ad diaconos transit. Cur id quæso? Quia scilicet inter episcopum atque presbyterum interest ferme nihil. Quippe & presbyteris ecclesiæ cura permixta est: & quæ de episcopis dixit, ea etiam presbyteris congruunt. Hæc Chrysostomus. Sed iam opus est ut videamus an omnes episcopi & sacerdotes tales sint, quales Paulus censuit oportere illos esse. De hac re cupiebam nihil dicere, ne in maledictionem Cham incurrisse videar, propterea quod verenda patrum omnibus palam facere velim. Sed quia multorum episcoporum & sacerdotum indignitas est tam aperta, ut quamuis ego tacerem, silentio meo illam tegere non possem, ideo necessarium mihi fuit, aliqua ex nimium publicis proferre ut postea clare ostendere possim, id quod à principio huius capitis dicere statui, illorum indignitatem multarum hæresum fuisse causam. Multi sunt episcopi & alij rectores animarum iuuenes, & multi tam modicæ ætatis, ut vix pueritiam excesserint. Quæ res tam aperte est mala, ut non solum sanctorum virorum: sed gentilium philosophorum testimonio damnetur. Nam Aristoteles dicit: Nemo eligit iuuenes duces, quia non constat eos esse prudentes. Est enim prudentia summe

*Aristot.*

**A** summe necessaria illi qui alios regere & corrigere debet. Iuuenes autem nedum adolescentes & pueri (vt Aristoteles dixit) prudentes esse non possunt, quia nullam prorsus aut minimam habent rerum experientiam, sine qua vix vlla potest haberi prudentia: Qui non est tentatus (inquit Ecclesiasticus) quid scit? Vir in multis expertus cogitabit *Eccle. 34* multa, & qui multa didicit enarrabit intellectum. Qui non est expertus pauca recognoscit. Cum igitur constet, adolescentes & pueros minimam rerum experientiam habere, constare etiam oportet illos non esse prudentes. In antiquis (inquit Iob) est sapientia, & in multo tempore *Iob 12* prudentia. Ex quo aperte colligitur, vt in modico puorum & adolescentum tempore, prudentia esse non possit. Hinc est quod cum Deus decreuit conferre Moyse adiutores, qui illum ad immensum regiminis onus portandum iuuant, non pueros, nec adolescentes, neque iuuenes: sed senes illos praecepit esse, sic dicens: Congrega mihi septuaginta viros de senibus Israel, quos tu nosti quod senes populi sunt ac magistri, Dicens, quos tu nosti quia senes populi sunt, expressit non solum aetatis senectutem esse necessariam: sed oportere, vt senectus mentis sit illa coniuncta. Si enim sola corporis senectus in illis quaereretur, tot illam noscere poterant, quot poterant illos videre. Dum vero dicitur, quos tu nosti quod senes populi sunt, profecto liquet quod non solum corporis senectus, sed simul cum ea senectus mentis eligenda nunciatur. Et certe monstruosa quaedam res est & nimium deploranda, vt is qui ad regimen aliorum constitutus est, alio rectore vel (vt apertius loquar) paedagogo indigeat. Nam qui seipsum regere nescit, qui fit vt alios regere valeat? Ideo sapiens comparitur terrae, quae puerum regem habet, sic dicens: Vae tibi terra cuius *Eccles. 10* Rex est puer. Quam magnum malum sit, pueros in regimine constituere, vel ex eo facile intelligi potest, quod dominus hoc pro maxima poena minatur populo Iuda, per Esaiam prophetam dicens: Dabo pueros principes eorum, & effeminati dominabuntur eis. Verum etsi res apertissima sit, valde malum & nimis perniciosum esse, pueros aut adolescentes in regimine animarum constituere, qui tamen illos constituerunt, aut illos constitui procurarunt, hac excusatione illam defendere nituntur, quod bona de illis pue-

ris aut adolescentibus habetur spes, illos in optimos & perfectos viros euasuros. Ridenda quippe excusatio, quæ tam multis nominibus conuincitur esse vana. Nam huiusmodi spes nihil certum promittere potest, cum tam multos quotidie videamus iuvenes & senes multis, & variis criminibus irretitos, qui bonam de se spem dederunt in pueritia. Prudentis igitur viri erit, non fidere pueris quos sæpe fefellisse constat. Deinde etsi spes certa esset, illos bonæ indoli suæ postea responsuros, non tamen ideo tam graue onus esset illis committendum, quando sola habetur spes: sed expectandi sunt quousque tales illos, quales sperabantur, euasisse intelligant. Alioqui impone alicui mulo aut asino duorum mensium grauissimam aliquam sarcinā nimium vires illius excedentem, propterea quod optima de illo habetur spes, optimum aliquando futurum iumentum quod multo grauiori sarcinæ portandæ sufficiet. Si hoc non audes paruulo mulo, aut asino cōmittere propter solam spem futuri, cur audes regimen animarū, quod mille sarcinis est multo grauius, puero propter solam futurorum spem committere? Nunquid pluris facis iumentum tuum quā animam pueri, cui tam immensum pondus imponere non reformidas? Quamuis nouitius aliquis sartor aut sutor optimam de se præbeat spem optimum aliquando artificem futurum, non tamen illi committes vt vestes aut calceos tibi conficiat, quousque talem qualem sperabas illum euasisse scias: & vis puero propter solam bonā, quam de illo habes spem, tot animarum millia cōmittere? O infelicēs animæ quæ in tantam deuenistis miseriam, vt vobis vestes & calcei præferantur. Quas Christus saluator noster tanti fecit, vt pro illis sanguinem fundere non recusauerit, nunc infra vestes & calceos à multis Pontificibus æstimatæ sunt. Sed aliam adhuc proferunt non multo meliorem excusationē, dicentes, ex Papæ dispensatione puerum institutum esse episcopum, aut alicuius beneficii curati rectorem, ac proinde omnem scrupuli occasionem esse sublatam. Qualis sit ista excusatio, aut quanti momenti, si ego dixerō mihi non credent, propterea quod talis non sum vt virgam in colubrum verterim, aut colubrum in virgam reformauerim, aut aliquid aliud simile doctrinæ meæ signum dederim. Audiant igitur beatum Bernardum, virum & miraculis clarum, &

*Bernar.*

doctr

**A** doctrina refertum, qui lib. iij. de consideratione, ad Eugenium Papam scribens, ait: Non sum tam rudis, ut ignorem vos positos dispensatores: sed in ædificatione non in destructionem. Denique quæritur inter dispensatores ut fidelis quis inueniatur. Vbi necessitas urget, pœcussabilis dispensatio est, ubi utilitas prouocat, dispensatio laudabilis est. Utilitas dico cõmunis, non propria. Nam cum nihil horum est, non planè fidelis dispensatio, sed crudelis dissipatio est. Hæc Bernardus. Et in epistola ad Theobaldum Comitẽ, quæ est in ordine cclxj. iterũ ait: Offendo proculdubio si facio quod requiritis. Nam honores & dignitates ecclesiasticas non ignoro deberi his qui eas digne aut secundum Deũ administrare & velint & possint. Porro eos acquiri paruulo filio vestro precibus meis vel vestris, nec vobis iustum, nec mihi tutum esse noueritis. Hæc Bernardus. Doctrinam autem si quis ab episcopis & aliis sacerdotibus requirat, pauci sunt qui possint debito & obligationi respondere. Nam etsi aliqui sint episcopi docti, multo tamen plures sunt adeo indocti, ut vix Latine sciant loqui, & (quod multo peius est) eorũ aliqui nec bene Latine legere nouerunt. Cuius rei nullum (ut vera loquar) in Hispania, ubi natus sum, exemplũ vidi: sed in aliis prouinciis, præsertim in illa quæ se Latinæ elocutionis parentem gloriatur. Nam in Hispania, procurate id catholico illius Rege & Christianissimo Imperatore Carolo, nullus hodie extat episcopus qui non sit vel mediocriter doctus, & multi sunt vere doctissimi. De aliorum sacerdotum ignorantia non est opus longum facere sermonem cum tam frequentes vbique sint sacerdotes indocti & prorsus ignorantes, etiam ex his qui animarum susceperunt curam, ut rarus sit & velut gemma quædam existimetur sacerdos doctus, qui animarũ curæ inseruiat. Tam multus est indoctorum sacerdotum numerus, ut iam possit ecclesiæ exprobari, quod dominus olim per Esaiam prophetam exprobrauit synagogæ dicens. Speculatores eius cæci omnes. Hi qui animarum curam tenent, speculatores populi sunt, qui pro illo (ut ait Paulus) vigilare debent, tanquam pro re de qua sunt Deo reddituri rationem. Hos tamen omnes dicit fuisse cæcos, hoc est, ignorantes. Quoniam etsi aliqui fuissent tunc docti apud Iudæos, hi tamen rarissimi erant. Quotus est nunc episcopus aut sacerdos alius

2. Cor. 10  
1. Cor. 4

Esa. 56

Hebr. 13



animarum rector, qui iuxta Pauli præceptum potens sit exhortari in sana doctrina, & eos qui contradicunt arguere? **C**  
 Quantum autem malum ex hac sacerdotum ignorantia oriatur, vel ex eo constare potest quod Christus saluator noster ait: Si cæcus cæco ducatum præstet, ambo in foueam cadunt. Et beatus Gregorius in primo capite pastoralis exponens illud psalmistæ. Obscurentur oculi eorum ne videant: & dorsum eorum semper incurua, ait: Oculi quippe sunt qui in ipsa honoris summi facie positi, prouidendi itineris curam suscipiunt, quibus hi nimirum qui subsequenter inhaerent, dorsa nominantur. Obscuratis ergo oculis dorsum flectitur: quia cum lumen scientiæ perdunt qui præeunt, profecto cuncti ad portanda peccatorum onera curuantur qui sequuntur. Hæc Gregorius. Si ad sacerdotum mores examinandos accedere volumus, plus in eis quod dānemus, quàm quod probare possimus, inueniemus. Vix enim aliquid in eis reperietur, quod non longissime distet ab his, quæ illis sunt à iure præcepta. Scio aliquos esse Episcopos & sacerdotes optimis moribus imbutos, qui iuxta humanam fragilitatem ea quæ tenentur, præstare conantur. Sed hi rarissimi sunt, & digito à populo monstrati, de quibus præsentem non facimus disputationem: sed de aliis impræsentiarum loquimur, qui ab his moribus qui sacerdotali dignitati conueniebant, longissime recesserunt: & horum maximus numerus. Quales illi interius sint, Deus nouit qui intuetur eorum corda: nos exteriora iudicamus, quæ tam mala sunt, vt nulli homini prudenti, & bene de Christiana religione sentienti, placere possint. Si ex vestibus quibus induuntur, illos iudicare oportet, multos illorum non sacerdotes neque clericos: sed prophanos seculares & milites existimabimus. Illorum iumenta tanto excessu ornantur, & tanta curiositate componuntur, vt de illis merito iam dici possit quod propheta regius de filiabus gentilium dixit: Filie illorum compositæ: & circumornatæ velut similitudo templi. Vtinam tanta illis cura esset componendi & ornandi templa, quanta illos vexat sollicitudo ornandi mulas quibus insidere debent. Tantus est à multis annis eorum in hac re luxus, vt beatus Bernardus exasperatus dixerit illis: Dicite Pontifices in fræno quid facit aurum? Adparatus mensæ illorum opulentissimus, conuiuui,

*Matt. 15**Psal. 68**Grego.**Psal. 143**Bernard.*

**A** iuua nimium excessiua, cum tamen multi pauperes quibus debitorum sunt, fame pereant. Venationibus & aucupii multi eorum inferuiunt, accipitres alunt, & canes pauperibus desertis nutriunt, quæ omnia multi seculares domini ob solum Dei timorem facere reformidant, cum tamen non laicis hominibus: sed ipsis Episcopis & sacerdotibus sint hæc iure prohibita. Ludos multi sacerdotes publice exercent, & alex frequentius quàm orationi aut lectioni student. Istorum aliqui tam viles sibi sunt, & tam paruam de sua sacerdotali dignitate æstimationem habent, vt non vereantur multi de inferioris ordinis sacerdotibus domibus propriis desertis, tabernas publicas ad cõporationes exercendas ingredi, & ibidem cum aliis de maiori vini haustu contendere, & victoriam maiorem potum ambire. De castitate illorum non est quod loquamur, cum tam aperta sit omnibus illorum incontinentia, vt si nos velimus tacere, illorum filij clament. Publicas multi ex illis in magnum Christianæ religionis dedecus retinent concubinas, a quorum amplexibus sæpe ad eucharistiæ susceptionem, nec homines nec Deum reuerentes accedunt. Et, vt nihil malitiæ aliquibus illorum desit, ad publica prostibula accedere non verentur. Tam frequens est iam sacerdotum incontinentia, & tam publica, vt si quis illorum castus esse sciatur, quamuis multa alia necessaria illi desint, ob hoc solum sanctus à populo censeatur. Hæc autem omnia vitia arguunt, illos qui talia agunt indignos esse honore sacerdotali. Nec soli seculares sacerdotes sed etiam monachi qui multo arctiori obligatione ad virtutem tenentur, à suo instituto longissime absunt. Multi enim illorum adeo à patribus à quibus instituti sunt degenerarunt, vt ferè nihil quod suæ respondeat professioni habeant, præter exteriores vestes, quibus à cæteris discernuntur. In his autem necessarium est euenire, quod Augustinus ait, nullos videlicet peiores esse quàm qui in religione defecerunt. Et re vera (vt ingenue loquar) quamuis multi ex monachis hodie sint, qui sui instituti regulam quam promiserunt, obseruent, rari tamen ex illis sunt qui non declinauerunt ab eo perfectionis culmine, in quo patres illorum fuere. Ex hac omnium sacerdotum indignitate, tanquam ex potentissima malorum causa multa mala insuper & hæreses, olim orta

& nunc, proh dolor, quotidie oriuntur & nutriuntur. C  
*Hic. 10* Nam hoc aperte nos docuit Deus per Hieremiam propheta-  
 tam, dicens: Quia stulte egerunt pastores, & dominum  
*Hiero.* non quæsierunt, propterea non intellexerunt, & omnis  
 grex eorum dispersus est. Super quem locum Hieronymus hæc quæ  
 sequuntur, ait: Per translationem pastorum  
 atque ouium, Principum culpa & dispersio populi descri-  
 bitur. Quia enim principes stulte egerunt, nec quæsierunt  
 dominum, quem toto debuerant corde perquirere, idcirco  
 & mala venientia non viderunt, siue non intellexerunt  
 dominum, & omnis multitudo Hierusalem huc illucque  
 dispersa est. Hæc Hieronymus. Et iterum eandem sententiam  
*Exec. 44* apertius per Ezechielem prophetam Deus docet sic dicens:  
*Gregor.* Facti sunt domui Israël in offendiculum iniquitatis. Quæ  
 verba exponens beatus Gregorius lib. j. pastoralis ca. ij. sic  
 ait: Nemo quippe amplius in ecclesia nocet, quàm qui per-  
 uerse agens nomen vel ordinem sanctitatis habet. Delin-  
 quentem nanque hunc nemo radarguere præsumit, & id  
 exemplum culpa vehementer extenditur, quando pro re-  
 uerentia ordinis, peccator honoratur. Hæc Gregorius.  
 Nec illorum duntaxat peccatorum quæ ad mores perti-  
 nent: sed etiam hæresum multarum fuit causa, malitia  
 & indignitas sacerdotum. Nam Husitarum hæresis ini-  
 tia, enarrans Aeneas Syluius libr. de origine Bohemorum  
*Aene.* capit. xxxv. ait: Sequebantur Ioannem Hus clerici ferè  
*Sylui.* omnes, ære alieno grauati, sceleribus ac seditionibus in-  
 signes, qui rerum nouitate euadere pœnas arbitrabantur.  
 His & nonnulli doctrina celebres iuncti erant, qui cum in  
 ecclesia consequi dignitatem non potuissent, iniquo ani-  
 mo ferebant, sacerdotia maiorum censuum his committi,  
 qui quamuis nobilitate præirent, scientia tamen videren-  
 tur inferiores. Et capi. xxxvj. referens ea quæ cum Ioanne  
 Hus & Hieronymo de Praga Bohemis, in Constantiensi  
 concilio acta sunt, ait: Steterè in proposito pertinaces Bohe-  
 morum animi, neque victi rationibus, vinci voluere. Se vera-  
 ces, se sancti euangelij æmulatores, se Christi discipulos  
 esse, Romanam ecclesiam, ceterasque per orbem dispersas,  
 longe à traditionibus apostolorum abiisse, quæ opes ac de-  
 licias sectarètur, dominatum in populos, & primos in con-  
 uiuiis accubitus exquirerent, canes, equos alerent, ecclesia-  
rum



**A**rum bona quæ Christi pauperibus deberentur, per lasciuia luxumque consumerent: aut nescire prorsus diuina mandata, aut sciētes contemnere. Hæc Bohemos dixisse, & in illis ad ignem vsque perseuerasse refert Aeneas Syluius. Ex quibus satis aperte constat, malos sacerdotum mores Husitis ansam hæresis præbuisse, qua ab obedientia Romani pontificis decesserūt. Idem hoc nostro seculo Lutheranis contingit, quorum hæreses, indignitas, & scelerata sacerdotum vita tanquam prima mater genuit, & nunc tanquam nutrix eas alit, fuouet & nutrit. Videntes enim nimiam sacerdotum multitudinem, illorū indignitatem, sceleratamque illorum vitam, in sacerdotes, & episcopos, & in Romanum, hoc est, supremum totius ecclesię Pontificem, debacchari cœperunt, & quod in personas iuste forte dicere poruissent, in ipsam sacerdotalem dignitatem, & in Hierarchios illius ordines retorserunt. Tanquam si personæ indignitas & vita quamlibet scelerata vel tantillū posset detrahare sacerdotali dignitati, aut cuius alteri potestati. Si illi recte sapuissent, pro personarum emendatione, & morum reformatione laborare debuissent, non in vniuersum pontificiam tollere dignitatē. Male quidem medetur qui iugulat. Alioqui si hæc illis sana videntur remedia, tollant eadē ratione matrimonia, quia multi coniuges fidem matrimonij non seruant. Tollant omnes rerum publicarum ministros & rectores, quia multi ex illis ministerium suum iniuste exercent. Tolant deniq; sartores, sutores, metallarios, auri fabros, latomos, & reliquos omnes artifices, propterea quod multi ex illis mille faciunt fraudes, millēque confingunt sæpe mendacia. Si has artes prorsus tollere nō licet, quamuis illarum artifices iniuste eas exerceant, multo minus decebat propter sacerdotum aut Pontificum indignitatem & quamlibet sceleratam illorum vitam, dignitatē pontificiam prorsus abrogare, præsertim cum non ab hominibus: sed à Deo illa instituta sit, ac proinde nō ex hominum arbitrio: sed ex Dei volūtate pendeat. Sed re vera odio & inuidia episcoporum, præsertim Romani Pontificis ducti, excæcati sunt vt rem non intelligerent: nec modo, etiam si veritas illis apertissime ostēdatur, intelligant. Nā si quid illis pro summi Pōtificis aut aliorū episcoporū authoritate obiicitur, cum nesciāt quid vere respondere pos-



sint, statim clamant: Videte pontificis exactiones, cōsiderate  
 te episcoporum mores. Expertus quidē loquor, & non quæ  
 ex aliorum relatu didici: sed quæ propriis oculis vidi & au-  
 ribus meis audiui refero. Et certe difficile est, nisi Deus  
 ipse custodiat, tanta sacerdotum indignitate, & tam scele-  
 rata illorum vita existente, christianam religionem esse  
 vbique integram. Nam diuina lex, & religio, verusque Dei  
 cultus, habent quaudam cum sacerdotio connexionem,  
 quæ ex Pauli testimonio facile conuinci potest, qui ait:  
 Translato sacerdotio, necesse est vt legis translatio fiat. Si  
 sacerdotium & lex non essent sibi inuicem connexa, quæ  
 obsecro esset hæc Pauli collectio, ex translatione sacerdo-  
 tij legis translationem inferre? Sed quia Paulus censuit,  
 non posse sacerdotium esse sine lege, nec legem sine sacer-  
 dotio, ita vt cuique sacerdotio sua respondeat lex, & re-  
 ligio, & cuique legi siue religioni suum conueniat sacer-  
 dotium, ideo visum est illi ex translatione sacerdotij, opti-  
 me posse colligi translationem legis. Si hæc duo tam con-  
 nexa & à se inuicem dependentia sunt, eadem ratione &  
 consequentia, ex contemptu & vili pensione sacerdotij, ne-  
 cessario sequetur legis & religionis cōtemptus. Nam apud  
 omnes orbis terrarum nationes, apud quas aliqua aut ve-  
 ra, aut falsa vnquam religio vixit, tanta fuit semper sa-  
 cerdotij dignitas, tantaque apud populum sacerdotū æsti-  
 matio & reuerentia, quanta ipsius religionis fuit dignitas,  
 æstimatio atque reuerentia: & e contrario. Non est igitur  
 mirum, si his seculis in quibus Cristianæ religionis sacer-  
 dotium est neglectum, & tam parum æstimatum, vt omni-  
 bus passim sine vllis iustis meritis cōferatur, etiam diuina  
 lex diuinusque cultus, ipsa denique tota christiana religio con-  
 temnatur, pessimumque eat. Cum igitur hanc omnium præsentis  
 seculi hæresum potissimam esse radicem constet, quisquis  
 hæresibus occurrere & illas prorsus tollere optat, summe  
 pro viribus suis laborare debet, vt hæc pessima radix euella-  
 tur, & sacerdotium suæ dignitati restituatur. Hoc autē fa-  
 cile fiet, si primū tollātur causæ, à quibus totus hic sacerdo-  
 tum contemptus est ortus. Notissimū est sacerdotum con-  
 temptum ex nimia illorum multitudine primū: deinde ex  
 ignorantia, postremo ex scelerata illorum vita, esse ortum.  
 Nimia siquidem cuiuslibet rei multitudo contemptum vi-  
 lipen

Hebr. 7

**A**lipensionemque parit:quemadmodum e contrario, cuiuslibet rei raritas pretium æstimationemque gignit. Deinde sacerdotum contemptum auxit magna illorum indignitas multis nominibus manifesta. Quoniam multi propter ætatis defectum, alij ob imprudentiam, alij ob ignorantiam, alij ob sceleratam illorum vitam omnibus manifestam, indigni sunt, qui ad tam sublimem dignitatem fuissent promoti, & inde illorum oritur contemptus. Hac igitur via sacerdotium quod iam in magnam vilitatem, magnūque contemptum abierat, facile suo pristino restituitur pretio & honori, si nullus ad illum nisi dignus promoveatur. Nullus nisi prouecta iam ætate instituatur episcopus aut sacerdos, & qui prudens sit ad tale munus obeundum, & vir doctus qui alios docere valeat, & bonus virtutisque studiosus, qui alios suo exemplo ad virtutem capefendam hortetur. Si tales sint episcopi & sacerdotes, non dubito quin reliquus populus breui ad veram christianæ religionis obseruantiam redibit. Si hæc sacerdotij reformatio fieri negligitur, necesse est vt hi quibus hoc facere incumbit, patienter ferant eiusdem sacerdotij contemptum, & per consequens legis diuinæ & christianæ religionis iacturam.

*De sexta hæresum causa quæ est sacra scripturæ  
translatio in linguam vulgarem. CAP. VI.*

**T**Ranslationem sacre scripturæ in linguam vulgarem multarum hæresum posse esse causam multarum rationibus multisque irrefragabilibus testimoniis persuadetur, & res ipsa aperte demonstrat. Vt autem hoc aperius probare valeamus, illud ante omnia statuere oportet: primam & potentissimam omnium hæresum radicem esse prauam scripturæ sacre intelligentiam. Nam quia in sacris literis contenta non iuxta catholicam fidei doctrinam: sed iuxta sensum à catholica fide longissime distantem intelligendam esse aliqui putant, ideo suas sententias quamuis catholicæ fidei repugnantes, ac si diuina essent oracula firmissime tuentur. Quia ea quæ sentiunt testimoniis sacre scripturæ munita, & roborata esse putant, & ideo tam constanti, & firmo animo ea tenent, ac reliqua, quæ vere in sacris literis continentur. Vnde Hilarius in lib. de Trinitate Hilar.

te

te ait: Extiterunt plures, qui cœlestium verborum simplici C  
tatem, non veritatis ipsius absolutionem susceperunt aliter  
interpretantes: quàm dictorum virtus postularet. De intel-  
ligentia enim hæresis, non de scriptura est, & sensus nō ser-  
mo, sit crimen. Hec Hilar. Et beatus Augustinus in lib. 83.  
*Augu.* quæstionum quæstione 69. ait: Non potest error oriri pal-  
liatus nomine christiano: nisi de scripturis non intellectis.  
Hæc ille. Si ex prava sacræ scripturæ intelligentia hæreses  
oriuntur, consequens est inde, vt vulgus indoctum sacras  
scripturas legens magnam inde sumat occasionem in va-  
rias incidendi hæreses: quoniam legit id, quod minime in-  
telligere potest. Quod autem multa sint in sacris literis,  
quæ à vulgo minime intelligi possunt: adeo est manife-  
stum, vt nulla egeret probatione, nisi Lutherus & alij eius-  
dem farinae homines qui notissima alia negare solent, hoc  
etiam negassent dicentes sacram scripturam præsertim  
nouum testamentum, esse intellectu facillimam, ita vt ab  
omnibus intelligi possit, & ob eam causam in eam lin-  
guam esse vertendam, in qua possit ab omnibus legi. Lu-  
therum tamen, & quotquot illi in hac parte fauent, pessime  
errare inde aperte conuincitur: quod multa sunt ad sa-  
cræ scripturæ intelligentiam maxime necessaria quibus D  
omnibus constat vulgus indoctum carere. Omnes enim  
scientiæ naturales, teste Augustino sunt valde necessariae  
ad veram, & exactam sacræ scripturæ intelligentiam. Nam  
(vt ille ait lib. 2. de doctrina Christiana. cap. 40.) sicut olim  
tabernaculum Dei constructum est, Deo præcipiente, ex  
*Ex. 35* auro, & argento, quod filij Israel ab Aegyptiis acceperant:  
sic modo theologiæ structura, ex gentiliis scientiis, quæ  
velut quoddam illorum argentum & aurum sunt, confur-  
git. Historiarum variarum cognitionem esse ad verum sa-  
cræ scripturæ intellectum consequendum, testatur idem  
August. qui lib. 2. de doctrina Christiana ostendit aliquos  
ob solam historiæ ignorantiam circa scripturam sacram  
etrasse. Neque ad solas res leues, & parui momenti, sed ad  
prima totius Euangelicæ fidei fundamenta stabienda, est  
historiæ cognitio necessaria. Primum enim totius Euange-  
licæ doctrinæ fundamentum est Iesum filium Mariæ vir-  
ginis fuisse Messiam in lege promissum, & à prophetis  
prædictum. Pro cuius fidei confirmatione multa ex præci-  
pui

**A** puis, quæ possunt ex sacra scriptura afferri testimonia, nequaquam possunt sine historiæ cognitione intelligi. Primum est ex lib. Geneseos, vbi Iacob benedicens filium suum Iudam hæc ait: Non auferetur sceptrum de Iuda, & dux de femore eius: donec veniat, qui mittendus est. & ipse erit expectatio gentium. Vt autem hæc aduentui Christi in carnem adaptentur, necessarium est scire ex historiis quando fuit ablatum sceptrum de Iuda, & quando defecit Dux de femore eius. Alterum est de prophetia Balam, qui postquam dixit, orituram esse stellam ex Iacob, & consurrecturam virgam de Israel, quæ percuteret Duces Moab, vt tempus, quo hæc prophetia implenda esset, designaret. Hæc dixit: Heu quis victurus est quando ista faciet Deus? Venient in trieribus de Italia, superabunt Assyrios, vastabuntque Hebræos, & ad extremum ipsi peribunt. Qui hanc prophetiam in Christo saluatore nostro impletam esse, probare voluerit, oportet vt sciat quando Romani Assyrios superauerint, vastauerintque Hebræos. Multo maior historiæ cognitio exigitur pro vera intelligentia prophetiæ Danielis de septuaginta hebdomadis abbreviatis, post quas mox vngendus erat sanctus sanctorum. Qui historiarum est prorsus ignarus, vt multi ex vulgo esse solent, nequaquam poterit has, quas diximus prophetias, Christo, de quo illæ prædictæ sunt adaptare. Deinde Augustinus lib. 2. eiusdem operis de doctrina Christiana, cap. 29. docet troporum, & figurarum cognitionem esse prorsus ad scripturarum cognitionem necessariam, quæ à grammaticis & rhetoricis petenda est. Ex huius rei ignorantia constat multas posse hæreses oriri, propterea quod figurata loquutio non agnoscitur, & creditur esse non figurata. Ex hac enim radice orta est olim in Aegypto Anthropomorphitarum hæresis, putantium Deum esse corporeum, propterea quod sæpe sacra literæ Deo membra tribuunt humana. Si enim metaphoræ vim intellexissent, non fuissent illi in talem hæresim lapsi. Et eadem ignorantia prodiit hæresis Cherinti, & aliorum docentium delicias carnis futuras esse in cœlesti beatitudine. Decepti enim sunt hi ex eo, quod Saluator apud Lucam ait: Ego dispono vobis mensam, sicut disposuit mihi pater, vt edatis, & bibatis super mensam meam in regno meo. Sunt & alia id genus multa in sacris literis,

de

Ge. 49.

Nu. 24

Dan. 9

Luc. 22



de quibus omnibus non est possibile hoc loco differere. **C**  
 Certum est plebem indoctam nescire discernere figuratas loquutiones, à non figuratis, & inde necesse est, vt in plurimos labatur errores, si eas sine vlla figura, & sine vlllo tropo intelligere velit. Multa sunt in Euangeliiis à Christo saluatore nostro, & deinde ab Apostolis in epistolis suis per hyperbolem dicta. Sæpe vtuntur Apostoli, & Euangelistæ synecdoche figura, quam qui non intellexerit, necesse est vt erret. Nam qui hanc ignorauerit necesse est, vt in tempore mortis, & resurrectionis Christi erret, putans Christum non vere dixisse se futurum in corde terræ tribus diebus, & tribus noctibus. Eadem ratione deridebit literam Exodi, vbi dicitur, virgam Moyse deuorasse virgas Magorum. Dicit enim apud se: Qui fit, vt virga, quæ nec os nec dentes, nec gulam, nec ventrem, nec denique sensum habet aliquid deuorare possit? Paulum etiam necessario dicet mendacem, qui ait spiritum sanctum postulare pro nobis gemitibus inenarrabilibus. Si spiritus sanctus gemere nequit, quomodo poterit gemitibus inenarrabilibus postulare? **D**  
 Vulgaris itaque homo illud legens, & minime intelligens, aut Paulum errasse dicet, aut male de spiritu sancto censebit, putans illum gemere, aut quomodolibet tristari. Sunt aliæ multæ, & frequentissimæ figuræ in sacris literis, pro quarum declaratione extat libellus Bedæ, qui inscribitur de schematibus, & tropis sacræ scripturæ. Sunt præterea multa in sacris codicibus, quæ minime iuxta solam literæ superficiem sunt capienda: sed iuxta mysticum sensum sub ea latentem sunt interpretanda. De his dicit Paulus:  
 Idoneos nos fecit ministros noui Testamenti, non literæ: sed spiritus: Litera enim occidit, spiritus est, qui viuificat. Si hæc omnia quis velit, iuxta literam, & non iuxta mysterium reconditum interpretari, non est dubium illum in multas hæreses labi. Talia sunt multa, quæ de Christo prophetæ prædixerunt. Tale est illud, quod Iacob Patriarcha de Christi passione prophetico spiritu prædixit: Lauabit in vino stolam suam, & in sanguine vix pallium suum. Et illud apud Esaiam. Multiplicabitur eius imperium, & pacis non erit finis: Super solium David, & super regnum eius sedebit, vt confirmet illud, & corroboret in iudicio, & iustitia amodo, & vsque in sempiternum, & regni eius non erit finis.

Mat. 12

Rom. 8

2. Cor. 3

Ge. 49  
Esaï. 9

- A** finis. Cum domus Iacob aeterna non sit: sed temporalis, dubitare quis merito poterit, quomodo Christus in illa sit regnaturus in aeternum, praesertim cum ipse Christus postea dixerit regnum suum non esse ex hoc mundo. Sunt alia multa eiusdem notae, quae si iuxta solam literam intelligantur, non est dubium multas inde nasci haereses, ut puta de regno Christi in hoc mundo, de huius regni perpetuitate. Et non est etiam dubium, quin vulgus indoctum propterea quod mysteria penetrare nescit, omnia haec putet esse iuxta nudam literam intelligenda, ob quam causam necesse est, ut in multos incidat inextricabiles errores. Rursum sapissime contingit in sacris literis subdita, sine ulla expressione, vnius personae in aliam personam mutatio, ita ut modo de Christo, qui caput est corporis mystici, loquatur scriptura, & statim sine ulla personae expressione loquatur de corpore eius, quod est ecclesia, aut de particularibus illius membris, quae sunt omnes fideles. Quae omnia si quis eidem tribuere velit, ut puta omnia capiti, aut omnia corpori, aut membris accommodare, saepe sine manifesta haeresi id facere non potest. Quia saepe ea, quae capiti conueniunt, repugnant corpori, & membris eius, & quae ceterorum membrorum sunt propria saepe non possunt capiti conuenire. Talia sunt, quae Oseas propheta de Christo loquens ait: Puer Israel, & dilexi eum, & ex Aegypto vocavi filium meum. Vocauerunt eos, sicut abierunt a facie eorum Baalim immolabant, & simulachris sacrificabant. Primam horum verborum partem de Christo esse intelligendam, testatur Matthaeus, qui illam exponit de Christo ab Aegypto in Iudaeam reuertente. Reliqua tamen quamuis sub nomine eiusdem populi Israelitici dicta sunt, non possunt Christo conuenire: sed soli corpori illius, siue vero, siue ficto, hoc est, ecclesiae permixtae quae bonos malosque intra se continet. Certum est vulgarem hominem non posse discernere diuersitatem personarum, de quibus quasi de vna illae literae contextus loquitur: sed omnia eidem personae accommodabit, praesertim in Psalmo 21. qui totus est Christo tribuendus, & ferè nulla est in illo pars, quae possedit eidem Psalmistae competere. Et Esaias propheta de Christo loquens sub nomine suo. Spiritus Domini super me, eo quod vnixerit me. Ad annunciandum mansuetis misit me,

*Oseas.**Matt. 2**Esa. 61*

ut

vt mederer contritis corde. Et alia multa ibi Eſaias nomine ſuo dicit, quæ tamen non ſibi : ſed Chriſto cõuenire poſſunt. Nã (vt Lucas refert) Chriſtus ſaluator noſter illa Eſaię verba in ſe ipſo adimpleta eſſe docuit. Vulgaris tamen homo, & idiota hæc legens, putabit illa non de Chriſto: ſed de eodem propheta, qui nomine ſuo illa dixit, eſſe intelligenda, & ſic in pernicioſiſſimas incider hæreſes. Omitto alia multa neceſſaria ad ſacrę ſcripturę intelligentiam, de quibus beatus Auguſt. in libris de doctrina Chriſtiana lōgam facit diſputationem, & ea omnia non poſſent in hoc cap. comprehendere. Quæ omnia cum populus ignoret, neceſſariū eſt, vt in mille locis erret, perperam ſcripturam ſacrā intelligens. Sunt præter hæc omnia parabolę frequētiffimę in ſacris literis, quarum intelligētia (vt beatus Thomas, & alij doctores theologi docent) nō ex prima vocum ſignificatione petenda eſt: ſed ex ſignificatiōe rerum per voces illas ſignatarum, hoc eſt, per ſimilitudinem vnius rei ad alteram. Certum eſt populum has nō poſſe adaptare ſimilitudines, & ignorare alteram præter primam vocum ſignificationē. Vnde neceſſarium eſt euenire, vt neſciat parabolas intelligere, imò vt neſciat inter parabolas, & apertas eloquiūtiōes diſtinguere. Quo fiet neceſſario; vt quæ parabolicę dicta ſint, ſimpliciter, & iuxta primam vocum ſignificationē putet eſſe intelligenda. Quæ res quot, quantãſque hæreſes gignere poſſit, prudenti lectori conſyderandum committo. Quid dicam de multis ſcripturę locis, qui ſibi inuicem repugnare vidētur, in quibus conciliandis doctiſſimo, atque diligente, & peracuto eſt opus interprete? Horum facialem contrapugnantiam cum vulgaris, & idiota legerit neſciens illa in concordiam redigere, cogetur aut mēdacium ad ſacras literas admittere, aut alterum illorum locorū à ſacris codicibus relegare, dicens illa verba non pertinere ad ſacrā ſcripturam. Quorum neutrū poteſt quis ſine manifeſta hæreſis nota efficere. Denique quia beatus Hiero. tam multas intellexit eſſe difficultates circa intelligentiam ſacrarum ſcripturarum: ideo in epiſtola quadam ad Paulinum quæ eſt de omnibus ſacrę ſcripturę libris poſt multa, quæ illic de hac re dixerat, tandem propoſitum concludens, ſic ait: Hæc à me perſtrieta ſunt breuiter (neque enim epiſtolaris anguſtia euagari longius patiebatur) vt intelligeres te in ſcrip



- A** scripturis sacris sine præiudicio, & monstrante semitâ non posse ingredi. Hęc ille. Et certe ex ipsamet scriptura sacra constat fuisse olim speciales aliquos eiusdem scripturę interpretes, quorum munus erat sacras literas interpretari. Nam Paulus *Act. 22* dicit se legem didicisse ad pedes Gamalielis, & Timotheū *2. Tim. 3* laudat, quod ab infantia literas sacras didicisset. Ex his omnibus apertissime constat, longissime Lutherum aberrasse à veritate dicentem scripturam sacram esse facillimam intellectu, ut à quouis vulgari homine possit intelligi. Non potest enim vere aliquid facile dici, ad quod assequendum multa difficilia sunt necessaria. Præterea ipsemet Lutherus velit, nolit, fateri debet se pluries deceptum fuisse interpretatione sacrarum literarum: quoniam sæpe circa fidei, & morum dogmata mutavit sententiam, nunc aliquam probans sententiâ nunc eandem reiiciens, & illius contradictoriam admittens. Idem etiâ Erasmo Roterodamo contigisse constat, qui tamen etiam cum Luthero sentit sacras literas esse in linguâ vulgare vertēdas. Hic enim sæpe sententiam suam mutavit in annotationibus super novum Testamentum, in posterioribus editionibus recantatas, quæ in priori docuerat. Consequens igitur est, ut toties uterq; istorum fateatur se fuisse deceptum, quoties ab una aliqua in oppositum, & illi repugnâtem transiit sententiam. Si scriptura sacra facillima erat intellectu (ut Lutherus, & Erasmus dicunt) interrogare illos oportet, quo pacto in re facillima erraverunt. Non credo aliud ab eis responderi posse, quàm quod sic excæcati tunc erant, ut res apertissimas videre non possent. Et sic etiam credo illos tunc excæcados fuisse quando dixerunt scripturam sacram esse adeo facilem, ut à nullo non posset intelligi. Rursum doctissimi viri sæpe circa scripturæ sacræ interpretationem errarunt, ut illorum tam multæ inter se dissonantiæ apertissimè conuincunt. Nam cum illi circa sacræ scripturæ intelligentiam pugnantes sæpe, & irreconciliabiles ferant sententias, eorum alterum errare est necesse. Si illi doctissimi viri, quos Deus introduxit in cellaria sua post longam, & diuturnam examinationem, post feruentem, & prolixam orationem errauerunt in multis, qui fieri potest, ut vulgus indoctum carni, & sanguini deditum, multisque sæpe vitiis mancipatum sine ulla examinatione passim non erret in mille? Si tam facile potest vulga-



ris homo, & idiota errare in interpretatione sacre scripturę. & ex falsa illius intelligentia (vt ex testimoniis Hilarij & Augustini supra citatis constat) hæreses oriuntur, apertissime conuincitur, translationem sacre scripturę in linguam vulgarem maximam præbere idiotis hominibus hæresum occasionem. Nam illi legētes, quæ minime intelligere possunt, pro suo arbitratu, & non iuxta regulas sanctorum doctorum, quos nunquam legerunt, scripturam sacram interpretabuntur, & sic in mille incident errores. Et pro hac re plura, quàm vellemus, habemus exempla multarū videlicet hæresum, quæ ab hominibus idiotis suscitatz sunt propterea quòd sacras literas in linguam vulgarem legerunt, & nō intellexerunt. E quibus aliquas in medium proferam, quarum testimonia satis erunt ad rem hanc comprobendam. Albigeneses hæretici surrexerunt olim tempore Innocentij Papæ huius nominis tertij, multis & nefandis impliciti erroribus. Sunt autē sic appellati: quia ex comitatu Albigeni prope Tolosam in Gallia orti sunt, qui has hæreses suscitauerunt. Hi omnes fuerunt idiotæ, & quia legebant, quæ nō intelligebant: ideo in plurimos execrandos errores lapsi sunt. Post istos paucis aliquot transactis annis surrexerunt etiam in Gallia pauperes de Lugduno, à quibus maior harum hæresum pars, quæ nunc ecclesiam oppugnant, originem traxit. Nam Valdo illorum Princeps, à quo nomen sortiti, Valdenses etiam dicti sunt, omnibus suis bonis distractis paupertatem plus iusto dilexit, & quia idiota erat aliquot libros tum sacros, tum etiam ex aliis in linguam vulgarem sibi fecit transferri, quos legens, & non intelligens in pestilentissimos lapsus est errores: quos postea Vuiclefitæ, & deinde Hulsitæ turati sunt, & nunc tandem Lutherani turantur. Post istos eodem ferè seculo Begardi, & Beguinæ homines omnes idiotæ orti sunt, quorum octo hæreses in concilio Vientiensi sub Clemente quinto damnatz sunt. Deinde succedere in Bohemia Thaboritarum, & Orehtarum, & Admirarum hæreses perniciosissimæ, quarum omnium historiam enarrat Aeneas Syluius in lib. de origine Bohemorum, dicitq; illarū authores, & tutores fuisse homines idiotas, quanquam non dicit illos habuisse literas sacras in linguam vulgarem translatas, tamen verisimile est illas habuisse: quoniā alias nō patet via quomodo homines idiotæ illas

**A** illas suscitare potuissent, aut quomodo illas iam ortas, tot homines suscepissent. Tandem Lutherambrum hæresis, etsi non fuerit ab hac causa orta, constat tamen per illam fuisse dilatam & vires maiores, ut populum perderet inde sumpsisset. Nam populus legens in sacris codicibus Germanicæ linguæ redditus, ea testimonia, quibus Lutherus suas hæreses probare contendit, facile persuasus est, ut Luthero consentiret. Deinde ex consona omnium sacrorum doctorum sententia docemur, non esse populo rudi tradenda ea mysteria alta, & profunda, quæ ille intelligere non potest, ne hac occasione labatur in errorem: sed iuxta capacitatem audientium temperandum esse sermonem. Nam Paulus Corinthiis scribens ait: Et ego fratres non potui vobis loqui quasi spiritualibus: sed quasi carnalibus. Tanquam paruulis in Christo lac vobis in potum dedi non escam: Nondum enim poteratis: sed nec nunc quidem potestis: adhuc enim carnales estis. Quæ verba interpretans Anselmus in commentariis super epistolas Pauli ait: Non enim audientium animi sunt ultra vires tradendi: sed alta quæque, & eminentia debent multis auditoribus contegi, & vix paucis aperiri, & inchoantibus quidem, vel infirmis non alta, & mystica: sed quædam quæ capere possint, prædicanda sunt, perfectis vero profunda, & mystica sunt dicenda. Hæc Anselmus. Et beatus Chrysostomus homilia 51. super Matth. ait: Sicut infantibus esca mutatur secundum ætatem, sic in populo secundum virtutem doctrina temperatur. Hæc ille: Et Origenes homilia vigesima septima super lib. Numer. ait: Sicut in nutrimentis corporis multas paulò ante dedimus differentias, ita & natura rationabilis, quæ ratione, & verbo Dei (ut diximus) pascitur, non omnis vno, atque eodem nutritur. Vnde ad similitudinem corporalis exempli est aliquibus in verbo Dei cibus lactis apertior scilicet & simplicior doctrina, ut de moralibus esse solet, quæ præberi consuevit iis, qui initia habent in diuinis studiis, & prima eruditionis rationabilis rudimenta suscipiunt. Hæc Origen. Idem etiam docet multo apertius, atque vberius beatus Gregor. in moralibus exponens illud Iob: Qui ligat aquas in nubibus suis, ut non erumpant pariter deorsum. Quæ Gregorij verba: quia superius cap. iij. huius lib. à nobis citata sunt: ideo nunc repetere non fuit opus.

1. Corin. 3

Ansel.

Chrysost.

Iob 26

Ex his omnibus testimoniis colligimus populo rudi non esse alta, & profunda mysteria prædicanda, quæ ille intelligere non potest. Et inde apertissime convincitur sacram scripturam non esse populo rudi, vt ab eo legatur tradendam. Nihil enim refert verbo, an scripto aliquid tradatur: si neutro modo illud intelligere vellet. Si populo rudi non est tradendum verbum id, quod auditum intelligere non poterit: consequens est, vt eidem populo non sit scriptura illa sacra tradenda, quam certum est illum intelligere non posse. Et certe hæc collectio, & argumentatio adeo (mea sententia) virget, vt non sit, quod vere illi responderi possit. Nullum enim potest inter verbum, & scripturam dari verum, & euidentis discrimen, per quod innotescat, malum esse, vt verbum obscurum, & difficile intellectu populo prædicetur, & e contrario bonum esse, vt scriptura obscura, & intellectu difficillima eidem populo legenda tradatur. Et hæc ratio ipsosmet lectores coget, vt si idiotæ sunt, abstineant à lectione illorum lib. sacræ scripture, quos intelligere non possunt. Nam hoc ipsum si recte illi intelligere volunt, illis præcipit beatus Petrus dicens, vt rebus intellectu facillimis sint contenti. Sicut modo geniti infantes (inquit ille) rationales, & sine dolo lac concupiscite: vt in eo crescatis in salutem. Nominis lactis claram, & intellectu facilem doctrinam siue illa verbo, siue per scripturam tradatur, significauit, & hanc solam concupiscere, rudibus, & incipientibus præcepit Petrus, vt per illam crescere possint ad salutem. Vt enim doctrina aliqua nomine lactis significetur, nihil refert, an illa scripta sit, an prolata: sed hoc solum considerandum est, an illa sit facilis, an difficilis intellectu. Sacra igitur scriptura in illis locis, vbi difficulter intelligitur, non lac: sed solidus cibus censeretur, & inde sequitur, vt idiotæ, qui illam legere contendunt, contra præceptum beati Petri agant, qui præcipit illis, vt sint lacte contenti, & fortiores non appetant cibos. Nam dicens illis, vt lac concupiscant, hoc ipso videtur illis præcipere, vt ab aliis solidis cibis abstineant, quod iam (vt Paulus ait) Omnis, qui lactis est particeps, expertus est sermonis iustitiæ: paruulus enim est. Perfectorum autem est solidus cibus eorum: qui pro habitu, & consuetudine exercitatos habent sensus ad discretionem boni, & mali. Quæ Pauli verba de lectione librorum sacræ scriptæ

1. Pet. 2

Hebr. 5



A scripturæ esse intelligenda, docet Theophylactus, qui illa in commentariis super Paulum exponens hæc ait: Vt enim est moribus quisque & habitu stabilitus, sic & animi sensus *Theophil.* habet in sacris literis exercitatos, ita, vt dogmatum celsitudinem queat, & humilitatem discernere, & sana à corruptis diiudicare. Non enim de vita hoc loco differit. Nam bona discernere quisque valet, nouitque malum esse nequitiam, probam vero virtutem. Aduerte autem quemadmodum exercitatione, & experientia scripturarum sit opus, si nobis, quæ hæresim sapiant & quæ minus, sunt differenda. Neque enim omnibus adhibendæ sunt aures, guttur enim cibos degustat: anima vero probat sermones. Hæc Theophylactus. Est adhuc aliud in verbis Petri consyderatione dignum, vbi causam reddens propter quam imperfecti, & infirmi debent sicut modo geniti infantes lac concupiscere. Vt in eo crescatis (inquit ille) in salutem. Quibus verbis aperte innuit, solidum cibum non in salutem: sed in ægritudinem modo genitis infantibus dari. Ex quibus aperte conuincitur, eos, qui sacram scripturam in linguam vulgarem translatam populo rudi legendam tradunt, non prospicere saluti animarum populi: sed illarum potius ægritudinem procurare. Quia tradunt illis cibum, qui illarum exuperat vires. Accedit ad hæc omnia, quædam ecclesiæ prohibitio qua laicis hominibus interdicitur, ne de fide catholica quomodolibet disputare audeant: Nam in capit. Quicumque. §. inhibemus: de hæreticis. libro vj. Alexander Papa sub excommunicationis pœna prohibet omnibus laicis personis ne publice, aut priuatim de fide catholica disputare audeant. Et merito quidem hoc inhibuit summus Pontifex: quia perpendit quanti periculi res sit talem disputationem laicis personis sine vlllo discrimine permittere. Nam licet sint aliqui laici viri docti, qui bene, & sine fidei periculo possint cum hæreticis disputare, iura tamen, & decreta nunquam de his, quæ raro contingunt: sed semper de his quæ frequentius eueniunt, disponunt. Raro autem contingit, vt vtriusque laici sint de altioribus fidei mysteriis plene edocti, & ad disputandum de illis diserti, & ideo ne laici indocti in disputatione succumbentes sibi ruinæ occasionem assumerent, aut aliis audientibus præberent: merito illis omnibus fuit talis disputatio



**A** omnibus legenda tradatur nemo est, qui dubitet. Nihil enim est, quod magis alicuius rei præcium, & æstimationem augeat, quàm illius raritas, & occultatio, & nihil e contrario magis illa omnia minuit, quàm eiusdem rei multitudo & nimia illius manifestatio. Et hæc est causa (vt omnes sacri doctores docent) propter quas Deus veteris legis ceremonialia mysteria occulta populo esse voluit, & non passim omnibus manifestari, ne ex facili eorum conspectu omnibus vilescerent. Nam ea, quæ in tabernaculo fœderis erant, cum castra mouebantur ab Aaron, & ab his, qui in tabernaculo seruebant, inuoluebantur, nec videbantur à populo, nec ab his etiam, qui in propriis humeris deferebant. Obuelandi necessitas tunc erat non modica, metus videlicet mortis. Si tanta reuerentia tunc est adhibita umbræ, multo magis eam decet exhibere corpori, vt sacra scriptura, in qua multo apertius, quàm illis ceremoniis nostræ fidei secretiora mysteria continentur, non passim toti populo legenda tradatur. Alioqui ipsa scriptura quæ esset in nimis pretio ab omnibus habenda, cito erit in contemptum, & vilipendium. Propter hanc causam Greg. septimus huius nominis pontifex scribens Vratislao Bohemorum duci (tunc enim Bohemia non Regem, vt nunc: sed Ducem habebat) in quadam epistola, quæ est in lib. vj. epistolarum suarum, noluit illi cedere, vt diuinum officium posset in lingua sclauonica celebrari. Sic enim post aliqua præfatus Grego. in illa epistola ait: Quia vero nobilitas tua postulauit, quo secundum sclauonicam linguam apud vos diuinum celebrare annueremus officium, scias nos huic petitioni tuæ nequaquam posse fauere. Ex hoc nempe sæpe volentibus liquet, non immerito sacræ scripturam omnipotenti Deo placuisse quibusdam locis esse occultam, ne si ad liquidum cunctis pateret, forte vilesceret, & subiaceret despectui, aut prauè intellecta à mediocribus in errorem induceret. Neque enim ad excusationem iuuat, quòd quidam religiosi viri hoc, quod simpliciter populus quærit, patienter tulerunt, seu incorrectum dimiserunt, cum primitiua ecclesia multa dissimulauerit, quæ à sanctis patribus post modum firmata charitate, & religione crescente subtili examinatione correctæ sunt. Vnde ne id fiat, quòd à vestris imprudenter exposcitur auctoritate beati Petri inhibemus, utque ad honorem omni-

Num. 4

Grego. 7



**A** inter perfectos: inter vos autem nihil iudicaui me scire, nisi Iesum Christum & hunc crucifixum. Tanta est enim diuine scripturæ profunditas, vt non solum simplices & illiterati sed etiam prudentes & docti non plene sufficiant ad ipsius intelligentiam indagandam. Propter quod dicit scriptura.

*Quia multi defecerunt scrutantes scrutinium. Vnde recte* *Psal. 63*

fuit olim in lege diuina statutum, vt bestia quæ montem tetigisset, lapidaretur, ne videlicet simplex aliquis & indoctus præsumat ad sublimitatem sacræ scripturæ pertingere, vel eam aliis prædicare. Scriptum est enim. Altiora te ne quæsieris. Propter quod dicit apostolus: Non plus sapere

*Ecl. 3*

*Rom. 12*

quàm oportet sapere: sed sapere ad sobrietatem. Hætenus Innocentius tertius. Qui apertissime docet non esse

laicis & idiotis plus de scriptura sacra tradendum quàm illi possint intelligere. Denique cum Erasmo Rotherodamus contrarium huic sententiæ sæpe docuisset, facultas theologiæ vniuersitatis Parisiensis illum in hac parte errasse per publicas censuras declarauit. Erasmus siquidem in quadam præfatione super Matthæum dicit hæc verba: Sacras litteras cuiquam in omnes verti linguas. De qua asser-

**B** tione vniuersitas Parisiensis suam dedit censuram per hæc verba. Quamuis in quamcunq; linguam vertantur sacræ litteræ suapte natura sanctæ sint & bonæ, quanti tamen sit periculi permittere passim lectionem earum in linguam vulgarem traductarum absq; vlla explicatione idiotis & simplicibus eis abutentibus, nec eas pie & humiliter legentibus, quales plurimi nunc reperiuntur, satis indicarunt Valdenses, Albigeneses, Turrelupini, qui inde occasione sumpta multos errores disseminauerunt. Quare hac tempestate perfecta hominum malitia, periculosa, ac perniciosa existit huiusmodi traductio, loquendo de omnibus scripturæ libris indifferenter. Nec sicubi paucis esset utilis, propterea temere esset omnibus permittenda. In re nanque ad salutem non necessaria, potius consulendum est multorum profectui ipsam interdicens, quàm paucorum utilitati eam permittendo cum graui multitudinis incommodo. Vnde & iure damnata est huiusmodi trāslatio. Hætenus censura Parisiensis: Deinde in eadem præfatione in Matthæum, hanc addidit propositionē Erasmus. Exclamant indignum facinus si mulier vel corarius loquatur de sacris literis.

De hac etiam propositione suam dedit censuram vniuersitas Parisiensis, sic dicens: Recte perpenſa multorum huius temporis impudenti temeritate, indignum facinus existimandum est, quod idiotæ & simplices suo iudicio sacras literas legant in suam linguam conuerſas, & de illis diſſerant, aut diſceptantes de earum facultatibus tractent. Nec tamen prohibetur per hoc eis conferre inter se de iis quæ in cõcionibus publicis audierunt ad morum correctionem, & ad compunctionis & deuotionis excitationem: vt magis ac magis in ipsis charitas accrescat, humilitas ſolideatur, atq; opera carnis mortificentur. Hactenus censura vniuersitatis Parisiensis: Scio tamen nonnullos eſſe qui ſibi plus iusto arrogantes, has Parisienſes cenſuras ſubſannent dicentes, articuli Parisienſes nõ tranſeunt montes. Quibus verbis hoc dicere volunt ſe non eſſe addictos cenſuræ Parisienſi, quin liberum ſit illis aliter quàm illi cenſuerunt ſentire. Fateor quidem nos non iuraſſe in verba vniuersitatis Parisienſis atq; ſub gehennæ pœna ad ſuſcipienda illius decreta minime eſſe obligatos: hoc tamen non diſſiteor, quod etiam nullus ſanæ mentis negare poterit, multo pluris æſtimandam eſſe illius vniuersitatis ſententiam ad quã ferè centum cõuenere ſacræ theologiæ doctores, qui rem plene (vt decebat) longa & exacta diſcuſſione examinarũt, quàm alterius cuiusuis doctiſſimi hominis de eadẽ re iudicium. Et ob hanc cauſam prudenter quenq; facturum cenſeo, illorum in hac parte amplecti ſententiam quàm tot viris doctiſſimis ſpretis, ſuæ tantum velle inniti prudentiæ.

*Reſpondetur obiectionibus quæ ſunt ab ijs qui contendunt ſacram ſcripturam eſſe in linguam vulgarem tranſferendam.*

C A P. VII.

**Q**Vi ſententiam aliquam tutari, & illam firmo veritatis robore conſtantiſſimam eſſe, aliis palam facere cupit, non tatis eſt illi rationes aliquot quibus illam perſuadeat proferre: ſed opus eſt vt etiam his quæ contra illam obijciuntur reſpondeat. Quod ſi recte (vt oportet) fecerit, tanto fortius veritatem ſententiæ quã tuetur confirmabit, quanto ex quæ contra illam obijciuntur nullius prorsus roboris eſſe apertius oſtenderit. Vix enim eſt aliqua tantũ certa & aperta



- A** aperta veritas de his quæ ad fidem aut mores spectant, cui hostes desint qui illam multis variisque argumentationibus oppugnare conentur. Nam pater ille mendacij, qui (vt *Ioan. 8* saluator noster ait) in veritate non stetit: sed ab humanæ conditionis initio mendax fuit, tam exosam habuit veritatem, & bello irreconciliabili adeo illam insectatur, vt semper milites contra illam perquirat & variis illos argumentationibus armet, quibus illi veritatem oppugnare possint. Hoc enim, & aliis in rebus & in hac de qua in præcedenti capitulo disseruimus, ipsa experientia docente verum esse cognoscimus. Nam etsi re ipsa compertum sit malum esse sacram scripturam in linguam vulgarem transferri, vt à populo rudi possit sine vlllo discrimine legi, nō desunt tamen etiam Christiani & catholici viri qui hoc bonum esse contendunt & varias pro hac re proferant rationes quibus Lutheri, Erasmiq; in hac parte sententiā persuadere conentur. Quibus omnibus sigillatim respondere decreui vt ostensa illarum omnium debilitate, vel inde nostræ sententiæ veritas clarior & firmior appareat. Primo quidam obiiciūt nobis defectum pabuli spiritualis, hoc est verbi Dei quem totus populus Christianus non sine magno suo incommodo patitur. Nam pastores animarum quibus Deus præcepit vt oues suas scientia & doctrina pascant, aut docere nesciunt, aut id facere negligunt. Cum igitur pastores tam desides sint vt oues, hoc est, animas, suæ curæ commissas verbo Dei pascere contemnunt, necessarium aut saltem expediens esse videtur aliquibus, sacram scripturam in linguam vulgarem traductam populo præberi, vt in ea populus legens cibum animæ suæ capiat ne ille inedia pereat, aut summe periclitetur. Huic obiectioni nos respondemus fatentes pessimam esse pastorum in hac parte negligentiam qui oues, hoc est, animas illis commissas tam segniter curant, vt balantes & pabulum verbi Dei petentes negligant: & quamuis illas fame perire intelligant, nequaquam illarum miseræ necessitati compatiantur. Nam & hanc pastorum desidiam supra cap. ij. huius libri ostendimus: & quantum in nobis fuit super illarum miseria dolumus. Huic igitur tantæ verbi Dei penuriæ subuenire oportet, non tamen ideo dandus est omnibus omnis cibus: sed ille solus qui est cuiq; necessarius, & qui nullum poterit sumentis damnum inferre: sed potius
- contra

contra poterit illum ad vitam spiritualem nutriendam & fouendam iuuare. Nam (vt ex his, quæ proxime præce. cap. ex Origene & Chrysostomo & Anselmo citauimus, constat) iuxta qualitatem eorum qui sunt docendi temperanda est doctrina, siue vlla verbo siue scripto tradatur. Sicut enim infanti quantumlibet esurienti non est tradendus cibus durus quem ille cōminuere non possit, aut fortis quem virtute sua digerere non valeat, ita non sunt auditores aut lectores supra vires instruendi: sed illa tantum sunt illis tradenda quæ capere & intelligere possunt. Ob quam causam ego bonam esse existimo vt in qualibet orbis Christiani prouincia aliquis haberetur in lingua vulgari illius prouinciæ catholicismus, qui breui quadā & aperta methodo optime explicaret omnia quæ ad fidem catholicā & mores Christianos pertinent, vt inde populus vel lectione sua disceret ea quæ sunt illi ad vitam æternā assequendam necessaria. Nec indignum facinus esse censerem, si etiam populo in lingua vulgari traderetur illæ Euangeliorum partes quæ per anni circulum dominicis diebus & aliis festis sancta mater ecclesia in missarū sacrificiis dicenda proponit. Hac tamen conditione, hoc licitum esse puto, vt Euangeliorum illorum in linguam vulgare translatione sit prius per viros doctos & catholicos recte (vt decet) ad vltimū vsque verbum examinata, ne ex praua traductione aliquis possit legentibus subreperere error. Nam multos scio in variis prouinciis seminatorum errores ex literis sacris perperam & infideliter in linguam vulgarem versis. Deinde hæc ipsa Euangelia nō sunt illis nuda tradenda: sed adhibere illis oportet aliquam breuem & claram expositionē quæ nodos Euangeliorum si qui occurrerint dissoluat, & locos obscuros fideliter & apertissime explicet, vt omnis dubitatio quæ idiotæ lectori ex litera suboriri possit per illam expositionem tollatur. In rebus apertis & quæ ad mores cōducere possunt prout libuerit, spatietur & excurrat: in rebus vero difficilibus & minime necessariis breuiter & succincte agat. Et hæc satis erunt, vt populus inde pasci possit, & scire ea, quæ ad vitam æternam assequendam sunt necessaria. De epistolis vero Pauli apostoli non idem mihi licere videtur: quoniam (vt beatus

*1. Petr. 3* Petrus ait) multa sunt in illis intellectu difficilia. De Apocalypsi vero Ioannis apostoli, non video quo pacto possit in linguam

**A** linguam vulgarem translata populo tradi, cum viri doctissimi circa illius intelligentiam sæpe ob illius occulta mysteria hallucinentur. Testamentum autem vetus constantissime assero non esse in linguâ vulgarem transferendum ut populo rudi legēdum tradatur: quia hæc ipsa traditio nulli populi necessitati: sed soli illius curiositati deferuire potest. Nam ea quæ ad fidem & mores spectant, & ad beatitudinem adipiscendam sunt necessaria, multo apertius & vberius sunt in nouo testamento expressa quàm in veteri, reliqua vero quæ ad iudicia & ceremonias in illa veteri lege pertinebāt, omnia sunt per Christi mortem abrogata. Quo fit ut veteris testamēti lectio populo rudi & idiota ad nullam possit seruire necessitatem: sed ad solam curiositatem. Ex qua lectione cum multarum possit populus hæresum occasionem sumere, legens id quod minime intelligere valet, merito dicimus hanc ipsam veteris testamēti lectionem non esse populo rudi permittendam, præsertim cum non sit illi ad vitam æternam assequendam necessaria.

Secundo sic argumentantur, ut probent sacras literas in linguâ vulgarem esse tradendas. Sacra scriptura toti populo prædicatur, pari igitur ratione poterit illi tradi legenda. **B** Nam parū refert an verbo an scripto illa populo tradatur. Huic argumentationi facillime respondere quisq; poterit per ea quæ in responsione ad proxime præcedentē obiectionem diximus. Et ut clarius pateat quàm parū hæc argumentatio vrgeat, in eos ipsos, qui illam cōtra nos mouent, retorquere illam decreui. Scriptura sacra pro ea tantum parte licite potest in linguâ vulgarem transferri, ut populo legenda tradatur, quæ licite posset eidem populo verbo prædicari. Non sunt autem omnia quæ in sacra scriptura cōtinentur, populo rudi prædicanda ut testimoniis Origenis, Chrysostomi, Gregorij, Anselmi præcedenti capitulo probauimus. Et inde euidentissime colligitur nō omnia quæ in sacra scriptura continentur esse in linguâ vulgarem transferenda, ut populo rudi sine vlllo discrimine legēda tradantur.

Tertio nobis obiiciunt sacrarum literarum bonitatem, quæ (ut illi sentiunt) aperte conuincit literas ipsas non esse populo denegandas. Iniustum enim est (ut illi aiunt) ea quæ bona sunt in vniuersum populo denegare. Huic obiectioni nos respondemus multa esse quæ absolute & in se confide-

C
 rata bona & vtilia sunt, quæ tamen ad vnum aliquem particularem relata, illi non bona: sed mala, nõ commoda: sed incommoda esse noscuntur. Bonum quidem est homicidas, sicarios, adulteros, fures, maleficos, & reliquos id genus homines punire. At homini priuato qui gladij potestatem non habet, non est bonum huiusmodi homines quamuis sceleratissimos punire. Homo enim priuatus non est Dei minister vindex in iram ei, qui malum agit: & ideo nec occidendi nec alio modo puniendi potestatem habet. Omnis enim potestas (vt ait Paulus) à Deo est, vnde sequitur vt potestas quæ à Deo non est tyrannis potius quàm potestas dicenda sit. Priuato igitur homini & hac potestate carenti qui sceleratum hominem puniret, merito dici posset id quod Paulus ait: Tu quis es qui iudicas seruum alienum? Multi etiam sunt cibi optimi & corporis naturæ maxime conuenientes, vt sunt capones, perdices, vituli, hœdi, arietes, qui tamen infantibus nondum ablactatis boni non sunt, propterea quod virtus puerorum tenuis illos concoquere non valet. Bonus quidem est gladius propter multas bonas operationes suas quibus humanæ seruit naturæ, præsertim in diuisione earum rerum quibus homo vesci solet, quæ sine gladio vix diuidi possunt, vt sint esui apta. Est etiã gladius ad punitionem malorum bonus. Nam ob hanc causam dicit Paulus non sine causa gladium portat. Non tamen est huiusmodi gladius pueris bonus, propterea quod illi nescientes illo vti sibi ipsis facile nocere possunt, nec est etiam dementibus & furiosis bonus, quia illi furia agitati multis per gladium mortem inferre possunt. Ad hunc modum de sacris literis dicendum esse censeo. Nam & si illæ in quancunque linguam vertantur, bonæ & sanctæ sint, hominibus tamẽ idiotis, & rudibus & qui malis moribus sunt imbuti bonæ non sunt, quia cum multa in illis sint intellectu difficillima, certum est illas non posse à talibus hominibus intelligi: sed quisque illorum iuxta id quod diligit intellectu obediente voluntati, sacras interpretabitur scripturas, & iuxta illum sensum intelligendas esse pertinacissime contendet. Sicut gladius in manu pueri aut furiosi, ita sacræ literæ in manibus hominis idiotæ præsertim male morigerati mihi esse videntur.

D
 Quarto loco nobis obiciunt multorum bonorum hominum



**A**miuum profectum, qui sacras literas in linguam vulgarem versas legentes, non modicam inde vtilitatem hauerunt, quotidie in melius per illas ad salutem animæ proficientes. Quod cum re ipsa compertum sit, vnde colligere volunt, vt propter illos qui scripturis sacris abutuntur, bonis & humilibus qui ex illis proficere possent, non sint illæ prorsus denegandæ: sed potius econtrario ne tollatur bonorum profectus, expedit eas omnibus cōcedere. Hæc argumentatio nullius prorsus est roboris, & ex mera procedit ignorantia. Nam vt argumentatio illa alicuius esset momenti, hoc oportebat prius assumere, quod in omnibus rebus sine vilo prorsus illarum discrimine semper aliquorum paucorum profectus sit potius inspiciendus, quàm vt euitetur aliorum multorum incōmodum. Alioqui enim si hæc vniuersalis propositio ab illa argumentatione tollatur, nihil per illam colligi poterit. Hęc autē vniuersalis propositio quantum à veritate absit, nemo est qui non videat. Quoniam etsi res ad salutem animæ necessarias nullus omittere debeat, vt euitet per hoc aliorum multorū damnum, tamen ex concordī omnium theologorum sententia, res quæ ad salutem animæ non sunt necessariae, quisq; tenetur omittere vt per hoc euitet damnū spirituale quod illæ aliis inferre possent. Nam Alexander de Ales in ij. parte suæ summæ theologicæ quæst. clxxxix. membro vj. dicit omnem hominem esse obligatum ad dimittendum quancunq; rem quantumlibet bonam si nō est ad salutem animæ suæ necessaria, vt euitet scandalum quod proueniet in proximo ex illius infirmitate, aut ignorantia. Idem docet beatus Thomas secunda secundæ quæstione quadragesima tertia, articulo vij. Eidem sententiæ subscribit Richardus de media villa in quarto sententiarum distinct. xxxvii. articulo x. Videamus igitur an sit cuiusq; vulgari & priuato homini res ad salutem animæ eius necessaria legere sacras literas. Nullum puto esse adeo insipientem, vt hanc necessitatem omnibus imponere velit, Nam sic sentiens omnes rusticos & omnes qui prorsus literas ignorāt damnaret. Si res hæc nō est sic omnibus necessaria: ergo quilibet homo bonus, ex plebe quāuis magnū ex traductione sacrarū literarū in linguam vulgare profectum hauriret, tenetur velle vt sacræ literæ in linguam vulgarem non transferantur, & ab illarum lectione abstinere, si conspici-

spicit alios multos ex illarum translatione & lectione scan- C  
 dalum animarum suarum sumere. Si quisq; in re hac salu-  
 tem animæ suæ non necessaria tenetur suum postponere  
 profectum, vt per hoc euitet spirituale proximi nocumen-  
 tum, aperte colligitur inde, vt is cui totius populi modera-  
 tio incumbit, possit iuste imò teneatur impedire parti-  
 cularem aliquorum profectum talem traductionem in lin-  
 guam vulgarem prohibendo, vt per talem prohibitionem  
 euitet spirituale nocumentum quod multis aliis ex tali  
 translatione prouenire posset. Deinde considerandum est  
 etiam quod multorum commodum semper est præfere-  
 dum paucorum vtilitati. Constat autem multo plures esse  
 illos quibus translatio sacræ scripturæ in linguâ vulgarem  
 nocere potest, quàm sint illi qui ex ea proficiunt. Stultorum  
 siquidem multo maior est numerus quàm prudentium, &  
 peccatorum etiâ maior numerus quàm iustorum. Conse-  
 quens igitur est vt potius consulendum sit multorû com-  
 modis huiusmodi traductionē sacræ scripturæ in linguam  
 vulgarem prohibēdo, quàm paucorû profectui eam omni-  
 bus sine vlllo discrimine cum multorum incommodo per-  
 mittendo. Quinto loco obiiciunt hæreticorum multitudi- D  
 nem intra ecclesiam nunc existentium qui viros catholicos &  
 fideles quotidie variis rationibus oppugnant, & viros sim-  
 plices & idiotas diuersis argumētationibus fallacissimisq;  
 suasionibus ad se trahere nituntur. Ex quo loco hi qui par-  
 tem oppositâ tuentur, colligere volunt, vt saltem hoc mise-  
 ro tempore in quo tanta est hæreticorû inundatio, bonum  
 sit imò necessarium sacram scripturam in linguam vulga-  
 rem vertere, vt populus ipsas literas legens inde discat quid  
 hæreticis respondere possit. Hæc argumentatio tam pa-  
 rum nos vrget, vt fortius nos contra eos illam retorquere  
 possimus his verbis. Non est bonum vt populus habeat  
 scripturam sacram in linguam vulgarem translatam ne in  
 illa legens arma indeumat quibus possit cum hæreticis  
 de fide certare. Nam (vt proxime præcedenti cap. diximus)  
 huiusmodi disputatio est laicis & vulgaribus hominibus à  
 iure interdicta in cap. Quicunque. §. Inhib. de hæretic. libro  
 sexto. Si illis disputatio de fide interdicitur, iustum est vt  
 non permittatur illis id quod maxime poterit disputatio  
 nis occasionem præbere. Ne igitur totus sine discrimine  
 populus

- A** populus cum hæreticis possit de fide certare, necessarium est vt sacra scriptura ex qua disputationis arma sumenda sunt, ab illo prorsus tollatur. Sexto & vltimo loco contra nos sic argumentantur. Scriptura sacra olim fuit tradita in lingua vulgari. Nam linguam hebræam in qua testamentum vetus conditum est, omnis populus Hebræus cui soli lex illa data est, optime intelligebat: quoniam lingua illa erat qua totus ille populus tunc utebatur. Lingua etiã Græca, in qua totum testamentum nouum, præter Euangelium Matthæi & epistolam ad Hebræos scriptum est, vulgaris tunc erat, quippe quam omnes ex vulgo intelligebant. Si tunc in eis linguis sacræ literæ traditæ sunt, in quibus ab omni populo possent legi & intelligi, videtur iis qui oppositam partem tuentur, inde euidenter colligi, iustū esse imò necessarium vt cuique populo in ea lingua sacræ literæ tradantur in qua possit illas legere & intelligere. Hanc argumentationem tanti faciunt nostri aduersarij, vt per illam solam de nobis se triumphare putent. Sed nos Deo adiutore ostendemus illam nihilo plus roboris habere quàm reliquæ omnes illorum argumentationes. Si hæc argumentatio aliquam vim haberet, eodem argumentationis modo probaretur non esse lege naturæ prohibitum vt aliquis sororem suam sibi matrimonio copularet. Nam cum genus humanum à Deo conditum est, tale ab illo factum est, vt viri sorores suas in coniuges acciperent. Cain enim sororem suam in coniugem accepit. Si in tali statu à Deo conditum est genus humanum, in quo illi hoc non solum licebat, sed facere fuit necessarium: ergo idem etiam nunc hominibus licebit, præsertim his qui non sunt ad leges ecclesie adstricti, vt sunt Pagani, & Sarraceni, & Iudæi. His enim omnia illa matrimonia sunt licita quæ lege naturæ non sunt prohibita. Si quis autem concedat tale matrimonium fratris cum sorore esse legitimum inter Paganos, oportebit illum fateri, vt si aliquis Paganus qui cum sorore sua matrimonium contraxerat, ad fidem catholicam converteretur non sit ab eadem sorore per matrimonij dissolutionem postea separandus. Quoniam matrimonium quod semel legitimo fœdere fuit contractum, non potest ab ecclesia dissolui. Nam ipse Deus hoc illi prohibuit dicens: Quos Deus coniungit, homo non separet. Ecclesia tamen

*Matt. 19*



huiusmodi matrimonia ante baptismum contracta, postea C  
 baptismo suscepto dissoluenda esse censet, vt patet in cap.  
 Gaudemus. de diuortiis. In illo enim cap. Pontifex decer-  
 nit vt infideles ad fidem catholicam conuersi in solis illis  
 matrimoniis manere permittatur, quæ in secundo aut ter-  
 tio gradu ante conuersionem suam illi contraxerant. Si  
 quis autem quærat quare matrimonium fratris cum sore-  
 re sit nunc, omni lege humana seclusa detestabile, quod  
 tamen olim quando Deus genus humanum instituit, fuit  
 licitum: huic quæstioni respondet beatus Augustinus, libr.  
 xv. de ciuitate Dei, cap. xvj. sic inquit: Cum genus huma-  
 num post primam copulam viri facti ex puluere, & coniu-  
 gis eius ex viri latere, marium foeminarumq; coniunctio-  
 ne opus haberet, vt gignendo multiplicaretur, nec essent  
 vlli homines, nisi qui ex illis duobus nati fuissent, viri so-  
 rores suas coniuges acceperunt. Quod profecto quanto est  
 antiquius compellente necessitate, tanto postea factum est  
 damnabilius religione prohibente. Et paucis interiectis  
 per quæ docet, alias à sororibus accipiendas esse vxores,  
 postea subdit. Sed vnde hoc fieret tunc non erat, quando ni-  
 si fratres & sorores ex illis duobus primis, nulli homines D  
 erant. Fieri ergo debuit quando potuit, vt existente copia  
 vnde ducerent vxores quæ non erant iam sorores, & non  
 solum illud vt fieret nulla necessitas esset, verum etiam si  
 fieret nefas esset. Hæc August. Ad eundem modum nos  
 etiam respondemus superiori argumentationi nobis obie-  
 ctæ, pro trāslatione sacre scripturæ in linguam vulgarem.  
 Quando sacra scriptura condita fuit, in lingua vulgari fuit  
 tradita: quia non erat tunc alia lingua in populo illo in qua  
 tradi posset. Nam et si post constructionem turris Babylo-  
 nis, linguæ fuerint iuxta diuersitatem prouinciarum diui-  
 sæ, non tamen fuit in eodem populo diuersitas linguarum,  
 ita vt altera esset vulgaris quam totus populus intelli-  
 geret, & qua totus populus vteretur, altera esset quam soli vi-  
 ri docti intelligerent. Hæc enim lingua Latina, quæ nunc  
 arte à paucis discitur (vt doctorum virorum concurs tenet  
 sententia) olim toti populo Romano erat communis, nec  
 alia tunc populus ille utebatur. Sed quia populus ille variis  
 imperauit prouinciis, quibus omnibus suam curauit trade-  
 re linguam, & variæ etiam nationes Italiani postea occupa-  
 runt:



**A** runt: ex haram miftione linguarum, illa Romanæ linguæ puritas & proprietas paulatim corrumpi cœpit, & ex tali corruptione diuerfæ emerferunt apud Latinos populos lingua: quæ omnes ab illa antiqua lingua Latina quæ olim erat populo communis, & nunc arte difcitur, longiffime diftant. Idem etiam contigit populis Græcis, quibus omnibus olim notus erat ille Græcanicus fermo, qui nunc arte à paucis difcitur, à quo longe diftat fermo ille quo nunc Græcorum populi vtuntur. Tunc igitur datum fuit testamentum nouum in lingua vulgari, quia nulla erat tunc in eodem populo linguarum diftinctio, ita vt altera toti populo effet communis, altera folis viris doctis effet nota. Sacram ergo fcripturam tradi in lingua vulgari (vt Auguftinus de matrimonio inter fratres contracto dicit) quanto eft antiquius neceffitate compellente, tanto pofttea factum eft damnabilius, experientia ipfa docente. Si quis autem obiiciat Deum potuiffe tunc aliam condere linguam, quæ folis viris doctis effet nota, in qua facram traderet fcripturam, vt non effet toti populo communis, fateor Deum hoc potuiffe: fed cur non fecerit, non eft noftrum inquirere.

**B** Nam alias idem etiam poffet obiici contra Auguftini fententiam de matrimonio fratris cum fore, quod ille olim neceffitate cogente licitum effe dixit: cum tamen illud modo dicat effe damnatum. Poterat enim Deus à principio alium marem & aliam fœminam procreare præter Adam & Euam, qui filios generarent quos filiæ Adam acciperent maritos, & filias quas filij Adam acciperent vxores. Quo facto nulla fratres compelleret neceffitas vt fiores fuas acciperent vxores. Quis tamen de hac re Deum reprehendere audebit, aut illum interrogare cur ita fecerit? Iuftius quidem eft vt humiliter & reuerenter quifq; fateatur ignorantiam fuam, & dicat cum propheta, iudicia Dei effe abyffum multam. Sed hac dimiffa præfatæ argumentationis principalis refponfione, aliter adhuc eidem argumentationi refpondere decreui: vt vel inde palam omnibus fiat debiliffimam effe argumentationem illam per quam aduerfarij noftri de nobis triumphare fe putant. Fateor fcripturam facram in ea lingua primum conditam effe quæ tunc erat vulgaris & materna. Ipfâ tamen fcriptura non omnibus patebat, vt ab omnibus fine vllo difcrimine legi poffet:

*Pfal. 35*

*Dente. 31*

sed soli sacerdotes & legisperiti eam apud se tenebāt. Nam C  
 (vt habetur in Deuteronomio) postquam scripsit Moyses  
 verba legis in volumine atque compleuit, praecepit leuitis  
 qui portabant arcam fœderis domini dicens: Tollite librū  
 fœderis & ponite eum in latere arcæ fœderis domini Dei  
 vestri: vt sit ibi contra te in testimonium. Et certe non est  
 credendum literas sacras esse tunc omnibus tam commu-  
 nes vt modo sunt, quod vel ex eo facile cōuinci potest quod  
 in quarto libro Regum, tempore Iosiae Regis contigisse sa-  
 era narrat historia. Nam vigesimo secundo illius libri ca-  
 pite refertur, Helchiam sacerdotem inuenisse librum legis  
 in domo Domini, quē per Saphan Scribam idem sacerdos  
 misit ad Regem Iosiani. Hunc autem librum legis cum le-  
 gisset Saphan coram Rege, & audisset Rex verba libri le-  
 gis Domini, scidit vestimenta sua: quia videlicet libro legis  
 audito apertissime conspexit nihil eorum, quæ Deus in le-  
 ge sua praeceperat obseruari. Hoc autem Rex non bene in-  
 telligebat antequam liber legis inueniretur ab Helchia sa-  
 cerdote: propterea quod non erat liber alius, per quem Rex  
 fidelissimus & sanctissimus de lege Domini doceri potuif-  
 set. Si liber legis, hoc est, Pentateuchus tunc esset toti popu- D  
 lo communis: ita vt quilibet vulgaris homo illum penes se  
 habere posset, vix contingere potuisset, vt liber legis apud  
 omnes, etiam apud Regem periret, & nemo esset, qui illum  
 haberet, aut de illo rationem reddere posset. Sed quia soli  
 sacerdotes Leuitici generis, & scribæ totam Domini legem  
 penes se habebant, inde factum est, vt sacerdotibus, & scri-  
 bis à vero Dei cultu ad idololatriam deficientibus, & le-  
 gem Domini contemnentibus liber legis nullibi inueni-  
 retur: nisi in templo Domini, in eo forte loco vbi Moyses  
 illum reponi mandauerat Epistolas Pauli, quas ad ciuita-  
 tes ille scripsit, credendum est illos non toti populo: sed epī-  
 scopo soli, & clero illius ciuitatis datas esse, vt illi postea po-  
 pulo manifestarent ea, quæ Paulus illis per epistolas sug-  
 gesserat. Hoc autem vel ex eo facile coniici potest, quod  
 ipse Paulus in priori ad Thessalonicenses epistola, capite  
 ultimo ait: Adiuro vos (inquit ille) per Dominum, vt epī-  
 stola hæc legatur coram omnibus fratribus. Si epistola to-  
 ti populo dabatur, quos ergo Paulus adiurat? Episcopum  
 certe, & clerum, cui illa debatur, adiurat, vt illam coram  
 omnibus

*1. Thess. 5*

- A** omnibus fratribus, hoc est coram omnibus Christianis, qui in illo populo erant, legeretur. Verum hoc speciale fuit in hac epistola, ut coram omnibus illam legi præceperit: quoniam quæ in illa scripsit Paulus clarissima erant, & quæ ab omnibus intelligi poterant. De epistolis ad Romanos, & ad Galatas, & ad Hebræos nihil tale præcepit Paulus, ut coram omnibus legerentur: quia multa in illis difficilia erant, quæ non nisi à viris doctis intelligi poterant. Si pro certo, & indubitato habuisset Paulus epistolas suas, quas ad ciuitates mittebat, esse coram toto populo legendas, non erat opus, ut speciale de hac re daret Theſſalonicenſibus mandatum. Sed quia optime ille nouerat epistolas illas, quæ ad ciuitates mittuntur, ſolis ciuitatum Principatibus ſolitas eſſe dari: ideo ſpeciale de illa voluit facere mandatum, ut coram omnibus legeretur. Deinde & ſi ſcriptura ſacra tunc per omnium manus, ut nunc volitaret: non tamen adeo populus de illius intelligentia tunc præſumebat, ut nunc: neque tam temere, & procaciter de illa populus diſputare audebat: ſed plebs à ſacerdotibus docebatur iuxta id, quod dominus per Malachiam prophetam ait: *Labia* *Malac. 2*
- B** ſacerdotis cuſtodiunt ſcientiam, & legem requirent de manu eius: quia angelus domini exercituum eſt. Si dubitatio aliqua oriebatur, ſacerdotes interrogare oportebat quorum reſponſis omnes obedire tenebantur, iuxta præceptum domini quod de hac re per Moysen in Deuteronomio dederat. Nunc vero procaci temeritate populus ſacræ ſcripturæ intelligentiam ſibi vendicat, & de illa cum doctiſſimis viris contendere non veretur. Et ob hanc cauſam, & ſi olim ſacras literas toti populo traditas eſſe conſtaret, ut à quolibet vulgari homine ſine vlllo diſcrimine legi poſſent, quod ergo conſtantiffime nego, nunc tamen aliter fieri expediret, propter impudentem populi temeritatem, atque arrogantiam. Multa enim ſcimus olim fuiſſe licita, quæ nunc minime expediunt, & ſi quis ea nunc facere tentaret, non ſolum, ut cunq̃ue malus, ſed impius, & infidelis cenſeretur. Olim enim corpus domini dabatur cuique petenti in manus, quod quiſque ſecum domum portabat, ut cum ei libuiſſet domi ſuæ accipere poſſet. Quæ res ex lib. 5. hiſt. eccleſiaſtica Eufebij. cap. xxxiiij. facillime colligi poteſt. Quod tamen olim licuit, hoc ſeculo facere non expediret: quia

experientia docente merito timetur, vt aliqui sint, qui tractent indigne, & ad magicas artes abutantur. Non igitur omnia, quæ olim licuisse constat, nunc licere, aut expedire est necesse. Non est igitur consequens, vt literæ sacræ in linguam vulgarem translatae nunc populo legendæ tradantur, quamuis illas olim in lingua vulgari toti populo traditas esse constaret. Hæc sunt quæ contra nostram sententiam ab aliquibus obiici intelligo, quibus omnibus abunde satis respondisse me puto. Cætera vero si quæ sunt, indigna esse opinor, vt in illarum responsione tempus teramus, & cartas impleamus.

*De vltima hæresum causa, quæ est assidua, & incauta in libris gentilium hominum lectio.*

## CAP. VIII.

**V**Ltima se mihi iam offert (ex his, quas Principes facile tollere possunt) hæresum causa: quæ est assidua, & indiscreta, siue incauta lectio librorum hominum gentilium, præsertim si à teneris annis quis illorum lectioni studuit, & totam in illis expendit operam. Nam quod hæres sit potens ad hæreses varias procreandas, inde constare potest, quod quidquid ad christianam spectat religionem, siue ad mores, siue ad credendorum fidem referatur, id totum apud gentiles authores reiicitur, & deridetur. Quoniam & si eorum aliquis virtutes doceant, hi tamen, qui rarissimi apud illos sunt, ea firmissime sentiunt, & totis viribus persuadere conantur, quæ cum fide catholica velut ex diametro pugnant. Et circa ipsarum virtutum, quarum se amatores profitentur, doctrinam præstandam his, quos pro miraculo ipsa gentilitas suspicit, & quasi sapientiæ fontes veneratur, miserime errant, ea docentes, quæ iuxta veritatem euangelicam ab assecutione felicitatis æternæ, quam illi cæcutientes quærebant, omnino auerunt. Multi enim ex illis virtutem, & hominis vltimam felicitatem ex suo affectu statuerunt, id docentes esse virtutem, & felicitatem, quod ardentissime appetebant. Nam Epicurus pecora imitari volens, bonorum omnium finem dixit esse voluptatem, hac sola ratione ductus, quod illam solam (vt ille ait) appetant belluæ. Alij diuitias, alij honores



- A** honores, summum bonum esse dixerunt. Aristoteles, quem tota recentium philosophorum schola tanquam magistrum recepit: et si multo melius, quam illi sapuit, non parum tamen hac in parte erravit. Nam licet felicitatem ille in cognitione constituit, hanc tamen in præsenti vita dicit habendam, nihil alteri vitæ relinquens, in qua nullam putat esse operationem. Quæ in re adeo erravit, ut Paulus censeat nos miserabiliores omnibus hominibus, si in hac tantum vita felicitatem assequi speramus. Quis enim non videt neminem sine miseria aliqua, aut indigentia, aut infelicitate in hac vita unquam vixisse, aut vivere posse? Ad eum, qui miseriam patitur, aut aliquo indigere bono, Aristoteles pluribus in locis fatetur non esse felicem. Et inde argumentationem colligentes facile Aristoteli suo ipsius gladio configemus, probantes neminem in hac vita posse esse felicem, ac proinde supremam felicitatem non in hac vita: sed in alia esse expectandam. Sic enim argumentari possumus. Felicitatem omnes appetunt: est ergo naturalis hic appetitus, & inde sequitur talem appetitum non esse inanem, & frustra. Nulli autem (ut res ipsa docet) in hac vita, quam constat esse mille miseriis, plenam felicitatem assequuntur: in alia igitur vita est illa speranda. Deinde multa ad felicitatem pertinere dixit, quæ ad illam minime spectant, ut sunt nobilitas, divitiæ boni liberi, senectus, comoda, & corporis bona, ut sanitas, pulchritudo, vires, proceritas, robur ad certandum, gloria, honor, prosperitas, potentia, & fortuna. Hæc autem omnia (ut sacræ nos docent literæ à vera illa, & plena, quam speramus) felicitate longissime absunt. Et si hic philosophorum omnium maximus tam misere circa felicitatem erravit, quid de aliis multo minoribus sperandum erit? Ideo merito Salomon de philosophis loquens ait: Labor stultorum affliget eos, qui nesciunt in urbem pergere. Quæ verba interpretans Hieronymus in commentariis super ecclesiastem ait: Lege Platonem: Aristotelis reuolve versutias: Zenonem, & Carneadem diligentius intueri, & probabis verum esse, quod dicitur: Labor stultorum affliget eos. Veritatem quidem illi omni studio quesierunt: sed quia non habuerunt ducem, & præviū itineris, & humanis sensibus rati sunt se comprehendere posse sapientiam, ad civitatem minime peruenērunt: de qua in psalmo dicitur: domi-

1. Cor. 15

Eccle. 10  
Hierony.

- Pfal.* 72 ne in ciuitate tua imaginem ipsorum dissipabis. Omnes enim umbras, & diuersas imagines, atque personas, quas sibi in variis dogmatibus induerunt: in vrbe sua dominus dissipabit, de qua & alibi scribitur: Fluminis impetus lætificat ciuitatem Dei. Hæc Hierony. Præter hunc communem illorum omniū errorem, quo tam falso de felicitate disseruerunt, de virtutibus, & vitiis tractantes multos alios docuerunt errores. Nam fornicationem simplicem nullus illorum damnavit. Honores appetēdos esse, & non fugiendos omnes illi docuerūt. Diuitias eorum aliqui adeo æstimarunt, vt in illis felicitatem constituerent, de quibus propheta regius ait: Beatum dixerunt populum, cui hæc sunt.
- Pfal.* 45 Alij (ex quibus est Arist.) & si felicitatē in diuitiis non constituerunt, illas tamen pluris fecerunt, quàm paupertatem, & plus ad virtutem prodesse posse, quàm paupertatem dixerunt. Et credo certe, inde suam hæresim traxisse, Vigilantium, Ioannem Vuiclef, & Ioannē Hus dicentes paupertatem voluntariam nullius prorsus esse apud Deum meriti: cum tamen ipse veritatis magister Saluator noster dixerit: Si vis perfectus esse, vade, & vende omnia, quæ habes, & sequere me. Alij videlicet Stoici (è quorū numero est noster Seneca, & quibus in hac parte se cōnumerari voluit in Paradoxo Ci.) docēt omnia peccata esse paria, nec vnū altero esse grauius. Sed philosophis dimissis, qui etiam in multis errauerūt, multa tamen alia vera, & honesta de virtutibus docuerūt: ad poetas eorū veniamus publicos omnium virtutū hostes & omniū vitiorū acutissimos diligētissimōs que subornatores. Vix enim vllū est vitium, quod nō fuerit summopere à poetis laudatū. Quoniā nulla maior potuit dari vitiis laus, quàm illa diis suis tribuere, quos oportebat esse summe bonos, & omniū virtutū parentes, & alumnos. Nam cum gesta illorū, quos populos pro diis colebat, narrant, illorū describunt tyrannides, parricidia, adulteria, incestus, raptus, fraudes, mendacia, & scelera nefanda: adeo vt inter honores reputent puerum Ganymedem à Ioue Deorum maximo ad amplexus nefandos fuisse raptū. Illa denique suis diis tribuunt vitia: quæ nullus homo sapiens pateretur de se dici. Cum autem hæc diis inesse dicunt, eo ipso hominibus persuadent, vt eandem faciant, quæ Deos fecisse audiūt. Nam exempla maiorum, multum ad persuasionem

**A** nem valent, vt eleganter Claudianus docet sic inquires:

*Scilicet in vulgus maneat exempla regentum:*

*Vtq; ducum lituos, sic mores castra sequuntur.*

Si exempla hominum mouere possunt aliorum animos ad vitia, aut virtutes, luce clarius est, id posse multo facilius præstare exempla deorum. Nec solis exemplis ad voluptates & lasciuias lectorū animos prouocant poëtæ: sed etiam verbis, quæ tanto animo affectant esse obscœna, & turpia, vt poëta ab illis non censeatur, qui verba pudica habet. De qua re vnum ex illis, Catullum videlicet, qui hanc tulit de carminibus poëtarum legem profero.

*Nam castum esse decet pium poetam*

*Ipsum, versiculos nihil necesse est,*

*Qui tum denique habent salem, & leporem,*

*Si sunt molliculi, & parum pudici.*

Ridenda quidem est hæc Catulli sententia, & ab omni Catul.

viro prudente merito exhibilanda, & explodenda. Quis non rideat castum dici poëtam, qui de libidine cogitat, obscœna meditatur, lasciuias, & impudicias scribit, loquitur, atque cantillat? Qualis quisque est, talia loquitur, &

**B** scribit. Propter hæc malorum incitamenta, quæ poëta auditoribus, & lectoribus præbent, Plato grauissimus philosophus censuit illos esse procul à bona ciuitate abigendos, ne suo commercio totam prorsus inficerent ciuitatem. De moribus hæctenus diximus illos apud gentiles scriptores esse vitiatos, sed opus est, vt pergamus dicere, quàm male de his, quæ credere oportet, illi sentiant, & quàm aperte fidem catholicam illi oppugnent. Omnia, quæ credere tenemur duas Christi naturas respiciunt, diuinam videlicet, & humanam: ea omnia gentes non solum oppugnant: sed rident, & subfannât. Deum trinum, & vnum non agnoscunt: sed multos secumq; pugnantes Deos adorant. Deum omnium creatorē non intelligūt: quia ex nihilo nil fieri posse credunt, & ita mundum sine principio fuisse, & sine fine futurū esse docent Deum esse bonorū remuneratorem, malorūque punitorem, maior eorum pars ignorat, nihil post hæc vitā reliquum esse: sed animā simul cum corpore perire credit. Et si qui illorū animā immortalem esse credūt, ea de præmiis bonorū, & malorum suppliciiis dicunt, quæ lōgissime à Christiana pietate absunt. Huma-

ni generis casum, & perditionem, illiusque originem: neque vnquam cogitarunt, ac proinde illius reparationem per Christum saluatorem nostrum factam intelligere non valēt. Deum pro nobis e cœlo descēdisse, humanamque sum-  
 pisse naturam, & in illa pro nobis famem, sitim, dolores, variōsq; corporis cruciatus mortem denique in ligno crucis pro nostris peccatis pertulisse, non solum non credunt: sed eos, qui talia docent, & prædicant, stultos esse putant: Prædicamus (inquit Paulus) Christum crucifixum, ludæis quidem scandalum, gentibus autem stultitiam.

*L. Cor. 1*

Ecce totam Christianæ religionis summam à gentilibus, & prophanis scriptoribus ignoratam, & à multis illorum oppugnatam, & irritam. Et inde apertissime couincitur, assiduam illorum lectionem valde nocere posse viris Christianis præsertim incautis, & infirmis. Idō Paulus optime cognoscens plurimū veneni esse in his prophanis scriptoribus admonet, vt circa illorū lectionē cauti simus:

*Colof. 2*

Videte, inquit, ne quis vos seducat per philosophiā, & inanem fallaciam secundum traditionē hominum, secundum elementa mundi.

*Ambro.*

Quæ verba interpretans Ambrosius in commentariis super epistola Pauli ait: Philosophiam dicit terrenam, per quam solent seduci, qui cupiūt prudentes iudicari in mundo. Et aliquibus interpositis subdit. Detinetur enim verisimilibus causis, & commentitiis rebus nihil tam verū æstimans, quàm conspicitur & intelligitur in elementis. Et quia quæ ad præsens sunt & cernuntur oculis, sua via & oblectabilia videntur, aliquātos seducunt, qui spiritualem rationem despiciendam, & ridendam putant desperatione futuri, omnem vim astris assignātes, carnali rationi obnoxij, ne grauius credēda sint sustolli in cœlum posse, nēue leuia veniē ad terras, aut aliquid corporeū sine rerū admistione generari, repugnantes potentia, ac providentia Dei. Sciunt enim legi in diuinis veteribus Habreorum voluminibus, multa gesta per Moysen, quæ humana ratio non capit, simili modo, & in nouis libris facta à Domino, aut per apostolos, quæ tractatus carnalis prohibet credi. Hanc ergo traditionē, vel philosophiam fallacē, & inanem appellat: quia nō à potentia Dei ordinata est: sed ab imbecillitate ratiocinationis humanæ, quæ potentiam Dei intra sciētiam Dei coarctat, ne aliter credatur facere, quā carnalis

lis



**A**lis se continet ratio: quia singulis elementis diuinitatis diuersitatem deputant ad culturam, vt obligent animos imperitorum ne se ad Deum verum extendat. Quam ob rem cauendam monet traditionem istam: quia mundi cultrix est, nō Dei qui vnus est, nec ad Christum: sed à Christo abstrahit, in quo perfectio diuinitatis est. Hactenus Amb.

Est adhuc in libris gentilium, & aliorum prophanorum hominum aliquid aliud falsæ illorū doctrinæ adiunctum, eloquētia scilicet quæ illis magnas ad nocendum vires præstat. Nam ea, de quibus disserunt, non ruditer, & impolite tractant: sed magno artificio poliunt, magna verborū elegantia exornant, adeo vt si res ipsæ, quas tractant, animos legentiū forte deterreāt: ipse splendor orationis & verborum ornatus allicere valeat. Et inde euenit, vt doctrinæ venenum tanta verborum dulcedine permistum, tanto facilius incautis nocere possit quanto libentius ab illis bibetur, cum illi non quid intus lateat: sed solam exteriorē verborum dulcedinem considerent, Quanta autem sit eloquētiæ vis & potestas: si quis forte ignorat, legat Vale. Maxim. lib. viij. cap. ix. vbi multis, variisque exemplis probat tantam esse illius potentiam, vt sæpe hominum animos quamlibet distantes ad se trahere, & duos flectere, & molire possit. Ideo Paulus hanc eloquētiæ vim, & potestatem optime agnoscens: admonet fideles, vt diligenter attendant, ne incauti ab illa decipiantur. Videte (inquit ille) ne quis vos seducat in sublimitate sermonis. Nouerat quippe Paulus illam sermonis sublimitatem esse potentissimam ad quiuis persuadendum. Ne quis igitur cause-  
*Colo. 2*  
tur se per sublimitatem sermonis à Christo saluatote nostro, aut apostolis eius fuisse deceptum: ideo Christus saluator noster, noluit doctrinam Euangelicam in multo orationis ornatu cōstituere: sed thesaurum suum (vt alibi Paulus ait) in vasis fictilibus posuit, vt sublimitas sit virtus Dei.  
*2. Cor. 4*  
Hic est, quod Christus ipse, qui est Dei sapientia, recens natus inter duo animalia positus est, & vilibus est pannis inuolutus. Ponitur Dei sapientia inter bouem & asinum: vt erudiret rudem, moneret tardum. Qui autem vilibus pannis inuolui permisit, idem etiam humilibus verbis à suis prædicari voluit. Et ideo non politos oratores, aut artificiosos rhetores, aut vehementes disputatores in apostolos assum

1. Co. 1 assumpsit : sed quæ stulta sunt mundi ( vt idem Paulus ait ) **C**  
 elegit , vt sapientes confunderet. Quantum possit genti-  
 lium scriptorum eloquentia , viro Christiano nocere occa-  
 sione sumpta ex figura veteris Testamenti , aperte declarat  
 Origenes homilia 2. super Hieremiam , vbi exponens illud  
 Hier. 5 eiusdem Hieremiæ : Calix aureus Babylon in manu Domi-  
 ni inebrians omnem terram , sic ait : Nabuchodonosor vo-  
 lens decipere homines per calicem Babylonis dolosum ,  
 non miscuit in vase fictili , quod parabat potari : sed neque  
 in paulo meliore , & æreo vase , vel stagno , & quod ista præ-  
 cellit argenteo : verum eligens vas aureum , in eo poculum  
 temperauit , vt quis videns decorem auri , dum radiantis  
 metalli pulchritudine delectatur , & totus oculis hæret in  
 specie , non consideret quid intrinsecus latitet , & accipiens  
 calicem bibat , nesciens calicem Nabuchodonosor. Intelli-  
 ges autem calicem aureum in præsentī nominatum , si ani-  
 maduertas pessimorum dogmatum verba mortifera qua-  
 lem habeant compositionem , qualem decorem eloquen-  
 tiæ , qualem rerum diuisionem , cognosces quomodo vnus-  
 quisque poetarum , qui putantur apud nos disertissimi ca-  
 licem aureum temperauit , & in calicem aureum venenum **D**  
 iniecerit idololatriæ , & venenum turpiloquii , venenum eo-  
 rum , quæ animam hominis interimunt dogmatum , vene-  
 num falsi nominis scientiæ. Et aliquibus interpositis post-  
 ea subdit : Sæpe vidi aureum calicem in pulchro sermonis  
 ornatu & dogmatum venena considerans deprehendi ca-  
 licem Babylonis. Hactenus Origenes. Et beatus Hier. in  
 commentariis super Ionam prophetam circa finem .3. c. de  
 Hiero. eloquentia gentilium loquens hæc ait : Quid valeat apud  
 homines seculi eloquentia & sapientia seculi , testes sunt  
 Demosthenes , Tullius , Plato , Xenophon , Theophrastus ,  
 Aristoteles , & cæteri oratores , ac philosophi , qui velut Re-  
 ges habentur hominum , & præcepta eorum , non vt præcep-  
 ta mortalium : sed quasi oracula accipiuntur deorum. Et  
 multis interpositis postea subdit. Vnde & de Babylone in  
 Hieremia dicitur : Calix aureus Babylon inebrians om-  
 nem terram. Quem non inebriabit eloquentia secularis :  
 cuius non animos compositione verborum , & disertitudi-  
 nis suæ fulgore perstrinxit ? Hæc Hier. Ex his iam apertis-  
 sime conuincitur , vnam ex potissimis causis vnde hæreses  
 oriu

**A** oriuntur esse assiduam, & incautam gentilium scriptorum lectionem. Nam si quæ illi docent aperte fidem catholicam oppugnant, & ad persuadendum ea, quæ docent, magnam (vt diximus) habet vim eorum eloquentia: non est cur merito aliquis dubitare possit assiduam, & indiscretam illorum lectionem valde posse nocere Christianis, præsertim si à pueritia sine magna discretione illis incumbant. Tunc enim ætas illa tenera est velut cera ad facile recipiendum cuiuslibet rei impressionem: & quæ tunc recipit diutius retinet, & difficile omittit, Optime enim dixit Horatius,

*Quo semel est imbuta recens servabit odorem  
Testa diu.*

*Horat.*

Cui consonat, quod Salomon in proverbiis ait: Adolescens iuxta viam suam etiam cum senuerit, non recedet ab ea. Et certe reipsa compertum est multos ex illis, qui libris gentilium à teneris annis dediti sunt, in varias hæreses incidisse, aut magnam hæresis suspicionem dedisse. Et vt hanc meam sententiam certiore, & firmiore reddam, aliqua volo impressentiarum exempla tum antiqua tum noua referre, quibus aperte probatur assiduam gentilium scripto-

*Prox.*

**B** rum lectionem multarum hæresum fuisse parentem. Hæreticorum omnium primus, qui post euangelij prædicationem ortus est, fuit Simon illæ Magus, de quo in Actibus apostolorum fit mentio. Hunc à Philistione quodam vetustissimo poeta comico suarum hæresum signamenta desumpsisse testatur Epiphanius in suo illo opere, quod fecit contra omnes hæreses. Idem etiam de gnosticis hæreticis refert, illos ad imitationem eiusdem Philistionis poetæ suarum hæresum fabulas composuisse. De Valentino idem Epiphanius refert illum fabulosa gentium poeti fuisse deceptum, vt ad Hesiodi imitationem triginta cælos, totidemque deos esse diceret. Denique Tertul. in lib. de præscr. hæret. multos ex illis vetustissimis hæreticis refert, qui à gentilibus philosophis suas hæreses hauserunt sic inquit: Ipsæ hæreses à philosophia subornantur. Inde æones, & forma nescio quæ & trinitas hominis apud Valentinum, Platonius fuerat. Inde Martionis Deus de tranquillitate, à Stoicis venerat. Et vt anima interire dicatur, ab Epicureis obseruatur. Et vt carnis restitutio negetur, de vna omnium philosophorum schola sumitur. Et vbi materia cum Deo

*Tertul.*

æqua

æquatur, Zenonis disciplina est. Et vbi aliquid de igneo C  
Deo allegatur, Heraclitus interuenit. Eadem materiz  
apud hæreticos, & philosophos volutantur: idem tractatus  
implicantur. Hæc Tertull. Sed pergamus vltra, & alio-  
rum hæreticorum, qui post Tertul. fluxere, exempla profe-

*Priscil.* ramus. Priscilli ini hæresis docens homines esse fatalibus  
stellis aligatos, à philosophorum gentilium errore descen-  
dit. Nam (vt Greg. Nissenus in lib. de Fato refert) Chrysi-  
pus, & Philopator Stoici, & multi alij præclari philosophi,  
nihil aliud demonstrant, quàm omnia secundum Fatum

*Iovin.* fieri. Cum Iouinianus dicit omnia peccata esse paria, Stoi-  
cos philosophos, qui hæc docent, est imitatus. Cum autem  
ieiunia nullius esse meriti dicit, & nuptias matrimonio  
æquat, Epicurei discipulum (vt beatus Hier. illi exprobrat)

*Iulian.* aperte se esse demonstrat. Iulianus ille Cæsar, qui ob fidem  
*Apost.* catholicam à se omnino reiectam, Apostatæ nomen vsque  
hodie sustinet, ex lectione, & conuersatione, quam habuit  
absoluam cum Paganis philosophis venenum hausit, quo  
infectus fuit, vt non solum hæreticus: sed apostata fieret, &  
Christianorum persecutor acerrimus. Plurimum nocuisse

Apollinari Laodiceno artis rhetoricæ peritia, & longa de- D  
*Ioann.* inde conuersatio cum Epiphanio Sophista, constat ex lib. v.

*Vuicel.* historiæ Ecclesiæ tripartitæ c. 44. Ioannes Vuicel, & quot-  
quot illum in hac parte sunt imitati dicentes nihil contin-  
genter euenire: sed omnia ex absoluta necessitate procede-  
re, ita vt quæ facta sunt, aliter fieri non possint, vnde quæso,  
hanc traxerunt hæresim? Nónne ex Aristotelis, & aliorum  
philosophorum doctrina? Nam hi omnes ignorantes Dei  
potentiam ex cuius arbitrio omnia pendent, & solum or-  
dinem causarum naturalium considerantes, nihil volunta-  
ti diuinæ: sed omnia necessitati tribuerunt. Qui autem  
apertius ostendit à philosophorum doctrina se fuisse dece-

*Petrus* ptum fuit Petrus Abailardus, qui dixit nihil esse creden-  
*Abail.* dum, quod ratione naturali probari non possit. Et vnde  
hoc nisi à philosophis oritur? Nam hi omnem doctrinam  
ex sola sui intellectus capacitate metiri volunt, & quæ suo  
iudicio non conveniunt, statim reiiciunt: nil denique reci-  
pere volunt, quod intellectus ratione naturali comprehen-  
dere non possint. Et inde euenit tanta inter philosophos  
diuersitas: quia cum nullus alterius iudicio se subdere, ne-

que



- A** que aliquid admittere velit, quod suo iudicio non conueniat: fuit necesse euenire, ut tanta esset doctrinarum quanta iudiciorum varietas. Hæc autem censendi libertas, & inde deducta varietas aperte repugnant fidei catholicæ, quam oportet esse omnium vnā, & in qua (ut Paulus ait) oportet captiuare intellectum in obsequium Christi. De Martino Lutherō, qui hac nostra ætate prodiit, non est, cur putemus eum à lætione gentilium scriptorum suæ hæreseos venenum hausisse. Nam cum primum ille suas hæreses, aut verbo, aut scripto effundere cœpit: nihil prorsus Græcæ nouerat, Latine parum, ut priora illius scripta indicant. Et suas hæreses non linguarum peritiā: sed dialecticā, & sophisticis quibusdam argumentationibus tuebatur: cum tamen ipse omnibus scholasticis theologis hoc exprobraret crimen, eos omnes sophistas appellans. Multi tamen alij se Lutheranæ familiæ inseruerunt, quos non dubito multum nocumēti ex lætione gentilium scriptorum sumpsisse ad hæreses facile suscipiendas. Certe Philippus Melancthon vir est utriusque linguæ Græcæ, & Latine callentissimus, & in literis, quas vocant humanas, valde eruditus, & longa gentilium philosophorum lætione (ut scripta illius indicant) valde occupatus. Vnum tamen in illo valde admiror, quomodo potuit arbitrarij libertatem negare, cum tantam in se ipso experiatur dicendi libertatem, ut quidquid libuerit, nunquam reformidet docere, & quod semel placuit, adeo sibi postea displicere senserit, ut non fuerit veritus reuocare. Alij sunt apud Lutheranos paucissimi tamen, similes Philippo Melancthon, qui ex lætione poetarum, & aliorum gentilium oratorum, & philosophorum plurimum veneni (ut ille) sumpserunt.

Ecce quā multa protulimus exempla, quibus aperte probatur assiduam, & incautam prophanorum scriptorum lætione multas occasionem multarum hæresum præbuisse. Sunt adhuc præter hos omnes, multi alij, qui etsi non sint tanquam hæretici declarati, & velut tales ab omnibus æstimati, non modicam tamen de se dederunt hæreseos suspicionem, propter multa, que iuxta doctrinam gentilium scriptorum, quibus nimium à pueritia dediti fuerunt, locuti sunt, & scripserunt. Pomponius Lætus, Dominicus Calderinus, codrus Vrcæus, & quidam alij eiusdem farinae,

rinæ, qui nunc sunt superstites, à multis male audiunt eo C  
 quòd magnam dederint hæreseos suspensionem. Quantam  
 dederit hoc nostro seculo hæreseos suspensionem Erasmus  
 Roterodamus, vir quidem Græce, & Latine longe doctissi-  
 mus, non est opus nunc referre, cum sit toti orbi notissi-  
 mum. Nam etsi non sit hætenus ab aliquo idoneo iudice  
 de hæresi damnatus, & velut hæreticus declaratus, multi  
 tamen scriptores ipso viuentē illum de hoc crimine nota-  
 runt. Et vniuersitas Parisiensis, multas illius assertiones per  
 censuram publicam damnauit, quarum aliquas hæreticas,  
 alias de hæresi suspectas, alias scandalosas esse censuit. Cu-  
 ius censuræ Erasmus respondens, quamuis in multis osten-  
 dat se catholicum animum habuisse, in quibusdam tamen  
 aliis suspensionem, quæ de illo habebatur, non plene (ut  
 multi existimant) purgauit. Quod malum inde illi euenisse  
 constat, quòd à teneris annis fuit circa poetas, & oratores  
 Græcos, & Latinos diu versatus, à quibus tantam dicendi  
 libertatem accepit, ut quicquid placeret statim in publi-  
 cum effudisset. Quis non agnoscit in illo Luciani liberta-  
 tem omnium irrisiōē, & subsannationem? Adeo Luciani D  
 mentem, & stylum imbibit, ut à multis etiam suæ nationis  
 hominibus atheos, hoc est sine Deo, quemadmodum Lu-  
 cianus appellatus sit. Vir quidem fuit optimo ingenio à  
 Deo donatus, ac proinde felix, si sua sorte contentus fuisset,  
 & ea sola tentasset, quæ suis viribus erant paria. Sed post  
 virilem ætatem, quam fermè totam poetis, & oratoribus  
 dederat, ad sacras literas, quas sine magistro præuio didice-  
 rat, interpretandas accessit. Et in illarum interpretationi-  
 bus, & annotationibus multa inseruit, quæ si præterisset,  
 multo consultius egisset. Denique in confirmationem eo-  
 rum, quæ diximus, profero testimonium beati Hieron. qui  
 in commentariis super Ionam prophetam, circa finem. iij.  
Hie. 9 cap. de seculari eloquentia differens hæc ait. Difficile ho-  
 mines potentes, & nobiles, & diuites, & multo his diffici-  
 lius eloquentes credunt Deo: obcæcatur enim mens eorum  
 diuitiis, & opibus, atque luxuria, & circumdati vitiis non  
 possunt videre virtutes: simplicitatēque scripturæ sanctæ  
 non ex maiestate sensuum: sed ex verborum iudicant vili-  
 tate. Hæc Hieronymus.

A *De remedio contra præfatam hæresum causam.*

## CAP. IX.

**M**ultis rationibus, multisque exemplis manifeste iam (vt existimo) probauimus, assiduam & incautam prophanorum scriptorum lectionem esse apertam multarum hæresum causam. Sed opus est, vt huic occurramus, & antidotum tam potenti veneno paremus: caute tamen, ne forte hanc causam prorsus tollere volentes aliam multo plurium malorum causam suscitemus. Nam sicut assidua, & indiscreta prophanorum lib. lectio, multarum potest esse hæresum causa: ita e contrario, omnino à libris gentilium abstinere, multas poterit hæreses generare. Quoniam scientiæ liberales, quæ vix ab aliis, quàm à gentilibus scriptoribus disci possunt, sunt ad sacræ scripturæ intelligētiā adeo necessariæ, vt illarum ignorantia multas valeat hæreses procreare, sicut re ipsa comprobatum est plerasque hæreses ab illa processisse. Est enim in primis necessaria grammaticæ cognitio, & non leuis, sed plena, & consummata, vt sciat plenam vocum significationem, & illorum compositionem, & structuram. Ex cuius rei ignorantia constat multos in varias hæreses fuisse lapsos. Et ne ob defectum exemplorum, verbis meis quis deroget fidem, volo aliqua impræsentiarum exempla proferre: vnde constet verum esse quod dico. *Eluid.* Eluidius eo quod ignorauit, vim & potestatem harum vocum primogenitus, antequam, donec, aduersus puritatem sacratissimæ Virginis blatterauit dicens illam nō fuisse perpetuo Virginem: sed post Christum natum fuisse à Ioseph sponso cognitam. Manichæi omnes ex ignorantia diuersitatis istarum præpositionum, ex, & de, dixerunt Deum de substantia sua produxisse animas nostras. Dialectica sæpe est in sacris literis necessaria. Quoniam illa est, quæ diffinitionum, diuisionum consequentiarum formam præscribit, sine quarum rerum notitia vix vlla potest grauis scriptura plene intelligi. Ex ignorantia aut forte inaduertentia huius disciplinæ multi magni nominis viri in vera sacræ scripturæ intelligentia errarūt. Origenes nō bene aduertens quomodo sint intelligendæ multæ vniuersales elocutiones quæ sunt in sacra scriptura, dixit omnes homines tādē fore saluos, motus ex aliquibus locis sacræ scripturæ, male ab eo intel-

lectis. Effundam (inquit Deus per Ioelem prophetam) de spiritu meo supra omnem carnem. Et Paul. ad Rom. Cōclufit Deus omnia in incredulitate, vt omniū misereatur. Quæ omnia etfi quæ sunt alia, non ideo sunt dicta, quòd Deus omnibus hominibus tandem parceret, & neminem perpetuo damnabit: sed per omnes intelligit omnis generis homines, vniuersæ ætatis, vniuersi gradus, & dignitatis, tam ex gentilibus, quàm ex Iudeis. In quibus locis illud nomē vniuersalitatis omnes (vt dialecticorum more loquamur) non distribuit pro singulis generum: sed pro generibus singulorum. Erasmus Roterod. non intelligens vim argumentationis, & discursum illius, per quā Christus saluator noster aduersus Iudæos probare nititur, neminem posse rapere oues suas de manu sua, per hoc, quod nemo potest rapere de manu patris sui, & per hoc, quod ille, & pater vnum sunt: errauit dicens in illis Christi verbis illam vocem, vnum posse solam animorum vnitatem significare. Quæ vox si iusta illam significationem (vt Erasmus ait) illic caperetur, male Christus colligeret, & argumentatio nullius prorsus esset valoris, prout ego in illo opere, quod aduersus omnes hæreses edidi, in titulo de Deo: hæresi vj. aduersus Erasmū aperte probaui. Gentilium historiarum notitiam esse summe necessariam ad sacræ scripturæ intelligentiam testatur Augustin. lib. ij. de doctrina Christian. cap. xxviii. vbi ostendit aliquos ex illarum ignorantia circa sacras scripturas errasse. Rerum proprietates, & virtutes cognoscere oportet, vt inde mysticum sacræ scripturæ sensum qui per similitudines illarum inuestigandus est, capere possimus. Harum tamen rerum notitiam soli physici docent, prout sunt Aristot. Theophrastus, Plinius, Dioscorides. Habent ergo libri gentilium sicut multa noxia, ita etiam multa vtilia, & necessaria ad plenam sacrarum scripturarum intelligentiam. Non est igitur bonum, vt omnes gentilium libri ab omnibus Christianis reiiciantur, cum multis sint necessarij, & possint, quotquot velint, multum proficere ex illis. Deinde ille splendor orationis, & verborum ornatus, qui ab illis capi potest, etfi non sit viro Christiano necessarius: ad multa tamen vtilis est, his præsertim, qui verbo, aut scripto alios docent. Est enim eloquentia ex numero earum rerum, quæ ex se nec bonæ nec malæ sunt: sed ex bono, aut malo earum usu



**A** vsu bonæ, aut malæ redduntur. Sicut enim eloquentia viro gentili, aut hæretico mala est, propterea quod per illam vterq; istorum facilius suos errores audientibus, aut legentibus persuadebit: ita etiam catholico doctori, aut prædicatori bona est: quia per illam vterque potentior fit ad flectendos animos auditorum, aut lectorum: sunt tamen aliqui tam malignantis naturæ, ut omne, quod assequi non possunt, damnent: & inde evenit, ut eloquentiam, à qua longissime absunt, & quam se assequi desperant, abhorreant, & tanquam hostem insectentur. Quid graculo cum fidi-  
bus, aut sui cum ambra, vel musco? Propter hos igitur, qui me forte arguere tentabunt, propterea quod eloquentiam non sim (ut illi) execratus, Augustinus in meæ sententiæ testimonium profero, qui libro primo contra Cresconium Grammaticum, cap. j. hæc ait. Eloquentia facultas dicendi est, congruenter explicans, quæ sentimus, qua tunc utendum est, cum recta sentimus. Hoc modo ea non vti sunt hæretici. Nam utique si recta sensissent, non solum nihil mali, verum & boni aliquid esset, quod eloquenter explicare potuissent. Frustra igitur istorum exemplorum commemoratione accusasti eloquentiam. Neque enim pro patria non est miles armandus: quia contra patriam nonnulli arma sumpserunt. Aut ideo uti non debent boni, doctique medici ferramentis medicinalibus ad salutem: quia his ad perniciem etiam indocti, pessimiq; abutuntur. Quis enim nescit sicuti vtilia, vel inutilia fuerint ea, quæ quærentur, ita eloquentiam, hoc est peritiam, facultatēque dicendi sic esse vtilem, vel inutilem, ut fuerint vtilia, vel non vtilia quæ dicuntur? Quod nece arbitror ignorare. Hæc Augustinus. Et lib. ij. de doctrina Christiana cap. xxxvij. idem docet. Ex cuius verbis satis aperte conuincitur, longissime à veritate distare eos, qui eloquentiam expresse accusant, quam constat non ex se: sed ex male utentium vitio malam esse, quippe quæ ad multa utilis esse possit, si quis ea bene uti velit. Potest adhuc ad aliam non contemnendam utilitatē Christianis viris præsertim doctis prodesse gentilium scriptorum lectio, ut videlicet eorum secreta rimantes facilius eos disputatione vincere possimus. Et sic suo ipsorum gladio illos configemus, prout Dauid fecit contra superbum Goliath proprio illius gladio illum interficiens. Nam ita

*Augusti.**1. Reg. 71*

*Damasc.* fieri præcipit beatus Damascenus lib. iij. de fide ortho- C  
*Virg. li. 1.  
Aeneid.* xā, cap. xvij. sic inquit: Si autem ab iis, quibus foris sunt de-  
 cerpere quippiam utile valuerimus, non aspernabile est. Efficiamur probati trapezitæ, legitimus, & purus aurum  
 aceruantes, adulteratum autem refutantes. Sumamus ser-  
 mones optimos, deos autem ridiculos, & fabulas alienas ca-  
 nibus proiciamus. Nam plurimam ex ipsis contra se ipsos  
 fortitudinem habere valebimus. Hæc Damascenus. Ex  
 propriis enim gentilium sententiis, quas de diis suis as-  
 serunt, fortissima sumuntur contra ipsos argumenta ad  
 conuincendum vanum illorum errorem. Nam cum de Io-  
 ue illo, quem Virgilius Deorum patrem, hominumque  
 Regem appellat, talia referunt supra, adulteria, raptus,  
 fraudes, mendacia, qualia quævis respublica bene institu-  
 ta abhorret, prohibet & punit, facile inde colligere possumus,  
 illum non Deum: sed flagitiosissimum hominem fuisse. D  
 Deinde Mercurij furta, technæ, doli: Iunonis præterea  
 iniqua in Troianos ira: Deorum insuper inter se pugnan-  
 tium rixæ, quorum aliqui Troianis, alij Græcis fauisse di-  
 cuntur, aperte arguunt, nihil illos veri numinis habuisse,  
 cum huiusmodi mores, non modo Socrates, aut Pythago-  
 ras, aut Diogenes: sed quicumque alius homo prudens &  
 virtutis amator respiceret, & abominaretur. Cum autem  
 vir Christianus & doctus contra gentiles philosophos &  
 poëtas disputans, armis ab illis sumptis, eos deuicerit, ma-  
 gnā inde gloriā ad Dei honorem reportabit. Pulchra  
 quidem victoria est, cōtrariam partem testimoniorum suo-  
 rum vocibus confutare, & hostem suis armis vincere, &  
 disputatoris argumenta probare tuæ potius, quā illius sen-  
 tentiæ fauere. His nanque armis aduersus gentiles pugna-  
 runt, & de illis triumpharunt multi ex illustribus illis vetu-  
 stissimis scriptoribus. Iustinus philosophus & Christi mar-  
 tyr, librum pro fide catholica contra gentes scripsit, quem  
 admonitorium appellauit, in quo ex dictis ipsorum genti-  
 lium conuincit falsum & vanum esse illorum errorem. Hoc  
*Iusti.*  
*Tertu.* idem fecit Tertul. in suo Apologetico contra gentes. Idem  
*Orige.* fecit Origenes contra Cellum. Eisdem armis pro fide ca-  
*Euseb.* tholica certat Eusebius Cæsariensis episcopus, in opere illo  
 quod fecit de præparatione euangelica, & in alio cui titu-  
 lus est, de demonstratione euangelica. Ad eundem modum  
 pugnat

- A** pugnat Cyrillus Alexandrinus episcopus in decem libris, *Cyroll.*  
 quibus Iuliani apostatæ blasphemias quas contra Christi  
 saluatoris nostri euangelium ille effuderat, confutat & con-  
 uincit. Eodem modo causam agit pro fide catholica con-  
 tra gentes Theodorus Cyrensis episcopus in opere illo *Theod.*  
 cui titulum præfixit de curatione Græcarum affectionum.  
 Denique Lactant. Firm. qui in libris diuinarum institutio-  
 num huiusmodi armis pro Christiana religione contra gen-  
 tes pugnauerat, tandem in lib. de opificio Dei cap. vlt. hæc  
 ait: Statui enim quàm multa potero, literis tradere, quæ ad  
 vitæ beatæ statum spectent: & quidem contra philosophos,  
 quoniam sunt ad perturbandum veritatem perniciosi & gra-  
 ues. Incredibilis enim est vis eloquentiæ, & argumentan-  
 di differendique subtilitatis quemuis facile deceperit, quos  
 partim nostris armis, partim vero ex ipsorum inter se con-  
 certatione sumptis reuincemus, vt appareat eos induxisse  
 potius errorem quàm sustulisse. Hæc Lactant. Ob hanc cau-  
 sam, Iulianus Cæsar apostata (vt Eutropius in vita illius re-  
 fert) studens paganitatem in omni sua dictione dilatarî, & *Iulia. apo-  
stata.*  
 Christianitatem exterminari, primum quidem Christianis  
 præcepit, ne poëtarum, aut philosophorum legerent disci-  
 plinas. Propriis (dicebat ille) pennis vulneramur, secundum  
 prouerbiū: ex nostris enim armati conscriptionibus, con-  
 tra nos bella suscipiunt. Ex his omnibus aperte constat, val-  
 de noxium esse posse, si omnes gentium scriptores ab eccle-  
 sia relegentur & omnes viri catholici, ab illorum lectione  
 abstineant, cum illi sæpe (vt probauimus) ad sacræ scripturæ  
 intelligentiam sint necessarii. Verum, quia illos alia ex  
 parte plurimum nocere posse diximus, præsertim incautis  
 & infirmis opus est vt cautelam aliquam ostendamus, quo  
 citra omne nocumentum, ex lectione gētilium scriptorum  
 proficere possimus. Hæc autem cautela in duplici conside-  
 ratione (vt ego existimo) cōsistit, quarum altera est de ipsis  
 libris qui legendi sunt, altera de rebus quæ in eisdem libris  
 continentur. Et quantum ad libros attinet, non puto eos  
 omnes esse legendos, multo que minus pueris esse traden-  
 dos: sed eorum aliquos censerem ex toto orbe Christiano  
 esse relegandos, ita vt à nemine legi possent, quoniam vix  
 prodesse possunt, & sæpe legentibus, tam facilè & cito ob-  
 esse solent: vt præsentaneum videantur in se continere ve-

nenum. Tales sunt aliquorum poetarum libri tam obscœni, tam lasciuui, tam mollia verba in se continentes, vt legentium præsertim puerorum teneros animos, facile ad libidines & lasciuas flectant. Talis est Catullus ille cuius censuram de versibus componendis proxime præcedenti capite citauimus. Tales sunt per omnia Tibullus & Propertius. Talis est Ouidius in multis operibus suis, omnium poetarum lasciuissimus. Nec ego illi iniuriam facio, talem illum existimans, cum ipse propria conscientia urgente idem de se ipso censuerit, sic dicens:

Ouid. lib.  
2. de re.  
ama.

*Eloquar inuitus, teneros ne tange poetas,  
Submoueo dotes impius ipse meas.  
Callimachum fugito, non est inimicus amori.  
Et cum Callimacho tu quoque sape nocet:  
Me certe Sappho meliorem fecit amori,  
Nec rigidos mores Teia musa dedit.  
Carmina quis potuit tuto legisse Tibulli?  
Vel tua cuius opus Cynthia sola fuit?  
Quis potuit lecto durus discedere Gallo?  
Et mea nescio quid carmina tale sonant.*

Si hoc gentilis & lasciuissimus poeta sentit & suadet, erubescere deberent Christiani puerorum præceptores, qui tales libros pueris legendos tradunt, quorum mollibus verbis & obscœnis sententiis imbuti, facile ad lasciuas & turpitudines appetendas, eorum animi flectuntur. Neque aliud de Terentio, quem sermè omnes præceptores pueris tradunt, dicendum censeo; Nam apud hunc nil aliud inuenies nisi amatorias quasdam narrationes, & his admistas parentum obiurgationes, filiorum inobedientias, seruorum fraudes, meretricum blanditias. Quid autem aliud sunt cordi adolescentis amatoriarum narrationes, quàm flamma stupis proxima? Hæc sunt verè colloquia illa de quibus Menander versiculo illo à Paulo apostolo consecrato dixit: Corruptunt bonos mores colloquia praua. Res ipsæ sine verbis puerorum animos inuitallent, & attraxissent: verba sine rebus ad se pellexissent: eloquentia ergo istorum talibus rebus accommodata, nihil aliud est, quàm dulci veneno dulce addiditum condimentum. Inter multa Lacedæmonum instituta, quæ illi optima ad suam rem pub. bene regendam statuerunt, hoc vnum (vt Plut. refert) est, quo tragædiarum, & comædiarum

1. Cor. 15

C

D



**A** diarum actiones districte prohibuerūt, vt nec serio nec ioco quidquā repugnans legibus eorū ciues audirēt. Leges enim prohibent stupra, inceſtus, adulteria, raptus : prohibent dolos, iniurias, publicas inimicitias, rupta foedera, furta, quæ omnia poëta suis diis tribuere ſolēt. Ob hāc cauſam Archilochum poëta cū in Lacedæmoniā veniſſet, eadē hora expulerunt, quia acceperant illū in carminibus ſcripſiſſe, melius eſſe abiicere arma, quā mori. Si tanta diligentia lacedæmonia Principes gentiles curarunt à ſua repub. comœdias, & tragœdias abigere, ne ſuis prauis verbis bonos ciuium mores peruerterent, multo iuſtius eſſet, vt Chriſtiani Principes, quibus maior debet eſſe bonorū morum cura, non ſolum comœdiarū & tragœdiarum actiones: ſed ipſarū etiā lectiones prorsus i. hiberent, potiſſimū ne teneris puerorum animis traderentur. Forte aliquis iſtorū poëtarum aduocatus, illos tueri cupiēs, dicet propter linguæ Latinæ notitiam & vocū proprietatē diſcendā tales libros pueris eſſe tradendos. Sed qui ſic dicet, nimiū fallerur. Quoniā illa verborum proprietas, plus ab oratoribus & aliis qui ſoluta oratione ſcripſerunt, ſumenda eſt: quā à poëtis, qui vt legibus carminū plenē ſatisfaciant: ſæpe ipſis vocibus, aliter quā oportet, vtuntur. Et ita leges grāmaticæ prætereunt: ne leges carminū dimittāt. Deinde, ſi poëtas pueris tradere neceſſariū eſſet, alios multo meliores qui minus moribus & religioni obſeſſe poterant, tradere oportebat. Habent illi Virgilium poëtarū principē, qui etſi multa de diis nefanda referat, in reliquis tamen, non eſt adeo peſtilens vt alij. Habent Lucanū, potius oratoribus (vt Quintil. ait) quā poëtis imitandus. Habent Horatium poëtarū caſtiſſimū. Habent Perſium & Iuuenalē vitiorū obiurgatores. Habemus & nos etiā Chriſtianos poëtas, viros eloquētiſſimos, Iuuenicum, Sedulium, Prudentiū, Aratorem, Laſtantium, Victorinum, Paulinum: qui multorū virorum doctōrū iudicio, in multis rebus cū gentilibus poëtis certant, & in aliquibus eos vincunt. Habemus etiā ex recentioribus Baptiſtam Mantuanum, Syncerū Sannazarium, Antoniū Flaminium, qui nuper pleroſq; Dauidis pſalmos carmine Heroico digeſſit. Hos Chriſtianos poëtas pueris in primis tradendos cenſeo, à quibus illi linguæ Latinæ peritiā, pietati religioniq; coniunctā, diſcere poterunt. Reliquos vero gen-

tiles poëtas, si quando illi legendi sunt, ab illis solùm, qui C  
 iam in virtute & religione profecerunt, legendos esse puto.  
 Et quod de lasciuis poëtis dixi, de aliis quæ soluta oratione  
 similes lasciuias & obscœnitates scripserunt, qualis est in  
 suo Asino aureo Apuleius, Idem prorsus dicendũ esse puto.  
 Neq; ab hac lege & censura excludo eos libros qui de men-  
 daciis, & falsis amoribus in linguis vulgaribus scripti sunt,  
 qui adeo legentibus placent, vt illos multis rerum seria-  
 rum & verarum scriptoribus præferant. In quibus id nunc  
 euenisse videmus, quod Paulus longè ante futurũ prædixe-  
 rat. A veritate quidem auditum auertent, ad fabulas autem  
 conuertentur. Parũ quidẽ refert, quo idiomate sit liber scri-  
 ptus, si in vno aequè vt in altero ea scribantur, quæ nec ad  
 mores nec ad religionem cõducere possunt. Circa reliquos  
 omnes gentilium scriptores, hanc censeo habendam esse  
 discretionem, vt illi potissimũ eligantur, quos constat mi-  
 nus religioni Christianæ & bonis moribus repugnare.  
 Quapropter ex gentilibus omnibus Ciceronẽ potissimum  
 vellem, illis qui linguam Latinam discunt tradi. Quoniam  
 sicut est Romani eloquiij, maximus author: ita est ad animos  
 hominum in bonis moribus instituendos valde proficiuus. D  
 Post Ciceronem secundũ locum tribuo Plinio Iuniori. Sed  
 ante hos omnes vellem, vt pueris traderentur aliqua opu-  
 scula Christianorum virorum, qui in lingua Latina fuerũt  
 eloquentissimi, vt fuerunt, Cyprianus, Lactãrius, Hierony-  
 mus, Ambrosius, Paulinus. Ab his enim pueri eruditi, ea quæ  
 ad religionẽ Christianam & bonos mores spectant, simul  
 cum recta dicendi scribendique ratione, discere poterunt.  
 Cum iam pueri adoleuerint, & fuerint in fide fundati, &  
 De Christianis moribus satis instructi, tunc expediret illis  
 liberam concedere per gẽtiles oratores & historiographos  
 spatiandi licentiã, vt ab illis vberius de lingua Latina do-  
 ceantur. Quod ad philosophos attinet, bene actum esse pu-  
 to, vt Aristotelem quẽ potissimũ velut Principem imitare-  
 tur: tota recentium philosophorũ schola susceperit. Is enim  
 pauciora continet quàm cæteri, quæ Christianæ religioni  
 repugnent, & melius quàm alij ea, quæ ad mores & ciuilem  
 politiam pertinent, docet. Plato nanq; & si plus (vt Aug.  
 ait) Christianæ religioni approximet, ea tamen quæ tra-  
 dit, non ita aperte & distincte (vt Aristoteles) sed per quas-  
 dam

- A** dam figuras & ænigmata quæ vix intelligi possunt, differit. Deinde per dialogos disputat. Quæ res non parvæ difficultatis causam præbet: quia sæpe nescitur quâ duorum disputantium partem tenere velit. Ob quam causam ego censeo illum non à pueris: sed à solis viris doctis esse legendum. De Mathematicis scriptoribus eos in vniuersum reiiciendos esse puto, qui de Astronomia præsertim iudiciaria differunt. Nam eorum fermè omnia sunt plena mendaciis & multa docent, quæ à viro Christiano longissimè abesse oportet. Alios Mathematicos qui Arithmeticam, aut Geometriam, aut perspectivam, aut cosmographiam docent, legendos esse puto. Quoniam multa continent, valde humanis vñibus proficua, & nihil in illis docetur, quod cum fide catholica pugnet. Hoc remedium contra hæreses ne oriantur, facile Christiani principes præstare possunt, præcipiendo in terris sibi subiectis, vt puerorum præceptores, eos solum gentilium libros illis tradant, qui minus illis lædere & magis ad pietatem & mores prodesse possint. Habita iam circa libros gentilium necessaria discretione, ita vt illi eligantur qui minus nocere & magis prodesse possunt, altera superest
- B** circa ipsos libros iam selectos habenda de rebus consideratio, ita vt falsis dogmatibus reiectis, ea solum probemus, & in nostrum vñum recipiamus, quæ Christianæ religioni magis seruire possunt, aut quæ illi non sunt contraria. Cui electioni, vt recte fiat duo genera personarum seruire possunt, videlicet præceptores qui alios docent, & ipsi qui à magistris audiunt, aut per se ipsos sine præceptore discunt. Primi qui fauere debent & possunt, sunt præceptores & magistri, qui gentilium libros aliis interpretantur. Hi enim quoties aliquid fidei catholicæ repugnans inuenierint in libro quem interpretandum susceperunt, debent velut cæcorum ductores, diligenter & docte discipulos suos admonere: vt ab illo tanquàm à periculosissimo lapsu abstineant. De qua re extat necessarium & vere Christianū decretum editum in concilio Lateranensi sub Leone x. sessione viij. cuius verba sunt hæc. Insuper omnibus & singulis philosophis in vniuersitatibus studiorum generalium & alibi publice legentibus districtè præcipiendo mandamus, vt cum philosophorum principia, aut conclusiones, in quibus à recta fide deuiare noscuntur, auditoribus suis legerint, seu expla-

*Concil.  
Later.*



nauerint, quale hoc de mortalitate animæ: aut vnitæ, aut mundi æternitate, ac alia huiusmodi teneantur eisdem veritatem religionis Christianæ omni conatu manifestam facere, & persuadendo pro posse docere: ac omni studio huiusmodi philosophorum argumenta, cum omnia solubilia existant, pro viribus excludere, atq; resolvere. Hæc ex concilio Lateranensi. Deinde, post præceptoris diligentes admonitiones oportet vt ipsimet qui præceptores audiunt, aut qui per se ipsos sine magistro præuio gentilium libros legunt, sibi ipsis consulant aperta & diligenter attendant, vt errores deuitent, & sola ea quæ sunt aperta & religioni Christianæ conuenientia recipiant, à reliquis autem tantumquam à veneno abstineant. Vnde Basilius nepotes suos edocens, quo pacto gentiliū libri sint legendi, ait: Velut enim apes non omnibus floribus insidunt, neq; ex eis ad quos accedunt omnia auferre conantur: sed quantum ipsis ad opus necessarium fuerit comprehendentes reliquū dimittunt: Nos etiam vt sobrij sapientēsq; quantū congruum nobis propinquūq; veritati ex ipsis fuerit, persequamur: reliquum prætereamus. Et sicut in legendis rosis sentes vitamus: sic in talibus sermonibus quidquid est vtile capientes, noxium vitemus. Hæc Basilius. Vt autem hoc Basilius consilium lectores recte exequi possint: tria (vt ego existimo) illos facere oportet. Primum est: vt cum ad gentilium libros legendos accedunt, firmi & stabiles in fide Catholica accedant, & illam semper præ oculis habeant: & plus sacræ scripturæ & ecclesiæ catholicæ credere proponant: quàm bis mille philosophis oppositam sententiam docentibus. Nam ob hoc solum animi propositum, sperandum est in Deo. quod non permittet illos, à gentilium librorum lectione decipi. Si autē quis nutans, aut dubius ad illorum lectionem accesserit: facile ab eis ad suū errorem trahetur. Alterum illis necessarium est humilitas, qua nolit, soli suæ prudentiæ inniti: sed agnoscat se hominem esse, qui facile decipi possit, & si aliqua argumenta fidem catholicam pugnantia, quæ ipse forte soluere nescit, apud illos legerit, suam non vereatur ignorantia fateri, potius quàm scripturam dicere mendacem, aut ecclesiā errare. Et sic scripturam sacram & ecclesiæ sententiā semper suo iudicio præferens, quamuis validissimis argumentis ex gentilium lectione

oppug-

*Basili.*

*D*

*A* oppu  
vbi h  
est, v  
ba co  
Nam  
fide  
dore  
facile  
& san  
lecti  
iecti  
conu  
gent  
te m  
quit  
dide  
dux  
chra  
duc  
cide  
*B* in d  
intr  
hun  
nus  
tus  
no:  
etri  
Mo  
Na  
liter  
re v  
cisse  
ties  
tion  
At r  
tor  
forte  
à ven  
Goli  
gera



- A** oppugnetur, nunquam succumbet. Nam (vt Salomon ait) *Prov. 11*  
 vbi humilitas ibi sapientia. Tertium denique necessarium  
 est, vt cum gentilium libros legerit, plus sensus quàm ver-  
 ba consideret, plus quid, quàm quomodo dicatur, attendat.  
 Nam qui solum verborum ornatum & non res ipsas con-  
 siderauerit: facile à gentilibus, qui nimio verborum splen-  
 dore fulgent, decipietur. Qui hæc omnia recte peregerit,  
 facile Deo adiutore verū à falso discernet, speciosum à vili,  
 & sanctum à prophano separabit, & sic tutus ad gentilium  
 lectionem accedet, vt ex illa proficiat, erroribus illorū re-  
 iectis veritatem fidei catholicæ conuenientē in suum vsum  
 conuertēs: quemadmodum olim vir Israëlita mulierem ex  
 gentibus captā, quæ sibi pulchra videretur, lege permitten-  
 te matrimonio sibi copulare poterat: Si egressus fuerit (in-  
 quit lex Mosaica) ad pugnam contra inimicos tuos, & tra-  
 diderit eos dominus Deus tuus in manu tua, captiuosque  
 duxeris, & videris in numero captiuorum mulierem pul-  
 chram, & adamaueris eam, voluerisq; habere vxorē, intro-  
 ducēs eam in domum tuam, quæ radet cæsariem, & circun-  
 cidet vngues, & deponet vestem in qua capta est: sedēsq; *Deut. 21*  
**B** in domo tua flebit patrem & matrem vno mense: & postea  
 intrabis ad eam: dormiēsque cum illa, & erit vxor tua. Ad  
 hunc modum ego de gentiliū doctrina, si eam vir Christia-  
 nus sibi copulare voluerit, faciēdum esse censeo. Nam bea-  
 tus Hieron. in Epistola quā scripsit Magno oratori Roma-  
 no: cuius initiū est. Sebesium nostrū: de eadem gentiliū do-  
 ctrina interpretatur ea quæ de muliere gentili capta lex  
 Moyſi facere præcepit: antequam illa caperetur in vxorem.  
 Nam cum argueretur, quòd libris ecclesiasticis admisceret  
 literas Ethnicorū, & sacra prophanis cōtaminaret, ostende-  
 re volens id sibi licere, & multorū sanctorū exemplo id fe-  
 cisse, Paulum inter alios in exemplum producit, qui aliquo-  
 ties Græcorū poetarum versus ad suæ sententiæ confirma-  
 tionem citauit. Et tandem de eodem Paulo loquēs, hæc ait: *Hierony.*  
 At ne parum hoc esset, ductor Christiani exercitus & ora-  
 tor inuictus pro Christo causam agens etiā inscriptionem  
 fortuitam, arte torquet in argumentū fidei. Didicerat enim *1, Reg. 17*  
 à vero Dauid, extorquere de manibus hostium gladium, &  
 Goliz superbissimi caput proprio mucrone truncare. Le-  
 gerat in Deuteronomio voce domini præceptum, mulie-  
 ris *Deut. 21*

ris captivæ radendum caput, supercilia, omnes pilos & ungues corporis amputandos, & sic eam habendam in coniugio. Quid ergo mirum, si & ego sapientiam secularem, propter eloquij venustatem, & membrorum pulchritudinem, de ancilla atque captiva Israëlitem facere cupio? Et si quicquid in ea mortuum est, Idololatriæ, voluptatis, erroris, libidinum vel præcido vel rado, & mitos purissimo corpori vernaculos ex ea genero domino Sabaoth? Hætenus Hieronymus, qui illā Deuteronomij legem de sapientia seculari, aut de veritate inter gentiles nata & nutrita, & à Christianis capta, non tam interpretatur, quàm innuit posse de illa interpretari. Ideo ego operæ precium me facturum existimaui, si illius legis singulas partes explicans, huic proposito accommodarem, ut inde aliqua ex parte discamus quatenus liceat gentiliū libros legere. Ad pugnam contra inimicos suos egressi sunt doctores ecclesiastici, quando ad subvertenda mundanæ sapientiæ dogmata processerunt. Arma quibus instructi sunt ad pugnam, inter alia Paulus dicit esse gladium spiritus quod est verbū Dei. Huiusmodi gladiis armati erant sancti illi, de quibus regius propheta ait: Gladij ancipites in manibus eorū, ad faciendam vindictam in nationibus, increpationes in populis. In hoc bello, aliquando capitur mulier pulchra: quia viri docti & fideles gentiliū libros perscrutantes, inter falsa illorum dogmata quæ subvertere conantur, pulchram aliquā veritatem, & decoram sententiam reperiunt, quæ illis mirum in modū placet. Et hanc si quis in domū ecclesiæ catholicæ traicere, & eam sibi velut vxorē marito copulare voluerit, nō prohibetur: hac tamen conditione ut prius puellæ cæsariem radat, ungues abscindat, vestemq; in qua capta fuerat deponat, & sedens apud nos, flet patrem & matrem suam vno mense. Capilli & ungues, nō sunt necessarii ad corporis humani vitā, nec ad perfectā illius substantiā constituendam: sed sunt illi omnino superflui. Radere ergo puellæ cæsariem, vnguēsq; illius circumcidere, hoc significat, ut quicquid in illa pulchra veritate apud gentiles reperta superfluum fuerit, & nullius prorsus utilitatis, refecetur. Et quia vestes sæpius ad iactantiam & vanam gloriam, quàm ad tegumentum feruiunt, hinc est quod vestis depositio, in qua puella capta fuerat, significat ut veritas illa inter gentiles reperta, inflatione

*Ephes. 6*  
*Psal. 149*

A tione  
stia i  
ipso  
cum f  
bis m  
lis di  
quo il  
scriber  
fere d  
genita  
eos qu  
viroru  
leant.  
vri lo  
gente  
ad tri  
ræ. N  
bis g  
re: q  
geme  
B itolo  
cede i  
possi  
temp  
ager  
Iuda  
illu  
Nih  
dica  
fere  
scrip  
quon  
hunc  
scrip  
per  
ta si  
Qu  
Plu  
can  
sen

A tione nudetur, & tumoris superficie qua apud gentiles vestita inuenitur, qui dicentes se esse sapientes & apud semetiplos prudentes, nunquam humiliter loqui nouerunt: sed cum fastu & gloriæ ambitione. Sub alia ergo veste est nobis mulier ista coniungenda: quia eam ipsam quam ab illis didicimus veritatem non cum ea pompa eoque fastu, quo illi: sed cum sobria grauitate & sine vlllo supercilio scribere & proferre debemus. Illa tamen apud nos sedens flere debet patrem & matrem suam, eos videlicet à quibus genita est. Flere illa dicitur, non quia ipsa fleat: sed quia eos qui illam apud gentiles legunt, prouocat, vt tantorum virorum, qui talia scribere potuerunt, perditionem doleant. Hac enim locutionis figura in communi prouerbio vti solemus, lætam epistolam dicentes quæ lætos facit legentes & domum tristem quæ habitatores illius prouocat ad tristitiam. Eadem etiam figura sæpe sacræ vtuntur literæ. Nam Paulus ait: Spiritum sanctum postulare pro nobis gemitibus inenarrabilibus. Postulare dicitur & gemere: quia quos ipse sua gratia repleuerit, postulare facit & gemere, Et beatus Petrus de Iuda Scarioth in actibus apostolorum loquens inter alia dicit: Et possedit agrum de mercede iniquitatis. Possedisse illum dicit: quia fuit causa vt possideretur ager ille, quando proiectis ab illo argenteis in templo, sacerdotes præceperunt, vt illa pecunia emeretur ager figuli, in sepulturam peregrinorum. Nam quod ipse Iudas non possederit, constat ex Matthæo, qui refert agrum illum fuisse emptum postquam Iudas se laqueo suspenderat. Nihil igitur obstat vt nos eadem locutionis figura vtentes, dicamus veritatem à Christianis apud gentilem repertam, flere parentes suos: quia nos prouocat, vt pro illis qui illam scripserunt dolentes ploremus. Nam ea prouocante sæpe quorum miramur ingenium dolemus perditionem. Sed hunc fletum mense vno complendum esse præcipit lex: quia scriptores illi gentiles, cum nihil boni in vita sua egerint per quod iram Dei sempiternam euadere possent: tota vita sua illos fuisse bonorum operum steriles, dolere oportet. Quis non merito compatiatur Socrati, Platoni, Aristoteli, Plutarcho, Ciceroni, Senecæ, Plinio Iuniori, quos omnes constat multa ad virtutem spectantia dixisse, plurimâsque sententias grauissimas scripsisse? Dolendum certe est, eos qui

Rom. 8

Act. 1

Mat. 27

qui tanto ingenio valuerunt, & tam grauiſſimas ſentētiās C  
ad aliorum profectum ſcripſerunt, nēſciſſe viam inuenire,  
qua à gehenna declinantes: ad gloriā peruenirent ſempi-  
ternam. Hanc rerum gerendarum imaginem & ambra-  
m in Deuteronomio ſcriptam, placuit tam late explicare, vt  
ſub illo literæ cortice latentem veritatem manifeſtarem,  
quæ docet nos, quò pacto veras ſententiās in gentiliū li-  
bris repertas noſtris vſibus accommodare debemus. Iuxta  
hunc modum, multi doctiſſimi viri & ſancti, tam Græci,  
quàm Latini, quorū catalogum Hieronymus textit in epi-  
ſtola ſupra citata ad magnum oratorem, ex lectione gen-  
tiliū ſcriptorum profecerunt: & multas inde grauiſſimas  
ſentētiās in vſum fidei catholicæ tranſtulerunt. Nec ſoli ho-  
mines iſti, qui etſi docti & ſancti, vt homines tamē ſcripſe-  
runt: ſed illi qui ſpiritu ſancto inſpirante loquuti ſunt, quo-  
rum lingua fuit calamus ſcribæ velociter ſcribētis, ex gen-  
tiliū libris aliqua tanquā male ab illis retenta, in ſuos  
vſus conuerterunt. Nam beatus Hieronymus teſtatur, quæ-  
dam eſſe in prophetarum voluminibus de libris gentiliū  
ſumpta, & Salomonem philoſophis Tyri nonnulla propo-  
ſuiſſe & aliqua reſpondiſſe. Sed his dimiſſis, de quibus non D  
tam aperte, quod dicimus cōſtat, ad Paulum veniamus mi-  
riſicum Euangelij præconem, de quo negari non poteſt il-  
lum gentiliū poētā vſibus fuiſſe vſum. Nam in prio-  
re ad Corinthios epiſtola, hunc Menandri verſum adducit:  
Corrumpunt bonos mores colloquia praua. Et in epiſtola  
ad Titum, Epimenidis poētæ, quem gentiliū prōphetam  
appellat, verſiculum citat, ſic dicentem: Cretenſes ſemper  
mendaces, malæ beſtiæ, ventres pigri. Et apud Athenienſes  
diſputans, partem verſiculi exametri ex Arato citat, his  
verbis. Ipſius enim & genus ſumus. Hos igitur viros ſan-  
ctitate & doctrina clariffimos imitantes, à gentiliū li-  
bris non omnino abſtineamus: ſed quod ſatis, & quādiu  
licet, illos legamus, non tamen omnes: ſed eos ſolum qui  
nimium nocere non poſſunt, nec præſentaneum valent pro-  
pitiare venenum, & à quibus aliquam poſſumus capere vti-  
litatem. Quos ſi caute (vt oportet) legerimus, illorum au-  
xilium facilius ſacras intelligemus ſcripturas, & ſic tanquā  
veri Iſraēlitæ, ex auro & argēto ab Aegyptiis, tanquā ab  
iniuſtis poſſeſſoribus ablato, Theologiæ tabernaculū con-  
ſtruemus,

1. Cor. 17

Tit. 1

Act. 17

A ſtruer  
(vt r  
tendeHa  
na,  
gna cu  
ri ing  
tamen  
puto  
talent  
redde  
rui p  
prode  
obuia  
omne  
magi  
has q  
lere,  
compB vero  
ctore  
iniua  
ſia te  
tam  
Inſar  
forti  
ſune  
ſtrat  
de a  
mod  
miſſ  
atqu  
hab  
ſect  
re.  
red  
pul  
for  
& r



**A** ſruemus , in quo veri Dei notitiam aſſequuti , illum ( vt tenemur ) colamus , fide & ſpe & charitate in illum tendentes.

*Adhortatio authoris ad Principes Chriſtianos.*

Hæc ſunt antidota omnia , quæ contra hæreſum venena , ego toti Chriſtianæ reipublicæ conſulere optans , magna cum ſolicitudine excogitare potui. Forte aliis maiori ingenij acumine præditis , plura occurrent remedia , his tamen , quæ per me nunc enarrata atque digeſta ſunt , non puto fore meliora. Ego hætenus quod potui præſtiti , & vt talentum mihi creditum Deo à quo acceperam cum uſuris redderem , Eccleſiæ catholicæ ruinam minanti ea qua potui parte manum dare tentavi , omnes hæreſum radices prodens , vt illis ſublatis facile omnibus hæreſibus eatur obuiam , ne amplius illæ oriuntur. Reliquum eſt , vt vos omnes Chriſtiani orbis rectores , quocunque dignitatis aut magiſtratus nomine cenſeamini , diligentiffime curetis hæc quas nunc oſtendimus hæreſum radices prorfus euellere , & ſic facile Deo adiutore poteritis populum vobis commiſſum ab omni hæreſeos veneno iſaſum ſeruare. Si  
**B** vero hoc onus in ſolos Epiſcopos & alios Eccleſiaſticos rectores reiicere velitis , dicentes hanc curam illis ſolis fuiſſe iniunctam : audite quid de vobis & de ſancta matre Eccleſia toto terrarum orbe diſfuſa , Deus per Eſaiam prophetam dicat : Erunt ( inquit ille ) Reges nutritij tui. Nutrix Infantem lacte nutrit , pannis inuoluit , ablaſtatum cibo fortiori alit , blanditiis fouet , caticis demulcet. Quæ tamen ſunt neceſſaria alimenta , etſi nutrix porrigit atque miniſtrat , ea nutritius puero prouidet atque perquirat , perinde ac illius nutritici. Si quis puerum offendere , aut quouis modo illi nocere tentauerit , illius tutela eſt nutritio commiſſa , propterea quòd ille puerum fortius protegere valet atque defendere. Si nutrix eam quam tenetur pueri cutam habere neglexerit , nutritio incumbit illam adhortari , obſecrare , increpare , vicariam denique puero operã impendere. Fateor quidem Epiſcoporum & aliorum Eccleſiaſticorum rectorum proprium munus eſſe , vt tanquam cõmunes populi Chriſtiani nutrices illum lacte verbi Dei nutrant , & fortiori , cum opus fuerit , cibo alant. Imperatoribus autem , & regibus , aliſq; omnibus ſeculi principibus incumbit : vt  
 populum

*Eſa. 49*

populum sibi commissum à publicis fidei hostibus pro-  
 ribus defendere, & ipsos hostes, qui populo nocere tentant,  
 punire conentur: vt pœnarum metu illi coerciti, sibi & aliis  
 sapere discant. Agnoscite igitur seculi Principes vos mini-  
 stros Dei esse, in hoc ipsum ( vt Paulus ait ) illi seruietes,  
 vt qui male egerit, potestatem timeat. Aliud præterea vos  
 ô Reges & Principes agere oportet, vt vos veros ecclesiæ  
 nutritios iuxta Dei præceptum exhibeatis. Hoc est, vt  
 apertissimæ nutricum socordix & ignauix mature subue-  
 niatis, illas adhortando, obsecrando, in omni patientia, si-  
 cut decet ministros Dei, increpando, vt ea quæ populo  
 Christiano debent, diligenter illæ præstare conentur. Id de-  
 nique potissimum curare debetis, in quo huius rei puppis  
 ( vt dicitur ) & prora constituta est, vt eos solos patia-  
 mini institui animarum rectores, quos sciueritis  
 posse optime suo respondere officio. Alioqui

Deus animas pereuntes de manibus ve-  
 stris requiret, propterea quòd oues  
 his, quos noueratis esse lupos,  
 commisistis, aut com-  
 mitti permi-  
 sistis.

F I N I S.

I N  
R E  
qu

tem  
 est o  
 iurid  
 458.  
 Admon  
 leni  
 dine  
 tur.  
 Adme  
 ter  
 vt o  
 tina  
 hze  
 c.d.  
 Adme  
 ran  
 re  
 23  
 Amb  
 10

# INDEX OMNIUM

## RERUM PRÆCIPUARUM

*qua in his tribus libris, de iusta hæreticorum  
punitiōe, pertractantur, ordine al-  
phabeticō digestus: ubi aduer-  
tas A, B, primam pagel-  
lam, & C, D, secun-  
dam signifi-  
care.*

A



**A**bsolutio à pec-  
catis, vt recte  
fieri possit,  
duplicē exi-  
git potesta-  
tem in sacerdote, vna quæ  
est ordinis, altera quæ est  
iurisdictionis. 451. &  
458. c. d

**A**dmonendus est hæreticus,  
leniter & cum mansuetu-  
dine, antequam corripia-  
tur. 174. d

**A**dmonitio qualis & quali-  
ter, & à quo facienda sit,  
vt quis cenferi possit per-  
tinax, & per consequens  
hæreticus. 96. & 97. a. b.  
c. d

**A**dmonitio quoties sit ite-  
randa, vt quis dicatur hæ-  
reticus incorrigibilis.  
232. 233. c. d. a. b

**A**mbitio fuit multarum hæ-  
resum causa. 548. c

**A**mbrosius excommunica-  
uit Theodosium Impera-  
torem. 592. c. d

**A**nathema & excommuni-  
catio, non sunt prorsus  
idem. 440. c. d

**A**ngeli siue boni siue mali  
non impediti, possunt cor-  
pora humana de loco ad  
locum mouere. 157. a

**A**nima humana naturaliter  
loquendo, non potest nisi  
corpus humanum vege-  
tare. 135. a

**A**ppellare à sententia Papæ  
in causa fidei, an liceat  
alicui. 102. c. d

**A**ppellare quādo potest hæ-  
reticus, postquam fuerit  
de hæresi admonitus. 96.  
c. & 100. c. d

**A**postasia non dicit speciem  
infidelitatis distinctā ab  
hæresi. 74. c. d

**A**postata vere dicitur hære-  
ticus. ibid.

**A**postata sponte ad fidem

V

rediens, recipitur ad misericordiam sicut hæreticus. 216.c.d

Apostatarum in iure signatorum diuersitas docetur. 221.a.b

Apostoli fuerunt à Christo, & non ab alio homine instituti. 490.c.d

Aruspices qui dicantur. 123.a.b

Auaritia est multarum hæresum causa, 550.c

Augures qui dicantur. 123.b

## B

**B**ellum contra hæreticos iuste moueri potest. 372.c.d. & per totum capitulum.

Belli iusti multæ & variæ describuntur causæ. ibid.

Bellum vt iustum esse possit, multa requiruntur. 370.371.c.d.a.b

• Bellare est interdictum clericis. 607.a.b

Bellum cōtra hæreticos non potest iuste moueri: nisi prius ecclesiasticus iudex declarauerit illos esse hæreticos. 9.a

Blasphemia quid sit. 111.b

Blasphemia est duplex, vna interior, alia exterior. ibidem

Blasphemia & spiritus blasphemix differunt. 114.c.d

Blasphemia oris quare sic dicatur. 115.b

Blasphemus potest esse aliquis quamuis non sit hæreticus. 117.a.b

Blasphemus quando potest & debet ab inquisitoribus hæreticorum puniri. ibidem.b

## C

**C**anonizationis verba quibus Papa sanctum aliquem canonizat, citantur. 57.a

Canonizari sanctus non potest per alium quàm per Papam. 58.c

Carnis illecebræ sunt causæ multarum hæresum. 58.c.d

Catechumini antequàm baptismo fluminis baptizetur, potest esse hæreticus. 79.b

Causæ futurorum effectuum tripliciter se habent ad effectus suos. 120.d

Chiromantici qui dicantur. 122.d

Cogi potest quisque à superiore suo, vt faciat quod tenetur facere, non tamen vt faciat quod non tenetur. 164.d

Concilium provinciale errare potest in fide. 46.d

Concilia prouincialia qualem habent auctoritatem. 117.b



- tem. ibidem
- Concilium generale recte congregatum, non potest errare in definitionibus fidei. 34.c. & 45.b
- Concilij generalis recte congregati definitio, satis est ad hæresim conuincendam. 46.c. & 47.a
- Concilia generalia in quibus papa non adest, sed illius legati adsunt, quare petunt à papa confirmationem decretorum suorum. 65. & 66.a.b.c
- Confessionem peccatorum dicere non esse de iure diuino est hæreticum. 99.a.b
- Confirmationis sacramentum quid præster suscipienti. 594.c.d
- Conuersatio cum bonis hominibus multum potest prodesse: & quæ cum malis hominibus habetur, multum potest obesse. 308.c
- Corpora humana possunt à dæmonibus de loco ad locum transmutari. 157.a.b
- Correptio vt profit delinquenti, debet esse mansueta. 175.a.b
- Correptio vt sit obligatoria, aliqua exiguntur. 508.c. & 515.a
- Corripere hæreticum fraternaliter an teneatur testis, antequam illum prodatur. 504.c.d
- Credentes hæreticorum qui dicantur. 164.d
- Crimen publicum quod dicatur. 313.b
- Crucifixus est Christus hora tertia vocibus, & consilio sacerdotum Iudæorum: & hora sexta manibus militum. 364.c.d
- D
- D**ebitum matrimoniale non tenetur fidelis reddere coniugi hæretico. 293.b. sed si hæreticus conuertatur, tunc tenebitur reddere. 297.a.b
- Defensores hæreticorum qui dicantur in iure. 172.c
- Defensores malorum nunquam desunt. 173.b
- Defensor malorum peior est illis. 264.c.d
- Dæmones naturas rerum melius quàm homines cognoscunt. pag. 123.b. & 140.d
- Dæmones nunquam gratis aliquid homini donant. 128.d
- Dæmones aliqua promittunt hominibus, quæ minime illis præstare possunt.

- sunt. 128. & 130. c. d  
 Dæmon non potest hominem in bestiam transformare. 134. c  
 Dæmones an possint cum fœminis coire, aut hominibus succumbere. 162. c. d  
 Depositum reddere hæretico nullus tenetur. 293. a  
 Deprehensus in hæresi quis dicatur. 211. & 212. b. c. d  
 Dialectica est sæpe necessaria ad sacræ scripturæ intelligentiam, & propter illius ignorantiam aliqui errauerunt in fide. 657. b  
 Disputare publice cum hæretico pertinace probatur non esse bonum multiplici ratione. 180. c  
 Disputatio occulta cum hæretico facta, laudabilis est. 183. a  
 Disputantes de rebus maximis & quæ nostrum intellectum superant coram populo rudi, quamuis sint catholici, male agunt. 185. a. b  
 Disputare de fide quomodo intelligatur esse prohibitum laicis personis. 188. c  
 Diuinatione quid sit. 119. b  
 Diuinator quis dicatur, ibidem  
 Diuinationes aliquæ hæresi miscuntur, & sine illius adminiculo exerceri non possunt. 122. c. d  
 Diuinationes aliæ sine hæresi exercentur. 124. d  
 Diuitiarum cupiditas, multos in fide errare fecit. 275. 276. & 277. a. b. c. d  
 Diuitiarum amittendarum metus, multos reuocat à perpetratione eorum criminum propter quæ sunt illis à iure priuandi. 272. c  
 Diuitiarum amittendarum metu, Iudæi nolunt ad fidem Euangelij conuerti. 275. b  
 Diuitiarum possessionem dicere esse viris ecclesiasticis illicitam, hæresis est multorum hæreticorum. 278. c  
 Doctoris alicuius quantumlibet sancti sententia, non sufficit sola ad conuincendum aliquam hæresim. 40. c  
 Doctorum omnium sacrorum, de re ad fidem pertinente, sententia sufficit sola ad conuincendum quancunque hæresim. 41. c  
 Dominij effectus qui sunt. 276. c. d  
 Dominium bonorum hæretici sine possessione habet fiscus ante hæretici con

# I N D E X

- condemnationem. 284.c.  
 & 340.c.d. & hæreticus il-  
 lo tempore possessionem  
 haber sine dominio.
- Dominiorum genera multa  
 referuntur. 297. a. & de-  
 clarantur in foliis sequen-  
 tibus.
- Dubius in fide quando sit di-  
 cendus hæreticus. 183.  
 a.b
- E**
- E**cclésiæ vniuersalis con-  
 sensus, sine aliquo scri-  
 pturæ testimonio, satis est  
 ad hæresim conuincen-  
 dam. 37.a
- Ecclesia non potest punire  
 aliquem propter solum  
 actum animæ interioris.  
 425.a.b
- Ecclesiæ potestates duæ sunt,  
 vna quæ dicitur ordinis,  
 altera quæ dicitur pote-  
 stas iurisdictionis. 450.  
 c. d. & istæ duæ potesta-  
 tes sunt necessariae vt quis  
 possit aliquem sacramen-  
 taliter absoluer. ibid.
- Ecclesia Papam eligens, hoc  
 ipso se ad illius obedien-  
 tiam obligauit, si electus  
 consentit electioni ab ea  
 factæ. 477.a.b
- Eloquentia magnas vires ha-  
 bet ad flectendos animos  
 hominum. 651.a
- Eloquentia bona est, si quis  
 bene illa vtatur. 659.a
- Eloquentes homines raro  
 bene credere testatur Hie-  
 ronymus. 656.d
- Episcoporum catholicorum  
 iam defunctorum qui in  
 qualibet ecclesia præces-  
 serant, catalogus olim  
 publice in ipsa ecclesia,  
 aut altare legi solebat.  
 446.d
- Episcopus aut sacerdos fa-  
 ctus hæreticus, non amit-  
 tit potestatem ordinis.  
 450. & per totum capitu-  
 lum.
- Episcopi potestates quæ ad  
 solum ordinem spectant,  
 variæ sunt. 462.c.d
- Episcopi non possunt per  
 quodcunque peccatum,  
 amittere illam potesta-  
 tem ordinis quem ha-  
 bent circa collationem  
 ordinis & confirmatio-  
 nis sacramentorum. 463.  
 a.b
- Episcopus factus hæreticus,  
 eo ipso amittit potesta-  
 tem iurisdictionis. 653. &  
 per totum capitulum.
- Episcopi succedunt aposto-  
 lis. 489.B
- Episcopalis potestas ex iure  
 diuino est. ibid.
- Episcopatum diuisio iure  
 humano introducta est  
 ad tollendas dissensiones.  
 142.c.d
- Episcopū qualem esse oportet



# I N D E X

- teat. 607.608.& per totum cap.
- Episcoporum,& aliorum pastorum negligentia est multarum hæresum causa. 584.& per totum cap.
- Episcopi quid facere teneantur. ibid. & folio sequenti.
- Episcopi & alij animarum rectores, puniuntur pro peccatis subditorum. 615. a.b
- Episcoporum abundantia multorum malorum læst causa. 611.612
- Episcoporum & aliorum sacerdotum indignitas est multarum hæresum causa. 18.& per totum c.
- Error, & hæresis differunt. 26.d
- Error voluntatis & error intellectus quomodo differant. 230.c
- Errare circa fidem contingit dupliciter. 107.a
- Errare potest aliquis sine culpa. 86.c
- Errans per ignorantiam, licet non tenetur propter cuiuscunque admonitionem reuocare errorem suum, tenetur tamen post admonitionem viros doctos consulere, à quibus doceatur. 92.d
- Errans per ignorantiam, & iurans se à sua sententia non discessurum, ob hoc solum censendus est pertinax & hæreticus. 93.a
- Errare non permittet Deus eum qui facit quod in se est. 567.b
- Excommunicatio non solum percutit excommunicatum: sed ligat omnes alios fideles ne illi suffragentur. 444.d
- Excommunicatus est ipso iure qui percutit clericum hæreticum nondum degradatum. 320.c
- Excommunicari non potest aliquis propter solum animi interiorem actum. 462. c.d
- Excommunicari non potest aliquis post mortem suam. 432.d.& per duo capitula integra.
- Excusatio ab hæresi duplex esse potest, una apud Deum, altera apud homines. 105.a.b
- Exempla audita aut visa multum valent ad mouendum animos aliorum. 311.a
- Exempla regum & principum ferè semper imitantur eorum subditi. 327.b & 309.b

F

**F** Autores hæreticorum qui dicantur in iure.

168. c



168.c

Felicitas vera vbi constituen-  
da sit ignorauerunt phi-  
losophi, & varia fuit de  
hac re illorum sententia.

645.a.b

Fides catholica aliquando à  
viris in doctis appellata  
est secta, nunquam tamen  
à viris catholicis dicta est  
hæresis.

9.a

Fidei virtus quanta sit. 19.a

Fides acquisita sine doctore  
exterius docente, haberi  
non potest.

81.a

Fidem catholicā non æqua-  
liter omnes Christiani sci-  
re tenentur.

87.b

Fidem catholicam suscipere  
nemo cogi potest.

264.d

Fides catholica quare nō fue-  
rit primo prædicata per  
sapientes, aut reges po-  
tentes.

268.d

Fides est fundamentum to-  
rius ecclesiasticæ structu-  
ræ.

479. & 480.

Fides superat intellectus hu-  
mani potentiam.

558.d

Filij, aliquando puniuntur  
temporaliter pro peccato  
parentum: sed nunquam  
æternaliter.

339.a

Filios pro parentibus puni-  
re an sit iustum.

321.a. &

per duo sequentia cap.

Filij vt in plurimum nitun-  
tur parentes suos imita-  
ri.

307.b

& 308.c

Filij hæreticorum sunt ipso  
iure liberi à patria pote-  
state.

298.c.d

Filij hæreticorum tenentur  
subuenire parentibus hæ-  
reticis extremam necessi-  
tatem parientibus.

299.a

Filij hæreticorum sunt ipso  
iure infames.

316.d

Filij nati ante crimen à pa-  
tre commissum non sub-  
iacent pœnis, quæ propter  
crimen patris filijs inflig-  
guntur: sed hoc non est  
verum in crimine hære-  
sis.

531. per totum.

Filius qui commisit crimen  
læsæ maiestatis, si à pa-  
tre offeratur iudici, mi-  
tiori pœna punietur.

516.d

Filius magis tenetur dilige-  
re patrem: quàm pater fi-  
lium.

518.c

Filius magis tenetur subue-  
nire patri necessitatem  
patientis, quàm pater fi-  
lio.

519.a.b

Filius magis tenetur sub-  
uenire patri necessitatem  
patientis, quàm proprio  
filio eandem necessita-  
tem patienti.

521.

Et in-  
de. deducitur vt pater  
egens potius debeat pe-  
tere alimenta à filio suo  
diuite, quàm à patre di-  
uite.

# I N D E X

Filius accusans patrem de crimine hæresis, dignus est, vt liberetur à pœnis: quæ illi ob crimen patris sunt à iure decretæ. §27.b

§37.a

Fiscus habet dominium bonorum hæretici sine possessione, antequam hæreticus condemnetur. 292.c

Fratres non censentur hæretici respectu Christianorum. §11.a

Furtum committit non solum qui alienum inuito domino rapit: sed etiam qui detinet. 188.c

Furtiuam rem qui agnoscit vbi sit, tenetur domino querenti illam indicare: sed non furem. ibid.d

## G

**G**rammaticæ verè ignorantia aliquos in sacræ scripturæ interpretatione, & in fide errare fecit. 659.a.b

Gentilium scriptorum libri multa continent per quæ fides catholica oppugnatur. §49.per totum.

Gentilium librorum lectio assidua & indiscreta potest esse causa multarum hæresum. §46.& per totum cap.

Gentilium librorum lectio

prodesse potest viris Christianis & doctis, ad ipsorum gentilium confutationem. 659.b

## H

**H**æresis Græca vox est non latina cuius vera etymologia datur. 7.b

Hæresis licet sit operatio intellectus, procedit tamen ab electione voluntatis. 10.d

Hæresis diffinitio datur. ibi.

Hæresis non est in opere exteriori. ibid.

Hæresis non pendet ab assertore, vt hæresis dici debeat. 17.b

Hæresis suspitio oriri potest ex aliquo opere exteriori. 26.d.& 28.c

Hæresis omnibus vitiis viâ parat. 18.c & 19.b

Hæresis est schismate peior. 21.b

Hæresis multis viis conuinci potest, quæ assignantur. 32. c. 34. c. 35. a. & 39. b

Hæreses variae sunt, quarum aliquæ sunt apertæ, aliz latenter damnatae. 94.c.d

Hæresis nulla diu durauit, nisi quæ Principes seculares habuit defenso-

res.

- res. 172.d  
 Hæresis iudicandæ potestatem non habet iudex secularis. 216.d.  
 Hæresis discernendæ & iudicandæ plenam potestatem habet concilium generale recte cōgregatum & post illud solus Papa. 45.46.b.c  
 Hæreses multæ ex vna sola hæresi deriuantur. 226.c  
 Hæresum causæ variæ describuntur in tertio libro, per multa cap.  
 Hæretica propositio nullatenus in scholis defendenda est : etiam si fiat disputationis causa. 188.c.d  
 Hæreticus est priuatus iure ecclesiasticæ sepulturæ. 427.a  
 Hæreticus est ipso iure excommunicatus. 424.d.& per totum cap.  
 Hæretico nunquam reuelat Deus aliquid ecclesiæ necessarium : quod catholicis non reuelauerit. 405.a.& inde  
 Hæreticus antequam quis esse pronuncietur, oportet diligentissime rem examinare. 69.a.b  
 Hæreticus figuratur per leprosum. ibid.B  
 Hæreticus vt quis merito dicatur, multa requiruntur, quæ assignantur 69.a.b.& 70.c.d  
 Hæreticus dici non potest, qui licet baptizatus fuerit, de fide tamen catholica à nemine fuit edoctus. 91.a.b  
 Hæreticus est membrum ecclesiæ quamuis putridum 502.c  
 Hæreticus nullus esse potest per solam ignorantiam, sine malitia voluntatis. 89.a  
 Hæreticum punire negligens rector, reus erit apud Deum omnium peccatorum quæ ille fecerit. 170.d  
 Hæreticus ad fidem redire volens est misericorditer recipiendus. 204.205.206.c.d.a.b.c.d  
 Hæretici ad fidem redeuntes, non sunt omnes eam æquali misericordia recipiendi. 207.& 208.a.b.c.d  
 Hæretici sunt figurati in illis viris qui turrim Babylonis ædificare cœperunt 400.c.& 547.a  
 Hæreticus habens beneficium, non est ipso iure priuatus illo:& facit fructus suos quousque priuetur illo. 319.a.b  
 Hæretici significantur per zizania. 366.367.c.d.  
 a.b

- H**æreticos bello oppugnare licet. 369. & 370. a. b. c. d
- H**æretici significantur per lamias. 392. c. d
- H**æreticorum punitionem licitâ esse & necessariam probatur multis rationibus. 254. 255. 256. c. d. a. b. c. d
- H**æretici sunt tanquam lupi quos verus pastor debet fugare. 167. 168. & 591. a
- H**æreticorum punitio constat ex sacris literis. ibid.
- H**æreticos primi Imperatores Christiani puniuerunt. 270. c. d
- H**æretici sunt falsarii. 274. c
- H**æretici omnium bonorum possessione iuste priuantur. 272. & illam ipso iure sine iudicis sententia amittunt. 273. c. d. a. b. & inde sequitur, quod non possunt facere testamentum. 274. c. d
- H**æretico quamuis conuicto, & per sententiam ad mortem damnato, ecclesia non negat poenitentiae, & eucharistiae sacramenta, si ille contritionis signa ostenderit. 215. a. b
- H**æreticus ad fidem rediens, antequam ab ecclesia recipiatur, tenetur ab iurare hæresim suâ. 224. c. Tenetur etiam promittere & iuramento confirmare: quod nunquâ in posterum ab unitate fidei catholicae recedet. 225. a
- H**æreticos non esse puniendos qui docent, merito de illis habetur suspitio illos esse hæreticos. 253. a. b
- H**æreticus est ipso iure infamis: & hæc infamia extenditur ad filios. ibidem.
- H**æreticus non potest esse reftis. 316. d
- H**æretici pertinaces sunt morte puniendi. 282. per totum cap.
- H**ydromantici qui dicantur 127. a
- H**omo defunctus non potest à dæmone suscitari. 130. c & 139. a
- H**omo non potest à dæmone in bestiam transformari. 133. b

## I

- I**diota aliquando potentior est ad conuertendum hæreticum, quàm omnes viri docti. 240. c
- I**gnorantia quando possit excusare aliquem ab hæresi. 89. b
- I**gnorans se esse ægrum nunquam sanari potest. 580. c



Imagines rerum solent eisdem de nominibus appellari quibus ipsæ res quarum sunt imagines. 139.b

Imperialis aut regalis potestas non est fundata supra fidem sicut papatus : & ideo licet Imperator, aut rex fiat hæreticus, non amittit ex iure diuino ipso facto imperium aut Regnum. 495.A

Incorrigibilis quare aliquis dicatur. 130.c.248.c

Infamia iuris & infamia facti describuntur. 212. & 213.d.a.

Infidelium opera non omnia sunt peccata. 64.d

Inquisitor hæreticorum multa debet facere, antequam hæreticum damnet, ut illum conuertere possit. 239. & 240.a.b.c.d.

Inquisitores hæreticorum tradentes hæreticum potestas seculari pro illius arbitrio puniendum : non sunt similes sacerdotibus Iudæorum, qui Christum Pilato tradentes, dicebāt: nobis non licet interficere quenquam.

• Intercedere pro hæretico manifestum apud iudicem nemini licet. 170.d

Iracundus non est, qui semel irascitur. 607.a

Iudæi à principio agnouerunt Christum esse verum

Messiam : sed postea per inuidiam excæcati illum non cognouerunt. 536.c.d

• Iudæi ne ad fidem Euangelij conuertantur, vna causa est : quia postea non permittetur illis vsuras exercere. 275.b

• Iudex ecclesiasticus nunquam damnat aliquem ad mortem corporalem. 526.d

Iudicem in causa fidei, cui omnes obedire teneantur esse necessarium probatur. 42.d

Iudicem hæreseos non esse sacram scripturam, prout Lutherus docuit, probatur. 42.d

Iudex verus & indubitatus in causa fidei est concilium generale recte congregatum, aut sedes apostolica. 44.d. & 47.a

Iudex verus in causa fidei non potest esse vniuersitas, aut studium aliquod generale. 46.d

Iudex indubitatus in causa fidei non est Episcopus, quamuis sit iudex hæreticorum. 49.b

Iudex certus & infallibilis in causa fidei, non potest esse legatus sedis apostolicæ. 54.c

Iudex non potest filium pro patre punire ad mortem: Deus autem sic. 340.d

- Iudex sine testibus non potest reum punire. 504.c  
 Iudex secularis licet non possit iudicare de crimine hæresis, potest tamen iudicare de poenis quæ illi debentur. 526.c.d  
 • Iuris canonici defectus quando suppletur per ius civile. 121.b
- L
- L**amia quid sit. 154.c.d  
 Lamia mulieres & strigæ an sint censendæ hæreticæ. 163.b  
 Lamia bestia sunt figuræ hæreticorum. 392.c  
 Legatus sedis apostolicæ, non potest esse iudex infallibilis in causa fidei. 51. & 52.b.c.d.  
 Leonigildus Hispaniarum rex hæreticus filium suum fidelem interfici iussit. 311.b  
 Lex sancta est, quanvis ex illa occasionem peccandi, illa non donante, sumant. 202.c  
 Leges Principum secularium obligant in conscientia, non tamen omnes. 416.c & inde  
 Legis ratione cessante, debet cessare lex. 527.b & inde  
 Libri hæreticorum sunt coburendi. 389. & 390. per
- totum cap.  
 Libri hæreticorum sunt velut fontes venenosi. 390. 391.  
 Libros hæreticorum vendere promittens, suspectus est de hæresi, & reus erit coram Deo omnium malorum, quæ ex illorum permissione succedent. 393.a  
 Libri hæreticorum & si aliqua vera contineant, illa tamen sunt multis mendaciis plena. 407.a  
 Libri hæreticorum & si aliqua vera contineant, illa tamen multo melius in lib. Catholicorum inveniuntur. 404. & 405  
 Libros hæreticorum legere quibus, & quando licitum sit. 415. & per totum.  
 Libros omnium hæreticorum legere, non est adhuc generali lege prohibitum. 417.a  
 Libros Lutheri & eius sequacium legens, est ipso facto excommunicatus per bullam, quæ legitur in cœna domini. 423. & 424  
 Libri gentilium scriptorum non omnes legendi sunt: sed illi soli qui magis prodesse & minus obesse possunt. 668.c  
 Libros gentilium legentes debent esse sicut apes. 485.

# I N D E X

485.a.b  
Lingua latina quæ nunc ar-  
te discitur ,olim toto po-  
pulo Ro. fuit communis.  
667.a.b  
Luporum nomine quid si-  
gnificetur in sacra scri-  
ptura. 590.c

## M

**M** Agi qui dicantur. 126.  
c.d  
Magi quando dicantur hæ-  
retici. 129.a  
Malefici quare sic appellen-  
tur. 138.d  
Maleficiorum diuersitas de-  
scribitur. ibid.  
Maleficia dæmonis adiuto-  
rio fiunt. ibid.  
Maleficio soluere aliud ma-  
leficium peccatum est.  
141.a  
Maleficio sollicitans , vt  
maleficio maleficio sol-  
uat , grauiter peccat.  
142.d  
Malefici de multis sunt ab  
inquisitoribus examinan-  
di. 147.a.b  
Maleficio quod exercetur  
per admisionem alicuius  
sacramenti , aut rei sacra-  
mentalæ : reddit illius  
operatorem suspectum de  
hæresi. 149.a  
Maria virgo quomodo du-  
bitauerit , quâdo Gabrie-  
lem angelum interroga-

uit. 72.d  
Marcellinus Papa, & si thura  
idolis obtulit, non tamen  
ideo est hæreticus dicen-  
dus. 496.c  
Marrani quare aliqui dicun-  
tur. 76.d  
Matrimonium fratris cum  
sorore est prohibitum ex  
lege naturæ. 642.c  
Mendacis hominis præ-  
mium quale sit. 412.c  
Mercenarius pastor quis di-  
catur. 326.b  
Meritum alicuius potest al-  
teri opitulari pro quo il-  
lud obtulerit. 522.c.d  
Mereri alteri non potest, qui  
prius sibi nihil meretur.  
538.c  
Messiam in lege promissum  
fuisse Christum , proba-  
tur duobus testimoniis.  
620.d  
Missa celebratio iuxta ordi-  
nem & ritum quem Ro-  
mana tenet ecclesia , quâ-  
do , & ob quam causam  
cepit celebrari in Hispa-  
nia. 77.a  
Moparabes quare dicantur,  
vide. ibid.  
Mortis pœna in iure cano-  
nico sumitur pro excom-  
municatione , aut deposi-  
tione. 527.a  
Mortui an sentiant pœnas  
propinquorum suorum  
viuentium , res est dubia.  
330.c.d

Mulier

# I N D E X

Mulier facilius decipitur  
quàm vir. 155.a  
Mulier est pronior ad libidi-  
nem quàm vir. ibid.  
Mulier fidelis quare possit à  
viro infideli separari. 430.c  
Mulieri predicare aut doce-  
re non est permissum.  
582.c

## N

**N**ecromantici qui di-  
cantur, vide 127.a  
Necromantia quid sit, vide.  
ibid.  
Nutrix & nutricius quid cir-  
ca puerum illis commis-  
sum agere debeant.  
671.b

## O

**O**bliuio sicut ignorantia  
potest aliquem ab  
hæresi excusare. 90.c  
Occidere hominem scelera-  
tum ex auctoritate publi-  
ca, nō est lege diuina pro-  
hibitum. 344. 345. c. d.  
a.b  
Occidendi hominem tres  
causæ iustæ referuntur &  
declariantur. 346.c.d  
Odire Deum quid sit. 113. &  
114.b.c  
Ordinis potestatem nun-  
quam amittit sacerdos hæ-  
reticus, quamuis sit de-

gradatus. 455 & inde: sed  
amittit potestatem iuris-  
dictionis. 458.c.d  
Ordinis sacramentum non  
est iterabile. 456.c.d  
Ossij Cordubensis episcopi  
pessima mors refertur.  
256.d

## P

**P**acta cum dæmone du-  
pliciter fieri contin-  
git. 127.128.b.c  
Papa, vide in dictione, Sedes  
Apostol.  
Papa non potest committere  
alicui potestatem iudi-  
candi infallibiliter in  
causa fidei. 53.a  
Papa etsi errare potest ut per-  
sona priuata, non tamen  
quatenus publicam agit  
personam. 55. a. &  
472.c  
Papa non potest committere  
alicui canonizationem  
alicuius sancti: sed potest  
committere inquisitio-  
nem vitæ illius. 57.a  
Papa non potest auferre ab  
episcopis potestatem il-  
lam quam habent circa  
collationem sacramenti  
ordinis. 463.b  
Papa non potest prohibere  
episcopis executionem or-  
dinis episcopalis circa sa-  
cramenta. 464.d  
Papa potest tollere ab epi-  
sco



# I N D E X

- scopis eam potestatem ordinis quam habent circa sacramentalia. 471.b
- Papa si fiat hæreticus, eo ipso amittit potestatem papalem. 471.b. & per totum cap.
- Papa non subditur iuri humano. 472.d
- Papæ multa sunt necessaria, vt vere sit papa. 477.a.b
- Papa cum primo electus est, potest renunciare electioni de se factæ, postquam autem semel consensit, non potest sine consensu ecclesiæ. ibid.b
- Parabolarum sensus non est sumendus à propria vocum significatione: sed à significatione earum rerum, quæ per voces significantur. 426.c.d
- Pater tenetur filios & subditos corrigere. 258.c
- Pax promissa est mundo per Christi aduentum. 358.c.d
- Peccatum intellectum excusat, & inde oritur hæresis. 534.c
- Peccatum interrogantis est causa, vt erret doctor, quem ille interrogat. 557.b
- Pertinacia quid sit. 85.a
- Pertinax quis dicatur. ibidem
- Pertinax non semper est dicendus, qui inquisitori aliquid asserenti non vult obedire. 98.d
- Petens ab illo qui paratus est dare ad vsuras non peccat: sed petens à malefico qui paratus est maleficia exercere, vt maleficium vnum per aliud maleficium dissoluat peccat. 142.c
- Petrus pro se solo & non pro omnibus apostolis locutus est quando dixit: Ego dico tibi: quia tu es Christus filius Dei viui. 482.c.d
- Petro maiorem dedit Christus potestatem quam cæteris apostolis. 479.b
- Pœnæ temporales non semper dantur à Deo iuxta mensuram delicti. 22.d
- Pœna non semper est remittenda quotiescunque remittitur culpa. 247.a
- Pœnas oportet statuere pro transgressoribus legum. 258.c
- Pœtæ gentiles multis præbuerunt causas multarum hæresum. 657.a
- Pœtæ lasciuui & molles, non sunt pueris tradendi. 663.a
- Pœtas Christianos pueris tradere expedit, antequam ad pœtarum gentilium lectionem illi accede

- cederent. 664.c.d  
 Poetarum versibus vsus est  
 sæpe Paulus apostolus.  
 670.c  
 Potestas ordinis præstantior  
 est quàm potestas iurisdic-  
 tionis. 482.c.d  
 Potestates ecclesiæ duæ sunt,  
 vna dicitur ordinis, altera  
 iurisdictionis, & illarum  
 differentias vide. 450 &  
 totum cap.  
 Præceptores puerorum, non  
 deberent illis tradere Ovi-  
 dium, aut alium similem  
 lasciuum poetam. 659.  
 660.  
 Præceptores puerorum quos  
 libros illis tradere de-  
 beant. 664.d  
 Præceptores qui libros phi-  
 losophorum gentilium  
 discipulis interpretantur,  
 tenentur auditores ad-  
 monere de illis quæ chri-  
 stianæ religioni repu-  
 gnant. 665.b  
 Prædicationis verbi Dei de-  
 fectus est causa multarum  
 hæresum. 558.c  
 Prædicatio verbi Dei est ne-  
 cessaria ad credendum.  
 360.c.d  
 Prædicare non est permit-  
 tendus aliquis, nisi sit  
 prius examinatus. 582.  
 c.d  
 Prædicatores sunt velut ca-  
 nes. 564.c
- Prædicatorum indignitas est  
 sæpe multarum hæresum  
 causa. 569. b. & per to-  
 tum illud cap.  
 Prædicatorem oportet esse  
 doctum, & bonum. 570.  
 c. d  
 Prædicatores indulgètiarum  
 quales esse soleant. 573.a  
 Prædicatores aliqui aliter  
 quàm sentiunt docent ti-  
 more pœnæ, aut spe præ-  
 mij. 579. a  
 Prædicator malè viuens mul-  
 tum nocet. 581.a  
 Præscribere possunt filij hæ-  
 reticorum etiam contra  
 Romanam Ecclesiam si  
 de bonis parentum bona  
 fide sit retentio, spatio 40.  
 annorum. 286.d  
 Principes seculares debent  
 præstare adiutorium eccle-  
 siasticis. 565. & 566  
 Prophetarum nomen com-  
 mune est bonis, & malis  
 prophetis. 414.c  
 Promissa seruare est de le-  
 ge naturæ, & ideo ad il-  
 la seruanda quisque à suo  
 superiore cogi potest.  
 265.a  
 Propositio eadem potest plu-  
 res habere sensus, vnum  
 Catholicum, & alium hæ-  
 reticum. 90. c  
 Propositionum diuersitatem,  
 quarum aliquem hæreti-  
 ca, aliqua erronea, alia te-  
 mer

meraria, alia scandalosa.

23. a. b. 24. c

Protestatio de fide ante assertionē hæresis facta, quando valeat aliquem ab hæreseos nota excusare. 109. & 110. b. c

• Pueri non est committenda animarum cura, quamuis bona de illis habeatur spes. 333. b

Punire sceleratū hominem iudex si negligat, reus erit apud Deum omnium peccatorum, quæ ille commiserit. 170. b

Punitio hominis propter dupplicem causam fieri debet. 254. d

Punitio peccatoris nō solum est utilis ipsi peccatori punito: sed aliis, qui vident. 258. c

Puniendus est quisque in ea re, pro cuius amore peccare voluit. 275. a

Punitio licet aliquando fiat sine culpa, nunquā tamen sine causa, & multæ ibi assignantur cause iustæ, propter quas aliquis sine culpa sua potest puniri. 298. c. d

R

R Eceptores hæreticorum qui dicantur. 166. d

Rector bonus non debet esse austerus. 2. c

Relapsus hæreticus quis dicatur, & quot modis, vide. 241. a. b. & inde

Rerum proprietates agnoscere est sæpe valde necessarium ad verā sacræ scripturæ intelligentiā. 658. d

Rex hæreticus multos à fide auertere potest. 309. 310. a. b. c. d

• Reges Christiani debent esse tanquam nutricij Ecclesiæ. 668. c. d

S

Sacerdos simplex curam animarum habens, oportet ut eas virtutes habeat, quæ sunt Episcopo necessariae. 613. b

Sacerdos verba consecrationis non profert in propria persona, sed in persona Christi. 277. a

Sacerdotes Iudæorum crucifixerunt Christum vocibus, & consilio, quamuis non manibus. 364. c. d

Sacerdotium veteris legis non erat fundatum in fide, sicut papatus, aut Episcopatus in lege Evangelica. 496. d

Sacramentorum ritus, & ordo quem nunc Catholica tenet ecclesia, credendus

- est ab ipso Christo processisse. 37. a
- Sacramenta dicuntur mysteria. 594. c
- Scandalum, quod provenit in proximo ex infirmitate, aut ignorantia, ut quis euitet, tenetur dimittere rem quamlibet bonam, quæ non est illi ad salutem necessaria. 639. a
- Scribere contra hæreticos est bonum & sanctum, quamvis aliquis ex sua malitia inde scandalizetur, eam suscipiens hæresim, quæ illic reprobat. 188. & 189. c. d. a. b
- Scriptura sacra est efficacissima ad probandum propositionem aliquem esse hæreticam. 32. c
- Scripturæ sacræ expositio non est ab hæreticis petenda. 227. a. b
- Scripturæ sacræ mysteria figurantur in puteis, quos fodit Isaac. 558. c. d
- Scripturæ sacræ peruersa intelligentia est omnium ferme hæresum causa. 634. c
- Scripturæ sacræ translatio in linguam vulgarem est multarum hæresum causa. ibidem per totum.
- Scripturam sacram non esse facilem intellectu probatur multis rationibus. 622. & 623
- Scriptura sacra multa habet, quæ in faciem pugnare videntur, ad quæ concilianda opus est multa doctrina. 638. c. d
- Scriptura sacra multa continet, quæ non sunt intelligenda iuxta solam literæ superficiem: sed iuxta mysterium sub literæ cortice latens. 622
- Scripturæ sacræ partem aliquam in linguam vulgarem transferre, bonum esset si illi adderetur comoda expositio. 636. c. & 637. a
- Scriptura sacra in manibus hominis idiotæ, & mali est sicut gladius in manibus furiosi. 628. d
- Scriptura sacra nō fuit olim apud Iudæos omni populo publica: sed soli Levitæ, & scribæ illam habebant. 643. 644.
- Scriptura magis nocere potest, quàm verbum prolatum. 390. c
- Schisma licet sit leuius peccatum, quàm hæresis, gravius tamē punitur à Deo. 22. c
- Scientiæ omnes liberales ad sacræ scripturæ perfectam intelligentiam sunt necessariz. 657. a



# I N D E X

Sedis Apostolicæ definitio in rebus fidei errare non potest: & inde sequitur, ut illa sit efficax ad quamlibet hæresim conuincendam. 38. c

Sedis Apostolicæ sententia qualiter sit discutienda antequam proferatur. 40. c

Sedes Apostolica est iudex in causa fidei. 67. b

• Seruus, qui noluit in hæresim Domini consentire, efficitur liber. 299. a. b

Sortilegi qui dicantur. 12. c  
Sortilegia, quæ sapiunt hæresim, quæ sint. 147. a

Spiritus blasphemie quid sit, vide. 114. c

Spiritus sanctus dicitur postulare gemitibus inenarrabilibus: quia facit postulare, & gemere. 609. b

Strigæ, & Lannæ, quo pacto se dæmoni reddant. 151. a

Strix est avis nocturna. 194. c

Superbia est multarum hæresum causa. 546. d

## T

Tempus gratiæ circa purificationem hæreticorum quale sit vide. 208. c. d

Tempus gratiæ dari solet hæreticis ex antiquissima

ecclesiæ consuetudine. ibidem.

Testis contra hæreticum potest esse alius hæreticus. 318. d

Testis quando teneatur dicere testimoniū. 504. c. d

Testis an teneatur corrigere fraternaliter hæreticum, antequam illum prodatur. ibidem. & per totum cap.

Tyrannis potius quam potestas dicenda est; qui à Deo non est. 440. c. d

Troporum, & figurarum cognitio est necessaria ad perfectam sacre scripturæ intelligentiam. 635. a. b

## V

Verbum Dei est cibum animæ, & potus. 561. a. b

Verbum Dei est lumen animæ. 379. a. b

Verbum Dei prædicandum est iuxta capacitatem audientium, & non amplius. 575. b. 627. & per totum. 127. d

Vindicta respectum habet ad iniuriā, siue veram, siue apparentem, & sine illa non potest dici vindicta. 333. a

Vindictam iniuriæ petens à iudice, à Deo petere censetur. 371. a

## X

# I N D E X.

Umbra diaboli est peccator.

243. a

Vngues, & capilli quid significant in sacra scriptura.

668. d

Voluntas hominis non potest a dæmone cogi. 163.

b. & 230. d


• Vsuras petens ab eo, qui paratus est dare, non peccat: tamen qui petit ab

eo, qui paratus est maleficia exercere, ut aliquod maleficium faciat, peccat. 141. c.

Z

**Z** Izaniorum cum tritico magna est similitudo. 368. c. d


## F I N I S.



LVG'DVNI,

Iacobus Faure

EXCVDEBAT.



1712  
1712















